



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


NYPL RESEARCH LIBRARIES



3 3433 06823933 8







THEOLOGIA DOGMATICO-MORALIS

Secundum Ordinem Catechismi

CONCILII TRIDENTINI.

EDITIO OMNIUM ACCURATISSIMA,

Plurimis ACCESSIONIBUS, & NOTIS, variis EPISTOLIS,
& MONUMENTIS aucta, illustrata, & locupletata.

TOMUS OCTAVUS,

UBI AGITUR

De Virtutibus. De primo, secundo, & tertio
Decalogi Præceptis.

AUCTORE

R. P. F. NATALI ALEXANDRO

Ordinis FF. Prædicatorum, in sacra Facultate Pari-
fienfi Doctore, & emerito Theologiæ
Professore.



Typis Principalis Monasterii B. V. M. Finsidlenfis,
Per Franciscum Xaverium Kalin. Anno MDCCLXXI.

100-100000
100-100000
390260
100-100000 AND
100-100000
1007



THEOLOGIÆ DOGMATICÆ, ET MORALIS SECUNDUM ORDINEM CATECHISMI

Concili Tridentini

LIBER TERTIUS.

TRACTATUS DE VIRTUTIBUS.



Tractatui de peccatis brevem de Virtutibus Tractatum subnectere visum est, ne quid huic operi deesse videatur eorum, quæ viros ecclesiasticos nosse oportet. Non solum enim in vitiis evellendis, sed in virtutibus excolendis, & irrigandis ministerium nostrum positum est.

CAPUT PRIMUM.

De Virtutibus in genere.

ARTICULUS PRIMUS:

Quid sit Virtus.

Virtus est animi habitus bonum faciens habentem, & opus ejus bonum reddens; Seu *Habitus natura modo, atque rationi consentaneus, qui animam facit optimam.* Quæ definitio colligitur ex *S. August.* lib. qu. 83. qu. 31. & lib. *De moribus Ecclesie catholice*, cap. 6. Sive, *Virtus est bona qualitas mentis, qua recte vivitur.*

2 Theol. Dog. & Moral. Lib. III.

ur, qua nullus male utitur, quam Deus in nobis sine nobis operatur. Quæ quidem definitio ex verbis S. Augustini variis in locis compacta, traditur a S. Thoma, 1. 2. qu. 55. art. 4. Virtutibus quidem aliquando male utuntur homines ut objectis, cum de ipsis male sentiunt, cum illas contemnunt, cum de ipsis superbiunt, sed nunquam ipsis male uti possunt, ut principis mali usus: „ Quia opus virtutis est bonus usus „ istorum, quibus etiam non bene uti possumus; nec „ mo autem bene utendo male utitur „ (inquit S. Augustinus; lib. 2. De libero Arbitrio, cap. 19.)

A R T I C U L U S II.

Quotuplex sit Virtus.

[†]
Virtutes
Theologi-
cat.

I. **V**irtutum aliæ humanæ sunt, ordinisque naturalis, si objecta illarum spectemus, quia versantur circa aliquid, quod humana ratione comprehendere potest, hominemque perficiunt intra fines naturæ, & rationis humanæ; aliæ divinæ sunt, ac supernaturales, quæ *Theologica* nuncupantur. Tres omnino sunt, scilicet *Fides*, *Spes*, & *Charitas*, ex Apostolo 1. ad Corinth. 13. *Nunc autem manent fides, spes, charitas; tria hæc; major autem horum est charitas.* Theologicæ dicuntur, primo, quia Deum ut proprium, & immediatum objectum attingunt, non solum ut finem ultimum, ad quem referuntur cæteræ virtutes, non

De Virtutibus.

3

tiam filiis Dei per Jesum Christum misericorditer promissam ; & tanquam mercedem ex ipsius Dei promissione bonis ipsorum operibus fideliter reddendam (ut loquitur sacra Synodus Tridentina , sess. 6. cap. 16.

Charitas est virtus a Deo infusa , qua Deus propter se ipsum sincere , & super omnia diligitur , & proximus propter Deum. Sive , Matus animi ad fruendum Deo propter ipsum , & se , atque proximo propter Deum (ut loquitur S. Augustinus . lib. 3. De Doctrina Christiana , cap. 10.)

De Fide , Spe , & Charitate egimus lib. 1. & lib. 4. istius operis ; nunc virtutum cæterarum tractationem aggredimur.

II. Virtutes humanæ , aliæ mentem , aliæ appetitum perficiunt. Illæ *Intellectuales* , istæ *Morales* a Theologis appellantur. In primo ordine recensentur *Intelligentia* , *Sapientia* , *Scientia* , quæ mentem in veri speculatione ; *Ars* & *Prudentia* , quæ eandem perficiunt cum ordine ad opus. De primis illis quatuor virtutibus , quæ minus proprie virtutes dicuntur , quia nemo illis simpliciter , & absolute fit bonus , non agimus impræsentiarum ; ad Logicos , non ad Theologos earum consideratio pertinet. Unam ex intellectualibus illis virtutibus prudentiam præsentī tractationi reservamus , quia non solum tribuit boni operis facultatem , sed & usum , rectamque voluntatem omnino requirit. Quamobrem nemo vere prudens est , qui non sit vir probus.

Virtutes intellectuales , & morales.

III. *Virtus moralis est habitus a Deo datus homini , ad honestos mores , seu honestas actiones , secundum legis divinæ præscriptum inclinans , propter charitatem in Deum.* Sicut enim pravis habitibus conformatur huic seculo , sic virtutum habitibus mens hominis renovata Deo conformatur , ut probet , quæ sit voluntas Dei bona , & beneplacens , & perfecta (ut loquitur Apostolus .) Vera virtus Dei donum est , uni Deo servit , ad ipsum unum , ut ad finem , refertur , quod sine charitate fieri non potest. Theologice , non Philosophice de virtutibus loquimur . „ „ Non absurde virtus definita est ab eis , qui dixerunt , virtus est animi

Quid sit virtus moralis.

Rom. 12. Veræ non sunt virtutes , nisi quæ uni Deo serviant.

habitus, naturæ modo, atque rationi consentaneus. Verum dixerunt, sed quid sit consentaneum liberandæ, ac beatificandæ naturæ mortalium nescierunt. Neque enim omnes homines naturali instinctu immortales, & beati esse vellemus, nisi esse possemus. Sed hoc summum bonum præstari hominibus non potest nisi per Christum, & hunc crucifixum, cujus morte mors vincitur, cujus vulneribus natura nostra sanatur. Ideo justus ex fide Christi vivit. Ex hac enim fide prudenter, fortiter, temperanter, & juste, ac per hoc his omnibus veris virtutibus recte, sapienterque vivit, quia fideliter vivit. Si ergo ad consequendam veram beatitudinem, quam nobis immortalem fides, quæ in Christo est, vera promittit, nihil profunt homini virtutes, nullo modo veræ possunt esse virtutes... Absit, ut virtutes veræ cuiquam serviant, nisi illi, vel propter illum, cui dicimus: *Deus virtutum converte nos*. Proinde virtutes, quæ carnalibus delectationibus, vel quibusque commodis, & emolumentis temporalibus serviunt, veræ prorsus esse non possunt. Quæ autem nulli rei servire volunt, nec ipsæ veræ sunt. Veræ quippe virtutes Deo serviunt in hominibus, a quo donantur hominibus, Deo serviunt in Angelis, a quo donantur & Angelis „ „ Verba sunt *S. Augusti.* lib. 4. *Contra Julianum*, cap. 3.

Non sunt
veræ virtu-
tes absque
vera reli-
gione.

Idem argumentum tractat lib. 19. *De civitate Dei* cap. 25. probatque, non posse veras esse virtutes, ubi non est vera religio. „ „ Quamlibet (*inquit*) videatur animus corpori, & ratio vitiis laudabiliter imperare; si Deo animus, & ratio ipsa non servit, sicut sibi serviendum esse Deus ipse præcipit, nullo modo corpori, vitiisque recte imperat. Nam qualis corporis, atque vitiorum potest esse mens domina, veri Dei nescia, nec ejus imperio subjugata, sed vitiosissimis dæmonibus corrumpentibus prostituta? Proinde virtutes, quas sibi habere videtur, per quas imperat corpori, & vitiis ad quodlibet adipiscendum, vel tenendum, nisi ad Deum retulerit, etiam ipsæ vitia sunt potius, quam virtutes. Nam licet a quibus-

De Virtutibus.

busdam tunc veræ, & honestæ putentur esse virtutes, cum ad se ipsas referuntur, nec propter alias expetuntur; etiam tunc inflatæ, ac superbæ sunt; & ideo non virtutes, sed vitia judicanda sunt. Sicut enim non est a carne, sed super carnem, quod carnem facit vivere; sic non est ab homine, sed super hominem, quod hominem facit beate vivere; nec solum hominem, sed etiam quamlibet potestatem, virtutemque coelestem.

IV. Virtutum moralium quædam sunt directrices operationum, aliæ sunt affectionum, & perturbationum animi, seu (ut vulgo loquimur) passionum moderatrices. Primi generis sunt iustitia, & partes ejus; secundi generis sunt fortitudo, & temperantia, ipsique subjectæ, vel adjunctæ virtutes.

S. Th. 1. 2.
quæst. 69.

V. Celeberrima virtutis partitio est in quatuor *Virtutes Cardinales*, ita nuncupatas, quod sint tanquam aliarum fontes, & cardines, quemadmodum ostium in cardine, sic omnis honestæ vitæ ratio in illis versetur, bonique operis structura eisdem inniti quodammodo videatur. Quatuor vero numerantur ejusmodi virtutes, scilicet *Prudentia*, *Iustitia*, *Temperantia*, & *Fortitudo*. De quibus Sapientiæ 8. scriptum est: *Sobrietatem, prudentiam docet, & iustitiam, & virtutem, quibus utilius nihil est in vita hominibus*. Ubi per sobrietatem temperantia, per virtutem fortitudo non obscure designatur, ut observat S. August. lib. 1. *Retractionum*, cap. 8. Illas quatuor Paradisi fluvius adumbratas SS. Patres interpretantur; scilicet.

Quatuor
virtutes
cardinales.

S. Ambrosius, lib. *De Paradiso*, cap. 3. „Sicut ergo (inquit) fons vitæ est sapientia, fons gratiæ spiritalis; ita fons virtutum est cæterarum, quæ nos ad æternæ cursum dirigunt vitæ. Ex hac igitur anima, quæ culta est, non ex ea, quæ inculta, fons iste procedit, ut irriget paradisum, hoc est, quædam diversarum fruteta virtutum, quarum sunt quatuor initia, in quæ sapientia ista dividitur. Quæ sunt quatuor initia virtutum, nisi unum prudentiæ, aliud

6 Theol. Dog. & Moral. Lib. III.

temperantiæ, tertium fortitudinis, quartum justitiæ?
&c. » » »

S. Augustinus, lib. 2. *De Genesi Contra Manichæos*,
cap. 10. » » Flumen, quod procedebat ex Eden, di-
viditur in quatuor partes, & quatuor virtutes signi-
ficat, prudentiam, fortitudinem, temperantiam, ju-
stitiam. . . Prudentia ergo, quæ significat ipsam con-
templationem veritatis, ab omni ore humano aliena-
nam, quia est ineffabilis, quam si eloqui velis, par-
turis eam potius, quam paris, quia ibi audivit, &
Apostolus ineffabilia verba, quæ non licent homini lo-
qui. Hæc ergo prudentia terram circumit, quæ ha-
bet aurum, & carbunculum, & lapidem prasinum,
id est, disciplinam vivendi, quæ ab omnibus terre-
nis sordibus quasi decocta nitescit, licet aurum opti-
mum; & veritatem, quam nulla falsitas vincit, sicut
carbunculi fulgor nocte non vincitur; & vitam æter-
nam, quæ viriditate lapidis prasini significatur, pro-
pter vigorem, qui non arefcit. Fluvius autem ille,
qui circuit terram Æthiopiam multum calidam, at-
que ferventem, significat fortitudinem calore actionis
alacrem, atque impigram. Tertius autem Tygris va-
dit contra Assyrios, & significat temperantiam, quæ
resistit libidini, multum adversanti consiliis pruden-
tiæ. Quartus fluvius, non dictum est, contra, quid va-
dat, aut quam terram circumeat: Justitia enim ad
omnes partes animæ pertinet, quia ipsa ordo, &

De Virtutibus.

plicans quatuor angulos domus, in qua filii Job epulabantur, & quam ventus vehemens concussit; „ „ In quatuor (*inquit*) angulis domus ista consistit; quia solidam mentis nostræ ædificium prudentia, temperantia, fortitudo, justitia sustinet. In quatuor angulis domus ista consistit; quia in his quatuor virtutibus tota boni operis structura confurgit. Unde quatuor paradisi flumina terram irrigant; quia dum his quatuor virtutibus cor infunditur, ab omni desideriorum carnalium æstu temperatur. Sed nonnunquam dum menti ignavia subrepat, prudentia frigescit; nam cum fessa torpet, futura non providet. Nonnunquam dum nonnulla menti delectatio subrepat, temperantia nostra marcescit. In quantum enim ad delectationem præsentium ducimur, in tantum minus ab illis temperamus. Nonnunquam se timor cordis insinuat & vires nostræ fortitudinis turbat; & eo minores contra adversa existimus, quo quædam perdere immoderatus dilecta formidamus. Nonnunquam vero amor sui se menti ingerit, eamque latentem motu a rectitudine justitiæ divertit; & quo se totam auctori reddere negligit, eo in se justitiæ juri contradicit. Ventus ergo vehemens quatuor angulos domus concutit; dum fortis tentatio occultis motibus quatuor virtutes quatit; & quasi quassatis angulis domus obruitur, dum pulsatis virtutibus, conscientia turbatur. Intra hos autem quatuor domus angulos filii convivantur; quia intra arcana mentis, quæ principaliter his quatuor virtutibus ad summæ rectitudinis culmen erigitur, virtutes cæteræ quasi quædam cordis soboles se invicem pascunt „ „.

CAPUT II,

De Virtutibus Cardinalibus,

ARTICULUS PRIMUS,

Quo Virtutum istarum natura explicatur.

Prudentia est virtus, qua secundum honesti rationem, divinaeque legis praescriptum, quid expetendum, quidve fugiendum sit, homini praestituit.

Iustitia est virtus, cuique tribuens, quod suum est,

Fortitudo est virtus, qua labores, mortisque pericula propter Deum constanter suscipiuntur, & perferuntur.

Temperantia est virtus, voluptatum carnis, qua gustu, castuque percipiuntur, moderatrix.

A S. Augustini definitionibus istae non multum ab-
ludunt. Sic enim virtutes illas definit lib. *De di-*
versis Quaestionibus 83. qu. 31. §1. & lib. 1. *De li-*
bero arbitrio, cap. 13.

Prudentia est appenderum, & vitandarum rerum scientia,

*Iustitia est virtus, qua sua cuique tribuuntur. Si-
ve; Est habitus animi communi utilitate conservata,
suam cuique tribuens dignitatem,*

*Fortitudo est virtus, qua omnia incommoda, & dam-
na rerum in nostra potestate constitutarum contemni-
mus. Sive: Firmitas animi adversus ea, qua tempora-
liter molesta sunt,*

10 Theol. Dog. & Moral. Lib. III.

non putavit. Adverte hic omnes virtutes quatuor in uno facto. Fuit sapientiæ, Deo credere, nec filii gratiam anteferre auctoris præcepto; fuit iustitiæ, acceptum reddere; fuit fortitudinis, appetitum ratione cohibere. Ducebat hostiam pater, interrogabat filius, tentabatur affectus paternus, sed non vincebatur. Repetebat filius appellationem paternam, compungebat paterna viscera, sed non minuebat devotionem. Accedit quarta virtus, temperantia. Tenebat iustus & pietatis modum, & executionis ordinem. Denique dum sacrificio necessaria vehit, dum ignem adolet, dum filium ligat, dum gladium educit, hoc immoland: ordine meruit, ut filium reservaret. Quid sapientius S. Jacob, qui Deum vidit facie ad faciem, & meruit benedictionem? Quid iustius, qui ea, quæ acquisierat, oblatiis muneribus cum fratre divisit? Quid fortius, qui cum Deo luctatus est? Quid modestius eo, qui modestiam ita & locis, & temporibus deferebat, ut filiae injuriam mallet prætexere conjugio, quam vindicare; eo quod inter alienos positus amoris potius consulendum, quam odia colligenda censebat? Noe quam sapiens, qui tantam fabricavit arcam? Quam iustus, qui ad semen omnium reservatus, solus ex omnibus & præteritæ generationis superstes est factus, & auctor futuræ, mundo potius, & universis magis, quam sibi natus? Quam fortis, ut diluvium vinceret? Quam

virtutum est; ut justus æqualem se inferioribus præstet. ~~dolum~~ excludat, ~~veritatem~~ requirat. *Beati, qui nunc fletis, quia ridebitis.* Habes prudentiam, cujus est flere occidua, & ea, quæ æterna sunt quærere; lugere secularia, quæ seipsa compugnent: Deum pacis inquirere, qui stultitia mundi elegit, ut confundat sapientes; & qui ea, quæ non sunt destruat, ut quæ sunt possit adipisci. *Beati eritis, cum vos oderint homines.* Habes fortitudinem, sed eam, quæ non odium mereatur ex crimine, sed persecutionem patiat ex fide; sic enim ad passionis pervenitur coronam, si gratiam hominum negligas, divinam sequaris. Denique, ut scias consummationem esse fortitudinis passionem: *Secundum hæc (inquit) faciebant Prophetis patres eorum;* quia Prophetas Judæi usque ad mortem corporis persecuti sunt. Est etiam fortitudinis iram vincere, indignationemque cohibere; ac per hoc fortitudo animum juxta, corpusque confirmat, nec perturbari sinit timore aliquo, vel dolore; quibus velut pravis interpretibus plerumque percellimur. Ergo temperantia cordis habet, animique munditiam, justitia misericordiam, pacem prudentia, mansuetudinem fortitudo „ „.

Quatuor illas virtutes a Christo, ut a causa effectrice pariter, & exemplari in Christianorum animos derivari ostendit *S. Bernard.* Serm. 22. in Cant. „ „ Frustra (*inquit*) hujus seculi sapientes de quatuor virtutibus tam multa disputaverunt, quas tamen apprehendere omnino nequiverunt, cum illum nescierint, qui factus est nobis a Deo sapientia, docens prudentiam, & iustitia, delicta donans, & sanctificatio, in exemplum temperantiæ continenter vivens, & Redemptionis, in exemplum patientiæ fortiter moriens... Quid vobis cum virtutibus, qui Dei virtutem Christum ignoratis? Ubinam, quæro, vera prudentia, nisi in Christi doctrina? Unde vera iustitia, nisi de Christi misericordia? Ubi vera temperantia, nisi in Christi vita? Ubi vera fortitudo, nisi in Christi Passione? Soli ergo, qui ejus doctrina imbuti sunt, prudentes dicendi sunt;

Christus
quatuor
virtutum
cardinalis
auctor, &
exemplar.

solī iusti , qui de ejus misericordia veniam peccatorum consecuti sunt ; solī temperantes , qui ejus vitam imitari student ; solī fortes , qui ejus patientiæ documenta fortiter in adversis tenent. Incallum proinde quis laborat in acquisitione virtutum , si aliunde eas sperandas putat , quam a Domino virtutum ; cujus doctrina seminarium prudentiæ ; cujus misericordiarum opus justitiæ ; cujus vita speculum temperantiæ ; cujus mors insigne est fortitudinis „ „

Virtutum
cardinaliū
necessitas.

Luc. 16. 25.

Hæ quatuor virtutes , quam necessariæ sint homini christiano , docet idem Doctor mellifluus , in Tractatu *De Conversione ad Clericos* , cap. 10. „ „ Opus est (*inquit*) fortitudine adversus tentamenta peccati , ut rugienti leoni resistamus fortes in fide , & ignita ipsius jacula hoc ipso clypeo viriliter repellamus. Opus est justitia , ut operemur bonum. Opus prudentia , ne cum fatua virginibus reprobemus. Opus denique temperantia , ne voluptatibus indulgentes , audiamus aliquando , quod miser ille epularum pariter , & vestium splendore finito , dum misericordiam precaretur , audivit : *Memento , fili , quod recepisti bona in vita tua , & Lazarus similiter mala ; nunc autem hic consolatur , tu vero cruciaris* „ „

Quatuor
modis itur
in consilio
impiorum.

Et Serm. 72. *De Diversis* , alias 35. ex *Parvis* , explicans versum illum Psalm. 1. *Beatus vir , qui non abiit in consilium impiorum* ; ait ad hoc consilium quatuor modis tendi. „ „ Quidam enim trahuntur inviti , alii attrahuntur illecti , alii seducuntur ignari , alii sequuntur spontanei. Istis necessariæ sunt quatuor virtutes , per quas armati resistant , ne in consilio eant. Invitis necessaria est fortitudo , qua resistant usque ad mortem minis , cruciatibus , & damnis. Illi , qui attrahuntur illecti , indigent temperantia , quæ reprimit illicita desideria , nec cedit promissionibus , nec emollitur blanditiis. Illis , qui seducuntur ignari , est opus prudentia , quæ ab utilibus inutilia discernit , & docet quid tenendum , quidve rejiciendum sit. Justitia indigent illi , qui sequuntur ipon-

spontanei. Justitia est rectitudo voluntatis, quæ nec amat peccare, nec peccato consentit „ „

Denique has virtutes esse connexas, & in medietate quodam seu medio convenire, quod ita cunctis conterminum est, ut proprium videatur singularum, docet lib. 1. *De Consideratione*, cap. 8.

Virtutes
cardinales
connexæ.

„ „ Fortitudinis matrem esse prudentiam, nec fortitudinem, sed temeritatem esse quemlibet ausum, quem non parturivit prudentia. Hæc item est, quæ inter voluptates, & necessitates media quasi quædam arbitra sedens, utrinque certis limitibus determinat fines, istis assignans, & præbens, quod sat est; illis, quod nimis est, demens, & sic ex alterutro tertiam formans virtutem, quam dicunt temperantiam. Nempe intemperantem ipsa consideratio censet tam eum, qui necessariis pertinaciter demit, quam qui indulget superfluis. *Sed nec justitia solitaria est.* Nam cum justitiæ dicatur portio, quod sibi non vult fieri quis, alii non facere; porro perfectio, quod ait Dominus: *Quaecunque vultis, ut faciant vobis homines, & vos facite illis*; neutrum horum erit, nisi ipsa voluntas sic ordinata fuerit, ut nec velit aliquid superfluum, nec necessarium quid superstitiose nolit, quod quidem temperantiæ est.

Denique & ipsi justitiæ, ut justa sit, temperantia modum imponit. *Noli nimium esse justus*, ait Sapiens, ostendens per hoc minime approbandam justitiam, quæ temperantiæ moderamine non frænetur. Quid quod, & ipsa sapientia hoc temperantiæ frænum non respuit, dicente Paulo: *Non plus sapere, quam oportet sapere, sed sapere ad sobrietatem?*

Matth. 7.

Eccl. 7.

Sed & e converso, quod temperantiæ necessaria justitia sit, ostendit Dominus arguens in Evangelio illorum temperantiam, qui abstinebant, ut viderentur hominibus jejunantes. Erat in cibo temperantia, sed non justitia in animo, quia non Deo placere, sed hominibus intendebant. Quomodo rursus vel ista, vel illa sine fortitudine, cum constet fortitudinis esse non mediocris, cohibere velle, & nolle suum

Rom. 12.

suum

14 Theol. Dog. & Moral. Lib. III.

suum inter angustias, parum, & nimis; ut sit contenta voluntas modo illo medio, nudo, puro, solo, constante sibi, æquali undique sui, utpote ex omni parte pariter circumciso, quem solum constat esse virtutis. Dico mihi, quæso, si potes, cuinam potissimum trium harum virtutum medullium hoc dandum censeas, quod ita cunctis conterminum est, ut videatur proprium singularum? An ipsum virtus est, & nihil aliud? Sed sic virtus non esset multiplex, sed essent omnes una. An potius, quia sine eo virtus non est, omnium quodammodo intima vis una est, & medulla virtutum, in qua sic uniuntur, ut proinde una videantur omnes, præsertim, quod non illud participando communicant, sed totum a singulis, atque integrum possidetur? Verbi causa; quid tam justitiæ quam modus? Alioquin si quid extra modum relinquit, non plane cuique tribuit, quod suum est. Quod tam rursus temperantiæ, quæ non aliunde profecto temperantia est, nisi quod nil immoderatum admittit? Sed puto, fatere etiam non minus esse fortitudinis, cum vel maxime ipsa sit, quæ vel ab irrudentibus vitiis, & quasi hinc inde suffocare conantibus, purum illud potentet eruit, & vindicat in quoddam stabile fundamentum boni, sedemque virtutis. Ergo modum tenere, justitia est, temperantia est, fortitudo est. Sed vide, ne in hoc differant, ut justitiæ quidem

ut qui una caruerit , omnibus careat. Neque vero huic doctrinæ repugnat , quod lib. 1. *Contra Pelagianos*, cap. 7. ait : *Nullus Sanctorum , quamdiu in isto corpusculo est , cunctas potest habere virtutes*. Id unum enim significat , non esse æquales in omnibus , sed alios aliis virtutibus excellere , quamvis omnes habeat , qui unam habet. Significat , neminem hominem , quantumvis sit justus , perfectum esse , quamdiu hic mortalem vitam agit. In eo versatur , ut probet : „ Non solum ad comparisonem divinæ Majestatis homines nequaquam esse perfectos , sed ne Angelorum quidem , & cæterorum hominum , qui virtutum culmina conscenderunt ; cum & tu , qui melior es alterius collatione , quem imperfectum esse monstraveris , rursus ab alio te præeunte vincaris ; ac per hoc non habeas veram perfectionem , quæ si perfecta sit , nulla re indiget. *Et paulo post : Quamdiu habemus thesaurum istum in vasis fictilibus , & fragili carne circumdamur , imo mortali , & corruptibili , beatos esse nos credimus , si in singulis virtutibus , partibusque virtutum Deo subjecti sumus ; cum autem mortale hoc indutum fuerit immortalitate , & corruptivum hoc incorruptione vestitum , & absorpta mors fuerit in Christi victoria ; tunc erit Deus omnia in omnibus ; ut non sit tantum in Salomone sapientia , in David animi mansuetudo , in Elia , & Phinees zelus , in Abraham fides , in Petro perfecta dilectio , in electionis vase studium prædicandi , & in cæteris bina , vel trina , sed totus in cunctis sit , & omni virtutum choro Sanctorum numerus glorietur , & sit Deus omnia in omnibus „* *Objicit Critobulus Interlocutorum aliter : „ Nullus ergo Sanctorum , quamdiu in isto corpusculo est , cunctas potest habere virtutes ? Respondet Atticus : Nullus : quia nunc ex parte prophetamus , & ex parte cognoscimus. Critob.* Et quomodo legimus : Qui unam habuerit , omnes videtur habere virtutes ? *Atticus.* Participatione , non proprietate ; necesse est enim , ut singuli excellant in quibusdam. Et tamen hoc , quod legisse te dicis , ubi scriptum sit ,

16 Theol. Dog. & Morah. Lib. III.

nescio. *Critob.* Ignoras hanc Philosophorum esse sententiam? *Atticus.* Sed non Apostolorum. Neque enim mihi curæ est, quid Aristoteles, sed quid Paulus doceat. *Critob.* Obsecro te, nonne Jacobus Apostolus scribit, qui in uno offendit, eum esse omnium reum? *Atticus.* Ipse locus interpretatur. Non enim dixit, unde cœperat disputatio; qui divitem pauperi in honore prætulit, reus est adulterii, vel homicidii; in hoc enim delirant Stoici, paria contententes esse peccata; sed ita; qui dixit, non mœchaberis, dixit, & non occides; quod etsi non occidis, mœcharis tamen, factus es transgressor legis. Levia cum levibus, & gravia cum gravibus comparantur, nec ferula dignum vitium, gladio vindicandum est; nec gladio dignum scelus ferula coercendum. *Tum paulo post Atticus:* Quis non vult facere, quod perfectum est? aut quis non cunctis cupiat florere virtutibus? Si totum requiris ab omnibus, tollis rerum diversitatem, & gratiarum distantiam, & Creatoris artificis varietatem, cujus sacro Propheta sonat carmine: *Omnia in sapientia fecisti.* Indignetur lucifer, quare fulgorem lunæ non habeat. Luna super suis defectibus, & labore causetur, cur annum solis circulum singulis mensibus expleat. Sed queratur, quid offenderit, ut lunæ cursu tardior sit. Clamemus & nos homunculi, quid causæ extiterit, ut homines, & non Angeli tacti finis. . . Vestrum decretum huc usque perveniet, ut

Phil. 103.

Epistola ad Ephesios. „ Nunc (*inquit*) Deus per partes in singulis est; in alio iustitia, in alio castitas, in alio sapientia, in alio fortitudo; & difficile est etiam in sanctis viris, atque perfectis omnes pariter esse virtutes. Cum autem in fine rerum, & consummatione mundi ei fuerint universa subiecta, adimplebit omnia in omnibus; ut juxta id, quod Deus est cunctis virtutibus plenus, omnia in omnibus adimpleantur, & sint universi habentes omnia, quæ antea singuli singula possidebant „ Quamvis itaque connexæ sint inter se virtutes, & qui unam habet, cæteris sit ornatus; non sunt in iustis ipsis æquales, & modis omnibus perfectæ; sed perfectus erit illarum status in coelesti beatitudine, cum Deus erit omnia in omnibus.

ARTICULUS II.

De Prudentia, ejusque Partibus, & Officiis.

§. I. *Partes subiectæ, sive species Prudentiæ.*

I. **P**rimus officii fons prudentia est (*inquit S. Ambros.* lib. I. *De Officiis*, cap. 27.) Alia Politica est, S. Th. 2. 2.
qu. 10. alia Oecumenica, alia Monastica. Prima in bonum reipublicæ, secunda in bonum familiæ; terti in bonum privatum intendit. Prima vel *Regnatricis* est in Rege, de qua *Jerem.* 23. dicitur: *Regnabit Rex, & sapiens erit, & faciet judicium, & justitiam in terra.* Et *Sap. 6.* *Rex sapiens est balimentum populi est.* Vel *Militaris* in belli Ducibus, quæ hostium repellendis insultibus invigilat; de qua *Proverb. 24.* dicitur: *Cum dispositione incipit bellum, & erit salus, ubi sunt multa consilia.* Et *Sap. 6.* *Melior est sapientis, quam vires, & vir prudens, quam fortis.* Vel *Obsequens* in subditis, in iis, quæ bonum commune spectant. Homines enim servi, vel quicumque subditi ita aguntur ab aliis per præceptum, ut tamen seiplos agant per liberum arbitrium; & ideo requiritur in eis rectitudo quædam regiminis, qua seiplos dirigant obediendo Principibus, & iis, qui rempublicam moderantur.

¶ Theol. Dog. & Moral. Lib. III.

antur; quod pertinet ad prudentiam politicam. Hæ partes sunt subiectæ prudentiæ, sive illius species.

§. II. *Prudentia Officia.*

§. Th. 2. 2. II. **O**fficia prudentiæ, sive actus illius, sunt 1. **R**ectum consilium de rebus agendis inire, quærere, accipere, vel dare: 2. De iisdem recte judicare, sive secundum Regulas communes, sive secundum altiora principia, ubi illas deficere contingit: 3. Recte præcipere. Et hic quidam postremus actus prudentiæ moralium virtutum reginæ proprius est; alii vero ad virtutes prudentiæ annexas, & affines spectant. Optimi consilii in omnibus operibus nostris, maximeque in rebus ad animæ salutem pertinentibus necessitatem docet Spiritus sanctus Proverb. 12. *Via stulti recta in oculis ejus, qui autem sapiens est, audit consilia.* Et cap. 13. *Inter superbos semper jurgia sunt; qui autem agunt omnia cum consilio, reguntur sapientia.* Eccles. 32. *Fili, sine consilio nihil facias, & post factum non penitebis.* Et cap. 37. *Ante omnia opera verbum verax præcedit te, & ante omnem actum consilium stabile.* Hac virtute instructus *Gerbro* pater *Moyſis*, optimum illi consilium dedit de populi Israëlitiçi gubernatione (Exod. 18. 17.) Hac instructus *Nathan* Propheta salutare consilium dedit *Bethſabee* matri *Salomonis*, ut regnum filio a *Davide* impetraret. (3. Reg. 1. 12.) Hac virtute *Moyſes*, Sa-

& lex illi fidelis. Recti iudicii est, e duobus malis minus eligere, quod de malis culpæ non est intelligendum; peccata enim omnia fugienda sunt, cum illa Deus prohibeat, nullum eligendum est, sed de malis poenæ. Sic Davidi, cum numerato populo peccasset, obtulit Dominus optionem triplicis poenæ, nempe, vel septennis famis in toto regno, vel belli, quo fugeret tribus mensibus coram hostibus suis, vel triduanæ pestis. *Dixit autem David ad Gad: Coar-* 2. Reg. 24.
14.
hor nimis; sed melius est, ut incidam in manus Domi-
ni (multa enim misericordia ejus sunt) quam in ma-
nus hominum. Immisitque Dominus pestilentiam in Is-
rael. Recte præcipitur, quod legi divinæ, aut Ec-
clesiæ, Principumque legibus secundum Deum la-
tis non repugnat, & ad finem consequendum con-
ducibile est, maxime vero ad finem vitæ æternæ,
propter quam Principes, & Superiores quique præ-
cipere, & subditi parere debent.

III. Illis solum consiliis confidendum est, quæ A quibus
quæren-
dum consi-
lium.
iustitia, & prudentia nituntur. „ „ Quis enim ei se
committat, quem non putet plus sapere, quam ipse
sapiat, qui quærit consilium? Necessè est igitur, ut
præstantior sit, a quo consilium petitur, quam ille
est, qui petit. Quid enim consulas hominem, quem
non arbitreris posse melius aliquid reperire, quam
ipse intelligit? Quod si eum inveneris, qui vivaci-
tate ingenii, mentis vigore, atque auctoritate præ-
stet, & accedat eo, ut exemplo, & usu paratior
sit, præsentia solvat pericula, prospiciat futura, de-
nuntiet imminetia, argumentum expediat, reme-
dium ferat in tempore, paratus sit non solum ad
consulendum, sed etiam ad subveniendum; huic ita
fides habetur, ut dicat, qui consilium petit: *Etsi mala* Eccl. 22. 31.
mibi evenerint per illum, sustineo. Hujusmodi igitur
viro salutem nostram, & existimationem commit-
timus, qui sit justus, & prudens. Facit enim iusti-
tia, ut nullus sit fraudis metus; facit etiam pruden-
tia, ut nulla sit erroris suspicio „ „ (*inquit S. Am-*
brosius, lib. 2. De Officiis, cap. 8.) Morum probi-
tate,

tate, & integritate florere illum necesse est, a quo consilium quaeris. „ Quomodo enim cum potes judicare consilio superiorem, quem videas inferiori moribus? Supra me debet esse, cui me committere paro. An vero idoneum eum putabo, qui mihi det consilium, quod non det sibi, & mihi eum vacare credam, qui sibi non vacet; cujus animum voluptates occupent, libido devincat, avaritia subjuget, cupiditas perturbet, quatiat metus? Quomodo hic consilii locus, ubi nullus quieti? . . Omnia operatur prudentia, cum omnibus bonis habet consortium. Nam quomodo potest utile consilium dare, nisi habeat iustitiam, ut inducat constantiam, mortem non formidet, nullo terrore, nullo revocetur metu, nulla adulatione a vero desistendum putet; exilium non refugiat, qui noverit sapienti patriam mundum esse; egestatem non timeat, qui nihil deesse sapienti sciat, cui totus mundus divitiarum est? Quid enim præcellus illo viro, qui auro moveri nesciat, contemptum habeat pecuniarum, & velut ex arce quadam despiciat hominum cupiditates „? Ab huiusmodi viro consilium quaere, a viro (inquam) prudente, probo, benevolo, facili. Si quis enim sapiens est, difficili tamen accessu, idem est, ac si aquæ fontem præcludat (inquit S. Ambrosius, cap. 12. & 14. ejusdem libri.)

§. III. Partes integrantes Prudentia.

9 August. IV. **P**artes velut integrantes prudentiæ, sine quibus videlicet perfectus istius virtutis actus esse non potest, sunt. *Memoria, Intelligentia, Providentia, Solertia, Docilitas, Ratio, Circumspectio, Cautio, sollicitudo.*

Memoria. *Memoria* est, qua repetit animus illa, quæ olim gesta sunt, vel evenerunt. Non sumitur hic pro naturali facultate, sed pro studiosa recordatione præteritorum eventuum, & negotiorum, quibus mediis acta sint, quos exitus habuerint. Experimento scilicet plurimum juvatur prudentia, & ex præteritis argu-

gumentum sumit, qui probetur in similibus negotiis, rerumque circumstantiis, quæ faustum exitum habuerunt, eodem modo agendum; vel alio modo in iis, quorum infaustus fuit exitus ex hominum imprudentia, & mediorum congruorum defectu. Contingit enim interdum, ut res male cedant, quamvis optimo consilio susceptæ sunt, mediisque convenientibus, & prudentia lingulari gestæ, ex defectu causarum, quæ non sunt in nostra potestate, & ita volente, ac decernente Deo. Unde scite ab antiquo Poeta dictum est

. Careat successibus opto,
Quisquis ab eventu facta nosanda putat.

Intelligentia, est, qua homo ea perspicit, quæ sunt; Intelligentia. sive, accurata, & solers consideratio, qua intelligitur, quid in unaquaque actione, atque adeo in totius vitæ ratione Deo acceptum, ac prout honestum, seu decens, atque utile sit; & e contrario quid Deo displiceat, ac prout, quid inhonestum, dedecens, ac damnosum sit. Hinc dicitur *Intellectus prudentia*: (Eccles. 1.) & alibi; *Spiritus intelligentia*. De quo Sap. 7.
Eccl. 19. scriptum est Deuter. 4. *Hæc est vera sapientia, & intellectus coram populis, ut audientes universi præcepta hæc, dicant: En populus, sapiens, & intelligens, gens magna.* Intelligentia quoque perspicit vir prudens, quæ sint aliorum consilia; quamvis enim adeo profundæ sint hominis cogitationes, ut nemo eas noverit nisi spiritus hominis, qui in ipso est, eas tamen, quantum conjecturis potest, vir prudens rimatur, observat, explicatur, secundum illud Prov. 20. *Sicut aqua profunda, sic consilium in corde viri; sed homo sapiens exhauriet illud.*

Providentia, est, qua futurum aliquid ante videtur, Providentia. quam factum sit; & idonea media ad finem consequendum assumuntur. De qua Deut. 32. scriptum est: *Gens absque consilio est, & sine prudentia; utinam saperent, & intelligerent, & novissima providerent!* Et Eccle. 8. *Tempus, & responsionem cor sapientis intelligit. Omnia negotia tempus est, & opportunitas.* Hæc ita

Theol. Dog. & Moral. Lib. III.

- Luc. 14.** *structus est: Qui volens turrin adificare, prius sedens computat sumptus, qui necessarii sunt, si habeat ad perficiendum, ne posteaquam posuerit fundamentum, & non potuerit perficere, omnes, qui vident, incipiant illudere ei, dicentes: Quia hic homo cepit adificare, & non potuit consummare. Hac instructus est Rex, qui iturus committere bellum adversus alium Regem, sedens prius cogitat, si possit cum decem millibus occurrere ei, qui cum viginti millibus venit ad se; alioquin adhuc illo longe agente, legationem mittens, rogat ea, qua pacis sunt. Hac instructus erat vir sapiens: Qui adificavit domum suam super petram, & descendit pluvia & venerunt flumina, & flaverunt venti, & irruerunt in domum illam, & non cecidit; fundata enim erat super petram. Hac destitutus erat vir stultus; Qui adificavit domum suam super arenam; & descendit pluvia, & venerunt flumina, & flaverunt venti, & irruerunt in domum illam, & cecidit, & fuit ruina illius magna.*
- Solertia.** *Solertia, facilis est, & prompta conjectio, qua dum aliquid ex improvise occurrit, celeriter a viro perspicaci, & prudente invenitur id, quod congruit, & expedit.*
- Docilitas.** *Docilitas, qua quis paratum, & promptum se exhibet ad aliorum consilia, & monita de rebus agendis suscipienda. Quo spectat illud Prov. 3. Ne innitavis prudentia tua. Et Eccles. 6. In multitudine Presbyterorum prudentium sta, & sapientia illorum ex cor-*

cor docile Dei donum est; unde Salomon ita Dominum precabatur: *Dabis servo tuo cor docile.*

3. Reg. 3.
Ratio.

Ratio, sive recta ratiocinatio est, qua ex aliis prius cognitis colligitur, quid agendum sit. Ad quam pertinet illud Prov. 13. *Cor prudens possidebit scientiam.*

Circumspectio, est accurata circumstantiarum consideratio, ut noscatur, quid bonum sit, & conveniens, habita ratione negotiorum, personarum, loci, temporis, &c. quædam enim secundum se spectata bona sunt, & convenientia, quæ tamen ex rerum circumstantium concursu, vel mala redduntur, vel certe fini nullatenus opportuna. Sic exhibere aliqui signa amoris, secundum se spectatum, conveniens est, ut ejus animus ad mutuam amorem alliciat; sed si periculum probabile sit, ne inde in illius animo superbia, vel suspicio adulationis oriatur, id non erit fini conveniens. Quamobrem necessaria est circumspectio ad prudentiam, ut scilicet media ad finis consecutionem assumpta comparentur, cum accidentibus rem circumstantibus. Quo spectat illud Apostoli, ad Philipp. 1. v. 9. 10. *Et hoc oro, ut charitas vestra magis, ac magis abundet in scientia, & in omni sensu; ut probeatis posteriora. Et Heb. 5. 14. Perfectorum autem est solidus cibus; eorum, qui pro consuetudine exercitatos habent sensus ad discretionem boni, ac mali.*

Circumspectio.

Cautio, est malorum, & impedimentorum extrinsecorum, quæ consecutioni finis objiciuntur, & adversantur, consideratio, ut ea vitentur, vel removeantur. Cum enim bona plerumque impediuntur a malis, & mala sæpe boni speciem habeant, necessaria prudentiæ cautio est, ut non solum eligantur bona, sed vitentur mala. Huc pertinet illud sapientis Oraculum, *Ecclesiastici*, cap. 3. *Sapiens cor, & intelligibile abstinabit se a peccatis, & in operibus iustitia successus habebit.* Et illud Apostoli ad Ephes. 5. *Videte itaque, fratres, quomodo caute ambuletis; non quasi insipientes, sed ut sapientes; redimentes tempus, quoniam dies mali sunt. Propterea nolite fieri imprudentes.*

Cautio.

dentes, sed insipientes, qua sit voluntas Dei. Hinc Julianus Pomerius, lib. 12. De Vita contemplativa, cap. 29. ait: „ Cognitio rerum, quæ de prudentiæ fonte confertur, spirituales a carnalibus vitiis defœcatis illustrat, ut prudentes, ac sapientes fiant, imminetia mala prospiciant simul, & caveant; nec putent ulla esse mala, nisi quæ malos efficiant; inter fallacia, & solida bona discernunt, &c. „ Non solum autem a vitiis, & ab occasionibus peccati, sed etiam ab hominibus, quorum probitas non est perspecta, & explorata, cavere, prudentiæ est; non temere cuivis credere, etiam propinquis, & popularibus, etiam si bonis verbis blandiantur. Quocirca Jeremias 9. scriptum est: Unusquisque se a proximo suo custodiat, & in omni fratre suo non habeat fiduciam; quia omnis frater supplantans supplantabit, & omnis amicus fraudulenter incedet. Et cap. 12. 6. Nam & fratres tui, & domus patris tui, etiam ipsi pugnaverunt adversum te, & clamaverunt passim te plena voce; ne credas eis, cum locuti fuerint tibi bona. Michæ 7. Nolite credere amico; & nolite confidere in duce; ab ea, qua dormit in sinu tuo, custodi claustra oris tui. Quia filius contumeliam facit patri, & filia consurgit adversus matrem suam, nurus adversus socrum suam; & inimici hominis domestici ejus. Matth. 10. Cavete ab hominibus; tradent enim vos in Conciliis suis, & in Synagogis suis flagellabunt vos. 1. Joannis 4. Nolite omni spiritui credere, sed probate spiritus, si ex Deo sint. Prudentis cautionis exemplum Christus dedit. Cum enim esset Jerusalem in paschali festo: Multi crediderunt in nomine ejus, videntes signa ejus, quæ faciebat. Ipse autem Jesus non credebatur semetipsum eis, eo quod ipse nosset omnes. Cautioni adjuncta dissimulatio est, quæ ea solum ratione licita est, qua veri aliquid sit, nihil dicit falsi, consilia sua, & animi affectus abscondit, salva Dei gloria, citra fraudem veritatis, charitatis, justitiæ. Neminem fallere licet; verum salvis Dei, proximique juribus, dissimulare licet in rebus externis, politicis, & magis

Prudens
dissimula-
tio cautio-
ni adjuncta.
Joan. 8.

dis, five indifferentibus, in quibus nostrorum consiliorum, affectuum, negotiorum manifestatio nobis, vel aliis noceret. Sic *Joseph* dissimulatione usus est, alienum se fingens fratribus, verbisque durioribus illos excipiens; ut fratrum animos, & paternæ familiæ statum exploraret (*Genes. 42.*) Sic *Moyſes* veniam petens a locero in *Ægypto* redeundi, vocationem divinam prudenter dissimulavit, ne quod sibi impedimentum a locero, familiæque afferretur (*Exo. 4. 18.*) Sic idem *Moyſes*, & *Aaron*, jubente Deo, postularunt a Pharaone, ut populum Israeliticum ex *Ægypto* dimitteret, sacrificia vero Numini in deserto oblatum; quæ quidem vera, sed non una tamen causa erat dimissionis populi: sed alias causas, nempe durissimæ solutionem servitutis, & aditum terræ Canaan prudenter apud Pharaonem dissimularunt (*Exod. 3.*) Propheta *Samuel* Dei mandato Bethleem ad *Isai* profectus, ut *Davidem* ejus filium Regem inungeret, præcipuam illam itineris sui causam dissimulavit, unam tantum indicavit Senioribus civitatis, quid infausi ex illius adventu metuentibus, dicens: *Ad immolandum Domino veni*: 1. Reg. 16. quod etiam verum erat.

Sollicitudo, est quædam solertis animi vigilantia, *Sollicitudo*, & celeritas ad ea, quæ agenda sunt prosequenda, five ad optimorum consiliorum, ac præceptorum executionem urgendam, atque promovendam. Hinc *S. Petrus*, Epistola 1. cap. 4. *Estote* (inquit) *prudentes*, & *vigilate in orationibus*. Hinc *sanctus Augustinus*, lib. *De Moribus Ecclesiæ*, cap. 24. de *Prudentia* loquens: „ Hujus autem (inquit) sunt excubiæ, & diligentissima vigilantia, ne subrepente mala suasionem fallamur; unde sæpius Dominus: *Vigilate*, clamat, & *ambulate* (inquit) *dum lucem habetis, ne vos tenebra comprehendant* „ „.

S. IV. In quibus vera Prudentia.

In justis omnibus est vera prudentia, sine qua nulla vera virtus est. Quamvis enim omnes indu-

striam

26. Theol. Dog. & Moral. Lib. II.

striam illam non habeant, qua sibi, & aliis providere possint de omnibus, quæ ad humanæ vitæ rationem pertinent; industria tamen illa donatur a Deo, quæ sufficit ad res salutis æternæ; illosque hoc sensu:

1. Joan. 2. *Unctio docet de omnibus.* Licet porro plerique homines justi, piæque mulieres indigeant regi consilio alieno:

„ Saltem in hoc sibi ipsis consulere sciunt, si gratiam habent, ut aliorum requirant consilia, & discernant consilia bona a malis „ „ (*inquit S. Thomas, secunda secundæ, quæst. 47. art. 14.*) Ad omnes ergo Christianos spectat coeleste illud Christi Domini mandatum:

Matth. 10. *Esote prudentes sicut serpentes, & simplices sicut columba.* Prudentia serpentis nobis præcipitur ad cavendum malum, ut quemadmodum serpens totum corpus pro servando capite objicit persequenti, sic totius corporis periculo caput nostrum, qui Christus est, custodiamus: Et sicut serpens per angustias se coarctans, veteri pelle exutus innovatur; sic *Intrare per angustam portam, & veterem hominem exuere* te- neamur. Columbarum autem simplicitatem commen- dat, ut nulli noceamus.

S. Hieron.
in cap. 10.
S. Matth.
S. Aug. lib.
qu. Evan-
gel. ex S.
Matth. 9. 8.

In peccatoribus non est vera, perfectaue pru- dentia, quia sibi ipsis non consulunt in iis, quæ sa- lutem, & felicitatem æternam spectant. *Prudentia non in foro, non in plateis, sed in Ecclesia possidetur* (*in- quit S. Ambrosius, lib. De Virginitate, cap. 14.*)

§. V. Vicia Prudentia opposita.

Impruden-
tia.

Vicia prudentiæ opposita sunt *Imprudentia, Præci- pitatio, Inconsideratio, Inconstancia, Negligentia, Prudentia carnis, Astutia, Dolus, Fraus, & immodica de rebus temporalibus sollicitudo.*

S. Th. 2. 2.
q. 63. 54. &
55.

Imprudentia, qua quis avertitur a regulis divinis, est peccatum mortale, cum scilicet „ „ Quasi con- temnens, & repudiens divina documenta præcipitan- ter agit. Si vero præter eas agat absque contemptu, & absque detrimento eorum, quæ sunt de necessitate salutis, est peccatum veniale „ „ (*inquit S. Thomas, secunda secundæ quæst. 53. art. 1.*) *Spiritualis gratia- the*

thesauros imprudentia dissipari, & amitti; Spiritus sanctus docet, Proverb. 21. 20. *Tthesaurus desiderabilis, & oleum in habitaculo iusti; & imprudens homo dissipabit illud.*

Præcipitatio, imprudentiæ species est, consilii scilicet perversitas, qua homo ex impetu voluntatis, aut pravo animi affectu, prætermisiss prudentiæ gradibus in ruinam labitur. Quo spectat illud Prov. 4. *Via impiorum tenebrosa; nesciunt, ubi corruant.* Præcipitatio.

Inconsideratio sub imprudentia pariter continetur; iudicii depravatio est, quatenus homo contemnit, vel negligit attendere ad ea, ex quibus rectum iudicium procedit. Porro cum ad prudentiam pertineat divinum illud oraculum, Prov. 4. *Oculi tui videant recta, & palpebra tua præcedant gressus tuos: Inconsiderationem ipsi e regione adversari, manifestum est.* Inconsideratio.

Inconstantia, qua bonum propositum abjicitur, imprudentiæ pariter species est, quatenus rectam præcipiendi rationem evertit. Hæc tria vitia ex luxuria oriuntur, & de illis superius egimus; cum de luxuriæ propagine; seu filiabus tractaremus. Inconstantia.

Negligentia, defectus est debiti sollicitudinis ad prudentiam pertinentis. Peccatum esse minime dubium est; secundum illud Proverb. 19. *Qui negligit vitam suam, mortificabitur*, id est, incurret mortem, sive, *Peribit*; ut habet versio LXX. Interpretum. Et Eccl. 7. *De negligentia tua purga te cum paucis.* Ut autem innotescat, quando veniale sit, quando mortale peccatum, ad ejus radicem attendendum est. Oritur scilicet ex remissione quadam voluntatis, qua fit, ut ratio non sit sollicita de præcipiendis, quæ debet, vel quo modo debet. Dupliciter ergo contingere potest, ut negligentia sit peccatum mortale: Primo ex parte ejus, quod ex negligentia prætermittitur, quod quidem sit necessarium æternæ salutis, sive sit actus, live circumstantia, secundum illud Apostoli (Hebr. 2.) *Quomodo nos effugiemus, si tantam neglexerimus salutem? Quæ cum initium accepisset enarra-* Negligentia, quando peccatum mortale.

refertur. Societatis enim ratio dividitur in duas partes, justitiam, & beneficentiam. Sed primum ipsum; quod putant Philosophi justitiæ munus, apud nos excluditur. Dicunt enim illi, eam primam esse justitiæ formam, ut nemini quis noceat; nisi lacessitus injuria; quod Evangelii auctoritate vacuatur; vult enim Scriptura, ut sit nobis Spiritus filii hominis, qui venit conferre gratiam, non inferre injuriam. Deinde formam justitiæ putaverunt, ut quid communia; id est, publica pro publicis habeat; privata pro suis. Ne hoc quidem secundum naturam; natura enim omnia omnibus in communitate profudit. Natura igitur jus commune generavit, usurpatione jus fecit privatum. Magnus certe justitiæ splendor, quæ aliis potius nata quam sibi, communitatem, & societatem nostram adjuvat, excelsitatem tenet; ut suo judicio omnia subjecta habeat, opem aliis ferat, pecuniam conferat, officia non abnuat, pericula suscipiat aliena. *Et cap. 24.* Justitia suum cuique tribuit, alienum non vindicat. utilitatem propriam negligit, ut communem æquitatem custodiat „ „ *Et lib. I. De Excessu Satyri fratris sui:* „ „ Justitia (*inquit*) sibi parciore, foris tota est, & quidquid habet, quadam inclementia sui, dum rapitur amore communi, transfundit in proximos „ „

Justitia duplex.

H. Justitia duplex, *Universalis*, & *Particularis*. *Universalis justitia* est conformatio vitæ nostræ, om-

tribuens, virtus (inquam) a cæteris distincta, de qua Prov. 16. dicitur: *Melius est parum cum justitia, quam multi fructus cum iniquitate. Abominabiles Regi, qui agunt impie; quoniam justitia firmatur solium.* Hujus officium justitiæ commendat nobis Apostolus (Rom. 13.) *Reddite omnibus debita; cui tributum, tributum; cui veltigal, veltigal; cui timorem, timorem; cui honorem, honorem... Reddite, quæ sunt Cesaris, Matth. 22. Cesar, & quæ sunt Dei, Deo.*

III. Justitiæ particularis objectum *Jus* est, sive *Ju-* Juris divi-
sum. Jus aliud est *Naturale*, aliud *Positivum*. Jus ho.
 naturale dicitur, quod ratio naturalis immediate dicitur,
 vel quod ex ea sequitur evidenter, naturæque, seu
 conditioni rerum consentaneum est; verbi gratia,
 reddere, quantum acceperis, fugere malum, facere
 bonum, alteri non facere, quod tibi fieri non vis,
 & quæcunque Decalogo continentur. Sive, ut defini-
 tur in Decretis P. 1. dist. 1. Canone *Jus naturale*, qui
 ex S. Isidoro lib. 5. *Originum*, cap. 4. sumptus est:
 „ Jus naturale est commune omnium nationum,
 eo quod ubique instinctu naturæ, non constitutio-
 ne aliqua habetur; ut viri, & feminæ conjunctio, li-
 berorum successio, & educatio, communis omnium
 possessio, & omnium una libertas, acquisitio eorum,
 quæ coelo, terra, marique capiuntur; item depositæ
 rei, vel commendatæ pecuniæ restitutio, violentiæ
 per vim repulsio. Nam hoc, aut si quid huic simile
 est, nunquam injustum, sed naturale, æquumque ha-
 betur „ „ Jus positivum dicitur, quod cum a natu-
 ra præscriptum non sit, ab aliquo tamen auctori-
 tatem habente positum, atque constitutum est.

Jus positivum, aliud *divinum*, aliud *humanum*. Di-
 vinum, quod divina auctoritate sancitum est, & ve-
 teri, novoque Testamento præscriptum: Humanum,
 quod hominum auctoritate conditum est.

Jus humanum dividitur in *Jus Gentium*, *Jus cano-* Can. Jus
nicum, *Jus civile*. Jus gentium est, quo omnes fere gentium,
 gentes utuntur; nempe sedium, seu locorum, quæ Dist. 1.
 nullius sunt, occupatio, ædificatio, munitio; rerum

32 Theol. Dog. & Moral. Lib. III.

divisio, & privata possessio; bella, captivitas, servitus, postliminia, foedera, pax, induciæ, legatorum non violandorum religio, &c. *Jus canonicum* vocatur, quod ab ecclesiastica potestate sancitum, actiones Fidelium ad æternam beatitudinem dirigit: Conciliorum Canonibus spiritu Dei conditis, a Sede apostolica approbatis, & totius mundi reverentia consecratis; romanorum Pontificum receptis Constitutionibus, ac Decretis, & moribus Ecclesiæ universæ, necnon privatarum Ecclesiarum constat. *Jus civile* est, quod a seculari potestate constitutum est ad rectam reipublicæ administrationem, finemque publicæ tranquillitatis. Sive: *Jus civile est, quod quisque populus, vel quæque civitas sibi proprium divina, humanaque causa constituit.* Constat legibus publicis, constitutionibus, & edictis Principum, necnon consuetudinibus municipalibus.

Can. Jus
civile,
Dist. 1.

Justitiæ of-
ficium.

IV. Justitiæ officium, & actus *Judicium* est, de quo scriptum est Deuter 1. *Quod justum est judicate, sive civis sit ille, sive peregrinus. Nulla eris distantia personarum, ita parvum audietis, ut magnum; nec accipietis cujusquam personam, quia Dei judicium est.* Ut justum sit, ac legitimum judicium, tria requiruntur, ut scilicet ad juris, & æqui regulas, legumque præscripta conformetur; ut legitima auctoritate; ut denique secundum rectam prudentiæ rationem
S Th. 2 2. feratur. Si contra jus, & æquum, sive contra leges

VI. Commutationes quædam *Voluntariæ* sunt, aliæ *Involuntariæ*. Voluntariæ sunt, quibus aliquis rem suam libero contractu, seu conventionione transfert ad alterum. Istius generis sunt *Emptio*, & *venditio*, *Cambium*, *Ususfructus*, *Emphyteusis*, *Mutuum*, *Commodatum*, *Locatio*, *Impignoratio*, *Fidejussio*, *Depositum*. Commutationes voluntariæ. S. Th. 2. 2. q. 61. ar. 3.

Emptio, & *venditio* sunt contractus, quibus res pro certo pretio permutantur. *Cambium* est unius rei pro altera commutatio, ut vini pro oleo, tritici pro panno, pecuniæ etiam pro pecunia alterius speciei. *Ususfructus* est rei fructiferæ gratuita concessio ad usum ea lege, ut res ipsa tempore statuto reddatur. *Emphyteusis* est translatio ususfructus in alterum sub conditione pensionis annuæ, sive in perpetuum, sive ad tempus solvendæ. *Mutuum* est contractus, quo gratis conceditur usus rei infrugiferæ, quæ ipso usu consumitur, cum obligatione reddendi æquivalens. *Commodatum* est, quo gratis conceditur usus rei infrugiferæ, quæ ipso usu non consumitur, cum obligatione reddendi rem ipsam individuum, quæ commodata est. *Locatio* est, qua quis rei suæ usum concedit pacto pretio. Huic respondet *Conductio*, quia talis usus recipitur. Mutuo dantur triticum, panis, vinum, oleum, pecunia, &c. aliæque hujusmodi, quæ usu ipso consumuntur. Commodantur vestes, supellex, vasa, libri, &c. quæ non consumuntur ipso usu. Locantur domus, agri, vineæ, equi, operæ, &c. *Impignoratio* est traditio rei cujuscumque ad firmandam obligationem satisfaciendi. *Fidejussio*, qua aliquis se obligat ad satisfaciendum pro altero. *Depositum*, quo quis rem suam apud alterum deponit, ejusque fidei commendat gratis custodiendam, & conservandam.

Commutationes involuntariæ sunt, quibus res aliena, vel persona usurpantur invito domino. Hujus generis sunt *Furtum*, *rapina*, *homicidium*, seu dolo, seu vi aperta commissum; *Incarceratio*, seu violenta detentio personæ contra jus, & privata auctoritate, *verberatio*, *mutilatio*, *falsum testimonium*, *calumniæ*,

& obtreſſatio alienæ fama; falſa accuſatio, convitium, adulterium, ſervi ſeduſſio, indebitarum operarum exaſſio.


§. II. *Vitia juſtitia oppoſita.*

His, & ſimilibus modis committitur injuſtitia, quæ juſtitia capitaliter adverſatur, & quam nemo patitur niſi nolens in rebus, quarum ita dominus eſt, ut earum uſum alteri, ſalvis divinis, humaniſque legibus, permittere poſſit.

VII. Injuſtitia lethale ex genere ſuo peccatum eſt. „ „ Omne enim nocumentum alteri illatum ex ſe charitati repugnat; & ideo cum injuſtitia ſemper conſiſtat in nocumento alterius, maniſeſtum eſt, quod facere injuſtum ex genere ſuo eſt peccatum mortale „ „ (*inquit S. Thomas, 2. 2. qu. 59. art. 4.*) Tunc ſolum veniale peccatum eſt, cum leve nocumentum inferitur proximo.

VIII. Cum autem rei alienæ ablatione, uſurpatione, detentione, & quavis injuria alteri illata, ſive in perſona propria, ſive in perſonis, aut rebus ad illum pertinentibus, ſive in honore, & fama, ſive indebita operarum exaſſione, juſtitia violetur, ad reſarciendam injuriam neceſſaria *Reſtitutio* eſt, quæ eſt actus juſtitia commutativæ.

§. Th. 2. 2. IX. Diſtributivæ juſtitia opponitur *Acceptio perſonarum*. Hæc peccatum eſt, quo in his, quæ ſecundum juſtitiam diſtribuenda ſunt, conferenda ſunt.



rum, & pauperum. Vitium illud lege Dei prohibitum est Lev. 19. *Non consideres personam pauperis, nec honores vultum potentis.* Deut. 1. *Nulla erit distantia personarum; Ita parvum audietis, ut magnum; nec accipietis cujusquam personam.* Jacobi 2. *Fratres mei, nolite in personarum acceptione habere fidem Domini nostri Jesu.* Etenim si introierit in conventum vestrum vir aureum annulum habens in veste candida, introierit autem & pauper in sordido habitu; & intendatis in eum, qui indutus est veste præclara, & dixeritis ei: *Tu sede hic bene; pauperi autem dicatis: Tu sta illic; aut sede sub scabello pedum meorum; nonne judicatis apud vosmetipsos, & judices facti estis cogitationum iniquarum? Annon, fratres mei dilectissimi, nonne Deus elegit pauperes in hoc mundo, divites in fide, & heredes regni, quod repromisit Deus diligentibus se? Vos autem exhonorastis pauperem.* Et infra: *Si autem personas accipitis peccatum operamini, redarguti a lege quasi transgressores.* De hoc argumento audiendus S. Ambr. lib. 2. *De officiis*, cap. 24. „ Sed nec personam alterius (*inquit*) accipiamus in judicio. Gratia ablit causæ, merita decernant. Nihil sic opinionem, imo fidem gravat, quam si in judicando potentiori dones causam inferioris, vel pauperem innocentem arguas, divitem excuses reum culpæ... Licet tibi silere in negotio duntaxat pecuniario; quamquam sit constantiæ adesse æquitati. In causa autem Dei, ubi communionis periculum est, etiam dissimulare peccatum est non leve „ „

S. III. *Justitia partes integrantes.*

Justitiæ partes quasi integrantes, & ad perfectum illius actum requiritæ, sunt: *Facere bonum, quatenus proximo debitum, & vitare malum quatenus proximo noxium.* His officiis ex adverso respondent duæ S. Th. 2. 2. peccati species, scilicet. 1. *Omissio*, quæ prætermillio quæd. 71. est boni proximo debiti, & sic opponitur justitiæ particulari; vel divina, aut humana lege præscripti, & sic opponitur justitiæ legali. 2. *Transgressio*, quæ

limitum negantibus legis præceptis constitutorum transitio est. Peccatum igitur transgressionis opponitur præceptis negativis, quibus præscribitur declinatio a malo; peccatum omissionis opponitur præceptis affirmativis, quibus præcipitur operatio boni. Gravius est ex se peccatum transgressionis, utpote, quod directe pugnat cum virtute, cujus negatio duntaxat omissio est.

§. IV. *Virtutes cognata justitiæ.*

Qu. 80.

Virtutes finitimæ, cognatæque justitiæ sunt: *Religio, Pietas, Observantia, Obedientia, Veritas, Gratia, Vindicatio, seu vindicta justa prosecutio, aut pena inflictio, Liberalitas, Amicitia, sive Affabilitas.*

Religio.

I. *Religio* est virtus, qua Deo debitum cultum, & reverentiam exhibemus.

Actus religionis sunt *Devotio, Oratio, Adoratio, Sacrificium, Oblationes Primitiarum, Decimarum, aliarumve rerum Deo factæ, Votum, Juramentum.* Religioni opponuntur *Superstitio*, cujus variz sunt species, *Tentatio Dei, Perjurium, Sacrilegium, Simonia.* De his lib. 4. hujus operis agemus, explicando priora præcepta Decalogi. De oratione vero libro postremo. De Simonia egimus lib. 2. in Tractatu *De Sacramento ordinis.*

Pietas.

II. *Pietas* est virtus cognata justitiæ, qua, secundum Deum, parentibus, consanguineis, patriæ, con-

Quamquam omnes homines mutuo se honore prævenire debeant, secundum Apostoli doctrinam (Rom. 12.) *Honore invicem prævenientes*, quia in quolibet invenitur aliquid, ex quo potest alter eum se ipso superiorem censere, secundum illud ejusdem Apostoli (Philipp. 2.) *In humilitate superiores invicem arbitranis.*

IV. *Obedientia* virtus est justitiæ cognata, qua Superiorum nostrorum præceptis expressis, vel tacitis morem gerimus „„ Voluntas enim Superioris, quocunque modo innotescat, est quoddam tacitum præceptum. Et tanto videtur obedientia promptior, quanto expressum præceptum obediendo prævenit, voluntate Superioris intellecta „„ (inquit S. Thomas, 2. 2. qu. 104. art. 1.)

Obedientia.

Obedientia maxima est virtutum moralium, ut idem asserit Doctor angelicus. Tanto enim potior virtus est, quanto propter Deum majus bonum contemnitur. Tria porro sunt genera bonorum, quæ homo propter Deum contemnere potest; infima, scilicet exteriora bona, quæ fortunæ vulgo dicuntur; media, scilicet bona corporis; summa, scilicet bona animi, quorum præcipuum aliqua ratione est voluntas, qua cæteris bonis homo utitur. Ideo laudabilior est obedientiæ virtus, quæ propriam voluntatem propter Deum contemnit, aliis virtutibus moralibus, quæ alia bona propter Deum contemnunt. Unde S. Gregorius, libro postremo *Moralium*, cap. 10. ait: „ Obedientiam victimis jure præponitur, quia per „ victimas aliena caro, per obedientiam vero voluntas propria mactatur „ Quamobrem & alia quæcunque virtutum opera ex hoc meritoria sunt apud Deum, quod fiunt, ut obediatur divinæ voluntati. Magis porro elucet obedientia, majorisque ut plurimum est meriti in rebus asperis, propriæque voluntati repugnantibus, quam in prosperis, & quæ consentaneæ sunt, & gratæ voluntati; quia nos in id, quod nobis præcipitur tunc tendere propter præceptum, non propter propriam voluntatem, comper-

Obedientia virtutum moralium maxima.

Obedientia majoris est meriti in rebus asperis, quam in prosperis.

tum est. Unde *S. Gregorius* loco mox indicato :
 „ Quia (*inquit.*) nonnunquam nobis hujus mundi
 prospera, nonnunquam vero jubentur adversa ; scien-
 dum summopere est , quod obedientia aliquando si
 de suo aliquid habeat , nulla est ; aliquando autem
 si de suo aliquid non habeat , minima. Nam cum
 hujus mundi successus præcipitur , cum locus supe-
 rior imperatur , is , qui ad percipienda hæc obedit ,
 obedientiæ sibi virtutem evacuat , si ad hæc etiam
 ex proprio desiderio anhelat. Neque enim se sub
 obedientia dirigit , qui ad accipienda hujus vitæ pro-
 spera libidini propriæ ambitionis servit. Rursum cum
 mundi despectus præcipitur , cum probra adipisci , &
 contumeliæ jubentur , nisi ex se ipso animus hæc ap-
 petat , obedientiæ sibi meritum minuit ; quia ad ea ,
 quæ in hac vita despecta sunt , invitus , nolensque
 descendit. Ad detrimentum quippe obedientia du-
 citur , cum mentem ad suscipienda probra hujus
 seculi nequaquam ex parte aliqua etiam sua vota co-
 mitantur. Debet ergo obedientia , & in adversis ex
 suo aliquid omnimodo non habere ; quatenus & in
 adversis tanto sit gloriosior , quanto divino ordini
 etiam ex desiderio jungitur ; & in prosperis tanto sit
 verior , quanto a præsenti ipsa , quam divinitus per-
 cipit , gloria funditus ex mente separatur. Sed hoc
 virtutis pondus melius ostendimus , si cœlestis patriæ
 duorum hominum facta memoremus. Moyles nam-

quoque divinitus fuerat , ut in Jerusalem debuisset ascendere , admonitus. Isque in itinere cum Prophetam Agabum reperisset , quanta se in Hierosolymis adversitas maneret , audivit. Scriptum quippe est , quod idem Agabus zonam Pauli suis pedibus inferens , dixit : *Virum , cujus hac zona est , sic alligabunt* A.C. 18 *in Jerusalem.* A Paulo autem protinus respondetur : *Ego non solum alligari , sed & mori in Jerusalem paratus sum pro nomine Jesu ; neque enim pretiosiores facio animam meam , quam me.* Præceptione igitur revelationis Hierosolymam pergens , adversa cognoscit , & tamen hæc libenter appetit ; audit , quæ timeat , sed ad hæc ardentius anhelat. Moyses itaque ad prospera de suo nihil habet ; quia precibus renititur , ne Israeliticæ plebi præferatur. Paulus ad adversa etiam ex suo voto ducitur ; quia malorum imminentium cognitionem percipit , sed devotione spiritus etiam ad acriora ferveſcit. Ille præsentis potestatis gloriam Deo. voluit jubente declinare : iste Deo aspera , & dura disponente , se studuit ad graviora præparare. Præeunte ergo utrorumque Ducum infracta virtute instituimur , ut si obedientiæ palmam apprehendere veraciter nitimur , prosperis hujus seculi ex sola iussione , adversis autem etiam ex devotione militemus „ „ De virtute obedientiæ , & illius gradibus , legatur S. Bernardus , Sermone 41. De Diversis , ubi ostendit , obediendum esse libenter , simpliciter , hilariter , viriliter , humiliter , indefinenter. De inobedientia , quod peccatum est obedientiæ virtuti oppositum , egimus in superiori Tractatu , cum de vanæ gloriæ filiabus sermo esset. Soli Deo in omnibus obedire tenemur , qui nihil contra virtutem præcipere potest ; hominibus vero , qui nobis præſunt , in his duntaxat , in quibus ipsis subditi sumus , & quæ divinæ legi , aut majoris potestatis legibus , ac præceptis non repugnant. Nam *Obedire oportet Deo* A.C. 5 *magis , quam hominibus.*

V. *Veritas* , seu *Veracitas* , est virtus cognata justitiæ , qua homo & vita & sermone talem se de-

monstrat, qualis est; & non alia, quam circa ipsam sint, nec majora, nec minora. Hinc *S. Ambr. lib. 2. De Officiis*, cap. 19. „ Quales haberi volumus (*inquit*) tales sumus; & qualem affectum habemus, „ talem aperiamus „. Quamvis autem confiteri ingenuè, quod circa seipsum est, sit ex genere bonum, id tamen non sufficit, sed debitas circumstantias concurrere necesse est, quæ si defecerint, actus erit vitiosus. Id itaque faciendum est, cum oportet, & secundum quod oportet. Nam „ „ Vitiosum est, quod aliquis sine debita causa lapdet seipsum etiam de vero. Vitiosum est etiam, quod aliquis peccatum suum publicet, quasi se de hoc laudando, vel qualitercunque inutiliter manifestando „ „ (*inquit S. Thomas, Secunda secundæ, quæst. 109. articulo 1.*) Et in responsione ad tertium: „ „ Ex hoc ipso (*inquit*) quod aliquis dicit verum de seipso, medium tenet inter eum, qui majora dicit de seipso, & inter eum, qui minora. Ex parte autem actus medium tenet, in quantum verum dicit, quando oportet, & secundum quod oportet. Superfluum autem convenit illi, qui importune ea, quæ sua sunt, manifestat. Defectus autem competit illi, qui occultat, quando manifestare oportet „ „. Ut autem modus ea in reseruetur, opus est directione virtutis, quæ est veritas, seu veracitas, de qua *Zachariæ 8. 16.* Dominus ait: *Loquimini veritatem unusquisque cum proximo suo.*

VI. *Gratia*, sive (ut vulgo loquuntur) *Gratitudo*. Gratia sive
gratitudo.
do, virtus est affinis iustitiæ, quæ officiorum, & beneficiorum ab aliis acceptorum compensationem dirigit, ad eamque animum inclinat. Benefactoribus nimirum nostris pro beneficiis ab iis acceptis gratiam habere debemus, etiamsi ea compensare non possimus. Gratum autem animum significamus, cum gratias agendo, tum honorem, & reverentiam his, qui bene de nobis meriti sunt, exhibendo; tum acceptorum beneficiorum conservando memoriam, eaque apud alios celebrando; tum fausta quæque a Deo adprecando benefactoribus nostris; tum gerendo voluntatem propensissimam, & animum promptissimum ad compensationem, & præstanda officia possibilis; tum denique referendo gratiam æqualem bene de nobis meritis, quantum in nobis est. Ad hanc virtutem pertinet, quod Apostolus ad Galatas scribit cap. 6. *Communicet autem is, qui catechizatur verbo ei, qui se catechizat in omnibus bonis.* Hac virtute fulsit David, qui beneficiorum a Jonatha Saulis Regis filio acceptorum memor, *Miphibojeth* ejus filium servavit incolumem, ac Saulis agris donavit, atque ad mensam suam recepit, ut legimus 2. *Regum*, cap. 9. Gratum quoque animum exhibuit filiis Berzellai Galaaditis, qui ei præsto fuerant, cum Absalomum fugeret, iussitque Salomoni, ut eos mensa regia exciperet in remunerationem officii. (3. *Regum* 2.)

Acceptum beneficium largiori manu compensandum est; quamvis ex animi affectu magis, quam ex effectu, gratia, sicut & ipsum beneficium, æstimanda sit. Qua de re præclare S. *Ambrosius*, lib. 1. *De Officiis ministrorum*, cap. 31. „„ Quid tam (inquit) contra officium, quam non reddere, quod acceperis? Nec mentura pari, sed uberiore reddendum arbitror, & ulum pensare beneficii; ut & tu subvenias, quantum ejus ærumnam repellas. Etenim superiorem non esse in referendo, quam in conferendo beneficio hoc est, minorem esse, quoniam qui prior contulit, tempore superior est, humanitate prior. Unde imitanda no-
Acceptum
beneficium
largiori ma-
nu compen-
sandum.

his est in hoc quoque natura terrarum, quæ susceptum semen multiplicationi solet numero reddere, quam acceperit. Ideo tibi scriptum est: *Sicut agricultura est homo insipiens, & tanquam vinea homo egens sensu. Si reliqueris eum, desolabitur.* Sicut agricultura ergo etiam sapiens, ut tanquam foverata tibi majore mensura semina suscepta restituat. Esto tamen, ut aliquis excusare possit, quod non dederit, quomodo excusare potest, quod non reddiderit? Non dare cuiquam vix licet, non reddere vero non licet. Ideo pulchre Salomon ait: *Si sederis ad mensam potentis, sapienter intellige ea, quæ apponuntur tibi; & mitte manum tuam sciens, quod oportet te talia præparare...* Conferre gratiam bonum est; at qui referre nescit, durissimus. Humanitatis exemplum ipsa terra suggerit. Spontaneos fructus ministrat, quos non severis, multiplicatum quoque reddit, quod acceperit. Negare tibi pecuniam numeratam non licet, quomodo licet acceptam non referre gratiam „ „? His, qui retulerint, Deus mercedem promittit, Eccl. 3. 34. *Et Deus prospector est ejus, qui reddit gratiam; meminit ejus in posterum, & in tempore casus sui inveniet firmentum.*

Et cap. 22. „ „ Alius ergo fructum accepti beneficii, ut aurum auro, argentum argento rependit. Alius laborem, alius, haud scio, an etiam locupletius, solum restituit affectum. Quid enim si reddendi nulla

tribuat, reddere duntaxat videtur, quod accepit, non gratiam referre. Sicut ergo in justitia attenditur *aequalitas rerum*, ita in gratia attenditur „„ *Æqualitas voluntatum*; ut scilicet sicut ex promptitudine voluntatis beneficium aliquid exhibuit, ad quod non tenebatur, ita etiam ille, qui suscepit beneficium, aliquid supra debitum recompenset „„ (*inquit S. Thomas, 2. 2. qu. 106. art. 6. in responsione ad tertiam objectionem.*) Neque vero ullum incommodum est, ut in referenda gratia nullus finis esse videatur, dum ille, qui ampliori mensura remuneratus est, novo se devinctum beneficio merito existimans, ad novum officium, vel munus rependendum ex honestatis debito est obstrictus. „„ Debitum enim gratitudinis (*inquit S. Thomas in responsione ad secundum*) ex charitate derivatur; quæ quanti plus solvitur, tanto magis debetur, secundum illud ad Rom. 13. *Nemini quidquam debeatis, nisi ut invicem diligatis. Et ideo* Non est inconveniens, si obligatio gratitudinis interminabilis sit „„ Secundo, in gratia referenda observandum est, ut affectu quidem statim beneficium rependatur; quod vero spectat effectum, ac remunerationem, tempus expectetur, quo sit opportuna, & utilis benefactori. „„ Qui enim festinat reddere, non animum habet grati hominis, sed debitoris. . . Ponebat accepti beneficii, quem nondum redditi piget. Non minoris est animi beneficium debere, quam dare; ac eo quidem operiosius hoc, quam illud, quo majore diligentia custodiuntur accepta, quam dantur. Ideo non est trepidandum, quam cito reponamus, nec præcurrendum intempestive; quia æque deliquit, qui ad referendam gratiam suo tempore cessat, quam qui alieno properat „„ Verba sunt *Seneca*, lib. 4. & 6. *De Beneficiis*, cujus principia, ut rectæ rationi maxime convenientia sequitur *S. Thomas*, ita de virtute differens.

Gratiæ opponitur ingrati animi vitium, cujus varii sunt gradus. *Ingratus enim est, qui dissimulat ingratus, qui non reddit, ingratusque omnium, qui oblitus*

S. Thomas
ex Seneca
lib. 3. De
beneficiis,

Ingrati
animi vi-
tium.
Varii ejus
gradus.

est. Ingratus est, qui gratiam non refert, putansque non præstat officia, cum possit. Ingratus magis, qui ne verbis quidem gratias agit. Amplius ingratus, qui ne quidem gratiam habet, id est, acceptum non agnoscit beneficium, ejusque vel auctorem, vel magnitudinem. Nam etiam ille non habet gratiam, qui extenuat, & parvifacit beneficium. longe magis ingratus est, qui se beneficium accepisse negat. Qui vero malum pro bono de se bene meritis reddit, omnium ingraticellus est, & monstri instar execrandus. Ingrati animi vitium sæpe veniale, aliquando mortale peccatum est. Qua de re judicium ferri potest secundum Regulam a *S. Thoma* traditam, 2. 2. qu. 107. art. 3. „ „ Ingratus (*inquit*) dicitur aliquis dupliciter. Uno modo per solam omissionem, puta, quia non recognoscit, vel non laudat, vel non retribuit vices pro beneficio accepto. Et hoc non semper est peccatum mortale, quia debitum gratitudinis est, ut homo etiam aliquid liberaliter tribuat, ad quod non tenetur; & ideo si illud prætermittit, non peccat mortaliter. Est tamen peccatum veniale, quia provenit ex negligentia quadam, aut ex aliqua indispositione hominis ad virtutem. Potest tamen contingere, quod etiam talis ingratitude sit mortale peccatum, vel propter interiorem contemptum, vel etiam propter conditionem ejus, quod subtrahitur, quod ex necessitate debetur be-

„ to plura consequi potuiffem , fi illum , aut illum co-
 „ lere maluiffem ? Non hoc fperaveram ; in turbam
 „ conjeftus fum ; tam exiguo dignum me judicavit ;
 „ honeftius præteriri fuit. Non patitur aviditas quem-
 „ quam effe gratum ; nunquam etiam improbæ fpei ,
 „ quod datur , fatis eft. Eo majora cupimus , quo
 „ majora venerunt. Æque ambitio non patitur quem-
 „ quam in ea menfura honorum conquiefcere , quæ
 „ quondam fuit ejus impudens votum. Nemo agit
 „ de tribunatu gratias , fed quæritur , quod non eft
 „ ad præfecturam ufque perductus. Omnibus his ve-
 „ hementius , & importunius malum eft invidia , quæ
 „ nos inquietat , dum comparat ; hoc mihi præfti-
 „ tit , fed illi prius , illi maturius. Quanto fimplicius ,
 „ quanto prudentius beneficium acceptum augere !
 „ Plus accipere debui ; fed illi non facile fuit plus
 „ dare ; in multos dividenda liberalitas erat , &c.

Subtractionem beneficii meretur ingratus. Unde Beneficium
subtractionem meretur ingratus.
Gregorius IX. Pontifex maximus , cap. *Propter : Extra* ,
De Donationibus , refpondet : „ „ Propter ingratitu-
 dinem ejus , in quem liberalitas collata eft , donator
 de rigore juris eam potuit revocare ; fi forte in ipfum
 impias manus injecerit , aut fibi atroces injurias ,
 feu grave rerum fuarum damnum , vel vitæ pericu-
 lum inferre præfumpferit „ „ Verumtamen , qui de
 altero bene meritus eft , non facile debet illum in-
 gratum judicare. Sæpe enim & qui gratiam non red-
 dit , gratus eft , quia forte facultas illi deeft , aut
 opportunitas reddendi. Secundo , eniti debet , ut ex
 ingrato gratum faciat ; quod fi primo beneficio effi-
 cere non poteft , fecundo forfan confequatur. Tan-
 dem vero fi multiplicatis beneficiis magis ingratus fiat ,
 a beneficiorum exhibitione ceffandum eft.

VII. *Vindicta* virtus eft , per quam vis , aut inju- Vindicta
 ria defendendo , aut juftè puniendo propulfatur. Et
 quidem illicita vindicta , fi vindicantis animus , &
 intentio præcipue ferantur in malum illius , de quo
 vindictam fumit , & ibi quiefcat ; quia delectari de ma-
 lo alterius pertinet ad odium , quod repugnat chari-
 tati ,

tati, qua omnes homines diligere debemus. Nec excusatur, si malum intendat illius; a quo injuste injuria affectus est; hoc enim est vinci a malo, contra Dei mandatum ab Apostolo significatum, cap. 12. Epistolæ ad Romanos: *Noli vinci a malo, sed vince in bono malum*. Si vero intentio vindicantis feratur præcipue ad emendationem peccantis, vel ad cohibitionem ejus, & quietem aliorum, & justitiæ conservationem, & Dei honorem, aliæque debitæ circumstantiæ servantur, ut scilicet publica, non privata auctoritate poena inferatur, nec gravioris poenæ desideretur inflictio, quam lege constituta sit, aut peccatum meruerit, virtus est. Punitio quidem peccatorum, quatenus ad publicam justitiam pertinet, actus est justitiæ commutativæ; quatenus vero pertinet ad immunitatem privatæ alicujus personæ, a qua injuria, servatis debitis circumstantiis, propulsetur, singularis virtutis actus est, scilicet vindicationis; adversus quam duo vitia pugnant, unum per excessum, nempe *crudelitas*, vel *sevitia*, quæ modum in puniendo excedit; alterum per defectum, videlicet nimia remissio in puniendo; de qua Prov. 13. scriptum est: *Qui parcit virga odit filium suum; & cap. 29. Servus verbi non potest erudiri*.

Liberalitas.

VIII. *Liberalitas* virtus est affinis justitiæ, qua bene utimur bonis omnibus externis ad vitæ sustentationem nobis concessis, præsertim pecunia, in cujus con-

Modus in liberalitate servandus est, ut „ „ Nec superflua sit circa importunos, neque restricta circa indigentes (*inquit S. Ambros. lib. 2. De Officiis, cap. 15.*)

Modus in liberalitate servanda.

Plurima genera liberalitatis sunt, non solum quotidiano sumptu egentibus, ut vitam suam sustinere possint, disponere, ac dispensare alimoniam, verum etiam his, qui publice egere verecundantur, consulere, ac subvenire. Summa etiam liberalitas captos redimere, eripere ex hostium manibus, subtrahere neci homines, & maxime feminas turpitudini; reddere parentibus liberos, parentes liberis, cives patriæ restituere. . . Æs alienum subire, si debitor solvendo non sit, atque arctetur ad solutionem, quæ sit jure debita, & inopia destituta; enutrire parvulos, pupillos tueri. Sunt etiam, qui virgines orbatas parentibus tuendæ pudicitiae gratia connubio locent, nec solum studio, sed etiam sumptu adjuvent „ „ (*inquit S. Ambr.*) Liberalitas ergo christiana cum charitate conjuncta est, nec propter finem solius honestatis, sed propter Deum, propter finem charitatis, maximeque erga egenos exercenda. Nam & apud Deum, & ad ipsum quoque seculi usum collatio beneficii facta in pauperes magis, quam in locupletes plus juvat; quia dives dedignatur beneficium, & pudet eum debitorem esse gratiae. Quin etiam id, quod collatum est sibi, meritis suis arrogat, quod velut debitum acceperit, vel ideo datum sit, eo quod is, qui dedit, reddendum sibi a divite uberius existimaverit. Ita in accipiendo beneficio, eo ipso, quod acceperint divites, dedisse se magis, quam accepisse existimant; pauper vero, etsi non habet, unde reddat pecuniam, refert gratiam; ut observat *S. Ambr. lib. 2. De Officiis, cap. 25.* Christiana liberalitas ab omni jactantia aliena esse debet. Qui gloriae causa, non propter bonum virtutis, multa largitur, non est vere liberalis. „ „ Nec illa perfecta est liberalitas (*inquit S. Ambr. lib. 1. De Officiis, cap. 30.*) si jactantiae causa magis, quam misericordiae largiaris. Affectus tuus nomen imponit operi tuo; quo-

modo a te proficiscitur, sic æstimatur. Perfecta est liberalitas, ubi silentio quis tegit opus suum „ „.

duplex li-
beralitas.

Quamvis liberalitas secundum actum non sit in iis, qui censu tenues sunt, si tamen iusti, ac pii sint, in illis est secundum habitum, & animi affectum, & officiis, consiliisque illustrius, utiliisque suppleant, quod pecuniæ erogatione non possunt. Id egregie confirmat S. Ambr. lib. 2. *De Officiis*, cap. 26. „ „ Utilis (*inquit*) huiusmodi liberalitas, sed non communis omnibus. Sunt enim plerique etiam viri boni, qui tenues sunt censu, contenti quidem exiguo ad sui usum, sed non idonei ad subsidium levandæ paupertatis alienæ; tamen suppetit aliud beneficentiæ genus, quo juvare possint inferiorem. Est enim duplex liberalitas; una, quæ subsidio rei adjuvat, id est, usu pecuniæ; altera, quæ operum collatione impenditur, multo frequenter splendidior, multoque clarior. . . Facile pecunia consumitur, consilia exhaustiri nesciunt. Hæc usu augentur; pecunia minuitur, & cito deficit, atque ipsam destituit benignitatem; ut quo pluribus largiri volueris, eo pauciores adjuves, & sæpe tibi desit, quod aliis conferendum putaveris. Consilii autem, operisque collatio, quo in plures diffunditur, eo redundantior manet, & in suum fontem recurrit „ „.

Affabilitas.

IX. *Affabilitas*, sive *Amicitia affabilitatis*, virtus est cognata iustitiæ, qua homo ad alios homines in com-

non repugnat. Unde Apost. 2. ad Corinth. 7. ait : *Si contristavi vos in Epistola, non me pœnitet. ; Gaudio, non quia contristati estis ; sed quia contristati estis ad pœnitentiam.* Ideo „ His, qui proni sunt ad peccandum, non debemus hilarem vultum ostendere ad eos delectandum ; ne videamur eorum peccato consentire, & quodammodo peccandi audaciam ministrare „ Unde dicitur Eccl. 7. *Filiæ tibi sunt ? Serva corpus illarum ; & non ostendas hilarem faciem tuam ad illas.*

S. Th. 1. 2.
q. 114. ar. 1.
ad 3.

De ista virtutē præclare differit S. Ambros. lib. 2. *De Officiis ministrorum*, cap. 7. „ Nihil tam utile (inquit) quam diligere ; nihil tam inutile, quam non amari ; nam odio haberi, exitiale, ac nimis capitale arbitror. Itaque id agamus, ut omni sedulitate commendemus existimationem, opinionemque nostram, ac primum placiditate mentis, & animi benignitate influamus in affectum hominum. Popularis enim, & grata est omnibus bonitas, nihilque, quod tam facile illabatur humanis sensibus. Ea si mansuetudine morum, ac facilitate ; tum moderatione præcepti, & affabilitate sermonis, verborum honore, patienti quoque sermonum vice, modestiæque adjuvetur gratia, incredibile quantum procedit ad cumulum dilectionis. Legimus enim non solum in privatis, sed etiam in ipsis Regibus, quantum facilitas blandæ affabilitatis profecerit, aut superbia, verborumque obfuerit tumor, ut regna ipsa labefactaret, & potestatem solveret. Jam si quis consilio, usu, ministerio, officiis popularem comprehendat gratiam ; aut si quis periculum suum pro universa plebe offerat ; non est dubium, quod tantum charitatis a plebe in eum refundatur, ut populus salutem ejus, & gratiam sibi præferat „ Id Moyse, & Davidis exempla probant, Moyse merito æstimatus est super homines, ut & vultum ejus non possent intendere, & sepulcrum ejus non repertam crederent ; „ quia sic sibi totius plebis mentes devinxerat, ut plus eum pro mansuetudine diligerent, quam pro factis admiraren-

Affabilitas
non solum
privatis,
sed principibus
viris
necessaria
virtus.

tur... Ideo David non cecidit, quia charus fuit omnibus, & diligere a subjectis quam timeri maluit. Timor enim temporalis tutaminis servat exuberantiam, nescit diuturnitatis custodiam. Itaque ubi timor decesserit, audacia obrepit, quoniam fidem non timor cogit, sed affectus exhibet „ „.

Christiane
comitati
non minus
adversatur
adulatio,
quam mo-
rositas.

Comitas amicitias nectit, ac fovet, neque tamen amico, aut cuilibet hominum vir christiana comitate præditus adulatur. Huic enim virtuti non minus adversatur adulatio, quam morositas, & rusticitas. Errantem amicum corripere, charitatis est, non morositatis. „ „ Non potest homini amicus esse, qui Deo fuerit infidus. Pietatis custos amicitia est, & æqualitatis magistra, ut superior inferiori se exhibeat æqualem; inferior superiori. Inter dispares enim mores non potest esse amicitia; & ideo convenire sibi utriusque debet gratia. Nec auctoritas desit inferiori, si res poposcerit, nec humilitas superiori. Audiat quasi parem, quasi æqualem; & ille quasi amicus moneat, objurget, non jactantiae studio, sed affectu charitatis. Neque monitio aspera sit, neque objurgatio contumeliosa; sicut enim adulationis fugitans amicitia debet esse, ita etiam aliena insolentia... Quid est enim amicus, nisi consors amoris, ad quem animum tuum adjungas, atque applices, & ita misceas, ut unum velis fieri ex duobus, cui te



Verba sunt S. Ambrosii, lib. 3. *De Officiis ministrorum*, cap. 22.

De adulatione, quod vitium est affabilitati oppositum, tractabimus lib. 4. istius operis, in explicacione octavi præcepti Decalogi. Eadem virtuti, ex altero extremo opponitur litigium, seu morositas, qua aliquis alios contristare non veretur, omnia illorum dicta, & facta improbens, & iugillans. Vir morosus ipso vultu severitatem tetricam demonstret, & tristitiam quamdam in colloquio cum aliis, eoque gravatim audit; nec minus gravatim eis respondet, atque sic exceptos dure habet, & tractat, nemini placere volens, ne in iis quidem, quæ honesta sunt. Vitium istud cum omnibus hominibus, tum ecclesiasticis maxime viris, Pastoribus animarum, & Superioribus quibuscunque fugiendum est, cum impedimento sit, ne lacrum ministerium tanto cum fructu impleant. Pastores & Superiores morosos, christianæque affabilitatis expertes, damnat Trajani ethnici Imperatoris exemplum, qui culpantibus amicis nimiam ejus erga omnes comitatem, ac popularitatem, respondit, teste Eutropio: *Ialem se Imperatorem esse privatum, quales esse sibi Imperatores privatus optasset.* Quamquam vero ad affabilitatem, & comitatem multum conterat indoles, & institutio, morosam tamen indolem, tetricam severitatem, intempestivam gravitatem virtus affabilitatis, & amicitiae, seu potius charitatis moderari, & emendare debet, ut lubenter, & cum significatione benevolentiae alios, quamvis pauperes, & extraneos, & infimæ sortis, ad congressum, & colloquium nostrum admittamus, eosque benigne audiamus, & alloquamur, ubi opus est, ac multo magis eos, quibus convivimus; candidaque animi lætitia, in vultu ipso, & oculis conspicua, & suavitate sermonis devinciamus eos, quibuscum verlamur, & agimus; in omnibus, quæ honesta sunt, placere omnibus satagentes, ut vere dicere possimus cum S. Paulo: *Per omnia omnes placeo.* Quo spectat & illud ad Romanos 15, *Debemus nos firmiores imbecillitates infirmorum*

Morositas,
ecclesiasti-
cis viris,
& pastoribus
fugien-
da.

1. Cor. 10.

sustinere, & non nobis placere. Unusquisque vestrum proximo suo placeat in bonum, ad edificationem. Et illud I. Petri 3, 8. In fide autem omnes unanimes, compatiētes, fraternitatis amatores, misericordes, modesti, humiles,

ARTICULUS IV.

De Fortitudine, ejusque Officiis, & Partibus,

Fortitudo timorem nimium cohibet, audaciæ impetum moderatur: christiani hominis animum confirmat contra res omnes adversas, contra quævis pericula, maxime præmeditata, & quæ subire oportet propter Dei gloriam, bonumque virtutis, ac præcipue contra mortem ipsam, quæ extremum, & maxime formidabile malum est; & ad labores arduos propter Deum suscipiendos, & subeundos incitat, & accendit.

§. I. Fortitudinis Partitio,

Fortitudo alia est *domestica*, alia *bellica*. Domestica est, qua firmitatem animi in adversis retinemus, quibus frangi animi solent, & a virtutis officio abduci, qualia sunt amissio patrimonii, honoris imminutio, &c. nec non adversus vitæ ipsius pericula pro justitia suscepta. Bellica est, quæ adversus hostes præliando declaratur, sive prælium illud corporale sit, sive spirituale. Hac excelluerunt Abraham, Moyses, Caleb, Josue, Gedeon, Barac, Samson, Iephthæ, David,

matus Christianus ait: *Si ambulavero in medio umbrae mortis, non timebo mala; quoniam tu mecum es...* Pſalm. 22.
Dominus protector vite mee, a quo trepidabo? Si con- Pſalm. 26.
ſiſtant adverſum me caſtra, non timebit cor meum.
Si exſurgat adverſum me praliū, in hoc ego ſperabo...
In Deo faciemus virtutem, & ipſe ad nihilum deducet Pſalm. 9.
tribuentes nos... *Quis nos ſeparabit a charitate Chri-*
ſti? Tribulatio? an anguſtia? an fames? an nuditas? Rom. 8.
an periculum? an perſecutio? an gladius? Sed in hiſ
omnibus ſuperamus, propter eum, qui dilexit nos. Cer-
tus ſum enim, quia neque mors, neque vita, neque An-
geli, neque Principatus, neque virtutes, neque inſtan-
ſia, neque futura, neque fortitudo, neque altitudo,
neque profundum, neque creatura alia, poterit nos ſe-
parare a charitate Dei... *Omnia poſſum in eo, qui me* Philip. 4.
confortat.

§. II. Fortitudinis Officia.

II. **D**uplex actus fortitudinis eſt. Res arduas ag- S Th. 2 2.
 gredi, periculaque adire, & ſuſtinere res qu. 12. &
 adverſas. atque in periculis firmum, & invictum 124.
 ſiſtere. In perſeſcendo magis elucet, quam in aggre-
 diendo; quia difficilius eſt reprimere timorem, quam
 audaciam moderari; difficilius eſt cum fortiore pu-
 gnare, quam debiliorem invadere; difficilius eſt præ-
 ſenti malo non moveri, quam futuro; difficilius eſt
 diu manere immobilem, quam ſubito motu ad ali-
 quod arduum moveri. Quamobrem Martirium he-
 roicæ fortitudinis actus eſt, qua, fit, ut Chriſtianus
 fidem, & juſtitiam non deleſcat ob pericula mortis
 imminentia, imo præſentia, ſtetque firmus, & in-
 victus in bello Domini. Unde *S. Cyprianus*, Epistoſa 8.
 ſic Martyres africanos compellat. „ „ Quibus vos
 laudibus prædicem, fortiſſimi fratres? Robur peſto-
 ris veſtri, & perſeverantiam fidei, quo præconio vo-
 cis exornem? Toleratiſtis uſque ad conſummationem
 gloriæ duriffimam quæſtionem, nec ceſſiſtis ſuppli-
 ciis, ſed vobis potius ſupplicia ceſſerunt. Finem do-
 orum, quem tormenta non dabant, coronæ dede-

Martirium
 heroicæ
 fortitudinis
 actus.

runt. Vidit admirans præsentium multitudo coeleste certamen Dei, spiritale certamen, prælium Christi, stetisse servos ejus voce libera, mente incorrupta, virtute divina, telis quidem secularibus nudos, sed armis fidei credentes armatos. Steterunt torti torquentibus fortiores; & pulsantes, ac laniantes ungulas pulsata, ac laniata membra vicerunt. Inexpugnabilem fidem superare non potuit læviens diu plaga repetita, quamvis rupta compage viscerum torquerentur in servis Dei jam non membra, sed vulnera. Quale illud fuit spectaculum Domino, quam sublime, quam magnum, quam Dei oculis sacramento, ac devotione militis ejus acceptum, sicut scriptum est: *Pretiosa in conspectu Domini mors justorum ejus*. Pretiosa mors hæc est, quæ emit immortalitatem pretio sui sanguinis, quæ accepit coronam de consummatione virtutis. Quam lætus illic Christus fuit, quam libens in talibus servis suis & pugnavit, & vicit protector fidei, & dans credentibus tantum, quantum se credit accipere, qui sumit? Certamini suo adfuit, prædicatores, atque assertores sui nominis erexit, corroboravit, animavit. Et qui pro nobis mortem semel vicit, semper vincit in nobis „ „

Martyrium
sola morte
pro Christo
consumma-

Martyrium sola morte consummatur pro fide, vel justitia, id est, pro cujusvis bonis virtutis, aut vitando peccato tolerata. Martyrem enim non facit

De Virtutibus.

11

pando, nunc impletur iustitia moriendo „ (inquit S. Augustinus, lib. 13. *De Civitate Dei*, cap. 4.) *Martyr* nomen est origine græcum, testem significans. Martyres ergo dicuntur, quasi testes fidei christianæ, per quam nobis visibilia pro invisibilibus contemnenda proponuntur. Ad Martyrium itaque pertinet, ut homo testificetur fidem, opere comprobans omnia præsentia se contemnere, ut ad futura, & invisibilia bona perveniat. Quamdiu autem homini remanet vita corporis, nondum opere ostendit se corporalia cuncta despiciere. Consueverunt enim homines, & consanguineos, & omnia bona temporalia contemnere, & etiam dolores corporis pati, ut vitam conservent. Unde satan de sancto Job ait: *Pelle pro pelle, & cuncta, quæ habet homo, dabis pro anima sua*, id est, pro corporis vita. „ Et ideo „ ad perfectam rationem Martyrii requiritur, quod „ aliquis mortem sustineat propter Christum „ (ut dixerit sanctus Thomas.)

Job 2. 4

Nobis tamen, qui in Ecclesiæ pace vivimus, fortitudo etiam necessaria est, siquidem habet & pax Ecclesiæ Martyres suos; & *Tota vita Christiani, si secundum Evangelium vivat, crux est; & Martyrium* (inquit S. Maximus.) Scilicet adversus pravas cupiditates, adversus mundi blanditias, & terrores, adversus continuas diaboli impugnationes in acie iustitiæ firmiter standum, & dimicandum est. „ „ Jure ea fortitudo vocatur, quando unusquisque seipsum vincit, iram continet, nullis illecebris emollitur, atque inflectitur, non adversus perturbatur, non extollitur secundis, & quasi vento quodam, variarum rerum circumfertur mutatione. Hæc igitur prima vis fortitudinis, quoniam in duobus generibus fortitudo spectatur animi. Primo, ut externa corporis pro minimis habeat, & quasi superflua despicienda magis quam expetenda ducet. Secundo, ut ea, quæ summa sunt omnesque res, in quibus honestas cernitur, præclara animi intentione usque ad effectum persequatur. Quid enim tam præclarum, quam ut

Fortitudinis virtus in pace Ecclesiæ nobis necessaria.

ita animum informes tuum, ut neque divitias, neque voluptates, neque honores in maximis constituas, neque in his studium omne conteras? Quod eum ita affectus animo fueris, necesse est, ut illud honestum, ac decorum præponendum putes, illique mentem intendas tuam, ut quidquid acciderit, quo frangi animi solent, aut patrimonii amissio, aut honoris imminutio, aut obrectatio infidelium, quasi superior non sentias. Deinde, ut te salutis ipsius pericula pro iustitia suscepta non moveant. Hæc vera fortitudo est, quam habet Christi athleta, qui nisi legitimo certamine non coronatur „ „ (*inquit S. Ambrosius, lib. 1. De Officiis ministrorum, cap. 36.*) Ad fortitudinis officium pertinet, ut neque in doloribus molliores simus, neque in prosperis elatiores, utque animum adversus prævisa pericula, & incommoda præparemus, ac firmemus. „ Nisi enim explorentur „ adversa, cito occupant. Ut in bello improvisus hostis vix sustinetur, & si imparatos inveniatur, facile „ opprimit; ita animum mala inexplorata plus frangunt „. Fortitudo christiana sola defendit ornamenta virtutum omnium, iudicia custodit, adversus omnia vitia prælio decernit, invicta ad labores, fortis ad pericula, rigidior adversus voluptates, dura adversus illecebras, pecuniam negligens, avaritiam fugiens. „ „ Nihil enim tam contrarium fortitudini, quam lucrò vinci. Frequenter pulsus hostibus, & in-

S. Ambr.
Ibid. c. 18.

Cap. 19.

norum spem, & desideria moderatur. Circa magnos
 autem honores ea ratione versatur vir magnanimus,
 ut eos immoderate non expetat, nec ad illorum con-
 secutionem primario intentionem dirigat suam, sed
 ut res magnas, arduas, & præclaras gerere studeat
 propter Deum, quibus magnis honoribus dignus
 evadit; quibus delatis non extollitur, sed eis utitur ad
 Dei gloriam, & hominum commodum. „ Magna-
 „ nimitas ita est circa honores, ut studeat facere
 „ ea, quæ sunt honore digna; non tamen sic, ut
 „ pro magno æstimet humanum honorem „ (*inquit*
 S. Thomas) Nihil ergo unquam agat vir magna-
 nimus contra virtutis officium, ut ad honores per-
 veniat. Hinc rursus S. Thomas: „ Magnanimi-
 tas (*inquit*) non est circa honorem quemcunque,
 sed circa magnum honorem; sicut autem honor de-
 betur virtuti, ita magnus honor debetur magno ope-
 ri virtutis. Et inde est, quod magnanimus intendit
 magna operari in qualibet virtute, in quantum tendit
 ad ea, quæ sunt digna magno honore „ „ Honores
 porro sibi convenientes suscipiet, vel recusabit, pro-
 ut Dei gloriæ, suæ saluti, publicæ utilitati conduce-
 re judicabit. Magnanimus a præsumptione, ambitio-
 ne, inani gloria, & pusillanimitate æque alienus est,
 quæ vitia sunt magnanimitati opposita; illa quidem
 per excessum, scilicet *Præsumptio*, *ambitio*, & *inani*
gloria; ista vero per defectum, scilicet *Pusillanimitas*.
 De Præsumptione, ambitione, inani gloria in supe-
 riori Tractatu disseruimus. *Præsumptio* est nimia con-
 fidentia, qua quis ea aggreditur, quæ vires suas exce-
 dunt. *Ambitio* est inordinatus honoris appetitus, cum
 scilicet aliquis honores, nec oblatos, nec debitos ap-
 petit, vel ad eos mediis illegitimis nititur; aut etiam
 illegitime oblatos, aut minime debitos suscipit. *Ina-*
nis gloria est immoderata gloriæ cupiditas, contra
 rationis scilicet, divinæque legis ordinem. *Pusillani-*
mitas vitium est, quo quis res magnas, quibus geren-
 dis aptus est, ex donis Dei, aut magnos honores,
 quibus dignus est, legitime oblatos, ex animi par-
 vita-

2. 2. q. 122
 art. 4. ad 1.

Vitia ma-
 gnanimi-
 tatis
 opposita.

Magnanimitas minime opposita humilitati.

S. Th. 2. 2.
q. 129. art.
3. & 4.

vitæ, & nimia abiectione refugit; vel auctoritatem suam, dignitatem, honorem, & privilegia tueri negligit, quatenus ad Dei gloriam, publicumque bonum id necessarium, & conducibile est. Magnanimitatem christianæ humilitati opponi nemo sibi perluadeat. Sorores sunt, & amicæ virtutes. Cum enim (inquit S. Thomas) in homine inveniatur aliquid magnum, quod ex dono Dei possidet, & aliquis defectus, qui competit ei ex infirmitate naturæ; magnanimitas facit, ut homo se magis honoribus, aut magnis rebus gerendis parem existimet, habita ratione donorum, & talentorum, quæ ipsi a Deo collata sunt. Humilitas autem facit, ut homo se ipsum parvipendat habita ratione priorum defectuum. Magnanimitas efficit, ut alii contemnantur, quatenus a donis Dei deficiunt. Neminem enim tam magni facit, ut illius causa aliquid contra officium, ac decorum agat. Humilitas vero alios honorat, & superiores æstimat ratione divinorum donorum, quæ in ipsis conspicit. Unde Psalmo 14. de viro justo dicitur: *Ad nihilum deductus est in conspectu ejus malignus*; quod spectat viri magnanimi celsam indolem contemptricem improborum. *Timentes autem Dominum glorificat*; quod spectat honorem, quem viris probis exhibet. Admirabile magnanimitatis exemplum præbuere sanctus Paulus, & Silas, cum Lydiæ ob Christi Fidem, & Evangelii prædicationem virgis cæsi, & in carce-

V. *Magnificencia* virtus est cognata fortitudini, Magnificencia
 quæ ad magna opera in exteriori materia magnis
 sumptibus facienda secundum rationis, & divinæ le-
 gis regulam animum inclinat. Ea vel publica est,
 vel privata. Publica, cum ad publicos usus magni
 sumptus conferuntur; idque, vel ad pios usus, ve-
 lut ad Sacrificia, & publicas preces, qualia sunt ex-
 structio, & dotatio Templorum, fundatio Monaste-
 riorum, Xenodochiorum, Collegiorum, &c. Vel ad
 usus politicos, reipublicæ scilicet augendæ, conser-
 vandæ, & condecorandæ causa; ut ædificatio Curie,
 horreorum publicorum, armamentarii, fori, portus,
 murorum, propugnaculorum; copiarum collectio,
 & collatio stipendiorum ad alendam cohortem, vel
 legionem tempore belli; instructio classis, vel navium
 bellicarum, ad reipublicæ defensionem, armorum-
 que regionum gloriam promovendam, &c. Privata
 magnificencia est, cum magnifica munera in quem-
 piam privatim conferuntur; vel magnifice fiunt, quæ
 pertinent ad usum proprium, quatenus id ratio de-
 cori postulat. Quamvis enim vir magnificus in his,
 quæ propriam personam spectant, sumptus magis
 moderetur, quia privatum bonum magnum non est;
 si quid tamen in his, quæ ad ipsum pertinent, ma-
 gnum videatur, id etiam exequetur magnifice, nec
 parcat sumptibus, in iis præsertim operibus, quæ
 diuturna esse debent, aut quæ semel fiunt. Illustrior
 porro magnificencia est, qua magna opera in Dei
 honorem sumptibus magnis perficiuntur. „ Nullus
 finis humanorum operum est adeo magnus, sicut
 honor Dei (inquit S. Thomas) ideo magnificencia
 præcipue magnum opus facit in ordine ad honorem
 Dei. Unde Philolophus 4. Ethicorum dicit: *Honora-*
biles sunt eis qui pertinent ad divina Sacri-
ficia. Et circa hoc maxime studet magnificus, & ideo
 magnificencia conjungitur sanctitati; quia præcipue
 ejus effectus ad religionem, sive sanctitatem ordina-
 tur „ „

22. q. 134.
 art. 2. ad 3.

Huic virtuti opponitur *Parvificencia*. Vitium est,
 quo

quo pecuniæ nimis amator deficit a recta proportio-
ne, quam ratio decori postulat inter sumptus ; &
opus, quod faciendum est ; aut minus largitur, quam
personæ, & dignitati ejus conveniat. Magnificus sci-
licet primario intendit magnitudinem operis, secun-
dario magnitudinem sumptus, quam non vitat, ut
faciat magnum opus. Parvificus e contrario præcipue
intendit parvitatem sumptus, ex consequenti vero par-
vitatem operis, quam non recusat, dummodo par-
vum sumptum faciat (inquit *sanctus Thomas.*) Hoc
vitium veniale plerumque peccatum est, ut innuit *san-
ctus Thomas.* Fieri tamen potest ex aliqua circumstan-
tia, ut in mortale peccatum evadat ; veluti si quis ad
opus magnum obstrictus sit religione voti, vel jura-
menti, aut suprema defuncti voluntate, ac testamen-
to, & in eo faciendo ita sumptibus parcat, ut ratio-
decori non servetur.

Qu. 135.

A. 1.

Ibid. ad 3.

Patientia.

[VI.] *Patientia* virtus est affinis fortitudini ; quæ qua ma-
la æquo animo toleramus, ne animo iniquo bona dese-
ramus, per quæ ad meliora perveniamus. Nam im-
patientes, dum mala pati nolunt, non efficiunt, ut
a malis eruantur, sed ut mala graviora patiantur.
Patientes autem, qui mala malunt non committen-
do ferre, quam non ferendo committere, & levio-
ra faciunt, quæ per patientiam patiuntur, & pejora
evadunt, quibus per impatientiam mergerentur.
Bona vero æterna, & magna non perdunt, dum

tur, hi patientiæ veritate laudantur, hi patientiam munere coronantur „ „ (ait S. Augustinus, ibidem, cap. 6.) Unde Christus non omnes: *Qui persecutionem patiuntur*, beatos prædicat, sed *Qui patiuntur propter justitiam*. Et S. Petrus scribit: *Nemo vestrum* 2. Pet. 4. 24. *patiatur ut homicida, aut fur, aut maledicus, aut alienorum appetitor. Si autem ut Christianus, non erubescat. Glorificet autem Deum in isto nomine.*

„ Quamvis autem patientia virtus sit animi, partim tamen ea utitur animus in se ipso, partim vero „ in corpore suo. In seipso utitur patientia, quando il- „ læso, & intacto corpore, aliquid, quod non expe- „ diat, vel non deceat facere, aut dicere quibuslibet „ adversitatibus, aut foeditatibus rerum, leu verbo- „ rum stimulis incitatur, & patienter mala omnia to- „ lerat, ne ipse mali aliquid opere, vel ore commit- „ tat. Per hanc patientiam sustinemus, etiam dum „ corpore sani sumus, quod inter hujus seculi scan- „ dala beatitudo nostra differtur. Unde dictum est: „ *Si quod non videmus, speramus, per patientiam ex-* Rom. 8. „ *spectamus*. Hac patientia sanctus David opprobria „ conviciantis toleravit, & cum facile posset ulcisci, „ non solum non fecit, verum & alium pro se dolen- „ tem, commotumque compescuit, & potestatem Re- „ giam magis adhibuit prohibendo, quam exercen- „ do vindictam. Hanc patientiam Dominus docuit, „ quando commotis zizaniorum permixtione servis, „ & volentibus ea colligere, dixit respondisse Patrem familias: *Sinite utraque crescere usque ad messem.* Matth. 13. „ Oportet enim patienter ferri, quod festinanter non „ oportet auferri. Hujus & ipse patientiæ præbuit, & „ demonstravit exemplum, quando ante passionem „ corporis sui, discipulum suum Judam, priusquam „ ostenderet traditorem, pertulit furem. Alius est „ patientiæ modus, quo idem ipse animus quæcun- „ que molesta, & gravia in sui corporis passionibus „ perfert, non sicut stulti, vel maligni homines, pro- „ pter adipiscenda vana, vel scelera perpetranda, sed „ sicut a Domino definitum est: *Propter justitiam.*

„ Utro-

Theol. Dog. & Moral. Lib. III.

„ Utroque modo sancti Martyres certaverunt. Nam
 „ & impiorum opprobriis saturati sunt, ubi animus
 „ corpore intacto quasdam veluti plagas suas integer
 „ sustinet; & in corporibus vincti sunt, inclusi sunt;
 „ fame, ac siti affecti sunt, torti sunt, secti sunt, di-
 „ laniati sunt, incensi sunt, trucidati sunt; & pietate
 „ immobili subdiderunt Deo mentem, cum paterena-
 „ tur in carne, quidquid exquirendi crudelitati venit
 „ in mentem. Hæc *S. August.* eodem in libro, cap. 9. & 10.

Patentia
 christianæ
 commendanda.
 60.

Patentia Christianorum in hoc mundo peregrinanti-
 um virtus est. „ Neque enim æterna erit patien-
 „ tia, quæ necessaria non est, nisi ubi toleranda sunt
 „ mala; sed æternum erit id, quo per patientiam per-
 „ venit. „ Aliarum quasi radix, eustolque virtu-
 „ tum est; ideo Christus ait: *In patientia vestra posside-
 bitis animas vestras*; ut *S. Gregorius* observat, Homi-
 lia 35. in Evangelia. Christiana patientia Dei donum
 est, charitatisque fructus: Nam *Charitas patiens est*
 (inquit Apostolus.) „ Vir desideriorum (*ait S. Au-
 gust.*) facit tolerantiam laborum; & nemo nisi pro
 „ eo, quod delectat, sponte suscepit ferre, quod cru-
 „ ciat. „ Quod autem aliquis gratiæ bonum præpo-
 „ nat omnibus naturalibus bonis. ex quorum amissio-
 „ ne dolor creari potest, pertinet ad charitatem, quæ
 Deum super omnia diligit. Merito itaque David de
 Deo ait: *Ab ipso patientia mea.* Quod oraculum *S.*

1. Cor. 13.
 Libro De
 patientia,
 cap. 4.

Psalm. 61.

August. explicans: „ „ Quis (*inquit*) tanta toleret; vel



Minor certe victoria est urbes expugnate, quia extra sunt, quæ vineuntur; majus autem est, quod per patientiam vincitur, quia ipse a se animus superatur, & semetipsum sibi ipse subicit, quando eum patientia in humilitate tolerantia spernit.

S. Gregor.
Homil. 34.
in Evang.

Christianæ patientiæ præcepta reipublicæ bono non adverfantur. Quamvis enim semper in cordis præparatione retinenda sint, ipsaque benevolentia, ne reddatur malum pro malo; semper in voluntate complenda sit; agenda sunt tamen multa; etiam cum invitus benigna quadam asperitate plectendis, quorum potius utilitati consulendum est, quam voluntati. Nam in corripiendo filio quamlibet asperere, nunquam profecto amor paternus amittitur. Fit tamen, quod nolit, & doleat, qui etiam invitus videtur dolore sanandus. Ac per hoc si terrena ista respublica præcepta christiana custodiat, & ipsa bella sine benevolentia non gerentur, ut ad pietatis, justitiæque peccatum societatem victis facilius consulatur. Nam cui licentia iniquitatis eripitur, utiliter vincitur; quoniam nihil est infelicius felicitate peccantium, qua poenalis nutritur impunitas, & mala voluntas velut hostis interior roboratur. Verba sunt S. Augustini, Epist. 138. alias 5, ad Marcellinum.

Christianæ
patientia
præcepta
reipublicæ
bono non
adverfan-
tur.

VII. Perseverantia, virtus est adjuncta fortitudini, per quam homo firmum habet propositum persistendi in bono opere usque ad illius consummationem, & adversus molestias, ac difficultates ex actus diuturnitate provenientes roboratur. De hac virtute S. Bernardus, Epistola 129. ad Januenses scribit: Perseverantia sola meretur viris gloriam, coronam virtutibus. Prorsus absque perseverantia, nec qui pugnat, victoriam, nec palmam victor consequitur. Vigor virium, virtutum consummatio est, natrix ad meritum, mediatrix ad præmium. Soror est patientiæ, constantiæ filia, amica pacis, amicitiarum nodus, inanimatis vinculum, propugnaculum sanctitatis. Tolle perseverantiam, nec obsequium mercedem habet, nec beneficium gratiam, nec laudem

Perseverantia:

Matth. 20. fortitudo. Denique non qui coeperit, sed *Qui perseveraverit usque ad finem, hic salvus erit.* Saul cum esset parvulus in oculis suis, Rex & super Israel constitutus; non perseverans in humilitate, & regnum amisit, & vitam. Si cautela Samsonis, si Salomonis devotio perseverantiam retinissent, nec is profecto privaretur sapientia, nec ille viribus. Hoc summæ honestatis insigne, hanc totius probitatis unicam, fidamque custodem, custodiri a vobis firmiter hortor, & precor „ „. Porro cum virtutes quædam sint, quarum actus per totam vitam durare, ac frequenter exerceri debent, sicut fidei, spei, & charitatis, quia finem ultimum totius vitæ humanæ respiciunt; ideo respectu illarum virtutum non consummatur actus perseverantiæ usque ad finem vitæ. Et hoc modo perseverantiam *S. Augustinus* accepit, pro actu scilicet perseverantiæ consummato, non pro solo virtutis singularis habitu; cum ait libro *De Dono perseverantiæ*, cap. 1. „ „. Afferimus donum Dei esse perseverantiam, qua usque in finem perseveratur in Christo; finem autem dico, quo vita ista finitur, in qua tantummodo periculum est, ne cadatur. Itaque utrum quisque hoc munus acceperit, quamdiu hanc vitam ducit, incertum est; si enim, priusquam moriatur, cadat, non perseverasse utique dicitur, & verissime dicitur. Quomodo ergo perseverantiam, qui non perseveravit, accepisse, vel habuisse

vetavit? Non contendo de verbis, si & illa perseverantia putatur esse dicenda tanquam temporis sui; hanc certe perseverantiam, qua in Christo perseveratur in finem, nullo modo habuisse dicendus est, qui non perseveraverit usque in finem ^{6. 33.}

Vitia perseverantiæ opposita sunt *Mollities*, & *Per-* S. Th. 2. &
tinacia; illa quidem per defectum, ista vero per ex- qu. 138.
cessum. *Mollities* vitium est, quo quis ex amore vo-
luptatis, seu vitæ molliis, & delicatæ consuetudine,
labores; & difficultates bonorum operum sustinere
refugit. *Pertinacia* vitium est, quo quis contra re-
gulam rationis in propria sententia; rebusque succe-
ptis persistit, nulla difficultatum, quæ ipsum ab ea-
rum prosecutione prohibere merito deberent; ha-
bita ratione.

ARTICULUS V.

De Temperantia; ejusque Partibus

§. I. Temperantiæ Officia

I. **T**emperantia, quæ maxime cohibet appetitum
ab iis rebus, quæ turpiter appetuntur; cujus
munus est in coercendis, sedandisque cupiditatibus,
quibus inhiamus in ea, quæ nos avertunt a legibus
Dei, & a fructu bonitatis ejus; quæ gustus præfer-
tim, ac venereorum delectationes coercet, ac mo-
deratur, necessitates hujus vitæ sibi præponit ut re-
gulam delectationum, quibus utitur: *Uc scilicet tan-
tum eis utatur; quantum necessitas hujus vitæ requirit.*
Unde S. Augustinus, libro *De Moribus Ecclesiæ*, cap.
21. „ „ Habet (inquit) vir temperans in hujusmodi
rebus mortalibus, & fluentibus vitæ regulam, utro-
que testamento firmatam; ut eorum nihil diligit,
nihil per se appetendum putet, sed ad vitæ hujus,
atque officiorum necessitatem quantum sat est, usur-
pet utentis modestia, non amantis affectu „ „

S. August.
lib. 1. De
Lib. Arb.
cap. 13. &
lib. de Mo-
ribus Ec-
clesiæ, cap.
19.

II. Vitia temperantiæ opposita sunt *Intemperantia*, Vicia tem-
& *Stupiditas sensuum*. Intemperantia vitium est, quo perantiæ
quis voluptates corporis, gustus præsertim ac vena- opposita

66 Theol. Dog. & Moral. Lib. III.

2. 2. q. 132.
art. 3.

S. Th. 2. 2.
qu. 144. &
145.

reorum immoderate, ac præter rationis, divinæque legis regulam appetit, iisque abutitur, modum iisdem regulis præscriptum excedens. Stupiditas sensuum, vitium est, quo quis omnes corporis delectationes etiam necessarias, honestas, & licitas, quas Deus homini ad hanc vitam tuendam inferuit, aspernat, ac si stipes, & truncus omnis sensus expertus, vel sincero animi iudicio privatus. Quod quidem vitium admodum infrequens est. Observandum tamen cum *S. Thomas*, abstinenciam a delectationibus corporis, quas Deus naturalibus operationibus inspernit, quandoque laudabilem esse, vel necessariam. Aliqui enim propter sanitatem corporis a quibusdam delectationibus ciborum, potuum, & venereorum prudenter abstinunt. Alii propter officii sui executionem a multis delectationibus sibi temperant, ut athletæ, & milites; multo laudabilius „ „ Pœnitentes ad recuperandam animæ sanitatem; abstinencia delectabilium, quasi quadam dieta utuntur. Et homines volentes contemplationi, & rebus divinis vacare, oportet, ut se magis a carnalibus desideriis abstrahant „ „

§. II. Temperantia Partes velut integrantes.

III. Temperantiæ partes velut integrantes, sunt *Verecundia, & honestas,*

Verecundia est timor turpitudinis, & vituperii vitiosam, & inhonestam actionem consequentis. An
magnum

Ordo vitæ nobis tenendus est (*inquit S. Ambros.*) Lib. x. De
Officiis,
cap. 43 &
cap. 18.
ut a verecundia prima quædam fundamenta ducan-
tur; quæ socia, ac familiaris est mentis placiditati,
proterviæ fugitans, ab omni aliena luxu, sobrieta-
tem diligit, honestatem fovet, decorum illud requi-
rit. . . Pulchra virtus est verecundia, & suavis gra-
tia, quæ non solum in factis, sed etiam in ipsis specta-
tur sermonibus; ne modum progrediari loquendi;
ne quid indecorum sermo resonet tuus. Speculum
enim mentis plerumque in verbis refulget. Ipsum vo-
cis sonum librat modestia, ne cuiusquam offendat au-
rem vox fortior. Silentium quoque ipsum, in quo
est reliquarum virtutum otium, maximus actus vere-
cundiæ est. Denique si aut infantiæ putatur, aut su-
perbiæ, probro datur; si verecundiæ, laudi ducitur.
Tacebat in periculis Susanna, & gravius verecundiæ,
quam vitæ damnum putabat, nec arbitrabatur peri-
culo pudoris tuendam salutem. Deo soli loquebatur,
cui poterat calta verecundia eloqui; refugebat ora
intueri virorum; et enim & in oculis verecundia,
ut nec videre viros femina, nec videri velit. Neque
vero quisquam solius hanc laudem castitatis putet.
Est enim verecundia pudicitiae comes, cujus societa-
te castitas ipsa tutior est. Bonus enim regendæ casti-
tatis pudor est comes; qui si se prætendat ad ea, quæ
prima pericula sunt, pudicitiam temerari non sinat.
Hic primus in ipso cognitionis ingressu, Domini ma-
trem commendat legentibus, & tanquam testis lo-
cuples, dignam, quæ ad tale munus eligeretur, ad-
struit; quod in cubiculo, quod sola, quod salutata
ab Angelo tacet, & mota est in introitu ejus, quod
ad virilis sexus speciem peregrinam turbatur aspectus
virginis. In ipsa oratione nostra multum verecundia
placet, multum conciliat gratiæ apud Deum nostrum.
Nonne hæc prætulit Publicanum, & commendavit
eum, qui nec oculos suos audebat ad cælum leva-
re? Ideo justificatur magis Domini judicio, quam
ille Phariseus, quem deformavit præsumptio. Est
etiam in ipso motu, gestu, incessu tenenda verecun-
dia.

Inverecundia.

dia. Habitus enim in corporis statu cernitur. Hinc homo cordis nostri absconditus, aut levior, aut jactantior, aut turbidior; aut contra gravior, & constantior, & purior, & maturior æstimatur. Itaque vox quædam est animi corporis motus. *Ad inverecundiam pertinet*, sensim ambulando imitari histrionicos gestus, & quasi quædam fercula pomparum, ut quotiescunque gradum transferunt, modulos quosdam seriare videantur. *Inverecundum pariter est* cursum ambulare, nisi cum causa exigit alicujus periculi, vel justa necessitas. Est gressus probabilis, in quo sit species auctoritatis, gravitatisque pondus, tranquillitatis vestigium; ita tamen si studium desit, atque affectatio, sed motus sit purus, ac simplex; nihil enim fucatum placet. Motum natura informet. Si quid sane in natura vitii est, industria emendet; ut ars desit, non correctio. *Multo magis cavendum est, ne quid turpe ore exeat; hoc enim graviter coinquinat hominem.* Non enim cibus coinquinat, sed injusta obrectatio, sed verborum oblocutio. Hæc etiam vulgo pudori sunt. In nostro vero officio nullum verbum, quod inhoneste cadat, non incutiat verecundiam. Et non solum nihil ipsi indecorum loqui, sed ne aurem quidem debemus hujusmodi præbere dictis; sicut Joseph, ne incongrua suæ audiret verecundiæ, veste fugit relicta; quoniam quæ delectat audire, alterum loqui provocat. *Partes corporis, vel alieni, vel no-*

tium, quas abscondere pudor jubet : Indicia, usque
suis appellationibus nuncupare, indecorum est. »
Hæc S. Ambrosius.

Verecundiæ opponitur *Inverecundia*, seu *Impudentia*, qua quis turpitudinis vel nullum, vel hebetem, & obtutum lentum habet, de qua *Jerem. 3.* dicitur : *Frons mulieris meretricis facta est tibi, nolasti erubescere* : & *Malus pudor*, quo eorum pudet quempiam, quorum pudere non oportet, sive quæ per se honesta sunt, & bona, vel certe media, & indifferentia. Sic malum est pudore suffundi ob opera virtutis, quia ludibrio sunt apud impios; & in sacris Literis damnatum est illud verecundiæ genus. *Eccl. 4. Pro anima tua ne confundaris dicere verum; est enim confusio adducens peccatum, & est confusio adducens gloriam, & gratiam.* Et *Lucæ 9. Qui me erubuerit, & sermones meos, hunc Filius hominis erubescet, cum venerit in Majestate sua, & Patris, & sanctorum Angelorum.* Et 2. ad *Timotheum 1. Noli erubescere testimonium Domini nostri, neque me vinculum ejus.* Malus est pudor, quo aliquem suæ, aut parentum paupertatis, ignobilitatis, aut calamitatum absque vitio suo contingentium, & a Deo immisrarum pudet. In his enim gloriari, & gaudere, vir christianus, discipulus Christi, qui propter nos egenus factus est, qui ex matre paupere natus, qui *Fabri filius* cenleri, & appellari dignatus est, qui pauperes de hoc mundo discipulos elegit, qui pauperes, & calamitosos beatos prædicavit, modo paupertatem, & calamitates propter Deum patiantur. In hoc Christiani sumus, ut gloriemur lubenter in paupertate, in ignobilitate, in infirmitatibus, in calamitatibus, integramque semper innocentiam servantes, Deo fideliter, & constanter quovis in statu serviamus.

Honestas. Virtus est, quæ hominem avertit, & prohibet ab iis, quæ omnium maxime sunt inhonestæ, & probrosa, ab immoderato scilicet amore voluptatum, cibi, & potus, & venereorum. Ad hanc virtutem pertinet decorum in omni actione nostra,

70 Theol. Dog. & Moral. Lib. III.

honestatis
christianæ
aracter
h

& toto vitæ ordine servare. „ Quærendum in omni actu quid personis, quid temporibus conveniat, atque ætatibus, quid etiam singulorum ingeniis sit accommodum. Sæpe enim quod alterum decet, alterum non decet. Aliud juveni aptum, aliud seni; aliud in periculis, aliud in rebus secundis. Saltavit ante arcam Domini David; non saltavit Samuel; nec ideo ille reprehensus, sed magis iste laudatus. Mutavit vultum contra Regem, cui nomen Achis; at hoc si fecisset remota formidine, quo minus cognosceretur, nequaquam levitatis reprehensione carere potuisset „. *Verba sunt sancti Ambrosii*, lib. 1. *De Officiis*, cap. 43. „ Non mediocriter est rebus singulis modum servare, atque impartiri ordinem, in quo vere præluceat illud, quod decorum dicitur; quod ita cum honesto jungitur, ut separari non queat. Siquidem & quod decet, honestum est; & quod honestum est, decet; ut magis in sermone distinctio sit, quam in virtute discretio. Velut salubritas totius operis, actusque nostri honestas est, & sicut species est decorum, quod cum honestate consulum, opinione distinguitur. Nam etsi in aliquo videatur excellere, tamen in radice est honestatis, sed flore præcipuo, ut sine ea decidat, in ea floreat. Quid enim est honestas, nisi quæ turpitudinem quasi mortem fugiat? Quid vero inhonestum, nisi quod ariditatem, ac mortem afferat? Vivente igitur sub-

nia est illi; mulier vero si comam nutriat, gloria est illi, quoniam capilli pro velamine ei dati sunt.

„ Si quis igitur æqualitatem universæ vitæ, & sin- S. Ambrosius
 „ gularum actionum modos servet, ordinem quo- lib. 1. De
 „ que, & constantiam dictorum, atque operum, Officiis,
 „ moderationemque custodiat, in ejus vita decorum cap. 46.
 „ excellit, & quali in quodam speculo elucet. „ „ Ac-
 „ cedat tamen luavis sermo, ut conciliet sibi affectum
 „ audientium, gratumque se vel familiaribus, vel ci-
 „ vibus, vel, si fieri potest, omnibus præbeat. Neque
 „ adulantem se, neque adulantium cuiquam exhibeat;
 „ alterum enim calliditatis est, vanitatis alterum. Non
 „ despiciat, quid de se unusquisque, & maxime vir
 „ optimus sentiat, hoc enim modo discit bonis deferre
 „ reverentiam. Nam negligere bonorum judicia, vel
 „ arrogantæ, vel dissolutionis est; quorum alterum
 „ superbix adscribitur, alterum negligentix. Caveat et-
 „ iam motus animi sui; ipse enim sibi & observandus,
 „ & circumspiciendus est; & ut adversum se cavendus,
 „ ita etiam de se tuendus... Solliciti debemus esse, ne
 „ quid temere, aut incuriose geramus, aut quidquam
 „ omnino, cuius probabilem non possimus rationem
 „ reddere. Actus enim nostri causa, etsi non omni-
 „ bus redditur, tamen ab omnibus examinatur... Bo-
 „ ni speculatoris est, ita prætereuntem animo, ut ap-
 „ petitus neque præcurrat rationem, neque deserat;
 „ ne præcurrendo perturbet, atque excludat, eamque
 „ deleterendo destituat. Perturbatio tollit constantiam,
 „ destitutio prodit ignaviam, accusat pigritiam „ „
 „ Hi christianæ honestatis characteres a S. Ambrosio de-
 „ scripti lib. 1. *De Officiis*, cap. 47.

Addendum, quod sapius idem S. Doctor inculcat, Apud Chri-
 „ quamvis Philosophi honestum ab utili distinxerint, stianos ni-
 „ apud Christianos tamen nihil vere utile censeretur, nisi hil utile,
 „ quod honestum sit. „ „ Nos autem (*inquit*) nihil om- nisi quod
 „ nino, nisi quod deceat, & honestum sit, futurorum honestum.
 „ magis, quam præsentium metimur formula; nihilque Lib. 1. De
 „ utine, nisi quod ad vitæ illius æternæ prolit gratiam, Officiis,
 „ detrahimus, non quod ad delectationem præsentis... cap. 2.
Lib. 2. c. 8.

Est igitur non solum familiare contubernium honestatis, & utilitatis, sed eadem quoque utilitas, quæ
 Lib. 3. c. 3. honestas. . . Qui perfecte sapit, nescit sua spectare commoda; sed ad illud, quod æternum est, quod decorum, atque honestum, toto affectu intendit, quærens, non quod sibi utile est, sed quod omnibus. Itaque hæc sit formula, ut inter duo illa, honestum, atque utile, errare nequeamus; eo quod iustus nihil alteri detrahendum putet, nec alterius incommodo suum commodum augeri velit. Hanc formam præscribit Apostolus
 1. Cor. 10. dicens: *Omnia licent, sed non omnia expediunt; omnia licent, sed non omnia edificant. Nemo, quod suum est querat, sed quod alterius; hoc est, nemo commodum suum querat, sed alterius. Nemo honorem suum querat, sed alterius. Unde & alibi dicit: Alter altorum existimantes superiorem sibi, non quæ sua sunt singuli cogitantes, sed quæ aliorum.* Nemo etiam suam gratiam querat; nemo suam laudem, sed alterius. . . Cur enim te potius altero iudices, cum viri sit christiani præferre sibi alterum, nihil sibi arrogare, nullum sibi honorem assumere, non vindicare meriti tui pretium? Quid tam adversus naturam, quam non esse contentum eo, quod habeas, aliena querere, ambire turpiter? Nam si honestas secundum naturam, omnia enim fecit Deus bona valde; turpitudine itaque contraria est. Non potest ergo honestati convenire, & turpitudini, cum hæc inter se discreta na-

S. Ambros.
 lib. 1. De
 Officiis,
 cap. 4.

§. III. *Virtutes Temperantiæ subjectæ,*

I. **V**irtutes temperantiæ subjectæ, sive temperantiæ species sunt, *Abstinencia, Sobrietas, Castitas*. *Abstinencia* virtus est, qua quis a cibo sibi temperat, quantum decet, & oportet, habita ratione valetudinis, & personæ suæ, & aliorum quibuscum vivit, De qua 2. *Petri* 1. dicitur; *Ministrate in fide vestra virtutem, in virtute autem scientiam, in scientia autem abstinenciam*. Actus abstinentiæ est *Jejunium* de quo agemus lib. 4. hujus operis in explicatione tertii præcepti Decalogi. Illi opponitur *Gula*, capitale vitium, de quo Tractatu superiori actum est.

Sobrietas virtus est, quæ sumptionem potus inebriandi vim habentis moderatur. De illa scriptum est. *Ecclel. 31. Equa vita hominibus, vinum in sobrietate; si vobis illud moderate, eris sobrius*. Huic opponitur *Libertas*, de qua in superiori Tractatu egimus.

Castitas est virtus carnalium voluptatum moderator. De qua Apostol. 2. ad Corinth. 7. *Mundemus nos ab omni inquinamento carnis, & spiritus*. Et 1. ad Timoth. 2. *Quietam, & tranquillam vitam agamus in omni pietate, & castitate*. Triplex est, conjugalis, virginalis, & virginialis. Duabus aliis excellentior virginitas. Virtus est firmum, & constans propositum includens perpetuo abstinendi ab omni delectatione venerea. Si ve, ut S. *Augustinus* definit libro de *S. virginitate*, cap. 8. est „„ Continentia, qua integritas carnis ipsi Creatori animæ, & carnis voveatur, consecratur, servatur. Et cap. 13. Virginis integritas, & per piam continentiam ab omni concubitu immunitas Angelica portio est, & in carne corruptibili incorruptionis perpetuæ meditatio „„ Virginum status „„ Flos est ecclesiastici germinis, decus, atque ornamentum gratiæ spiritualis, læta indoles, laudis, & honoris opus integrum, atque incorruptum, Dei imago respondens ad sanctimoniam Domini, illustrior portio gregis Christi „„ (inquit S. *Cyprianus*, in Tractatu *De Disciplina, & habitu Vir-*

Angelis cognata virginitas.

Primum in Virginum ordine locum tenent sanctimoniales.

ginum,) Angelorum æmula virginitas est, Angelisque cognata; nam in carne præter carnem vivere, non terrena vita, sed coelestis. „ Differunt quidem inter se homo pudicus, & Angelus, sed felicitate, non virtute. Sed etsi illius castitas felicior, hujus tamen fortior esse cognoscitur „ (*inquit S. Bernardus Tractatu De Moribus, & Officio Episcoporum, „ alias Epistola 42.)* Sola castitas in hoc mortalitatis & loco, & tempore statum quemdam immortalitatis gloriæ repræsentat. Sola inter nuptiarum solemnia, morem beatæ illius vindicat regionis, in qua neque nubunt, neque nubentur: Præbens quodammodo in terris coelestis jam illius conversationis experientiam. Vas interim fragile, quod portamus, in quo & crebro periclitamur, tenet castitas (ut monet Apostolus) in sanctificationem, & instar odoriferi balsami, quo condita cadavera incorrupta servantur, sensus ipsa & artus continet, & constringit, ne dissolvantur otii, ne corrumpantur desideriis, ne carnis voluptatibus computrescant. Primum in virginum ordine locum tenent honoris, & meriti Sanctimoniales, ut docet *S. Augustinus libro De sancta Virginitate, cap. 45. & 46. „* Perhibet enim (*inquit*) præclarissimum testimonium ecclesiastica auctoritas, in qua fidelibus notum est, quo loco Martyres, & quo defunctæ sanctimoniales ad Altaris Sacramenta reci-

§. IV. *Virtutes adjunctæ Temperantiæ.*

V. Virtutes adjunctæ temperantiæ sunt *Continentia*, *Clementia*, *Manjuctudo*, *Modestia*, *Humilitas*, *Taciturnitas*, *Studiositas*, *Eustrapelia*, sive *jununda Urbanitas*.

Continentia dupliciter sumitur, vel strictiori significatione, quatenus virtus est, qua ab omnibus omnino delectationibus venereis abstinetur; & hac ratione idem est, quod castitas virginalis, aut vidualis. Secundo latiori quadam significatione, quatenus virtus est rationem confirmans, ne pravis concupiscentiæ motibus, & carnalibus desideriis, quæ militant adversus animam, vincatur. *Continentia* primo modo sumpta, species est temperantiæ: secundo modo sumpta, virtus est inferior temperantiæ, sique adjuncta. Ad primam pertinet illud Eccli. 26. *Omnis autem ponderatio non est digna continentis animæ.* Ad alteram, de qua nunc agimus, pertinet illud *S. Hieronymi* in cap. 5. Epistolæ ad Galatas: „ Inter continentiam (*inquit*) & modestiam hoc interest, quod modestia in viris perfectis est consummata virtus; continentia vero in via quidem virtutis est, sed necdum pervenit ad calcem; quia cupiditates adhuc ex ejus, qui se continet, cogitatione nascuntur, & mentis polluunt principale, licet non superent, nec ad opus pertrahant cogitantem „ „ *Continentiæ* sic acceptæ discrimen a castitate explicat Chereemon Abbas apud *Cassianum*, in collationibus Patrum, Collatione 12. cap. 10. „ Castitas (*inquit*) non ut arbitramini, distractionis præsidio, sed amoris sui, & propriæ puritatis delectatione subsistit. Non enim castitas, sed continentia dicitur, ubi adhuc ei aliqua resistit adversitas voluptatis. Quamobrem donec pulsari nos carnis commotione sentimus, noverimus nos ad castitatis nondum pervenisse fastigia, sed adhuc sub infirmitate continentiæ constitutos præliis fatigari. *Et cap. 12.* Quamobrem perfectio castitatis a laborioso continentiæ rudimentis perpetua tranquillitate dis-

seernitur „ „ De illa *S. Augustinus*, lib. *De Continentia*, cap. 3. „ „ Aliud est (*inquit*) bene pugnare, quod nunc est; quando mortis contentioni relinquitur; aliud adversarium non habere, quod tunc erit, quando mors novissima inimica destruetur. Nam & ipsa continentia, cum frænât, cohibetque libidines, simul & appetit bonum, ad cuius immortalitatem tendimus, & respuit malum, cum quo in hac mortalitate contendimus. Illius quippe amatrix, & spectatrix, hujus vero & hostis, & testis est; & decus appetens, & dedecus fugiens. Non utique in cupiditatibus frænandis continentia laboraret, si nihil nos, contra quod decet, liberet; si nihil nostræ bonæ voluntati ex mala concupiscentia repugnaret „ „ Huic virtuti opponitur *Incontinentia*, vitium, quod aliquis pravis cupiditatibus ignave cedit, turpibusque delectationibus se immergit.

Clementia. *Clementia* virtus est, qua animus ad lenitatem in poena exigenda propendet; sive, est lenitas Superioris adversus inferiorem; aliquid ex debita poena remittens; quatenus id patitur iustitiæ ratio. Spectatis scilicet circumstantiis facti, causæ, personæ, & modi, interpretatur iudex legem, quæ poenas in reos constituit, in tali casu poenam tam gravem non requirere. Sin autem lex poenæ speciem, & quantitatem relinquit arbitrio iudicis, maiorem exercendæ clementiæ opportunitatem habet. Hæc virtus a Spiritu sancto

de *Ithacium*, & *Idacium* Episcopos execrata est, qui *Priscillianum*, licet hæreticum, usque ad capitale supplicium apud *Maximum* Tyrannum persecuti sunt, ut *Severus Sulpitius*, lib. 2. commemorat. Olimque Episcopi pro reis apud judices intercedebant, ut eorum poenam remitti, vel temperari impetrarent, ut constat ex *S. Augustini* Epistola 153. alias 54. ad *Macedonium* quem de clementia in reorum judiciis servanda his verbis commonet: „ Sic tamen (*inquit*) etiam ipsos criminum ultores, atque in hoc officio non ira propria concitados, sed legum ministros, nec suarum, sed alienarum examinatorum injuriarum vindices, quales judices esse debent, terruit censura divina, ut cogitarent sibi propter sua peccata Dei misericordiam necessariam, nec putarent ad culpam sui officii pertinere, si quid erga eos misericorditer agerent, quorum vitæ, necisque haberent legitimam potestatem. Nam cum ad Dominum Christum Judæi adduxissent mulierem in adulterio comprehensam, eumque tentantes dicerent, quod jussa esset lege lapidari; ac deinde quærerent, quid de illa ipse præciperet, respondit eis: *Qui sine peccato est vestrum* Joan. 8. *prior in eam lapidem jaciatur*. Ita nec legem improbavit, quæ hujusmodi reas jussit occidi; & illos terrendo ad misericordiam revocavit, quorum judicio hæc possit occidi... Cedat huic sententiæ pietas Christianorum, cui cessit impietas Judæorum. Cedat humilitas obsequentium, cui cessit superbia persequentium. Cedat confessio fidelis, cui cessit simulatio tentatoris. Malis parce, vir bone; quanto melior, tanto esto mitior, quanto sis celsior potestate, tanto humilior fieri pietate „„. Severitate tamen opus est, ut coerceatur improborum audacia, sed clementia temperari debet; ac multo magis a Judicibus, & Superioribus ecclesiasticis. *Plurimum autem interest, quo animo quisque parcat. Sicut enim est aliquando misericordia puniens, ita & crudelitas parcens*. Habenda semper est justitiæ, ac disciplinæ ratio fraternæ salutis, ædificationis publicæ. Clementiæ namque non minus

78 Theol. Dog. & Moral. Lib. III.

opponitur nimia mollities, & indulgentia, quam crudelitas. Iuxta vero severitas elementariæ non adversatur. Unde S. Ambrosius Epist. 74. „„ Beatus (inquit) qui & severitatem, & mansuetudinem tenet; ut altera disciplina servetur, altera innocentia non opprimatur. Nimia enim severitas extorquet plerumque terrore mendacium. Deus diligere maluit, quam timeri „„

Mansuetudo. *Mansuetudo* virtus est iræ moderatrix. Hanc præ cæteris Christus docuit: *Discite* (inquit) *a me, quia mitis sum, & humilis corde.* „ Beati mites, quoniam ipsi possidebunt terram. Sed & in sacris veteris Testamenti paginis commendatur, Psalm. 36. *Mansueti autem hereditabunt terram.* Terram utique viventium, Jerusalem sanctam, quæ liberabitur de peregrinatione ista, & in æternum vivet cum Deo, & de Deo, ut explicat S. Augustinus. Hæc virtus Moysen, hæc Davidem Deo acceptos fecit. *Memento, Domine; David, & omnis mansuetudinis ejus; donec inveniam locum Domino.* Ubi quærebat locum Domino? *Si mansuetus erat, in se quærebat* (inquit S. Augustinus.) *Audi Prophetam: Super quem requiescit spiritus meus? Super humilem, & quietum, & tremantem verba mea.* „ Vis esse locus Domini? *Esto humilis, & quietus, & tremens verba Dei, & tu ipse efficiaris, quod quæris.* Eccles. 10. scriptum est: *Fili, in mansuetudine serva animam tuam, & da illis honorem secundum*



Paulus cum dicit: *Imitatores Dei estote*, ad hoc dicit, ut isti studeatur virtuti „ „. Huic opponitur *Ira*, capitale vitium, de quo in superiori Tractatu egimus.

Modestia virtus est interiorum, & exteriorum hominis actionum in quibus modum servare non adeo difficile est, moderatrix. Externos corporis motus hæc virtus componit, ut nihil sit in eis, quod cuiquam offendant aspectum, sed quod interioris hominis deceat sanctitatem. Nam *Amictus corporis, & risus dentium, & ingressus hominis enuntiant de illo* (inquit Sapiens.) Hæc virtus efficit, ut nihil torvum, nihil elatum sit in oculis, nihil in verbis pro-cax, nihil in actu inverecondum; non gestus fractior, non incessus solutior, non vox petulantior, ut ipsa corporis species simulacrum sit mentis, figura probitatis. „ „ Bona quippe domus in ipso vestibulo debet agnosci, ac primo prætendat ingressu nihil intus latere tenebrarum; ut mens nostra nullis repagulis corporalibus impedita, tanquam lucernæ lux intus posita foris luceat „ „ (ut loquitur S. Ambr. lib. 2. *De Virginibus*, cap. 2.) Nec oculos sublimes, & vagos habet vir modestus, nec immodice depresso; non caput nimis elatum, nec in gyrum contortum, aut curvum; non remissam, non fractam vocem, nihil femineum sonantem, sed succi cujusdam virilis plenam. *Hoc est enim pulchritudinem vivendi tenere, convenientia cuique sexui, & personæ reddere* (inquit S. Ambrosius, lib. 1. *De Officiis*, cap. 19.) Nec fractus, & mollis sit incessus, nec agrestis, & rusticus; nec velox nimis, & quamdam scurrarum percurlantium imaginem exhibens, nec tardior, nec ad pompam, aut numeros veluti compositus; nihil in gestu histrionicum, nihil leve, nihil in risu dissolutum; *Fatuus enim in risu exultat vocem suam*. Nihil in toto corporis habitu insolens, nihil affectatum, nihil fucatum. Non seminarum duntaxat, non Clericorum tantum, & Monachorum, sed Christianorum omnium hæc virtus est. *Modestia vestra*

Modestia.

Eccl. 19.

Modestia
christiana
characteres.

Eccl. 28.

Philip. 4.5.

(inquit Apostolus) *nota sit omnibus hominibus.* Christianæ modestiæ non satis est esse, verum & videri postulat. Eructet necesse est a conscientia ad habitum, ab animo ad superficiem (ut loquitur alicubi Tertullianus) *Iustini* Siciliæ Prætoris modestiam singularem commendat *S. Gregorius*, Epistola 2. libri 1. „„ Ipsa (inquit) incessus vestri modestia quibuldam conatibus exigebat, ut diligi, & venerari etiam a nolente debuisset. *Et infra*: Tantam gloriæ tuæ modestiam didici, ut esse non tuus erubescam „„ Externum etiam corporis cultum, & ornatum hæc virtus moderatur, ut personæ, statui, moribus eorum, quibuscum vivitur, congruat; nihil in eo superfluum, nihil dissolutum, nihil affectatum, nihil neglectum nimis, & incultum.

Humilitas.

Humilitas virtus est temperantiæ cognata, modestiæ soror, qua reprimitur, & firmatur hominis appetitus, ne in magna supra se tendat. Sive, ut definit *S. Bernardus* in Tract. de Gradibus humilitatis: *Est virtus, qua homo verissima sui agnitione sibi ipse vilescit.* Hæc cæteris virtutibus antecellit, si Theologicas, & iustitiam exceperis. „ Quanta virtus humilitatis, propter quam solam veraciter edocendam is, qui sine æstimatione magnus est, ulque „ ad passionem mortis factus est parvus „ „ (inquit *S. Gregorius*, Epistola 38. lib. 4.) *Christianorum virtus* vocatur a *S. Hieronymo*, Epistola 27. ad Eusto-

cum tacere nesciant. Rarum est tacere quemquam, cum sibi loqui nihil profit. Sapiens est ergo, qui novit tacere. Denique Sapientia Dei dixit: *Domini- Isai. 58: nus dedit mihi linguam eruditionis, quando oporteat sermonem dicere.* Ideo Sancti Domini, qui scirent, quia vox hominis plerumque peccati annuntiatio est, & initium erroris humani sermo est hominis, amabant tacere. Denique Sanctus Domini ait: *Dixi, cu- Psalm. 38: studiam vias meas, ut non delinquam in lingua mea.*

Quis autem est, qui mundum cor a peccatorum habeat colluvione, aut non delinquat in lingua sua? Et ideo quia neminem videbat Sanctum os servare posse ab immunditia sermonis, ipse sibi silentio legem imposuit innocentiae, ut tacendo culpam declinaret, quam vix effugere posset loquendo. Audiamus ergo cautionis magistrum: *Dixi: Custodiam vias meas.* Aliæ sunt viæ, quas debemus sequi, aliæ, quas custodire; sequi vias Domini, custodire nostras; ne in culpam dirigant. Potes autem custodire, si non cito loquaris. . . Quid igitur? mutos nos esse oportet? minime. Est enim tempus tacendi, & tempus loquendi. Deinde si pro otioso verbo reddimus rationem, videamus, ne reddamus & pro otioso silentio. Est enim & negotiosum silentium; ut erat Susannæ, quæ plus egit tacendo, quam si esset locuta. Tacendo enim apud homines, locuta est Deo; nec ullum magis indicium suæ castitatis invenit, quam silentium. *Et infra: Alliga sermonem Cap. 3: tuum, ne luxuriat, ne lasciviat, & multiloquio peccata sibi colligat.* Sit restrictior, & ripis suis coercetur. Cito lutum colligit amnis exundans. . . Sit ori tuo ostium, ut claudatur, ubi oportet, & obferetur diligentius, . . . Taciturnitati garrulitas, sive effrænis loquendi pruritus opponitur.

Studiofitas virtus est, quæ appetitum, & studium *Studiofitas.* cognitionis acquirendæ moderatur; sive, quæ modum, & ordinem sciendi constituit; ut nimirum sciamus, quo ordine, quo studio, quo fine nosse quæque oporteat. . . Quo ordine, ut id prius, quod matur-

82 Theol. Dog. & Moral, Lib. III.

curiositas
vitium stu-
diofinitati op-
ponitur.
curiositas
curiositatis
species.

rius ad salutem ; quo studio , ut id ardentius , quod vehementius ad amorem ; quo fine , ut non ad inanem gloriam , aut curiositatem , sed ad ædificationem „ „ (*inquit S. Bernardus Sermone 36. in Cantica.*)

Huic virtuti opponitur *Curiositas*. Vitium est, quo appetitus , & studium veritatis cognoscendæ ab ordine debito deficit ; quod quatuor modis contingere S.

„ *Thomas observat 2. 2. quæstione 157. articulo 1. Uno modo , in quantum per studium minus utile retrahuntur homines a studio , quod eis ex necessitate incumbit. Unde S. Hieronymus Epistola 166. ait :*

„ „ Sacerdotes , dimissis Evangeliiis , & Prophetis , videmus Comoedias legere , & amatoria Bucolicorum versuum verba cantare „ „. Alio modo , in

„ quantum studet aliquis addiscere ab eo , a quo non licet , sicut patet de his , qui aliqua futura a dæmonibus perquirunt , quæ est superstitiosa curiositas.

Unde *S. Augustinus* ait lib. *De vera Religione* , cap. 4. *Nescio , an Philosophi impedirentur a fide vitio curiositatis in perscrutandis demonibus.* Tertio , quando

„ homo appetit cognoscere veritatem circa creaturas , non referendo ad debitum finem , scilicet ad cognitionem Dei. Unde *S. Augustinus* , cap. 29. ejusdem libri ait : „ „ „ In consideratione creaturarum non est vana , & peritura curiositas exercenda , sed gradus ad

immortalia , & semper permanentia faciendus „ „. Quarto , in quantum aliquis cognoscere studet ve-

dum. Quocirca *Mulieres verbosa, otiosa, curiosa*, quæ circumeunt alienas domos, ut aliorum facta inquirant, *loquentes qua non oportet*, Apostolus reprehendit 1. ad *Timoth.* 5. vers. 13. Quid mali curiositas *Eva* intulerit, pomum pulchrum visu considerantis, notum est; quid mali curiositas *Dinæ* filiae *Jacob* ad videndas alienigenas mulieres egressæ; quid curiositas *Davidis* in solario deambulantis, & mulierem se lavantem conspicientis. Lege *S. Joan. Chrysostomum* Homilia 1, in *Psalm.* 50. & *S. Bernardum* in Tractatu *De Gradibus Humilitatis*, p. 2. cap. 10. De hoc vitio *S. Augustinus*, lib. 10. *Confessionum*, cap. 35. scribit: „Præter eam concupiscentiam carnis, quæ inest in delectatione omnium sensuum, & voluptatum, cui servientes depereunt, qui longe se faciunt a te, inest animæ per eosdem sensus corporis quædam non se oblectandi in carne, sed experiendi per carnem vana, & curiosa cupiditas, nomine cognitionis, & scientiæ palliata. Quæ, quoniam in appetitu noscendi est, oculi autem sunt ad cognoscendum in sensibus principes, concupiscentia oculorum eloquio divino appellata est. . . Ex hoc autem evidentius discernitur, quid voluptatis, quid curiositatis agatur per sensus; quod voluptas pulchra, canora, suavia, sapida, lenia sectatur? Curiositas autem etiam hic contraria tentandi causa, non ad subeundam molestiam, sed experiendi, nocendique libidine. Quid enim voluptatis habet videre in laniato cadavere, quod exhorreat? & tamen sicubi jaceat, concurrunt, ut contristentur, ut polleant. Timent etiam, ne in somnis hoc videant; quasi quisquam eos vigilantes videre coegerit, aut pulchritudinis ulla fama persuaserit. Ita & in cæteris sensibus, quæ persequi longum est. Ex hoc morbo cupiditatis in spectaculis exhibentur quæque miracula. Hinc ad perscrutandam naturæ (quæ præter nos est) operata proceditur, quæ scire nihil prodest, & nihil aliud, quam scire homines cupiunt. Hinc etiam si quid eodem per-

Curiositas
malum.

34 Theol. Dog. & Moral. Lib. III.

etiam in ipsa religione Deus tentatur , cum signa , & prodigia flagitantur , non ad aliquam salutem , sed ad solam experientiam desiderata. *Et paulo post :* Canem currentem post leporem jam non specto , cum in circo sit ; at vero in agro , si casu transeam , avertit me fortassis , & ab aliqua magna cogitatione , atque ad se convertit illa venatio . non deviare cogens corpore jumenti , sed cordis inclinatione . Et nisi jam mihi demonstrata infirmitate mea cito admoneas , aut ex ipsa visione per aliquam considerationem in te assurgere , aut totum contemnere atque transire , vanus hebesco , , , .

curiositas
nequitia

Salutare porro curiositatis remedium in Scripturæ sacrae , piorumque librorum lectione invenitur , ut docet *S. Augustinus* , libro *De vera Religione* , cap. 51. , , . Omisissis igitur (*inquit*) & repudiatis nugis theatricis , & poeticis , divinarum Scripturarum consideratione , & tractatione pascamus animum . atque potemus vanæ curiositatis fame , ac siti lessum , & æstuantem , & inanibus phantasmatis , tanquam pictis epulis , frustra refici , satiarique cupientem . Hoc vere liberali , & ingenuo ludo salubriter erudiamur . Si nos miracula spectaculorum , & pulchritudo delectant , illam desideremus videre sapientiam , quæ prætendit a fine usque ad finem fortiter , & disponit omnia suaviter . Quid enim mirabilius vi incorporea mundum corporeum fabri-

quærat in aliquibus operationibus, aut verbis turpibus, vel noxiis; live ut vitetur genus jocandi il-
liberale, petulans, flagitiosum, obscœnum. Secundo, ne gravitas animæ omnino resolvatur. „ „ Caveamus (*inquit S. Ambrosius*, lib. 1. *De Officiis*, cap. 20.) ne dum relaxare animum volumus, solvamus omnem harmoniam, quasi concentum quemdam bonorum operum „ „ Tertio, attendendum est, ut ludi, & joci congruant personæ, tempori, & loco, aliæque circumstantiæ recte rationis ordinis convenientes illos comitentur. Quamobrem virtute opus est, quæ jocorum, ludorumque immoderationem coerceat.

Adversus hanc virtutem, & per excessum, & per defectum peccatur; per excessum quandoque lethali-
ter, alias venialiter. Lethaliter, cum verbis, aut factis obscœnis, vel sibi, aut alteri noxiis aliquis ludit, aut ita vehemens illius ad ludum affectus est, ut ejus delectationem dilectioni Dei præponat; siquidem contra præceptum Dei, vel Ecclesiæ ludis uti non refugit. Si vero non ita ad ludum afficiatur, ut propterea Deum vellet offendere, venialis duntaxat peccati reus est. Per defectum ea in re peccatur ab his, qui nec ipsi jocantur unquam, & ludunt, & honeste jocantibus ac ludentibus molesti sunt, viri sane duri, & agrestes. Jocorum tamen, & ludorum immoderatio gravius vitium est, quam defectus.


Ludis, & jocis parce utendum. „ „ Non ita generati a natura sumus, ut ad ludum, & jocum facti esse videamur, sed ad severitatem potius, & ad quædam studia graviora, atque majora... Ludo, & joco uti licet, sed sicut somno, & rebus cæteris, tum cum gravibus, seriisque rebus satisfecerimus „ „ Romani oratoris sententiæ sunt a *S. Thoma* laudatæ 2. 2. qu. 168. art. 11. Ecclesiasticos tamen, religiososque viros joci minus decent. Unde *S. Ambrosius*, lib. 1. *De Officiis Ministrorum*, cap. 23. „ „ Licet (*inquit*) interdum honesta joca, ac suavia sint, tamen ab ec-

Joel ab ec-
clesiastica


Regula ab-
horrent.

Lucæ 6.

pturis sanctis non reperimus, ea quemadmodum
usurpare possumus? Cavenda enim etiam in fabulis,
ne inflectant gravitatem severioris propositi *Va vo-
bis, qui ridetis, quia flebitis*, ait Dominus; & nos
ridendi materiam requirimus, ut hic ridentes, illic
fleamus? Non solum profusos, sed omnes etiam jo-
cus declinandos arbitror, nisi forte plenum suavita-
tis, & gratiæ sermonem esse, non indecorum est, „ „ „
Hæc de virtutibus sufficiant; in quibus exerceri
longe utilius, quam de illis differere; siquidem om-
nis nostra de virtutibus tractatio ad earum amorem,
studium, & operationes referenda est. Virtutes ita-
que diligamus, & colamus, gratiæ cœlestis in plo-
remus auxilium a Domino Deo virtutum, ut in iis
proficientes, & excitati, eamus de virtute in virtu-
tem, donec videamus Deum in Sion.



THEO-



THEOLOGIAE

DOGMATICÆ, ET MORALIS

SECUNDUM ORDINEM CATECHISMI

Concili Tridentini

LIBER QUARTUS.

DE DECALOGO.



¶ Un Decalogus totius legis Summa sit,
 & epitome, Sacerdotes in ejus contem-
 platione diu, noctuque versari oportet,
 non ut vitam suam duntaxat ad sacra-
 tissimam hanc Regulam componant; sed
 etiam ut populum christianum in lege Domini eru-
 diant. Nam *Labia Sacerdotis custodiunt scientiam, & Malach. 2.*
legem requirunt ex ore ejus, quia Angelus Domini exer-
cituum est. Quod ad novæ legis Sacerdotes, & Pasto-
 res maxime pertinet, qui Deo propiores, a claritate 2. Cor. 3.
in claritatem transformari debent, tanquam a Domini
Spiritu, & cum illos lucis nomine Christus Dominus
noster ornaverit, propriæ sunt illorum partes, ut sint Matth. 5.
lumen eorum, qui in tenebris versantur, eruditores
insipientium, magistri infantium. Et si quis præoccu. Galat. 6.
patus fuerit in aliquo delicto, ipsi, qui spirituales sunt,
hujusmodi instruant. In Confessionibus etiam exci-
 piendis judicis personam sustinent, ac pro genere,
 & modo peccatorum ferre sententiam illis incumbit.
 Quamobrem in divinorum præceptorum interpre-
 tatione sint exercitatissimi, necesse est, ut ad hanc
 divinam Regulam de quacunque & actione, & officii
 præ-

38 Theol. Dog. & Moral. Lib. IV.

Ad Tit. 2.

prætermiſſione judicium facere poſſint (inquit Concil. Trid. Catechiſmus) Et *ſanam doctrinam* tradant ; *verbumque irreprehenſibile* ; ac animorum morbis , ſcilicet peccatis , medeantur ; curentque populum chriſtianum ab omni iniquitate mundum , Deo acceptum , *ſeſſatorem bonorum operum* exhibere.

Rom. 2.

Jacobi 1.

Postquam igitur de Symbolo , & Sacramentis egimus , de Decalogo agendum eſt ; ſi quidem juſtitia chriſtiana , quæ per Sacramenta infunditur , non ſola fide conſtat , ſed obſervantia mandatorum Dei : Nec *auditores tantum legis juſti ſunt apud Deum* , ſed *factores legis juſtificabuntur*. Unde & S. Jacobus Apoſtolus ait : *Eſtote factores verbi , & non auditores tantum , fallentes vosmetipſos. Quia ſi quis auditor eſt verbi , & non factor , hic comparabitur viro conſideranti vultum nativitatis ſuæ in ſpeculo ; conſideravit enim ſe , & abiit , & ſtatim oblitus eſt , qualis fuerit. Qui autem perſpexerit in legem perfectam libertatis , & permanserit in ea , non auditor obliſioſus factus , ſed factor operis ; hic beatus in facto ſuo erit*. Sed priuſquam ad explicationem Decalogi veniamus , quædam de natura , & diſtributione legis neceſſario præmittenda ſunt. Tùm de ipſo Decalogo agemus , ac ſingula præcepta exponemus ; Regulaſque morum trademus ad unumquodque præceptum in ſpecie pertinentes.

gislatio, imperium, præceptum. Deinde præcipua humanarum actionum regula ratio est; unde lex lucis nomine insignitur, quod menti proprie convenit. Psalm. 118. *Lucerna pedibus meis verbum tuum, & lumen semitis meis.* Prov. 6. *Mandatum lucerna est, & lex lux.* Quamquam ad positivam legem constituendam voluntas concurret. Quo sensu a Justino scite dictum est, ut ex eo refert *S. August.* lib. 4. *De Civitate Dei*, cap. 4. *Arbitria Principum pro legibus erant.*

Dicitur *in bonum commune*, quo distinguitur a præcepto. Id enim uni, vel duobus imponitur, lex communitati perfectæ, seu societati hominum foedere aliquo inter se junctorum, quibus qui præest, jurisdictionem politicam habet, quales sunt Ecclesiæ, regna, provinciæ, civitates, universitates, Ordines religiosi. Cum igitur Rex quidpiam uni, vel alteri præcipit, non censetur legem condere; neque Deus legem tulit, sed præceptum dedit, quando jussit Abraham, ut filium suum in holocaustum offerret, *Genes. 22.* Contra vero cum Deus præcepit Adamo, ne de ligno scientiæ boni, & mali comederet (*Genes. 2.*) veram proprieque dictam legem tulit, quia mandatum illud non unum Adamum, sed posteros ejus spectabat universos. Hinc sequitur, patrem-familias leges ferre non posse, quamvis præcepta uxori suæ, filiis, ac servis dare possit; quia familia non est communitas perfecta; nec ipse dominium jurisdictionis in suos habet. Sunt alia præterea legis a præcepto discrimina; unum, quod præceptum ultra præcipientis vitam non obliget, lex vero & post legislatoris mortem subsistat. Aliud, quod præceptum ad præsentes duntaxat; lex ad futuros etiam dirigatur, quamdamque perpetuitatem obtineat.

Neque vero satis est, ut lex, vel toti communitati, vel alicui ejus parti, secundum rationem rerum, & personarum imponatur; sed etiam necesse est, ut ad bonum commune, communemque felicitatem
dici-

dirigatur. Sicut enim Reges a tyrannis differunt, quod illi commune, hi privatum duntaxat commodum conſectentur; ita leges Regum, Principumque legitimorum, a tyrannorum legibus diſtinguuntur, quod illæ ob commune bonum; iſtæ ob privata Legislatorum commoda latæ ſint. Hinc S. *Iſidorus*, lib. 5. *Originum*, cap. 28. „ Erit autem (*inquit*) lex honeſta, juſta, poſſibilis, ſecundum naturam, ſecundum patriæ conſuetudinem loco, temporique conveniens, neceſſaria, utilis, manifeſta, ne quid per obſcuritatem in captionem contineat, nullo privato commo-
do, ſed pro communi utilitate civium conſcripta. Denique id tantum legis nomen mereri aſſerit: Quod ratione conſtat, quod religioni congruit, quod diſciplinæ convenit, quod ſaluti proſicit „ „

Hinc Concilium Toletanum 8. can. 10. ſtatuit, ut „ „ Reges nulla vi, aut factione ſcripturarum, vel diſſinitionum qualiumcunque contractus a ſubditis exigant, neque ſint proſpectantes proprii jura commo-
di, ſed conſulentes patriæ, atque genti „ „

Ad eum autem pertinet legem condere, qui communitati perfectæ præeſt; vel ad communitatem ipſam. Juris enim dicendi poteſtas, viſque cogendi ad legum conditionem neceſſaria eſt. Sic Eccleſia, Conciliaque Generalia ipſam repræſentantia, romanus Pontifex, Concilia nationalia, Provincialia, Epiſcopi, Synodique Diœceſanæ, Ordinum regularium

ARTICULUS II.

De Divisione Legis.

Lex alia est æterna, alia temporalis. Ista dividitur in divinam, & humanam, divina in naturalem, & scriptam. Lex divina scripto tradita, in vetèrem, & novam. Humana, in civilem, & ecclesiasticam, sive Canonicam.

§. I. De Lege æterna.

Lex æterna, est ratio divina, vel voluntas Dei, ordinem naturalem conservari iubens, perturbari vetans. Ita definit S. August. lib. 22. *Contra Faustum*, cap. 27. Sive *Æterna lex est ea, quæ justum est, ut omnia sint ordinatissima*; ut definit idem S. Doctor, lib. 1. *De libero arbitrio*, cap. 6. Hæc incommutabilis est, ut ibidem docet: „„ Quid illa lex, quæ summa ratio nominatur, cui semper obtemperandum est, & per quam mali miseram, boni beatam vitam merentur; per quam denique illa, quam temporalem vocandam diximus, recte fertur, recteque mutatur, potest ne cuiquam non incommutabilis, æternaque videri? an potest aliquando injustum esse, ut mali miseri, boni autem beati sint? aut ut modestus, & gravis populus ipse sibi magistratus creet, dissolutus vero, & nequam ista licentia careat „„? In temporalibus legibus nihil est justum atque legitimum, quod non ex hac æterna sibi homines derivarint (inquit ibidem S. August.) Sempiternam hanc legem „„ consulunt omnes piæ mentes, ut quod in ea invenerint, vel faciant, vel jubeant, vel vetent, secundum quod illa incommutabili veritate præceperit „„. Sic Moyses legem Dei æternam consulebat, ut populum Israeliticum regeret, antequam Deus legem scriptam dedisset. Hinc Jetro focero suo respondet, Exodi 18. *Veni ad me populus quarens sententiam Dei. Cumque acciderit eis aliqua disceptatio, veniunt ad me, ut judicem inter eos, & ostendam præcepta Dei, & leges ejus. Nisi enim suæ menti præsentem Dominum*

Æternæ legis notio.

Lex æterna incommutabilis.

Legum temporalium justitia ab æterna lege derivata.

con-

confuleret, legemque ejus æternam sapienter attenderet, quid iustissimum judicare inter disceptantes posset, non inveniret, ut observat *S. August.* qu. 67. in Exodum.

Æternæ legi omnia subduntur.

Nulla modo autem aliquid legibus summi illius Creatoris, Ordinatorisque subtrahitur, a quo pax universitatis administratur (inquit idem Pater lib. 19. *De Civ. Dei*, cap. 12.) Omnis irrationalis creatura sic subdita est legi æternæ, ut ejus particeps esse non possit, & proinde non peccat, quia nihil facit contra æternam legem. Rursum Angelica, sublimis, & beata natura non peccat, quia ita particeps est legis æternæ, ut solus eam delectet Deus, ejus voluntati sine ullo experimento tentationis obtemperat. „ Homo autem, cujus propter peccatum tentatio est vita hominis super terram, subdat sibi, quod habet commune cum bestiis; subdat Deo, quod habet commune cum Angelis; donec iustitia, & immortalitate perfecta, atque percepta, ab istis exaltetur, illi æquetur „ „ Verba sunt *S. August.* lib. 20. *Contra Faustum*, cap. 28. Porro quando peccat, etsi contra legem Dei faciat, quia naturæ ordinem servare non vult; non ideo tamen iusti Dei leges, omnia bene ordinantis effugit. „ „ Quia enim nemo superat leges omnipotentis Creatoris, non finitur anima non reddere debitum. Aut enim reddit bene utendo, quod accepit, aut reddit amittendo, quo

quæ rationi consentanea sunt , ad eaque vitanda , & prætermittenda , quæ sunt rationi dissentanea. Quo de lumine Plal. 4. dicitur : *Signatum est super nos lumen vultus tui , Domine.*

Hanc legem Deus Creator singulorum hominum pectoribus infudit , de qua scribit Apostolus ad Romanos cap. 2. *Cum enim gentes , quæ legem non habent , naturaliter ea , quæ legis sunt , faciunt , ejusmodi legem (scriptam scilicet) non habentes , ipsi sibi sunt lex , qui ostendunt opus legis scriptum in cordibus suis , testimonium reddente illis conscientia ipsorum , & inter se invicem cogitationibus accusantibus , aut etiam defendentibus. „ „* Ea lex (inquit S. Ambrosius Epist. 73. postremæ editionis Parisiensis , ad Irenæum data) non scribitur , sed innascitur ; nec aliqua percipitur lectione , sed profluo quodam naturæ fonte in singulis exprimitur , & humanis ingeniis hauritur. Quam debuimus , vel futuri judicii metu servare , cujus testis conscientia nostra tacitis cogitationibus apud Deum ipsa se prodit , quibus vel redarguitur improbitas , vel defenditur innocentia. Itaque cum semper pateat Domino , tum maxime in die judicii manifestabitur ; quando occulta cordis in examen venient , quæ putabantur latere. Quorum tamen proditio , occultorum scilicet , nequaquam noceret , si lex naturalis inesset pectoribus humanis ; est enim sancta , sine versutia , sine fraude , consors justitiæ , expers iniquitatis „ „

Naturæ legem Deus menti hominis in prima institutione ex integro impressit ; siquidem creavit hominem rectum , & omni vitio carentem ; sed per peccatum in cordibus hominum obscurata , & quodammodo deleta est. Hinc ante illuminationem fidei , in tenebris , & in umbra mortis hominem agere sæpe Scriptura testatur : „ „ Quoniam prius , quam a dominatione diaboli per Dei gratiam liberetur , in illo profundo jacet , in quod se sua libertate demersit. Amat ergo languores suos , & pro sanitate habet , quod ægrotare se nescit , donec prima hæc me-

Lex naturæ
per peccatum
obscurata , &
quodammodo
deleta.

deleta

94 Theol. Dog. & Moral. Lib. IV.

deleta conferatur ægroto , ut incipiat nosse , quod
 langueat , & possit opem medici desiderare , qua
 surgat „ „ (*inquit S. Prosper* , in responsione ad Ob-
 jectionem 6. Gallorum.)

n tamen
 ni ex
 ta.

Verumtamen non omnino lex Dei de cordibus
 hominum deleta est , etiam in infidelibus ; in Chri-
 stianis vero sanata , & reparata per gratiam natura ,
 lex ipsa intus digito Dei , id est , Spiritu sancto scri-
 pta est. Cum igitur gentes , quæ legem non ha-
 bent , naturaliter ea , quæ legis sunt , facere , dixit
 Apostolus , ita intelligendus est , ut ea faciant secun-
 dum naturam gratia reparatam , non absque Spiritu
 Dei , non absque fide , non absque gratia ; vel quod
 imagine Dei non prorsus deleta in infidelibus , quæ-
 dam legis naturæ præcepta adimpleant , non tamen
 sicut oportet ad justificationem , & salutem , quæ est
 per Jesum Christum Dominum nostrum. Ita docet
S. August. lib. *De Spiritu, & Litera* cap. 28.

x natura
 a apud
 ines.

Lex naturæ una , & eadem est apud omnes. Hoc
 enim legis naturalis principium , ne multa comme-
 morem. „ „ Quod tibi ficti non vis , alteri ne fece-
 ris , nullo modo potest ulla gentili diversitate varia-
 ri (*inquit S. August.* lib. 3. *De Doctrina christiana* , cap.
 14.) Quæ sententia cum refertur ad dilectionem Dei ,
 omnia flagitia moriuntur ; cum ad proximi , omnia
 facinora. Nemo enim vult corrumpi habitaculum
 suum ; non ergo debet corrumpere habitaculum Dei ,

quadam coelesti coerceret, poenarumque metu a flagitiis deterreret. Quod significans Apost. 1. ad Timoth. 1. ait: *Scimus, quia bona est lex, si quis ea legitime utatur, sciens hoc, quia lex iusto non est posita, sed iniustis, & subditis, impiis, & peccatoribus, sceleratis, & contaminatis, parricidis, & matricidis, homicidis, fornicariis, masculorum concubitoribus, plagiaris, mendacibus, & perjuris, & si quid aliud sana doctrina adversatur.*

Secundo, lex a Deo lata est, scriptisque commendata, ut ostenderet peccatum, ut accularet, terereturque conscientiam, quem legis usum frequenter indicat Apostolus, scilicet ad Rom. 3. cum ait: *Per legem cognitio peccati.* Et cap. 7. *Peccatum non cognovi nisi per legem; nam concupiscentiam nesciebam, nisi lex diceret: Non concupisces.* Non quod ante legem concupiscentia non esset peccatum, sed quod lateret. *Sine lege enim peccatum mortuum erat; sed cum venisset mandatum, peccatum revixit.* Peccatum sine lege mortuum dicitur, id est, occultum, & ignotum: per legem revixisse, id est, cognitum fuisse, conscientiamque homini stimulare cœpisse, ut suæ conscientiae infirmitatis, medici coelestis opem imploraret. Lex enim homini demonstravit suam infirmitatem; ut quæreret demonstrata infirmitas Salvatorem. Lex scripta data est a Deo, ut homo ad cor rediret, legemque menti suæ inscriptam consideraret. Hinc S. August. Enarr. in Psal. 57. „Quis de iustitia interrogatus, quando non habet causam, non facile respondeat, quid sit iustum? Quandoquidem manu Formatoris nostri in ipsis cordibus nostris veritas scripta est, quod tibi non vis fieri, ne facias alteri? Hoc, & antequam lex daretur, nemo ignorare permixtus est, ut esset, unde judicarentur, & quibus lex non esset data. Sed ne sibi homines aliquid defuisse quererentur, scriptum est & in tabulis, quod in cordibus non legebant. Non enim scriptum non habebant, sed legere volebant. Oppositum est oculis eorum, quod in conscientia videre cogerentur; &

Sap. 1.

quasi forinsecus admota voce Dei , ad interiora sua homo compulsum est , dicente Scriptura : *In cogitationibus impii interrogatio erit.* Ubi interrogatio , ibi lex. Sed quia homines appetentes ea , quæ foris sunt , etiam a seipsis exules facti sunt , data est etiam conscripta lex ; non quia in cordibus scripta non erat ; sed quia tu fugitivus eras cordis tui ab illo , qui ubique est , comprehenderis , & ad teipsum intro revocaris. Propterea scripta lex quid clamat eis , qui deseruerunt legem scriptam in cordibus suis ? *Redite prævaricatores ad cor* ²⁰ *v*

Isai. 46.

Tertio lex data est , ut justificatis per fidem regula sit bene vivendi , & ea ratione dicitur præstare sapientiam parvulis , oculos illuminare , dirigere in via Dei. Quamvis enim homines iusti ab onere legis liberi sint , quia jam per legem non terrentur , conturbantur , damnantur , tamen ab obedientia legis liberi non sunt ; imo gratia in ipsis facit , & operatur , ut legem sponte impleant , non jam constituti sub legis imperio tanquam servi , sed amore justitiæ mandata legis observantes , ut liberi.

Lex sancta.

Itaque lex sancta est , & mandatum justum , & sanctum , & bonum (inquit Apostolus ad Romanos 7.) Sed tamen imperfecta est , hominem perducere per se non valens ad felicitatem æternam ; id siquidem fieri non potest nisi per gratiam Spiritus sancti , per quam diffunditur charitas in cordibus nostris , qua lex adim-

Dicitur autem *Virtus peccati, & ministratio mortis*, *occidere, iram operari, omnes sub peccato concludere*, ob aliam rationem, quod scilicet, occasione accepta, ex hominum vitio divina lege abutentium, peccatum, mors, ira Dei, damnatio legem consequantur; non quod lex peccatum, mortem, iram, damnationem per seipsam operetur. Quod significat Apost. ad Rom. 7. his verbis: *Occasione autem accepta, peccatum per mandatum operatum est in me omnem concupiscentiam*: Et paulo post: *Nam peccatum occasione accepta per mandatum, seduxit me, & per illud occidit*. Igitur „ Lex data est, ut gratia quæreretur: gratia data est, ut lex data impleretur. Neque enim suo vitio non implebatur lex, sed vitio prudentiæ carnis; quod vitium per legem demonstrandum; per gratiam sanandum fuit „ „ (inquit S. August. lib. *De Spiritu, & Litera*, cap. 19.)

Quo sensu
lex dicatur
occidere.

Sane lex, quæ concupiscentiam omnem prohibet, dicendo: *Non concupisces*, peccatum omne prohibere censenda est, cum nullum peccatum nisi concupiscendo contra legem Dei committatur. Hanc igitur si quis impleverit, nullum habebit omnino peccatum. „ „ Sed tamen ubi sanctus non adjuvat Spiritus, inspirans pro concupiscentia mala concupiscentiam bonam, hoc est, charitatem diffundens in cordibus nostris, profecto illa lex, quamvis bona, augeat prohibendo desiderium malum; sicut aquæ impetus si in eam partem non cesserit influere, vehementior fit obice opposito, cujus molem cum evertit, majore cumulo præcipitatus violentius per prona provolvitur. Nescio, quo enim modo hoc ipsum, quod concupiscitur, fit jucundius, dum vetatur. Et hoc est, quod fallit peccatum per mandatum, & per illud occidit, cum accedit etiam prævaricatio, quæ nulla est, ubi lex non est „ „ Verba sunt S. August. lib. *De Spiritu, & Litera*, cap. 4.

Lex vetus a Deo data est, quod contra Marcionitas, & Manichæos, illam malo principio tribuentes, Fides catholica docet. Lex enim Domini pat-

Lex a Deo
data.

sim dicitur ; & Christus de præceptis legis loquens Matth. 15. Judæos ita increpat : *Irrisum fecistis mandatum Dei propter traditiones vestras.* Præterea lex vetus homines ad Christi adventum fidemque disponebat , & ad Christum adducebat ; a Deo igitur optimo maximo data est , a quo salus hominum facta per gratiam Christi. Homines (inquam) lex ad Christum adducebat duplici ratione ; primo , quia testimonium Christo perhibebat , ut ipse ait *Lucæ ult. Oportet impleri omnia , quæ scripta sunt in lege , & Psalmis , & Prophetis de me.* Et *Joan. 5. cap. Si crederetis Moysi , crederetis forsitan & mihi ; de me enim ille scripsit.* Secundo , quia homines ab idololatria revocans , eos in unius Dei cultu continebat , ac veluti concludebat , a quo salvandum erat genus humanum per Christum. Unde Apostolus ad *Gal. 3.* scribit : *Præquam veniret fides , sub lege custodiebamur conclusi in eam fidem , quæ revelanda erat. Itaque lex pædagogus noster fuit in Christo , ut ex fide iustificemur. At ubi venit fides , jam non sumus sub pædago.* Cur lex pædagogus dicatur , exponit *S. Hier.* in eum locum. „ Pædagogus (*inquit*) parvulis assignatur , ut lascivens refrænctur ætas , & prona in vitia corda teneantur , dum teneris studiis eruditur infantia , & ad majores disciplinas metu poenæ coercita præparatur ; itaque & lascivienti populo lex Moysi ad instar pædagogi severioris annolita est , ut

Quo sensu
lex dicatur
Pædagogus.

Data autem fuit Moyſi a Deo, interveniente miniſterio Angelorum. Unde *S. Stephanus*, Act. 7. ſic Judæos alloquitur; *Qui accepiftis legem in diſpoſitione Angelorum, & non cuſtodiftis.* Et Apoſtol. ad Gal. 3. *Quid igitur lex? Propter tranſgreſſiones poſita eſt, donec veniret ſemen, cui promiſerat, ordinata per Angelos, in manu mediatoris.* Quo nomine Moyſes ſignificatur, qui id ſibi nomen tribuit, Deut. 5. *Ego (inquit) ſequeſter, & medius fui inter Dominum, & vos, ut annuntiarem vobis verba ejus.* Et ad Hebr. 2. *Si enim qui per Angelos dictus eſt ſermo, factus eſt firmus, & omni pravariatio, & inobedientia accepit juſtam mercedis retributionem; quomodo nos effugiemus, ſi tantam neglexerimus ſalutem?*

Per Angelos
data.

Lex congruo tempore data Judæis eſt, ex quibus ſecundum carnem ortum habiturus erat Chriſtus. Uique ad Moyſis tempora homo in ignorantie tenebris relictus eſt, ſolique Judæi demum illuſtrati ſunt, ut dilceret homo, nonnili Dei miſericordia agnolci legem ejus. Quam miſericordiam omnipotentis optimique Dei erga Judæos prædicat David Plal. 147. *Qui annuntiat (inquit) verbum ſuum Jacob, juſtitias, & judicia ſua Iſrael. Non fecit taliter omni nationi, & judicia ſua non miniſtravit eis.* Si ſtatim poſt Adam lapſum legem eis dediſſet, vel omnibus gentibus id beneficii contuliſſet Deus, facile ſuperbus homo ſibi divinæ legis notiſiam arrogaret. Ea enim quibus vel nunquam caruimus, vel quæ cum cæteris omnibus communia habemus, proclive eſt, ut non ex gratia accepta cenſeamus, ſed viribus noſtris, aut meritis tribuamus. Unde *Moyſes*, ut gratiæ Dei acceptam referri debere legis notiſiam oſtendat, Deuteronomii 32. ait: *Memento dierum antiquorum, cogita generationes ſingulas; interroga patrem tuum, & annuntiabit tibi; majores tuos, & dicent tibi, quando dividebat Altiffimus gentes, quando ſeparabat filios Adam, conſtituit terminos populorum juxta numerum filiorum Iſrael. Pars autem Domini populus ejus. Jacob funiculus hereditatis ejus. Invenit eum in terra*

Judæis con-
gruo tem-
pore data.

deserta, in loco horroris, & vasta solitudinis. Circumduxit eum, & docuit. Tanto vero tempore ante Christi adventum lex data fuit, ut homo cognoscens propriis viribus se legem servare non posse, ad medicum, id est, ad Christum suspiraret.

Locus, &
modus da-
tæ legi.

Data est die ab immolatione Agni paschalis quinquagesimo, ut nobis significaretur, quod merito Agni immaculati Christi pro salute nostra immolati, & occisi, lex de diligendo Deo, & proximo per Spiritum sanctum scriberetur in cordibus Fidelium quinquagesimo die, non quidem a morte, sed a resurrectione Christi, in qua secundus Adam totus novus, & præparatus ad nos regenerandos, & penitus innovandos apparuit. Hinc S. August. libro *De Spiritu, & litera*, cap. 16. „„ Dies (*inquit*) quinquaginta computantur a celebratione Paschæ, quæ occisione figuratæ ovis per Moysen fieri præcepta est, in significationem utique futuræ dominicæ Passionis, usque ad diem, qua Moyses legem accepit in tabulis digito Dei conscriptis; similiter ab occisione, & resurrectione illius, qui sicut ovis ad immolandum ductus est, quinquaginta diebus completis, congregatos in unum Fideles digitus Dei, hoc est, Spiritus sanctus implevit „ „.

Data lex est in monte Sinai, postquam populus Israel eductus ex Ægypto in desertum venit, ut beneficii recentis memoria alleclus, & loci asperitate, in quo versabatur, deterritus, ad accipiendam legem

tingerent. quo sanctiores, & paratiores essent ad accipiendam legem ut ad diem tertiam adessent. Deinde cum ad montem essent adducti, in quo Dominus illis per Moysem leges laturus erat, uni Moyse dictum est, ut in montem ascenderet; quo Deus maxima cum maiestate venit, & locum tonitruis, fulgoribus, igne, densisque nebulis circumtudit, ac loqui cum Moyse coepit, eique leges dedit. Quod divina Sapientia nullam aliam ob causam factum voluit, nisi ut nos moneret, casto, humilique animo legem Domini accipiendam esse; quod si praecepta negligeremus, paratas nobis a divina iustitia poenas imminere.

Triplex praeceptorum genus lex complectitur: *Moralis, Ceremonialis, & Judicialia*, quod significant haec verba Deut. 5. *Loquar tibi mandata mea, & ceremonias, atque iudicia.*

Varia legis veteris praecepta.

Praecepta ceremonialia dicuntur, quae certos ritus, operaque externa praescribunt, quibus colendus est Deus.

Praecepta judicialia, quae certum modum praescribunt iustitiae inter homines servandae.

Praecepta moralia, quae mores seu actiones humanas componunt. Quae quidem ad legem naturae pertinent tanquam ei propria, & ex naturali ratione vim habentia; sed tamen ad legem etiam veterem spectant, quia fuerunt in ea renovata, simulque cum aliis tradita.

Ratione praeceptorum omnium, etiam moralium, quae decalogo continentur, lex appellatur *Litera occidens*, ut docet S. Augustinus, libro de Spiritu, & Litera, cap. 14. Idque probat ex Apostoli verbis 2. ad Corinth. 3. *Epistola estis Christi (inquit) ministrata a nobis, & scripta non atramento, sed Spiritu Dei vivi; non in tabulis lapideis, sed in tabulis cordis carnalibus. Fiduciam autem talem habemus per Christum ad Deum; non quod sufficientes simus cogitare aliquid a nobis quasi ex nobis; sed sufficientia nostra ex Deo est, qui & idoneos nos fecit ministros novi Testamenti; non litera, sed spiritu; litera enim occidit, spiritus autem vivificat. Quod*

Lex vetus appellatur litera occidens, praeceptorum etiam moralium ratione.

si ministratio mortis literis deformata in lapidibus fuit in gloria; ita ut non possent intendere filii Israel in faciem Moysi propter gloriam vultus ejus, quæ evacuatur; quomodo non magis ministratio Spiritus erit in gloria? nam si ministratio damnationis gloria est, multo magis abundat misterium justitiæ in gloria. Dicitur autem lex, etiam ratione præceptorum Decalogi, Litera occidens, quia „ „ Litera prohibens peccatum non vivificat hominem, sed potius occidit, augendo concupiscentiam, & iniquitatem prævaricatione cumulando, nisi liberet gratia per legem fidei, quæ est in Christo Jesu, cum diffunditur charitas in cordibus nostris per Spiritum sanctum, qui datus est nobis. Vetustas igitur litera, si desit novitas Spiritus, reos facit potius cognitione peccati, quam liberet a peccato; Non quia ipsa lex malum est, sed quia mandatum bonum habet in litera demonstrante, non in adjuvante Spiritu; quod mandatum, si sit timore pœnæ, non amore justitiæ, serviliter fit, non liberaliter, & ideo nec fit. Nec enim fructus est bonus, qui de charitatis radice non surgit. Porro autem si adsit fides, quæ per dilectionem operatur, incipit condelectari legi Dei secundum interiorem hominem, quæ delectatio non literæ, sed Spiritus donum „ „ „ (inquit S. August. ibidem.)

Ceremoni-
alia, &
judicialia

Judicialia, & cæremonialia præcepta abolita sunt, & antiquata. Veteris legis Sacramenta, Sacrificia, veteris legis ceteræque cæremoniæ Christum præfigurabant;

fuerint legis veteris Sacramenta, sacrificia, cæteræque ceremoniæ, sed quod inutiles factæ sint Evangelio prædicato; sicut quæ utilia sunt, & salutaria pueris, inutilia sunt viris. Præcepta vero moralia Christianos etiam spectant. „ „ In illis decem præceptis, excepta sabbati observatione, dicatur mihi, quid non sit servandum a Christiano, sive de non faciendis, colendisque idolis, aliisque ullis diis præter unum verum Deum, sive de non accipiendo nomine Dei in vanum, sive de honore parentibus deferendo, sive de cavendis fornicationibus, homicidiis, furtis, falsis testimoniis, adulteriis, re aliena concupiscenda. Quid horum quisquam dixerit Christianum non debere servare? Hinc Christus ait: *Nisi abundaveris iustitia vestra plusquam Scribarum, & Phariseorum, non intrabitis in regnum calorum* „ „

Præcepta
moralia
Christianos
etiam spe-
ctant.

Matth. 9.

Lex vetus libris Moyse, & Prophetarum: Lex nova quatuor Evangeliiis, & Literis apostolicis continetur. Verumtamen in libris veteris Testamenti non tantum lex, sed & Evangelium reperitur in promissionibus de Christo venturo, & futura per Christum gratia factis, quæ in Prophetis occurrunt frequentissimæ. Quo fit, ut Evangelium in veteri etiam Testamento, & lex in Evangelio admirabili connectione reperiat. Est enim unum, & idem Evangelium, in quo omnes sancti, & pii ab initio mundi salvati sunt. Unde Apost. 2. ad Cor. 4. ait: *Habentes autem eundem spiritum fidei, sicut scriptum est: Credidi, propter quod locutus sum; & nos credimus, propter quod & loquimur.* Quod & Christus testatur Joannis 8. cum ait: *Abraham pater vester exultavit, ut videret diem meum, vidit, & gavisus est.* Tantum interest, quod gratia, quæ in veteri Testamento latitabat, in Christi Evangelio revelata est, quemadmodum Apostolus ait, Epist. ad Romanos cap. 3. *Nunc autem sine lege iustitia Dei manifestata est, testificata a lege, & Prophetis.* Lex igitur, & Prophetæ Evangelium obumbratum continebant. Unde S. August. lib. 10. de Spiritu, & Litera, cap. 15. ait: „ „

Lex nova
in veteri la-
tebat.

Lex vetus
homines
a peccato
coercet ti-
more pos-
na :

Lex nova
ad facien-
dum bo-
num incli-
nat amore
justitiæ.

Legis &
Evangelii
tertium di-
scrimen.
Lex vetus
remunera-
tionem ter-
renam ;
Lex nova
felicitatem
æternam
pollicetur.

bonum inclinet amore justitiæ. Hinc illa dicitur lex servitutis, ista libertatis, & gratiæ: illa lex timoris, hæc amoris, & charitatis. Ideo Apostolus ad Rom. 8. ait ; *Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus : Abba (Pater)* Et ad Gal. 5. *Vos enim in libertatem vocati estis, tantum ne libertatem in occasionem detis carnis, sed per charitatem spiritus servite invicem.* Hinc S. August. libro *Contra Adimantum*, cap. 17. „ „ Hæc est (inquit) brevissima, & apertissima differentia duorum Testamentorum, timor, & amor ; illud ad hominem veterem, hoc ad novum hominem pertinet „ „.

Tertium discrimen Evangelii, & legis in eo positum est, quod lex temporalia duntaxat bona expresse, aperteque promitteret : Evangelium vero spiritualia, & æterna. Illa remunerationem terrenam ; istud felicitatem æternam polliceatur. Carnali enim populo carnalia ista, & temporalia amanti, & nondum capienti promissa cœlestia, infima ista Dei munera promissa sunt a Deo, ne ab idolis, & dæmonibus illa peteret. Hæc enim Israelitis mandata sua servantibus promisit Deus : „ „ Ut etiam in ipsis infimis rebus, quomodo possent, Deum diligere assuescerent ; quamvis plus ibi operetur timor. Quæ tamen omnia bona temporalia figuræ sunt donorum æternorum „ „. Regnum vero cœlorum, ac vitam

S. Auguſt. in expoſitione Epiſtolæ ad Galatas, cap. 4.
 „ „ Opera illa legis (*inquit*) ad novum quoque Teſtamentum pertinere nemo ambigit; ſed alio fine, quo liberos ea facere decet, id eſt, charitatis æterna ſperantis hinc præmia, & ex fide exſpectantis. Non ſicut Judæi, qui timore iſta implere cogebantur, non illo caſto permanente in ſeculum ſeculi, ſed quo timebant præſenti vitæ ſuæ; & ideo quædam opera legis implebant, quæ in Sacramentis ſunt; illa vero, quæ ad bonos mores pertinent, omnino non poterant. Non enim implet ea niſi charitas. Quia & hominem ſi propterea non occidit aliquis, ne & ipſe occidatur, non implet præceptum juſtitie; ſed ſi ideo non occidit, quia injuſtum eſt, etiamſi id poſſit facere impune, non ſolum apud homines, ſed etiam apud Deum. Sicut David cum divinitus accepiſſet in poteſtatem Regem Saul, impune utique occideret. Pepercit ergo diligens proximum ſicut ſeipſum, non ſolum perſecutum, ſed etiam perſecuturum, qui eum corrigi, quam interfici malebat; homo in veteri Teſtamento, ſed non homo de veteri Teſtamento, quem fides futuræ hæreditatis Chriſti revelata, & credita ſalvum faciebat, & ad imitandum vocabat „ „.

Teſtamenti novi diſcrimen a veteri explicat Apoſtolus capite mox indicato Epiſtolæ ad Hebræos, ex Jeremiæ Vaticinio, cap. 31. *Ecce dies venient, dicit Dominus; & conſummabo ſuper domum Iſrael, & ſuper domum Juda Teſtamentum novum; non ſecundum teſtamentum, quod feci patribus eorum, in die, qua apprehendi manum eorum, ut educerem illos de terra Egypti quoniam ipſi non permanserunt in teſtamento meo; & ego neglexi eos, dicit Dominus. Quia hoc eſt teſtamentum, quod diſponam domui Iſrael poſt dies illos, dicit Dominus; Dabo leges meas in mentem eorum, & in corde eorum ſuperſcribam eas; & ero eis in Deum, & ipſi erunt mihi in populum; & non docebit unusquiſque proximum ſuum, & unusquiſque fratrem ſuum, dicens; Co-
 gnoſce Dominum, quoniam omnes ſcient me a minore uſ-*

Hebr. 8.
 Veteris, &
 novi Teſta-
 menti di-
 ſcrimen.

que ad majorem eorum. Quem locum explicans S. *August.* libro *De Spiritu, & litera*, cap. 24. ait: „ Si-
cut ergo lex factorum scripta in tabulis lapideis, mer-
cesque ejus terra illa promissionis, quam carnalis do-
mus Israel, cum ex *Ægypto* liberata esset, accepit,
pertinet ad Testamentum vetus; ita lex fidei scripta
in cordibus, mercesque ejus species contemplationis,
quam spiritualis domus Israel ab hoc mundo liberata
percipiet, pertinet ad Testamentum novum. *Et lib.*
3. ad Bonifacium, cap. 4. Illud (*inquit*) dicitur vetus
Testamentum, quia priore; hoc autem novum, quia
posteriore tempore revelatum est. Deinde quia Te-
stamentum vetus pertinet ad hominem veterem, a
quo necesse est hominem incipere, novum autem
ad hominem novum, quo debet homo ex vetusta-
te transire. Ideo in illo sunt promissa terrena, in isto
promissa coelestia; quia ex hoc ad Dei misericordiam
pertinuit; ne quisquam vel ipsam terrenam qualem-
cunque felicitatem, nili a Domino creatore universita-
tis putet cuiquam posse conferri. Sed si propter il-
lam colatur Deus, servilis est cultus, pertinens ad fi-
lios ancillæ; si autem propter ipsum Deum, ut in
æterna vita sit Deus omnia in omnibus, liberalis est
servitus pertinens ad filios liberæ „ „.

Justi, vete-
ris Testa-
menti ad
novum Te.

Justi quidem veteris Testamenti præcepta legis ob-
servabant, non timore poenæ, sed amore justitiæ,
non spiritu timoris, sed charitatis; non propter mer-

lege positi, sola veteris Testamenti promissa terrena spectantes, & quid pro novo Testamento ea ipsa significarent, ignorantes. eorum adipiscendorum amore, & amittendorum timore, Dei præcepta servabant, imo non servabant, sed sibi servare videbantur. Neque enim fides in eis per dilectionem operabatur, sed terrena cupiditas, metusque carnalis.

„ Sic autem præcepta qui facit, procul dubio in-
vitus facit; ac per hoc in animo non facit; magis
vult enim omnino non facere, si secundum ea, quæ
cupit, & metuit, permittatur impune. Ac per hoc
in ipsa voluntate intus est reus, ubi ipse, qui præci-
pit, inspicit Deus. Tales erant filii terrenæ Jerusalem,
de qua dicit Apostolus: *Servit enim cum filiis suis*
pertinens ad Testamentum vetus a monte Sina in
servitutem generans, quod est Agar „ „ (Id est, quod
per agar significatur) Contra vero plurimi sunt legis
evangelicæ temporibus solo nomine, non re ipsa,
sive ipiritu Christiani, sub lege positi, non sub gra-
tia; ad vetus Testamentum etiamnum pertinentes,
quia solo poenæ timore, non amore justitiæ, fide-
que per dilectionem operante, mandata Dei quoad
externa tantum opere observant: „ „ Terrenam fe-
licitatem vel cupiditate adipiscendi, vel timore amit-
tendi; & ideo non vere faciunt; quoniam carnalis
cupiditas, qua peccatum commutatur potius, vel
augetur, cupiditate alia non sanatur. Hi ad vetus
pertinent Testamentum, quod in servitutem gene-
rat; quia facit eos carnalis timor, & cupiditas ser-
vos, non evangelica Fides, spes, & charitas libe-
ros „ „ (inquit S. August. loco mox indicato.)

Gal. 4. 21.

Plurimi
Christiani
carnalibus
Judæis simi-
les.

Ex his colligitur Christianos novi Testamenti he-
redes terrenam felicitatem desiderare non debere,
quæ secundum veterem hominem concupiscitur, sed
æternam duntaxat felicitatem, quæ Deus est, bona
que spiritualia ad ipsum conducentia; cum afflictio-
nes, tribulationes, calamitates, cruces, Christianorum
benedictiones sint; neque bona terrena, & tempora-
lia, sed spiritualia, & æterna Christus in novo Testamento

Christiani
terrenam
felicitatem
desiderare
non debent

110 Theol. Dog. & Moral. Lib. IV.

mento promiserit. Hinc Apostolus 1. ad *Thes.* 3. scribit: *Nemo moveatur in tribulationibus istis; ipsi enim sciatis, quod in hoc positi sumus.* Et *S. August.* Serm. 296. alias *De Diversis*, 106. „ Christianorum est (*inquit*) pati mala temporalia, & bona sperare sempiterna. *Et rursus*: Non vocatus es ad amplectendam terram, sed ad comparandum cœlum; non ad felicitatem terrenam, sed ad cœlestem; non ad temporales successus, & prosperitatem volaticam, & transitoriam, sed ad æternam cum Angelis vitam. *Et Serm.* 302. alias 111. *De Diversis*: Christianus es, in fronte portas crucem Christi. Character tuus docet, quid profitearis... Ab isto signo, ab isto charactere, quem accipit Christianus, etiam cum sit Catechumenus; hinc intelligitur, quare sumus Christiani, quia non propter temporalia, & transeuntia, vel bona, vel mala, sed propter vitanda mala, quæ non transibunt. & propter adipiscenda bona, quæ terminum non habebunt „ „. Et Serm. 46. *De Pastoribus*, alias *De Tempore* 141. Pastores arguens, qui felicitatem terrenam auditoribus suis promittunt: „ „ Quales autem sunt (*inquit*) qui timentes eos lædere, quibus loquuntur, non solum non præparant ad imminentes tentationes, sed etiam promittunt felicitatem hujus seculi, quam Deus ipsi seculo non promisit? Ille prædicat labores super labores usque in finem venturos ipsi seculo, & tu vis ab istis laboribus

Christi-
anus, quia
Christianus
est, plus
aliis passu-
rus est in
hoc seculo.

De Decalogo

111

Isidorus, lib. 5. *Originum*, cap. 20. „„ Facte sunt leges (*inquit*) ut earum metu humana coerceatur audacia, tutaque sit inter improbos innocentia, & in ipsis improbis formidato supplicio refranetur nocendi facultas „„.

A lege naturæ lex omnis humana derivatur: *Nam* *Conditio* lex esse non videtur, qua iusta non facit; ut ait *Evd-* nes neces-
lius, approbante *S. Auguſt.* lib. 1. *De libero Arbitrio*, farie; ut
cap. 5. Si vero in aliquo a lege naturali discordet; jam sit iusta, lex humana
non erit lex; sed legis corruptio, ut docet *S. Thomas*,
1. 2. qu. 96. art. 4. Ut ergo iusta sit lex humana, ne-
cesse est; ut nihil jubeat per se malum; nihil prohibeat per se bonum. 2. Ut legislatoris potestatem non excedat. 3. Ut propter debitum finem, scilicet propter bonum commune feratur; non ob privata Legislatoris commoda. 4. Ut onera ob publicum bonum subditis imposita æqualiter distribuantur; servata virium, & facultatum proportionem.

Lex humana alia est ecclesiastica, alia civilis. Hæc Lex humana
ab Ecclesia condita, ut Christianos in finem æternæ beatitudinis dirigat; ista a summis Principibus, rebus publicis, aut populis instituta ob communem tranquillitatem, ac securitatem.

Jus ecclesiasticum aliud est scriptum, aliud in Ecclesia sine scripto custoditum. Scriptum, sunt Canones Spiritu Dei conditi; Conciliorumque generalium, Provincialium; diocesano- rum Decreta, Constitutiones romanorum Pontificum, Episcoporum statuta. Non scriptum, sunt Traditiones, & consuetudo.

Traditiones in iis rebus, ac præceptis positæ sunt, quæ ab Apostolis, aut apostolicis viris; sive Apostolorum discipulis viva voce, & citra scripturam tradita, & præscripta, ad nos usque velut per manus pervenerunt. De quibus Canon *Ecclesiasticarum*, dist. 1. 1. sumptus ex *S. Basilio*, lib. 3. *De Spiritu sancto*, cap. 27.

Consuetudo, est jus quoddam moribus institutum, quod pro lege suscipitur. Consuetudines partim generales sunt, quæ ab apostolicis fere temporibus introductæ servantur ab universa Ecclesia; partim

tim speciales hujus, vel illius Ecclesiæ, provinciæ, aut etiam nationis. Utrumque genus intra suos terminos juris robur habet. Triplex autem est vis consuetudinis. 1. Ut legis deficientis vicem suppleat. 2. Ut legem dubiam interpretetur. 3. Ut si contra jus pristinum invaluerit, legem abroget. Qua de re *S. Thom.* 1. 2. qu. 97. art. 3. ad secundum: „„ Le-
ges humanæ (*inquit*) in aliquibus casibus deficiunt; unde possibile est, quandoque præter legem agere (in casu scilicet, in quo deficit lex) & tamen actus non erit malus; & cum tales casus multiplicantur propter aliquam mutationem hominum, tunc manifestatur per consuetudinem, quod lex ulterius non est utilis, sicut etiam manifestaretur, si lex contraria verbo promulgaretur. Si autem adhuc maneat ratio eadem, propter quam prima lex utilis erat, non consuetudo legem, sed lex consuetudinem vincit; nisi forte propter hoc lex inutilis videatur, quoniam non est possibilis secundum consuetudinem patriæ, quæ erat una de conditionibus legis. Difficile est enim, consuetudinem multitudinis removere „ „.

Et in responsione ad tertium: „ „ Multitudo, in qua consuetudo introducitur, duplicis conditionis esse potest. Si enim sit libera multitudo, quæ possit sibi legem facere, plus est consensus multitudinis ad aliquid observandum, quem consuetudo manifestat.

Superiorem plenam in illum jurisdictionem habente. ^{mana immu-}
 3. Ab ejus in eandem auctoritatem Successore. ^{tari possit.} 4.
 Contraria consuetudine. Mutatio autem legis fieri
 potest, vel respectu universitatis; vel respectu pri-
 vatorum. Totius universitatis respectu mutari potest,
 1. Cum recepta quidem est, sed nondum usu fir-
 mata; quæ dicitur *Irritatio*. 2. Cum usu firmata
 est, sed revocatur; aut contraria lex fertur, ac
 promulgatur; quæ vocatur *Abrogatio*. 3. Cum plu-
 ra capita complectitur; & quoad aliqua mutatur;
 quæ appellatur *Dero-gatio*. Respectu privatorum duo-
 bus modis potest mutari: 1. *Dispensatione* 2. *Privi-*
legio.

Dispensatio est juris communis relaxatio ex justa cau- ^{Quid sit di-}
sa; a legum conditoribus; seu rectoribus multitudinis, ^{spensatio.}
facta. Contigit enim aliquando; ut aliquod præce-
 ptum multitudinis commodum non sit conveniens
 huic personæ; vel in hoc casu, quia vel per hoc
 impediretur aliquid melius; vel induceretur aliquid
 malum. Id autem cujuslibet judicio periculose com-
 mitteretur. Unde solus legis conditor, vel ejus Su-
 perior, aut Successor in eandem auctoritatem in
 lege humana dispensare potest; ut scilicet in perso-
 nis, vel in casibus, in quibus lex humana deficit,
 licentiam tribuat, ut præceptum legis non servetur.
 Ita ratiocinatur *S. Thomas*, loco superius indicato.
 art. 4.

Privilegium est lex privatorum, quibus scilicet justis ^{Quid privi-}
de causis lex a communi diversa, seu immunitas a le- ^{legium.}
ge communi conceditur.

ARTICULUS III. REGULÆ PRAXIM SPECTANTES.

Circa legum obligationem, & observantiam.

REGULA PRIMA.

Leges humanæ cum ecclesiasticæ, tum civiles, &
 politicæ conscientiam ligant, adeo ut violari non
 possint in re gravi absque mortali peccato.

De legum
obligatio-
ne, & ob-
servantia.

De legibus quidem ecclesiasticis id Christus ipse docet Matth. 18. *Si L. iustitiam* (inquit) *non au- d. erit* (id est, si Ecclesiæ Prælati non paruerit) *sit tibi sicut Libanus, & ruccannus* Et Lucæ 10. *Qui vos audit, me audit, & qui vos spernit, me sper- nit.* Hinc S. Paulus confirmans Ecclesias, præcipiebat *cultor. re præcepta Apostolorum, & Seniorum.* Et 2. ad Thell. 3. ait: *Si quis non obicit verbo nostro per epi- st. am, hunc notate, & ne commisceamini cum illo, ut confu. datur.* Et ad Hebr. 13. *Obedite præpositis vestris, & subijcete eis: ipsi enim pervigilant, quasi rationem pro anim. bas vestris reddituris*

De legibus civilibus idem docet Apost. ad Romæ 13. *Omni. anima* (inquit) *potest. tibus sublimio.ibus subdita sit; non est enim potestas nisi a Deo; quæ au- tem sunt, a Deo ordinata sunt.* Itaque, *qui resistit potestati, Dei ordinationi resistit. Qui autem resistunt, ipsi sibi damnationem acquirunt; nam Principes non sunt timor. boni operis, sed mali.* Vis autem non timere potesta- tem? *bonum fac, & habebis laudem ex illa; Dei enim minister est tibi in bonum; si autem malum feceris, ti- me; non enim sine causa gladium portat; Dei enim minister est, vindex in iram ei, qui malum agit.* Ideo *necessitate subditi estote, non solum propter iram, sed etiam propter conscientiam.* Ideo enim *& tributa præ- statis; Ministri enim Dei sunt, in hoc ipsum servientes. Reddite ergo omnibus debita: cui tributum, tributum;*

REGULA II.

Violatio legis humanæ sive Ecclesiasticæ, sive Civilis, ex contemptu, etiam in materia levi, mortale peccatum est.

Contemptu namque legis gravis injuria fit Legislatori. Cenletur autem aliquis ex contemptu legem violare, non quoties ex malitia, vel ex ira, vel ex alia animi perturbatione, & prava cupiditate ipsam violat, lux libidinis expletionem præcepto legis anteponebat; quamvis frequenter ex eadem vel simili causa, aut etiam hinc causa, & ex consuetudine illam violaret; sed quando legislatorem, ejusque legem aspernatur, eique subici reculat, aut subjectum se esse indignatur: facitque, quod est prohibitum, aut omittit, quod præceptum est, ideo quia prohibitum est, aut præceptum; aut quia ab hoc homine, qui tamen legitimus ejus superior est, prohibetur, aut jubetur.

Hanc Regulam confirmat S. Bernard. lib. *De Precepto, & Dispensatione*, cap. 8. „ Hæc ergo (inquit) generalis Regula sit universorum, quæ per se, aut propter se nec bona, nec mala sunt, aut divina institutione, aut propria cujusque professione fixa non sunt: ut non jussa quidem, necite utrumlibet vel admittantur, vel omittantur; jussa vero sine culpa non neglegantur, hinc crimine non contemnantur. Ubique enim & culpabilis neglectus & contemptus damnabilis est. Differunt autem, quod neglectus quidem languor inertie est, contemptus vero superbie tumor. Porro contemptus in omni specie mandatorum pari pondere gravis, & communiter damnabilis est „

et cap. 11. Loquens de quibusdam peccatis ratione materię levis, ait; „ Peccata sunt, & Deus prohibet omne peccatum; & tamen venialia, non criminalia reputantur, excepto cum per contemptum vertuntur in ulum, & consuetudinem, & tunc non peccati species, sed peccantis intentio pensatur. Elatio quippe contemnentis, atque impoenitentis obstinatio,

in minimis quoque mandatis culpam facit non minimam, & convertit in crimen gravis rebellionis n̄vum satis levem simplicis transgressionis „ „

Eandem Regulam confirmat *S. Thom.* 2. 2. qu. 184. ut docet, Regulam monasticam quantum ad ea, quæ ad actus quidem virtutum pertinent, sed tamen excedunt communiter necessitatem præcepti, „ non obligare ad mortale, nisi propter contemptum, „ quia religiosus non tenetur esse perfectus, sed ad perfectionem tendere, cui contrariatur perfectionis contemptus „. Item transgressionem eorum, quæ spectant regulares observantias, non esse mortale peccatum „, nisi vel propter contemptum regulæ, vel propter præceptum, si ve preteritus a Præfato factum, si ve in Regula expressum „.

Et in responsione ad tertium: „ „ Tunc (*inquit*) committit aliquis, vel transgreditur ex contemptu, quando voluntas ejus renuit subjici ordinationi legis, vel regulæ; & ex hoc procedit ad faciendum contra legem, vel regulam. Quando autem propter aliquam particularem causam, puta concupiscentiam, vel iram, inducitur ad aliquid faciendum contra statuta legis, vel regulæ, non peccat ex contemptu, etiamsi frequenter ex eadem causa, vel alia simile peccatum iteret. . . Frequentia tamen peccati dispositione inducit ad contemptum, secundum illud Prov. 18. *Impius, cum in profundum venerit peccato-*

REGULA IV.

Homo Legislator in materia levi sub mortali peccato obligare non potest.

Legem enim æternam, ac naturalem consulere debet ac imitari. Unde *S. August.* lib. *De vera Religione*, cap. 31. ait: „„ Conditor legum temporalium, si vir bonus est, & sapiens, illam ipsam consulit legem æternam, ut secundum ejus immutabiles regulas, quid sit pro tempore vitandum, jubendumque, discernat „„. Leges autem æterna, & naturalis nunquam obligant in materia levi sub peccato mortali. Præterea lex rem levem sub peccato mortali præcipiens, vel prohibens, injusta esset, occasionemque scandali præberet subditis; quamobrem de legum hujusmodi Conditoribus merito diceretur: *Alligant onera gravia, & importabilia in humeros hominum.* *Matth. 23.*

Itaque si Prælati ecclesiastici, vel Superior regularis, sub pœna excommunicationis alteriusque Censuræ vel virtute sanctæ obedientiæ præcipiat, aut prohibeat rem aliquam, quæ spectatis omnibus circumstantiis levis est; nec boni communis intuitu alicujus est momenti; cum nec ad salutem animarum, ac morum honestatem nec ad bonum nomen ecclesiastici, aut religiosi Ordinis, nec ad votorum observantiam, nec ad scandali, aut periculi gravis deviationem, nec ad publicam tranquillitatem magni referat, injustum erit præceptum; & qui illud violabit, nec lethalis peccati reus, nec excommunicationi, vel suspensioni erit obnoxius.

Sed tamen, quia subditi sæpe ignorant necessitatem, justasque causas, & rationes, ob quas ejusmodi præcepta fiunt a Superioribus, ac in favorem auctoritatis, ac obedientiæ judicandum est, nisi sit evidens injustitia; ideo hujusmodi censuræ, quarum sub interminatione res, quæ secundum se levioris videntur momenti, præcipiuntur, aut prohibentur, contemnendæ non sunt, sed metuendæ; præceptis-

In favorem auctoritatis, ac obedientiæ semper judicandum, nisi lex esset evidenter injusta.

118 Theol. Dog. & Moral Lib. IV.

que Superiorum, ac legibus parendum est; nec sibi sumere debent inferiores iudicium de materiæ gravitate, aut levitate comparate ad bonum commune; id enim ad legislatorem pertinet.

REGULA V.

Quoties lex humana præcipit aliquid, vel prohibet sub gravi pœna, v. gr. mortis, mutilationis, exilii, damnationis ad trementes, infamiae, privationis omnium bonorum, dignitatum, officiorum, excommunicationis, aut alterius censure, aut sub obtestatione divini iudicii, vel sub indignatione Apostolorum Petri, & Pauli, vel sub pœna incurrendi indignationem Principis; recte colligitur, legem, aut præceptum sub mortali peccato obligare, nec levis momenti rem esse, quæ præcipitur, vel prohibetur.

Prudens enimvero legislator graves adeo pœnas pro re levi non solet imponere.

REGULA VI.

Lex obligat sub mortali peccato, quoties præcipiendi, aut prohibendi verba usurpat in materia gravi.

Hæc Regula colligitur ex Clementina *Exi vi*. Tit. *De Verborum significatione*, ubi Clemens V. declarat S. Franciscum in sua regula aperte discrevisse,

nemo pecuniam efferat extra regnum, & si extulerit, solvat centum nummos.

Appositio enim pœnæ vim præcepti non evertit. Unde Canon. *Omnis utriusque sexus*, Extr. *De Penitentis, & remissionibus*, annuam Confessionem, & Communionem paschalem jubet sub pœna excommunicationis, & privationis ecclesiasticæ sepulturæ; alique leguntur Canones quamplurimi, & Constitutiones Pontificum, quibus aliquid præcipitur, aut prohibetur, latis in violatores excommunicationis, aliarumque censurarum pœnis; & tamen eos a peccato immunes nemo asserit, imo ex adiectione gravis pœnæ gravius illorum esse peccatum, omnes consentiunt.

REGULA VIII.

Lex pœnalis mixta, quæ disjunctiva propositione fertur, obnoxium culpæ non facit transgressorem, si pœnam, sive mulctam solvere velit; ut si dicatur, nemo frumentum evehat extra regnum, vel si evehærit, centum nummis mulctetur.

Qui enim partem legis disjunctivæ servat, ejus violator minime censendus est, cum lex utrumque non præcipiat, sed subditorum relinquat arbitrio, ut quam partem voluerint, eligant, id est, faciant, quod lex jubet; seu omittant, quod prohibet, aut mulctam statutam solvant. Sicut ergo, qui votum emittit his verbis conceptum, voveo, me nunquam chartis lusurum, vel quoties lusero, nummum erogabo pauperibus; etsi ab hujusmodi ludq simpliciter abstinere ex voto non teneatur, nec voti violator sit censendus, si forte lusarit, modo nummum det pauperibus; reus autem erit infracti voti, si lusarit, nec mulctam votivam solverit; ita reus non erit violatæ legis mixtæ, sub disjunctione positæ, si pœnam subire, seu mulctam solvere maluerit.

Ceterum nemo a culpa immunes esse putet violatores legum pœnas statuentium adversus illos, qui

ex silva non communi, sed aliena, arbores cædunt, & ligna capiunt, aut in pratis alienis pecora sua pascunt; obligatio namque legis divinæ furtum prohibentis, lege pœnali ab hominibus lata tolli non potest; alioqui nullum, quantumvis grave, furtum, peccatum esset, cum legibus humanis pœnæ in fures statutz sint.

Nemo etiam a peccato, neque a restitutione excuset illos, qui vectigalia, seu antiqua, seu recens imposita auctoritate principis, aut reipublicæ per fraudem solvere prætermittunt; quamvis subeant periculum luendæ pœnæ per legem statutz. Quæ enim justæ sunt debita, non fiunt indebite propter appositionem pœnæ; sed inde potius elucescit obligatio gravis solvendi.

R E G U L A IX.

Legem pœnalem nusquam absque peccato violari, probabilius est.

Leges enim humanas, si justæ sint, obligare in foro conscientiz, docet *S. Thom.* 1. 2. qu. 96. vimque ita obligandi legibus tantum injustis negat; leges itaque pœnales conscientiam ligant, si justæ sint, earumque violatio reos coram Deo homines facit.

Præterea, omnis inobedientia peccatum est; violationem porro legum pœnaliū inobedientiam esse nemo vere negaverit. Cum enim Legislator aliquid

Si tamen Legislator declaret, se ita statuisse, ut soli poenae obnoxios subditos esse velit. quo modo religionum quorundam Ordinum constitutiones ad poenam duntaxat, non ad culpam obligare, in iisdem Constitutionibus declaratur; cuiusmodi etiam statuta in quibusdam oppidis, societatibus, aut collegiis reperiuntur: Statuta illa sine peccato violabuntur, si contemptus, scandalum, vel præceptum Superiorum ablit,

* Ut in
constitutionibus
PP.
Prædicato-
rum.

R E G U L A X.

Cum lex poenalis decernit poenam infligendam, reus illam subire non tenetur ante sententiam iudicis.

In penis cuius benignior est interpretatio facienda; habet Regula juris 49. in Sexto.

R E G U L A XI.

Poenam lege latam, quæ actionem rei requirit, ille subire non tenetur ante sententiam iudicis, nisi forte ad Canonicam aut religiosam disciplinam pertineat, ut jejunium, oratio, &c. aut verba legis expresse significant expectandam non esse sententiam.

Cum enim leges mutæ sint, & inanimatæ, opus est, ut Iudex earum executionem curet, si earum executio absque actione fieri non possit. Ab humana præterea consuetudine alienum est, ut is, qui in legem peccavit, in exilium proficiscatur, aut multam persolvat indemnatus.

R E G U L A XII.

Poenam subire tenetur reus, lata sententia.

Debet enim parere justæ sententiæ iudicis legitimi. Quamobrem si reus exilio damnatus sit, aut multa pecuniaria, sponte in exilium abire, aut multam solvere tenetur ex officio conscientiæ. Si tamen actio poenæ executrix non sit reo licita, vel crudelis sit, & inhumana, reus poenam sibi ipsi infligere

figere non tenetur, etiam post sententiam judicis; quia suavitati legum, ipsique legi naturæ repugnat, ut homo in seipsum carnificinam exerceat, seque ipsum mutilet, aut occidat; sed poenam a lictore, seu ministro justitiæ infligendam, in expiationem delicti, christiano animo pati debet.

REGULA XIII.

In poenam lege latam incurritur ante sententiam judicis, si in mera privatione consistat.

Id enim interest inter poenam ferendam, & latam, ut illa ante sententiam judicis non infligatur; in hanc statim post delictum incurrat. Sic censuris, in quas ipso facto incurri lex statuit, ac declarat, statim constringitur, qui legem violavit. Idem esto judicium de privatione vocis activæ, aut passivæ, quam lex ipso facto incurrendam declarat. Sic ecclesiastici beneficii titulo, ac proprietate statim excidit, qui peccatum commisit, propter quod lex ipso facto privatum beneficio decernit. Beneficio tamen abdicare, ac spoliare seipsum non tenetur ante declarationem judicis, nisi id lege sit expressum, aut nullum antea titulum jusque in beneficio habuerit. Unde si parochus in legem peccaverit, quæ aliquid præcipit, vel prohibet sub poena privationis beneficii ipso facto incurrenda; acta ejus valere, confessionesque apud ipsum factas, dataque abolu-

REGULA XIV.

Leges humanæ, cum ecclesiasticæ, tum civiles, non obligant, ut plurimum cum vitæ, aut incommodi gravissimi periculo.

Neque enim lex ipsa naturalis (exceptis illis præceptis, quæ prohibendi rem per se malam vim habent) neque lex divina positiva semper obligat cum vitæ periculo; cum tamen majorem obligandi vim habeant, quam leges humanæ. Lex enim de reddendo deposito non obligat eum, cui ex redditione depositi mors imminet. Lex de elemosyna graviter indigenti eroganda non obligat eum, qui fame conficiendus est, si panem unicum, quem habet, alteri tribuat. Lex de servando secreto non obligat eum, qui mortem, aut grave damnum passurus est, si illud servet; nisi sacrum secretum sit, quale est ex sola confessione notum; aut secretum Principis, vel reipublicæ, aut ad illud servandum juramenti religionem se obstrinxerit. Leges etiam divinas positivas cum vitæ periculo non semper obligare certum est. Nam *David* panes propositionis urgente necessitate innoxie comedit: *Machabæos* sabbato pugnassee, inviolata lege de sanctificatione sabbati, res est ex sacris Scripturis comperta, & explorata. Pari ratione dixerimus, neminem ad audiendum Sacrum festis diebus, ad jejunium ecclesiasticum servandum, ad horas canonicas recitandas, ad vitandum excommunicatos, & similia, cum periculo vitæ, vel alterius incommodi gravissimi passum, & semper obligari.

REGULA XV.

Leges humanæ, cum ecclesiasticæ, tum civiles, interdum obligant eum vitæ periculo.

Quandoque enim necesse est pro communi bono Ecclesiæ, vel reipublicæ ea agere, quæ vitæ periculum adjunctum habent, ut in bello, navigatione, pestilentia, vel similibus. Sic Episcopi, & pa-
rochi,

124 Theol. Dog. & Moral. Lib. IV.

rochi, persecutionis tempore residere tenentur, si in totum gregem persecutio sæviat, necnon tempore pestilentiae, ac Sacramenta per seipso ministraré, si major pars Diœcesanorum, aut Parochianorum contagione laboret. Sic Episcopus sibi subdito Sacerdoti præcipere potest, ut fidem confiteatur, ac prædicet tempore persecutionis; vel ut Sacramenta morbo pestifero laborantibus administret. Similiter dux militi præcipere potest, ne stationem deserat, ut in hostilem aciem irrumpat, ut hostium propugnacula invadat, murosque conscendat, quamvis supremum vitæ periculum parendo sit aditurus.

REGULA XVI.

Lex humana cum vitæ periculo obligat, quoties ejus violatio vergit in contemptum fidei, religionis, aut ecclesiasticæ potestatis, aut etiam in contemptum, injuriamque regis Majestatis.

Pluris enim refert fidem, religionem, ecclesiasticam potestatem, & regiam Majestatem non contemni, vel injuria affici, quam vitam privati cujusque hominis servari. Unde si metus mortis incutiat alicui, nisi carnes statis jejunii diebus comedat, nisi Missam audire prætermittat; nisi coram excommunicatis palam denunciatis Sacrum faciat; nisi Regis imaginem, vel edictum laceret; quod sit in

„ptis voluerit impetrare „ Et *S. Augst.* Enarra-
tione in Psal. 124. de militibus Juliani Apostata ait:
„ Milites christiani servierunt Imperatori infideli;
ubi veniebatur ad causam Christi, non agnoscebant
nisi illum, qui in coelo erat. Si quando volebat,
ut idola colerent, ut thurificarent, praeponabant illi
Deum; quando autem dicebat, producite aciem,
ite contra illam gentem; statim obtemperabant. Di-
stinguebant Dominum aeternum a Domino tempo-
rali; & tamen subditi erant propter Dominum aeter-
num etiam Domino temporali „ „

Et lib. 3. *Confessionum*, cap. 8. „ „ Cum Deus (*in-*
quit) aliquid contra morem, aut pactum quorum-
libet jubet, & si nunquam ibi factum est, faciendum
est, & si omissum, instaurandum; & si institutum non
erat, instituendum est. Si enim Regi licet in civitate,
cui regnat, jubere aliquid, quod neque ante illum
quisquam, nec ipse unquam jusserat; & non contra
societatem civitatis ei obtemperatur, imo contra
societatem non obtemperatur; generale quippe pa-
ctum est societatis humanae obedire Regibus suis;
quanto magis Deo Regnatori universae creaturae suae,
ad ea, quae jusserit, sine dubitatione serviendum est?
sicut enim in potestatibus societatis humanae, major
potestas minori ad obediendum praepositur; ita
Deus omnibus „ „

Id confirmat *S. Thom.* 1. 2. qu. 96. art. 4. „ „ Alio
modo (*inquit*) leges possunt esse injustae per contra-
rietatem ad bonum divinum, sicut leges tyranno-
rum inducentes ad idololatriam, vel quodcunque
aliud, quod sit contra legem divinam, & tales leges
nullo modo licet observare „ „

REGULA XVIII.

Leges evidenter injustae non obligant in foro con-
scientiae, nisi propter vitandum scandalum, vel pu-
blicae pacis perturbationem.

Ita docet *S. Thomas*, loco mox indicato. „ „ Inj-
stae sunt leges (*inquit*) vel ex fine, sicut contr. ali-
quis

quis prædens leges imponit onerosas subditis, non pertinentes ad utilitatem communem, sed magis ad propriam cupiditatem, vel gloriam, vel etiam ex auctore, sicut cum aliquis legem fert ultra commissam sibi potestatem, vel etiam ex forma, cum inæqualiter onera multitudinai dispensantur, etiamsi ordinentur ad bonum commune. Et hujusmodi magis sunt violentiæ, quam leges; quia sicut August. dicit *libro 1. De libro arbitrio*, cap: 5: *Lex esse non videtur, quæ justa non fuerit.* Unde tales leges non obligant in foro conscientiæ, nisi forte propter vitandum scandalum, vel turbationem; propter quod etiam homo juri suo debet cedere, secundum illud Matthæi 5. *Qui angariaverit te mille passus, vade cum eo alia duo; & qui abstulerit tibi tunicam, da ei & pallium* » ».

Denique cum sibi proposuisset hanc objectionem: » » Leges humanæ frequenter ingerunt calumniam, & injuriam hominibus, secundum illud Isaïæ 10. *Va qui condunt leges iniquas; & scribes injustitias scripserunt; ut opprimerent in judicio pauperes, & vim facerent causa humilium populi mei;* Sed licitum est unicuique oppressionem, & violentiam evitare; ergo leges humanæ non imponunt necessitatem homini quantum ad conscientiam.

Responder, quod Ratio illa procedit de lege, quæ infert gravamen injustum subditis, ad quod etiam

facie Ecclesiæ matrimonium contraxerunt, illud confirmare jubeat, hac lege non tenentur, nec illi parere debent, qui occulto impedimento dirimente constricti contraxerunt, quamvis pœna excommunicationis ad contummandum matrimonium urgerentur, ut colligitur ex cap. *Licet*, Extra. De *Res. u. sione spoliatorum*, & cap. *Inquisitioni*, Extra. De *Sententia excommunicationis*.

Item cum legislator aliquid in singulis facti alicujus speciebus contingere præsumit, ratione cujus legem condit, lex conscientiam ejus non ligat, in quo falla est illa præsumptio; unde nec sententiæ judicis hac lege fultæ parere tenetur. Sic jure veteri cum statutum esset, ut Sponsalia de futuro in matrimonium legitimum transirent per carnalem copulam subsecutam, cap. *Veniens*, & cap. *Is, qui fidem*, Extra. De *Sponsalibus*; contingere tamen poterat, ut qui post hujusmodi copulam matrimonium cum altera contraxisset, ad priorem illam redire non teneretur, quacunq; judicis compellente sententia. Lex enim illa fundata erat in præsumptione, quod ista copula semper fieret affectu maritali, live animo perficiendi matrimonium; quamobrem si quis eo animo copulam non habuisset, imo aliena prorsus a matrimonio cum tali persona contrahendo voluntate, Sponsalia in matrimonium per copulam subsecutam non transibunt; neque compelli poterant quacunq; sententia sponsus, & sponsa de futuro, ut conjugaliter viverent, nisi mutuus in matrimonium consensus accederet, qui nulla potestate humana suppleri potest.

Ob eandem rationem lex, præceptum, aut sententia in præsumptione facti alicujus fundata, quod factum non est, non ligat conscientiam; siquidem præsumptio cedere debet veritati.

Verumtamen si legislator fraudes, abusus, aut gravia incommoda in aliqua materia, ut plurimum contingere præsumens, legem ferat generalem ad ea impedienda, sive avertenda; etiamli præsumptio in

quibusdam casibus singularibus falsa sit, lex in illis etiam obligat; quia subsistit ratio, in qua fundata lex est. Unde lex irritum declarans solemne votum ante pubertatis annos emissum, vim habet etiam respectu illorum, in quibus maturum iudicium pubertatis annos prævenit, quia in ea præsumptione fundata est, quod in minori ætate defuit, ut plurimum iudicii maturitas, ut observat *S. Thom. 2. 2. qu. 88. art. 9. „* Quantumcunque (*inquit*) sit doli capax ante annos pubertatis, non potest obligari voto solemni religionis, propter Ecclesiæ statutum, quod respicit id, quod in pluribus accidit „

R E G U L A XX.

Legibus, quas de fide, Sacramentis, causisque mere spiritualibus, & ecclesiasticis princeps laicus conderet, Clerici nullatenus obligarentur; quemadmodum nec legibus, quas ferret Prælati ecclesiasticus temporalem Principatum, ac ditionem non habens, de causis civilibus, & mere temporalibus, laici parere tenerentur; aut si temporalem ditionem, ac Principatum habeat, legibus ipsius res, & causas civiles spectantibus ii soli obligantur, qui ditioni ipsius temporali subditi sunt.

Utraque enim potestas, ecclesiastica, & laica, certis finibus a Deo conclusa est, extra quos

pit, contradicit ordinationi divinæ; ita & tu cave, ne, quæ sunt Ecclesiæ ad te trahens, magno crimini obnoxius fias. Date, scriptum est, quæ sunt Cæsaris Cæsari, & quæ Dei Deo. Neque igitur fas est nobis imperium tenere; neque tu thymiamatum, & Sacrorum potestatem habes, Imperator „ „

Idem confirmatur ex can. *Cum ad verum*, dist. 96. sumpto ex Epist. 1. Nicolai 1. ad Michatlem Græcorum Imperatorem: „ „ Sed cum (inquit) ad verum ventum est eundem Regem, atque Sacerdotem, ultra sibi nec imperator jura Pontificatus arripuit, nec Pontifex nomen imperatorium usurpavit. Quoniam idem mediator Dei, & hominum homo Christus Jesus, sic actibus propriis, & dignitatibus distinctis officia potestatis utriusque discrevit, ut & christiani Imperatores pro æterna vita Pontificibus indigerent, & Pontifices pro cursu temporalium tantummodo rerum imperialibus legibus uterentur; quatenus spiritualis actio carnalibus distaret incurtibus „ „

Et can. *Nos si incompetenter*, causa 2. qu. 7. Leo 4. ait: *Sicut Reges præsent in causis seculi, ita Sacerdotes in causis Dei.*

R E G U L A XXI.

Legibus civilibus parere tenentur Clerici, salva Ecclesiarum, & personarum ecclesiasticarum immunitate.

Nam & Clerici cives sunt, & Reddere debent, quæ sunt Cæsaris Cæsari, & quæ sunt Dei Deo. Et Clericos etiam spectat illud Apostoli ad Titum 3. *Admone illos, Principibus, & potestatibus subditos esse, dicto obedire.* Et illud 1. Petri, 2. *Subjetti estote Regi quasi præcellenti, sive Ducibus tanquam ab eo missis.* Hinc S. Joan. Chrysost. Hom. 23. in Epist. ad Romanos ait: „ „ Omnis anima potestatibus supereminentibus subdita sit, etiam si Apostolus sis, si Evangelista, si Propheta, sive quisquis tandem fueris. Neque enim pietatem subvertit ista subjectio „ „

Theodoretus in cap. 13. in Epistola ad Rom. ait :
 „ Et Sacerdos , & antistes , & monasticam vitam pro-
 „ fessus , iis debent parere , quibus demandati sunt
 „ Principatus „ Exceptionem additam Regulæ con-
 firmant sacri Canones , Constitutiones Principum , *S.*
Thomas , qui in cap. 13. Epistolæ ad Romanos , Cle-
 ricos a debito solvendi tributa *liberos esse docet ex*
privilegio Principum , quo quidem æquitatem naturalem
habet ; & sacra Synodus Tridentina , Ecclesiæ , & per-
sonarum ecclesiasticarum immunitatem , Dei ordinatione ,
& canonicis Sanctionibus constitutam esse ait . sess. 29.
De Reformat. cap. 20.

R E G U L A XXII.

Supremus Princeps , & legislatores suis ipsi legibus
 quibusdam obligantur , quamvis a nemine coer-
 cere possint ob earum neglectam observantiam.

Hanc Regulam tradit *S. Thomas* , 1. 2. quæst. 96.
 art. 5. ad tertium : „ „ Princeps (*inquit*) dicitur
 esse solutus a lege , quantum ad viam coactivam legis ;
 nullus enim proprie cogitur a seipso : lex autem non
 habet vim coactivam , nisi ex Principis potestate. Sic
 igitur Princeps dicitur solutus esse a lege , quia nul-
 lus in ipsum potest iudicium condemnationis ferre ,
 si contra leges agat. Sed quantum ad vim directivam
 legis , Princeps subditur legi propria voluntate , se-
 cundum quod dicitur , *Extra. De Constitutionibus* ,

Canone Justum est, dist. 10. „ Justum est Principem legibus obtemperare suis. Tunc enim jura sua ab omnibus custodienda existimet, quando & ipse illis reverentiam præbet. Princeps legibus teneri suis, nec in se convenit frustrare jura, quæ in subjectis consistunt. Justa est enim vocis eorum auctoritas, si quod populis prohibent, sibi licere non patiantur „

Eandem Regulam confirmant *Theodosius*, & *Valentinianus* Imperatores lib. 1. Cod. tit. 14. „ Digna vox est (inquiunt) Majestate regnantis, legibus alligatum se principem profiteri; adeo de auctoritate juris nostra pendet auctoritas, & revera majus imperio est, subicere legibus principatum „

Ea tamen Regula de illis legibus intelligenda est, quarum materia Principes, ac subditos æque spectat. Unde Episcopus festos dies, & jejunia a se instituta observare tenetur; necnon statuta clericalis Ordinis reformationem spectantia, in iis, quæ ipsum æque ac secundi ordinis Sacerdotes spectant; exempli gratia, si ludum aleæ sub poena excommunicationis latæ sententiæ prohibuerit, ab eo ludo abstinere debet. alioqui lethaliter peccabit; in excommunicationis tamen sententiam non incurret.

REGULA XXIII.

Princeps, & legislator quilibet est supra legem, in quantum mutare illam potest, si expediat; & in ea pro loco, & tempore dispensare.

Verba sunt *sancti Thoma*, loco mox indicato.

REGULA XXIV.

Peregrini, & advenæ leges, & consuetudines locorum, ad quæ veniunt, vel in quibus diversantur, ex officio conscientiæ sequi debent.

De consuetudinibus legitimis, vimque legis habentibus loquor. Ratio regulæ est, quod quicquid ratione territorii legem, ac forum sortiatur; &

quod ordo, paxque postulet, ut non aliis legibus peregrini, & advenæ utantur, quam indigenæ. Hinc *S. August.* lib. 3. *Confessionum*, cap. 8. „ „ Quæ (*inquit*) contra mores hominum sunt flagitia, pro morum diversitate vitanda sunt, ut pactum inter se civitatis, aut gentis consuetudine, vel lege firmatum, nulla civis, aut peregrini libidine violetur. Turpis enim omnis pars est suo universo non congruens „ „

Et Epistola 36 alias 86. Ad *Casulanum*, refert: Cum pia mater Monica Mediolani agens sollicita esset, an sibi secundum civitatis suæ morem Sabbato jejunandum, an secundum Mediolanensis Ecclesiæ morem prandendum esset; *S. Ambrosium* ea de re interrogatum respondisse; „ „ Quando hic sum, non jejuno Sabbato; quando Romæ sum jejuno Sabbato; & ad quamcunque Ecclesiam veneritis (*inquit*) ejus morem servate, si pati scandalum non vultis, aut facere „ „ Hoc responsum *S. Augustinus* retulit ad matrem, nec dubitavit esse obediendum: Hoc & ipse sequutus est „ „ Sed quoniam contingit, ut una Ecclesia, vel unius regionis Ecclesiæ, alios habeant sabbato prandentes, alios jejunantes; mos eorum (*inquit S. Augustinus*) mihi sequendus videtur, quibus eorum populorum Congregatio regenda commissa est „ „

Et Epist. 54. alias 118, ad *Jannarium*, cap. 2. „ „ Nec disciplina ulla est (*inquit*) in his melior gravi, prudentique Christiano, quam ut eo modo agat, quo

sio; imo qui in uno oppido nocte dormivit, in quo sequens dies festus est, non tenetur Missam audire priusquam recedat.

R E G U L A X X V.

Lex humana sive ecclesiastica, sive civilis obligare non videtur, nisi tolemni more promulgata fuerit in provinciis.

Leges enim ita promulgari necesse est, ut in eorum, quibus latæ sunt, notitiam facile perveniant, aut pervenire possint, ut constat ex *L. Leges sacratissima*, C. tit. *De Legibus*, & colligitur ex *Innocentio III. cap. Ad hæc*, Extra, *De Postulatione Prælatorum*, cujus hæc sunt verba: „ Cum constitutio solemniter editur, aut publice promulgatur, non est necessarium, notitiam ipsius per speciale mandatum singulorum auribus inculcare, sed id solum sufficit, ut ad ejus observantiam quis teneatur, si eam tolemniter editam, aut publice noverit promulgatam „ „ In omnium porro notitiam facile pervenire non possunt, nisi sint in provinciis promulgata. Hinc *Siricius* Pontifex maximus *Epistola ad Himerium* Tarraconensem Episcopum, *Decretalem* suam in quinque Hispaniæ, vicinisque provinciis promulgari sanxit. „ „ Et hæc (*inquit*) ad tua consulta rescriptimus, ut in omnium Coepiscoporum nostrorum perferri facias notionem, & non solum eorum, qui in tua sunt Diœcesi constituti, sed etiam ad universos Carthaginenses, Bæticos, Lusitanos, atque Callicios, vel eos, qui vicinis collimitant hinc inde provinciis, hæc, quæ a nobis sunt salubri ordinatione disposita, sub literarum tuarum prosecutione mittantur. Et quamquam statuta Sedis apostolicæ, vel Canonum venerabilia definita, nulli Sacerdotum Domini ignorare sit liberum, utilius tamen, & pro antiquitate Sacerdotii tui dilectioni tuæ admodum poterit esse gloriosum, si ea, quæ ad te speciali nomine generaliter scripta sunt, per unanimis tuæ so-

De legum promulgatione & observantia.

licitudinem, in uniuersorum fratrum nostrorum notitia perferantur; quatenus & quæ a nobis non inconsulte, sed provide, & sub nimia cautela, & deliberatione sunt salubriter constituta, intemerata permaneant & omnibus in posterum excusationibus aditus, qui apud nos nulli patere poterit, obstruatur „ „. Eandem formam prisca Pontifices sunt sequuti, eumque morem Nouella Justiniani pro civilibus legibus præscriptum, in legibus etiam ecclesiasticis promulgandis observari æquissimum duxerunt, ut scilicet non obligarent, donec in provinciis publica auctoritate fuissent promulgatæ. Ipsaque Concilia generalia Decreta sua non aliter obligare, satis aperte significaverunt. Concil. enim Lateranense 4 sub *Innoc. III*, can. 22. relato cap. *Cum infirmitas*, Extra *De Penitentiis*, & *remissionibus*, cum præcepisset medicis, ut ægros inducerent ad consulendum suarum animarum salutem, antequam morbo remedia parentur, addit tamen, poenæ Canonis istius facta fuerit ab Episcopo diocelano. „ „ Si quis autem medicorum hujus nostræ Constitutionis, postquam per Prælatos locorum fuit publicata, transgressor extiterit, tamdiu ab Ecclesiæ ingressu arceatur, donec pro transgressione hujusmodi satisfecerit competenter „ „.

Et sacra Synodus Tridentina Decretum primum de reformatione matrimonii tunc denuum vim obli-

numerandos. Unde Theologi omnes & iurif-
 consulti summo consensu docent, Decretum illud
 non obligare, ideoque & matrimonia contra for-
 mam in eo præscriptam contracta (modo tamen
 mutuis inter legitimas personas intercesserit consen-
 sus) rata esse in iis provinciis, & regnis, in quibus
 promulgatum non fuit. Hinc *Panormitanus*, in cap.
Cognoscentes, de Constitutionibus, *Cajetanus* in pri-
 ma secundæ, qu. 99. art. 4. *Dominicus Soto*, lib. 1,
De Iustitia, & iure, qu. 3. art. 4. *Nicolaus Sera-
 rius* Disp. De Legibus, num. 56. & seqq. & alii Theo-
 logi plerique, solam in romana Curia promulgatio-
 nem non sufficere censent, ut lex ecclesiastica fide-
 les obliget universos, sed necessariam esse per singu-
 las provincias publicationem contendunt.

R E G U L A XXVI.

Quamvis leges humanæ tam civiles, quam ecclesia-
 sticæ ab acceptione subditorum obligandi vim non
 habeant, non obligant tamen, cum moribus uten-
 tium receptæ non sunt, & firmatæ.

In subditorum arbitrio positum non esse, ut legem recipiant, vel respuant, certissimum est, cum le-
 gislator sive ecclesiasticus, sive politicus, jus ha-
 beat obedientiam a subditis exigendi, & rebelles,
 atque contumaces impolitis pœnis coercendi. Tenen-
 tur itaque subditi leges justas a superiori potestate la-
 tas recipere; graviterque peccant ii, qui prohibent
 ex contumacia, ne recipiantur, vel ipsas respuunt.
 Unde inter alias pestilentis Moralis propositiones hæc
 merito ab *Alexand. VII.* Pontif. maximo damnata
 est; *Populus non peccat, etiamsi absque ullis causis non*
recipiat legem a principe promulgatam, quam proposuit.
 generalis Cleri gallicani Conventus etiam damnavit
 anno 1700. ut seditiosam, doctrinæque apostolicæ, ac
 dictis Dominiis aperte contrariam. Sic lethaliter pec-
 cant Clerici, Monachi, Moniales, qui Episcopis capi-
 ta reformationis in Concil. Trid. sancita inducere vo-

Tenentur
 subditi le-
 ges justas,
 a superiore
 potestate la-
 tas recipere.

Propositio
 damnata.

lentibus, & tam sacræ disciplinae imperantibus executionem, incertorum, aut abrogatorum privilegiorum, vel consuetudinum obtentu resistunt, illique lites movent. Si tamen lex non fuerit utentium moribus recepta, & firmata, non obligat; tum quia ipsam illis non convenire, perspicuum & exploratum est, apud quos vim obtinere non potuit; tum quia Princeps, qui legem a subditis non esse receptam intelligit, ad ipsius tamen receptionem, ac executionem illos impositis pœnis non cogit, sed dissimulat, sicque tacito consensu legi derogat. *Silvester Prietas*, in Summa, verbo *Lex* §. 6. & *Navarrus*, *Manualis* cap. 23. num. 41. *Covarruvias* lib. 2. *Variarum Resolutionum*, cap. 16. Cardinalis *Cusanus*, 2. libro *De Concordantia casbolica*, cap. 9. 10. & 11. & alii. Atque hoc sensu intelligenda sunt verba *Juliani* Jurisconsulti L. *De quibus*, §. 1. ff. *De legibus*. *Ipsa leges nulla alia ex causa nos tenent, quam quod iudicio populi recepta sunt.* Quibus verbis addit *Gratianus* distinct. 4. *Leges instituuntur, cum promulgantur, firmanentur, cum moribus utentium approbantur.* Quo videtur inclinare *S. August.* lib. *De vera Religione*, cap. 31. scribens, de legibus temporalibus homines judicare, cum eas instituunt, sed cum fuerint institutæ, & firmatæ, non licere iudici de ipsis judicare, sed secundum ipsas. Hinc plurimos Canones & pontificias etiam Constitutiones nonnullas de disciplina ecclesiastica latis, in illis Ecclesiis clerum, popu-

ut loquitur Apostolus ; caveruntque , ne laqueos animabus injicerent.

REGULA XXVII.

Leges civiles , quæ sacris Canonibus sunt adversæ , nullius sunt roboris , in iis causis , quæ Ecclesiarum ordinationes , ecclesiasticamque disciplinam spectant.

Hanc Regulam tradit Synodus Chalcedonenſis Oecumenica , Actione 4. in cauſa , quæ inter *Phocas* Episcopum Tyri , & *Eustachium* Episcopum Beryti de Episcopatum divisione vertebatur : „ Contra Regulas (*inquit*) Pragmaticum nihil valebit , universa Pragmatica cessabunt , regulæ teneant ...

Eandem confirmat *Nicolaus I.* cujus verba referuntur Canone , *Lege* , distinct. 10. „ „ *Lege* (*inquit*) Imperatorum non in omnibus ecclesiasticis controversiis utendum est , præsertim cum inveniantur Evangelicæ , ac canonicæ Sanctioni aliquoties obviare. . . Lex Imperatorum non est supra legem Dei , sed subiecta. Imperiali judicio non possunt ecclesiastica jura dissolvi. *Id* Innocentii I. & S. Gregorii *testimoniis roboras , subdisque* : Non quod Imperatorum leges (quibus sæpe Ecclesia utitur contra hæreticos , sæpe contra tyrannos , atque contra pravos quosque defenditur) dicamus poenitus renuendas ; sed quod eas Evangelicis , Apostolicis , atque canonicis Decretis , quibus postponendæ sunt , nullum posse inferre præjudicium asseramus „ „

Et Canone *Certum est* , *Felix III.* Imperatorem sic compellat : „ „ Certum est , hoc rebus vestris esse salutare , ut cum de causis Dei agitur , juxta ipsius constitutionem , regiam voluntatem Sacerdotibus Christi studeatis subdere , non præferre , & Sacrosancta per eorum Præsules potius discere , quam docere ; ecclesiasticam formam sequi , non huic humanitus sequenda jura præfigere ; neque ejus Sanctionibus

nibus velle dominari, ne dum mensura cœlestis dispositionis exceditur, eatur in contumeliam disponentis „ „.

Denique Canone *Constitutiones*, eadem distinctione dicitur: „ Constitutiones contra Canones, & Decreta Præfulum romanorum, vel bonos mores, „ nullius sunt momenti „.

REGULA XXVIII.

Verba legis servanda sunt accuratissime, nisi ad sit periculum publici boni; quod si subitum sit, nec tantam patiens moram, ut Superioris sententia rogari possit, in his angustiis præter verba legis agere licet.

Hæc Regula statuitur a *S. Thoma*, 2. 2. qu. 96. art. 6. „ „ Omnis lex (*inquit*) ordinatur ad communem hominum salutem, & in tantum obtinet vim, & rationem legis. „ Contingit autem multoties, quod aliquid observari, communi saluti est utile, ut in pluribus, quod tamen aliquibus casibus est maxime nocivum. Quia igitur legislator non potest omnes singulares casus intueri, proponit legem secundum ea, quæ in pluribus accidunt, ferens intentionem suam ad communem utilitatem. Unde si emergat casus, in quo observatio talis legis sit damnoſa communi saluti, non est observanda; sicut si in

jesmodi casus habent auctoritatem in legibus dispensandi. Si vero sit subitum periculum, non patiens tantam moram, ut ad Superiorem recurri possit, ipsa necessitas dispensationem habet annexam, quia necessitas non subditur legi „ „

Legislatoris igitur intentionem sequi præstat, quam verba legis, ubi ex evidentia nocumenti manifestum est, legislatorem aliud intendisse, vel hunc non spectasse casum, in quo legis observantia publico bono esset nocitura. Unde *Theodosius*, & *Valentinianus* Imperatores lib. 1. *Cod. tit. De Legibus, & Constitutionibus Principum*, ajunt: „ Non dubium est in legem committere eum, qui verba legis amplexus, „ contra legis nititur voluntatem „

R E G U L A X X I X.

Lex humana mutari non debet nisi propter evidentem necessitatem, aut maximam Ecclesiæ, vel reipublicæ, sive societatis, cujus in bonum lata est, utilitatem.

Ita docet *S. Thom.* prima secundæ, qu. 97. art. 2. *Legis mutatio*. „ Lex humana (*inquit*) in tantum recte mutatur, in quantum per ejus mutationem communi utilitati providetur. Habet autem ipsa legis mutatio, quantum in se est, detrimentum quoddam communis salutis; quia ad observantiam legum plurimum valet consuetudo, in tantum quod ea, quæ contra communem consuetudinem fiunt, etiamsi sint leviora, de se graviora videntur. . . Et ideo nunquam debet mutari lex humana, nisi ex alia parte tantum recompensetur communi saluti, quantum ex ista parte derogatur. Quod quidem contingit, vel ex hoc, quod aliqua maxima, & evidentissima utilitas ex novo statuto provenit; vel ex eo, quod est maxima necessitas, ex eo quod lex consueta, aut manifestam iniquitatem continet. aut ejus observatio est plurimum nociva „ „ Unde lib. 1. *Digest. tit. De Constitutionibus Principum*, lege 2. dicitur: „ In rebus

„ no-

„novis constituendis evidens debet esse utilitas, ut
 „recedatur ab eo jure, quod diu æquum vilius est „

R E G U L A X X X.

Nulla consuetudo vim legis obtinere potest contra
 legem divinam, & naturalem.

De consue-
 tudina.

Quod enim hujusmodi legibus præceptum, aut
 vetitum est, *Necessarium est inviolabile, aut in-*
commutabile, ut loquitur *S. Bernard.* lib. *De Præcepto,*
& dispensatione, cap. 3. „ „ Necessarium inviolabile
 illud intelligo, quod non ab hominè traditum, sed
 divinitus promulgatum, nisi a Deo, qui tradidit, mu-
 tari omnino non patitur; ut exempli causa, non
 occides, non mœchaberis, non furtum facies, &
 reliqua illius tabulæ legis scita, quæ etsi nullam pro-
 fus humanam dispensationem admittunt, nec cui-
 quam hominum ex his aliquid aliquo modo solve-
 re, aut licuit, aut licebit: Dominus tamen horum,
 quod voluit, quando voluit, solvit, sive cum ab He-
 bræis Ægyptios spoliari, sive quando Prophetam
 cum muliere fornicaria misceri præcepit. Quorum
 utique alterum, quid nisi grave furti facinus, alte-
 rum, quid nisi flagitii turpitudine reputaretur; si non
 excusasset utrumque factum auctoritas imperantis „ „ ?

Necessarium incommutabile est: „ „ Quod divina
 ita constat ratione firmatum, ut nulla ex causa pos-

Idem confirmatur ex Canone *Fructus*, dist. 9. sumpto ex *S. Auguſt.* lib. 4. *De Baptiſmo contra Donatiſtas* cap. 5. „ „ Hoc plane verum eſt (*inquit*) quia ratio, & veritas conſuetudini præponenda eſt. Sed cum conſuetudini veritas ſuffragatur, nihil oportet firmitus retineri „ „

Et Canone *Si conſuetudinem*, ex Gregorio VII. „ „ Si conſuetudinem fortaliſſi opponas, advertendum eſt, quod Dominus dicit: *Ego ſum veritas, & vita.* Non dixit ego ſum conſuetudo, ſed veritas. Et certe (ut beati Cypriani ſententiâ utamur) Quælibet conſuetudo, quantumvis vetuſta, quantumvis vulgata, veritati omnino eſt poſtponenda; & uſus, qui veritati eſt contrarius, abolendus „ „ Et cap. *Cum tanto*, Extra, *De conſuetudine*, Gregorius IX. ait: „ „ Cum tanto graviora ſint peccata, quanto diutius infelicem animam detinent alligatam, nemo ſanaſ mentis intelligit, naturali juri, cujus tranſgreſſio periculum ſalutis inducit; quacunq; conſuetudine, quæ dicenda eſt verius in hac parte corruptela, poſſe aliquatenus derogari „ „

Idem confirmat, *S. Iſidorus*, lib. 2. *Synonymorum*, cap. 16. „ „ Multa ſunt (*inquit*) conſuetudine vitiata, multa pravo uſu præſumpta, multa contra pudicos mores illicite uſurpata; cedat conſuetudo auctoritati; pravam uſum lex, & ratio vincat; adime conſuetudinem, ſerva legem „ „

Et *S. Thom.* 1. 2. qu. 97. art. 3. ad primum: „ „ Lex naturalis (*inquit*) & divina procedit a voluntate divina. Unde non poteſt mutari per conſuetudinem procedentem a voluntate hominis, ſed ſolum per voluntatem divinam mutari poſſet. Et inde eſt, quod nulla conſuetudo vim legis obtinere poteſt contra legem divinam vel naturalem „ „

Nulla itaque conſuetudo efficere poteſt, ut ſpiritualia licite vendantur; neque ut aliquid ratione mutui exigatur ultra ſortem, quamvis illam conſuetudinem auctoritate ſua probarent magiſtratus; neque ut Prælatuſ, vel capitula uſurpent fruſtus beneficii,

142 Theol. Dog. & Moral. Lib. IV.

& de cujus possessione litigatur , in fraudem ejus , qui verum jus habet ; neque ut maritus pro suo arbitrio distrahat dotem uxoris , aut uxor gravetur debitis mariti prodigi , ut declarat *Honorius III.* cap. *Ex parte de consuetudine* ; neque ut Domini temporales mulctare , vel punire possint interceptores ferarum sibi damna inferentium , quæ illi retarcire nollunt ; neque ut bona Christianorum naufragorum sibi quisque vindicet ; neque ut Præceptores , vel Satellites usurpent , quæcunque reperiunt apud furem ; neque ut omnino immunes sint Fideles a decimis Ecclesiæ ministris solvendis.

R E G U L A XXXI.

Consuetudo non abrogat legem positivam , seu ecclesiasticam , seu civilem , nisi sit legitima , & præscripta.

Hæc regula nititur cap. *Cum tanto* , Extra. *De Consuetudine* , cujus hæc sunt verba ; „ „ Licet etiam longevæ consuetudinis non sit vilis auctoritas , non tamen est usque adeo valitura , ut vel juri positivo debeat præjudicium generare , nisi fuerit rationabilis , & legitime sit præscripta „ „

Quæ consuetudines illegitimæ censendæ

Rationabilis censetur consuetudo , quam jus non improbat ; irrationabilis , quæ reprobat a jure , ut ea , qua secundi ordinis Sacerdotes ea Sacramenta

quia *Ex tali consuetudine dirumperetur nervus ecclesiastica disciplina.* Sic irrationabilem consuetudinem judicavit idem Pontifex, qua fretus quidam Abbas Sedis apostolicæ immediate subditus, ad aliam Abbatiam eidem Sedi pariter subditam migraverat absque licentia summi Pontificis, quia hæc consuetudo erat sacris inimica Canonibus, adeoque *Non tam consuetudo, quam corruptela censenda.* (Cap. *Cum venerabilis*, Extra. *De Consuetudine.*) Idemque de omni consuetudine censendum, quæ contra obedientiam militat. Idem censendum de consuetudine, quæ pugnat contra Ecclesiæ, vel electionis libertatem, ut decernit *Celestinus III.* cap. *Cum terra*, Extra. *De Electione*, & *Gregorius IX.* cap. *Sacrosancta*, sub eodem titulo: Nec solum rationabilis debet esse consuetudo, ut legem abroget, sed legitime præscripta, quadraginta scilicet annorum spatio, ut colligitur, ex cap. *Auditis*, Extra. *De Præscriptionibus*. Sic lex ecclesiastica de observantia Rogationum quoad jejunium, & cessationem ab operibus, & lex de tota Hebdomada Paschæ solemniter celebranda, Canone *Pronuntiandum*, & Can. *Rogationes*, dist. *De Consecratione*; abrogatæ sunt contraria consuetudine rationabili, & præscripta, ob fidelium minorem devotionem, ob incommoda, quæ pauperibus victum ex labore ægre quærentibus afferebat jejuniorum, & festorum multiplicatio. Idem dicendum de jejunio Quadragesimæ a Clericis incipiendo prima die post Dominicam Quinquagesimæ, secundum Canonem *Statuimus*, dist. 4. quem abrogavit consuetudo.

Magnam autem adhibendam esse diligentiam in judicando, ut non facile aperiatur via transgressioni ordinationum ecclesiasticarum: *Nec etiam condemnatur*; quis *leviter de mortali in hujusmodi consuetudinum observatione*, quæ canonicis quibusdam statutis obviant, sed tamen tolerantur, monet *S. Antoninus*, P. 1. tit. 16. cap. 1. Sic consuetudo plurimorum locorum, ut Sabbato, & in vigiliis magnarum solemnitatum quidam artifices nocte tota laborent,

Quæ consuetudines possint tolerari.

144 Theol. Dog. & Moral. Lib. IV.

ut factores, & barbitonfores, *videtur posse tolerari*; sed *nullo modo tolerari debet, nec excusat a peccato consuetudo, imo corruptela*, ut ad sacram Communionem accedere non incipiant homines nisi in virili ætate, aut puellæ cum sunt nuptæ; cum præceptum ecclesiasticum annuæ Confessionis, & paschalis Communionis Christianos omnes obliget, postquam ad usum rationis pervenerunt. Excusare similiter non potest viduas quælibet consuetudo, ut post mortem virorum diebus Dominicis, ac festis Missæ non intersint. Nec etiã Clericos excusat consuetudo patriæ, ut contra decorem, & modestiam status clericalis multa faciant, quæ Canonibus prohibentur, Extra. *De Vita, & honestate Clericorum*. Nec etiã viros religiosos excusat consuetudo a regularibus observantiis, quas Regula, vel constitutiones illis præscribunt, ut constat ex cap. *Cum ad monasterium*, Extra. *De Statu Monachorum*; nec moniales a Clausura servanda excusat consuetudo Tridentinæ Synodi Decreto, pontificiisque Constitutionibus contraria. „ „ Nec dici possunt hujusmodi consuetudines, sed corruptelæ, & abusiones, & ideo extirpandæ sunt a Prælatis, cum fieri potest sine majori scandalo, quam esset bonum inde sequens „ „ Hanc exceptionem *S. Anton.* prudenter addit, confirmatque ex Canone *Denique*, dist. 4 quod est responsum *S. Gregorii* datum *Augustino* Anglorum Epi-

rius crimen tale propter periculum schismatis, vel scandalum; unde non est dicendum, quod ignoscatur eis, licet non puniat eos propter multitudinem, vel scandalum „ „. De huiusmodi pravis consuetudinibus *Nicolaus I.* ad *Hincmarum* Archiepiscopum Remensem scribebat, ut habetur Canone *Mala*, dist. 8. „ „ Mala consuetudo, quæ non minus, quam pernicioſa corruptela vitanda est; nisi citius radicitus evellatur, in privilegiorum jus ab improbis assumitur; & incipiunt prævaricationes, & varix præsumptiones celerrime non compressæ pro legibus venerari, & privilegiorum more perpetuo celebrari „ „.

REGULA XXXII.

Ecclesiæ universæ consuetudo omnibus, & singulis Christianis pro lege habenda, & religiose servanda est.

Hanc Regulam tradit *S. August.* Epist. 14. alias 118. *Ad Januarium*, cap. 1. & refertur Canone *Illæ*, dist. 12. „ „ Illa quæ non scripta, sed tradita custodimus, quæ quidem toto terrarum orbe observantur, datur intelligi vel ab ipsis Apostolis, vel plenariis Conciliis, quorum est in Ecclesiâ saluberrima auctoritas, commendata, atque statuta retineri, sicuti quod Domini passio, & resurrectio, & ascensio in cælum missio Spiritus sancti anniversaria solemnitate celebrantur, & si quid aliud tale occurrit, quod servatur ab universa, quacunque se diffundit, Ecclesiâ „ „.

ſe conſuetudine

Et cap. 5. „ Si quid tota per orbem frequentat Ecclesiâ, quin ita faciendum sit, disputare insolentissimæ infantiæ est „ „.

Et Epist. 36. alias 85. *Ad Casulanum*, de Dominica die sic loquitur: „ „ Quisquis hunc diem jejuniò discernendum putaverit, sicut quidam jejunantes Sabbatum observant, non parvo scandalo erit Ecclesiæ; nec immerito; in his enim rebus, de quibus nihil certi statuit Scriptura divina, mos populi Dei, vel instituta majorum pro lege tenenda sunt „ „.

REGULA XXXIII.

Ecclesiæ cujusque particularis consuetudo ab his servanda est, qui in ea morantur, vel ad eam veniunt.

Ita docet *S. August.* Epist. 54. supra laudata, ubi loquens de illo rerum genere, quarum observatio per loca, regionesve variatur, ait: „„ Faciat ergo quisque, quod in ea Ecclesia, in quam venit, invenerit. Non enim quidquam eorum contra fidem fit, aut contra mores, hinc vel inde meliores. His enim causis, id est, aut propter fidem aut propter mores, vel emendari oportet; quod perperam fiebat, vel institui, quod non fiebat „„.

Idem confirmatur ex Canone, *Catholica*, dist. 11. qui *S. Augustino* tribuitur: „„ Catholica Ecclesia per orbem terrarum diffusa tribus modis probatur existere. Quidquid enim in ea tenetur, aut auctoritas est Scripturarum, aut traditio universalis, aut certe propria, & particularis institutio. Sed auctoritate tota constringitur, universali traditione Majorum nihilominus tota; privatis vero Constitutionibus, & propriis informationibus unaquæque pro locorum varietate, prout cuique visum est, subsistit, & regitur „„.

Et Canone *Scit sancta*, dist. 12, *Leo IX.* & *Nicolaus I.* Pontifices maximi ajunt: „„ Scit sancta romana Ecclesia, quod nihil obsunt saluti credentium diversæ pro loco, & tempore consuetudines: si illis ca-

pro locis res, sed pro rebus loca amanda sunt. Ex singulis ergo quibulque Ecclesiis, quæ pia, quæ religiosa, quæ recta sunt, elige; & hæc quasi in fasciculum collecta apud Anglorum mentes in consuetudinem depone ,...

R E G U L A XXXIV.

Consuetudines fidei, aut bonis moribus minime contrariæ non facile mutandæ sunt, ubi radices egerunt.

Ut enim scite ait *S. Augustinus*, Epistola 54. *Ad Januarium*, cap. 5. „„ Ipsa mutatio consuetudinis, etiam quæ adjuvat utilitate, novitate perturbat. Quapropter quæ utilis non est, perturbatione infructuosa consequenter noxia est „„

R E G U L A XXXV.

Consuetudines ad vitæ melioris exhortationem conducentes probandæ atque sectandæ sunt, nisi amplius detrimentum inde metuatur.

Hanc regulam tradit *S. Augustinus*, Epistola 55. alias 109. *Ad Januarium*, cap. 18. „„ Memor sane (*inquit*) quid ita volueris, ut de iis, quæ varie per diversa loca observantur, tibi aliqua scriberem, cum & non sit necessarium, & una in his saluberrima regula retinenda sit, ut quæ non sunt contra fidem, neque contra bonos mores, & habent aliquid ad exhortationem vitæ melioris, ubicunque institui videmus, vel instituta cognoscimus, non solum non improbemus, sed etiam laudando, & imitando sectemur, si aliquorum infirmitas non ita impedit, ut amplius detrimentum sit. Si enim eo modo impediat, ut majora studiosorum lucra speranda sint, quam calumniatorum detrimenta metuenda, sine dubitatione faciendum est, maxime id, quod etiam de Scripturis defendi potest; sicut de Hymnis, & Psalmis canendis, cum & ipsius Domini, & Apostolorum habeamus documenta, & exempla, & præcepta „„

REGULA XXXVI.

Humanæ præsumptiones, seu consuetudines absque causa legitima introductæ, vel quarum causa ignoratur, & quæ inutiles, aut superflue sunt, resecari debent, ubi facultas tribuitur,

Hanc regulam tradit ibidem *S. Augustinus*, cap. 19. „,, Hoc (*inquit*) nimis doleo, quod multa, quæ in divinis libris saluberrime præcepta sunt, minus curantur, & tam multis præsumptionibus sic plena sunt omnia, ut gravius corripiatur, qui per Octavas suas terram nudo pede tetigerit, quam qui mentem vinolentia sepelierit. Omnia itaque talia, quæ neque sanctarum Scripturarum auctoritatibus continentur, nec in Conciliis Episcoporum statuta inveniuntur, nec consuetudine universæ Ecclesiæ roborata sunt, sed pro diversorum locorum diversis moribus innumerabiliter variantur, ita ut vix, aut omnino nunquam inveniri possint causæ, quas in eis instituendis homines secuti sunt; ubi facultas tribuitur, sine ulla dubitatione resecanda existimo. Quamvis enim neque hoc inveniri possit, quomodo contra fidem sint; ipsam tamen religionem, quam paucissimis, & manifestissimis celebrationum Sacramentis misericordia Dei liberam esse voluit, servilibus oneribus premunt, ut tolerabilior sit conditio Judæorum, qui etiamsi tempus libertatis non agnoverunt,

Aliquin dispendium ante prohibitionem ignorantibus incurrerent, quod æquitati repugnat. Hæc Regula nititur cap. *Cognoscetes*, Extr. *De Constitutionibus*, quod ex *S. Greg.* lib. 7. Epistola 35. sumptum est; & cap. *Quoniam Constitutio*, quod est *Gregorii IX.* sub eodem tit.

De Constitutionibus,
& rescriptis
pontificiis.

REGULA XXXVIII.

Omnia summorum Pontificum rescripta vim Constitutionis non habent; omnibus tamen parendum est, nisi essent evidenter contra jus, aut ratio humiliter exponenda, cur executioni mandari non possint.

Hanc regulam tradit *S. Antoninus*, P. 1. tit. 17. cap. unico, de *Lege canonica*, §. 17. „ „ Rescriptum (*inquit*) est secundum jus, præter jus, aut contra jus. Si est secundum jus, vim constitutionis habet. Talis est decretalis Epistola, & in causis definiendis auctoritatem habet. Si præter jus, similiter vim constitutionis habet, & arctat illos, ad quos dirigitur „ „ Nam etsi vix ferendum jugum a sancta romana Sede imponitur, pia tamen devotione tolerandum est, ut dicitur *Canone*, in memoriam. *Dist. 19. Aut is, cui mandatum dirigitur, rationabilem causam assignet, quare, quod mandatur, adimplere non possit, ut statuit Alexander III. cap. Si quando, Extr. De Rescriptis*, cujus hæc sunt verba: „ „ Si quando aliqua tuæ fraternitati dirigimus, quæ animum tuum exasperare videntur, turbari non debes. „ „ Qualitatem negotii, pro quo tibi scribitur, diligenter considerans, aut mandatum nostrum reverenter adimpleas, aut per literas tuas, quare adimplere non possis, rationabilem causam prætendas; quia patienter sustinebimus, si non feceris, quod prava nobis fuerit insinuatione suggestum „ „ Si vero scriptum sit „ „ contra jus, & forte contra dictum Dei, Apostolorum, Evangelistarum, aliquid prodeat, omnino respuitur (*inquit S. Antoninus*) ubi enim aperte Do-

minus, vel ejus Apostoli, & eos sequentes sancti Patres sententialiter aliquid definierunt, ibi non novam legem romanus Pontifex dare, sed potius, quod prædicatum est, usque ad animam, & sanguinem confirmare debet. Si enim, quod docuerunt Apostoli, & Prophetæ destruere (quod absit) niteretur, non sententiam dare, sed magis errare convinceretur. Sed hoc procul sit ab eis, qui semper Domini Ecclesiam contra luporum insidias optime custodierunt „ „ Verba sunt Canonis, *Sunt quidam*, causa 25. qu. 1. qui *Urbano* Papæ tribuitur. Idque confirmat *Zosimus* Canone, *Contra Statuta*, ibidem. „ „ Contra statuta Patrum (*inquit*) condere aliquid, vel mutare, ne hujus quidem Sedis potest auctoritas. Apud nos enim inconvulsis radicibus vivit antiquitas, cui Decreta Patrum sanxere reverentiam „ „ Si autem rescriptum sit contra jus positivum: „ „ Abjiciendum est (*inquit S. Antoninus*) nec enim ratione rescritti recedendum est a jure communi, nisi expresse in rescritto contineatur, non obstante constitutione, vel jure tali; alias non est verisimile, summum Pontificem una Epistola multa velle tollere jura „ „ Hinc Imp. *Theodosius*, & *Valentinianus* sanxerunt „ „ Rescripta contra jus elicta ab omnibus judicibus refutari, nisi forte aliquid est, quod non lædat alium, & prosit petenti, vel crimen supplicantibus indulgeat „ „ Quæ lex in corpus juris canonici transcripta

Ex Innocentius III, cap. Pastoralis, Extr. De fide in, frumentorum, statuit: „ Ut cum aliqua decretalis, de qua iudex merito dubitet, allegatur, si eadem juri communi sit consona, secundum eam non metuat judicare; cum non tam ipsius, quam juris communis auctoritate procedere videatur. Verum si juri communi sit dissona, secundum ipsam non judicet, sed Superiorem consulat super ea „ „.

Denique „ Si rescriptum sit contra consuetudinem, praevalet consuetudo (inquit S. Antoninus) „ nam praevalet juri, si sit rationabilis, & praescripta „ Hæc scire operæ pretium fuerit conscientiarum moderatores.

R E G U L A X X X I X .

Rescripto pontificio tuta conscientia uti non potest, qui per suggestionem falsi, aut suppressionem veri illud impetravit, sive sciens, sive ignorans, modo tamen ea ignorantia fuerit, qua non interveniente datum non fuisset.

Hanc Regulam tradit *Innocentius III, cap. Super literis, Extr. De Rescriptis, Æquum enim est, ut Mendax precator careat penitus impetratis. In Rescriptis igitur pontificiis intelligenda semper est hæc conditio, etiam si non apponatur: Si preces veritate nitantur; ut declarat Alexander III. cap. Ex parte, sub eodem tit. Idem confirmat Canon Dicenti, causa 25, qu. 11. ubi Pelagius Papa ait: „ Rescripta, quæ subreptione, vel falsis precibus forsitan impetrantur, nullum supplicantibus ferre remedium „.*

Rescriptum nullius roboris est, si non contineat seriem facti. (*Cap. Super eodem, Extr. De Cohabitatione Clericorum, & mulierum.*) 2. Si non exprimat causam facti (*Cap. Dilectus, Extr. De Rescriptis, & cap. Cum pro causa, Extr. De Sententia excommunicationis.*) 3. Si non fiat menti dispensationis, (*Cap. Ex tua, Extr. De filiis Presbyterorum.*) 4. Si non fiat mentio compositionis. (*Cap. Ex multiplicis, Extr. De Decimis.*)

cimis.) 5. Si non fiat mentio statuti (*Cap. Constitutus*,
ext. De Rescriptis.) 6. Si non fiat mentio privilegii
 (*Cap. Cum ordinem*, sub eodem tit.) 7. Si non fiat
 mentio sententiæ latæ, (*Cap. Inter Monasterium*, *Ext.*
De Sententia, & *re judicata.*) Quæ omnia tribus huius
 versibus juvandæ memoriæ cautâ exprimuntur.

Si Privilegium, si Dispensatio, Pactum,
Vel si Rescriptum, Sententia, sive Statutum,
Finis tollitur, nisi mentio facta probetur.

REGULA XL

Graviter peccat Superior, qui dispensationem conce-
 dit, seu licentiam, ut præceptum legis non ser-
 vetur, absque iusta causa.

De dispen-
 sationibus.

Hanc Regulam tradit *S. Bernard.* lib. 3. *De conside-*
ratione, cap. 4. „ „ Ubi (*inquit*) necessitas ur-
 get, excusabilis dispensatio est. Ubi utilitas provocat,
 dispensatio laudabilis est. Utilitas, dico, communis,
 non propria. Nam cum nihil horum est, non plane
 fidelis dispensatio, sed crudelis dissipatio est „ „

Et libro *De Præcepto, & Dispensatione*, cap. 2.
 „ „ Stabile dixerim, quod ita est necessarium, ut non
 cuilibet hominum illud mutare fas sit, nisi solis dispen-
 satoribus mysteriorum Dei, id est, præpositis, ver-
 bi gratia, Regula sanctorum Basilii, Augustini, Bene-
 dicti, necnon, & authentici Canones, & si quæ sint

nino, ne ab ipsis quidem Prælatiſ fine offeſſa poſſunt: aut ſi e contrario contraria forte aliquando charitati viſa fuerint, hiſ duntaxat, quibꝯ hoc poſſe videre datum eſt, & providere creditum eſt; nonne juſtiſſimum eſſe liquet, ut quæ pro charitate inventa fuerunt, pro charitate quoque, ubi expedire videbitur, vel omittantur, vel intermittantur, vel in aliud forte commodius demutentur? Sicut e regione iniquum proculdubio foret, ſi ſtatuta pro ſola charitate, contra charitatem tenerentur. Tenent ergo fixam, firmamque immobilitatem etiam apud Prælatos, quæ ex ſtabili neceſſaria ſunt, ſed quatenus charitati deſerviunt. Nunquid autem hoc ego vel ſolus ſentio, vel primus dico? Annon hoc ipſum & Papa Gelafius ſenſit? Ait liquidem; *Ubi neceſſitas non eſt, inconverſibilia maneat ſanctorum Patrum Decreta.* Leo quoque Papa; *Ubi (inquit) neceſſitas non eſt, nullo modo ſanctorum Patrum conſtituta violentur.* Et intert; *Ubi ergo neceſſitas fuerit ad utilitatem Eccleſiæ, qui poteſtatem habet, ea diſpenſet. Ex neceſſitate enim fit mutatio legis „ „ „*

Eandem regulam confirmat S. Thomas, 1. 2. qu. 97. art. 4. „ „ Si (inquit) Superior abſque ratione, pro ſola voluntate licentiam tribuat, non erit fidelis in diſpenſatione, aut erit imprudens; infidelis quidem, ſi non habet intentionem ad bonum commune; imprudens autem, ſi rationem diſpenſandi ignoret; propter quod Dominus dicit: *Quis putas eſt Luc. 12. fidelis diſpenſator, & prudens, quem conſtituit Dominus ſuper familiam ſuam „ „ ?*

Et in reſponſione ad primum: „ „ Quando cum aliquo diſpenſatur, ut legem communem non ſervet, non debet fieri in præjudicium boni communis, ſed ea intentione, ut ad bonum commune proſiciat „ „

R E G U L A X L I.

Regulares obſervantias Superiorum fidei, non voluntati commiſſæ ſunt; unde nec in iis poſſunt diſpenſare, niſi cum neceſſitas, vel charitas exegerit. Hanc

Hanc Regulam rursus tradit *S. Bernardus*, lib. *De Præcepto, & Dispensatione*, cap. 4. „ Quidquid (*inquit*) de spiritualibus in regula traditum est, in manu Abbatis nequaquam relinquitur. Deinde reliqua pars, quæ in corporalibus constat observantiis, ne ipsa quidem in ejus ita voluntate posita est, ut ejusdem deserviat voluntati, sed magis charitati. Neque enim Abbas supra regulam est, cui semel & ipse spontanea se professione submitit, etsi (quod negandum non est) Dei regula charitas regulæ sancti Benedicti jure præponitur. Esto proinde, ut interdum regulæ litera cedat pro tempore charitati, cum ratio necessitatis, vel charitatis exegerit; absit tamen, ut hominis cuiuspiam subdatur voluntati. Super fratrum sane transgressionem, non super Patrum traditiones constituitur, qui Abbas eligitur. mandatorum cultor, & ultor vitiorum. Arbitror namque sanctas illas observantias, Prælatorum prudentiæ, & fidei creditas, non subditas voluntati. Hinc est, quod idem legislator in his, quæ Abbati dispensanda reliquit; caute nusquam (ut memini) voluntatem, sed aut considerationem, aut dispositionem, aut providentiam, aut certe arbitrium, seu aliquid hujusmodi ponit; volens nimirum providum, fidumque dispensatorem, rationis, ubi forte dispensat, sequi judicium, non suæ placitum voluntatis. Unde & intimat ei non semel, quod de omnibus judiciis suis

tur. (Cap. *Recolentes*, Extra. *De Statu Monachorum*.) Si tamen ipsa res, Ecclesia, vel locus privilegio donatus non Superioris auctoritate, sed hostili incurfione destruat, privilegium retinet (Canone *Qua semel*, causa 19. qu. 3.)

Personale privilegium est illud, quod alicui, vel aliquibus, certis, & propriis nominibus expressis, personaliter conceditur. Tale privilegium personam sequitur, & extinguitur cum persona; licque temporale est, & non perpetuum, secundum Regulam juris septimam, in *Sexto*, & cap. *Mandata*, Extra. *De Prasumptionibus*.

Privilegium corporale est illud, quod alicui universitati, societati, ordini, capitulo, vel collegio ita conceditur, ut quodlibet illius membrum eo privilegio juret, vel etiam universitas ipsa, societas, ordo, capitulum, vel collegium. Tale privilegium non perit durante collegio, nisi revocetur ab eo, qui concessit, vel ab ejus Successore, aut alio modo deficiat ex iis, qui notantur in jure.

REGULA XLIII.

Privilegium multis modis irritum, aut caducum est.

Decem modos enumerat *S. Anton. l. P. tit. 19. cap. 1.* quibus fit irritum, & inane privilegium.

1. Si per subreptionem concessum fuerit. Nam quoad sic impetrantem favore caret. (Cap. *Literis*, Ext. *De Rescriptis*, & cap. *Cum olim*. Ext. *De Sententia*, & *re judicata*.)
2. Si sit contrarium constitutioni, & nihilominus ejus non meminerit. (Cap. *Cum nos*, Ext. *De his qua fiunt a Pralatis sine consensu Capituli*.)
3. Si tollat consuetudinem, & nullam tamen ejus mentionem faciat. (Cap. *Licet*, tit. *De Constitutionibus*, in *sexto*.) Item si sit contra sententiam latam, nec ejus mentionem ullam habeat. (Cap. *Inser dilectos*, Ext. *De fide Instrumentorum*.) Item si lite pendente sit impetratum, nisi mentio de hoc fiat. (Cap. *Causam*, Ext. *De Testibus*.)
4. Cessante causa pri-

vile-

vilegii, deficit privilegium. (Cap. *Cum cessante*,
Ext. De Appellationibus.) 5. Excedit privilegio, qui
 agit contra privilegii tenorem, (Cap. *Porro*, & cap.
Concessionibus, *Ext. De privilegiis*, & cap. *Cum accessis-*
sens, *Ext. De constitutionibus.*) 6. Cessat privilegium,
 cum alicui nocere incipit, & illi præcipue, cujus in
 gratiam concessum est. Quod enim ob gratiam alien-
 gus conceditur, non est in ejus dispendium retorquen-
 dum (ut habet Regula juris 61. in *Sexto.*) 7. Privile-
 gium prius tollitur per secundum contrarium, quod
 expressam illius mentionem facit, (Cap. *Veniens*,
Ext. De Prescriptionibus.) 8. Tollitur per conceden-
 tis revocationem, quam tamen fieri non decet sine
 causa. Ex causa vero potest, & debet revocari, puta
 si eo privilegio jus aliorum graviter lædatur (inquit
J. Anson.) Item si quis non servat privilegia subditis
 suis a suo Superiori concessa, merito & ipse privilegio
 suo privatur (Cap. *Dilecti*, *Ext. De privilegiis*, quod
Alexandri III. responsum est.) 9. Tollitur privilegium
 per ejus, cui concessum est, renuntiationem (Cap. *Nu-*
per, *Ext. De Decimis.*) 10. Amittitur privilegium per
 non usum, vel usum contrarium, seu abusum. Nam
 Privilegium omnino meretur amittere, qui permissi sibi
 abutitur potestate, ut dicitur Canone *Privilegium*, cau-
 sa 11. quæst. 3. & cap. *Tuarum*, *Ext. De privilegiis*,
 & cap. *Si de terra*, sub eodem titulo, & cap. *Ut pri-*
vilegia.

REGULA XLV.

Si privilegii tenor per se non sufficit ad plenam immunitatis probationem, sed tamen causam præbet præscribendi, quadraginta annorum præscriptionem probare tenentur.

Hæc utraque Regula nititur capitulo *Cum persona*, Titulo *De Privilegiis*, in sexto. „„ Si vero privilegium per se sufficiens, quando solo privilegio se defendunt, vel saltem tale, quod præscriptioni canonice causam præstet, cum præscriptionem allegant. non exhibuerint; cum de jure communi Ordinariorum intentio sit fundata, sua jurisdictione uti possint libere in eisdem; donec de præscriptione canonice fecerint plenam fidem „„

REGULA XLVI.

Privilegium, & quodcunque aliud instrumentum, cujus literæ legi non possunt, maxime in nota temporis, quo datum est; vel cujus charta vetusta est, scriptura vero alicubi saltem recentior; vel cujus sigillum non est authenticum, fidem non facit.

Hæc Regula nititur cap. *Inter dilectos*, quod est *Innocentii III. Ext. De fide instrumentorum*. Alia falsitatis indicia in literis Apostolicis prodit cap. *Licet*, *Ext. De crimine falsi*, & cap. *Quam gravi*, sub eodem tit. falsa latinitas privilegium, & quodvis aliud summi Pontificis rescriptum vitiat, ex *Lucio III. cap. Ad audiendam*, *Ext. De Rescriptis*. Si tamen in narratione facti, vel in nominibus possessionum abrasum sit privilegium, vel quodlibet aliud instrumentum; aut rescriptum in suspicionem falsi propterea venire non debent, ut respondet *Alexander III. cap. Ex literis*, *Ext. De fide instrumentorum*. Paucarum literarum rasuram in loco non suspecto minime sufficere ad privilegium redarguendum falsitatis, respondet *Innocentius III. cap. Ex conscientia*, *Ext. De crimine falsi*. Multo minus rescriptum vitiat unius literæ defectus, ut respondet *Honorius III. cap. Ex parte*, *Ext. De fide instrumentorum*.

REGULA XLVII.

Privilegia sunt stricti juris ; unde illorum tenor ita servandus est, ut eorum metas non transgrediantur illi, quibus concessa sunt.

Hæc Regula nititur cap. *Porro*, Ext. *De Privilegiis*, quod responsum est *Alexandri III.* *Ambianensi* Episcopo datum.

REGULA XLVIII.

Privilegia uni, vel certis quibusdam personis concessa, ad alios non extendantur propter paritatem rationis.

Hæc Regula nititur cap. *Sane*, quod est *Alexandri III.* tit. „ „ *Temerarium est (inquit) & indignum aliquem sibi sua auctoritate præsumere, quod romana Ecclesia alicui, certa ratione inspecta, singularibus voluit beneficiis indulgere „ „* Hinc Regula juris 28. in sexto: „ „ *Quæ a jure communi exoritant, nequaquam ad consequentiam sunt trahenda : Et Regula 74. Quod alicui gratiose conceditur, trahi non debet ab aliis in exemplum „ „*

REGULA XLIX.

Innovatio privilegii novum jus non tribuit, sed antiquum conservat.

REGULA LI.

Exemptus ratione unius rei ; vel loci ; non censetur universim exemptus ; verbi gratia ; si quis exemptus sit ab Episcopi jurisdictione ratione Castellæ , vel monasterii ; non censetur exemptus ratione parochialis Ecclesiæ.

Id constat ex cap: *Cum Capella* ; Extra: *De Privilegiis*.

REGULA LII.

Privilegium a Sede apostolica concessum ; episcopali juri non derogat , nisi in ipsis privilegii literis exprimatür.

Quare cum vitis religionis indultum esset ; ut Ecclesias ad monasterium suum pertinentes , rectoribus illarum e vita migrantibus in proprios usus convertere possent ; ac dubitatum esset ; utrum auctoritate propria illarum possessionem adire ; an a diocesano Episcopo illas recipere deberent. Respondit *Innocentius III.* cap: *Pastoralis* ; Extra: *De Privilegiis* ; quod „ Nisi forte in indulgentia summi Pontificis contineatur expressum , suo Episcopo incommisito , in possessionem ipsarum eis non est licitum introire ; quia per indulgentiam hujusmodi episcopali juri non derogatur „

REGULA LIII.

Privilegium a Sede apostolica concessum quibuscunque singularibus personis , ecclesiasticis ; vel secularibus , cujuscunque sint dignitatis ; ut excommunicari ; vel interdicti non possint ; ad Ordinariorum sententias non extenditur ; nisi tale privilegium concessum sit Regibus ; Reginis ; vel ipsorum filiis , vel religiosis Ordinibus ; aut locis.

Ita declarat *Clement IV.* cap: *Ne aliqui* ; tit: *De Privilegiis* ; in sexto.

CAPUT 11.

De Præceptis Decalogi generatim spectatis.

Decalogue, græca nominis origine, decem sermones significat. Hoc autem vocabulum Christianorum usu notat decem præcepta a Deo tradita, tabulisque lapideis duabus inculpta, quæ Exodi 34. Deut 4. & 10. *Verba fæderis decem* appellantur, vulgata phrasi, qua verbum pro sermone integro, sive sententia, aut propositione utripatur, ut Luc. 1. *Fiat mihi secundum verbum tuum*: Et Matth. 15. *Scis, quia Pharisei audito hoc verbo scandalizati sunt.*

ARTICULUS PRIMUS.

Omnia legis naturæ præcepta Decalogo continentur.

Cum Decalogus ad hoc datus a Deo sit, ut lex naturæ propemodum deleta in animis hominum reformaretur, & quodammodo resculperetur, necesse fuit eo velut brevi compendio comprehendere, quidquid alibi ad legem naturæ pertinens præceptum, aut præcipiendum esset. Unde S. August. qu. 140. in *Exodum* ait: „Cum tam multa locutus sit Deus, duæ tantum tabulæ dantur Moyfi lapideæ, quæ dicuntur tabulæ testimonii futuræ in arca. Nimirum omnia cætera, quæ præcepit Deus, ex illis decem præceptis, quæ duabus tabulis conscripta sunt, pen-

scilicet, quæ sunt prima, & communia, quorum non oportet aliquam editionem esse, nisi, quod sunt scripta in ratione naturali, quasi per se nota; sicut quod homo nulli debet malefacere, & alia hujusmodi. Et iterum illa, quæ per diligentem inquisitionem sapientum inveniuntur rationi convenire; hæc enim proveniunt a Deo ad populum mediante disciplina sapientum. Utraque tamen continentur in præceptis Decalogi, sed diversimode. Nam illa, quæ sunt prima, & communia, continentur in eis sicut principia in conclusionibus proximis; illa vero, quæ per sapientes cognoscuntur, continentur in eis sicut conclusiones in principiis „„.

ARTICULUS II.

Lege Decalogi Christiani tenentur.

Decalogue enim est explicatio legis naturæ: omnes autem homines lege naturæ tenentur. Præterea legem Decalogi Christus in Evangelio confirmavit, & ad vitam æternam consequendam necessariam esse docuit Matth. 19. *Si vis ad vitam ingredi, serva mandata. Dicit illi: Quæ? Jesus autem dixit: Non homicidium facies: Non adulterabis: Non facies furtum: Non falsum testimonium dices: Honora patrem tuum, & matrem tuam: Et, diliges proximum tuum sicut teipsum.* Et Matth. 5. *Nolite putare, quoniam veni solvere legem, aut Prophetas; non veni solvere, sed adimplere.* Adimplet autem non tantum subministrando spiritum gratiæ, per quam lex a nobis impleatur; sed & supplendo quædam, quæ in lege veteri minus expressa erant, qualis est odii, ac iræ compressio, convitiiorumque, præcepto, *Non occides*, contenta, sed non explicata; & dilectio inimicorum, hoc involuta præcepto: *Diliges proximum tuum sicut teipsum*; & fuga juramenti, comprehensa hoc præcepto: *Non pejerabis*, sive *Non assumes nomen Dei tui in vanum*. Id confirmat Apostolus 1. ad Corinth. 7. *Circumcisio (inquit) nihil est, sed observatio manda-*

torum Dei. Quod vero eandem sententiam repetit ad Gal. 6. & *Novam creaturam in Christo Jesu* tantum valere dicit, intelligimus plane eum novam creaturam in Christo dicere, qui mandata Dei observat. Is enim, qui habet mandata Dei, ac servat, diligit Deum, Domino ipso teste apud Joannem cap. 14. *Si quis diligit me, sermonem meum servabit.* Nam etsi justificari potest homo & ex impio fieri pius, antequam singula legis præcepta externis actionibus impleat; tamen fieri non potest, ut quis per ætatem ratione utatur, & ex impio fiat justus, nisi animum habeat paratum ad omnia præcepta Dei servanda. Hinc S. *Augustinus*, qu. 172. in Exodum, ait: Præcepta Decalogi, excepto Sabbatho, *etiam in novo Testamento observanda non dubitamus.* Sabbathum excipit, quia ceremoniale præceptum fuit; quod tamen nos etiamnum obligat, quatenus morale est, & ab Ecclesia servatur, commutatum in diem Dominicum.

Idem Fidei dogma confirmat sacra Synodus Tridentina contra novissimi temporis hæreses, sess. 6. Can. 19. „„ Si quis dixerit, nihil præceptum esse in Evangelio præter fidem, cætera esse indifferentia, neque præcepta, neque prohibita, sed libera; aut decem præcepta nihil pertinere ad Christianos; anathema sit „„

Et Can. 20. „„ Si quis hominem justificatum, & quantumlibet perfectum, dixerit non teneri ad observantiam mandatorum Dei, & Ecclesiæ, sed tantum

ARTICULUS III.

Legis Decalogi observantiam suadet auctoritas, & beneficentia Dei, Christique jubentis.

Ad persuadendum Christianis Decalogi observantiam magnum habet momentum illa cogitatio, Deum esse, qui legem illam tulit, de cujus sapientia, & æquitate dubitare non possumus, nec ejus infinitam vim, atque potentiam effugere. Unde in ipso Decalogi exordio ait: *Ego sum Dominus Deus tuus.* Ex quibus intelligere debemus, nos legislatorem habere Creatorem, a quo conditi sumus & conservamur; proindeque nos illud usurpare, Psal. 94. *Ipse est Dominus Deus noster, & nos populus pascua ejus, & oves manus ejus.* Nec solum Deum Creatorem, sed & Redemptorem nostrum eundem habemus legislatorem, Christum de quo Moyses Deut. 18 prædixit: *Prophetam de fratribus tuis, sicut me, suscitabit tibi Dominus; ipsum audies; qui autem verba ejus audire nolueris, ego ultor existam,* ait Dominus: Cui Pater æternus obtemperari jubet, dicens: *Hic est Filius meus, ipsum audite;* Qui mandata a se tradita prædicari jubet gentibus omnibus, ab illisque servari, Matth. cap. ultimo; *Docentis eos servare omnia, quacunque mandavi vobis.* Sed & Apostolus ea, quæ Christus agenda tradidit: *Legem Christi,* appellat 1. Corinthios 9. & ad Galatas 6. & *Domini mandata,* 1. ad Corinthios 6. Hinc passim in Scriptura sacra Christus non tantum vocatur *Doctor, Medicus, & Redemptor;* sed etiam *Rex, Princeps, Dominus, Magister, Praceptor, & Pater noster;* quibus nominibus obedientiam absolutissimam illi necessario debemus. Hinc sacra Synodus Tridentina sess. 6. Canone 21. „ Si quis dixerit, Christum Jesum a Deo hominibus datum fuisse, ut Redemptorem, cui fidant, non etiam ut legislatorem, cui obediant, anathema sit „

His porro verbis: *Ego sum Dominus Deus tuus,* quæ Deus Decalogo præmittit, cum majestatem, tum bonitatem suam proponit; quæ in legislatore con-

De supremi
Legislatoris
majestas, &
auctoritas.

juncta esse oportet ; ut majestas legibus auctorita-
 tem , bonitas amorem observandæ legis apud subdi-
 tos conciliet. Dominum ergo , & Deum se nuncu-
 pat , ut priori nomine majestatem , altero bonitatem
 suam hominibus significet. *Ego* (inquit) *& non alius* :
 hoc est : Non sum Dominus , ut cæteri , qui vul-
 gari more domini dicuntur , sed vere sum Domi-
 nus : *Ex quo omnia , per quem omnia , in quo omnia*.
 Cujus est orbis terræ , & plenitudo ejus : quem om-
 nia observant , timent , venerantur : omniscius , &
 omnipotens , faciens omnia secundum beneplacitum
 voluntatis meæ. Ego solus Rex Regum , & Domi-
 nus dominantium , in cujus manu sunt mors , & vi-
 ta , salus , & interitus. Dominus , relativum nomen
 est ; dicitur enim Dominus servi Dominus. Domi-
 no ergo dominorum summa servitus debetur ; eoque
 spectat . quod Christus ait , Matth. 6. *Nemo potest*
duobus dominis servire. Non potestis Deo servire , &
Mammonæ. Hinc sequitur , Deo magis obediendum
 esse quam hominibus , cum diversa a Dei instituto
 præcipiunt ; siquidem non habent homines pote-
 statem , qua domini dicantur , nisi desuper concef-
 sam , quasi in Domini dominorum contumeliam
 abutantur , audiendi non sunt , sed fortiter contem-
 nendi , quemadmodum Christus docet , Matth. 10.
Nolite timere eos , qui occidunt corpus , animam autem
non possunt occidere , sed potius timete eum , qui potest
& animam , & corpus perdere in gehennam. Igitur

dendo, *Deus tuus*: Deus (inquam) totius consolationis, benevolus, mitis, liberalis, misericors, beneficus, cujus bonitas in omnium creaturarum creatione, & conservatione elucet, cujus deliciae esse cum filiis hominum, qui vult omnes homines salvos fieri, & ad agnitionem veritatis venire. Hinc sancti homines in divinae bonitatis contemplatione defixi, ipsum appellarunt *Fortitudinem nostram, Scutum nostrum, refugium nostrum, propugnatorem, salutem suam, exultationem suam, Deum cordis sui, Deum nostrum, adjutorem suum, Gloriam & laudem suam*; quod sic apud se de Deo sentirent; imo, quod experti essent, Deum illis haec omnia esse.

Addit ad beneficentiae suae commendationem: *Qui eduxi te de terra Aegypti, & de domo servitutis.* Quod beneficium, etsi Judaeis tantum videtur convenire ab Aegyptiorum dominatione liberatis; tamen si salutis nostrae interiorem rationem spectemus, quam Deus misso propter nos filio suo per illum operatus est, multo magis ad christianos homines pertinet; qui non ex Aegyptiaca servitute, sed e peccati, & umbrae mortis regione, ac potestate tenebrarum a Deo erepti, atque in regnum filii dilectionis ejus translati sunt. Cujus beneficii magnitudinem considerans *Jeremias*, praedixit illud cap. 16. *Ecce dies veniunt, dicit Dominus, & non dicetur ultra: Vivit Dominus, qui eduxit filios Israel de terra Aegypti, sed vivit Dominus, qui eduxit filios Israel de terra aquilonis, & de universis terris, ad quas ejeci eos: & reducam eos in terram suam, quam dedi Patribus eorum. Ecce ego mittam pisces multos, & piscabuntur eos.* Pater enim indulgentissimus per filium suum, *filios, qui erant dispersi, congregavit in unum*, ut jam liberati a peccato, servi autem facti Deo, *serviamus illi in sanctitate, & justitia omnibus diebus nostris*; habeamusque fructum nostrum in sanctificationem, *finem vero vitam aeternam.*

Quare (inquit Concilii Tridentini Catechismus) Fideles omnibus temptationibus tanquam clypeum ap-

Clypeus
omnibus
temptationibus

bus appo-
pendus.
Rom. 6. &
14.

Rom. 6.

2. Cor. 5.

Rom. 14.

Psalm. 118.

ponent illud Apostoli: *Qui mortui sumus peccato, quomodo adhuc vivemus in illo?* Jam non sumus por-
stri, sed ejus qui pro nobis *Mortuus est, & resur-*
rexist, & ut mortuorum & vivorum dominetur. Ipse
est Dominus Deus noster, qui nos sanguine suo sibi
acquisivit; quomodo peccare poterimus in Domi-
pum Deum nostrum, ipsumque iterum cruci affi-
gere? Ut igitur vere liberi, & ea quidem libertate,
qua nos Christus liberavit: *Sicut exhibuimus membra*
nostra servire immunditia, & iniquitati ad iniquita-
tem; ita nunc exhibeamus membra nostra servire ju-
sticie in sanctificationem. Qui vivunt, jam non sibi
vivunt, sed ei, qui pro ipsis mortuus est, & resurre-
xit. *Nemo enim nostrum sibi vivit, & nemo sibi mo-*
ritur. Sive enim vivimus, Domino vivimus; sive mo-
rimur, Domino morimur. Sive ergo vivimus, sive mo-
rimur, Domini sumus. Cum Propheta clamamus ad
Dominum: *Manus tua fecerunt me, & plasnaverunt*
me; Da mihi intellectum, ut discam mandata tua; nam
mandata Dei multi discunt, & non discunt: „ No-
verunt enim ea quadam noticia, & rursus quadam
ignorantia, quoniam non faciunt, non noverunt,
Ea modo ergo dixit, ut discam mandata: Ea scilicet
noticia, qua fiunt. Hoc autem non fit nisi per dile-
ctionem, ubi qui facit, habet delectationem. Non
autem parvi est intellectus, nosse, a quo poscendus
sit intellectus. Et cogitandum est, quanto sint al-

mandata, alia promissa, Mandata facienda præcipimur, ut promissa implere mereamur. Promissis ergo credimus, mandatis obtemperamus. Quid est ergo, *Mandatis tuis credidi*, nili, credidi, quod tu illa mandaveris, non aliquis homo, quamvis per homines hominibus ministrata sint? „ Quia itaque credidi tua esse mandata, ipsa fides mea, qua id credidi, impetret abs te gratiam, qua faciam, quod mandasti. Si enim homo mihi hoc juberet forinsecus, nunquid ut etiam facerem, quod jubeat, adjuvaret intrinsecus? Doce ergo me suavitatem, inspirando charitatem; doce me disciplinam, donando patientiam; doce me scientiam, illuminando intelligentiam: *Quoniam mandatis tuis credidi*. Te illa credidi mandasse, qui Deus es, & homini donas, unde facias cum facere, quod mandas „

ARTICULUS IV.

Observantiam Decalogi suadet facilitas adimplendi mandata Dei,

Mandata Dei esse impossibilia, nemo nisi hæreticus dixerit; nulla blasphemia cum verbo Dei tam aperte pugnat. *Mandatum hoc*, quod ego præcipio tibi hodie (inquit Deus Deut. 30.) non supra te est, neque procul positum, nec in cælu situm, ut possis dicere: *Quis nostrum valet ad cælum ascendere, ut deferat illud ad nos, & audiamus, atque opere compleamur?* Neque trans mare positum, ut causeris, & dicas: *Quis ex nobis poterit transfretare mare, & illud ad nos usque deferre, ut possimas audire, & facere, quod præceptum est?* Sed juxta te est sermo valde in ore tuo, & in corde tuo, ut facias illum, Ait Christus, Matth. 11. 28. *Venite ad me omnes, qui laboratis, & onerati estis, & ego reficiam vos. Tollite jugum meum super vos, & discite a me, quia mitis sum, & humilis corde; & invenietis requiem animabus vestris. Jugum enim meum suave est, & onus meum leve.* Hanc doctrinam S. Joann. confirmat Epist. 1. cap. 5.

168 Theol. Dog. & Moral. Lib. IV.

Hæc est enim charitas Dei (inquit) ut mandata ejus custodiamus; & mandata ejus gravia non sunt.

Verum (inquies) si tam levia sunt Christi præcepta, cur Christus ipse dixit Matth. 7. 14. *Quam angusta porta, & arcta via est, qua ducit ad vitam, & pauci sunt, qui inveniunt eam!* Cur vias Domini, *Vias duras* appellat David Psalmo 16.

Respondetur cum SS. Patribus, laboriosam, ac difficilem Dei viam, duraque videri mandata, non ex ipsorum natura, sed hominum cupiditatibus suis indulgentium ignavia. Quid enim melle dulcius?

Psal. 18.

Ægroto tamen amarum sæpius videtur. Sic mandata Dei Dulciora super mel, & favum; sed hominibus, qui terrenarum cupiditatum desideriis guttum interiorem infectum habent, & peccatorum morbis laborant, amara sunt. Hinc S. Joann. Chrys. in Psal. 111. hæc Prophetæ verba expendens: *In mandatis*

Amor in legistatorem
facilem &
gratam facit
legem.
Rom. 6.

ejus volat nimis, ait: „„ Amor in legislatorem, facilem, & gratam facit legem, etsi videatur aliquam habere difficultatem. Nemo autem, quod dico, reprehendat, si tali exemplo usus sum. Nam Paulus quoque eo usus est, sic dicens: *Sicut exhibuistis membra vestra servire immunditie, ita exhibete justitie.* Qui meretricis itaque amore captus est, etiamsi afficiatur probro, & contumelia, etiamsi verberetur, etiamsi se turpiter, & indecore gerat, etiamsi expellatur e patria, etiamsi bonis paternis evertatur, et-

Et *S. Augustinus* hanc Salvatoris nostri sententiam exponens Sermone 70. alias 9. *De Verbis Domini*, cap. 2. Charitate levia fieri Christi mandata ostendit. „ Secari (inquit) & uri se homines patiuntur, ut „ dolores non æterni, sed aliquanto diuturnioris ulceris, acriorum dolorum pretio redimantur. In „ languida, & incerta vacationis brevissimæ, atque „ ultima vita, immanissimis bellis miles atteritur; „ pluribus fortasse annis in laboribus inquietus, quam „ in otio quieturus. Quibus tempestatibus, & procellis, quam horribili, & tremenda sævitia cœli, „ & maris importuni sunt mercatores, ut divitias „ ventosas acquirant, majoribus, quam quibus acquisitæ sunt, periculis. & tempestatibus plenas? „ Quot æstus, quæ frigora, quæ pericula ab equis, „ a fossis, a præcipitiis, a fluminibus, a feris perferunt venatores, quem laborem esuriendi, & sitiendo, quantas vilissimis, & sordidissimis cibi, & potus angustias, ut bestiam capiant? & interdum, „ nec ipsius bestię carnes, propter quam hæc tanta sustinent, sunt epulis necessariæ. Quamquam „ etsi aper, cervusque capiatur, magis suave sit venantis animo, quia captus est, quam comedentis palato, quia coactus est. Quantis etiam cruciatibus „ prope quotidianarum plagarum tenera puerorum ætas subditur? Quantis etiam in scholis vigiliarum, „ & abstinentię molestiis exercentur, non propter discendam sapientiam, sed propter opus, honoresque vanitatis, ut numeros, & literas, & disertas „ fallacias eloqui discant? sed in his omnibus, qui „ hæc non amant, eadem gravia patiuntur; qui vero „ amant, eadem quidem, sed non gravia pati videntur. „ Omnia enim sæva, & immania, prorsus facilia, & prope nulla efficit amor. Quanto ergo certius, ac facilius ad veram beatitudinem charitas facit, quod ad miseriam, quantum potuit, cupiditas fecit? Quam facile toleratur quælibet adversitas temporalis, ut æternæ poenæ vitentur, & æterna requies comparetur? Non immerito ille vas electionis,

Rom. 8 18. nis, cum ingenti lætitia dixit: *Non sunt condignæ passiones hujus temporis, ad superventuram gloriam, quæ*

Lex Dei fa- *revelabitur in nobis.* Ecce, unde illud jugum suave est, & sarcina levis. Et si angusta est paucis eligentibus, facilis tamen omnibus diligentibus. Dicit Psalmista;

Psal. 16. 4. *Propter verba labiorum tuorum ego custodiavi vias duras.* Sed quæ dura sunt laborantibus, eisdem ipsis mitescunt amantibus. Et infra; Nihil (*inquit*) tam facile est bonæ voluntati, quam ipsa sibi; & hæc sufficit Deo „ „

Via salutis angusta laboranti, lata amanti. Hinc Propheta ait: Psal. 30. vers. 9. *Statuisti in loco spatiofo pedes meos.* Quæ verba S. Augustinus, Enarratione 2. in hunc Psalmum ita commentatur; „ „ Certe angusta via est; laboranti angusta est, amanti lata est. Eadem quæ angusta est, lata fit. *In spatiofo*, dicit, *posuisti pedes meos.* Plane fecisti mihi facilem justitiam, quæ mihi erat aliquando difficilis „ „

Sarcina Christi subleuat. Et in Psal. 59. „ „ Humeros pios quærebat (*inquit*) cum diceret: *Jugum enim meum leve est, & sarcina mea levis est.* Alia sarcina premit, & aggravat te. Christi autem sarcina subleuat te; alia sarcina pondus habet, Christi sarcina pennas habet. Nam & avi si pennas detrahas, quasi onus tollis; & quo magis onus abstulisti, eo magis in terra remanebit; quam exonerare voluisti, jacet; non volat, quia tulisti onus; redeat onus, & volat. Talis est Christi sarcina; portent illam homines, non sint

velle satis est. Unde divinitus dictum est: *Pax in terra* Luc. 14. *hominibus bonæ voluntatis. Ubi pax, ibi requies, ibi finis appetendi, & nulla causa laborandi. Sed hæc voluntas, ut plena sit, oportet, ut sana sit. Erit autem sana, si medicum non refugiat, cujus solius gratia sanari potest a morbo desideriorum noxiorum. Ipse est ergo medicus, qui clamat: Venite ad me omnes, qui laboratis, jugum suum lene, & onus leve dicens; quia diffusa per Spiritum sanctum charitas in cordibus nostris, profecto amabitur, quod jubetur, & non erit asperum, nec onerosum, si sub hoc uno jugo, quanto minus tumida, tanto magis libera cervice servietur. Et hæc est una sarcina, quæ ejus bajulus non premitur, sed levatur „ „*

Libro denique *De Perfectione justitiæ hominis*, cap. 10. Mandatorum Dei facilitatem charitati, & gratiæ tribuendam esse probat; cum illa solis liberi arbitrii viribus homo adimplere non possit. „ „ Quis nesciat (*inquit*) cum præceptum sit generale charitas (quia finis præcepti est charitas, & plenitudo legis est charitas) non esse grave, quod diligendo fit, non timendo? Laborant autem in Dei præceptis, qui ea timendo conantur implere; sed perfecta charitas foras mittit timorem, & facit præcepti sarcinam, non solum non prementem onere ponderum, verum etiam sublevantem vice pennarum „ „

Non est grave, quod diligendo fit, non timendo.

ARTICULUS V.

Observantiam Decalogi suadent fructus, qui ex illa derivantur, & merces a Deo promissa,

Fructus uberes, ac suaves ex observantia mandatorum Dei percipiuntur. Primo namque anima Dei voluntatem cognoscendo, eique obsequendo, ad Deum convertitur, ut ait Propheta Psal. 18. *Lex Domini immaculata, convertens animas.* Deinde, veram sapientiam consequimur per observantiam divinæ legis. Soli enim timentes Deum vere sapientes sunt. *Testimonium Domini fidele, sapientiam Psal. 18. 8.*
pra-

Rom. 13. *nia, secundum illud Apostoli: Plenitudo legis est dilectio: Et: Qui diligit proximum, legem implevit. Secundo, quia omnia quodammodo in his duobus præceptis continentur, ex illis eliciuntur, vel ad eorum observationem referuntur. In priori scilicet mandato comprehenduntur, quæcunque erga Deum; in posteriori vero quæcunque erga proximum, & consequenter erga nos ipsos recte nos ordinant, atque instituunt. Nec solum in illis duobus mandatis conjunctim, sed & seorsim sumptis totam legem, ac Prophetas pendere, sacre Literæ docent; quia alterutrius præcepti observatio atque alterius observatione, live propensione, & præparatione animi ad alterum observandum esse non potest. Nemo enim Deum, ut oportet, diligit, nisi mandatis ejus obtemperet, quorum unum est, ut proximus diligatur. Nemo etiam proximum, licet diligendus est; diligit, id est, propter Deum, nisi Deum diligat tanquam finem, quod proximi dilectionem referat. Quod autem non solum in priore, sed etiam in posteriore præcepto charitatis, cætera omnia pendeant, Christus ipse docet (Matth. 7.) Omnia ergo quæcunque vultis, ut faciant vobis homines, & vos facite illis. Hæc est enim lex, & Propheta. Idemque confirmat Apostolus ad Romanos 13. Qui diligit proximum (inquit) legem implevit. Nam: Non adulterabis; non occides; non furaberis; non falsum testimonium dices;*

hominibus agunt. Consequens est autem , ut qui ex toto corde , ex tota anima , ex tota mente Deum diligit , diligat & proximum tanquam seipsum ; quia hoc jubet ille , quem ex toto corde , ex tota anima , ex tota mente diligit. Item diligere proximum , id est , omnem hominem tanquam seipsum , quis potest , nisi Deum diligat , cujus præcepto , & dono dilectionem proximi possit implere ? Cum ergo utrumque præceptum ita sit , ut neutrum sine altero possit teneri , etiam unum horum commemorare plerumque sufficit , cum agitur de operibus justitiæ ; sed opportunius illud , de quo quisque facilius convincitur. Unde Joannes dicit : *Qui enim non diligit fratrem suum , quem videt , Deum , quem non videt , quomodo potest diligere ?* Mentiebantur enim quidam dilectionem se Dei habere ; & de odio fraterno eam non habere convincebantur ; de quo judicare in quotidiana vita , & moribus facile est „„.

1. Joan. 4.

Cæterum qua ratione in duobus præceptis charitatis reliqua contineantur , disertè idem *S. Augustinus* explicat , lib. *De Perfectione justitiæ hominis* , cap. 5.

„ Dominus (*inquit*) qui verbum consummans , & brevians fecit super terram , in duobus præceptis dixit legem , Prophetasque pendere ; ut intelligeremus , quidquid aliud divinitus præceptum est , in his duobus habere finem , & ad hæc duo esse referendum : *Diliges Dominum Deum tuum ex toto corde tuo , & ex tota anima tua , & ex tota mente tua ; & diliges proximum tuum tanquam teipsum*. In his (*inquit*) duobus præceptis tota lex pendet , & Propheta. Quidquid ergo Dei lege prohibemur , & quidquid jubemur facere , ad hoc prohibemur , & jubemur , ut duo ista compleamus. Et forte generalis prohibitio est : *Non concupisces* ; & generalis jussio : *Diliges*. *Deni-*

que Scriptura non præcipit nisi charitatem , non dam-

Exod 20.

17.

nat , nisi cupiditatem , & ita informat mores hominum. Et , ille tenet , & quod patet , & quod latet in divinis sermonibus , qui charitatem tenet in moribus „„ (*inquit S. Augustinus.*)

S. August.
Serm 350.
alias de
Tempore
39.

Tom. V 111.

M

A R.

ARTICULUS VII.

*Divina mandata ex dilectione Dei fieri debent:*Rom. 13.
16.Mandata
Dei servili-
ter imple-
tur, cum
solum pœnæ
timore
sunt.

Dilectione Dei legem ejus impleri, docet Apostolus: *Plenitudo (inquit) legis, dilectio.* Et sine aliqua justitiæ dilectione, sive charitate, saltem inchoata, nullum Dei mandatum impleri; ut oportet, Christi Domini sententia probat, *Joan. 14* dicentis: *Qui non diligit me, sermones meos non servat,*

Id S. *Augustinus* locis propemodum infinitis docet, præcipue lib. *De Spiritu*, & *Litera*, cap. 14. „ „ Mandatum (*inquit*) si sit timore pœnæ, non amore justitiæ, serviliter fit, non liberaliter; & ideo nec fit. Non enim fructus est bonus, qui de charitatis radice non surgit „ „

Et lib. 3. *Contra duas Epistolas Pelagianorum*, cap. 4. de vulgo Judæorum loquens: „ „ Quicumque (*inquit*) terrenorum adipiscendorum amore, & amittendorum timore, Dei præcepta servabant, non servabant, sed sibi servare videbantur. Neque enim fides in eis per dilectionem operabatur, sed terrena cupiditas, metusque carnalis. Sic autem præcepta, qui facit, proculdubio invitus facit; ac per hoc in animo non facit; magis vult enim omnino non facere, si secundum ea, quæ cupit, & metuit, permittatur impune. Ac per hoc in ipsa voluntate intus est reus, ubi ipse, qui præcipit, inspicit Deus „ „

fertur omne præceptum. Quod vero ita fit, vel timore poenæ, vel aliqua intentione carnali, ut non referatur ad illam charitatem, quam diffundit Spiritus sanctus in cordibus nostris, nondum fit, quemadmodum fieri oportet, quamvis fieri videatur. Charitas quippe ista Dei est, & proximi; & utique: *In his duobus præceptis tota lex pendet, & Propheta.* Matth. 23. Adde Evangelium, adde Apostolos; non enim aliunde vox ista est: *Finis præcepti est charitas; & Deus charitas est. Quæcunque ergo mandat Deus, ex quibus unum est: Non mæchaberis, & quæcunque non jubentur, sed spiritali consilio monentur, ex quibus unum est: Bonum est homini mulierem non tangere, tunc recte fiunt, cum referuntur ad diligendum Deum, & proximum propter Deum* „ „

tem referuntur.

Matth. 23.

1. Tim. 1.

1. Joan. 4.

Matth. 5.

1. Cor. 7.

Et Sermone 33. alias 18. *De Diversis*, cap. 1. „ „ Charitas ergo cantat canticum novum; non timor ille servilis in veteri homine constitutus, potest quidem habere psalterium decem chordarum, quia & Judæis carnalibus data est ipsa lex decem præceptorum; sed cantare in illa non potest canticum novum. Sub lege est enim, & implere non potest legem. Organum ipsum portat, non tractat, & oneratur; Psalterio non ornatur. Qui autem sub gratia est, non sub lege, ipsam implet legem; quia non est ei pondus, sed decus; nec timenti tormentum est, sed amanti ornamentum. Spiritu enim dilectionis accensus, jam in psalterio decem chordarum cantat canticum novum „ „

Sola charitas cantat canticum novum.

Id confirmat *S. Thomas*, 1. 2. q. centesima, art. 10. „ „ In hoc (*inquit*) præcepto, *Honora patrem*, non includitur, quod honoretur pater ex charitate, sed solum, quod honoretur pater; unde qui honorat patrem, licet non habeat charitatem, non efficitur transgressor hujus præcepti, etsi sit transgressor præcepti, quod est de actu charitatis; propter quam transgressionem meretur poenam. *Et in responsione ad secundum*: Sub præcepto charitatis continetur, ut diligatur Deus ex toto corde; ad quod pertinet ut

Præceptum charitatis homo non implet, nisi omnia opera sua ad Deum referat.

omnia referantur in Deum. Et ideo præceptum charitatis implere homo non potest, nisi etiam omnia referantur in Deum. Sic ergo, qui honorat parentes, tenetur ex charitate honorare, non ex vi hujus præcepti, quod est, *Honora parentes*; sed ex vi hujus præcepti: *Diliges Dominum Deum tuum ex toto corde tuo* &c.

ARTICULUS VIII.

De ordine præceptorum Decalogi.

Decem Dei præcepta in duabus tabulis lapideis sculpta fuerunt, quæ sic distinguenda sunt, ut prima tabula tria complectatur Deum spectantia; secunda septem ad proximum pertinentia. Trium Deum spectantium primum est: *Non habebis Deos alienos coram me. Non facies tibi sculptile, neque omnem similitudinem, quæ est in calo desuper, & quæ in terra deorsum, nec eorum, quæ sunt in aquis sub terra. Non adorabis ea, neque coles.* Secundum: *Non assumes nomen Dei tui in vanum.* Tertium: *Memento, ut diem Sabbati sanctifices.* Septem reliqua ad proximum pertinent. Quartum scilicet: *Honora patrem tuum, & matrem tuam, ut sis longævus super terram, quam Dominus Deus tuus dabit tibi.* Quintum, *Non occides.* Sextum: *Non machaberis.* Septimum, *Non furtum facies.* Octavum, *Non loqueris contra proxi-*

ceptum. Ita docet *S. August.* qu. 71. in *Exodum*, Serm. 10. *De decem Chordis*, & alibi, & post ipsum *S. Thomas* 1. 2. quæst. centesima, art. 4. Quamobrem minus appositè *Origenes* quatuor præcepta ad primam tabulam pertinere scripsit, sex vero ad secundam, separans, quod dictum est; *Non erunt tibi Diis alii præter me*; ut aliud præceptum sit: *Non facies tibi sculptile*, ubi figmenta colenda prohibentur. Unum vero esse volens: *Non concupisces uxorem proximi tui*, non concupisces domum proximi tui. Duo autem illa postrema præcepta distincta sunt a sexto: *Non machaberis*; & septimo: *Non furtum facies*; „ „ *Quia* in prioribus illis duobus præceptis, non moechandi, & non furandi, ipsa opera notata sunt; in his vero extremis ipsa concupiscentia; quæ tantum differunt, ut aliquando moechatur, qui non concupiscit uxorem proximi, cum alia aliqua causa illi miscetur; aliquando autem concupiscat, nec ei misceatur, poenam timens: & hoc fortasse lex ostendere voluit, quod utraque peccata sint „ „ (*inquit S. Augustinus* qu. 70. in *Exodum*.)

„ Convenientiam denarii numeri divinarum præceptorum hac ratione *S. Thomas* explicat. Præcepta legis divinæ ordinant hominem ad quamdam communitatem, seu rempublicam hominum sub Deo. Ad hoc autem, quod aliquis in aliqua communitate bene commoretur, duo requiruntur; „ quorum primum est, ut bene se habeat ad eum, „ qui præest communitati; aliud, ut bene se habeat „ ad alios communitatis confocios, & comparticipes. Oportet igitur, quod in lege divina primo ferantur quædam præcepta ordinantia hominem ad „ Deum; & inde alia quædam præcepta ordinantia hominem ad alios proximos simul convenientes „ sub Deo. Principi autem communitatis tria debet „ homo: Primo, fidelitatem, secundo reverentiam, „ tertio famulatum. Fidelitas quidem ad Dominum in „ hoc consistit, quod honorem Principatus ad alium „ non deferat; in quantum ad hoc accipitur primum

Denarii numeri divinarum præceptorum convenientia,

„ præceptum, cum dicitur; *Non habebis Deos alienos.*
 „ Reverentia autem ad Dominum requirit, ut nihil
 „ injuriosum in eum committatur; & quantum ad
 „ hoc accipitur secundum præceptum; *Non assumes*
 „ *nomen Dei tui in vanum.* Famulatus autem debe-
 „ tur Domino in compensationem beneficiorum, quæ
 „ ab ipso percipiunt subditi; & ad hoc pertinet ter-
 „ tium præceptum *de sanctificatione Sabbati* in memo-
 „ riam creationis rerum.

„ Ad proximos autem aliquis bene se habet, &
 „ specialiter, & generaliter. Specialiter quidem, quan-
 „ tum ad illos, quorum est debitor, ut eis debitum
 „ reddat; & quantum ad hoc accipitur præceptum
 „ de honoratione parentum. Generaliter autem quan-
 „ tum ad omnes, ut nulli nocumentum inferatur,
 „ neque opere, neque ore, neque corde. Opere
 „ quidem infertur nocumentum proximo, quando-
 „ que in propriam personam, quantum ad consisten-
 „ tiam personæ; & hoc prohibetur per hoc, quod
 „ dicitur: *Non occides.* Quandoque autem in per-
 „ sonam conjunctam, quantum ad propagationem
 „ proles; & hoc prohibetur, cum dicitur: *Non mæ-*
 „ *chaberis.* Quandoque autem in rem possessam, quæ
 „ ordinatur ad utrumque; & quantum ad hoc dici-
 „ tur: *Non furtum facies.* Nocumentum autem oris
 „ prohibetur, cum dicitur: *Non loqueris contra pro-*
 „ *ximum tuum falsum testimonium.* Nocumentum cordis
 „ prohibetur, cum dicitur: *Non concupisces.*

CAPUT III.

De primo Decalogi præcepto.

ARTICULUS PRIMUS.

Explicantur hæc verba : Non habebis Deos alienos coram me.§. I. *Deus colitur Fide, Spe, Charitate,*

In his verbis (inquit Concilii Tridentini Catechismus) duplex continetur præceptum, quorum alterum iubendi, alterum prohibendi vim habet. Nam quod dicitur: *Non habebis Deos alienos coram me*, hunc sensum habet: Me verum Deum coles; alienis Diis cultum non exhibebis. In priori continetur præceptum fidei, spei, & charitatis. Cum enim Deum immobilem, incommutabilem, fidelem, & abique ulla iniquitate, veracem; imo summam, & primam veritatem, qui seipsum negare non potest, qui nec falli potest, nec fallere, confitemur; necesse est, ut ejus verbo, atque oraculis, ac revelantis auctoritati fidem tribuamus. Unde *Eccl. 2.* dicitur; *Qui timeatis Dominum, credite illi.* Qui vero omnipotentiam Dei, clementiam, & ad benefaciendum facilitatem, ac propensionem considerat, promissaque magnifica futurorum bonorum, hæreditatis incorruptibilis, regni cœlestis, æternæque vitæ in illius fruitione sempiterna repositæ, quorum promissorum pignus nobis dedit filium suum unigenitum, cui propter nos non pepercit, & qui cum eo nobis omnia donavit. Et Spiritum sanctum; *Testimonium red-* Rom. 8.
dentem spiritui nostro, quod filii Dei sumus, & bened-
des: de quo Apostolus scribit; *Dedit pignus Spiritus* 1. Cor. 1.
in cordibus nostris; nonne spes omnes suas in illo col- & 1.
 locare tenetur? Unde *Psal. 61* scriptum est; *Sperate*
in eo omnis congregatio populæ, effundite coram illo
corda vestra; Deus adjutor noster in æternum. Et *Eccl. 2.*
Qui timeatis Dominum, sperate in illum, & in obsequi-
um veniet vobis misericordia. Respicite filii variæ

nes hominum & scitote, quia nullus speravit in Domino, & confusus est. Quis enim permansit in mandatis ejus, & derelictus est? Aut quis invocavit eum, & despexit illum? Quoniam pius, & misericors est Deus, & remittet in die tribulationis peccata; & protector est omnibus exquirentibus se in veritate. Si vero bonitatis, ac dilectionis Dei effusas in nos divitias contemplemur, qui Prior dilexit nos; illum ne poterimus non amare? Unde Eccl. 2. dicitur: Qui timetis Dominum, diligite illum, & illuminabuntur corda vestra. Et Matth. 22. Christus ait: Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum, & primum mandatum. Deus ergo colendus est Fide, spe, charitate (inquit S. August. Enchiridii cap. 3.) Sed charitate præsertim, quæ trium horum major est. Hic est Dei cultus, inquit S. August. lib. 10. De Civitate Dei, cap. 3. „Hæc vera religio, hæc recta pietas, „hæc tantum Deo debita servitus „. Et Epist. 140. alias 120. cap. 18. explicans hæc verba Psal. 21. Qui timetis Dominum, laudate eum, ait: „Quis veraciter laudat, nisi qui sinceriter amat? Tantumdem ergo est, ac si diceret: Qui timetis Dominum, amate eum. Dixit enim homini, sicut scriptum est: Ecce pietas est sapientia. Porro pietas cultus Dei est, nec colitur ille nisi amando. Et Enarratione in Psal. 77. Hoc colitur, quod diligitur. Unde quia Deus re-

Job 28. 28.
secundum
LXX.
Deus non

Dei, quem peccantes amiseramus; vel quod religet nos uni omnipotenti Deo. Quæcunque autem sit origo nominis: „ „ Religio proprie importat ordinem ad Deum (*inquit S. Thomas, 2. 2. qu. 81. art. 1.*) Ipse enim est, cui principaliter religari debemus, tanquam indeficienti principio; ad quem etiam nostra electio assidue dirigi debet; sicut in ultimum finem; quem etiam negligentes peccando amittimus, & credendo, ac fidem protestando recuperare debemus „ „ Non est virtus theologica, quia circa Deum ipsum ut proprium objectum immediate non versatur, sicut fides, spes, charitas; sed circa cultum, & honorem Deo debitum; sed moralis, paræ scilicet justitiæ omniumque moralium virtutum præstantissima, cum per eam propinquius ad Deum accedamus.

S. III. Qui sint actus interni religionis.

Actus religionis alii sunt interni, alii externi. Interni præcipui sunt; externi vero quasi secundarii, & ad internos ordinati. Interni sunt, *Devotio, & Oratio.*

Devotio est pius, & humilis affectus in Deum; Humilis ex conscientia infirmitatis propriæ, pius ex consideratione divinæ clementiæ. Ita definit auctor libri De Spiritu, & anima, inter opera S. Augustini editi, cap. 5. Sive est Voluntas promptæ tradendi se ad ea, quæ pertinent ad Dei famulatum (ut definit S. Thomas 2. 2. quæst. 82. art. 1.) Quid sit devotio.

Oratio est mentis ad Deum elevatio, sive Petitio decentium a Deo, cum quadam mentis elevatione. Quæ definitio ex S. Joanne Damasceno, lib. 3. De Fide orthodoxa, cap. 24, sumpta est. Est propriæ religionis actus; quia Per orationem homo Deo reverentiam exhibet, in quantum ei se subicit, & proficitur orando, se eo indigere sicut auctore suorum bonorum (inquit S. Thomas 2. 2. quæst. 83. art. 3.) De Oratione speciatim agemus in postrema hujus Theologiæ parte. Quid oratio.

§. IV. *Qui actus externi religionis.*

Actus ex-
terni reli-
gionis ab
internis se-
jungi non
debent.

Exteriores actus religionis sunt *Adoratio, Sacrifi-
cium, & Votum*: qui tamen ab interioribus acti-
bus divelli, ac sejungi non debent; sed ita adhiberi,
ut eis quasi signis quibusdam mens hominis excite-
tur ad spirituales actus, quibus Deo conjungitur.
Hujusmodi enim exteriora *Non exhibentur Deo, quasi
his indigeat, secundum illud Psalmi 49. Nunquid man-
ducabo carnes taurorum, aut sanguinem hircorum po-
tabo?* Sed exhibentur Deo *tanquam signa quadam in-
teriorum, & spiritualium operum, quae per se Deus ac-
ceptat* (inquit *S. Thomas.*) Unde *S. Augustinus*, lib. 10,
De Civitate Dei, cap. 1. ait: „Sacrificium visibile
„invisibilis Sacrificii Sacramentum, id est, sacrum
„signum est „. Et certe cum homo duabus parti-
bus constet, spirituali, & sensibili, corpore, & ani-
ma, per utramque colere Deum debet, secundum
illud Psalmi 83. *Cor meum, & caro mea exultaverunt
in Deum vivum.*

2. 2. qu. 82.
art. 1. ad
secundum.

§. V. *Quid sit adoratio, & quot cultus religiosi species.*

Adorationis nomen varias habet significationes,
significat interdum venerationem quamcunque
exhibitam alteri in testimonium excellentiae ipsius.
Sic 3. *Regum* cap. 18. *Abdias* adorasse dicitur *Eliam*.
Et si quidem humana, seu civilis excellentia dunta-

supra ceteros Sanctos, & Angelos ipsos excellentiam ex dignitate matris Dei, & gratiarum plenitudine tantæ dignitati respondentem æstimandam.

Adoratio secundum præcipuam, & nunc apud Theologos magis tritam vocabuli notionem, est actus, quo nostram erga Deum servitutem in recognitionem infinitæ illius excellentiæ, supremique dominii, externis etiam submissionis signis profiteamur. Hæc adoratio *Latria* dicitur, unique Deo exhiberi debet, ac potest. Unde Christus Matth. 4. ait: *Dominum Deum tuum adorabis, & illi soli servies.* Sic Matth. 2. nomen adorationis usurpatur, cum dicitur de Magis: *Et procidentes adoraverunt eam.*

Latria est cultus, æq servitus uni Deo conveniens.

Quamvis autem *Dulia*, *Latriæ*que nomina Scriptura sacra promiscue usurpet pro cultu, sive servitute Deo debitis; quia tamen nec in græca, nec in latina lingua vocabulum reperitur ullum, quod proprie significet cultum, & honorem soli Deo convenientem; usus Ecclesiæ jam olim obtinuit, ut cultus, ac servitus uni Deo conveniens *Latria* vocetur; servitus autem communis, hoc est, sanctis Angelis, vel hominibus debita, dicatur *Dulia*, ut *S. Augustinus* observat, lib. 15. *Contra Faustum*, cap. 9. & lib. 20. cap. 21. „ „ Illo cultu (*inquit*) qui græce *latria* dicitur (latine uno verbo dici non potest, cum sit quædam proprie divinitati servitus) nec colimus, nec colendum dicimus nisi verum Deum. Quod lib. 10. De Civitate Dei, cap. 1. rursus repetit. Hic est (*inquit*) divinitati, vel si expressius dicendum est, Deitati debitus cultus, propter quem uno verbo significandum, quoniam mihi satis idoneum non occurrit latinum, græco ubi necesse est insinuo, quid velim dicere, *latriam* quippe nostri, ubicunque sanctarum Scripturarum positum est, interpretati sunt servitutem. Sed ea servitus, quæ debetur hominibus, secundum quam præcipit Apostolus servos Domini subditos esse debere, alio nomine græcè nuncupari solet; scilicet *Dulia* „ „

S. VI. *Adoratio duplex, interior, & exterior,*

„ Quia vero ex duplici natura compositi sumus.
 „ intellectuali scilicet, ac sensibili, duplicem
 „ adorationem Deo offerimus, scilicet spiritualement,
 „ quæ consistit in interiori mentis devotione, &
 „ corporalem, quæ consistit in exterioris corporis
 „ humiliatione. Et quia in omnibus actibus latriæ,
 „ id, quod est exterius, refertur ad id, quod est in-
 „ terius, sicut ad principalius; ideo ipsa exterior
 „ adoratio fit propter interiorē, ut videlicet per
 „ signa humilitatis, quæ corporaliter exhibemus,
 „ excitetur noster affectus ad subiiciendum se Deo;
 „ quia connaturale est nobis, ut per sensibilia ad
 „ intelligibilia procedamus. Igitur „ „ Sicut oratio
 „ primordialiter quidem est in mente, secundo au-
 „ tem verbis exprimitur; ita etiam adoratio principa-
 „ liter quidem in interiori Dei reverentia consistit; se-
 „ cundo autem in quibusdam corporalibus humi-
 „ litatis signis. Sicut genu flectimus, nostram infirmi-
 „ tatem designantes in comparatione ad Deum; pro-
 „ sternimus autem nos, quasi profitentes nihil nos esse
 „ ex nobis „ „ (inquit *S. Thomas*, Secunda secundæ,
 „ qu. 84. art. 2.

Adoratio

exterior ab
interiori
procedit, &

Quod autem adoratio exterior ab interiori proce-
 dat, animumque ad illam vehementius excitet, *S.*
Augustinus docet lib. *De Cura gerenda pro mortuis*,
 cap. 10. ubi dicitur: „ Nonne exterior adoratio
 est, quæ procedit ab interiori? „

hoc cordis affectus, qui ut fierent, ista præcessit, quia facta sunt, creseit „ „.

Adoratio itaque corporalis ab adoratione spirituali indivisa sit necesse, ut vera sit & christiana adoratio. Unde Christus Joannis 4. ait: *Venit hora, & nunc est, quando veri adoratores adorabunt Patrem in spiritu, & veritate. Nam & Pater tales quærit, qui adorent eum. Spiritus est Deus; & eos, qui adorant eum, in spiritu, & veritate oportet adorare.* Et ipsa igitur Adoratio corporalis in spiritu fit, in quantum ex spirituali devotione procedit, & ad eam ordinatur, (inquit S. Thomas, loco superius indicato in responsione ad primum.) Hinc Bituricense Concilium anno 1384. celebratum. Tit. 1. ait: „ „ Vera adoratio in spiritu, & veritate esse debet. In spiritu quidem adorant, qui mentis affectu Deum colunt; in veritate, qui cultu exteriori, & piis operibus mentis affectum testantur, & exprimunt. Perfecta igitur adoratio est, cum anima simul, & corpore divino obsequio mancipamur „ „.

S. VII. De Sacrificio.

Inter actus externos religionis secundo loco numeratur Sacrificium, cuius hæc notio a Theologis tradi solet: *Sacrificium est oblatio rei sensibilis, & permanentis, qua Deo per legitimum ministrum consecratur, & offertur, cum aliqua ipsius rei oblata mutatione reali.* Quid sit Sacrificium.

Ante legis mosaicæ institutionem, convenientia legis naturæ sacrificia pii homines Deo offerebant, & lata etiam lege, illi, quibus data non fuerat, utpote ex populo Israel non oriundis; sed Sacrificia illa determinata non erant. Judæi ad certa Sacrificia offerenda, secundum legis præscriptum tenebantur. Horum sacrificiorum triplex erat genus, scilicet *Holocaustum, Hostia pro peccato, & Hostia pacifica.* Holocaustum offerebatur Deo in reverentiam maiestatis ejus, & amorem bonitatis ipsius; in eoque tota victima comburebatur, ut significaretur totum hominem, Legis naturæ Sacrificia.

&

& omnia, quæ ipsius sunt, Dei dominio esse subiecta, eique offerenda. Hostia pro peccato, sive Sacrificium propitiatorium offerebatur Deo ad expiationem peccati. In eo pars victimæ comburebatur; pars altera cedebat in usum Sacerdotum; quò ritu significabatur expiationem peccatorum a Deo fieri Sacerdotum ministerio, & oratione. Hostia pacifica offerebatur Deo pro gratiarum actione, vel pro salute, & prosperitate offerentium, ex debito beneficii vel accipiendi, vel accepti. In eo victima dividebatur in tres partes; una igne consumebatur in honorem Dei; altera cedebat in usum Sacerdotum; tertia in usum offerentium; quo ritu significabatur, salutem hominis procedere a Deo, dirigentibus ministris Dei, & cooperantibus ipsis hominibus, qui salvantur. Sic explicat *S. Thomas*; 1. 2. qu. 102. art. 3. ad octavum. Hæc Sacrificia novæ legis Sacrificium unicum adumbrabant, scilicet Sacrificium Corporis, & Sanguinis Christi in cruce semel oblatum *Ad multorum exhaurienda peccata*; utque hac *Una oblatione consummaret in sempiternum sanctificatos*; & in altari quotidie ad finem usque seculi a Sacerdotibus novi Testamenti incruento modo offerendum, *Sacrificium* illud fuit *Redemptionis*; istud *Sacrificium religionis*, quod prioris illius Sacrificii commemoratio est, & applicatio.

Novæ legis
Sacrificium
adumbrabant.
Hebr. 9. &
10.

Sacrificium Cæterum præter externum Sacrificium a certis mi-

Sacrificia facta sunt in victimis pecorum, quæ nunc Dei populus legit, non facit aliud intelligendum, nisi rebus illis eas res fuisse significatas, quæ aguntur in nobis ad hoc, ut inhæreamus Deo, & ad eundem finem proximo consulamus. Sacrificium ergo visibile invisibilis Sacrificii sacramentum, id est, sacratum signum est „ „. Unde Propheta quærens Deum peccatis tuis habere propitium: *Si voluisses (inquit) Sacrificium, dedissem utique: Holocaustis non delectaberis Sacrificium Deo spiritus contribulatus, cor contritum, & humiliatum Deus non despicias.* Ubi Deum dixit nolle Sacrificium, ibi Deum ostendit velle Sacrificium. „ Non vult ergo Sacrificium trucidati pecoris, sed vult Sacrificium contriti cordis „. Hinc & Plal. 49. dicitur: *Si esuriero; non dicam tibi; mens est enim orbis terra, & plenitudo ejus. Nunquid manducabo carnes taurorum, aut sanguinem hircorum potabo? Tum subjungit, quid illa sacrificia significant: Immola Deo Sacrificium laudis, & redde Altissimo vota tua. Et invoca me in die tribulationis, eruam te, & honorificabis me.*

Quod autem omne opus virtutis in Dei reverentiam tactum, quodammodo etiam sacrificium sit, colligitur ex Apostoli verbis ad Hebræos 13. *Beneficentia, & communionis nolite oblivisci; talibus enim hostiis promeretur Deus.* Cum igitur, ait Deus Osee 6. *Misericordiam volui, & non Sacrificium, nihil aliud quam Sacrificium Sacrificio prælatum oportet intelligi: „ Quoniam illud, quod ab omnibus appellatur „ sacrificium, signum est veri Sacrificii. Porro autem misericordia verum Sacrificium est „ (inquit S. August.)*

Et cap. 6. ejusdem libri: „ „ Proinde (inquit) verum Sacrificium est omne opus, quod agitur, ut sancta societate inhæreamus Deo, relatum scilicet ad illum finem boni, quo beati esse possimus. Unde & ipsa misericordia, qua homini subvenitur, si propter Deum non fit, non est Sacrificium. Etsi enim ab homine fit, vel offertur, tamen Sacrificium res di-

vina

Psal. 50.

Omne opus
virtutis in
Dei reve-
rentiam fa-
ctum, quo-
dammodo
Sacrificium
est.

Ecc. 34.

vina est. . . Unde ipse homo Dei nomine consecratus, & Deo votus, in quantum Deo moritur, ut Deo vivat, Sacrificium est. Nam & hoc ad misericordiam pertinet; quam quisque in seipsum facit. Propterea scriptum est: *Miserere animæ tuæ placens Deo.* Corpus etiam nostrum cum per temperantiam castigamus, si hoc, quemadmodum debemus, propter Deum facimus; ut non exhibeamus membra nostra arma iniquitatis peccato, sed arma justitiæ Deo; Sacrificium est „ „. Unde Apostolus ad Romanos 12. cap. ait: *Obsecro itaque vos fratres per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum.* Si ergo corpus, quo inferiote tanquam famulo, vel tanquam instrumento utitur anima, cum ejus bonus, & rectus usus ad Deum refertur, Sacrificium est: „ „. Quanto magis anima ipsa; cum se refert ad Deum, ut igne amoris ejus accensa, formam concupiscentiæ secularis amittat, eique tanquam incommutabili formæ subdita reformetur, hinc ei placens, quod ex ejus pulchritudine acceperit, sit Sacrificium „ „? Unde Apostolus ibidem subjungit: *Reformamini in novitate sensus vestri; ut probeitis, quæ sit voluntas Dei bona, & beneplacens; & perfecta.* Cum igitur vera Sacrificia sint opera misericordiæ, sive „ in nos ipsos, sive in proximos, quæ referuntur ad „ Deum; opera vero misericordiæ non ob aliud fiant,

De primo Decalogi præcepto. 191

finem. Cum autem triplex sit hominis bonum, scilicet bonum animi, bonum corporis, & bonum exteriarum rerum; primum offertur Deo interiori quodam Sacrificio per devotionem, & orationem, & alios hujusmodi interiores actus; & hoc est principale Sacrificium. Secundum offertur Deo per martyrium, & abstinenciam, sive continentiam. Unde *Tertullianus*, lib. *De Resurrectione carnis*, cap. 2. „ „ Sacrificia (*inquit*) Deo grata conflictationes dico animæ, jejunia, & seras, & aridas escas, & appendices hujus officii sordes, caro de proprio suo incommodo instaurat. Virginitas quoque, & viduitas de bonis carnis adolentur „ „ Tertium bonorum genus Deo in Sacrificium offertur, quando immediate res nostras Deo offerimus; mediate autem quando eas communicamus proximis propter Deum (*inquit* *S. Thomas*, 2. 2. quæst. 85. art. 3. ad secundum.)

§. VIII. De Voto.

Votum inter actus externos religionis tertium locum tenet; unde *Isaia* 19. dicitur: *Colent eum in bestiis, & muneribus; & vota vovebunt Domino, & solvent.* Definitur a Theologis: *Promissio deliberata, Deo facta de meliori bono.* Promissio est, non simplex propositum aliquid faciendi. Unde cum quidam mortis metu perterritus post minutionem hæc verba protulisset: *Non diu hic morabor*, proponens in animo, quod religionis habitum esset aliquando suscepturus *Alexander III.* ea de re interrogatus; cap. *Literaturam*, Ext. *De Voto, & Voti redemptione*, respondit: „ Si plus non est in voto processum, „ transgressor judicari non poteris, si non impleas, „ quod dixisti „ Simplex namque propositum melioris boni obligationem non parit, nisi accedat promissio. Hanc autem *deliberatam* esse necesse est, ut scilicet promittat aliquis sciens volens; unde vota ante rationis usum nuncupata, vel ex metu in virum constantem cadente, nulla, & irrita sunt; nec-

Quid sit votum.


non illa, quæ emitteret aliquis obligare se nolens. Sic ergo (inquit *S. Thomas*, 2. 2. qu. 88. art. 1.)

» » Ad votum tria ex necessitate requiruntur; primo quidem deliberatio; secundo, propositum voluntatis; tertio promissio, in qua perficitur ratio voti. Superadduntur vero alia duo, quandoque ad quamdam voti confirmationem, scilicet pronuntiatio oris, secundum illud Psalmi 65. *Reddam tibi vota mea, quæ distinxerunt labia mea; & testimonium aliorum* » ». Nihil tamen refert, an voce, an cogitatione sola Deo aliquid promittatur, quia *Homo videt*

1. Reg. 16. *ea, quæ parent; Deus autem intuetur cor.* Conceptio itaque boni propositi non firmatur animi deliberatione, nisi promissio deliberationem sequatur (inquit *S. Thomas.*)

Promissio-
nes Deo fa-
cimus, non
propter
ejus, sed
propter no-
stram utili-
tatem.
Promissio est Deo facta, secundum illud Psal. 75. *Vovete, & reddite Domino Deo vestro.* Alia autem ratione promittitur aliquid homini, & alia ratione Deo. Homini quidem promittimus aliquid propter ejus utilitatem; commodum enim ipsius est, ut ei aliquid exhibeamus, eumque de futura exhibitione certiores prius faciamus. Sed promissionem Deo facimus, non propter ejus utilitatem, sed propter nostram;

Psal. 84. ait enim Propheta; *Dixi Domino, Deus meus es tu, quoniam bonorum meorum non eges.* Hinc *S. Augustinus* Epist. 127. alias 45. ad *Armentarium*, & *Paulinam* conjuges, qui continentiam voverant, scribit:



De primo Decalogi præcepto 153

gello Dominus ait: *Reddite, quæ sunt Cæsaris Cæsari, Math. 22. & quæ sunt Dei Deo.* Hoc enim dixit, cum sibi demonstrato nummo; & quæsito, cujus haberet imaginem, responsum esset: Cæsaris; ut hinc intelligerent, quod Deus exigeret ab homine imaginem suam in homine ipso, sicut Cæsar suam exlegebat in nummo. Quanto magis ergo reddenda est, cui promittitur; cui etiam non promissa debetur „ „? Sicut autem id, quod reddimus Deo; non est ei utile, sed nobis; ita etiam promissio, qua Deo aliquid vovetur; non cedit in ejus utilitatem; quia certior a nobis fieri non indiget de voluntate nostra, sed ad utilitatem nostram; quatenus voto immobiliter voluntatem nostram firmamus in bono, quod promittimus. Ita ratiocinatur *S. Thomas, 2. 2. qu. 88. art. 4.* Verum (inquies) si votum est promissio Deo facta, quomodo Sanctis vota nuncupari dicuntur? Quomodo Prælati obedientiam voverunt?

Respondet *S. Thomas*; art. 1. ad secundum, votum soli Deo fieri, sed promissionem posse etiam fieri homini; & hanc esse posse materiam voti; quatenus est opus quoddam virtutis. Atque hoc sensu dicimur aliquid vovere Sanctis, vel Prælati; ita ut promissio illis facta sit materia voti: *In quantum scilicet homo voverit Deo se impleturum; quod Sanctis, vel Prælati promittit.* Vel sensus est; votum Deo nuncupari coram Sanctis, sive ut testibus, sive ut Patronis, qui auxilium gratiæ ad implenda vota necessarium suffragiis suis a Deo voverentibus impetrent.

Cæterum antiquum esse, & ecclesiasticum loquendi morem, quo vota Sanctis fieri dicuntur, adeoque minime corrigendum, sed populo fideli a pastoribus explicandum; constat ex *Eusebio Cæsariensi*, lib. 13. *Preparatione evangelica*; cap. 11. ubi de Martyribus sic loquitur: „ Eorum sepulcra celebrare, & „ præces ibi, vota que nuncupare, & beatas illorum „ animas venerati consuevimus „.

Denique votum est promissio *de meliori bono*, hoc est, vel de bono supererogationis, & consilii, quod

Quo sensu
vota San-
ctis nuncu-
pari dicun-
tur.

Deo sancti-
tatem sua

cessarias, ut
aliquid sit
materia vo-
ti.

melius dicitur, seu majus bonum; quia majoris perfectionis est consilia simul cum præceptis, quam sola præcepta implere; vel melius bonum dicitur materia voti, quia melius est, & perfectius illud facere, quam omittere, sive quia opposito melius est. Dux itaque conditiones omnino necessariae sunt, ut res aliqua sit materia voti: Primo, quod in nostra potestate, seu libertate sit posita; secundo, quod Deo grata, & accepta sit. Quamobrem neque res illicitæ, seu opera per se mala, neque res indifferentes, sunt materia voti; & contra religionem graviter peccaret, qui opera hujusmodi voveret; sed de solo virtutis opere votum fieri potest. Nec etiam materia voti esse possunt, quæ sunt absolute necessaria; unde stulte aliquis voveret se esse moriturum, vel non esse volaturum. Quæ tamen necessaria sunt necessitate finis, & officii, quia scilicet sine illis salutem æternam consequi non possumus, aliquo modo. licet minus proprie, materia voti esse possunt. Unde si quis de vitanda ebrietate, aut fugiendo juramento temerario votum emittat, duplici nomine ad hæc peccata cavenda tenebitur, ratione scilicet præcepti, & ratione voti. Hinc in Decretis causa 17. qu. 8. Canone *Sunt quadam*, dicitur, quædam esse: *Quæ etiam non voverentes debemus*; quædam, *quæ nisi voverimus, non debemus*. Res autem impossibiles non sunt materia voti; unde si quis voveret se nun-

cap. 8. ait: „ Neque enim & ipsa , quia virginitas est , sed quia Deo dicata est , honoratur , quæ licet in carne servetur , spiritus tamen religione ad devotionem servatur. Ac per hoc spiritualis est etiam virginitas corporis , quam vovet , & servat continentia pietatis „ „ Secundo , quia ille , qui vovet aliquid , & facit , se Deo magis subjicit , quam ille , qui solum facit. Subjicit enim se Deo non solum quantum ad actum , sive quantum ad opus , sed etiam quantum ad potestatem operis faciendi , quia se obligat , ne deinceps oppositum faciat ; sicut plus daret homini , qui daret illi arborem fructibus suavissimis onustam , quam qui fructus tantum offerret. Tertio , quia per votum voluntas firmatur in bono ; majoris autem , ac perfectioris virtutis opus est , quod sit voluntate in bono firmata ; sicut peccatum ; quod mente in malo obstinata committitur , gravius est. Hæ sunt rationes *S. Thome* , loco superius indicato , art. 4. Hinc major gloria parata est a Deo iis , qui vovent , ac reddunt meliora bona , quæ non imperavit , ut docet *S. Augustinus* , lib. *De sancta Virginitate* , cap. 14. „ „ In vita æterna (*inquit*) est quædam egregia gloria , non omnibus in æternum videtur , sed quibusdam ibi tribuenda , cui consequendæ parum est liberatum esse a peccatis , nisi aliquod ipsi liberatori voveatur , quod non sit criminis non vovisse , ac reddidisse sit laudis „ „ Hinc eis , qui reliquerunt omnia , & secuti sunt Christum , promittit ipse Salvator fore ut in regeneratione , cum sederit in sede majestatis suæ , sedcant & ipsi super thronos orbem judicaturi.

Explicata voti natura , expendendum est , quomodo plex sit votum. Igitur votum aliud est *Absolutum* , aliud *Conditionatum*. Votum absolutum est , quod nulla conditione suspenditur. Quamobrem impleri debet quantocius fieri potest , secundum illud *Deuter. 23. Cum votum voveris Domino Deo tuo , non tardabis reddere ; quia requirit illud Dominus Deus tuus. Et si moratus fueris , reputabitur tibi in peccatum.*

Quomodo
votum.

Votum conditionatum est, quod aliqua conditione suspenditur. Unde non ante obligat, quam conditio impleta fuerit; cum quis, verbi gratia, gravi lute implicatus, in qua de vita, de bonis moribus; aut honore, famaue agitur, vovet se pauperibus erogaturum centum nummos, si causam evicerit, votum implere non tenetur, antequam lis in ejus gratiam finita sit, & secundum ipsum lata sententia.

Rursus votum aliud est *reale*, aliud *personale*, aliud *mixtum*. Reale est, cujus materia est extra voventem, ut bona temporalia; cum aliquis v. gr. vovet se templis ornamenta collaturum, aut pauperibus elemosinas erogaturum. Personale est, cujus materia est ipsa persona, vel opus voventis; cum quis, v. gr. sacrorum Ordinum susceptione, aut religiosæ vitæ professione Deo sese consecraturum, aut piam peregrinationem, jejunium, continentiam, aut certas preces vovet. Votum mixtum est, cujus materia sunt persona, vel opus voventis, simul & ipsius bona; ut si quis in ædem Lauretanam, vel Carnotensem Virginis Deiparæ peregrinationem voverit, seque calicem, aut lampadem argenteam ibi oblaturum. Votum personale solum voventem obligat; votum reale ab alio impleri potest, illiusque obligatio ad voventis heredes transit, si illud ipse non implevit; ut constat ex cap. *Licet*, Ext. *De voto*, & *voti redemptione*, & cap. *Si heredes*, Ext. *De*

susceptionem divino Ministerio applicatur; aut professione certæ Regulæ ab Ecclesia approbatæ seculo, propriæque voluntati renuntians, statum perfectionis assumit; ut docet. *S. Thomas*, & confirmat cap. *Quod votum*, tit. *De Voto*, in sexto. Votis igitur particularium operum, scilicet piæ peregrinationis, jejunii, orationis, elemosynæ, &c. notio voti solemnis non convenit: „ Sed solum voto, quo ali- S. Th 2 2.
 „ quis totaliter se subjicit divino ministerio, seu fa- qu. 82 ar. 8.
 „ mulatui „; particularibus enim actibus non consuevit solemnitas adhiberi, *sed assumptioni novi status*. Solemnitas porro voti non solum ad homines pertinet, sed ad Deum: „ „ In quantum habet aliquam spiritualem consecrationem, cujus Deus est auctor, etsi homo sit minister; secundum illud num. 6. *Invocabunt nomen meum super filios Israel; & ego benedicam eis*. Et ideo votum solemne habet fortiorem obligationem apud Deum, quam votum simplex, & gravius peccat, qui illud transgreditur „ „. Quod autem dicitur votum simplex non minus apud Deum obligare, quam solemne; *Intelligendum est quantum ad hoc, quod utriusque transgressor peccat mortaliter*. Aliud Voti solemnitas in consecratione votantis posita.
 porro est votum publicum, & aliud solemne. Nam & simplicia palam, & in multorum conspectu, & solemnia privatim, & coram paucis fieri possunt. Neque enim hic de solemnitate humana quæstio est, quæ votis etiam simplicibus potest adhiberi; sed de solemnitate spiritali, & divina, quæ in consecratione quadam votantis posita est. Unde *S. Hieronymus* Epist. 8. *ad Demetriadem, de servanda Virginitate*, ita scribit: „ „ Quantum Virginis nostræ sit meritum, hinc potest æstimari, quod occupatus in explicanda ea parte delubri, in qua thymiamatis altare describitur, malui hoc parumper diverticulo uti, ut de altari transirem ad altare, atque Hostiam vivam placentem Deo æternæ pudicitie consecrarem „ „. Et *S. Ambrosius*, lib. 1. *De Virginibus*, cap. 10. „ „ Ex ultimis infra ultraque Mauritanie partibus deductæ Virgines hic sacrari gestiunt. *Et lib. De Virginitate*.

cap. 6. Discite, quantas Alexandrina, totiusque Orientis, & africana Ecclesia quotannis sacrare consueverit. Pauciores hic homines prodeunt, quam illic Virgines consecrantur. *Et lib. De lapsu Virginis consecratae, cap. 9. Sic Virginis corruptorem alloquitur: Vas rationabile consecratum Christo, sanctificatum Spiritui sancto, impie temerasti, polluisti sacrilege „ Eodem consecrationis verbo S. Augustinus utitur libro De sancta Virginitate, cap. 8. de voto solemnium Virginitatis loquens: „ Integritas carnis (inquit) „ ipsi Creatori animæ, & carnis votetur, consecratur, servatur „*

§. IX. Explicatur pars altera præcepti: Non habebis Deos alienos coram me.

Pars altera præcepti: *Non habebis Deos alienos coram me*, prohibendi vim habet (ut diximus.) Hac autem loquendi formula usus est legislator cœlestis, non quod satis explicata non esset hæc sententia affirmatione præcepti hunc in modum: Me unum Deum coles; si enim Deus est, unus est; sed propter cæcitatem plurimorum, qui olim verum Deum se colere profitebantur, & nihilominus Deorum multitudinem venerabantur; quales inter Hebræos ipsos permulti fuerunt, quos increpat Elias, 3. Reg. 18. *Usquequo (inquit) claudicatis in duas partes? Si Dominus est Deus, sequimini eum; si autem*

ARTICULUS II.

Cultus Sanctorum primo Decalogi præcepto non repugnat.

Sanctis enim sive Angelis, sive hominibus Dei <sup>Cultus ad
gloriam Sa
ctorum Di
gratus.</sup> cum Christo regnantibus divinum cultum, id est, honorem aliquem Deo proprium, aut soli Deo debitum non tribuit, aut a fidelibus exhiberi permittit Ecclesia; sed eum, quem conjunctissimis Dei amicis, & arcanorum ejus consciis, nostræque salutis amantissimis, quem distinctionis causa *Diplam* vocat, cum *Latria* sit soli Deo debita servitus. Neque vero cultus hujusmodi putandus est ulla ex parte Dei gloriam minuire, vel obscurare, sed potius augere, atque illustrare; tum quia Deus hoc modo non in se solum, sed etiam in Sanctis suis mirabilis, & gloriosus agnoscitur; tum quia hoc ipsum Deo acceptum, & gratum est, ut sicut Reges, Principes, sacerdotes, parentes, & quicumque potestatis, vel sanctitatis nomine excellent, Deoque similes sunt, secundum legem ejus honoramus, & veneramur; ita & multo magis eos honoremus, qui regni coelestis jam cum ipso sunt consortes; propterea quod & charitate, & dignitate sublimiores, eam apud Deum honoris excellentiam consecuti sint, qua nusquam possunt excidere. Deum autem velle, ut sic a nobis honoretur, ex sacris literis compertum est. *Psal. 138. Nimis honorati sunt amici tui, Deus. Et Joan. 12. Si quis mihi ministraverit, honorificabit eum pater meus.* Sic *Josue* Angelum Principem militiæ Domini pronus in terram veneratus est; *Josue* 5. Sic filii Prophetarum, qui erant in Jericho, cum spiritum *Eliæ* super *Elisæum* requievisse experti fuissent: *4. Reg. Venientes in occursum ejus, adoraverunt eum proni in terram*, id est, ut Prophetam singulari, & plusquam civili honore venerati sunt. Quod si legimus Angelos internum honorem ab hominibus sibi exhibitum recusasse, propterea id fecisse intelligendum est, quod eum sibi honorem haberi nollent, qui soli Deo debetur. Sic Angelus prohibuit *S. Joanni*, ne ipsam

adoraret, Apoc. 19. *Vide (inquit) ne feceris; Con- servus tuus sum, & fratrum tuorum, habentium testi- monium Jesu; Deum adora.* Ita enim dilecto Christi Apostolo apparuerat Angelus, ut Deus videri pos- set; quamobrem opus erat, ut se Deum non esse, sed Dei legatum, ac ministrum doceret, ne ipsum Joannes adoraret. Ita hunc locum *S. Augustinus* ex- ponit qu. 61. super Genesim: „ Talis (inquit) ap- paruerat Angelus, ut pro Deo posset adorari; & „ ideo fuerat corrigendus adorator „. Quamquam nec improbable sit, angelum prohibuisse, ne sup- plex ante ipsum Apostolus prosterneretur, ob na- turæ humanæ filio Dei assumptæ reverentiam; ut- que significaret *Angelos non dedignari habere hominem socium, qui super se adorant hominem Deum* (inquit *S. Gregorius*, Homil. 8. in Evang.) Quod vero *S. Petrus* Cornelium ad pedes ejus prostratum, ac sup- plicem surgere jussit, dicens: *Et ego ipse homo sum*; id fecisse ad humilitatis exemplum, docet *S. Joan. Chrysostomus*, Homil. 23. in acta Apostolorum.

Act. 10.

Sed nec Apostolus fideles detertere consendus est a religioso sanctorum Angelorum cultu, cum ad *Colossenses* scribit cap. 2. *Nemo vos seducat volens in humilitate, & religione Angelorum, &c.* sed vel a mosaicæ legis observationibus, quæ post Christi mor- tem, & Evangelii promulgationem Dei cultus esse desit, & transfigurarum notius angelorum, sive Spi-

De primo Decalogi præcepto. 107

„ & oportere per Angelos divinam sibi benevolentiam conciliare „ Hoc est, quod dicit Apostolus: *In humilitate, & religione Angelorum.* Hæc Theodoretus expositio est. Superstitiosum hujusmodi cultum Laodicensis Synodus Canone 35, prohibuit, volens veteri illi morbo mederi; quia occultæ idololatriæ serviebant, qui Christo, & Ecclesiæ relictis, angelos adorabant. Uno verbo, eam duntaxat angelorum cultum prohibet, ac damnat Apostolus, cui aliquis ita addictus est, ut Ecclesiæ caput, id est, Christum non teneat. *Nemo (inquit) vos seducat, volens, in humilitate, & religione angelorum, quæ non videt amphulans, frustra inflatus sensu carnis suæ, & non tenens caput, ex quo totum corpus per nexus, & conjunctiones subministratum, & constructum, crescit in augmentum Dei.* Sed angelos revereri non prohibet, ut Dei legatos, & ministros, quorum opera non modo ad Ecclesiæ suæ, sed etiam ad reliquarum rerum gubernationem utitur; ut nostras curatores, & custodes, ut patronos apud Deum potentissimos, qui magna charitate nos diligunt; qui pro iis provinciis, quibus præfunt (ut ex Scriptura sacra facile intelligitur) preces fundunt; quod etiam præstare iis, quorum sunt ipsi custodes a Deo constituti, minime dubitandum est. Nostras enim preces Deo offerunt, ut constat ex *Apocalypsis* cap. 8. 3. 4.) Quamobrem Christus Dominus in Evangelio docuit, pusillos scandalizandos non esse, quia *An. Matth. 18. geli eorum in cælis semper vident faciem patris.*

Objecerunt quidam olim Ecclesiæ Ethnici, & Manichæi hæretici divinos honores Martyribus a Christianis, & catholicis impendi; eosque idolis gentium mortuos homines subituisse; sed eam calumniam egregie repellit *S. Augustinus*, lib. 29. *Contra Faustum*, cap. 21. Hujus verba descripsi in Tractatu *De Sacramento Eucharistiæ*, cap. 6. artic. 3. Summa hujus loci est, populum christianum memorias Martyrum religiose celebrare, & ad excitandam imitationem, & ut meritis eorum consocietur, & orationibus adjuvetur.

Cæterum Martyribus altaria non constitui, nec offerri Sacrificium, sed soli Deo, qui Martyres coronavit, in memoriis eorum, quos coronavit. Nos Martyres colere, non cultu latræ: *Sed eo cultu dilectionis, & societatis, quo & in hac vita coluntur sancti homines Dei.* Paucis verbis ut multa complectar, Sancti . . . Honorandi sunt propter imitationem, non adorandi propter religionem. . . Honoramus eos charitate, non servitute. Nec eis templa construimus. Nolunt enim se sic honorari a nobis; quia nos ipsos, cum boni sumus, templum summi Dei esse noverunt . . . Quamvis ergo vulgo nuncupetur Ecclesia, sive templum, aut altare beatæ Virginis, S. Petri, aut alterius Sancti; non tamen illis consecrata sunt templa, vel altaria, neque dicati festi dies, sed Deo in eorum memoriam, & sub eorum invocatione. Hæc Ecclesiæ catholicæ fides.

Sancti charitate non servitute colendi.

Sanctorum memoria triplici ratione colenda.

Sanctorum autem memoriam triplici potissimum ratione colimus. Primo, ut eximia Dei opera in illis celebremus, Deumque ob beneficia illis, & per illos cæteris hominibus collata laudemus, quemadmodum Scriptura sacra ubique facit, & Deum in Sanctis suis laudari jubet. Secundo, ut fidem etiam Sanctorum, qua vicerunt regna, operati sunt justitiam, adepti sunt repromissiones, suspiciamus; ipsosque veluti jam perpetuos filios Dei, fratres, & coheredes Christi, templaque Spiritus sancti honore.

Sanctos ex fide plurimum commendasset, addidit: cap. 12. *Idcirco & nos tantam habentes impositam nobis tassum, deponentes omne pondus, & circumstantes nos peccatum; per patientiam curramus ad propositum nobis certamen, aspicientes in auctorem fidei, & consummatorem Jesum.*

Plura de hoc argumento suppediabit Dissertatio quarta in Historia nostra ecclesiastica seculi quinti, quest. 2. art. 1.

ARTICULUS III.

Sacrarum Reliquiarum honor primo Decalogi præcepto non repugnat.

Martyres enim, aliove sanctos viros cum Christo regnantes, non adoramus, multo minus ipsorum Reliquias, ne serviamus creaturæ potius, quam Creatori; sed „ „ Honoramus Reliquias Martyrum, ut eum, cujus sunt Martyres, adoremus. Honoramus servos, ut honor servorum redundet ad Dominum, qui ait: *qui vos suscipis, me suscipis* „ „ (inquit S. Hieronymus lib. *Contra Vigilantium* hæreticum, qui debitum Sanctorum Reliquiis honorem primus impugnavit.) Quem Ecclesiæ universæ more, atque usu refellit S. Doctor, præsertimque Romanæ, cujus Episcopus *Super SS. Petri, & Pauli ossa veneranda offert Domino Sacrificia, & tumulos eorum Christi arbitratur Altaria.* Honorem Sanctorum Reliquiis debitum probant miracula, quæ Deus ad eorum sepulcra edidit, atque etiamnum edit, cum ipsi placet, ac supplicantium fides id meretur; oculis, & manibus, membrisque omnibus captis, in pristinum statum restitutis, mortuis ad vitam revocatis, ex corporibus hominum ejectis demoniis; quæ non legisse, ut multi non audivisse, ut plurimi gravissimi viri, sed se vidisse, testes locupletissimi SS. Ambros. & August. literis prodiderunt: ille in *Exhortatione Virginitatis* cap. 1. & 2. ubi de sanctorum Martyrum *Visalis & Agricola* Reliquiis, & Epist. 24. Pa.

Super Sanctorum corpora Deo eriguntur Altaria.

Miracula ad Sanctorum sepulcra edita.

Parisiensis editionis postremæ, ubi de inventionē corporum *SS. Gervasii* ; & *Prothasii* Martyrum scribit ; iste vero lib. 9. *Confessionum* ; cap. 7. & lib. 22. *De Civitate Dei*, cap. 8. ubi, & de *S. Stephani* Protomartyris Reliquiis nuper inventis multa habet, & de variis miraculis illarum virtute effectis. Et Sermone 217. alias 92. *De Diversis* ; qui quartus est de *S. Stephano* Martyre : „ „ Exiguus pulvis (*inquit*) tantum populum congregavit ; cinis latet, beneficia patent. Cogitate, charissimi, quæ nobis Deus servet in regione vivorum, qui tanta præstat de pulvere mortuorum „ „ Quid multa ? Si Apostoli *Pauli* sudaria, & semicincta ; si umbra *S. Petri*, priusquam vita per Martyrium functi essent, depulerunt morbos, viresque restituerunt, ut *Actuum* 9. & 19. refert *S. Lucas* ; quis negare audeat, Deum per sacros cineres, ossa, cæterasque Sanctorum Reliquias similia miracula patrare ? Id declaravit cadaver illud, quod sorte illatum in sepulcrum *Elisei*, ejus tactis ossibus subito revixit. (4. Reg. 13.) Ex quibus Scripturæ sacræ locis honorem Sanctorum Reliquiis debitum probaverunt quarti seculi Patres, præsertim *S. Cyrillus Hierosolymitanus* Catechesi 18. & *S. Hieronymus* Epistola 53. ad *Riparium*. De errore *Vigilantiæ* ; ejus ad finem se Ecclesiæ fidem propugnare diserte asserit : „ Non tam (*inquit*) illius infidelitatem, quæ omnibus patet, quam nostram fidem aperuimus „ „ Secundum

creta : „ Sanctorum Martyrum , & aliorum cum Christo viventium sancta corpora , quæ viva membra fuerunt Christi , & templum Spiritus sancti , ab ipso ad æternam vitam suscitanda , & glorificanda , a Fidelibus veneranda esse ; per quæ multa beneficia a Deo hominibus præstantur , ita ut affirmantes , Sanctorum Reliquiis venerationem , atque honorem non deberi ; vel eas , aliqua sacra monumenta a fidelibus inutiliter honorari ; atque eorum opis impetrandi causa Sanctorum memorias frustra frequentari ; omnino damnandos esse , prout jampridem eos damnavit , & nunc etiam damnat Ecclesia „

Sanctorum
corpora
membra
sunt Chri-
sti , templ
Spiritus
sancti.

Hoc argumentum plenius tractatum est Dissertatione quinta in Historiam nostram ecclesiasticam sæculi quinti , questione prima.

ARTICULUS IV.

Sanctorum invocatio primo Decalogi præcepto non prohibetur.

Hæc propositio Dogma fidei est , cum Scriptura sacra , & Traditio , quæ Deum unum adorandum , illique soli serviendum ubi clamat , angelotum nihilominus , & Sanctorum eum Christo viventium invocationem approbent , ut piam , atque utilem. Genesis scilicet 48. refertur Jacob Patriarcham filiis suis benedicientem , sic precatum fuisse : *Angelus , qui eruit me de cunctis malis , benedicat pueris istis ; & invocetur super eos nomen meum ; nomina quoque Patrum meorum Abraham , & Isaac.* En invocationem expressam Angeli , & sanctorum Patriarcharum defunctorum. Apocalypsis cap. 1. S. Joannes pacem fidelibus adprecatur ab Angelis thronum Dei cingentibus : *Gratia vobis , & pax* (inquit) *ab eo , qui est , & qui erat , & qui venturus est , & a septem Spiritibus , qui in conspectu throni ejus sunt.* Sic autem pacem ab angelis adprecari , quid aliud est , quam ipsorum patrociniū invocare , ut gratiam , & pacem a Deo pro fidelibus postulent ? Exodi 32. Moyses Deo

Sanctorum
invocatio
pia , atq
utilis.

his verbis supplicat : *Recordare , Domine , Abraham , Isaac , & Israel servorum tuorum , quibus jurasti per semetipsum , &c.* Et 2. Paralip. 6. Salomon Deum orans , ait : *Memento misericordiarum David servi tui.* Deus ipse propter merita Sanctorum beneficia confert hominibus , ut constat ex his verbis 4. Reg. 19. *Protegam urbem hanc , & salvabo eam propter me , & propter David servum meum.* Pium igitur , ac utile est Sanctorum merita coram Deo allegare , ut illius beneficia impetremus.

Sanctos pro nobis orare fides docet. Præterea , Sanctos pro nobis orare , Scriptura sacra docet , *Jeremia* cap. 17. ubi Dominus ait : *Si steterint Moyses , & Samuel coram me , non est anima mea ad populum istum.* Ex quibus colligitur , Moysen , & Samuelem orare solitos pro populo Israel , non solum dum in terris viverent , sed etiam post felicem obitum. *Machabæorum* 2. cap. 15. *Jeremias* mortuus orare dicitur pro populo : *Hic est fratrum amator , & populi Israel ; hic est , qui multum orat pro populo , & universa sancta civitate , Jeremias Propheta Dei.* Sed & *S. Petrus* orationes suas , ac patrocinium apud Deum fidelibus post obitum suum pollicetur , *Epist.* 2. cap. 1. *Dabo autem operam , & frequenter habere vos post obitum meum , ut horum memoriam faciatis.* Denique *Apocalypsis* 5. legimus , quod *Vigintiquatuor Seniores ceciderunt coram agno , habentes singuli citrathas , & phialas aureas plenas odoramentorum , quæ sunt*

param Virginem , S. Petrum , S. Stephanum orare pro nobis ; eorum itaque precibus concede , ut tuæ protectionis auxilio muniamur ; siue dicamus : Sancta Maria mater Dei , S. Petre , S. Stephane , orate pro nobis. Sed quantum ad nos attinet , cum Sanctos nominatim invocamus , non solum fidem , sed etiam mutuæ charitatis affectum exprimimus ; persuasum habentes , Deiparam Virginem , Apostolos , & Martyres , qui adhuc in corpore constituti pro cæteris orare voluerunt , & potuerunt , nunc tanto magis *De nostra salute esse sollicitos* , cum *de sua sorte securi sunt* , post coronas , victorias , & triumphos ; ut *S. Cyprianus lib. De Mortalitate* , & *S. Hieronymus lib. Contra Vigilantium* loquuntur. Ad quam rationem accedit consuetudo ab Apostolis accepta , & in Ecclesia Dei perpetuo retenta , & conservata , cujus testes sunt *SS. Cyprianus Epist. 57. Basilii Oratione in 40. Martyres* , *Gregorius Nazianzenus Oratione 18. in S. Cyprianum* , & *Oratione 20. de laudibus S. Basilii* ; *Gregorius Nyssenus Oratione de Theodoro Martyre* ; *Joan. Chrysostomus Homilia 45. de S. Meletio* ; *Asterius Amalenus Episcopus in Encomio Martyrum* ; *Ambrosius lib. De Viduis* , cap. 9. *Augustinus libro 7. de Baptismo contra Donatistas cap. 1. S. Cyprianum invocans* , & passim in sermonibus ; Synodus Chalcedonenfis oecumenica , cujus Patres actione 11. conclamarunt : *Flavianus post mortem vivit* , *Martyr pro nobis orat*. S. Leo Serm. 1. De Natali Apostolorum Petri , & Pauli ; *Theodoretus lib. De curandis Græcorum affectionibus Serm. 8. qui De Martyribus inscribitur* , & alii. Itaque jure merito sacra Synodus Tridentina sess 25. pronuntiavit : „ „ Sanctos cum Christo regnantes orationes suas pro hominibus Deo offerre ; bonum , atque utile esse suppliciter eos invocare , & ob beneficia impetranda a Deo per filium ejus Jesum Christum Dominum nostrum , qui solus noster Redemptor , & Salvator est , ad eorum orationes , opem , auxiliumque confugere ; illos vero , qui negant Sanctos , æterna felicitate in cælo fruen-

tes, invocandos esse, aut qui asserunt, vel illos pro hominibus non orare; vel eorum, ut pro nobis etiam singulis orent, invocationem esse idololatriam; vel pugnare cum verbo Dei, adversarique honori unius mediatoris Dei, & hominum Jesu Christi; vel stultum esse in cœlo regnantibus voce, vel mente supplicare, impie sentire „„.

Objectionibus hæreticorum respondetur.

Impie igitur hæretici obijciunt, supervacaneum esse Sanctorum patrocinium, quod Deus sine interprete precibus nostris occurrat. Multa enim Deus non concedit, nisi mediatoris, ac deprecatoris opera, & officium accesserit. Quod illustribus Abimelech, & Job amicorum confirmatur exemplis, quorum peccata nonnisi Abraham, & Job precibus condonavit. *Genesi* scilicet 20. Dominus Abimelecho sic de Abraham loquitur: *Orabit pro te, quia Propheta est, & vires.* Et Job ultimo sic amicos sanctissimi, patientissimique viri compellat: *Job autem servus meus orabit pro vobis, faciem ejus suscipiam, ut non imputetur vobis stultitia.* Sic *Joelis* 2. jubentur Sacerdotes inter vestibulum, & altare supplicare pro populo, & dicere: *Parce, Domine, parce populo tuo, &c.* Sæpe etiam in *Levitico* dicitur: *Rogabit pro eo Sacerdos, & dimittetur ei.* Hinc Deus Moyfi pro populo Israel oranti ait: *Dimitte me, ut irascatur furor meus.* Quibus verbis significavit: „„ Plurimum apud se prodelle illi populo, quia sic ab illo viro dilige-

milantium orationes ; cum pro aliis apud Deum intercedunt ; multo minus supervacaneæ sunt orationes Sanctorum in coelis regnantium ; eorumque patrocinium apud Deum adhibere , salutis nostræ rebus longe utilius erit. Unde *S. Augustinus*, Sermone 320. alias 51. *De Diversis*, qui sextus est de *S. Stephano*, ait : „ In cujus nomine faciebat, antequam „ carnem deponeret, in ejus nomine faciunt orationes ejus, ut beneficia impetrentur, quibus novit „ ea dari debere „

Frustra etiam quis objiceret, fieri inopia, & imbecillitate fidei, ut Sanctos internuntios, & patronos adhibeamus ; nam pius ille Centurio, cujus fidem singulari præconio Christus Dominus commendavit, dicens: *Non inveni tantam fidem in Israel*; Seniores tamen Judæorum amicos suos ad Salvatorem misit, ut laboranti puero salutem impetrarent. Matth. 8.
& Luc. 7.

Verum, inquiunt, solum Deum invocare licet, dicente Apostolo ad Rom. 10. *Quomodo invocabunt, in quem non crediderunt?* Unde *S. Augustinus*, lib. 20. *De Civitate Dei*, cap. 10. ait : „ „ Non erigimus altaria, in quibus sacrificemus Martyribus, sed uni Deo & Martyrum, & nostro ; ad quod Sacrificium, sicut homines Dei, qui mundum in ejus confessione vicerunt, suo loco & ordine nominentur ; non tamen a Sacerdote, qui sacrificat, invocantur „ „ Sacrificium
Sanctis nom
offertur,
sed uni
Deo.

Huic objectioni facile respondetur ; Apostolum loqui de invocatione Deo propria, qua ipsum, ut bonorum omnium, ac nostræ salutis primum, solum que auctorem appellamus, & pro ope sua virtute impertienda interpellamus. Præmiserat enim Apostolus: *Idem Dominus omnium, dives in omnes, qui invocant illum. Omnis enim quicumque invocaverit nomen Domini, salvus erit.* Sed hoc modo non invocamus Sanctos, sed, illos interpellamus, ut Dei amicos, ac ministros ; ut Deum, apud quem gratia, ac favore, meritisque plurimum possunt, pro nobis orent, ut nobis laborantibus sua, non ipsorum virtute, opem afferat salutarem ; quemadmodum Apostoli

*Solus Deus
invocatur,
ut nostræ
salutis, &
bonorum
omnium
auctor.*

210 Theol. Dog. & Moral. Lib. IV.

Matth. 15. Christum pro muliere Chanaanæ deprecabantur, dicentes: *Dimitte eam, quia clamat post nos.* Nomen porro invocationis hoc etiam sensu congrue usurpari Scriptura sacra docet Gen. 48. ubi Jacob filiis Joseph benedicens, ait: *Invocetur super eos nomen meum, nomina quoque patrum meorum Abraham, & Isaac.* Eum autem, qui sic invocatur, fidei nostræ objectum esse minime necesse est; alioqui Sanctorum in terris viventium opem, & patrocinium apud Deum expetere non possemus, quia ipsos non credimus. Idem est *S. Augustini* sensus; sanctos enim Martyres ea solum ratione invocari negat, ut eis Sacrificium offeratur. Unde subdit: „Deo quippe, non ipsi sacrificat, quamvis in memoria sacrificet eorum; quia Dei Sacerdos est, non illorum. Ipsum vero Sacrificium corpus est Christi, quod non offertur ipsis, quia hoc sunt & ipsi „„

1. Ad Tim. Injuriam fieri Christo Jesu, qui *Unus mediator Dei,*
2. & *hominum* est, si Sanctos velut mediatores nostros
Sanctorum invocatio apud Deum interpellemus, abique ratione obijciunt
Christi mediatoris dignitatem, & gloriam non inimit. hæretici. Quamvis enim solus Christus perfecta ratione mediator sit Dei, & hominum: mediator (inquam) redemptionis officio, quia *Dedit semetipsum*
1. *redemptionem pro omnibus*, ut loquitur ibidem Apostolus, qui unus per sanguinem Patri coelesti nos reconciliavit; & qui *Per proprium sanguinem introiit semel in sancta, æterna redemptione inventa: Et*

latus 3. scribit: *Legem ordinatam fuisse per Angelos in manu mediatoris*, hoc est, in manu Moyſis. Et certe ſi propterea ſubſidiis Sanctorum uti non liceat, quod unum patronum habemus Jeſum Chriſtum, nunquam commiſiſſet Apollolus, ut ſe tanto ſtudio fratrum viventium precibus commendari, & adjuvari vellet. Neque enim minus vivorum preces, quam eorum, qui in cœlis ſunt, Sanctorum deprecatio, Chriſti mediatoris gloriam, & dignitatem imminuerent. Id totum *S. Auguſt.* paucis verbis explicat lib. 2. *Contra Parmenianum*, cap. 8. *Homines omnes Chriſtiani invicem ſe commendant orationibus ſuis. Pro quo autem nullus interpellat, ſed ipſe pro omnibus, hic unus, verusque mediator eſt*; de quo *S. Joannes* Epist. 1. cap. 2. ſcribit: *Si quis peccaverit, advocatum habemus apud Patrem Jeſum Chriſtum.* Sancti tamen pro nobis divini miſericordiam deprecantur; pro ſe invicem omnia Eccleſiæ membra orant: *Caput pro omnibus interpellat* (inquit *S. Auguſt.* Tract. 1. in Epistolam 1. *S. Joannis.*) Verum quidquid a Deo, adhibita Sanctorum interceſſione petit Eccleſia, totum illud Chriſti meritis ſe impetraturam proſitetur, & confidit, orationes ſuas his verbis abſolvens: *Per Dominum noſtrum Jeſum Chriſtum.* Hac de veritate perſuaſa, quam *S. Auguſtinus* in Pſal. 108. literis prodidit: „Oratio, quæ non fit per Chriſtum, non ſolum „non poteſt delere peccatum, ſed etiam ipſa fit in „peccatum „.

Qua autem ratione Sancti neceſſitates noſtras, preceſque cognoscant, non eſt curioſius diſquirendum. Quamquam enim viventium rebus *per naturam* intereſſe non poſſunt, interſunt tamen *per divinam potentiam*. Poſſunt referentibus angelis ea diſcere, quæ hic aguntur, quæ unumquemque illorum noſſe debere judicat Deus, cui cuncta ſubjecta ſunt. Poſſunt *Spiritu Dei revelante* cognoscere non ſolum præterita, vel præſentia, verum etiam futura, *Quia neceſſarium eſt eos noſſe*, & quæ ad eorum ſtatum pertinent (ut ait *S. Auguſt.* libro *De Cura gerenda pro morinis*,

Modus, quo Sancti preces noſtras cognoscunt, ſummam ſi lei non ſpectat.

212 Theol. Dog. & Moral. Lib. IV.

cap. 15.) Utut est, probabilior est, & recepta in scholis Theologorum sententia. Sanctos in Deo, quem vident sicuti est, preces ad se directas cognoscere, secundum illud *Sancti Gregorii*, lib. 12. *Moralium*, cap. 14. „ Quæ intus omnipotentis Dei claritatem „ vident, nullo modo credendum est, quia foris sit „ aliquid, quod ignorant „. Hinc *Sanctus Gregorius Nazianzenus* Oratione 24. de *Sancto Athanasio* ait: *Ab alto recte novit, res inspicit nostras.* Sane si *I.ue. 15. 7.* *Gaudium est in celo super uno peccatore penitentiam agente; cœlestes cives nosse, quæ hic aguntur, quantum Deo placet, ut noscant, minime dubium est.* De hoc argumento plura dabit dissertatio 5. in *Historiam nostram ecclesiasticam seculi 5. art. 2.*

A R T I C U L U S V.

Primi præcepti tertia pars explicatur: Non facies tibi sculptile, &c.

Exod. 20. **Q**uod dictum est: *Non habebis Deos alienos coram me*, sequentibus verbis perfectius explicatur: *Non facies tibi sculptile, neque omnem similitudinem, quæ est in celo desuper, & quæ in terra deorsum, nec eorum, quæ sunt in aquis sub terra, non adorabis ea, neque coles.* Quo præcepto pingendi, fingendi, sculpendique artem omnino prohiberi non existimandum. Nam in Scriptura iussu Dei simulacra, & ima-

da, veluti olim fiebat a gentibus, quæ in idolis
 spem suam collocabant, quod passim sacræ literæ
 reprehendunt. Altera, si qui conetur divinitatis
 formam aliquo artificio effingere, quasi corporeis
 oculis conspici, vel coloribus, aut figuris exprimi
 possit. Quis enim Deum, qui sub aspectu non ca-
 dit, qui corporis expers est, qui nullis terminis
 circumscribi, nec ulla figura describi queat, possit
 exprimere. (inquit S. Joan. Damascenus lib. 4.
 De Fide orthodoxa, cap. 17.) Quæ res in septimâ
 Synodo Oecumenicâ, Nicææ celebrata, actione 3.
 uberius explicatur. Præclare igitur Apostolus ad Ro-
 manos 1. de Gentilibus ait: *Mutaverunt gloriam in-*
corruptibilis Dei in similitudinem imaginis corruptibilis
hominis, & volucrum, & quadrupedum, & serpen-
tium. Propter quod tradidit illos Deus in desideria cor-
dis eorum... *Qui commutaverunt veritatem Dei in*
mendacium; & coluerunt, & servierunt creature potius
quam Creatori, qui est benedictus in secula. Creaturas
 enim tanquam Deos venerabantur, qui creaturarum
 rerum imagines ponebant. Quocirca Israelitæ, qui
 ante vituli simulacrum aureum clamabant: *Hi sunt* Exod. 32.
Dii tui Israel, qui te eduxerunt de terra Egypti, il-
 ludque adoraverunt, merito idololatræ sunt appel-
 lati; quia *Mutaverunt gloriam suam in similitudinem* Psal. 105.
vituli comedentis fœnum.

Cum igitur Dominus Deos alienos coli prohibuis-
 set; ut penitus idololatriam tolleret, imaginem di-
 vinitatis ex ære duci, aut alia quavis materia fieri
 prohibuit; quod *Isaias* declarans cap. 40. ait: *Cui*
similem fecistis Deum, aut quam imaginem ponetis ei?
 Qui scilicet spiritus est, & in omnibus est, & ubi-
 que dilcurrit, & terram quasi pugillo continet. Et
 intra: *Cui similis es me, & adæquastis? dicit Sanctus.*
 Hinc Moyses populum avertere ab idololatria volens,
Deut. 4. ait: *Non v distis aliquam similitudinem in die,*
qua locutus est Dominus vobis in Ore de medio ignis;
ne forte decepti faciatis vobis sculptam similitudinem,
aut imaginem masculi, vel femina, similitudinem om-

nium jumentorum, quæ sunt super terram, vel avium sub cælo volantium, atque reptilium, quæ moventur in terra, sive piscium, qui sub terra morantur in aquis; ne forte elevatis oculis ad cælum videas solem & lunam, & omnia astra cæli, & errore deceptus adores ea, & colas, quæ creavit Dominus Deus tuus in ministerium cunctis gentibus, quæ sub cælo sunt. Hinc Apostolus Atheniensibus Evangelium prædicans. *Act. 17.* ajebat: Genus ergo cum simus Dei, non debemus existimare auro, aut argento, aut lapidi sculptura artis, & cogitationis hominis, divinum esse simili,

ARTICULUS VI.

Ufus, & veneratio sacrarum Imaginum hoc præcepto non prohibentur,

Ufus, &
veneratio
sacrarum
imaginum.

Christi enim Domini, Deiparæ Virginis, & omnium Sanctorum imagines & habere, & venerari, grati animi certissimum argumentum est, & magnas utilitates affert. Siquidem libri sunt rudium, & imperitorum; & ad cognoscendum utriusque testamenti historiam, atque ejus memoriam identidem renovandam plurimum conducunt; qua rerum divinarum memoria excitati, ad colendum, atque amandum Deum vehementius accenduntur. Sanctorum quoque imagines in templis collocantur, ut eorum pie gesta in memoriam revocemus, eosque studea-

De primo Decalogi præcepto: 219

num Inklusum data, qui Christi imaginem ab ipso postulaverat, scribit: „ Valde nobis postulatio tua placuit; quia illum toto corde, tota intentione quaeris, cujus imaginem præ oculis habere desideras, ut te visio corporalis quotidiana reddat exercitatum, ut dum picturam illius vides, ad illum animo inardescas, cujus imaginem videre desideras. Abs re non facimus, si per visibilia invisibilia demonstramus. Sic homo, qui alium ardentem videre desiderat, aut sponsam amans, videre conatur, si contigerit eam ad balneum, aut ad Ecclesiam ire, statim per viam incedenti se præparat, ut de visione ejus hilaris recedat. Scio quidem, quod imaginem Salvatoris nostri non ideo petis, ut quasi Deum colas, sed ob recordationem filii Dei in ejus amore recalescas, cujus imaginem videre desideras. Et nos quidem non quasi ante divinitatem, ante illam prosternimur; sed illum adoramus, quem per imaginem, aut natum, aut passum, sed & in throno sedentem recordamur „ „ Uno verbo, & Christi Salvatoris imaginem, & crucem, quam suo sanguine consecravimus, ejusque figuras, & signa veneramus: *Non latria; sed habitudine* (ut loquitur septima Synodus generalis) id est, eo cultu, & honore, qui ad prototypum referatur. Et cum Fideles coram Christi, Deiparæ Virginis, aut Sanctorum imaginibus procumbunt, vel orant, non imagines ipsas, sed Christum coram imagine sua adorant; Deiparam, vel Sanctos coram eorum imaginibus venerantur; Deum orant, Sanctorum apud Deum patrocinium implorant, ut constat ex romano Pontificali, in benedictione imaginum: „ „ Omnipotens sempiterne Deus, qui Sanctorum tuorum imagines, seu effigies sculpi, aut pingi non reprobas, ut quoties illas oculis corporis intuemur, toties eorum actus, & sanctitatem ad imitandum memoriam oculis meditemur; hanc quaesumus imaginem in honorem, ac memoriam beati Apostoli tui, *vel* Martyris, Confessoris, *aut* Virginis adaptatam benedicere, ac sanctificare digneris; & præsta, ut qui

cunque *Coram illa* ipsum gloriosissimum Apostolum tuum, *vel Martyrem, Confessorem, aut Virginem* suppliciter honorare studuerit, illius precibus, ac obtentu a te gratiam in presenti, & æternam gloriam obtineat in futurum: Per Dominum nostrum Jesum Christum Filium tuum „ „

Honorem sacris imaginibus Christi, Deiparæ Virginis, & Sanctorum debitum, Traditione, seu verbo Dei non scripto confirmatum asseruere SS. Patres, vindicavit Ecclesiâ, quæ Iconomachos illud fidei catholicæ caput imple, ac proterve negantes, illas frangentes, ac evertentes, idolaque appellantes, damnavit, & anathemate confixit septima Synodo generali Nicææ congregatâ, *Hadriano I.* romano Pontifice per legatos præsidente, Imperatoribus Orientis *Constantino, & Irene* ejus matre, promouentibus, anno Christi 787. Tridentina Synodus eandem Traditionem secuta, Ecclesiæ fidem circa sacrarum imaginum usum, ac venerationem confirmavit, declaravit, explicuit contra recentes hæreticos, his verbis, sess 25. „ „ Imagines Christi, Deiparæ Virginis, & aliorum Sanctorum, in templis præsertim habendas, & retinendas, eisque debitum honorem, & venerationem impertiendam, *Pastores docere debent*; non quod credatur inesse aliqua in iis diuinitas, vel virtus, propter quam sint colendæ, vel quod ab iis sit aliquid petendum; vel quod fiducia

vel aliis similitudinibus expressas, erudiri, & confirmari populum in articulis fidei commemorandis, & assidue recolendis; cum vero ex omnibus sacris imaginibus magnum fructum percipi; non solum quia admonetur populus beneficiorum, & munerum, quas a Christo sibi collata sunt; sed etiam quia Dei per Sanctos miracula, & salutaria exempla oculis Fidelium subjiciuntur, ut pro iis Deo gratias agant, ad Sanctorumque imitationem vitam, moremque suos componant; excitenturque ad adorandum, & ad diligendum Deum, & ad pietatem colendam. Si quis autem his Decretis contraria docuerit; anathema sit „ „

De hoc argumento plura dabit Dissertatio 6. in Historiam nostram ecclesiasticam seculi 8.

ARTICULUS VII.

Regula proxim spectantes circa Sanctorum invocationem, Sacrarum Reliquiarum honorem, & imaginum venerationem.

REGULA PRIMA.

Cum invocantur Sancti, spes, fiduciaque omnis in solo Deo collocanda est. Nec singulorum morborum curam ita singulis Sanctis peculiariter assignatam esse existimare Fideles debent, quasi ad eorum curationem, aut levamen obtinendum aliis suis apud Deum suffragiis nihil possint.

Maledictus, qui confidit in homine, etiam Sancto, sed spes omnis, & fiducia in Deo reponenda est, ut monet S. Petrus Epistolæ suæ primæ, cap. 5. *Omnem sollicitudinem vestram projicientes in eum, quoniam ipsi cura est de vobis.* Docenda est igitur plebs fidelis, ut Deo tanquam omnis boni, tam spiritualis, quam corporalis auctori suas preces offerat, Sanctis vero non aliter, quam intercessoribus, & patronis. Sicut ergo Aza Rex Juda, cum ægrotasset dolore pedum vehementissimo, non ob id reprehensus est, quod medicorum opem implorasset, cum alibi dicat

Ecol. 32.

cat Scriptura: *Honora medicum, propter necessitatem* *esenim creavit illum Altissimus; sed quia In infirmi-* *tate sua non quæsit Dominum, sed magis in medico-* *rum arte confisus est; ut habetur 2. Paralip. 16. cum* *tamen absque Domini ope, ne tantillum quidem om-* *nis medicorum ars valeat, sicut scriptum est Psal. 87.* *Nunquid medici suscitabunt, & confitebuntur tibi? Sic* *non in Sanctis, qui divinæ medicinæ sunt adjuto-* *res, quatenus animæ, corporisque sanitatem precibus* *suis impetrant Fidelibus, qui ipsorum implorant opem;* *sed in Deo, & Christo, in cujus manu sunt vita,* *& mors, qui mortificat, & vivificat, deducit ad in-* *feros, & reducit, spes omnis, ac fiducia ponenda* *est. Non enim sua virtute, aut potestate morbos* *curant, eduntque miracula Sancti, siue in terris vi-* *ventes, siue regnantes in cœlo, sed Dei virtute, ut* *docet S. Petrus Act. 3. Viri Israelitæ, quid miramini* *in hoc, aut nos quid intuemini, quasi nostra virtute,* *aut potestate fecerimus hunc ambulare? Deus Abra-* *ham, & Deus Isaac, & Deus Jacob, Deus Patrum* *nostrorum, glorificavit Filium suum Jesum.., Et in* *fide nominis ejus hunc, quem vos vidistis, & nostis,* *confirmavit nomen ejus; & fides, qua per eum est, de-* *dit integram sanitatem istam in conspectu omnium ve-* *strum. Quamobrem non est existimandum Sanctis* *certos morbos sanandi potestatem quasi viritum ad-* *scriptam sic esse, aut curationum dona ita esse in-*

morte illius intercessione liberare dignetur. Hoc pacto spes sanitatis consequendæ non in *S. Rochem*, sed in Christum conjicitur, idque fide, per recordationem miraculorum, intercessione *S. Roebi* a Deo editorum, excitata. Sic in Hiltoria *S. Agnetis Virginis*, & *Martyris*, Epist. I. inter eas, quæ ex *Ambrosianarum* numero segregatæ, & in appendicem rejectæ sunt in editione postrema *Parisiensi*, *Constantia* Augusta Agnetem Virginem precatur ad ejus sepulcrum, non ut vulneribus suis medeatur, sed ut pro se apud Christum Sponsum suum intercedat. Subinde *Agnes Constantiæ* repentina somni suavitate correptæ respondet: „„ Constante age, *Constantia*, & crede Dominum Jesum Christum filium Dei esse Salvatorem tuum, per quem modo consequeris omnium vulnerum, quæ in corpore tuo pateris, sanitatem „„. Non sibi, sed Domino Jesu donum sanitatis *Agnes* tribuit. Et subdit auctor Epistolæ: „ Quotquot credentes ad ejus sepulcrum advenissent, salvantur, quacunque infirmitate detenti essent. Quod facere Christum nullus dubitat usque „ in hodiernum diem „. Sic cum oramus, ut quemadmodum Deus animum *Apolloniæ Virginis*, & *Martyris* confirmavit, ne contusione dentium a fidei confessione deficeret; ita & nobis, cum dentium dolore vexamur, patientiam tribuat, nosque corroboret; non adscribimus *S. Apolloniæ* dentium medelam, sed Dei misericordiam imploramus, cujus in *Apollonia* specimen exhibuit. Doceantur itaque populares minus docti: „„ Ut cum Sanctorum memorias visitant, & eorum auxilium implorant, ac christiana consuetudine Orationem dominicam recitant, intelligant, se eam non ad Sanctos, sed ad Deum dirigere, adjunctis sibi comprecatoribus sanctis „„; Decretum est Concilii *Cameracensis* anno 1656. Quod & populo explicari jubet discrimen locutionis, qua ula est. & utitur Ecclesia, cum invocatur Deus, & cum invocantur Sancti; in ea enim facile perpicitur alium esse cultum, qui exhibetur Deo, alium, qui Sanctis deferatur. R E.

R E G U L A II.

Nulla nova miracula prædicanda sunt, aut admittenda, nec novæ Reliquiæ recipiendæ, nisi recognoscante, & approbante Episcopo; qui simul atque de iis aliquid compertum habuerit, adhibitis in consilium Theologis, & aliis piis viris, ea faciat; quæ veritati, & pietati consentaneæ judicaverit.

Sanctorum
Reliquiæ,
ac miracu-
la.

Ita statuit sacra Synodus Tridentina, sess. 25. idemque decernunt Concilia Mediolanensia I. IV. & VI. sub *S. Carolo Borromeo*, Synodus Turonensis anno 1583. Bituricensis 1584. Aquisensis 1585. Tolosana 1590. Quomodo autem in ea recognitione se gerere debeat Episcopus, Conc. Mediolanense IV. p. 1. c. 2. explicat hunc in modum: „„ Scripta, tabulæ, litteræ, certi annalium codices, aliæque cujusque generis monumenta, quæ in iis ipsis Ecclesiis, earumve atriis, atque ædibus, aut aliis locis extant, schedulæque vasculis, arceisve sacrarum Reliquiarum affixæ, inclusæve recognoscantur accurate, & diligenter. Unde illarum vel translatio, vel collocatio ibi facta cognosci, aut alia ejusmodi notitia earumdem haberi queat. Testes præterea conquirantur, si qui sunt, qui testimonium dent antiquæ, constantisque traditionis, ex qua certa earum cognitio constet. Deinde ut singulæ ipsæ sacre Reliquiæ, quas extare compertum est, re ipsa cernantur; ita tamen, ut ubi

monium constet „ „ Jus autem illud recognitionis, & approbationis sacrarum Reliquiarum habent Episcopi in Ecclesiis etiam Regularium, aliisque quavis immunitate, aut privilegio donatis, ut declarat Concil. Mediolanense IV. sub *S. Carolo*.

In primis autem romani Pontificis auctoritate, & approbatione opus est, ut inventæ de novo Reliquiæ venerationi Fidelium publice exponantur, ut declarat Concil. Lateranense IV. sub *Innocentio III.* cana 62, & refertur cap. *Cum ex eo*, Extra *De Reliquiis, & veneratione Sanctorum*.

R E G U L A I I I.

Omnis abusus, omnisque superstitio in sacrarum Reliquiarum expositione, & cultu sedulo ab Episcopis extirpari debet, caverique præsertim, ne turpis lucrî, sive quæstus gratia exponantur.

Ita statuit sacra Synodus Tridentina, post Lateranensem sub *Innoc. III.* Canone mox citato, itent Synodus Mediolanensis I. & aliæ post Tridentinam celebratæ.

Ad superstitionem etiam pertinet, quod de Sanctis anonymis, & ignotis, quorum Reliquiæ ex romanis Christianorum veterum Cœmeteriis, sive Catacumbis erutæ sunt, ac vindicatæ, Officia, Missæ, Octavæque solemnes celebrantur in Ecclesiis quibusdam, ad quas translatae sunt, eorumque elogia publice prædicantur. Quamvis enim possint in Ecclesiæ recitari officia, & Missæ celebrari de illis Sanctis, quorum corpora, & reliquiæ insignes in ea asservantur, secundum Decretum sacre Congregationis rituum, & præscriptum Rubricarum Breviarii romani; id tamen „ „ de Sanctis duntaxat in Martyrologio romano descriptis, *intelligendum esse*, & dummodo constet de identitate corporis, seu reliquiæ insignis illiusmet Sancti, qui reperitur in Martyrologio romano descriptus; *Eminentissimi Patres sacre rituum Congregationis præpositi declararunt*, de cæteris au-

222 Theol. Dog. & Moral. Lib. IV.

autem Sanctis in prædicto Martyrologio non descriptis, aut quibus a sancta Sede non fuerit specialiter concessum, officia recitari, & Missas celebrari venterunt, non obstante, quod ipsorum corpora, vel insignes Reliquiæ in Ecclesiis asservuntur; quibus tamen ab Ordinariis locorum approbatis debitam fidelium venerationem (prout hactenus servatum est) exhibendam esse censuerunt, sed absque officio, & Missa, sub poenis de non satisfaciendo præcepto recitandi officium, aliisque in Constitutione S. Pii V. contentis „ „. Dècretum istud die 2. Aug. 1691. editum approbavit, & executioni mandari iussit *Innoc. XII.* Pontifex maximus die 19. Octobris ejusdem anni.

R E G U L A I V.

Sacræ Reliquiæ in vasculis honestis, & decoris recondi debent, & religiose servari, nusquam vero extra capsam, aut loculum ostendi; nec absque sacris ritibus, quibus Fideles ad earum venerationem excitentur.

Sacrarum
Reliquia-
rum vene-
ratio.

Hanc Regulam tradunt *Innocentius III.* cap. *Cum ex eo*, Extra, de *Reliquiis*, & *veneratione Sanctorum*, Synodus Mediolanensis IV. Bituricensis anno 1584. Aquensis 1585. & aliæ. A Laicis cujusvis ordinis, aut dignitatis hominibus tractari non de-

„ Ne passim omni tempore, sed certis tantum festorum dierum celebritatibus, utpote in nativitate Domini, Epiphania, Pascha resurrectionis, Ascensione, Pentecoste, & ejusmodi, festoque ipso die exponantur, ostendanturve, quo illius Sancti, cujus Reliquiæ sunt, Ecclesiæ, in qua reconditæ sunt, celebritas solemniter, festoque officio agatur; tum præterea quo die ob aliquam causam Episcopus jussit, concesseritve „ „

„ Cum in altari exponuntur, hæc servantur; primo in illis exponendis processio per Ecclesiam ab ejusdem Clero agatur, certo luminum numero adhibito. Rursus idem præstetur, cum reconduntur „ „

„ A Sacerdote, qui post Episcopum in illa Ecclesia digniorem sacerdotalem locum obtinet, nisi aliquando Episcopus ipse id munus sibi obeundum censuerit, exponantur, & recondantur. Isque superpelliceo, & stola, vel pluviali etiam, pro Reliquiarum, Ecclesiæve ratione, indutus sit. Dumque exponuntur, & item cum reconduntur, hymnus canatur, tum antiphonæ, & alia ad hujusmodi rem accomodata, ultimoque loco oratio de Sanctis „ „

„ Dum in altari expositæ sunt, candelæ saltem quatuor grandiores accensæ ibi colluceant; ad earumque custodiam adhibeatur, qui semper assistat, unus, duove, sacris majoribus Ordinibus initiati, iique moribus probati, ac superpelliceo induti. Horum vero Clericorum, non Laicorum opera, ministeriove adhibito, liceat Fidelibus, pietatis, & religionis causâ, Calculorum coronis sacrarum Reliquiarum vascula, loculosve attingere, qua hora Episcopus concesserit „ „

„ Sacris Reliquiis, si sanctissimo Eucharistiæ Sacramento non ita prope quidem eæ collocatæ sunt, ut illius lampade harum cultui satisfiat; lampas propria assidue præluceat; nisi hanc impensam nimia Ecclesiæ, & populi egestas, Episcopi judicio non patitur. Cæterum corporibus Sanctorum, & Re-

liquiis, Episcopi iudicio insignibus, lampas omnibus una semper colluceat „ „.

Mulieres locis, quibus populo colenda Reliquia proponuntur, assidere vetant Synodus Turonensis anno 1183. & Tolosana 1590 At ecclesiasticis personis, non a Laicis in supplicationibus publicis deportari jubet Synodus Bituricensis 1574. nisi forte ex antiqua, & laudabili consuetudine Ecclesiarum, & locorum id illis concessum sit. Si quæ in privatis domibus sint, auctoritate Episcopi ad Ecclesiam reduci decernit Synodus Bituricensis 1584.

R E G U L A V.

Christiana plebs monenda est a pastoribus, ut ad Deum in Sanctis suis laudandum, non ob miracula præcipue, Sanctorum memorias frequentet.

Religiosus
Sanctorum
cultus.

Post tot enim miracula in primitiva Ecclesia edita, alia postulanda non sunt „ Quisquis enim adhuc prodigia, ut credat, inquit, magnam est ipse prodigium, quod, mundo toto credente, ipse non credit (*inquit S. August.*) Fidei ergo excitandæ gratia, non miraculorum præsertim intuitu, Sanctorum memoria, & sacra pignora frequentari debent a Fidelibus. „ „ Quia vero plerumque fit, ut vulgi concursu, populique clamore, aliquid pro miraculo, aut sacris Reliquiis evulgetur, quod revera non est, studeant summopere Episcopi, ubi ejusmodi occasio

R E G U L A V I.

Nemini licet ullo in loco, vel Ecclesia, etiam quomodolibet exempta, ullam insolitam ponere, vel ponendam curare imaginem, nisi ab Episcopo approbata fuerit.

Decretum est sacrosanctæ Synodi Tridentinæ, festi Sanctorum
imagines.
25. Porro pictoribus, & sculptoribus prohibere debent Episcopi, ne quid inordinate, aut præpostere, aut tumultuarie accomodatum, ne quid profanum, aut inhonestum pingant, aut effingant; Domum enim Domini decet sanctitudo. Rectores etiam Ecclesiarum, qui sacram aliquam imaginem insolitam suis in Ecclesiis, etiam exemptis, poni permiserint, Episcopi plectere pro arbitrio possunt, & Censuris ecclesiasticis coercere.

Effigies jumentorum, canum, aliorumque brutorum animalium in Ecclesia pingere, vel sculperere vetitum est; nisi Historiæ sacræ expressio, ex sanctæ matris Ecclesiæ consuetudine hoc postulet. Quamobrem S. Martini equo insidentis statuam in altari poni, minus conveniens est, sed Episcopi potius habitu effingi debet, qui status fuit ipsius perfectior.

„ Imagunculæ illæ parvulæ, fictili opere effictæ,
„ si ita fuco alioque apparatu concinnatæ sint, ut
„ Episcopi judicio vanitatem præ se ferre, aut offensionem præbere videantur ad altare ne adhibeantur. Crux, aut sacra imago, etiam in Ecclesia humi non exprimatur, aut locis uliginosis, quæ picturam deformare possint.

„ Si quæ sacræ tabulæ, imaginæve pictæ, nimia
„ vetustate, carie, situ, aut sordibus pene deletæ,
„ indecenti aspectu sunt; eas Episcopus pia, religiosaque pictura, ab iis, quorum interest, renovari jubeat; aut si id non potest, omnino deleri. Auferantur imagines, Historias apocryphas exprimentes, aliquidve Scripturæ sacræ, aut Traditioni repugnans.

„ Tabulæ Sanctorum imaginibus expressæ, vetu-

„ state consumptæ , in vilem , & sordidum , profan-
 „ numque usum ne convertantur ; sed ut de altaris
 „ pallis , ac vellis temporis usura pene confectis san-
 „ citum est , in ignem conjiciantur ; tum cineres in
 „ pavimento fossis collocentur. Imagines quoque sa-
 „ cræ sculptæ , si deformatæ sint , amoveantur , &
 „ sub pavimento Ecclesiæ , aut saltem sub Coeme-
 „ terii solo collocentur.

„ Novas imagines solemniter , statisque precibus ,
 „ ex Ecclesiæ ritu oportet benedici.

Hæc statuta sunt Concilii Mediolanensis IV. Re-
 menfis , anni 1583. Turonensis eodem anno ; Bitu-
 ricensis anno 1584. Melficani libro 3. tit. 18. Tolo-
 sani anno 1590. cap. 11. quod & indecore vestiri ,
 ornarive sacras imagines vetat ; Avenionensis 1594.
 cap. 26. Mechliniensis anno 1607. tit. 14. Narbonensis
 1609 cap. 7. legantur & instructiones *S. Caroli Bor-*
romæi , de Fabrica Ecclesiæ , lib. 1. cap. 17.

In Sanctorum imaginibus cavendum etiam , ne alio-
 rum hominum viventium , vel mortuorum faciem
 de industria repræsentent , sed curandum , ut os , cor-
 pus , corporis habitus , & status , ornatus , & locus ,
 ad prototypi dignitatem , & sanctitatem apta sint ;
 & decora , atque ex imaginis inspectione pietas ex-
 citetur , non vero turpis cogitationis detur occasio ;
 ut statuunt S. Carolus locis mox citatis , & Cardina-
 lis Paleottus in Concilio Bononiensi l. tit. de *Ima-*

caſionem præbentes, *ſtatuentes eſſe, ſubdit: Quod* ſi aliquando hiſtorias, & narrationes ſacræ Scripturæ, cum id indoctæ plebi expediet, exprimi, & figurari contigerit, doceatur populus, non propterea divinitatem figurari quaſi corporeis oculis conſpici, vel coloribus, aut figuris exprimi poſſit „ „

Idem confirmat Concilii Catechiſmus, p. 2. „ „ Nemo (*inquit*) propterea contra religionem atque legem quidquam committi putet, cum ſanctiſſimæ Trinitatis aliqua perſona quibuſdam ſignis exprimitur, quæ tam in veteri quam in novo Teſtamento apparuerunt. Nemo enim tam rudis eſt, ut illa imagine divinitatem credat exprimi; ſed illis declarari doceat paſtor proprietates aliquas, aut actiones, quæ Deo tribuuntur; veluti cum ex Daniele pingitur antiquus dierum in throno ſedens, ante quem libri aperti ſunt, Dei æternitas, & infinita ſapientia ſignificatur, qua omnes hominum & cogitationes, & actiones, ut de illis iudicium ferat, intuetur. Golumbæ vero ſpecies, & linguæ tanquam ignis, in Evangelio, & actis Apoſtolorum, quæ Spiritus ſancti proprietates ſignificent, multo notius eſt, quam ut oporteat pluribus verbis explicari „ „

Cavendum tamen, ne imperitis erroris detur occaſio, putentque Deum corpus, & humanam effigiem habere, eſſeque circumſcriptum. Unde S. *Auguſtinus*, lib. *de Fide, & Symbolo*, cap. 6. explicans hæc verba ſymboli: *Sedere ad dexteram Patris*, ait: „ „ Nec ideo tamen quaſi humana forma circumſcriptum eſſe Deum patrem arbitrandum eſt, ut de illo cogitantibus dextrum, aut ſiniſtrum latuſ animo occurrat; aut idiſſum, quod ſedere pater dicitur flexis poplitibus fieri putandum eſt, ne in illud incidamus ſacrilegium, in quo exſecratur Apoſtoluſ eos, qui commutaverunt gloriam incorruptibilis Dei in ſimilitudinem corruptibilis hominis. Tale enim ſimulacrum Deo nefas eſt chriſtiano in templo collocare; multo magis in corde netarium eſt, ubi verò

Cavendum
ne indoctis
detur erro-
ris occaſio.

est templum Dei, si a terrena cupiditate, atque errore mundetur „ „.

Dei Patris
imagines in
Ecclesiam
tardius ad-
mittæ.

Tardius certe admissas in Ecclesia Dei Patris imagines, constat ex *Origene* lib. 6. *contra Celsum*, in fine, & *S. Joan. Damasceno* lib. 4. *de Fide orthodoxa*, cap. 17. qui Christianos nullam Dei imaginem habere docent, utpote incorporei, & invisibilis. Septima Synodus nullas Dei imagines agnoscit, aut colendas præcipit, sed solum Christi, Deiparæ Virginis, & Sanctorum. Tridentina Synodus imagines Christi, Deiparæ Virginis, & aliorum Sanctorum in templis præsertim habendas, & retinendas, eisque debitum honorem, & venerationem impertiendam esse declarat; non meminit imaginum Dei Patris; uti nec forma professionis fidei a Pio IV. præscripta. Nec mirum, quia „ „ Non est tam certum in Ecclesia, an sint faciendæ imagines Dei, sive Trinitatis, quam Christi, & Sanctorum; hoc enim consentitur omnes Catholici, & ad fidem pertinet; illud est in opinione „ „ (*inquit Cardinalis. Bellarminus*, lib. 2. *de Imaginibus Sanctorum*, cap. 8.) Hinc romanum Pontificale ritum benedicendi crucem, imagines Deiparæ Virginis, & Sanctorum præscribit, nullum benedicendi imagines Dei Patris. Hinc Abulensis Episcopus *Tostatus*, *Durandus*, *Peresius*, *Hessélius*, imagines Dei extra Scripturæ sacre Historiam non probant. *Tostatus* in cap. 4. *Deuteronomii*, *Durandus* in

ARTICULUS VIII.

Regula praxim spectantes circa fidem,

REGULA I.

Ad fidem necessaria est pia motio voluntatis.

Cum enim credere nihil aliud sit, quam Deo re- De Fide.
velanti, quatenus prima veritas est, assentire;
& humanæ menti proprium sit, ratione discutere,
& examinare, sit ne rebus propositis assentiendum,
vel non; ea vero, quæ ad religionem pertinent, alia
fere sint, quæ rationis examen non admittant, ut-
pote iudicio humanæ sapientiæ, ut plurimum im-
probabilia, quemadmodum Apostolus docet 1. ad
Cor. 1. profecto, vel nunquam, vel raro intellectus
noster in ejusmodi rebus acquiesceret, nisi volunta-
tis imperio, & inclinatione in assensum duceretur,
& veluti captivus redigeretur in obsequium Christi,
ut loquitur Apost. 2. ad Cor. 10. *In captivitatem re-*
digentes omnem intellectum in obsequium Christi. Ne-
cessaria est igitur humanæ menti in credendo hæc
benigna, piaque voluntatis inclinatio, & motio; tum
ut ad eas rationes se convertat, quæ fidem gignant,
nutriantque, vel saltem ostendant, quod creditur
non esse absurdum, neque a ratione alienum; tum
ut eas rejiciant, quæ assensum impedire, aut remo-
rari possent. Hinc Apostolus ad Romanos 10. ait;
Corde creditur ad justitiam; id est, voluntate, & as-
sensu. Unde S. Augustinus, Tract. 26. in Joannem,
ait; „ Intrare quisquam Ecclesiam potest nolens,
accedere ad altare potest nolens; accipere Sacra-
mentum potest nolens; credere non potest nisi vo-
lens. Si corpore crederetur, fieret in nolentibus;
sed corpore non creditur. Apostolum audi; *Corde* Rom. 10.
creditur ad justitiam... Cum ergo in Christum cor-
de credatur, quod nemo utique facit invitus, qui
autem trahitur, tanquam invitus cogi videtur, quo-
modo istam solvimus quæstionem: *Nemo venit ad* Joan. 6. 44.
me, nisi pater, qui misit me, traxerit eum? Si tra-

hitur, ait aliquis, invitus venit; si invitus venit, non credit; si non credit, nec venit. . . Noli te cogitare invitum trahi; trahitur animus & amore „ „

Isai. 6.

2. ad Tim.
2.

Et Tract. 53. de Judæis loquens, de quibus scriptum est Joannis 12. *Propterea non poterant credere, quia iterum dixit Isaias: Excacavit oculos eorum, & induravit cor eorum, ut non videant oculis, & non intelligant corde, & convertantur, & sanem eos.* Ait; Illos non potuisse credere, „ „ quia nolebant. Sic autem dictum est, *non poterant*, ubi intelligendum est, quod nolebant; quemadmodum dictum est de Domino Deo nostro: *Si non credimus, ille fidelis permanet, negare seipsum non potest.* De Omnipotente dictum est: Non potest. Sicut ergo quod Dominus negare seipsum non potest, laus est voluntati divinæ; ita quod illi non poterant credere, culpa est voluntatis humanæ „ „

Id confirmat Concilii Arausicani II. can. 5. cum docet, ac declarat: „ „ Initium fidei, ipsumque credulitatis affectum, quo in eum credimus, qui iustificat impium, *feri in nobis per inspirationem Spiritus sancti corrigentem voluntatem nostram ab infidelitate ad fidem, ab impietate ad pietatem* „ „

Idem confirmat sacra Synodus Tridentina sess. 6. cap. 6. ubi docet. homines disponi ad iustitiam, „ „ dum excitati divina gratia, & adjuti fidem ex auditu concipientes, libere moventur in Deum, cre-

**Propositio
damnata.**

REGULA II.

**Non solum imprudenter, sed infideliter assensus su-
pernaturalis repudiatur; hujusmodi repudium le-
thale peccatum est.**

1. Cor. 2:

Joan. 3. 5.

dicatur infidelis ex hoc solo, quod non habet fidem, Alio modo potest intelligi infidelitas secundum contrarietatem ad fidem; quia scilicet repugnat aliquis auditui fidei, vel etiam contemnit ipsam, secundum illud Isaiaë 53. *Quis credidit auditui nostro?* & in hoc perficitur ratio infidelitatis, & secundum hoc infidelitas est peccatum, *qua dicitur infidelitas positiva.* Si autem accipitur secundum negationem puram, sicut in illis, qui nihil audierunt de fide, *qua dicitur infidelitas negativa*, non habet rationem peccati, sed magis pœnæ; quia talis ignorantia Divinorum ex peccato primi parentis consecuta est. Qui autem sic sunt infideles, damnantur quidem propter alia peccata, quæ sine fide remitti non possunt; non autem damnantur propter infidelitatis peccatum. Unde Dominus dicit, Joan. 15. *Si non venissem, & locutus eis non fuisset, peccatum non haberent* „ „. Quod S. August. Tract. 89. in Joannem explicat de illo peccato, quo non crediderunt in Christum. Hoc enim, si non venisset, non utique haberent, Porro non minus repugnat fidei, non minus fidem contemnit, qui Deo intus docenti, revelanti, trahenti, ascensumque supernaturalem per gratiam suam donanti, resistit repudiando supernaturalem assensum, quam qui fidei prædicationem respuit, & auditui fidei repugnat. Quamobrem ex illorum numero non est, de quibus scriptum est in Prophetis: *Erunt omnes*

Fieri quidem potest, ut satanas se transfigurans in angelum lucis hominem ab assensu supernaturali dimovere tentet; sed eum ad falsa ducentem sequi, non solum imprudentiæ, sed infidelitatis peccatum est. Unde *S. Augustinus*, in *Enchiridio*, cap. 60. „ Magis (*inquit*) opus est dijudicare, atque dignoscere, cum se satanas transfigurat velut angelum lucis, ne fallendo ad aliqua perniciofa seducat. Nam quando sensus corporis fallit, mentem vero non movet a vera, rectaque sententia, qua quisque vitam fidelem gerit, nullum est in religione periculum; vel cum se bonum fingens, ea facit, sive dicit, quæ bonis angelis congruunt, etiamsi credatur bonus, non est error christianæ fidei periculosus, aut morbidus. Cum vero per hæc aliena ad sua incipit ducere, tunc eum dignoscere, nec ire post eum, magna, & necessaria vigilantia est „ „

Merito itaque inter alias propositiones pestiferas hæc ab *Innoc. XI.* Pontifice maximo damnata est ordine *XX.* *Potest quis prudenter repudiare assensum, quem habebat supernaturalem.* Propositio damnata

R E G U L A I I I.

Assensus fidei supernaturalis, & utilis ad salutem non stat cum notitia solum probabili revelationis, aut cum formidine, qua quis formidet, ne non sit locutus Deus.

Assensus siquidem fidei dubitationem omnem, hæsitationem, ac formidinem prorsus excludit. Cum enim credendum sit rebus revelatis propter auctoritatem Dei, qui est summa, & prima, atque immutabilis veritas; & quæcunque fides loquitur, recipienda sint ut Dei voces, secundum illud Apostoli 1. ad Thess. 2. *Cum accepissetis a nobis verbum auditus Dei, accepistis illud non ut verbum hominum, sed sicut vere est verbum Dei*, nulla sane, vel minima dubitatio relinqui debet de his, quæ fide suscipiuntur, quantumvis sensui, vel rationi videantur contra-

traria. Unde Apostolus ad Rom. 4. fidem Abrahamæ commendat his verbis: *Contra spem in spem credidit, ut fieret pater multarum gentium, secundum quod dictum est ei: Sic erit semen tuum. Et non infirmatus est in fide, nec consideravit corpus suum emortuum, cum jam fere centum esset annorum, & emortuam vulvam Sara; in repromissione etiam Dei non basitavit diffidentia, sed confortatus est fide, dans gloriam Deo; plenissime sciens, quia quacunque promisit, potens est & facere. Ideo & reputatum est illi ad iustitiam.*

Confirmatur: Canone Dubius, Extra, de hæreticis, dicitur: *Dubius in fide, infidelis est.* Firmiter itaque & absque hæsitazione credendum est, quidquid Deus revelavit, & per Ecclesiam suam credendum proposuit, ut habetur cap. *Firmiter*, Extra, de *Summa Trinitate*, & *Fide catholica*, ex Concilio Lateranensi IV. Idemque credit, & canit Ecclesia in symbolo, quod *S. Athanasio* tribuitur: *Quicumque vult salvus esse, ante omnia opus est, ut teneat catholicam fidem; quam nisi quisque fideliter, firmiterque crediderit, salvus esse non poterit.* Hinc *S. Augustinus*, Sermone 190, alias de *diversis* 61. ait; „ Quod humana ratio non invenit, fides capit; & ubi humana ratio deficit, fides proficit „. Et ante ipsum *Tertullianus*, lib. de *Præscriptionibus hæreticorum*, cap. 8. „ Quid Athenis (inquit) & Hierosolymis? Quid academiæ, & Ecclesiæ? Nostra institutio de porticu Salomonis est,

De primo Decalogi præcepto 239

nunc puto requirendum, spero utique & aliud esse inveniendum, nullo modo speraturus istud, nisi quia, aut non credideram, qui videbar credidisse, aut desii credidisse. Ita fidem meam deferens, negator invenior. Semel dixerim, nemo quærit, nisi qui aut non habuit, aut perdidit „ „

Quam posuimus Regulam confirmat *S. Thomas*, 2. 2. qu. 2. art. 1. „ „ Actuum (*inquit*) ad intellectum pertinentium quidam habent firmam assensionem absque tali cogitatione (quæ est motus animi deliberantis, nondum perfecti per plenam visionem veritatis) sicut cum aliquis, considerat ea, quæ scit, vel intelligit. Quidam vero actus intellectus habent cogitationem informem absque firma assensione, sive in neutram partem declinent, sicut accidit dubitanti; sive in unam partem magis declinent, sed tententur aliquo levi signo, sicut accidit suspicanti; sive uni parti adhæreant, tamen cum formidine alterius, quod accidit opinanti; sed actus, qui est credere, habet firmam adhesionem „ „

Merito itaque inter alias corruptæ moralis propositiones hanc damnavit *Innocentius XI.* ordine XXI. Propositio damnata.
„ „ Assensus fidei supernaturalis, & utilis ad salutem stat cum notitia solum probabili revelationis, imo cum formidine, qua quis formidet, ne non sit locutus Deus „ „

Hanc propositionem damnavit etiam generalis Cleri gallicani Conventus anno 1700. ut *scandalosam, perniciosam, & quæ apostolicam fidei definitionem evertit.*

Ex his sequitur, hæsitacionem circa res fidei, sive dubium plene deliberatum, esse peccatum mortale.

R E G U L A I V .

Non solum fides unius Dei, sed etiam explicita remuneratoris, necessaria est necessitate medii ad justificationem, & salutem.

Theologi fidem catholicorum Dogmatum duplicem distinguunt, aliam explicitam, seu distinctam, aliam

aliam implicitam, seu velatam. Prima est, qua aliquid creditur secundum se, in particulari, & distincte. Altera, qua aliquid creditur in alio; tanquam in universali comprehensum, & involutum; velut si quis ex animo profiteatur se credere, quidquid credit Ecclesia; & verum esse, quidquid in Scriptura sacra continetur, is quidem istud utrumque, quod expresse profitemur, tenet explicata fide. Implicito vero credit, v. g. septem esse Sacramenta Ecclesie, Abraham habuisse duos filios, & cætera; quæ in illis generalibus explicite, seu distincte creditis continentur, & involvuntur, modo tamen aliquid illis contrarium in particulari non teneat. Hæc distinctio ne necessario præmissa.

Regulam nostram verbo Dei firmatius. Ait enim Apostolus ad Hebræos 11. *Sine fide autem impossibile est placere Deo. Credere enim oportet accedentem ad Deum, quia est, & inquirentibus se remunerator sit.*

Et certe necesse est ad justificationem, & salutem tam fidem in Deum habere, qua spes nostra in ipsum excitetur, & qua ad ipsum super omnia diligendum, ejusque servanda mandata comitante charitate inclinamur; quomodo autem spes nostra in Deum excitabitur, nisi Deum inquirentibus se remuneratorem esse explicite, & distincte credamus?

Propositiones damnatæ.

Merito igitur *Innocentius XI.* Pontifex maximus inter alias propositiones moralis corruptæ, istas quoque damnavit ordine 22. & 23.

„ Nonnisi fides unius Dei necessaria videtur necessitate medii, non autem explicita remuneratoris „

„ Fides late dicta ex testimonio creaturarum, simili motivo, ad justificationem sufficit „

Has propositiones Conventus generalis Cleri gallicani anno 1700. etiam confixit tanquam *contumeliosas in Deum remuneratorem, & in Christi mediato-
ris nomen, erroneas, & hæreticas.*

De primo Decalogi præcepto. 237

REGULA V.

Fides explicita Incarnationis Domini nostri Jesu Christi, sub lege gratiæ necessaria ad salutem omnibus, & singulis hominibus, cum necessitate præcepti, tum necessitate medii.

Id Christus ipse Dominus docet Joannis 3. *Sicut De fide in Christum.*
Moyſes exaltavit serpentem in deserto; ita exaltari oportet filium hominis; ut omnis, qui credit in ipsum, non pereat, sed habeat vitam æternam... Qui credit in eum, non judicatur; qui autem non credit, jam judicatus est; quia non credit in nomine unigeniti Filii Dei... Qui credit in filium, habet vitam æternam; qui autem incredulus est filio, non videbit vitam, sed ira Dei manet super eum. Sicut ergo actualis inspectio serpentis ænei erat necessaria, ut Judæi sanarentur a moribus serpentium; ita fides actualis explicita, & distincta in Christum omnino necessaria est omnibus, & singulis hominibus, ut sanentur a vulneribus peccatorum. Et Joan. 14. *Creditis in Deum (inquit Christus) & in me credite.* Sicut ergo fidem explicitam in Deum, esse medium ad justificationem, & salutem necessarium nemo negaverit; ita fides explicita, & distincta in Christum omnino necessaria est omnibus, & singulis hominibus ad justificationem, & salutem. Hinc rursus Joannis 17. Christus ait: *Hæc est vita æterna; ut cognoscant te solum Deum verum, & quem misisti Jesum Christum.* Et Joan. 8. 24. *Si enim non credideritis, quia ego sum, moriemini in peccato vestro.*

Idem docet Apostolus ad Rom. 3. *Omnes (inquit) peccaverunt, & egent gloria Dei. Justificati gratis per gratiam ipsius, per redemptionem, quæ est in Christo Jesu, quem proposuit Deus propitiationem per fidem in sanguine ipsius.* Et ad Gal. 2. *Non justificatur homo ex operibus legis, nisi per fidem Jesu Christi.* Et: *In fide vivo Filii Dei, qui dilexit me, & tradidit semetipsum pro me.* Idem docet S. Petrus, Act. 4. *Nec enim*

238 Theol. Dog. & Moral. Lib. IV.

enim (inquit) aliud nomen est sub calo datum hominibus, in quo oporteat nos salvos fieri.

Fidem in Christum esse necessariam ad salutem, fidei catholice dogma est.
2. Cor. 4.
13.

Fuit quidem fides in Christum Redemptorem, ac mediatorem omni tempore ad salutem necessariam. *Eundem spiritum fidei* habemus, quem antiqui Justī habuerunt. Tempora, & Sacramenta variata sunt, non fides. Crediderunt in Christum venturum, quem nos venisse credimus, per eandem fidem liberati sunt, per quam liberamur & nos; fidem scilicet Incarnationis Christi, quæ illis prænuntiabatur, sicut a nobis annuntiatur; ut docet *S. Augustinus*, Epistola 157. alias 89. ad *Hilarium*. Idque fidei catholice dogma est, ut idem *S. Doctor* asserit libro *de Peccato originali*, cap. 24. „„ Sine fide (*inquit*) Incarnationis, & mortis, & Resurrectionis Christi, nec antiquos Justos, ut justī essent, a peccatis potuisse mundari, & Dei gratia justificari, veritas christiana non dubitat „„

Et lib. 2. *Operis imperfecti contra Julianum*, num. 188. „„ Agnoscimus (*inquit*) hæresim vestram, definivit enim Pelagius, quod non ex fide Incarnationis Christi antiqui vixerunt justī, quia videlicet nondum in carne venerat Christus. *Et libro de Peccato originali cap. 23. & 24.* Quis non sentiat... & multa ignorari salva christiana Fide, & alicubi errari sine aliquo hæretici dogmatis crimine?... Sed in causa duarum hominum, quarum per unum venun-

De primo Decalogi præcepto. 239

Idem confirmat Epistola 190. alias 157. ad Optatam Episcopum, cap. 2. & lib. de Correctione, & Gratia, cap. 7. Idem docet S. Bernardus Epist. 77. ad Hugonem Victorinum. Idem S. Thomas, 2. 2. qu. 2. art. 7. „ „ Post tempus (*inquit*) gratiæ revelatæ, tam majores, quam minores (*id est*, tam Pastores, & Sacerdotes, quam populus) tenentur habere fidem explicitam de mysteriis Christi; præcipue quantum ad ea, quæ communiter in Ecclesia solemnizantur, & publice proponuntur; sicut sunt articuli Incarnationis „ „.

R E G U L A VI.

Fides explicita, & distincta Trinitatis omnibus, & singulis hominibus omnino necessaria est ad justificationem; & salutem.

Hanc Regulam tradit S. Thomas; quæstione mox indicata, art. 8. „ „ Mysterium (*inquit*) Incarnationis Christi explicite credi non potest sine fide Trinitatis; quia in mysterio Incarnationis Christi hoc continetur, quod Filius Dei carnem assumpsit, & quod per gratiam Spiritus sancti mundum renovaverit, & quod de Spiritu sancto conceptus fuerit; & ideo eodem modo, quo mysterium Incarnationis Christi ante Christum fuit explicite creditum a majoribus; implicite autem, & quasi obumbrante a minoribus; ita etiam mysterium Trinitatis. Et ideo etiam post tempus gratiæ divulgatæ, tenentur omnes ad explicite credendum mysterium Trinitatis; & omnes, qui renascuntur in Christo, hoc adipsi scuntur per invocationem Trinitatis, secundum illud, Matthæi ult. *Euntes docete omnes gentes; baptizantes eos in nomine Patris, & Filii, & Spiritus sancti.* Et Joan. 8. 19. *Neque me scitis; neque Patrem meum; si me sciretis, forsitan & Patrem meum sciretis.* Et vers. 28. *Dixit ergo eis Jesus; Cum exaltaveritis filium hominis; tunc cognoscetis, quia ego sum, & a me ipso facio nihil, sed sicut docuit me pater.*

De rebus
explicita
fide crea
dendis.

249 Theol. Dog. & Moral. Lib. IV.

ser, hac loquor. Et qui me misit, mecum est, & non reliquit me solum; quia ego, quæ placita sunt ei, facio semper.

REGULA VII.

Omnes, & singuli Christiani tenentur omnes, & singulos articulos Symboli Apostolorum, saltem quoad substantiam, explicite credere.

Hinc ex prisca Ecclesiæ disciplina, catechumenis tradebatur symbolum, idemque reddebant, sive recitabant antequam Baptismo initiarentur. Et can. *Vos ante*, dist. 4. *De Consecratione*, qui ex *S. August.* depromptus est, dicitur: „Ante omnia symbolum, & Orationem dominicam, & vos ipsi tenete, & illis, quos suscepistis de sacro fonte, ostendite „ Hinc *S. Leo* Epistola 27. alias 13. cap. 4. „ Non enim (*inquit*) de portiuncula aliqua fidei nostræ, quæ minus lucide declarata sit, quæritur; sed hoc stultissima resultatio audet incessere, quod Dominus noster in Ecclesia neminem sexus utriusque voluit ignorare. Siquidem ipsa catholici Symboli brevis, & perfecta confessio tam instructa sit munitione coelesti, ut omnes hæreticorum opiniones solo ipsius possint gladio detruncari „ „

Idem confirmat *S. Thomas*, 2. 2. quæst. 2. art. 4. „ Quantum (*inquit*) ad prima credibilia, quæ sunt articuli fidei, tenetur homo explicite credere, sicut

Ita docet *S. Thomas*, art. 7. ejusdem quæstionis. Ex quo consequens est, & explicite credi debere, quæ pertinent ad Sacramentorum; Baptismi præsertim, Pœnitentiæ, & Eucharistiæ necessitatem, ac divinam institutionem, gratiæque per illa collationem; realem præsentiam Corporis & Sanguinis Christi in Eucharistia, & transubstantiationem, seu mutationem substantiæ panis in substantiam Corporis, & Sanguinis Christi. Item Sanctorum cultum, & invocationem, Reliquiarum sacrarum, & imaginum Christi, Deiparæ Virginis, & Sanctorum venerationem, indulgentiarum usum, salutare esse; purgatorium existere; animasque in eo detentas Fidelium suffragiis, ac præsertim sacrosancto Altaris Sacrificio juvari. Hæc enim omnia in Ecclesia solemniter sunt.

Omnia item Dogmata, quæ ad vitam recte, christianeque instituendam necessaria sunt, ab omnibus, & singulis explicite sunt credenda; quid nimirum Decalogo præcipiatur; quid vetetur. Nolle etiam quisque debet Ecclesiæ præcepta, fideque pariter distincta credere; Ecclesiæ esse parendum, extra illam neminem salvari; non habere Deum Patrem, qui Ecclesiam noluerit habere matrem: Ea (inquam) expresse credenda sunt, saltem quoad substantiam, sub periculo damnationis æternæ, nisi justum obesse impedimentum; scilicet, vel captivitas apud infideles, seu magna a terris Christianorum distantia, seu tantus ingenii stupor, ut hæc nullo modo capere, & memoriæ commendare possit. Si quis vero hæc discere non curet, diligentiamque necessariam non adhibeat, reus est peccati lethalis, quamdiu illa in ignorantia versatur, nec ex illa studet emergere. Unde absolvi sacramentaliter non debet, nec ad alia Sacramenta admitti, ut ostendit in *Tract. de Pœnitentia*, cap. 7. art. 3.

Ex his colligitur, graviter peccare Christianos, qui cum in doctrina christiana rudes sint, & imperiti, nec mysteria noverint, quæ credere necesse est ad salutem, Catechesibus adesse nolunt, vel negligunt,

& familiaribus instructionibus, quæ singulis Dominicis, & festis diebus, in parochialibus Ecclesiis, vel alibi fiunt de præcipuis doctrinæ christianæ capitulis. Gravis item peccati reos esse parochos, qui Catecheses hujusmodi, atque instructiones prætermittunt; necnon parentes, & dominos, qui filios, servos, ancillas, iisdem Catechesibus adesse, & doctrinam christianam ediscere non sinunt, vel non compellunt.

R E G U L A IX.

Actus Fidei, Spei, & Charitatis, tenetur homo elicere ex vi præceptorum ad eas virtutes pertinentium, idque non semel tantum in vita, sed sæpius.

Præcepta enim Fidei, & Spei, & Charitatis primum Decalogi præceptum continet; siquidem Fide, Spe, & Charitate Deus colitur. Præcepta porro dantur de actibus, non de habitu virtutum, ut passim repetit *S. Thom.* Tenetur itaque homo elicere actus Fidei, Spei, & Charitatis ex vi præceptorum ad eas virtutes pertinentium.

Præterea, *Justus ex fide vivit*, ut docet Apostolus ad Galatas 3. Non semel igitur, sed sæpius actus fidei elicere tenetur; sicut cibum corpori sustentando non semel tantum, sed sæpius sumere debet, ne deficiat.

De primo Decalogi præcepto. 243

est tetigit, nisi credidit? Unde & mulieri illi post resurrectionem dixit volenti se mittere ad pedes ejus: *Noli me tangere; nondum enim ascendi ad Patrem.* Quod vides, hoc solum me esse putas, *Noli me tangere.* Quid est? Hoc solum me esse putas quod tibi appareo, noli sic credere. Hoc est, noli me tangere, nondum enim ascendi ad Patrem; tibi non ascendi, nam inde nunquam recessi. In terra non tangebatur stantem, quomodo tangeret ad Patrem ascendentem „ „ ? (*inquit S. August. Tractatu 26. in Joannem.*) Quamobrem inter alias pravi Dogmatis propositiones hæc ab *Innoc. XI. Pontifice maximo* Propositio
damnata jure damnata est: *Sufficit mysteria fidei semel credidisse.*

R E G U L A X.

Actum fidei tenetur elicere homo quoties ad justificationem disponere se debet, sive per Baptismum, sive per Pœnitentiam consequendam, sive extra hæc Sacramenta, si periculum urgeat, ne ea suscipere possit; idemque dicendum de actibus spei, & amoris divini.

His enim adulti ad justitiam disponuntur, ut docet Concil. Tridentinum sess. 6. cap. 6. „ „ Disponuntur autem ad ipsam justitiam, dum excitati divina gratia, & adjuti, fidem ex auditu concipientes, libere moventur in Deum, credentes vera esse, quæ divinitus revelata, & promissa sunt; atque illud imprimis, a Deo justificari impium per gratiam ejus, per redemptionem, quæ est in Christo Jesu; & dum peccatores sese intelligentes, a divinæ justitiæ timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore; illumque tanquam omnis justitiæ fontem diligere incipiunt „ „ Hinc Apostolus ad Rom. 3. ait: *Justificari hominem per fidem*, quia „ „ Fides est humana salutis initium, fundamentum, & radix omnis justificationis, sine qua impossibile est placere Deo. &

244 Theol. Dog. & Moral. Lib. IV.

ad filiorum ejus consortium pervenire » » (ut explicat eadem Synodus.)

Hinc *S. August.* Serm. 7. *De decem plagis, & præceptis*, c. 10. ait: » » Inter omnes tanquam nato cordis nostri primogenita fides est. Nemo enim bene operatur, nisi fides præcesserit, *Et Serm.* 38. *alias* 245. Hoc est (*inquit*) primum præceptum, hoc est initium religionis, & vitæ nostræ, fixum habere cor in fide » ».

R E G U L A X I,

Adum fidei elicere debemus, ac tenemur, quoties Corpus Christi Eucharistiæ Sacramento sumimus.

Illius enim Carnem manducare, & Sanguinem bibere debemus, non sacramentaliter duntaxat, sed etiam spiritualiter, ut nobis prosit ad salutem, & ad vitam æternam. Spiritalis autem illa manducatio fit actu fidei vivæ, quæ per dilectionem operatur. Quam ob rem ex veteri Ecclesiæ disciplina, Sacerdoti Eucharistiam porrigenti cum solemnibus his verbis: *Corpus Domini nostri Jesu Christi*, fidelis quisque venerabile Sacramentum recipiens, respondebat; *Amen*, id est, *Verum est*, ita credo.

R E G U L A XII.

Adum fidei homo tenetur elicere, quoties tentatio-



qui surdum, & mutum ipsum fecerat, vexati: Credo, Marc. 9.
Domine: Adjuva incredulitatem meam.

R E G U L A X I I I.

In reliquis etiam gravibus tentationibus actus fidei
est eliciendus, ut dæmonem superemus.

Ita enim monet Apostolus ad Ephes. 6. *Induite vos*
(inquit) *armaturam Dei, ut possitis stare adversus*
insidias diaboli, . . . In omnibus sumentes scutum fidei, in
quo possitis omnia tela Nequissimi ignea extinguere. Quod
S. August. egregie confirmat Tractatu 49. in Joannem:
„ Si fides in nobis (inquit) Christus in nobis. Quid
enim aliud ait Apostolus: *Habitare Christum per fidem* Eph. 1. 17.
in cordibus vestris? Ergo fides tua de Christo, Chri-
stus est in corde tuo. Hinc est illud, quod dormie- Matth. 8:
bat in navi; & cum periclitarentur discipuli, jam im- 24.
minente naufragio accesserunt ad eum, & excitave-
runt eum; surrexit Christus, imperavit ventis, &
fluctibus, & facta est tranquillitas magna. Sic & tu;
intran venti cor tuum, utique ubi navigas, ubi hanc
vitam tanquam procellosum, & periculosum pelagus
transis, intrant venti, movent fluctus, turbant navim.
Qui sunt venti? Audisti convicium, irasceris; con-
vicium ventus est, iracundia fluctus est; periclitaris,
disponis respondere, disponis maledictum maledicto
reddere, jam navis propinquat naufragio; excita
Christum dormientem. Ideo enim fluctuas, & mala
pro malis reddere præparas, quia Christus dormit in
navi. In corde enim tuo somnus Christi, oblivio fidei.
Nam si excites Christum, id est, recolas fidem, quid
tibi dicit tanquam vigilans Christus in corde tuo?
Ego audiui, dæmonium habes, & pro eis oravi;
audit Dominus, & patitur, audit servus, & indigna-
tur. Sed vindicari vis. Quid enim, ego jam sum vin-
dicatus? Cum tibi hæc loquitur fides tua, quasi
imperatur ventis, & fluctibus, & sit tranquillitas
magna „ „

R E G U L A X I V.

Actum fidei elicere tenetur homo, cum in mortis periculo versatur,

1. Joan. 5.

Tunc enim maxime eniti debet, ut ad Deum accedat, eique jungatur, ut christianam justitiam consequatur, vel in ea perseveret; ut tentationes, quæ tunc imminet graves, superet, ut mundum vincat antequam exeat de mundo. *Hæc autem est victoria, quæ vincit mundum, fides nostra.* Debet se contra terrores mortis munire fide, & spe resurrectionis, & futurorum bonorum, contra damnationis æternæ horrendas imagines animum perturbantes, & ad desperationem inducentes, fidem in passionem Christi Redemptoris, & Sanguinis ejus pro omnibus hominibus, ac pro se ipso, quamvis omnium peccatorum nequissimo, effusionem, quæ spem de illius misericordia parit. Hinc Ecclesia homines in mortis agone positos ad actus fidei eliciendos maxime excitare solet, ut ex formulis in Rituali præscriptis compertum est. Defectu certe fidei mundum diligimus, mortem nimius timemus. „ „ Cum Christum videre, gaudere sit, nec possit esse gaudium nostrum, nisi cum viderimus Christum; quæ cæcitas animi, quæve dementia est, amare pressuras, & poenas, & lacrymas mundi, & non festinare potius ad gaudium, quod nunquam possit auferri? Hoc autem fit, quia

De primo Decalogi præcepto. 247

constitutum fidem in domo fidei non habere „ (inquit S. Cyprianus, lib. de Mortalitate,)

Ex his septem postremis Regulis compertum est, hanc propositionem ab *Alexandro VII.* Pontifice maximo inter alia perversæ Moralis capita fuisse merito proscriptam: „ „ Homo nullo unquam suæ vitæ tempore tenetur elicere actum fidei, spei, & charitatis, ex vi præceptorum divinorum ad eas virtutes pertinentium „ „ Istas vero ab *Innoc. XI.* pari jure fuisse confixas.

Propositio-
nes damna-
te.

„ Fides non censetur cadere sub præceptum speciale, & secundum se „

„ Satis est actum fidei semel in vita elicere „

Has propositiones generalis Cleri gallicani Conventus anno 1700. hac Censura confixit: „ Hæ propositiones sunt scandalosæ, in praxi perniciosæ, erroneæ, fidei, & Evangelii oblivionem inducunt „

R E G U L A . X V .

Christianus quilibet a potestate publica interrogatus, fidem profiteri tenetur; nec sola negatio, sed dissimulatio, & silentium eo in casu lethale peccatum est.

Hæc Regula nititur Christi Domini verbis, & auctoritate, Matth. 10. 32. *Omnis, qui confitebitur me coram hominibus, confitebor & ego eum coram Patre meo, qui in cælis est; qui autem negaverit me coram hominibus, negabo & ego eum coram Patre meo, qui in cælis est.* Et Lucæ 9. *Qui me erubuerit, & meos sermones, hunc filius hominis erubescet, cum venerit in majestate sua, & Patris, & SS. Angelorum.*

Idem docet Apostolus ad Romanos scribens cap. 10. *Corde (inquit) creditur ad justitiam; ore autem confessio fit ad salutem. Dicit enim Scriptura: Omnis, qui credit in illum, non confundetur.*

Id confirmat S. August. lib. de Fide, & Symbolo, cap. 1. „ „ Fides (inquit) officium a nobis exigit & cordis, & linguæ. Et paulo post: Quandoquidem in sempiterna iustitia regnaturi, a præsentī seculo ma-

ligno salvi fieri non possumus, nisi & nos ad salutem proximorum nitentes, etiam ore profiteamur fidem, quam corde gestamus „ „ Et Sermone 179. alias 24. ex editis a Sirmondo: „ „ Quid prodest (*inquit*) corde credidisse ad iustitiam, si os dubitat proferre, quod corde conceptum est? Intus fidem Deus videt; sed parum est. Ne confitearis humilem, timeas superbos; & ei præponis superbos, qui pro te displicuit superbis... Ægrote, quomodo sanaberis, qui de medicamento tuo erubescis? ... De Christi Nominis erubescis? Ex eo, quod erubescis modo hominibus, habes erubescere, cum venerit in gloria sua redditurus, quod promissit bonis, quod minatus est malis. Ubi eris tu? Quid facies, si te attendat ille excelsus, & dicat tibi: Erubuisti de humilitate mea, non eris in claritate mea? Discedat ergo mala vercundia „ „

Et libro *contra Mendacium*, cap. 6. „ „ Catholicam veritatem Catholicus, sicut in corde loquitur; quia ita credit, ita & in ore debet, ut ita prædicet; contra istam vero nec in corde, nec in ore habeat falsitatem, & ut corde credat ad iustitiam, & ore confessionem faciat ad salutem „ „

Idem confirmat *S. Thomas*, 2. 2. qu. 3. art. 2. „ „ Confiteri fidem (*inquit*) non semper, neque in quolibet loco est de necessitate salutis, sed in aliquo loco, & tempore, quando scilicet per omissionem

De primo Decalogi præcepto. 549

bus fidem palam, aperteque profiteri, ne Deo debitum honorem subtrahat, proximumque silentio suo offendat.

Merito itaque inter 69. perversæ Moralis propositiones anno 1679. ab *Innocentio XI.* damnatas, hæc ^{Propositio damnata} ordine 18. confixa est: „ Si a potestate publica quis interrogetur, fidem ingenue confiteri, ut Deo, & fidei gloriosum consulo; tacere ut peccaminosam per se, non damno „ „.

Quam propositionem, & generalis Conventus Cleri gallicani anno 1700. hac Censura confixit: „ Hæc „ Propositio scandalosa est, præceptis evangelicis, & „ apostolicis aperte contraria, & hæretica „.

REGULA XVI.

In casu necessitatis, ubi fides periclitatur, quilibet teneatur fidem suam aliis propalare, vel ad instructionem aliorum Fidelium, sive confirmationem, vel ad reprimendam Infidelium insultationem.

Hanc Regulam iisdem verbis tradit *S. Thomas*, loco mox indicato, in responsione ad secundum. Nititur his Apostoli verbis: *Corde creditur ad justitiam, ore autem confessio fit ad salutem.* Rom. 10.

REGULA XVII.

Falsam religionem simulare, lethale peccatum est.

Simulatio enim falsæ religionis, negatio quædam est veræ fidei. Mendacium est etiam in re gravi, quo divinus honor violatur, scandalum proximo creatur. Hinc Helceseitæ hæretici ab Ecclesia damnati sunt seculo secundo, qui inter alios errores asserabant, simulationem in professione religionis licitam esse, & crimen ullum esse negabant, si quis persecutionis tempore idola veneretur, dummodo id ex animo non faciat; aut si quid oretenus, non animo profiteatur, ut docent *S. Epiphanius* hæresi 19. & 50. & *Eusebius* lib. 6. *Historiæ ecclesiasticæ* cap. 38.

Hanc Regulam confirmat veteris Ecclesiæ disciplina, sanctæ

sanctaque severitas erga *Libellarios*, id est ignavos Christianos, qui libellos a magistratibus ethnicis numerata pecunia obtinuerant, fidem facientes ipsos Principum edictis de idolorum cultu paruisse, vel simpliciter prohibentes, ne ob religionem in jus vocarentur. Illi quidem mitiori, ac breviori poenitentiae, quam idololatras, sed tamen publicæ subjicebantur. De quibus legi possunt *Tertullianus* in Apologetico cap. 27. & *S. Cyprianus* variis in Epistolis, & in Tractatu *De Lapsis*.

Id denique confirmat *Eleazar* pii, ac generosi Senis exemplum, qui rogatus ab amicis, ut simularet se manducasse de sacrificii carnibus, secundum Antiochi Regis mandatum, respondit (2. Machab. 6.) *Non enim ætati nostræ dignum est fingere; ut multi adolescentes arbitantes Eleazarum nonaginta annorum transisse ad vitam alienigenarum, & ipsi propter meam simulationem decipiantur; & per hoc maculam, atque execrationem meæ senectuti conquiram, Nam etsi in presenti tempore suppliciis hominum eripiar, sed manum Omnipotentis nec vivus, nec defunctus effugiam.*

Ex his colligitur, non licere Christianis uti rebus illis, vestibus, aut signis, quæ falsæ religionis professionem significant, sive ex humana lege, sive ex consuetudine; & si quis utatur, peccati mortalis reum esse.

Colligitur secundo, non licere Catholicis adire

謝子

1446

onis:

R E G U L A XIX.

**Infidelitas gravissimum est omnium peccatorum ;
quæ in perversitate morum contingunt.**

Cum enim peccatum sit aversio a Deo : „ „ Tanta
to aliquod peccatum est gravius , quanto per
ipsum homo magis a Deo separatur. Per infidelitatem
autem maxime homo a Deo elongatur , quia nec ve-
ram Dei cognitionem habet. Per falsam autem cogni-
tionem ipsius non appropinquat ei , sed magis ab eo
elongatur „ „ (*inquit S. Thomas , 2. 2. qu. 10. art. 3.*)
Idemque ante ipsum docuit S. August. exponens hanc
*sententiam Christi : Si non venissem , & locutus eis suis-
sem , peccatum non haberent (Tractatu 89. in Joan-*
nem) „ „ Magnum quoddam peccatum (inquit)
quasi sub generali nomine vult intelligi. Hoc est enim
peccatum , quo tenentur cuncta peccata „ „

R E G U L A XX.

**Infidelitas deliberata , cujuscunque sit generis , lethale
semper peccatum est ; sed primi , & imperfecti , sive
indeliberati motus infidelitatis venialia duntaxat
peccata sunt.**

Lethaliter ergo peccant contra primum Decalogi
præceptum , quicumque renituntur christianæ
fidei , sive quam nondum susceperunt , ut Pagani , &

De primo Decalogi præcepto. 251

„ Gravius enim peccat, qui renititur fidei susceptæ, quam qui renititur fidei nondum susceptæ; sicut gravius peccat, qui non implet, quod promissit, quam si non impleat, quod nunquam promissit „ Verba sunt *S. Thom.* 2. 2. qu. 10. art. 6.

Apostasia tandem, quæ defectio est a fide christiana ad Judaïsmum, Mahumetismum, aut idololatriam, vel Atheismum, præter inositam peccati gravitatem, ex infidelitate, ad quam fit defectio, æstimandam; ex alio præterea capite, scilicet ex circumstantia fidei, ac religionis, quam professus est, gravius est peccatum, secundum illam *S. Petri* sententiam Ep. 2. c. 2. *Melius erat eis veritatem non cognoscere, quam post agnitam retroire.*

R E G U L A X X I.

Lethalis peccati reus est, qui cum Infidelibus de fide disputat tanquam dubitans.

Hanc Regulam tradit *S. Thom.* loco mox indicato, art. 7. „ Ex parte disputantis (*inquit*) est consideranda intentio. Si enim disputet tanquam de fide dubitans, & veritatem fidei pro certo non supponens, sed argumentis experiri intendens; procul dubio peccat tanquam dubius in fide, & infidelis. Si autem disputet aliquis de fide ad confutandos errores, vel etiam ad exercitium, laudabile est. *Et in responsione ad tertium:* Non debet disputari de his, quæ sunt fidei, quasi de eis dubitando; sed propter veritatem manifestandam, & errores confutandos. Oportet enim ad fidei confirmationem aliquando cum infidelibus disputare; quandoque quidem defendendo fidem, secundum illud 1. Petri 3. *Parati semper ad satisfactionem omni poscenti vos rationem de ea, quæ est in nobis, spe, & fide.* Quandoque autem ad convincendos errantes, secundum illud ad Titum 1. *Ut sit potens exhortari in doctrina sana, & eos, qui contradicunt, arguere „*

Sed Laicis sub excommunicationis poena prohibuit

Ala.

Alexander IV. ne publice, vel privatim de fide catholica disputent. (c. *Quicumque*, tit. *de Hæreticis* in texto.) Quæ tamen excommunicatio non est latæ sententiæ, sed ferendæ.

R E G U L A X X I I .

Simplicibus, & infirmis in fide familiaritas cum infidelibus, & communio etiam civilis, absque necessitate, prohibenda est; eamque familiaritatem, & communionem vitare tenentur, si periculum subversionis illorum fidei immineat; alioqui mortale peccatum committunt, quoties in hoc periculum se conjiciunt.

Hæc Regula traditur a *S. Thom.* 2. 2. q. 10. art. 9. „ „ Si aliqui fuerint firmi in fide (*inquit*) ita quod ex communione eorum cum infidelibus conversio infidelium magis sperari possit, quam Fidelium a fide aversio, non sunt prohibendi infidelibus communicare, qui fidem non susceperunt, scilicet Paganis; vel Judæis, & maxime si necessitas urgeat. Si autem sint simplices & infirmi in fide, de quorum subversione probabiliter timeri possit; prohibendi sunt ab infidelium communione, & præcipue, ne magnam familiaritatem cum eis habeant, vel absque necessitate eis communicent „ „. Hac distinctione personarum, pugnantes in speciem Canones concillantur. Nam can. *Ad mensam*, causa 2. q. 3. & can. *Infideles*, causa

REGULA XXIII.

Nemo hæreticus est, nisi, Christi fide suscepta, sit in errore eidem fidei manifeste repugnante pertinax.

Definitur enim Hæresis: *Error pertinax, fidei manifeste repugnans, in eo, qui fidem catholicam in veritate professus est.* De Hæreticis. Pertinax autem est, qui veritati fidei, satis, superque ipsi manifestæ, sciens volens repugnat. Pertinax etiam censendus est, qui certum aliquod fidei dogma sic ignorat, vel de eo dubitat, ut credere nolit, etiam si sciret, Ecclesiam sic credere. Præterea; hæc Regula nititur testimonio Apostoli 1. ad Timotheum; c. 6. *Si quis aliter docet, & non acquiescit sanis sermonibus Domini nostri Jesu Christi, & ei, quæ secundum pietatem est; doctrinæ, superbus est, nihil sciens, sed languens circa quæstiones, & pugnat verborum, &c.*

Id confirmat S. August. lib. 6. De Baptismo contra Donatistas; c. 16. „ „ Constituamus (inquit) duos aliquos isto modo, unum eorum, v. g. id sentire de Christo, quod Photinus opinatus est, & in ejus hæresi baptizari extra Ecclesiæ catholicæ communionem; alium verò hoc idem sentire, sed in catholica baptizari, existimantem ipsam esse catholicam fidem; istum nondum hæreticum dico, nisi manifestata tibi doctrina catholicæ fidei resistere maluerit, & illud, quod tenebat, elegerit „ „

Et lib. 3. De Anima, & ejus origine, cap. 15. sic Vincentium Victorem alloquitur: „ „ Hæc interim una decem multum, aperteque perversa, & fidei catholicæ adversa nunc jam nihil cunctis extirpare, atque abjicere ab animo, a verbo, a stilo tuo; si vis, ut te non solum ad Altaria transisse catholica, sed vere Catholicum esse gaudeamus. Nam hæc si pertinaciter singula defendantur, tot hæreses facere possunt, quot opiniones numerantur. „ Absit autem, ut te arbitreris, hæc opinando, a fide catholica recessisse, quamvis ea fidei sint adversa catholicæ; si coram Deo, cujus in nullius corde oculus fallitur, veraciter te di-

xisse respicis : „ Non te tibi ipsi esse credulum pro-
 „ bari ea, quæ dixeris posse; ac studere te semper et-
 „ iam propriam sententiam non tueri, si improbabilis
 „ detegatur, eo quod sit tibi cordi, proprio damnato
 „ iudicio, meliora magis, & quæ sint veriora sectari „.
 Iste quippe animus etiam in dictis per ignorantiam
 non Catholicis, ipsa est correctionis præmeditatione.
 ac præparatione Catholicus „ „.

Et lib. 18. *de Civitate Dei*, cap. 51. „ „ Videns (*in-*
quit) diabolus templa dæmonum deferi, & in liber-
 rantis Mediatoris currere genus humanum, hæreticos
 movit, qui sub vocabulo christiano doctrinæ resi-
 sterent christianæ, quasi possint indifferenter sine ulla
 correptione haberi in civitate Dei, sicut civitas contu-
 sionis indifferenter habuit Philosophos inter se diversa,
 & adversa sentientes. Qui ergo in Ecclesia Christi mor-
 bidum aliquid, pravumque sapiunt, si correpti, ut
 sanum, rectumque sapiant, resistunt contumaciter,
 suaque pestifera, & mortifera dogmata emendare no-
 lunt, sed defensare persistunt; hæretici fiunt, & foras
 exeuntes habentur in exercentibus inimicis „ „.

Refertur
 can. *Dixit*
Apostolus,
 pist. 24. q 3.
 Tit. 3.

Et Epist. 43. alias 162. „ „ Dixit quidem Aposto-
 lus Paulus: *Hæreticum hominem post unam correptionem*
devota, sciens quia subversus est ejusmodi, & peccat,
& est a semetipso damnatus. Sed qui sententiam suam,
 quamvis falsam, atque perversam, nulla pertinaci ani-
 mositate defendunt, præsertim quam non audacia

Postquam autem essent auctoritate universalis Ecclesiæ determinata, si quis tali ordinationi pertinaciter repugnaret, hæreticus censeretur. Quæ quidem auctoritas principalitè residet in summo Pontifice „„

Pertinaciam ad hæresim requiri, confirmat *Clemens V. Clementina unica de summa Trinitate, & Fide catholica*; & *Clementina Ex gravi, tit. De Usuris*.

Qui tamen ex ignorantia crassa errant circa fidem, in his, quæ credere tenetur quisque Catholicus, quamvis hæretici non sunt, seclusa pertinacia, lethalis peccati rei sunt.

REGULA XXIV.

Ritus hæreticorum a Principibus catholicis tolerari non possunt absque lethali peccato, cum ipsos prohibere, & extirpare possunt sine periculo gravioris cujuspiam mali.

Potestas enim Principibus christianis a Deo collata est non solum ad mundi regimen, sed maxime ad gloriam Dei procurandam, & ad Ecclesiæ præsidium, ut mala prohibeant, bona jubeant, non solum quæ ad humanam societatem, sed etiam, quæ ad divinam pertinent religionem. Ita Reges servant Domino in timore, ut *S. August.* explicat Epist. 185. alias 50. „„ Quomodo (*inquit*) Reges Domino servant in timore, nisi ea, quæ contra jussa Domini fiunt, religiosa severitate prohibendo, atque plectendo? Aliter enim servit, quia homo est, aliter quia Rex est. Quia homo est, ei servit vivendo fideliter; quia vero etiam Rex est, servit, leges justa præcipientes, & contraria prohibentes convenienti vigore sanciendo. Sicut servivit Ezechias, lucos, & templa idolorum, & illa Excelsa, quæ contra præcepta Dei fuerant constructa, destruendo. Sicut servivit Josias, talia & ipse faciendo. Sicut servivit Rex Ninivitarum, universam civitatem ad placandum Dominum compellendo. Sicut servivit Darius, idolum frangendum in potestatem Danieli dando, & inimi-

cos ejus leonibus ingerendo. Sicut servivit Nabuchodonosor, omnes in regno suo positos a blasphemando Deo lege terribili prohibendo. In hoc ergo serviunt Domino Reges in quantum sunt Reges; cum ea faciunt ad serviendum illi, quæ non possunt facere nisi Reges. Ritus porro hæreticorum maxime perniciosi sunt; *Per dulces enim sermones, & benedictiones seducunt corda innocentium* (inquit Apost. ad Rom. 16. & *Sermo eorum ut cancer serpit* (ut idem scribit 2. ad Tim. 2.) Ipsos igitur extirpare tenentur catholici Principes, cum id possunt absque gravioris mali periculo, & nisi hanc operam religioni præstent, gravis peccati rei sunt.

Hanc Regulam confirmat *S. Tb.* secunda secundæ, q. 11. art. 11. Quamvis (*inquit*) infideles in suis ritibus peccent, tolerari possunt, vel propter aliquod bonum, quod ex eis provenit, vel propter aliquod malum, quod vitatur. Ex hoc autem quod Judæi ritus suos observant, in quibus olim præfigurabatur veritas fidei, quam tenemus, hoc bonum provenit, quod testimonium fidei nostræ habebimus ab hostibus, & quasi in figura nobis repræsentatur, quod credimus; & ideo in suis ritibus tolerantur. Aliorum vero infidelium ritus, qui nihil veritatis, aut utilitatis afferunt, non sunt aliquo modo tolerandi, nisi forte ad aliquod malum vitandum; scilicet ad vitandum scandalum, vel dissidium, quod ex hoc posset pro-

Hæc enim lectio Pontificiis constitutionibus plerisque sub pœna excommunicationis latæ sententiæ vetita est, merito quidem, ne passim ab omnibus vel imperitis, vel semidoctis, aut etiam eruditis viris absque necessitate, & cum subversionis periculo legantur; quod doctis etiam hominibus, sed nimium curiosis, & quorum fides interdum infirmior est, quam simplicium, & ineruditorum, ex hujusmodi lectione plerumque imminere, infelix experientia comprobavit. Qui vero ex librorum illorum lectione subversionis periculum fidei suæ imminere animadvertunt, quod dubia circa fidem in eorum animis excitet, quibus graviter concutiuntur, lethaliter peccant, si in illorum lectione nihilominus perseverent, quamvis licentiam habeant hujusmodi libros legendi. Tenetur enim quisque periculum subversionis, & proximam peccandi occasionem vitare; nam *Qui amat periculum, peribit in illo*, ut dicitur *Ecclesiæ*. 3. 27. Tandem, qui libros illos absque licentia retinent, lethaliter peccant; tenentur enim illos quam primum deferre ad Episcopos, aut Inquisitores hæreticæ pravitatis, ubi exercetur Inquisitio, aut certe comburere; sicut legimus eos fecisse, qui superstitiones lectati, ad fidem christianam, melioremque frugem conversi sunt, *Act. 19. Multi ex eis, qui fuerant curiosa sectati, contulerunt libros, & combusserunt eam omnibus.*

Id confirmat *S. Leo*, Epistola 15. alias 93. cap. 15. ubi de Priscillianistarum libris ait: „ Quomodo decipere simplices possent, nisi venenata pocula quodam melle prælinirent, ne usquequaque sentirentur insuavia, quæ essent futura mortifera? Curandum ergo est, & Sacerdotali diligentia maxime providendum, ut falsati codices, & a sincera veritate discordes, in nullo usu lectionis habeantur, apocryphæ autem Scripturæ, quæ sub nominibus Apostolorum multarum habent seminarium falsitatum, non solum interdicendæ, sed etiam penitus auferendæ sunt, atque ignibus concremandæ. Quamvis enim sint in illis

quædam , quæ videantur speciem habere pietatis , nunquam tamen vacua sunt venenis , & per fabularum illecebras hoc latenter operantur , ut mirabilium narratione seductos , laqueis cujuscunque erroris involvant. Unde si quis Episcoporum , vel Apocrypha haberi per domos non prohibuerit ; vel sub Canoniorum nomine eos codices in Ecclesia permiserit legi , qui Priscilliani adulterina sunt emendatione vitiati , hæreticum se noverit judicandum ; quoniam qui alios ab errore non revocat , se ipsum errare demonstrat „ „.

ARTICULUS IX.

Regulæ Praxim spectantes circa Spem.

REGULA PRIMA.

Actum spei tenetur elicere christianus homo , & sæpius in vita , scilicet cum gratiam justificantem consequi opus est ; & cum desperationis tentationes ingruunt , & cum spem suam infirmam , ac languentem esse animadvertit , rebusque temporalibus affici magis , ac moveri , quam bonis æternis . & cum Deum orat , & præsertim in mortis discrimine.

De Spe
christiana.

Hanc Regulam probant illa , quæ de fidei præcepto diximus. Præcepta enim de spe in Deum non semel in Scripturis sacris tradita sunt , scilicet Psalmo 4. *Sacrificate sacrificium justitia , & sperate in Domino. Et*

Obligat etiam præceptum spei, quoties de desperatione tentamur, tunc enim contrario virtutis actu demoni resistere debemus; item cum spem nostram infirmam, ac languentem esse animadvertimus, eam excitare debemus, ut in iustitia christiana crescamus. In adversitatibus etiam debemus nos futurorum expectatione bonorum consolari, & roborare, secundum illud Apostoli ad Rom. 5. *Gloriamur in spe gloria filiorum Dei. Non solum autem, sed & gloriamur in tribulationibus scientes, quod tribulatio patientiam operatur; patientia autem probationem, probatio vero spem, spes autem non confundit*; & cap. 12. *Spe gaudentes, in tribulatione patientes*. Spes rursus excitanda est, cum oramus, quia frustra peteremus a Deo, quæ ab illo nos impetraturos non speratemus, & consideremur: *Sperantem enim in Domino misericordia circumdabit*. Sed maxime in mortis articulo actus spei debemus elicere, cum diabolus peccatorum nostrorum multitudinem, ac gravitatem nobis repræsentans, in desperationem inducere nos tentat. Tunc in divinam misericordiam spem nostram conjicere debemus *Sicut anchoram anime tutam, ac firmam*, ut loquitur Apostolus. Tunc dicat intimo pietatis affectu, in Deum Creatorem suum, Patrem suum, Redemptorem suum, in Christi passionem, vulnera pro se suscepta, Sanguinem pro se etiam effusum respiciens moribundus homo: *Domine Deus meus, in te speravi... Deus meus, adjutor meus & sperabo in eum... In Domino sperans non infirmabor... Fias misericordia tua, Domine, super nos, quemadmodum speravimus in te... Mihi adharere Deo bonum est, ponere in Domino Deo spem meam... In te, Domine, speravi, non confundar in aeternum*. Tunc diaboli tentationibus illud S. Bernardi in extremo agone positi objiciat: „Fateor, indignus sum regno cœlorum; sed duplici jure obtinens illud Dominus meus, hæreditate Patris, & merito passionis, altero ipse contentus alterum mihi donavit. Cujus beneficio illud mihi vindicare non erubesco „Gravia quidem sunt, & innumera peccata mea: sed *Apud Dominum miseri-*

Psal. 31.

Hebr. 6.

262 Theol. Dog. & Moral. Lib. IV.

cordia, & copiosa apud eum redemptio... Miserationes ejus super omnia opera ejus... & misericordiarum ejus non est numerus. Non me fecit, ut me perderet; miserebatur figmenti sui, & operis manuum suarum. Pretium meum Sanguis Christi est; eo aspersus a maximis delictis emundabor. In vulneribus ejus tutus, tuas, Satan, insidias non pertimesco, si consistent adversum me castra, non timebit cor meum; si exurgat adversum me praelium, in hoc ego sperabo. Reposita est hæc spes mea in sinu meo, ut pignus æternæ beatitudinis, ut clypeus fortitudinis, ut sertum exultationis.

R E G U L A II.

Contra spei præceptum lethaliter peccant, qui scelerum suorum multitudine, ac gravitate territi, veniam a Deo obtinere desperant.

Fatricidam enim Cain imitantur, qui voce fraterni sanguinis ad Dominum clamante, ait: *Major est iniquitas mea, quam ut veniam merear.* (Gen. 4.) Et Christi traditorem Judam, qui sanguinem justum tradendo se peccasse cum professus esset, *Abiens laqueo se suspendit.* De quo *S. August.* scribit Serm. 303. alias 27. inter Homilias quinquaginta. „ Judam traditorem non tam scelus, quod commisit, quam indulgentiæ desperatio fecit penitus interire. Non erat dignus misericordia, ideo ei non fulsit lumen in corde, ut ad ejus indulgentiam concurreret, quem tradide-

Non tam proditio Judam interire fecit quam desperatio.

sed non speravit in misericordia ipsius. „ „ Ergo sic time Dominum, ut speres in misericordia ejus. Si times latronem, ab alio speras auxilium, non ab eo, quem times; poscis auxilium ab eo, quem non times, adversus eum, quem times. Si sic times Deum, & ideo times Deum, quia peccator es, a quo accepturus es auxilium adversus Deum? Quo iturus es? Quid facturus? Vis ab illo fugere? Ad ipsum fuge. Vis fugere ab irato? Fuge ad placatum. Placabis autem eum, si speres in misericordia ipsius; atque ita de cætero peccate caveas, ut de præteritis deprecæris, ut tibi dimittantur a Domino „ „ Verba sunt *S. August.* Enarratione in hunc Psalmum.

A Deo irato
ad ipsum
met placatum
fugien-
dum est.

R E G U L A I I I.

Contra spei præceptum lethaliter peccant, qui pravarum cupiditatum suarum vehementiam considerantes, suamque ad bene agendum imbecillitatem, superare eam per Dei gratiam desperant, interimque se ad omne scelus projiciunt.

De his scribit Apostolus ad Ephesios cap. 4. *Qui desperantes tradiderunt semetipsos impudicitia, in operationem immunditie omnis.* Hi apud *Jeremiam* eos nomine Domini admonentem, ut revertatur unusquisque a via sua mala, & dirigat vias suas, & studia sua, ajunt: *Desperavimus, post cogitationes enim nostras ibimus, & unusquisque pravitatem cordis sui mali faciemus.* *Jerem. 18.*

R E G U L A I V.

Contra spei præceptum lethaliter peccant, qui, spectata magnitudine cœlestis gloriæ, & conditionis humanæ vilitate, adeo degeneris, ac pusilli sunt animi, ut ad æternam gloriâ aspirare non audeant.

Hos spectat illud Sapientis monitum, Eccl. 16. *Non dicas, a Deo abscondar, & ex summo quis me memorabitur? In populo magna non agnoscar; quæ enim anima mea in tam immensa creatura? Hi certe divinis promissis etiam juramento firmatis increduli vi-*

Spes an-
chora ani-
mæ tuta ac
firma.

Quantas
arrhas pro-
missionum
suarum, &
salutis no-
stræ Deus
nobis dedit
ad foven-

dentur. *Homines per majorem sui jurant* (inquit Apo-
stolus ad Hebræos 6.) *& omnis controversia eorum*
finis, ad confirmationem, est juramentum. In quo abun-
dantius volens ostendere Deus pollicitationis heredibus
immobilitatem consilii sui, interposuit jusjurandum; ut
per duas res immobiles, quibus impossibile est mentiri
Deum, fortissimum solatium habeamus, qui confugimus ad
tenendam propositam spem; quam sicut anchoram habe-
mus anima tutam, ac firmam, & incedentem usque ad
interiora velaminis; ubi præcursor pro nobis introivit
Jesus. In carne igitur ambulantes, non secundum
carnem militare debemus, sed desiderio in cælo esse,
spem in terram illam felicitatis æternæ quali ancho-
ram præmittere. ne in isto mari turbati, naufragium
faciamus. „ „ Quemadmodum ergo de navi, quæ
in anchoris est, recte dicimus, quod jam in terra
sit; adhuc enim fluctuat, sed in terra quodammodo
educta est contra ventos, & contra tempestates; sic
contra tentationes hujus peregrinationis nostræ, spes
nostra fundata in illa civitate Jerusalem facit nos non
abripi in saxa „ „ Verba sunt S. August. Enarratione
in Psalm. 64. Si salutis arrhas consideremus, quibus
Deus spem nostram erigit, manifestum erit grande
esse peccatum illorum, qui spectata gloriæ cœlestis
magnitudine, & conditionis humanæ vilitate, de-
spondent animos, & ad eam aspirare non audent.
Êa de re differentem S. August. audire præstat, Enar-

De primo Decalogi præcepto. 209

hilo? Aut vero pro omnino habet Deus hominem; propter quem mori voluit Unicum suum? attendamus ad iudicium dilectionis. Promissionis Dei tales arrhas accepimus; tenemus mortem Christi. Quis mortuus est? Unicus. Pro quibus mortuus est? utinam pro bonis, utinam pro iustis. Sed quid? Etenim Christus (ait Apostolus) pro impiis mortuus est. Donavit impiis mortem suam, quid servat iustis, nisi vitam suam? Erigat ergo se humana fragilitas, non desperet, non se collidat, non se avertat, non dicat: Non ero. Qui promisit, Deus est; & venit, ut promitteret; apparuit hominibus, venit suscipere mortem nostram, promittere vitam suam. Venit ad regionem peregrinationis nostræ, accipere hic, quod hic abundat, opprobria, flagella, colaphos, sputa in faciem, contumelias, spineam coronam, suspensionem in ligno, crucem, mortem. Hæc abundant in regione nostra. Ad talia commercia venit. Quid hic dedit, quid accepit? dedit exhortationem, dedit doctrinam, dedit remissionem peccatorum; accepit contumelias, mortem, crucem. Attulit nobis de illa regione bona, & in regione nostra pertulit mala. Promisit tamen nobis, quod ibi futuri simus, unde venit, & ait: *Pater volo, ut ubi ego sum, & ipsi sint me.* Joan. 14 cum. Tanta præcessit dilectio. Quia ubi nos eramus, fuit nobiscum; ubi ipse est, erimus cum illo. Quid tibi promisit Deus, o homo mortalis? quia victurus es in æternum. Non credis? crede, crede. Plus est jam, quod fecit, quam quod promisit. Quid fecit? mortuus est pro te. Quid promisit? ut vivas cum illo. Incredibilis est, quod mortuus est æternus, quam ut in æternum vivat mortalis. Jam quod incredibile est, tenemus. Si propter hominem mortuus est Deus, non est victurus homo cum Deo? non est victurus mortalis in æternum, propter quem mortuus est, qui vivit in æternum? . . . Accepit ex te, unde moreretur pro te. Non posset mori, nisi caro; non posset mori nisi mortale corpus; induit se, ubi pro te moreretur; induit te, ubi cum illo vivas. Ubi se
in.

266 Theol. Dog. & Moral. Lib. IV.

induit morte? in virginitate matris. Ubi te induit vita? in æqualitate patris... Quiddam nostrum jam sursum est, quod hic accepit, ubi mortuus est, ubi crucifixus est. Jam quædam primitiæ tuæ præcesserunt, & dubitas, quia secuturus es „ „?

R E G U L A V.

Contra spei præceptum peccant, qui ad orandum sunt pigriores, spemque abjiciunt, quod in longum differri videatur id, quod obtinere sperant.


Habes. 2.

Hi enim non attendentes, quod quædam a Deo non negantur, sed, ut congruo dentur tempore, differuntur (ut ait *S. Augst.* Tract. c. 3. in Joannem.) Moram Domini patienter non ferunt, nec Prophetæ auscultant dicenti: *Si moram fecerit, expecta eum, quia veniens veniet, & non tardabit.* Denique filios Abraham secundum spiritum se non esse ostendunt, qui *Longanimiter ferens, adeptus est repromissionem*, ut scribit Apostolus ad Hebræos 6.

R E G U L A VI.

Contra præceptum spei lethaliter peccant, qui in carne, & homine magis, quam in Dei auxilio confidunt.

Hanc Regulam Deus ipse tradit Jeremiæ 17. *Malédiſtus (inquit) homo, qui confidit in homine,*



De primo Decalogi præcepto. 267

mis, & non sunt confisi super S. Israel, & Dominum non requisierunt. Tales sunt literarum studiosi, qui in labore suo, ac ingenii viribus ad scientiam comparandam magis confidunt, quam in Dei gubernatione, & lumine, qui docet hominem scientiam, qui Scientiarum Dominus est. Tales sunt maxime qui liberi arbitrii viribus sine singulari Dei auxilio, quod humili, fervente, & perseverante oratione ab illo petendum sit, legem Dei se impleturos, aut in gratia se perseveraturos confidunt, aut aliquid, propter quod a Deo suscipiantur, & adjuventur, ex se ipsis se præstare posse. Quisquis non sperat in Domino, miser est; scriptum est enim: *Beatus vir, qui sperat in eo.* Quis est, qui non sperat in Domino? *Qui in se sperat* (inquit S. August. Enarratione in Psalm. 33.) *Igitur Beatus vir, cujus est nomen Domini spes ejus,* Psal. 33. & non respexit in vanitates, & insanias falsas. Merito itaque S. Gregor. lib. 22. *Moralium*, cap. 5. „ „ Præsumptio (inquit) virtutis propriæ tanto gravius in desperatione est, quanto longius ab humilitate. Cumque vires sibi tribuit operis, ad adjutorium non recurrit auctoris; fitque, ut eo gravius peccator pereat, quo & ipsum hoc, quia est peccator, ignorat „ „

R E G U L A VII.

Desperatio peccatorum omnium periculosissimum est.

Angelici Doctoris effatum est, 2. 2. qu. 20. art. 3. „ „ Desperatio (inquit) est periculosior, quia per spem revocamur a malis, & inducimur ad bona prosequenda; & ideo sublata spe irrefrænate homines labuntur in vitia, & a bonis operibus retrahuntur „ „ Unde Glossa super illud Prov. 24. *Si desperaveris lassus in die angustia, minuetur fortitudo tua;* ait: „ Nihil est execrabilius desperatione, quam qui „ habet, & in generalibus hujus vitæ laboribus, & „ quod pejus est, in fidei certamine constantiam perdit „ „ Quæ Glossa ex venerabili Beda sumpta est, verbis aliquantulum immutatis. Hinc S. Isidorus lib. 2.

Sententiarum, sive, *de Summo bono*, c. 14. ait: „Con-
 „ temnere poenitentiam, & permanere in culpa, de-
 „ scendere in infernum post mortem est. Ergo pec-
 „ care, ad mortem pertinet; desperare vero, est in
 „ infernum descendere „ Quo mox etiam refert il-
 lud Prov. 18. *Impius, cum in profundum malorum ve-*
nerit, contemnit. Unde S. Leo, Sermone 3. *de Passione*
Domini, ait: „„ Christus sic ad omnium Redemptio-
nem utebatur malitia persequentium, ut in mortis
ejus, Resurrectionisque Sacramento, etiam interfe-
ctores sui possent salvi esse, si crederent. Unde sce-
 lestior omnibus, Juda, & infelicior extitit; quem
 non poenitentia revocavit ad Dominum, sed despe-
 ratio traxit ad laqueum „ „ „

REGULA VIII.

Contra Spei christianæ præceptum lethaliter peccant,
 qui confidunt se permanentes in peccato miseri-
 cordiam consecuturos; aut si vitam quandoque in
 melius mutare proponant, id nihilominus ita in dies
 differunt, ac si de dono poenitentiae accipiendo cer-
 ti essent. Contra idem præceptum gravissime pec-
 cant, qui etiam crimina sua deferant, ad Ecclesiae ta-
 men Sacramenta non confugiunt, ut veniam con-
 sequantur, nec Deum placare satagunt satisfactoriis
 operibus.

obtinere sine poenitentia, vel gloriam sine meritis. Hæc autem præsumptio est proprie species peccati in Spiritum sanctum; quia per huiusmodi præsumptionem tollitur, vel contemnitur adiutorium Spiritus sancti, per quod homo revocatur a peccato „ „

Et art. 2. responsione ad 3. „ Peccare cum proposito perseverandi in peccato sub spe veniæ, ad præsumptionem pertinet, & hoc non diminuit, sed auget peccatum „.

Contra huiusmodi præsumptores ait sapiens (Eccl. 5.) *Ne sequaris in fortitudine tua concupiscentiam cordis tui; & ne dixeris: Quomodo potui? Aut quis me subiciet propter facta mea? Deus enim vindicans vindicabit. Ne dixeris: Peccavi, & quid mihi accidit triste? Altissimus enim est patiens redditor. De propitiato peccato noli esse sine metu, neque adjicias peccatum super peccatum. Et ne dicas: Misericordia Domini magna est, multitudinis peccatorum meorum miserebitur. Misericordia enim, & tra ab illo cito proximant, & in peccatores respicit ira illius. Non tardes converti ad Dominum, & ne differas de die in diem. Subito enim veniet ira illius, & in tempore vindictæ disperdet te. Eisdem increpat Apostolus, ad Rom. 2. Existimas autem hoc, o homo, qui iudicas eos, qui talia agunt, & facis ea, quia tu effugies iudicium Dei? An divitias bonitatis ejus, & patientia, & longanimitatis contemnis? Ignoras, quoniam benignitas Dei ad poenitentiam te adducit? Secundum autem duritiam tuam, & impenitens cor thesaurizas tibi iram in die ira, & revelationis iusti iudicii Dei, qui reddet unicuique secundum opera ejus. Non enim modo sic longanimis Deus in sustinendo, ut nunquam justus in vindicando. Distribuit tempora, nunc vocat, nunc exhortatur peccatores, expectans donec resipiscant. Misericors, & miserator Dominus, longanimis, & multum misericors. Misericors in his, quibus veniam dedit; in his, quibus adhuc non dedit, longanimis; non damnans, sed expectans, ipsa expectatione exclamans: Convertimini ad me, & convertar ad vos. Et Ezech. 33. nimia longanimitate; Nolo (inquit) mortem impii, sed*

**Et spes, &
desperatio
timenda in
peccatis.**

ut convertatur impius a via sua, & vivat. Deus ergo dedit spem veniæ, ne desperando amplius pecces (inquit *S. Auguß.* Enarratione in Psalm. 144.) „ „ Et spes, & desperatio timenda est in peccatis. Videte vocem desperantis ad augenda peccata, & videte vocem sperantis ad augenda peccata, & quomodo utrique voci occurrit providentia, & misericordia Dei. Audi vocem desperantis: Jam (inquit) damnandus sum; quare non facio, quidquid volo? Audi & vocem sperantis! Misericordia Domini magna est, quando me convertero, dimittet mihi omnia; quare non facio, quidquid volo? desperat, ut peccet; sperat, ut peccet. Utrumque metuendum est, utrumque periculosum; vae a desperatione, vae a perversa spe. Utrique huic periculo, & utrique malo quomodo occurrit misericordia Dei? Quid dicis tu, qui desperando volebas peccare? Jam damnandus sum; quare non facio, quidquid volo? audi Scripturam? *Nolo mortem impij, sed ut convertatur, & vivat.* Hac voce Dei reducitur in spem; sed timendus est alius laqueus, ne ipsa spe amplius peccet. Quid ergo & tu dicebas, qui spe magis peccas? Quando me convertero, omnia mihi Deus dimittet, faciant, quidquid volo. Audi & tu Scripturam! *Ne tardes converti ad Dominum; neque differas de die in diem; subito enim venit ira illius, & in tempore vindictæ disperdet te.* Noli ergo dicere, cras me convertam, cras Deo placebo, & omnia hodierna, & hesternæ dimit-

Ezech. 33.

Ecol. 4.

vitam suam mundare a peccatis suis, & se omni gurgite flagitiorum demerferit, & ipse cadit. : Audiamus vocem Dei dicentem nobis : Ne præsumas ad regnum de justitia tua ; ne præsumas ad peccandum de misericordia Dei. Illuc si ascenderis, præcipitaberis : hac si lapsus fueris, dentergeris „ „

Hinc S. Bernardus Sermone 87. de Diversis : „ „ Cum primo (*inquit*) convertimur, pedes Domini osculamur. Duo autem sunt pedes Domini, Misericordia, & veritas. Hunc utrumque pedem Deus convertentium cordibus imprimit ; & utrumque pedem peccatur quisque, si vere convertitur, amplectitur. Si enim solam misericordiam sine veritate reciperet, per præsumptionem caderet. Rursus si veritatem sine misericordia reciperet, nihilominus per desperationem periret. Sed ut fiat salvus, ad utrumque pedem humiliter provolvitur ; ut per veritatem peccata damnet, & per misericordiam veniam speret „ „

Peccator
penitens
utrumque
pedem Do-
mini ample-
cti debet,
misericor-
diam, &
justitiam

ARTICULUS X.

Regula de dilectione Dei.

REGULA PRIMA.

Præceptum anterioris Dei speciale est, non generale, cui per aliorum præceptorum adimpletionem satisfiat, adeoque non effectivus duntaxat ; sed affectivus amor Dei præcipitur hominibus.

Hæc Regula nititur Christi Salvatoris nostri oraculo, Matth. 22. *Dilige Dominum Deum tuum ex toto corde tuo ; & ex tota anima tua ; & ex tota mente tua. Hoc est maximum, & primum mandatum.* Primum porro, & maximum mandatum a cæteris distinctum est, specialemque actum, sive affectum imperat, non solum vetat, ne quis flagitiis, & facinoribus Deum offendant.

De dile-
ctione Dei.

Propterea, dubium esse non potest, quin Deus principi hominis facultati, ejus nempe voluntati, legent præfixerit, ex cujus scilicet amore omnis motus bonitas pendet. Nam „ Mores nostri, non ex eo, quod

„ quisque novit, sed ex eo, quod diligit, dijudicari
 „ solent. Nec faciunt bonos, vel malos mores, nisi
 „ boni, vel mali amores „ (*inquit S. August. Epistola*
155. alias 52. ad Macedonium.) Quid enim absurdius
 fingi possit, quam quod non curaverit Deus de prima
 hominis facultate, ex cujus bono, vel malo amore
 homo bonus, vel malus existit; dum interim leges
 præscripsit aliis facultatibus ac membris, quorum
 opera, siquidem ex se ipsis indifferentia sint, non ali-
 unde meritum, aut demeritum mutuantur, quam a
 recta, aut perversa voluntate, a qua imperantur? Hoc
 ergo mandatum, *Diliges Dominum Deum tuum*, pri-
 mam, ac præcipuam humani cordis operationem affi-
 cit, ac gubernat, nempe ejus amorem. Hæc autem
 Dei dilectio tam non potest esse sine motu volunta-
 tatis, siue cordis humani, quam cognitio, & recor-
 datio Dei sine actu intellectus, atque memoriæ esse
 non possunt. Præcipitur ergo humano cordi, quod
 sine amore esse non potest, specialis actus, ut scilicet
 Deum diligat amore cæteris omnibus ejus affectibus
 dominante. De quo *S. August. Epistola* mox indicata:
 „ „ Quamquam (*inquit*) & in hac vita virtus non
 est, nisi diligere, quod diligendum est; id eligere,
 prudentia est; nullis inde averti molestiis, fortitudo
 est; nullis illecebris, temperantia est; nulla superbia,
 justitia est. Quid autem eligamus, quod præcipue di-
 ligamus; nisi quo nihil melius invenimus? Hoc Deus

Amor Dei
 cæteris om-
 nibus ho-
 minis affe-
 ctibus do-
 minari de-
 bet.

si autem se propter se diligit, non se refert ad Deum, sed ad se ipsum conversus non ad incommutabile quid convertitur. Et propterea jam cum defectu aliquo se fruitur; quia melior est, cum totus hæret, atque constringitur incommutabili bono; quam cum inde vel ad se ipsum relaxatur. Si ergo te ipsum non propter te debes diligere, sed propter illum, ubi dilectionis tuæ rectissimus finis est, non succenseat alius homo, si etiam ipsum propter Deum diligis. Hæc enim regula dilectionis divinitus constituta est: *Diliges proximum tuum sicut te ipsum; Deum vero ex toto corde, ex tota anima, ex tota mente*; ut omnes cogitationes tuas, & omnem vitam & omnem intellectum in illum conferas, à quo habes ea ipsa, quæ confers. Cum autem ait: *Toto corde, tota anima, tota mente*, nullam vitæ nostræ partem relinquit, quæ vacare debeat, & quasi locum dare, ut alia re velit frui, sed quidquid aliud venerit in animum, illuc rapiatur, quo totus dilectionis impetus currit. Quisquis ergo recte proximum diligit, hoc cum eo debet agere, ut etiam ipse toto corde, tota anima, tota mente diligat Deum. Sic enim eum diligens tanquam se ipsum, totam dilectionem sui, & illius refert in illam dilectionem Dei, quæ nullum a se rivulum duci extra patitur, cujus derivatione minuatur „ „

Dent. 6.
Matth. 22.
Marc. 12.
Luc. 10.

Dilectio
Dei nullum
a se rivu-
lum duci
extra pati-
tur, cujus
derivatione
minuatur.

Primum illud humani cordis officium rursus explicat L. 1. de Moribus Ecclesiæ catholicæ, cap. 11. „ „ Secutio Dei (*inquit*) beatitatis appetitus est; consecutio autem ipsa beatitas. At eum sequimur diligendo; consequimur vero, non cum hoc omnino efficimur, quod est ipse, sed ei proximi, eumque mirifico, & intelligibili modo contingentes, ejusque veritate, & sanctitate penitus illustrati. atque comprehensi. Ille namque ipsum lumen est, nobis autem ab eodem illuminari licet. *Maximum* ergo quod ad beatam vitam ducit, *primumque mandatum est, diliges Dominum Deum tuum ex toto corde tuo, & anima, & mente: Diligentibus enim Deum, omnia procedunt in bonum.*

Secutio Dei
est beatitu-
dinis appe-
titus.

Quamobrem paulo post idem Paulus: *Certus sum* Rom. 8.

(inquit) *quod neque mors, neque vita, neque Angeli; neque virtus, neque instantia, neque futura, neque aliud, neque profundum, neque creatura alia, poterit nos separare a charitate Dei, quæ est in Christo Jesu Domino nostro.* Si igitur diligentibus Deum omnia procedunt in bonum; & summum bonum, quod etiam optimum dicitur, non modo diligendum esse nemo ambigit, sed ita diligendum, ut nihil amplius diligere debeamus; idque significatur, & exprimitur, quod dictum est: *Ex tota anima, & ex*

Nihil aliud nobis est optimum ad quod, postpositis cæteris, festinare oporteat, quam Deus.

toto corde, & ex tota mente; quis quæso dubitaverit, his omnibus constitutis, & firmissime creditis, nihil nobis aliud esse optimum, ad quod adipiscendum postpositis cæteris festinare oporteat, quam Deum? Item si nulla res ab ejus charitate nos separat, quid esse non solum melius, sed etiam certius hoc bono potest? Sed singula breviter attendamus; nemo nos inde separat, minando mortem; idipsum enim, quo diligimus Deum, mori non potest, nisi dum non diligit Deum, quod nihil est aliud, quam ei quidquam in diligendo, atque sequendo præponere. Nemo inde separat pollicendo vitam; nemo enim ab ipso fonte separat pollicendo aquam. Non separat Angelus; non enim est Angelus, cum inhæremus Deo, nostra mente potentior. Non separat virtus: nam si virtus hic illa nominata est, quæ aliquam potestatem in hoc mundo habet, toto mundo est omnino sublimior mens inhæ-

Nihil nos separat ab amore Dei quamdiu ipsum diligere volu-

Arinam me ab eo separat, ut quasi depellat errorem; a quo nemo prorsus nisi separatus erraret. Si vero altitudine, & profundo superna, & inferna hujus mundi significantur; quis mihi cœlum polliceatur, ut a cœli fabricatore sejungar? Aut quis terreat infernus, ut Deum deleram, quem si nunquam deseruisssem inferna nescirem? Postremo quis me locus ab ejus charitate divellet, qui non ubique totus esset, si ullo contineretur loco? Non separat alia creatura „ „ Non satis tuit Apostolo dicere: *Non creatura*; sed dixit, *Non alia creatura*, ut animum ipsum, quo Deum diligimus, creaturam esse doceret. Alia ergo creatura corpus est, alia creatura est omne sensibile. Cavere ergo debet animus; „ „ Ne ab ipsius Dei charitate, quæ sanctificatur, ut beatissimus maneat, alterius creaturæ, id est, hujus sensibilis mundi amore separetur. Non igitur leparat nos alia creatura, siquidem & nos ipsi creatura sumus, a charitate Dei „ „

In Deum itaque omnis amor noster colligendus, & reterendus est; unde rursus idem *S. August.* lib. 10. *Confessionum*, cap. 19. ita Deum alloquitur: *Minus te amat, qui tecum aliquid amat, quod non propter te amat.* Totus amor noster in Deum colligendus.

Et Serm. 34. alias *de Diversis* 2. cap. 4. „ „ Audi, quid tibi dicat ex ore sapientiæ charitas: *Da mibi fili cor tuum.* Prov. 23. Male erat, quando a te erat; quando tibi erat; per nugas enim, & amores lascivos, perniciososque trahebaris. Tolle inde. Ubi trahis? Ubi ponis? *Da mibi* (inquit) *cor tuum.* Sit mihi, & non perit tibi. Vide enim, si aliquid voluit dimittere in te, unde ames vel te, qui tibi dicit: *Diliges Dominum Deum tuum ex toto corde tuo; & ex tota anima tua, & ex tota mente tua.* Quid remanet de corde tuo, unde diligas te ipsum? Quid de anima tua? Quid de mente tua? Ex toto (inquit) totum exigit te, qui fecit te „ „ Non ergo nos, sed ipsum amemus; & ea, quæ sunt ejus: non ea, quæ sunt nostra, quæramus (inquit idem *S. Doctor Tract.* 123. in Joannem.) „ „ Nescio quo enim inexplicabili modo, quisquis se ipsum, non Deum amat, non se amat; & quisquis Deum, non se ipsum amat, ipse se amat. Quisquis se ipsum non Deum amat, non se amat.

vere se
amat.

amat. Qui enim non potest vivere de se, moritur utique amando se; non ergo se amat, qui, ne vivat, se amat. Cum vero ille diligitur, de quo vivitur, non se diligendo magis diligit, qui ideo non se diligit, ut eum diligit, de quo vivit „ „

Deus
amandus
dulciter,
prudenter,
fortiter.

Ejusdem præcepti vim mirifice explicat S. Bernard. Sermone 20. in Cantica. „ „ Disce, o Christiane, a Christo, quemadmodum diligas Christum. Disce amare dulciter, amare prudenter, amare fortiter; dulciter, ne illecti; prudenter, ne decepti; fortiter, ne oppressi, ab amore Domini avertamur. Ne mundi gloria, seu voluptatibus abducaris, dulcescat tibi præ his sapientia Christus; ne seducaris spiritu mendacii, & erroris, luceat tibi veritas Christus; ne adversitatibus fatigeris, confortet te virtus Dei Christus. Zelum tuum inflammet charitas, informet scientia, firmet constantia. Sit fervidus, sit circumspectus, sit invictus. Et vide, ne forte tria ista tibi, & in lege tradita fuerint, dicente Deo: *Diliges Dominum Deum tuum ex toto corde tuo, & ex tota anima tua, & ex tota virtute tua.* Mihi videtur amor quidem cordis ad zelum pertinere affectionis, animæ vero amor ad industriam, seu judicium rationis; virtutis autem dilectio ad animi posse referri constantiam, vel vigorem. Dilige ergo Dominum Deum tuum toto, & pleno cordis affectu; dilige tota rationis vigilantia, & circumspeditione; dilige & tota virtute, ut nec mori pro ejus amore per-

Dent. 6.

Idem S. Doctor actum amoris primo præcepto mandatum, ab observatione aliorum præceptorum distinctum esse, diserte docet 2. 2. qu. 44. art. 1. „ „ Modus (*inquit*) dilectionis non cadit sub illis præceptis, quæ dantur de aliis actibus virtutum, puta, sub hoc præcepto: *Honora patrem tuum, & matrem tuam*, non cadit, quod hoc ex charitate fiat; cadit tamen actus dilectionis sub præceptis specialibus „ „

Et 1. 2. q. 100. art. 10. in responsione ad secundum, juberi nos asserit omnia referre in Deum; at negat hanc obligationem ex singulis præceptis exurgere, sed tantum ex vi hujus præcepti: *Diligas Dominum Deum tuum ex toto corde tuo*.

Regulæ, quam explicamus, adversari S. Bern. quidam perperam obijciunt, duplicemque amorem distinguere, alterum affectivum, alterum effectivum; hunc nobis præceptum asserere, non primum. Hæc ejus verba proferunt ex Serm. 50. in Cantica. „ „ Est charitas in actu, & est in affectu; & de illa quidem, quæ operis est, puto datam esse legem hominibus, mandatumque formatum. Nam in affectu, quis ita habeat, ut mandatur? Ergo illa mandatur ad meritum, ista ad præmium „ „

Verum S. Bernardus ab illa, quam vocat charitatem in actu, intentionem directam in Deum, verumque Dei affectum non removet; nec alium quam tene-riorem, ardentiorum, & suaviorum amoris affectum excludit, cujus torrente Sanctos in patria inebriat Deus, & nunc in via quibusdam rivulis nonnunquam pias animas consolatur. „ „ Non hoc dico (*inquit* S. Bernardus) ut sine affectione simus; & solum moveamus manus ad opera; legi inter alia, quæ scribit Apostolus, magna, & gravia hominum mala, hoc quoque annumeratum, scilicet sine affectione. Sed est affectio, quam caro gignit, & est, quam ratio regit, & est, quam condit sapientia. Prima est, quam Apostolus dicit, legi Dei non esse subjectam, nec esse posse; secunda, quam perhibet e regione legi

Affectivum Dei amorem homini christiano præceptum S. Bernardus non negat.

Rom. 1. 32.

Rom. 8.

Dei consentientem, quoniam bonā est. Longe vero tertia ab utraque, quæ gustat, & sapit, quoniam suavis est Dominus, primam eliminans, secundam remperans. Nam prima quidem dulcis, sed turpis; secunda sicca, sed fortis; ultima pinguis, & suavis. Igitur per secundam opera fiunt, & in ipsa charitas; sed & non illa affectualis, quæ sale sapientiæ condita pinguescens, magnam menti importat multitudinem dulcedinis Domini; sed quædam potius actualis, quæ etsi nondum dulci illo amore suaviter reficit, amore tamen ipsius amoris vehementer accendit „„. Per charitatem igitur in effectu, verum, interiorē, & supernaturalem charitatis actum cum operibus conjunctum *S. Bernardus* intelligit; per charitatem in affectu, amorem eximio quodam lumine splendentem, & abundantia quadam spavittatis circumfluentem. Primum duntaxat, non secundum primo mandato præceptum esse docet.

In aliis
mandatis
non serva-
tur manda-
tum de Deo
diligendo,
nisi illorum
observatio
prodeat ex
radice cha-
ritatis.

Nec vero cum Regula, cujus in explicatione versamur, ullatenus pugnant hæc Christi Domini verba: *In his duobus mandatis universa lex pendet, & Propheta*; non enim hæc ideo dixit Salvator noster, quod duo illa præcepta nullam obligationem importent distinctam ab obligatione reliquorum præceptorum, sed quod eorum observatio pariat fidelem in cæteris mandatis servandis diligentiam, quasi divini amoris fructum. Unde Christus ait (Joan. 14.) *Si quis dili-*

De primo Decalogi præcepto. 279

lis parum grata est. „ Si enim forinsecus ea , quæ
 „ Deus jubet , manibus fiant , & in corde non fiant ,
 „ nemo est tam insulius , qui præcepta arbitretur im-
 „ pleri „ (*inquit S. August.* qu. 54. in *Deuter.*) Non
 implentur (inquam) mandata Dei , sicut ea oportet
 impleri , dum sit , quod Deus præcipit , nec tamen
 sit propter id , propter quod fieri præcipit. Hinc idem
 S. Doctor in Pl. 118. „ Propter mercedem terrenam ,
 „ atque carnalem (*inquit*) Dei mandata conabantur
 „ , servare Judæi , neque faciebant , quia non ipsa , sed
 „ aliud diligebant „. In aliis itaque mandatis non ser-
 vatur mandatum de diligendo Deo , nisi illorum ob-
 servatio prodeat ex radice charitatis eam imperantis.
 Hinc S. Greg. Hom. 27. in Evangelia ait ; „ „ Omne
 mandatum de sola dilectione esse , & omnia unum
 præceptum esse , quia , quidquid præcipitur , in sola
 charitate solidatur. Ut enim multi arboris rami ex
 una radice prodeunt , sic multæ virtutes ex una cha-
 ritate generantur. Nec habet aliquid viriditatis ra-
 mus boni operis , si non manet in radice charitatis.
 Præcepta ergo Dominica & multa sunt , & unum ;
 multa per diversitatem operis , unum in radice cha-
 ritatis „ „. Mandatum itaque primum , & maximum
 non servatur in aliis præceptis , dum forinsecus fiunt ,
 sed potius in illo alia servantur , & adimplentur ;
 quia amor Dei in corde regnans non permittit , ut
 agendo , vel omittendo dilectus offendatur. „ Nam
 „ fides , quæ per dilectionem operatur , etsi non sit ,
 „ in quo exterius operetur , in corde tamen illa fer-
 „ vens servatur „ , (*inquit S. August.* Sermone 2. alias
De Tempore 72.

Merito itaque sacra Facultas Parisiensis inter alias Propositiones anno 1665. illam damnavit : „ Præce-
 „ ptum amoris Dei , & proximi non est speciale , sed
 „ generale , cui per aliorum præceptorum adimple-
 „ tionem satisficit „ „

Hanc & generalis Cleri gallicani Conventus anno
 1700. damnavit ut „ perniciosam , scandalosam , pia-
 „ rum aurium offensivam , erroneam , impiam , præ-

„mum, & summum mandatum irritum facientem, &
 „evangelicæ legis spiritum extinguentem „

R E G U L A I I.

Sine actu amoris Dei non perficitur mandatum, quo
 Deum super omnia diligere jubemur.

Non habi-
 tus sed
 actus virtu-
 tum præci-
 piuntur.

Hæc Regula confectarium est præcedentis. Id ipsa
 primi, & maximi mandati verba significant; qui-
 bus dicitur diligendus Deus ex tota anima, & ex toto
 corde, & ex tota mente. Diligere autem agentis, &
 non cessantis est. De habituali igitur, otioso, & iner-
 ti amore minime agitur. Hinc *S. August.* lib. 3. *De Do-*
ctrina christiana, cap. 10. ait: „Charitatem voco mo-
 „tum animi ad fruendum Deo propter ipsum, & se,
 „atque proximo propter Deum „. Motus igitur ani-
 mi, siye vitalis actio præcipitur, non habitus, de quo
 præcepta non dantur. Non uno enim in loco docet
S. Thom. præcepta non dari de habitibus, sed de acti-
 bus virtutum. Nec modo id generatim de certis præ-
 ceptis, sed speciatim de præcepto amoris Dei tradit,
 2, 2. qu. 44. art. 2. ad primum: „Licet (*inquit*) cha-
 „ritas sit una virtus, habet tamen duos actus, quo-
 „rum unus ordinatur ad alium, sicut ad finem. Præ-
 „cepta autem dantur de actibus virtutum. Et ideo
 „oportuit esse plura præcepta charitatis „. Neque
 enim vult Deus, ut eum habitibus cessantibus, & ad

de diligamus, tum jubet se diligere dilectione actuosa, non cessante; dilectione vigili, non sopita; dilectione attenta, non vero dilectione, quæ intar sopitorum habituum sine cogitatione, sine attentione, & sine actione reperiri existimatur.

Quamvis porro actus amoris divini a Deo præceptus sit, non tamen perennitas hujus actus, qua totum semper cor ad Deum actu feratur; hæc enim perfectio Cœlitum propria est. Id unum vult *S. Thom.* Secunda secundæ, quæ. 44. art. 4. in responsione ad secundum, cum ait: „Dupliciter contingit, ex toto corde Deum diligere. Uno quidem modo, in actu, id est, ut totum cor hominis semper actualis feratur in Deum, & ista perfectio est patriæ. Alio modo, ut habitualiter totum cor hominis in Deum feratur; ita scilicet, quod nihil contra Dei dilectionem cor hominis recipiat. Et hæc est perfectio viæ, cui non contrariatur peccatum veniale; quia non tollit habitum charitatis, sed solum impedit charitatis usum „ „

Perennitas
actus amo-
ris divini
non est a
Deo præ-
cepta

Idem est alterius loci sensus, Articulo scilicet sexto ejusdem quæstionis, in responsione ad secundum, „Sicut (*inquit*) miles, qui legitime pugnat, non culpatur, nec poenam meretur; ita etiam, qui in via hoc præceptum non implet, nihil contra divinam dilectionem agens, non peccat mortaliter „ „ Hæc enim verba; *Qui in via præceptum non implet*, non significant eum a culpa esse immunem, qui actum amoris Dei in hac vita non elicit, sed tantum, qui ad perfectum amorem non pervenit. Præceptum scilicet charitatis dupliciter servari posse, docet *S. Thom.* Perfecte, quando pervenitur ad finem, quem Deus intendit, nempe, ut *totaliter*, cum ipso jungamur, quod in cœlo demum fieri potest; Imperfecte, cum ad istam divini amoris perfectionem non pervenitur. Utitur exemplo Ducis, qui militibus jubet, ut pugnet. Ille enim (*inquit*) perfecte implet præceptum, qui pugnando vincit (is scilicet præcepti finis est.) Ille tantum imperfecte, qui pugnat, & non vincit; & hic tamen noxa caret, dum militiæ legibus pareat. Sed ut mi-

miles, qui nunquam pugnat, nullo modo Ducis imperium exequitur; sic homo, qui actu nunquam diligit Deum, mandatum diligendi ne imperfecte quidem servat.

R E G U L A III.

In rigore præceptum est hominibus, ut Deum vero, & interiori affectu diligant; adeo ut ad salutem pervenire non possit, qui nullum divini amoris actum exercuerit.

Hanc Regulam disertis verbis tradit Christus Dominus Lucæ 10. *Ecce (inquit Evangelista) Legispe- ritus surrexit tentans illum, dicens; Magister, quid faciendo vitam æternam possidebo? Non quærit, quid ad vitam æternam utile sit, sed quid necessarium. Dixit Christus: In lege, quid scriptum est? Quomodo legis? Ille respondit: Diliges Dominum Deum tuum ex toto corde tuo, & ex tota anima tua, & ex omnibus viribus tuis & ex omni mente tua; & proximum tuum sicut te ipsum. Quam ipsius responſionem, approbavit Dominus: Recte (inquit) respondisti: Hoc fac, & vires. Ad vitam igitur æternam necessarium est, ut Deum ex toto corde, interiore affectu diligamus.*

Id confirmat Apostolus 1, ad Corinth. 16. *Si quis non amat Dominum nostrum Jesum Christum, sit Anathema, Maram Atha. Et dilectus discipulus, Epistolæ 1.*

hiberi non potest. *Pietas cultus Dei est, nec colitur ille nisi amando* (inquit *S. Auguſt.* Epistola 140. alias 120. cap. 17.) Et Enarratione in Psalmum 77. „ „ Hoc colitur, quod diligitur. Unde quia Deus rebus omnibus major, & melior invenitur, plus omnibus diligendus est, ut colatur „ „ „ In hoc cultu vera religio consistit, ex eoque vim, ac nomen suum mutuatur, ut *S. Auguſtinus* docet lib. 10. *De Civitate Dei*, cap. 3. „ „ Ipse (inquit) fons nostræ beatitudinis, ipse omnis appetitionis est finis. Hunc eligentes, vel potius religentes, amiseramus enim negligentes: Hunc ergo religentes, unde & religio dicta perhibetur, ad eum dilectione tendimus, ut perveniendo quiescamus; ideo beati, quia illo fine perfecti. Bonum enim nostrum nullum est aliud, quam illi cohærere; cujus unius anima intellectualis incorporeo, si dici potest, amplexu, veris impletur, foecundaturque virtutibus. Hoc bonum diligere in toto corde, in tota anima, & in tota virtute præcipimur. Ad hoc bonum debemus, & a quibus diligimur duci; & quos diligimus ducere. Sic complentur duo illa præcepta in quibus tota lex pendet & Prophetæ: *Diliges Dominum Deum tuum in toto corde tuo, & in tota anima tua, & in tota mente tua; & diliges proximum tuum tanquam te ipsum.* Ut enim homo sese diligere noscet, constitutus est ei finis, quo referret omnia, quæ ageret, ut beatus esset. Non enim, qui se diligit, aliud esse vult, quam beatus. Hic autem finis est adhærere Deo. Jam igitur scienti diligere seipsum, cum mandatur de proximo diligendo sicut seipsum, quid aliud mandatur, nisi ut ei, quantum potest, commendet diligendum Deum? Hic est Dei cultus, hæc vera religio, hæc recta pietas, hæc tantum Deo debita servitus „ „ „

Magna Dei bonitas, qui se amari jubet a creatura sua: „ „ Quid tibi sum ipse (inquit *S. Auguſt.* lib. 1. *Confessionum*, cap. 5.) ut amari te jubeas a me, & nisi faciam, irascaris mihi, & mineris ingentes miseras? Parva ne ipsa est, si non amem te „ „ ? Magna certe miseria, Deum non amare, in cujus duntaxat amo-

ritualis cul-
tus Deo ex-
hiberi non
potest.

Matth. 23.

Magna Dei
bonitas, qui
se amari ju-
bet a crea-
tura sua.

re cor nostrum conquietere potest, secundum illud
 Lib. 1. con- ejusdem *Augustini* effatum: „ Fecisti nos Domine
 fest. cap. 1. ad te, & inquietum est cor nostrum, donec requies-
 lib. 4. cap. scat in te: . . Nam quodquoeversum se verterit anima
 10. & c. 11. hominis, ad dolores figitur, alibi præter quam in te;
 lib. 13. c. 8. tametsi figitur in pulchris extra te, & extra te. . . Eunt
 enim, quo ibant, ut non sint, & contendant eam
 desideriis pestilentiosis; quoniam ipsa esse vult, &
 requiescere amat in eis, quæ amat. In illis autem non
 est ubi, quia non stant, fugiunt. . . Noli esse vana,
 anima mea, & obsurdescere in aure cordis; tumultu
 vanitatis tuæ. Audi & tu: verbum ipsam clamat;
 ut videas; & ibi est locus quietis imperturbabilis, ubi
 non deseritur amor, si ipse non deserat. . . Da mihi
 te, Deus meus, redde te mihi, te enim amo; & si
 parum est; amen validius. Non possum metiri, ut
 sciam, quantum desit mihi amoris ad id, quod sat
 est, ut currat vita mea in amplexus tuos, nec aver-
 tatur, donec abscondatur in abscondito vultus tui.
 Hoc tantum scio; quia male mihi est præter te, non
 solum extra me, sed & in me ipso; & omnis mihi
 copia, quæ Deus meus non est, egestas est. . . Pon-
 dus meum amor meus, eo feror, quocunque feror.
 Dono tuo accendimur, & sursum ferimur. Inarde-
 scimus, & imus „ „

Dei amore . . . Dei amore, ut nihil magis necessarium, ita nihil ma-
 nihil magis gis justum. Unde auctor Sermonis *De Baptismo Chri-*
 necessa.

Si comprehensor est, Deo debet, ob ejus præsentiam, amorem gaudentem. Variante statu, variatur amandi modus, immoto semper amandi officio. Hunc amoris censum perinde a paupere, quam divite Deus exigit, quia non ex arca, sed ex corde solvitur. Hoc onus tam infirmo, quam sano impositum, quia non deorsum premit, sed sursum levat. Hoc officium perinde feminis, quam viris præscriptum, quia non inde solvitur, ubi sexuum distinctio cum bestiis homini communis; sed inde penditur, ubi veritas intelligitur, & homo Angelis coæquatur. Huic officio si desit, erga Patrem est inhumanus, erga Liberatorem ingratus, adversus Legislatorem suum perduellis, & contumax.

„ Non præcipit enim Scriptura nisi charitatem; nec
 „ culpat nisi cupiditatem; & eo modo informat mo-
 „ res hominum „ (inquit S. August. lib. 3. *De Doctrina christiana*, cap. 10.)

Merito igitur ab *Alexandro VIII.* Pontifice maximo die 24. Augusti anni millesimi sexcentissimi nonagesimi hæc Propositio damnata est: „ Bonitas ob-
 jectiva consistit in convenientia objecti cum natura rationali; formalis vero in conformitate actus cum Regulis morum. Ad hoc sufficit, ut actus moralis tendat in finem ultimum interpretative „ „ . . . Hunc homo non tenetur amare, neque in principio, neque in decurso vitæ suæ moralis. Hanc, inquam, Propositionem summus Pontifex declaravit *Hæreticam*, & uti talem damnavit, prohibuitque *sub Censuris, & penis contra hæreticos, & eorum fautores in jure expressis.*

Hæresis di-
 vini amoris
 necessita-
 tem, & ob-
 ligationem
 elevans, &
 imminuens
 a Sede apo-
 stolica
 damnata.

R E G U L A I V.

Divini amoris actum non semel tantum in vita, necque tunc solum debet justificari, sed sæpius, imo quam frequentissime potest, homo exercere tenetur.

Quod teneatur homo ad exercendum divini amoris actum, cum ad justificationem præparare se debet, sacra Synodus Tridentina docet Sessione 6. cap. 6 ubi adultos ad suam justificationem se disponere docet:

Actum
 amoris Dei
 elicere de-
 bet homo,
 cum se ad

Justificatio-
nem præpa-
rare tene-
tur.

Galat. 6.
Coloss. 3.

Divini
amoris
actum ex-
ercere de-
bet homo
cum pri-
mum ratio-
ne uti in-

cet: „ Cum Deum tanquam omnis justitiæ fontem dil-
ligere incipiunt. *Et Canone 3. cujus hæc sunt verba: Si*
quis dixerit, sine præveniente Spiritus sancti inspiratio-
ne, atque ejus adjutorio, hominem credere, sperare;
diligere, aut poenitere posse sicut oportet, ut ei justiti-
ficationis gratia conferatur; anathema sit „ „. Hinc il-
lud *S. Augustini* in Psalm. 19. „ „ Qui noluerit servire
charitati, necesse est, ut serviat iniquitati. *Et Psalm.*
38. de charitate loquens, qua Sponsa se vulneratam ait:
Qui hoc vulnere non fuerit vulneratus (inquit) ad ve-
ram sanitatem non potest pervenire. Et Sermone 27.
in Psalm. 118. Quanto magis regnat in quocunque
Dei charitas, tanto minus ei dominatur iniquitas: Idem
in Psalm. 121. Quia ipsa charitas occidit, quod fuimus,
ut simus, quod non eramus, facit in nobis quamdam
mortem dilectio „ „. Ista morte mortuus erat, qui
dicebat: *Mundus mihi crucifixus est, & ego mundo.* Ista
morte mortui erant, quibus dicebat: *Mortui enim*
estis, & vita vestra abscondita est cum Christo in Deo.
Hinc Salomon *Canticorum 8. ait: Fortis est, ut mors*
dilectio.

Tenetur insuper homo divini amoris actum exer-
cere, cum primum incipit ratione uti, vitæque ratio-
nalis primitias offerre Creatori, ad ipsum se conver-
tendo, ut ad finem ultimum omnis appetitionis suæ,
secundum illud Zachariæ 1: *Convertimini ad me, &*
ego convertar ad vos, ut docet S. Thomas, prima secun-

De primo Decalogi præcepto. 287

Tenetur præterea homo divini amoris actum exercere, cum ingens aliquod beneficium a Deo accepit. Ingrati enim animi vitium est immane, si non redamaverit amantem, & prævenientem in benedictionibus dulcedinis, in misericordia, & miserationibus, nihilque aliud ab illo postulantem præter amorem.

Item, cum ingens ali- quod bene- ficium a Deo acce- pit.

Tertio, actum amoris elicere debemus, cum ad sacrosanctam Eucharistiam accedimus, quæ Sacramentum charitatis est, pignusque singulare amoris, quod Christus *Cum dilexisset suos, qui erant in mundo, in finem dilexit eos.* Ut corpori Domini communicemus, per amorem Dei de Christo, & in Christo vivere, in eo- que manere debemus, ut ille in nobis.

Cum ad S. Eucharisti- am accede- dit. Joan: 13:

Quarto, cum gravi tentatione pulsamur, quatenus periculum est, ne separemur a charitate Christi; tunc enim *In charitate radicati, & fundati*, Deo adherere debemus; firmumque non peccandi propositum habere. Ut enim arbores altis radicibus terræ hærentes, & domus profundo nixæ fundamento vix loco moveri possunt; ita illi, qui in charitate radicati sunt, & fundati, ab eo, quod charitas diligit, vix divelluntur; quia divelli nolunt. Hunc Apostolus suus, & eorum nomine (ad Romanos cap. 8.). *Quis ergo* (inquit) *nos separabit a charitate Christi? Tribulatio? an angustia? an fames? an nuditas? an periculum? an persecutio? an gladius...* Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia, poterit nos separe a charitate Dei, quæ est in Christo Jesu Domino nostro. Sic affectis Deus auxilium largitur, quo tentationibus, vel gravissimis resistunt non modo, sed ex eis proficiunt, ut in divino sint amore firmiores, secundum illud 1. ad Corinth. 10. *Fidelis autem Deus est; qui non patietur vos tentari supra id, quod potestis; sed faciet etiam cum tentatione proventum, ut possitis sustinere. Vete* *fidelis*

Cum gravi tentatione pulsatur. Ephes: 3:

Cum de
odio Dei
tentatur.

Deus, qui dat potentiam, ne vincamur, gratiam, ut mereamur, constantiam, ut vincamus.

Sed tunc maxime Dei amorem in nobis excitare tenemur, cum de odio Dei tentamur, quod incomparabile scelus est, & peccatum in Spiritum sanctum. In hoc prolabitur homo peccator, cum considerans Deo displicere peccata, quæ ipse amat, cuperet Deum non esse, aut peccata non punire sicque iniquum esse. De quo hominum impiorum genere *S. August.* ait, Tractatu 90. in Joannem: „ O mileros homines! qui cum esse volunt mali, nolunt esse veritatem, qua dominantur mali; nolunt enim eam esse, quod est, cum seipso debeant nolle esse, quod sunt; ut ipsa manente mutantur, ne ipsa judicante damnentur „.

Ejusdem criminis rei sunt, qui tanta naulea afficiuntur in spiritu, ut de eo ipso Deo tristicium concipiant, ipsamque summum bonum apprehendant, ut sibi malum, aut ita in peccato suo sunt affecti, ut illorum, qui gloriam Dei dilatare student, & conantur, piam voluntatem, ac labores frustrari gaudeant. Adversus hujusmodi tentationes, si quando insurgant, munire se debet homo frequentibus, ac ferventibus divini amoris actibus.

Quoties ali-
quibus acti-
bus religio-
nis Deum
peculiariter
colere te-

Quinto; divini amoris actum exercere tenemur, quoties Deum peculiariter colere obligamur, aut volumus aliquibus actibus religionis, adoratione scilicet, Sacrificio, auditione Sacri, oratione, voto, si

quiruntur; primum ut in mente adorantis, nec falsus Deus, quemadmodum in animo gentilium; nec de vero Deo, quemadmodum in cogitatione Sacerdotum; falsa sit opinio. Secundo, ut quicquid caeremoniis, & verbis exprimitur; internis animi motibus vere respondeat. Qui porro manet in affectu peccati, Deum in veritate non adorat, dum sine desiderio adoptionis filiorum Dei, Deum tamen tanquam Patrem suum audent appellare; dum ait: *Sanctus et fides nomen tuum*; nullo incensus odio peccati; quo Dei nomen inhonoratur, nec ullo ardens zelo; quo cultus ejus promovetur; dum frigidus ab æternæ vitæ desiderio, & præsentis vitæ, rerumque temporalium fervens amore dicit: *Adveniat regnum tuum*; dum voluntati divinæ rebellis; & contumax; ejulque mandata continens ait: *Fiat voluntas tua*; sicut in cælo, & in terra; tametsi in corde dicat Deo: *Recede a nobis; scientiam viarum tuarum nolumus*; . . . *Job: 22*
dum verbum Dei fastidians; & Christi Corpus vix semel in anno sumere satagens; atque a Christi Spiritu alienus, ait: *Panem nostrum quotidianum da nobis hodie*; dum odio; & vindictæ desiderio in proximum exultans ait: *Dimitte nobis debita nostra; sicut & nos dimittimus debitoribus nostris*; dum tentationi cedens; peccandi occasiones amans; labiis dolosis; in corde; & corde dicit: *Et ne nos inducas in tentationem*; Hoc cine est adorare Deum in spiritu, & veritate? Sinecerus Dei cultus absque illius amore non consistit; ut sæpe repetit S. Augustinus: *Qui cultus ejus, nisi amor ejus* (inquit ille lib. 12. *De Trinitate*, cap. 4.) Sine charitate scilicet alia nihil profunt; & si necessitas impediatur, ne alia adhibeantur; sola sufficit. *Addere charitatem; profunt omnia; detraxe charitatem; nihil profunt cetera* (inquit idem S. Doctor Sermone 138. alias 50. *De Verbis Domini*.)

Sexto divini amoris actum elicere tessemur; cum Quoties Deum blasphemis impeti; sacrilegis inhonorari, contemni, aut gravi quopiam scelere offendi videmur; Deum gratias agere videtur; sicut affectus erat David, zelo Dei incensus, quod in

Psal. 118.

mici sui divinæ legis obliti essent: *Tabescere* (inquit) *me fecit zelus meus, quia obliti sunt verba tua inimici mei.* Ad hoc enim flagrabat eos adducere, quod ipse flagrantissime diligebat (inquit *S. August.* Sermone 29, in illum Psalmum.) Zelum. qui habent, omnes tibi inimicos putant, qui sunt hostes Dei, quamvis patrem, fratres, sorores. *Nemo enim gravior hostis omnium, quam qui omnium ledit auctorem.* Insignia divini hujus ardoris, ac zeli exempla Scriptura sacra proponit in Phinee, Elia, Ezechia, Prophetis omnibus, Mattathia, Christo ipso Salvatore, de quo scriptum est: *Zelus domus tuæ comedit me.*

Joan. 2.

Divini
amoris
actum ex-
ercere tene-
tur in mor-
tis pericu-
lo.

Septimo divini amoris actum exercere tenetur homo in mortis periculo constitutus. Tunc scilicet totis viribus eniti debet, ut ad Deum per poenitentiam convertatur. Nemo enim etsi nullius sceleris sibi conscius sit, committere debet, ut sine poenitentia migret e vita (inquebat *S. August.*) *Poenitentiam autem certam non facit, nisi odium peccati, & amor Dei.* Tunc adversus graviores tentationes majorem in se charitatem excitare tenetur moribundus. Tunc ad Deum ferventius tendere, quomodo corpora centro suo propiora majori propensione, ac impetu in illud feruntur; tunc dolere, quod tam sero Deum amaverit, cum *S. August.* dicens: *Sero te amavi, pulchritudo tam magna, tam antiqua, sero te amavi;* tum ad æternam beatitudinem promerendam studium omne, omnesque

ba hac, quæ ego præcipio tibi hodie, in corde tuo, & narrabis ea filiis tuis, & meditaberis in eis sedens in domo tua, & ambulans in itinere, & dormiens, atque consurgens. Et ligabis ea quasi signum in manu tua, eruntque, & movebuntur inter oculos tuos, scribesque ea in limine, atque ostiis domus tuæ. Non cessatio sedentis

exercere debemus. Deuter. 6.

ab hoc amore debet cessare; non quies dormientis ab hoc amore quietcere; non vigiliæ consurgentis, neglecto hoc amore, aliis intendere, non labor itinerantis ab hoc amore ducere. Sive domi, sive foris, quocunque loco, quocunque tempore, quocunque in opere, homo Dei amator esse debet. Nec vero de habitu inertis & otioso dilectionis loquitur Deus, sed de charitate in frequentes actus prorumpente.

„ Dilectio vacare non potest. Da mihi vacantem amorem, & nihil operantem (inquit S. August. Præfatione in psalm. 31.) Habet omnis amor vim suam (inquit idem S. Doctor in psalm. 121.) nec potest vacare amor in anima amantis; necesse est. ut ducat. Sed vis nosse, qualis amor sit? Vide, quo ducat. Non enim monemus, ut nil ametis, sed ne mundum ametis. ut eum, qui fecit mundum, libere ametis. Obligata enim anima amore terreno, quasi viscum habet in pennis, volare non potest. Mundata vero ab affectibus sordidissimis seculi, tanquam extensis pennis, & duabus alis resolutis ab omni impedimento, id est, duobus præceptis dilectionis Dei, & proximi volat. Quo, nisi ad Deum ascendens volando, quia ascendit amando? Quod antequam possit, gemit in terra, si jam inest ei volandi desiderium; & dicit: Quis dabit mihi pennas sicut columbæ, & volabo, & requiescam „ „?

Amor Dei vacare non potest.

Psalm. 54. 7.

Describens idem S. Doctor amorem sui, & amorem Dei, utrique proprias actiones assignat, lib. 14. De Civitate Dei. cap. 28. Illi ædificare Babylonem, huic cœlestem Jerusalem; illi gloriari in seipso, huic gloriari in Domino; illi se ipsum, huic Deum suum exaltare, illi cœqualibus dominari, huic liberis affectibus proximo servire. „ Fecerunt (inquit) civitates

Amoris Dei, & amoris proximi caræcteres.

tes duas, amores duo; terrenam scilicet, amor sui usque ad contemptum Dei, cœlestem vero amor Dei usque ad contemptum sui. Denique illa in seipsa, hæc in Domino gloriatur; illa enim quærit ab hominibus gloriam; huic autem Deus conscientia testis maxima est gloria; illa in gloria sua exaltat caput suum; hæc dicit Deo suo: *Gloria mea, & exaltans caput meum.* Illa in Principibus ejus, vel in eis, quas subjugat, nationibus dominandi libidine dominatur; in hac serviunt invicem in charitate, & Præpositi consulendo, & subditi obtemperando; illa in suis Potentibus diligit virtutem suam; hæc dicit Deo suo; *Diligam te, Domine virtus mea* „„. Cum igitur toto vitæ hujus mortalis tempore præcipitur charitas, non illa motu, & actione carens præcipitur; sed quæ in actus amoris, quam fieri potest frequentissimos, prorumpat,

Psal. 3. 4.

Psal. 17.

Totis viribus eniti debemus, ut in justitia christiana crescamus. Psalm. 83.

Operam certe dare tenemur, & totis viribus eniti, ut in justitia christiana crescamus. Siquidem *Iustum semita, quasi lux splendens, procedit, & crescit usque ad perfectam diem; ut dicitur Prov. 4. Et lux de virtute in virtutem, donec videatur Deus Deorum in Sion.* Unde Apostolus ad Ephes. 4. ait: *Veritatem facientes in charitate, crescamus in illo per omnia, qui est caput Christus.* Et Apostolorum Princeps Epist. 2. cap. 3. *Crescite in gratia, & in cognitione Domini nostri, & Salvatoris Jesu Christi.* Spirituale autem illud incrementum fit per actus frequentissimos charitatis; justi-

plena sanitas, quando plena charitas; plenitudo enim legis charitas; tunc autem plena charitas, quando videbimus eum sicuti est. Neque enim erit, quod addatur ad dilectionem, cum fides pervenerit ad visionem „ „.

Quod autem homo in iustitia semel accepta crescere semper debeat, docet etiam sacra Synodus Tridentina cap. 10. „ „ Sic ergo (*inquit*) iustificati, & amici Dei facti, euntes de virtute in virtutem, renovantur (ut Apostolus ait) de die in diem; hoc est, mortificando membra carnis suæ, & exhibendo ea arma iustitiæ in sanctificationem, per observationem mandatorum Dei, & Ecclesiæ, in ipsa iustitia per Christi gratiam accepta, cooperante fide bonis operibus, crescunt, atque magis iustificantur, sicut scriptum est: *Qui iustus est, iustificetur adhuc.* Et iterum: *Apos. ult. Ne verearis usque ad mortem iustificari.* Et rursus: *Videtur, quoniam ex operibus iustificatur homo & non ex fide tantum.* Hoc vero iustitiæ incrementum petit sancta Ecclesia, cum orat: *Da nobis, Domine, fidei, spei, & charitatis augmentum „ „.* Porro *Quanto magis regnum cupiditatis destruitur, tanto charitatis augetur* (*inquit*) *S. August.*

Apos. ult.

Eccl. 8.

Jacob. 2.

Lib. 3. De
Doctrina
christiana
cap. 10.Propositio-
nes dam-
natæ.

Ex his omnibus compertum est inter alia corruptæ Moralis malefana dogmata merito confixas fuisse ab Innoc. XI. Pontifice maximo sequentes propositiones anno 1679.

5. *An peccet mortaliter, qui actum dilectionis Dei semel tantum in vita eliceret, condemnare non audemus.*

6. *Probabile est, ne singulis quidem rigoroſe quinquenniis per se obligare præceptum charitatis erga Deum.*

7. *Tunc solum obligat, quando tenemur iustificari, & non habemus aliam viam, qua iustificari possumus.*

Item a sacra Facultate Parisiensi merito fuisse damnatam illam Propositionem anno 1665, *Præceptum amoris Dei per se tantum obligat in articulo mortis,*

Generalis denique Cleri gallicani Conventus anno 1700. sic de illis Propositionibus iudicavit: „ „ Hæ propositiones sunt scandalosæ, perniciosæ, piarum

purium offensivæ, erroneæ, impiæ, primum, & summum mandatum irritum faciunt, atque evangelicæ legis spiritum extinguunt „ „.

R E G U L A V.

Deum non amat, sed primum, maximumque mandatum violat, qui alia re frui vult præter Deum.

Hanc Regulam præclare *S. August.* explicat lib. 1. *De Doctrina christiana*, triplicem rerum ordinem distinguens. Res aliæ sunt, quibus fruendum est, aliæ quibus utendum, aliæ quæ fruuntur, & utuntur. „ Illæ, quibus fruendum est, beatos nos faciunt. Istis, quibus utendum est tendentes ad beatitudinem adjuvamus, ut ad illas, quæ nos beatos faciunt, pervenire, atque his inhærere possimus. Nōs vero, qui fruimur, & utimur, inter „ utrasque constituti, si eis, quibus utendum est, „ frui voluerimus, impeditur cursus noster, & aliquando etiam deflectitur, ut ab his rebus, quibus fruendum est, obtinendis vel retardemur, vel etiam „ revocemur, inferiorum amore præpediti. *Frui enim „ est amore alicui rei inhærere propter se ipsam. Uti autem, quod in usum venerit ad id, quod amas, obtinendum referre; si tamen amandum est. . . Nam usus „ illicitus, abusus potius, vel abusio nominandus est. „ Quomodo ergo si essemus peregrini, qui beate vi-*

Quid est
frui?

„esse possimus: *Utendum est hoc mundo, non fruendum*; ut invisibilia Dei per ea, quæ facta sunt intellectui conspiciantur, hoc est, ut de corporalibus, temporalibusque rebus æterna, & spiritualia capiamus. “

Itaque solo Deo fruendum est, quia ei soli amore inhærere debemus propter ipsum; cætera vero omnia ad ejus amorem referre tepemur: „ „ Res, quibus fruendum est (*inquit S. Augustinus*) Pater, & Filius, & Spiritus sanctus, eademque Trinitas, una quædam summa res, communisque omnibus fruentibus ea „ „ Nemine autem homine, quamvis amicissimo frui debemus, quia nemo homo propter se diligendus est.

Quod enim propter se diligendum est, in eo constituitur vita beata; cuius etiam si nondum res, tamen spes ejus nos hoc tempore consolatur. *Maledictus autem, qui spem suam ponit in homine.* Sed nec seipso quicquam frui debet, quia nec seipsum debet propter seipsum diligere, sed propter illum, quo fruendum est. Rebus denique creatis debemus uti: „ „ Non quasi manfioria quadam dilectione, atque delectatione, sed transitoria potius, tanquam viæ, tanquam vehiculorum, vel aliorum quorumlibet instrumentorum, aut si quid congruentius dici potest; ut ea, quibus ferimur, propter illud, ad quod ferimur, diligamus „ „

Multo minus ergo bona quævis temporalia propter seipia diligere debemus; sed ea possidere, vel in eis delectari debemus utentis modestia, non fruentis affectu, secundum illud Apostoli: *Qui utuntur hoc mundo, tanquam non utantur.* Illa diligere non debemus, quatenus etiam nobis a Deo donantur, nisi ut arrham sponsi, ut munera amici, ut beneficia domini. Sponsa porro magis sponsum amat, quam arrhas, si casta sit, & sapiens; amicus magis amat amicum, quam ejus munera, si verus sit, ac sincerus amicus; servus fidelis magis amat dominum, quam ejus beneficia. Temporalia quævis bona retinacula sunt spei nostræ, impedimenta itineris, cursusque nostri, quo ad Deum tendere continuo debemus. *Amor rerum terrenarum*

Solo Deo
fruendum.

Jerem. 17.

1. Cor. 7.

visum est spirituum pennarum (inquit S. August. Serm. 112, alias 33. De Verbis Domini.)

R E G U L A VI.

Error est, & illusio pessima dæmonis, persuasum habere, quod amor Dei purissimus, & vitæ, quam Theologi mystici Unitivam vocant, proprius, curare non debeat observantiam mandatorum Dei, & Ecclesiæ, Sacramentorum frequentationem, usum Imaginum, & Indulgentiarum, pugnam contra tentationes, Orationem, seu vocalem, seu mentalem, jejunia, cæterasque carnis mortificationes, & quod a cæterarum virtutum operibus cellare debeat, qui Deum amat.

Quotista-
rum Hære-
sis.

2. Tim. 3.

Amor pu-
rus Dei non
est in eo.

Errorem dicens, parum dixi, hæresis est periculo-
sissima novissimorum temporum, quam lub spiri-
tualis vitæ larva *Molino* Sectæ *Quicistarum* Auctor
disseminavit in Italia, alijque nonnulli a dæmone im-
pulsu homines; *Voluptatum* amatores magis, quam Dei,
habentes speciem quidem pietatis, virtutem autem ejus
abnegantes, docere ausi sunt, decipientes mulierculas
onustas peccatis, quæ cum spiritu incœpissent, carne
tandem sunt consummatæ. Hanc hæresim damnavit
Innocentius XI. Pontifex maximus, Ecclesiæ execratur
universa. Et merito quidem; amor enim Dei verus,
& sincerus non est in eo, qui Dei mandata non ter-

30 in Evangelia.) exhibitio est operis. . . Vere etenim Deum diligimus, & mandata ejus custodimus, si nos a nostris voluptatibus coarctamus. Nam qui adhuc per illicita desideria diffuit, profecto Deum non amat; quia ei in sua voluntate contradicit „ „

Ad hæc, Sacramentorum frequentatio documentum est amoris divini in corde nostro dominantis; si tamen illa cum debitis dispositionibus suscipiamus, & ex eorum frequentatione meliores evadamus. Deum vero non diligit, qui a Christo instituta humanæ infirmitatis remedia, & nostræ sanctificationis instrumenta negligit. Si quis enim sibi blanditur, quod Deum amet, & quod amoris unitivi gradum attigerit, sibi que amare sufficiat, is certe sibi illudit. Si enim diximus, quoniam peccatum non habemus, ipsi nos seducimus, & veritas in nobis non est, Si confiteamur peccata nostra, fidelis est, & justus, ut remittat nobis peccata nostra, & emundet nos ab omni iniquitate (inquit S. Joannes Epist. 1. cap. 1.) Omnis vero peccator poenitentiam agere debet, & ad Ecclesiæ Sacramenta confugere, Et si enim cor nostrum nos non reprehendat, delicta tamen quis intelligit? Quot ignorantia peccata? Quot delicta occulta? Præterea, qui Deum diligit, illique intime adhæret, is vult in Christo manere, & manentem in se habere; is vult in Deo, & de Deo vivere; is Christo concorporalis esse cupit, & in eum feliciter mutari; quod Eucharistiæ frequentatione consequimur. Unde Sanctorum neminem Sacramenta non frequentasse videmus, cum ipsis liquit. *Qui manducat meam carnem, & bibit meum sanguinem* Joan. 6 (inquit Salvator noster) *in me manet, & ego in illo.* Per amorem quidem in Deo manemus, & Deus in nobis; sed amorem accendit, ac fovet Eucharistiæ Sacramentum, quo verbum caro factum non spiritualiter solum, sed corporaliter nos reficit; & habitat in nobis; illoque igne divinæ charitatis corda nostra inflamat, quem venit mittere in terras, & quem vult in animis nostris ardere,

Sacramen-
torum pia
frequentatio,
puti
amoris Dei
in corde
dominantia
documentum
est.

Joan. 6

Uſus imagi- Uſus imaginum, & indulgentiarum, pietatis adju-
 num, & in- mentum, & incentivum eſt; indiciumque amoris,
 dulgentia- quo Chriſtum, Deiparam Virginem, & Sanctos, di-
 rum puro ligimus. Illos patrem, matrem, fratrem, vel ami-
 Dei amori cum ſincere diligere nemo dixerit, qui illorum ima-
 non adver- ginem rejecerit, ac ſpreverit. Chriſti Crucifixi, Dei-
 ſatur, imo paræ Virginis, vel Sanctorum imagines domi habere,
 illius adju- ſalutare, & coram ipsis Deum orare, Eccleſia in Con-
 mentum, ciliis congregata, & a Spiritu ſancto edocta, chri-
 & incenti- ſtianæ pietatis teſſeram eſſe cenſet.
 vum eſt.

Pugna ad- Pugnam adverſus tentationes, ſollicitudinem, ac
 verſus ten- vigilantiam, ne ſeducamur a ſenſibus carniſ noſtræ,
 tationes, ne a concupiſcentiis noſtris *abſtracti*, & *illecti* in pec-
 vigilantia, catum cadamus, ne a mundo, qui *Totus in maligno*
 & ſollicitu- *poſitus eſt*, fallente, blandiente, vel terrente ſupere-
 do chriſtia- mur; ſed potius, ut *Cum omnibus erroribus*, *amori-*
 na, puri *bus*, & *terroribus ſuis* vincat eum fides noſtra, Chri-
 amoris Dei ſtus amoris magiſter, ejuſdemque divini amoris præ-
 caracteres cones Apoſtoli præcipiunt & commendant. *Vigilate*,
 ſunt, & ef- & *orate, ut non intretis in tentationem* (inquit Chri-
 ſectus. ſtus, Matth. 26.) Et Marci 13. *Videte, vigilate, &*
orate.. Quod autem vobis dico, omnibus dico, vigilate.
 Rom. 7. Condeſcendebatur Apoſtolus legi Dei *ſecundum interio-*
rem hominem. Carni� autem velut hoſtiſ domeſtici
 tentatione trahebatur ex adverſo. Quid ille? An ſo-
 licitus non erat de tentationiſ tam periculofæ exitu,
 de ſuo in Deum amore ſecurus? Imo gratiam ſup-

cum plenitudinem legis dilectionem esse docuisset subdit : *Abjiciamus ergo opera tenebrarum, & induamur arma lucis, sicut in die honeste ambulemus; non in comessationibus, & ebrietatibus, non in cubilibus, & impudiciis, non in contentione, & emulatione; sed induimini Dominum Jesum Christum, & carnis curam ne feceritis in desideriis.* Idem Apostolus, quamvis nihil sibi conscius esset, quamvis omnia propter Evangelium faceret, sollicitus tamen erat de salute sua, pugnabat contra concupiscentiam, corpusque suum castigatione quotidiana continebat in officio. Atque sic faciendum omnibus ad bravium salutis æternæ currentibus, & fidem, quæ per dilectionem operatur, habentibus, docebat : (1. Cor. 9.) *Omnis autem qui in agone contendit, ab omnibus se abstinere; & illi quidem, ut corruptibilem coronam accipiant; nos autem incorruptam.* Ego igitur sic curro, non quasi in incertum; sic pugno, non quasi aerem verberans; sed castigo corpus meum, & in servitutem redigo; ne forte cum aliis prædicaverim, ipse reprobus efficiar. Charitatem absque christiana vigilantia, & bonis operibus non esse, docet idem cap. 16. *Vigilate (inquit) stete in fide, viriliter agite, & confortamini. Omnia vestra in charitate fiant.* Acceptam a Deo gratiam negligendam non esse; ipsique laboribus, vigiliis, jejuniis, aliisque bonis operibus a charitate imperatis, & continua pugna contra tentationes, fideliter esse cooperandum, docet 2. Corinth. cap. 6. *Exhortamur, ne in vacuum, gratiam Dei recipiatis. . . In omnibus exhibeamus nosmetipsos sicut Dei ministros. . . In laboribus, in vigiliis, in jejuniis. . . in castitate. . . in longanimitate, in suavitate, in Spiritu sancto, in charitate non ficta, in verbo veritatis, in virtute Dei, per arma justitiæ a dextris, & a sinistris.* Stimulus carnis, Angelus Satanæ S. Paulo infestus erat, id permittente Deo, ne magnitudo revelationum ipsum extolleret. Quid ille? An sufficere sibi Dei amorem existimabat. nec de tentatione expugnanda debere esse sollicitum? imo humili, fervente, & perseverante oratione divinæ gratiæ auxilium invocabat (cap.

12.) *Propter quod te Dominum rogavi, ut discederet a me; & dixit mihi: Sufficit tibi gratia mea. Ad Ephes. 6:* Fideles armis spiritualibus instruit, ut adversus diabolum pugnent, ejusque tentationibus pro virili resistent. *Induite vos armaturam Dei, ut possitis stare adversus insidias diaboli. Quoniam non est nobis colluctatio adversus carnem, & sanguinem; sed adversus Principes; & Potestates; adversus mundi rectores tenebrarum harum; contra spiritualia nequitia; in caelestibus. Propterea accipite armaturam Dei, ut possitis resistere in die malo; & in omnibus perfecti stare. State ergo sicutinxi lumbos vestros in veritate, & indui loriceam justitia; & calceati pedes in preparationem Evangelii pacis; in omnibus sumentes scutum fidei; in quo possitis omnia tela Nequissimi ignea extinguere; & galeam salutis assumite; & gladium spiritus (quod est verbum Dei) per omnem orationem; & obsecrationem, orantes omni tempore in spiritu; & in ipso vigilantes in omni instantia; & obsecratione; Ad Philip. penses cap. 2: quos ad charitatem informavit, eosdem hortatur, ut cum metu, & tremore salutem suam operentur. Colossenses ad christianæ vitæ normam informans cap. 3: Ep. ad illos scriptæ, hortatur imprimis, ut Mortificent membra sua, quæ sunt super terram; fornicationem, immunditiam, libidinem, concupiscentiam malam, & avaritiam, propter quæ venit ira Dei super filios incredulitatis, ut Expolient se veterem hominem, cum actibus suis, & induant novum; ut induant Viscera*

cap. 4. *Estote itaque prudentes, & vigilate in orationibus. Ante omnia autem, mutuam in vobismetipsis charitatem continuam habentes. Cap. 5. Omnes autem invicem humilitatem insinuate, quia Deus superbis resistit, humilibus autem dat gratiam. . . Sobrii estote, & vigilate; quia adversarius vester diabolus tanquam leo rugiens circuit, quærens quem devoret, cui resistite fortes in fide. Monet Tanquam advenas, & peregrinos, abstinere a carnalibus desideriis, quæ militant adversus animam. (Cap. 2.)*

Deum non amat, qui crucem, & mortificationem Christi non amat. Qui enim Christi vere discipulus est: *Abnegat semetipsum, tollit crucem suam, & illum sequitur. Intrat per angustam portam, & arctam viam, quæ ducit ad vitam; carnem suam crucifigit cum vitiis, & concupiscentiis; Christi vestigiis insit, & sicut ille ambulavit, ita ambulat, per crucem, mortificationem & austeriorum virtutum opera: Quoniam sic oportuit Christum pati, & ita intrare in gloriam suam: Et si compazimur, & conglorificabimur; semper mortificationem Jesu in corpore suo circumfert: Christo confixus est cruce. Non gloriatur nisi in cruce Domini nostri Jesu Christi, per quem mundus illi crucifixus est, & ille mundo; Veniens in societatem passionum illius, configuratus morti ejus: Exhibens corpus suum Hostiam viventem, sanctam, Deo placentem: Exhibens Membra sua servire justitiæ in sanctificationem: Continuum pœnitentiam agens, quia quotidie in multis offendit; in idque incumbens, ut faciat Dignos fructus pœnitentiæ: certus quod Regnum calorum vim patitur, & violenti rapiunt illud; & quod Christianus in hoc vocatus est, ut Christi Passionibus communicet, quemadmodum loquitur S. Petrus Ep. 1. cap. 2. In hoc enim vocati estis; quia & Christus passus est pro nobis, vobis relinquens exemplum, ut sequamini vestigia ejus.*

Denique inane est, & vacuum amoris nomen, quo gloriaris, qui a virtutum reliquarum exercitatione, bonisque operibus cessat, ut uni, de quo sibi superbe blanditur, amor vacet. Ait enim Christus Matth. 7.

Non

Puro Dei amore non flagrat qui crucem, & mortificationem Christi non amat.

Matth. 16.

Matth. 7.

Galat. 5.

Lucæ 24.

Rom. 8.

2. Cor. 4.

Galat. 6.

Philip. 3.

Rom. 12.

Rom. 6.

Lucæ 3.

Matth. 13.

& vacuum puri amoris nomen,

quo glori-

ur, qui a
virtutum
reliquarum
exercitatio-
ne, actibus
que cessat.

Non omnis, qui dicit mihi, Domine, Domine, intrabit in regnum celorum; sed qui facit voluntatem Patris mei; qui in celis est, ipse intrabit in regnum celorum. Omnis ergo, qui audit verba mea hæc, & facit ea, assimilabitur viro sapienti, qui ædificavit domum suam supra petram; & descendit pluvia, & venerunt flumina, & flaverunt venti, & irruerunt in domum illam, & non cecidit; fundata enim erat super petram. Et omnis, qui audit verba mea hæc, & non facit ea, similis erit viro stulto, qui ædificavit domum suam super arenam; & descendit pluvia, & venerunt flumina, & flaverunt venti, & irruerunt in domum illam, & cecidit, & fuit ruina illius magna. Hinc Apostolus Ephes. 4. postquam Fideles hortatus est, ut Ambulent in dilectione, sicut & Christus dilexit nos, & tradidit semetipsum pro nobis; eos ambulare jubet, ut filios lucis. Fructus enim lucis est in omni bonitate, & iustitia, & veritate; probantes quid sit beneplacitum Deo; & nolite communicare operibus infructuosis tenebrarum, magis autem redarguite. S. Petrus Ep. 2. cap. 1. satagere nos jubet, ut per bona opera certam nostram vocationem faciamus: Vos autem (inquit) curam omnem subinfrentes, ministrare in fide vestra virtutem, in virtute autem scientiam, in scientia abstinentiam, in abstinentia autem patientiam, in patientia autem pietatem, in pietate autem amorem fraternitatis, in amore autem fraternitatis charitatem. Hæc enim si vobiscum adsint, & superent, non vacuos, nec sine fru-

habeat...? Sicut corpus sine spiritu mortuum est, ita & fides sine operibus mortua est: Fidem suam mortuam non esse, Quietistæ respondent, quia Deum amant; sed illusio ita est, siquidem verus amor Dei per bona opera se prodit; nec viva fides est, quæ amare se dicit; sed Quæ per charitatem operatur (ut ait Apostolus ad Galatas 5.)

Quietistarum illusio.

Neque his favet, quod *Plenitudo legis dilectio* ab Apostolo dicta sit: Non enim eo sensu dicitur plenitudo legis, quod inertis, seghi, & otioso amore lex impleatur, nec ulla bona opera, ullosque reliquarum virtutum actus exercere necesse sit; sed quod ex ipsius imperio bona opera fiant, eaque cæterarum virtutum actus ad finem ultimum dirigat, qui alias Deo grati non essent: Sane concipi non potest, quod Deus ex toto corde, ex tota anima, ex totis viribus diligatur, & tamen nihil agere, nihil pati velit propter Deum; qui sic diligit, non ipsi obsequi, non ejus gloriam amplificare, non exquirere; quid ipsi gratum sit, & acceptum, illudque operari, quantum potest; non ejus Ecclesiam diligere, ejusque utilitates promovete; non ejus amicos propter ipsum amare, ac satagere, ut omnes ejus amici fiant, ipsique parent; non dolere, cum aliqua ipsi injuria irrogatur, non adversus ejus hostes ardenti zelo commoveri; non ipsi satisfacere, cum læsus est ejus amor; non suspirare, & gemere, quamdiu in hoc exilio peregrinantur a Domino; donec ipsum videat sicuti est, eoque fruatur: Amicusne censeretur hominis alter homo, si nullam quæreret occasionem ipsi placendi, ipsique gratificandi, ac serviendi; nec ultro oblatam amplecteretur, quamvis inani verborum sono suum in illum amorem significaret; identidem repetens: Diligo, diligo? *Amor operatur magna, si est; si autem non operatur, amor non est.*

ARTICULUS XI.

Regula de Dilectione Proximi.

REGULA PRIM A.

Proximum diligere tenemur sicut nos ipsos, & amore quidem affectivo, & interiori; adeo, ut per solos actus externos huic præcepto minime satisfiat.

De dilectione
ne proximi.

Hoc alterum charitatis mandatum est; *Diliges Dominum Deum tuum ex toto corde tuo, &c.* Hoc est maximum, & primum mandatum. Secundum autem simile est huic: *Diliges proximum tuum sicut te ipsum.* In his duobus mandatis universa lex pendet, & Propheta. (Matth. 22.) Idem Christi mandatum refertur Marc. 12. ubi & Scriba, qui ipsum interrogaverat, sapienter respondet: *Diligere proximum tanquam seipsum, majus est omnibus holocaustis, & sacrificiis.* Refertur & Luca 10. ubi Legisperito duplex illud præceptum recte recensenti, respondet Christus: *Hoc fac, & vives.* Mandatum dilectionis proximi Apostoli prædicaverunt, literisque suis commendaverunt. Rom. Cap. 13. *Qui enim diligit proximum, legem implevit.* Nam non adulterabis, &c. & si quod est aliud mandatum, in hoc verbo insinuat; *Diliges proximum tuum sicut te ipsum.* Ad Galat. cap. 3. *Omnis enim lex in uno sermone impletur, diliges proximum tuum sicut te ipsum.* S. Jacobus Epistolæ catholicæ cap. 2. *Si tamen legem*

Dilectio est actus voluntatis, motus, affectus, pondusque cordis; actum igitur interiorem præcipit Deus, cum jubet, ut proximum diligamus. Præterea, proximum diligere debemus, sicut Deus dilexit nos; Deus autem interno actu nos dilexit, & diligit: *In charitate perpetua*, ante constitutionem mundi ab æterno. Proximum diligimus ea charitate, qua diligimus Deum. Porro interni amoris affectu Deum diligere debemus, ut superius probatum est; igitur & proximum interno sinceri amoris affectu diligere tenemur. Diligere debemus proximum ea charitate, qua in Deo manemus, & Deus in nobis; & quæ fraternum odium excludat: sed actus externi, quibus proximo subvenitur, ab alia radice prodire possunt, & fraternum odium non excludunt; siquidem a superbia; & hypoërisi possunt imperari, aut certe ab humanitate quadam, generositate, & dilectione naturali, quæ ipsi etiam Judæi, Mahometani, & gentiles se mutuo diligunt: Unde Apostolus 1. Corinth. 13. ait: *Si distribuero in cibos pauperum omnes facultates meas; & si tradidero corpus meum; ita ut ardeam; charitatem autem non habuero; nihil mihi prodest.* Solis igitur actibus externis mandatum de proximi dilectione non impletur.

Hinc S. August. Tractatu 8. in Epistolam i. S. Joannis, ait: „Pascit misericordia, pascit & superbia. Hospitem suscipit misericordia; hospitem suscipit & superbia. Intercedit pro paupere misericordia, intercedit & superbia. Quid est hoc in operibus non discernimus. Audeo aliquid dicere, sed non ego; Paulus dixit, moritur charitas; id est, homo habens charitatem, confitetur nomen Christi; ducit Martyrium; confitetur & superbia, ducit Martyrium. Ille habet charitatem, ille non habet charitatem. Sed audiat ab Apostolo ille, qui non habet charitatem: *Si distribuero* 1. Cor. 13. *omnia mea in cibos pauperibus; & si tradidero corpus meum, ut ardeam, charitatem autem non habuero, nihil mihi prodest.* Ergo Scriptura divina intro nos reve-

eat a jactatione hujus faciei forinsecus, & ab illa su-

perficie, quæ jactatur ante homines revocat nos intro. Redi ad conscientiam tuam, ipsam interroga. Noli attendere, quod floret foris; sed quæ radix est interna. Radicata est cupiditas; species potest esse bonorum factorum, vere opera bona esse non possunt. Radicata est charitas, securus esto, nihil mali procedere potest „ „.

Propositio-
nes damna-
tæ. Merito igitur *Innocent. XI.* Pontifex maximus inter alias 65 Moralis corruptæ Propositiones anno 1677. istas damnavit.

10. *Non tenemur proximum diligere actu interno, & formali.*

11. *Præcepto proximum diligendi satisfacere possumus per solos actus externos.*

R E G U L A 11.

Præceptum de dilectione proximi non implet, nisi qui proximum ad Deum adducere conatur, ipsique æterna bona procurare nititur, & quæcunque auxilia ei præbere potest, ut facilius ad Deum perveniat.

Christi erga
nos amor,
nostri erga
proximum
amoris ex-
emplar. **H**æc Regula nititur Christi verbis, Joannis 13. *Mandatum (inquit) novum do vobis, ut diligatis invicem, sicut dilexi vos; ut & vos diligatis invicem.* Nos autem dilexit Christus, non ad mundi delicias, non ad opes caducas, non ad seculares dignitates, sed ut ju-

di, qui se invicem diligentes, non alia sibi invicem bona procurant, quam temporalia, vilibilia, caduca, & peritura.

Fraternæ hujus dilectionis characteres describit Ap. I. ad Corinth. 13. *Charitas (inquit) patiens est, benigna est; charitas non amulatur, non agit perperam, non inflatur, non est ambitiosa, non quærit, quæ sua sunt, non irritatur, non cogitat malum, non gaudet super iniquitate; congaudet autem veritati; omnia suffert, omnia credit, omnia sperat, omnia sustinet.* Hæc nimirum, ut proximi salutem procuret, in ferendis ejus defectibus *Patiens est*; ut illum Christo lucretur, *benigna est*. Ejus æternam salutem sincere desiderans, ejus prosperitati non invidet, *non amulatur*. Ne in via salutis illi impedimentum ponat *non agit perperam*. Ne illum contemnat, ob proprias dotes, bonaque, seu animæ, seu corporis, seu fortunæ, *non inflatur: Non est ambitiosa*, ut ei dominetur; verum ut ei pie serviat, *non quærit, quæ sua sunt*. Injuriis laceffita *non irritatur*, ut vindictam exposcat; & si quas pœnas malefacienti proximo infligat, *non ejus cogitat malum*, sed emendationem duntaxat quærit. Proximi peccata, ut sua lugens, *non gaudet super ejus iniquitate*, sed ejus virtutibus favet, quia *congaudet veritati*. Tandem *omnia suffert*, præ expectatione felicitatis æternæ: *Omnia credit*; præ revelatione Dei revelantis: *Omnia sperat*, præ fiducia in fidelitate, & potentia pollicentis: *Omnia sustinet*, præ desiderio liberationis æternæ. Hi characteres charitatis, quæ *nunquam excidit*, & quæ fide, & spe major est; *Major autem horum est charitas*.

Quam explicamus Regulam, pluribus in locis confirmat S. August. scilicet lib. de Moribus Ecclesiæ catholice, cap. 26 Fieri non potest (inquit) ut seipsum, qui Deum diligit, non diligat; imo vero „ „ Solus se novit diligere, qui Deum diligit. Si quidem ille se satis diligit, qui sedulo agit, ut summo, & vero perfruatur bono; quod si nihil est aliud, quam Deus, quis cunctari potest quin sese amet, qui amator est Dei? Tum subdit: Nullus certior gradus ad amorem Dei,

Fraternæ
dilectionis
characteres.

Seipsum salubriter diligit, qui plus Deum, quam seipsum diligit.

Ex præcepto amoris
proximi
nascuntur
humanæ
societatis
officia.

quam hominis erga hominem charitas... *Diliges proximum tuum tanquam te ipsum.* Te autem ipsum salubriter diligis; si plus, quam te, diligis Deum. Quod ergo agis tecum, id agendum cum proximo est, hoc est, ut ipse etiam perfecto amore diligat Deum. Non enim eum diligis tanquam te ipsum, si non ad id bonum, ad quod ipse tendis, adducere satagis. Illud est enim unum bonum, quod omnibus tecum tendentibus non sit angustum. Ex hoc præcepto nascuntur officia societatis humanæ in eo posita; Primo, ut benevoli simus, id est, nulla malitia, nullo dolo malo adversus hominem utamur; quod Apostolus his verbis exprimit: *Dilectio proximi malum non operatur.* Duobus namque modis in hominem peccatur: Uno si laedatur, alio si cum potest non adjuvetur; quorum neutrum, qui diligit, facit. Secundo, ut proximo beneficiamus, sive secundum corpus, sive secundum animam; ad corpus, quod pertinet, *Medicina* nominata est; ad animam autem, *Disciplina*. Medicinæ nomine in præsentiarum significatur, quidquid corporis tuetur, vel instaurat salutem; unde non solum morborum remedia, sive ministeria, quæ exhibentur infirmis, sed etiam cibum, & potum, tegmen, & tectum, defensionem denique omnem, atque munitionem complectitur, qua nostrum corpus adversus externos ictus, casusque servatur. Disciplina, quæ animi medicina est, in duo distribuitur, coercionem,

Idem S. Doctor lib. *De vera Religione*, cap. 46. egregie explicat, quid sit diligere proximum sicut seipsum. „ Qui amat id solum, quod amanti eripi non potest, ille (*inquit*) indubitanter invictus est, nec ulla cruciatur invidia. Id enim diligit, ad quod diligendum, & percipiendum quanto plures venerint, tanto eis uberius gratulatur. Diligit enim Deum ex toto corde, & ex tota anima, & ex tota mente, & diligit proximum tanquam seipsum. Non ergo illi invidet, ut sit, quod ipse est; imo adjuvat etiam, quantum potest. *Et infra*: Si vel ipsum hominem homo dilexerit, non tanquam seipsum, sed tanquam jumentum, aut balneas, aut aviculam pictam, vel garrulam, id est, ut ex eo aliquid temporalis voluptatis, aut commodi capiat, serviat, necesse est, non homini, sed quod est turpius, tam foedo, & detestabili vitio, quo non amat hominem, sicut homo amandus est. Quo vitio dominante, usque ad extremam vitam, vel potius mortem perducitur. „ Sed nec ab homine diligendus est (*inquit* S. *August.*) ut diligantur carnales fratres, vel filii, vel conjuges, vel cognati quique, vel affines, aut cives. Nam & dilectio ista temporalis est. Unde præcipit Dominus (*Luc. 9. & 14.*) ut carnales istas necessitudines odio habeamus. Neque hoc cuiquam inhumanum videri debet. „ Magis enim est inhumanum non amare in homine quod homo est, sed amare, quod filius est: hoc est enim non in eo amare illud, quod ad Deum pertinet, sed amare illud, quod ad se pertinet. Quid ergo mirum, si ad regnum non pervenit, qui non communem, sed privatam rem diligit? Imo utrumque, ait quispiam; imo illud unum dicit Deus; dicit enim verissime veritas: *Nemo potest duobus dominis servire.* Nemo enim potest perfecte diligere, quo vocamur, nili oderit, unde revocamur; revocamur autem ab ejus dilectione, quam peccando meruimus. Quare oderimus oportet, unde, ut liberemur, optamus. Oderimus ergo temporales necessitudines, si æternitatis charitate si græmus. Diligat homo proximum tanquam seipsum. Certe enim sibi ipsi nemo est

Quid sit diligere proximum sicut seipsum.

Non carnales necessitudines in homine diligendæ, sed natura, quæ ad Deum pertinet, sive sit perfecti, sive perfecta.

Matth. 6.

Omnes sub
uno Deo
Patre cog-
nati sunt,
qui eum di-
ligunt.

Cui præce-
ptum de
proximi di-
lectione
mandatum
novum di-
catur.

pater, aut filius, aut affinis, aut aliquid huiusmodi, sed tantum homo. Qui ergo diligit aliquem tanquam seipsum, hoc in eo debet diligere, quod sibi ipse est. Corpora vero non sunt, quod nos sumus. Non ergo in homine corpus est expetendum, aut desiderandum... Ipsa igitur natura sine carnali conditione diligenda est, sive sit perficienda, sive perfecta. Omnes sub uno Deo patre cognati sunt, qui, eum diligunt, & faciunt voluntatem ipsius. Et invicem sibi sunt, & patres, cum sibi consulunt, & filii, cum sibi obtemperant, & fratres maxime, quia eos unus Pater testamento suo ad unam hæreditatem vocat „ „. Nihil ergo in homine diligendum est præter hominem, id est, creaturam Dei ad ejus imaginem factam. Idem tractat argumentum Epist. 155. alias 52. ad Macedonium, & lib. 1. *De Doctrina christiana*, cap. 22.

Nec minus luculenta sunt, & præclara, quæ de eodem argumento habet Tractatu 65. in *Joannem*, explicans hæc verba: *Mandatum novum do vobis, ut diligatis invicem*. Mandatum novum a Domino appellari observat, quamvis antiqua lege datum sit, *Lev.* 19. quia exuto vetere, induit nos hominem novum. Addidit autem Christus: *Sicut dilexi vos*, ut dilectionem istam a carnali dilectione distingueret. „ „ Dilectio ista nos innovat, ut simus homines novi, hæredes Testamenti novi, cantatores cantici novi. Hæc dilectio antiquos iustos Patriarchas, & Prophetas, sicut po-

De primo Decalogi præcepto. 311

sunt, & filii Altissimi omnes, ut sint filio ejus unico fratres, ea dilectione invicem diligentes, qua ipse dilexit eos, perducitur eos ad illum finem, qui sufficit eis, ubi satiatur in bonis desiderium eorum. Tunc enim aliquid desiderio non deerit, quando omnia in omnibus Deus erit „ „.

Est infra: „ „ Ipsa est dilectio ab omni mundana dilectione discreta, quam distinguendo addidit Dominus: *Sicut dilexi vos*. Quid enim nisi Deum dilexit in nobis? Non quod habebamus, sed ut haberemus; ut perducatur nos, ubi sit Deus omnia in omnibus. *Sic etiam* Medicus recte dicitur ægros diligere; & quid in eis nisi salutem diligit, quam cupit utique revocare, non morbum, quem venit expellere? Sic ergo, & nos invicem diligamus, ut quantum possumus invicem ad habendum in nobis Deum cura dilectionis attrahamus. Hanc donationem nobis donat ipse, qui ait; *Sicut dilexi vos*, ut & vos diligatis invicem. Ad hoc ergo nos dilexit, ut & nos diligamus invicem; hoc nobis conferens diligendo nos, ut mutua dilectione constringamur inter nos, & tam dulci vinculo connexis membris, corpus tanti capitis simus. *In hoc cognoscent omnes, quia mei discipuli estis, si dilectionem habueritis ad invicem*; tanquam diceret, alia munera mea habent vobiscum etiam non mei, non solum naturam, vitam, sensum, rationem; & eam salutem, quæ hominibus, pecoribusque communis est; verum etiam linguas, Sacramenta, Prophetiam, scientiam, fidem, distributionem rerum suarum pauperibus, & traditionem corporis sui, ut ardeant; sed quoniam charitatem non habent, ut cymbala concrepant, nihil sunt, nihil illis prodest. Non ergo in illis quamvis bonis muneribus meis, quæ habere possunt etiam non discipuli mei; sed in hoc cognoscent omnes, quia mei discipuli estis, si dilectionem habueritis ad invicem „ „.

Quomodo proximum sicut seipsum diligere christianus homo teneatur, præclare *S. Thom.* explicat, ^{Proximum sicut seipsum diligit}
2. 2. qu. 44. art. 7. Proximum scilicet sicut seipsum dili-

re debet
homo tri-
pliciter,

diligere debet tripliciter. Primo, ex parte finis, ut illum propter Deum diligat, sicut seipsum propter Deum diligere debet: *Ut sit dilectio proximi sancta.* Secundo, ex parte regulæ dilectionis; *Ut scilicet aliquis proximo non condescendat in aliquo malo; sed solum in bonis*, sicut & suæ voluntati satisfacere debet solum in bonis: *Ut sit dilectio proximi iusta.* Tertio, ex parte rationis dilectionis, ut non diligat proximum propter utilitatem, vel delectationem propriam, sed propter ejus bonum: *Ut sit dilectio proximi vera.* Præclare S. August. Serm. 335. alias de Tempore 256. cap. 2. „ Ille (*inquit*) veraciter amat amicum, qui Deum amat in amico, aut quia est in illo, aut ut sit in illo „

R E G U L A I I I.

Officium dilectionis erga proximum est, illius onera portare.

De dilectione
proximi.

Joan. 13.

Hanc Regulam tradit Apostolus (ad Galatas cap. 6.) *Alter alterius onera portate* (*inquit*) & sic adimplebitis legem Christi. Hanc enim Christi legem dicere intelligitur, quia ipse Dominus præcipit, ut nos invicem diligamus, tantum in ea præcepti pondus constituens, ut diceret: *In hoc cognoscetur, quoniam discipuli mei estis, si vos invicem diligatis.* Hujus „ „ autem dilectionis officium est, invicem onera nostra portare (*inquit* S. Augustinus lib. De diversis Questionibus

De primo Decalogi præcepto. 319

tat, tu illius pertinaciam charitate portare debes,
 donec illud in te, & istud in illo vitium sanetur.
 Neque ulla res, officiosum istum laborem ad por-
 tanda onera aliorum facit libenter impendi, nisi cum
 cogitamus, quanta pro nobis pertulerit Dominus.
 Huic cogitationi etiam accedit alia cogitatio, quia
 ille suscepit hominem, nos autem homines sumus; &
 considerare debemus, quod ægritudinem, sive cor-
 poris, sive animi, quam in alio homine videmus,
 etiam nos habere potuimus, aut possumus. Hoc
 ergo exhibeamus illi, cujus infirmitatem portare
 volumus, quod ab illo nobis vellemus exhiberi, si
 forte nos in ea essemus, & ipse non esset. Ad hoc
 pertinet, quod Apostolus ait: *Omnibus omnia factus*
sum, ut omnes lucrificiam: cogitando scilicet in eo
 vitio etiam se esse potuisse, unde cupiebat alium
 liberare. Deinde etiam illud cogitandum, nullum
 esse hominem, qui non possit habere aliquod bo-
 num, quod tu nondum habes, etiam si lateat, in
 quo possit te esse superior; quæ cogitatio ad con-
 tundendam, edomandamque superbiam valet, ne
 arbitraris, quoniam tuæ quædam bona eminent, &
 apparent, ideo alterum nulla habere, quæ lateant,
 & fortassis majoris ponderis bona, quibus te supe-
 rat nescientem. Unde Apostolus ait: *Si qua con-*
solatio in Christo, si quod solatium charitatis, si qua so-
cietas spiritus, si qua viscera miserationis; Implete gau-
dium meum, ut idem sapiatis, eandem charitatem ha-
bentes, unanimes, id ipsum sentientes; nihil per con-
ventionem, neque per inanem gloriam; sed in humilitate
superiores sibi invicem arbitantes, non quæ sua sunt sin-
guli considerantes, sed ea, quæ aliorum. Hoc enim sen-
tite in vobis, quod & in Christo Jesu; qui cum in formâ
Dei esset, non rapinam arbitratus est esse se aequalem
Deo; sed semetipsum exinanivit, formam servi accipiens,
 Istæ cogitationes deprimentes superbiam, & acuen-
 tes charitatem, faciunt onera fraterna invicem, non
 solum æquo animo, sed etiam libentissime sustineri.
 Ipsa est ergo lex Christi, ut invicem onera no-

1. Cor. 9.

Philipp. 2.

1. Cor. 8.

stra portemus. Christum autem diligendo, facile sustinemus infirmitatem alterius, etiam quem nondum propter bona sua diligimus. Cogitamus enim, quia ille, quem diligimus, Dominus propter eum mortuus est. Quam charitatem Apostolus Paulus nobis ingessit, cum diceret; *Et peribit infirmus in tua scientia frater, propter quem Christus mortuus est.* Ut si illum infirmum, propter vitium, quo infirmus est, minus diligimus, illum in eo consideremus, qui mortuus est propter illum, Christum autem non diligere, non infirmitas, sed mors est. Quapropter ingenti cura, & implorata Dei misericordia cogitandum est, ne Christum negligamus propter infirmum, cum infirmum debeamus diligere propter Christum » » *Hac S. August.*

R E G U L A IV.

Lethaliter peccat contra dilectionem proximi, qui de vita alicujus tristatur, & de morte illius naturali gaudet, aut illam desiderat inefficaci licet affectu, quamvis non ex displicentia personæ, sed propter aliquod temporale emolumentum,

Ille enim, qui proximum sicut seipsum non diligit, ille peccat contra mandatum novum, quo Christus præcipit, ut proximum diligamus, sicut ipse dilexit nos. Ille charitatem non habet, quæ *Patiens est,*

De primo Decalogi præcepto. 317

illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod temporale emolumentum „

Clerus etiam gallicanus in generalibus Comitibus anno 1700. sic istam Propositionem confixit. „ Hujus propositionis doctrina scandalosa, & perniciosa est, piarum aurium offensiva, & secundo charitatis præcepto contraria, hæretica „

R E G U L A V.

Ordo in charitate servandus est.

Id probant verba coelestis Sponsæ, Canticorum 2. *Ordinavit in me charitatem.* Deus ergo præ omnibus diligendus; deinde nos ipsi secundum Deum; tum proximus, cujus salus proprio corpore charior nobis esse debet; inter proximos vero, primum parentes, & consanguinei, quibus magis subvenire debemus in his, quæ pertinent ad naturam, scilicet *in provisione necessariorum*; tum amici, denique omnes homines, etiam inimici. Qua de re legi potest *S. Tb. 2. 2. qu. 26.*

Ordo charitatis.

Hanc Regulam egregie confirmat *S. August. lib. 1. De Doctrina christiana, c. 27.* „ Ille autem iustus & sancte vivit, qui rerum integer æstimator est; ipse est autem, qui ordinatam dilectionem habet, ne aut diligat, quod non est diligendum, aut non diligat, quod est diligendum, aut amplius diligat, quod minus est diligendum, aut æque diligat, quod vel minus, vel amplius diligendum est, aut minus, vel amplius, quod æque diligendum est. Omnis peccator, in quantum peccator est, non est diligendus; & omnis homo, in quantum homo est, diligendus est propter Deum, Deus vero propter seipsum. Et si Deus omni homini amplius diligendus est, amplius quisque debet Deum diligere, quam seipsum. Item amplius alius homo diligendus est, quam corpus nostrum; quia propter Deum omnia ista diligenda sunt, & potest nobiscum alius homo Deo perfrui, quod non potest corpus; quia corpus per animam vivit, qua fruimur Deo.

Om.

Omnes autem æque diligendi sunt; sed cum omnibus prodesse non possis, his potissimum consulendum est, qui pro locorum, & temporum, vel quarumlibet rerum opportunitatibus constrictius tibi quasi quadam sorte junguntur. Sicut enim si tibi abundaret aliquid, quod dari oporteret ei, qui non haberet, nec duobus dari posset, si tibi occurrerent duo, quorum neuter alium, vel indigentia, vel erga te aliqua necessitudine superaret; nihil iustius faceres, quam ut sorte legeres, cui dandum esset, quod dari utrique non posset; sic in hominibus, quibus omnibus consulere nequeas, pro sorte habendum est, prout quisque tibi temporaliter colligatius adhærere potuerit.

Idem confirmat *S. Bern.* Serm. 50. in Cantica: „Da mihi (*inquit*) hominem, qui ante omnia quidem ex toto se diligat Deum; se verò, & proximum in quantum diligunt ipsum; inimicum autem tanquam aliquando forsitan dilecturum; porro parentes carnis suæ germanius propter naturam, spirituales verò eruditores suos profusius propter gratiam; atque in hunc modum ad cætera quæque Dei ordinato intendant amore, despiciens terram, suspiciens cælum; utens hoc mundo tanquam non utens, & inter utendū, & fraudanda intimo quodam mentis sapore discernens, ut transitoria transitorie, & ad id duntaxat, quod opus, & prout opus est, curet, æterna desiderio amplectatur æterno; talem, inquam, da mihi hominem,

superiora, ut docet *S. Bern.* Serm. 50. in Cantica. „ In bene affecta mente (*inquit*) non dubium, quin dilectioni hominis Dei dilectio præponatur, & in hominibus ipsis perfectiores infirmioribus, coelum terræ, æternitas temporis, anima carni. Attamen in bene ordinata actione sæpe, aut etiam semper ordo oppositus invenitur. Nam & circa proximi curam & plus urgemur, & pluries occupamur; & infirmioribus fratribus diligentiori sedulitate assistimus; & paci terræ magis, quam cœli gloriæ jure humanitatis, & ipsa necessitate intendimus; & temporalium inquietudine curarum vix aliquid sentire de æternis permittimur; & languoribus nostri corporis postposita animæ cura pene continue inservimus... Orantem denique hominem cum Deo loqui quis dubitet? Quoties tamen inde charitate jubente abducimur, & avellimur propter eos, qui nostra indigent opera, vel loquela? Quoties pie cedit negotiorum tumultibus quies? Quoties bona conscientia ponitur codex, ut operi manuum insudetur? Quoties pro administrandis terrenis, justissime ipsi superselemus celebrandis Missarum solenniis? Ordo præposterus, sed necessitas non habet legem. Agit ergo suum actualis charitas ordinem juxta patrisfamilias jussionem incipiens a novissimis. Pia certe, & justa, quæ non sit acceprix personarum, nec pretia consideret rerum, sed hominum necessitates. At non ita affectualis, nam a primis ipsa ducit ordinem. Est enim sapientia, per quam utique quæque res sapiunt, prout sunt; ut (verbi gratia) quæ pluris natura habet, pluris quoque ipsa affectio sentiat, minora minus, minima minime. Et illum quidem ordinem charitatis veritas tacit, hunc autem veritatis charitas vindicat tibi. Nam & vera in hoc est charitas ut qui indigent amplius, accipiant prius; & rursus in eo clara apparet veritas, si ordinem tenemus affectu, quem illa ratione „ „

REGULA VII:

Unusquisque tenetur proximo suo spiritualem necessitatem extremam patienti subvenire, etiam cum certo mortis periculo, si spes affulgeat, quod juvari possit.

Jubet enim Christus, ut diligamus invicem; sicut ipse dilexit nos; at Christus vitam suam pro nobis posuit, cum in extrema necessitate constituti essemus. *In hoc cognovimus claritatem Dei, quoniam ille animam suam pro nobis posuit; & nos debemus pro fratribus animas ponere* (inquit S. Joannes Epist. 1. cap. 3.)

Hanc Regulam confirmat S. Augustinus lib: *De Mendacio*, cap. 6. „ „ Temporalem plane vitam suam (inquit) pro æterna vita proximi non dubitabit Christianus amittere; hoc enim præcessit exemplum, ut pro nobis Dominus ipse moreretur. Ad hoc enim & ait: *Hoc est præceptum meum, ut diligatis invicem, sicut dilexi vos: Majorem dilectionem nemo habet; quam ut animam suam ponat pro amicis suis.* Non enim quisquam est ita desipiens, ut dicat aliud, quam salutem sempiternæ hominum consuluisse Dominum; vel faciundo, quod præcepit; vel præcipiendo, quod fecit „ „

Idem confirmat S. Thomas, 2. 2. qu. 26. art. 5. ad tertium: *Non est* (inquit) de necessitate charitatis,

Joan. 13.
& 14.

perfectionem consilii „ „ Quoties igitur proximus in æternum periturus est, nisi ipsum adjuvemus, ut si infans Christianorum filius moriturus sit sine baptismo, vel adultus in peccato mortali e vita discessurus, nisi ipsi succurratur, vitam exponere debet, qui derelictum videt infantem illum, contagioso forte morbo laborantem; Sacerdos obvius exponere se debet periculo, ut Sacramentum pœnitentiæ adulto, de cuius morte timetur, Sacerdotem petenti administret; illis absentibus, vel recusantibus, quibus ex officio incubuit.

R E G U L A V I I I.

Episcopi, & Pastores tenentur cum vitæ suæ periculo suis ovibus succurrere, gravem necessitatem spiritualem patientibus.

Tenentur enim ex officio oves suas pascere tum ^{Pastorum} Sacramentis, tum verbo Dei, præsertim cum ^{charitas.} ad illorum salutem id necessarium est. Præterea *Bonus Pastor animam suam dat pro ovibus suis: mer.* Joann. 10. *tenarius autem, & qui non est pastor, videt lupum venientem, & dimittit oves, & fugit.* Idque confirmat diserte *S. August.* Epist. 238. alias 180. ad *Honoratum*, scribens: „ „ Cum plebs manet, & ministri fugiunt, ministeriumque subtrahitur, quid erit nisi mercenariorum illa fuga damnabilis, quibus non est cura de ovibus? Veniet enim lupo, non homo, sed diabolus, qui plerumque fideles apostatas esse per-suasit, quibus quotidianum ministerium dominici Corporis defuit; & peribit infirmus in tua non scientia, sed ignorantia, frater, propter quem Christus ^{i. Cor. 8.} mortuus est. Quantum autem ad eos attinet, qui in hac re non falluntur errore, sed formidine superantur, quare non potius contra suum timorem Domino miserante, atque adjuvante fortiter dimicant, ne mala sine comparatione graviora, quæ multo amplius sunt tremenda, contingant? Fit hoc, ubi Dei charitas flagrat, non mundi cupiditas fumat. **Charitas**

2. Cor. II. 29. tas enim dicit: *Quis infirmatur, & ego non infirmor? Quis scandalizatur, & ego non uror?* Sed charitas ex Deo est. Oremus ergo, ut ab illo detur, a quo jubetur. Et per hanc magis timeamus, ne oves Christi spiritualis nequitiae gladio in corde, quam ne ferro in corpore trucidentur, ubi quodocunque quocunque mortis genere morituri sunt. Magis timeamus, ne, sensu interiori corrupto, pereat castitas fidei, quam ne feminæ violenter constuprentur in carne: quia violentia non violatur pudicitia, si mente servatur. Quoniam, nec in carne violatur, quando voluntas patientis sua turpiter carne non utitur, sed sine consensione tolerat, quod alius operatur. Magis timeamus, ne lapides vivi extinguantur, deserentibus nobis, quam ne lapides, & ligna terrenorum ædificiorum incendantur, præsentibus nobis. Magis timeamus, ne membra corporis Christi destituta spirituali victu necentur, quam ne membra corporis nostri oppressa hostili impetu torqueantur. Non quia ista non sunt vitanda, cum possunt, sed quia potius ferenda sunt, quando vitari sine impietate non possunt; nisi forte quisquam contenderit non esse ministerium impium, qui tunc subtrahit ministerium pietati necessarium, quando magis est necessarium » »

R E G U L A IX.



Ego autem dico vobis : Diligite inimicos vestros , benefacite his , qui oderunt vos ; & orate pro persequentibus , & calumniantibus vos ; ut sitis filii Patris vestri , qui in caelis est , qui solem suum oriri facit super bonos , & malos , & pluit super justos , & injustos . Si enim diligitis eos , qui vos diligunt , quam mercedem habebitis ? Nonne & publicani hoc faciunt ? Et si salutaveritis fratres vestros tantum , quid amplius facitis ? Nonne & Ethnici hoc faciunt ? Estote ergo vos perfecti , sicut & Pater vester caelestis perfectus est . Consideranda est auctoritas jubentis , exempla ad implendum præceptum invitantia , præmium obedientibus promissum . Deus jubet : *Ego autem dico vobis :* qui nos creavit , qui nos redemit , qui nos sanctificavit , cui omnia debemus , Conditor noster , Salvator noster , Dominus , Legislator , & Magister noster nobis præcipit , ut inimicos diligamus . Cum Jacob e domo Laban cum uxore sua , totaque familia , & gregibus , bonisque omnibus clam recessisset , Laban vehementer iratus fugientem persecutus est ; verumtamen Dei auctoritate , qui in somnis illi apparuerat , deterritus , nullum Jacob malum intulit ; imo foedus cum ipso iniit : *Stulte (inquit) operatus es ; & nunc quidem valet manus mea tibi reddere malum , sed Deus Patris vestri beri dixit mihi : Cave , ne loquaris contra Jacob quidquam durius .* Si tantum valuit apud ethnicum hominem auctoritas Dei , quem non cognoscebat , ut omne ultionis desiderium , omnemque odii motum in ejus corde extingueret ; quanti ponderis esse debet apud Christianos auctoritas Dei , in quem credunt , quem adorant , cui serviunt , ad inimicorum dilectionem in eorum animis excitandam ? Mortuo Jacob , filii ejus veriti , ne Joseph eorum frater inemor esset injuriæ , quam ipsi olim intulerant , Patris auctoritate , ac mandato ipsum sibi propitium reddere conati sunt , dicentes : *Pater tuus præcepit nobis antequam moreretur , ut hæc tibi verbis illius dicemus : Obsecro , ut obliviscaris sceleris fratrum tuorum , & peccati , atque malitiæ , quam exercuerunt in te ; nos quoque oramus , ut servis Dei patris tui dimittas iniquita-*

Auctoritas
Dei jubentis.

Gen. 31.

Gen. ult.

322 Theol. Dog. & Moral. Lib. IV.

tem hanc. Quibus auditis flevit. Joseph, &c. Si Patris nomen, atque mandatum Joseph propitium fratribus effecit, quidni Dei auctoritas Christianos inimicis benevolos reddet? Maxime cum exemplo Patris coelestis, & exemplo Christi ad hanc dilectionem invitentur, magnumque præmium propositum sit tantum præceptum implentibus, dignitas nempe filiorum Dei, æternaque hæreditas filiis Dei promissa, & parata. Nam si filii, & hæredes: *Hæredes quidem Dei, cohæredes autem Christi.* De magno illo dilectionis inimicorum mandato *S. August.* differens Serm. 317. alias 92. *De Diversis*, hæc habet: „ „ Grave præceptum, sed grande præmium: *Diligite inimicos vestros, benefacite his, qui vos oderunt, & orate pro persequentibus vos.* Audisti opus, exspecta mercedem: *Ut sitis (inquit) filii Patris vestri, qui in calis est.* Nunquid dictum est nubibus, pluite super agros cultorum meorum, & recedite ab agris blasphematorum meorum? Nunquid dictum est soli, videant te, qui me colunt, non te videant, qui mihi maledicunt? Beneficia de coelo, beneficia de terra; scatent fontes, agri pinguescunt, arbores fructibus onerantur. Habent ista boni, habent & mali, habent grati, habent ingrati. Qui præstat tanta bonis, & malis, putamus nihil servat bonis? Hoc dat bonis, & malis, quod dedit, & lapidatoribus Stephani; hoc vero servat bonis, quod dedit Stephano „ „

monuit. Undique enim Judæi frementibus, irascentibus, iridentibus, insultantibus, crucifigentibus, ait: *Pater, ignosce illis, quia nesciunt quid faciunt.* Cœcitas Luc. 23. enim me crucifigit. Cœcitas crucifigebat; & Crucifixus eis de sanguine suo collyrium faciebat. Sed homines pigri ad præceptum, avidi ad præmium, qui non diligunt inimicos suos, sed de illis se vindicare affectant, nec attendunt Dominum, qui si vellet se vindicare de inimicis suis non remaneret, qui laudaret eum; quando audiunt locum istum Evangelii, quo Dominus in cruce dixit; *Pater, ignosce illis, quia nesciunt, quid faciunt*, dicunt sibi: Ipse hoc potuit, tanquam Filius Dei, tanquam unicus Patris; caro enim pendebat, sed Deus intus latebat. Nos autem, quid sumus, qui ista faciamus? Si multum ad te putas imitari Dominum tuum; attende stephanum conservum tuum. Sic natus est, ut tu; inde natus est, unde & tu; ab eo renatus est, a quo & tu; tanti valet, quanti vales. Unum instrumentum nobis factum est. Evangelium instrumentum est, quia filii sumus, testamentum est. Ipsum attende, conservum attende... Nemo dicat, multum est ad me: homo erat, homo es. Sed non accepit a se. Nunquid accepit, & clausit tibi? Fons communis est; bibe, unde bibit. Beneficio Dei accepit; abundat, qui dedit; & tu pete, & accipe „ „.

Idem S. Aug. Tract. 8. in Epistolam S. Joannis, Cum inimicus quærit, cur dilectus discipulus in Epistola sua nihil commendat, nisi fraternam charitatem, de inimicorum vero dilectione prorsus taceat; cum tamen Christus jubeat, ut diligamus inimicos. Respondet vero S. Doctor: „ „ In eo etiam, quod diligitis inimicos, fratres diligitis .. Quæro quare diligas inimicum; quare illum diligis? Ut sanus sit in hac vita? Quid si non illi expedit? Ut dives sit? Quid si ipsis divitiis excoecabitur? Ut uxorem ducat? Quid si amaram vitam inde patietur? Ut filios habeat? Quid si mali erunt? Incerta sunt ergo ista, quæ videris optare inimico tuo, quia diligis eum. Opta illi, ut habeat tecum vitam æternam: opta illi, ut sit frater tuus.

Matth. 9.

Si ergo hoc optas, cum diligis inimicum, ut sis frater tuus; cum cum diligis, fratrem diligis. Non enim amas in illo, quod est, sed quod vis, ut sit. Dixeram aliquando charitati vestræ: Robur est ligni positum ante oculos, faber optimus vidit lignum nondolatum, de silva præcisum, adamavit; nescio, quid inde vult facere. Non enim ad hoc amavit, ut semper sic maneat. In arte vidit, quod futurum est, non in amore, quod est; & amavit, quod inde facturus est, non illud, quod est. Sic & nos Deus amavit peccatores. Ait enim: *Non est opus sanis medicus, sed male habentibus.* Nunquid ad hoc amavit peccatores, ut peccatores remaneremus? Quasi lignum de silva vidit nos faber, & cogitavit ædificium, quod inde facturus est, non silvam, quod erat. Sic & tu respicis inimicum tuum, adversantem, sævientem, mordentem verbis, exasperantem contumeliis, insectantem odiis; attendis ibi, quia homo est. Vides ista omnia, quæ adversa sunt ab homine facta; & vides in illo, quod a Deo factus est. Quod autem homo factus est, a Deo factus est. Quod autem te odit, ipse fecit; quod invidet, ipse fecit. Et quid dicis in animo tuo? Domine, propitius illi esto, dimitte illi peccata; incute illi terrorem, muta illum. Non amas in illo, quod est, sed quod vis, ut sit. Ergo cum inimicum amas, fratrem amas. Quapropter perfecta dilectio est inimici dilectio: quæ perfecta di-

Et infra: „Sævit in te homo? Ille sævit, tu precare; ille odit; tu miserere. Febris animæ ipsius te odit; sanus erit, & gratias tibi aget. Quomodo medici diligunt ægrotos? Ad hoc diligunt, non ut ægroti remaneant, sed ut ex ægrotis sani fiant. Et quanta plerumque patiuntur a phreneticis? Quales contumelias verborum; plerumque, & percutiuntur. Persequitur ille febrem, ignoscit homini; & quid dicam, fratres? Amat inimicum suum? Imo odit inimicum suum morbum, & amat hominem, a quo percutitur; odit febrem; illud tollit, quod illi advertatur, ut remaneat illud, unde gratuletur. Sic & tu; si odit te inimicus tuus, & injuste te odit, noveris, quia cupiditas seculi in illo regnat, propterea te odit. Si odisti illum & tu; contra reddis malum pro malo. Unum ægrotum flebam, qui te oderat; jam duos plango, si & tu odisti. Sed persequitur rem tuam; tollit tibi, nescio quæ, quæ habes in terra; ideo illum odisti, quia angustias tibi facit in terra. Noli pati angustias, migra in cælum sursum: cor ibi habebis; ubi latitudo est, ut nullas angustias patiaris in spe vitæ æternæ. Attende, quæ tibi tollit; nec ipsa tibi tolleretur, nisi ille permitteret, qui flagellat omnem filium, quem recipit. Quodammodo terramentum Dei est, quo saneris, imple inimicus tuus. Si novit Deus utile tibi esse, ut expoliet te, permittit illum; si novit tibi utile esse, ut vapules, permittit illum, ut cædaris; de illo te curat, opta, ut ille sanetur „

Inimicos itaque diligere tenemur vi illius præcepti, quo fratres, & proximos tenemur diligere. Unde *Tertullianus* Apologetici, cap. 39. sic Paganos alloquitur: „Fratres autem etiam veltri sumus jure naturæ matris unius, etli vos parum homines, quia mali fratres. At quanto dignius fratres & dicuntur, & habentur, qui unum patrem Deum agnoverunt, qui unum spiritum biberunt sanctitatis, qui de uno utero ignorantie ejusdem ad unam lucem expaverunt veritatis „? Hinc ut idem ait: *Christianus nullius est hostis.*

Et hæc propria nota Christianorum ; unde Pagani solebant dicere : *Videte , ut invicem se diligant , & ut pro alterutro moriantur sint parati.*

Et Minucius Felix , in Octavio : „ Si nos non notaculo corporis , ut putatis , sed innocentiae , ac modestiae signo facile dignoscimus. Sic mutuo , quod doletis , amore diligimus , quoniam odisse non novimus ; sic nos , quod invidetis , fratres vocamus , unius Dei parentis homines , ut consortes fidei , ut spei coheredes. Vos enim nec invicem agnoscitis , & in mutua odia sævitis ; nec vos fratres si sane ad patricium recognoscitis „ „

R E G U L A X.

Speciali dilectione erga inimicos affici , extra necessitatis articulum , minime necesse est , sed solum in animi præparatione.

Hanc Regulam tradit S. Thomas , 2. 2. quæst. 25. art. 8. „ Dilectio inimicorum (*inquit*) tripliciter potest considerari. Uno quidem modo , ut inimici diligantur , in quantum sunt inimici ; & hoc est perversum , charitati repugnans ; quia hoc est diligere malum alterius : unde S. Augustinus lib. 19. *Contra Faustum* , cap. 24. Hæc regula est (*inquit*) qua & odimus inimicum propter id , quod in eo malum est , id est iniquitatem ; & diligamus inimicum propter

sitate charitatis, quia hoc esset impossibile. Est tamen de necessitate charitatis secundum præparationem animi, ut scilicet homo habeat animum paratum ad hoc, quod in singulari inimicum diligeret, si necessitas occurreret. Sed quod absque articulo necessitatis homo etiam hoc actu impleat, ut diligat inimicum propter Deum, hoc pertinet ad perfectionem charitatis. Cum enim ex charitate diligatur proximus propter Deum; quanto aliquis magis diligit Deum, tanto etiam magis ad proximum dilectionem ostendit, nulla inimicitia impediente. Sicut si aliquis multum diligeret aliquem hominem, amore ipsius filios ejus amaret, etiam inimicos sibi „ „

R E G U L A X I.

Ad exhibenda inimicis signa, & officia dilectionis, quæ proximis in communi exhibentur, necessario tenemur; alioquin charitatis præceptum violamus, & lethaliter peccamus.

Ita docet *S. Thom.* art. 9. quæstionis mox indicatæ, „ „ Sunt (*inquit*) quædam signa, vel beneficia dilectionis, quæ exhibentur proximis in communi, puta, cum aliquis orat pro omnibus fidelibus, vel pro toto populo, aut cum aliquod beneficium impendit aliquis toti communitati. Et talia beneficia, vel dilectionis signa inimicis exhibere, est de necessitate præcepti. Si enim non exhiberentur inimicis, hoc pertineret ad livorem vindictæ; contra id, quod dicitur *Levit. 19. Non quæras ultionem, nec memor eris injuriæ civium tuorum. Et: Non oderis fratrem tuum in corde tuo* „ „

R E G U L A XII.

Beneficia, vel signa dilectionis, quæ amicis specialiter exhibemus, inimicis exhibere non tenemur, nisi secundum præparationem animi.

Ita docet ibidem *S. Thomas*: „ „ Alia vero sunt beneficia, vel dilectionis signa, quæ quis exhibet par-

Rom. 12.

particulariter aliquibus personis. Et talia beneficia, vel dilectionis signa inimicis exhibere, non est de necessitate salutis, nisi secundum præparationem animi; ut scilicet subveniatur eis in articulo necessitatis, secundum illud Prov. 25. *Si esurierit inimicus tuus, ciba illum: si sitierit, potum da illi.* Sed quod præter articulum necessitatis hujusmodi beneficia aliquis inimicis exhibeat, pertinet ad perfectionem charitatis, per quam aliquis non solum cavet *vinci a malo*, quod necessitatis est; sed etiam vult *In Bono vincere malum*, quod est perfectionis; dum scilicet non solum cavet propter injuriam sibi illatam pertrahi ad odium, sed etiam per sua beneficia intendit inimicum pertrahere ad sui amorem „ „

R E G U L A XIII.

Specialia beneficia, vel signa dilectionis exhibenda sunt inimicis in articulo necessitatis.

Cum enim inimicos diligere teneamur, eisque certis in casibus benefacere, & dilectionem, quæ ad eos etiam extenditur, signis quibusdam promere; id maxime faciendum est in articulo necessitatis, secundum illud ex Prov. 25. jam adductum: *Si esurierit inimicus tuus, ciba illum.* Et illud Exodi 23. *Si occurreris bovi inimici tui, aut asino erranti, reduc ad eum. Si videris asinum odientis te jacere sub onere, non*

REGULA XIV.

Salutationem, colloquium, speciales orationes inimicis exhibere tenemur, cum id necessarium est ad vincendum odium, in quod sumus propensi, vel ad scandalum avertendum; vel ad reconciliandum inimicum, ipsumque ad charitatem, & ad Deum reducendum.

Tenemur enim cavere, ne a malo vincamur, quod in illis circumstantiis facile continget, nisi salutatione, colloquio, specialibus orationibus vincamus in bono malum, ut Apostolus jubet, dicens: *Noli vinci a malo, sed vince in bono malum.* Hinc David, cum infestos inimicos pateretur, ad Deum confugiens, hunc in modum oravit: *Contristatus sum in exercitatione mea, & conturbatus sum a voce inimici, & a tribulatione peccatoris; Exaudi, Deus, deprecationem meam, intende mihi, & exaudi me.* Quem locum explicans S. August. Enarratione in Psalm. 54. ait; „Cum aliquid tale patitur Christianus, non debet facile velut odio ire in eum, a quo patitur, & velle ventum vincere; sed convertere se ad orationem, ne amittat dilectionem. Neque enim timendum est, ne aliquid faciat homo inimicus. Quid enim facturum est? Multa mala dicturus, opprobria jaculaturus, in conviciis sæviturus; sed quid tibi? *Gaudete* (inquit) *& exultate, quoniam merces vestra magna est in calis.* Ille in terra germinat convicia, tu in coelo lucra. Sed sæviet amplius, possit & aliquid amplius; quid te securius, cui dictum est; *Nolite timere eos, qui corpus occidunt, animam autem non possunt occidere?* Quid est ergo timendum, quando pateris inimicum? Ne conturbetur tibi dilectio, qua diligis inimicum. Etenim inimicus ille homo, caro, & sanguis, quod videt in te, appetit. Alius autem inimicus occultus, rector harum tenebrarum, quas tu pateris in carne, & sanguine, alterum occultum tuum petit, thesauros tuos interiores deprædari, & vastari molitur. Duos ergo inimicos constitue tibi ante

Rom. 12

Psalm. 54

Matth. 5

Matth. 10

12.

Doe. inimi.

cl. unus

apertus, al- ante oculos, unum apertum, & alterum occultum ;
 ter occul- apertum . hominem ; occultum , diabolum. Homo
 tus, unus
 diligendus, ille hoc est, quod tu secundum naturam humanam,
 alter caven- secundum fidem autem, & dilectionem nondum quod
 dus. tu, sed poterit esse, quod tu. Cum ergo sint duo,
 unum vide, alterum intellige ; unum dilige, alterum
 cave. Namque & inimicus ille, quem vides, hoc in
 te vult humiliare, unde vincitur. Verbi gr. si divi-
 tiis tuis vincitur, pauperem te vult facere ; si honore
 tuo vincitur, humilem te vult facere ; si viribus tuis
 vincitur, debilem te vult facere ; ea ergo attendit in
 te, vel dejicere, vel auferre, quibus vincitur. Et
 ille occultus inimicus illud tibi vult tollere, unde
 vincitur ; homo enim hominem vincis humana feli-
 citate, diabolum autem vincis inimici dilectione. Quo-
 modo ergo homo ambit auferre tibi, & detruncare,
 aut evertere felicitatem, qua vincitur ; sic & diabo-
 lus hominem vult vincere auferendo, unde vincitur.
 Sed cura in corde servare inimici dilectionem, qua
 diabolum vinçis. Sæviat homo, quantum potest ; au-
 ferat, quidquid potest ; si diligitur aperte sæviens, vi-
 ctus est occulte sæviens „ „. Cum igitur totis viri-
 bus enitendum sit, ne dilectionem amittamus, spe-
 cialem affectum, signaque particularia, & officia be-
 nevolentia inimicis exhibere debemus, cum id
 necessarium est ad vincendum odium, in quod su-
 mus propensi. Ad id etiam tenemur, cum necessa-

De primo Decalogi præcepto. 331

mur, multo magis inimicum ipsum errantem reducere tenemur ad Deum, quod summum bonum est, ad quod debemus, & a quibus diligimur duci, & quos diligimus ducere (ut S. August. loquitur.)

REGULA XV.

Lethalis peccati reus est, qui grave malum optat, vel imprecatur inimico, aut de illius adversitate gaudet.

Hic enim divinum præceptum de inimicorum dilectione a Christo renovatum violat: *Diligite inimicos vestros, benefacite his, qui oderunt vos.* Longe certe abest a dilectionis affectu, & ab animo benefaciendi, qui malum alteri optat, vel imprecatur, aut de illius adversitate gaudet. Unde Spiritus sanctus Prov. 24. 17. ait: *Cum ceciderit inimicus tuus, ne gaudeas, & in ruina ejus ne exultes cor tuum; ne forte videat Dominus, & displiceat ei, & auferat ab eo iram suam.* Istius peccati gravitatem eodem Spiritu afflatus Job indicat (cap. 31. 29. 30.) *Si gavisus sum (inquit) ad ruinam ejus, qui me oderat; & exultavi, quod invenisset eum malum. Non enim dedi ad peccandum guttur meum, ut expeterem maledicens animam ejus.* Si quis tamen vel inimico, vel alteri leve malum imprecatur, vel maledictionis verba profert ex levi motu, vel ex ludo, aut ex surreptione aliqua, ut frequenter accidit mulierculis, quæ maritis etiam, aut filiis, imo & sibi ipsis mortem imprecantur ex ira, aut mærore; cum tamen ita sint affectæ, ut de eorum morte dolerent, ejusque periculum ab ipsis avertere pro viribus niterentur, veniale peccatum est; quia peccata verborum maxime ex affectu pensantur. Ita docet S. Thom. 2. 2. qu. 76. art. 3 Sed optare alicui grave malum, secundum se repugnat charitati, qua diligimus proximum, volentes bonum ipsius; & ita est peccatum mortale.

REGULA XVI.

Inimicos a communibus orationibus nostris, quas pro aliis fundimus, excludere, aut contra illos Deum orare, lethale peccatum est.

Id

Matth. 6.

Id enim directe adversatur præcepto Christi : *Orate pro persequentibus , & calumniantibus vos , ut sitis filii Patris vestri celestis.* Adversatur & orationis , quam nos Dominus docuit , petitioni : *Dimitte nobis debita nostra , sicut & nos dimittimus debitoribus nostris.* Quamobrem illius oratio , qui ab orationibus suis inimicos excludit ; aut adversus ipsos Deum precatur non solum non delet peccatum , sed etiam ipsa fit in peccatum. „ „ Nullo modo tibi potest nocere læviens inimicus , quantum tibi nocet , si non diligis inimicum. Ille enim nocere potest aut villæ tuæ , aut pecori tuo , aut domui tuæ , aut servo tuo , aut ancillæ tuæ , aut filio tuo , aut conjugi tuæ ; aut ut multum , si illi data fuerit potestas , carni tuæ ; nunquid quomodo tu , animæ tuæ „ „ ? Debemus igitur inimicos diligere ; diligere autem ex charitate non possumus , nisi spiritualia , & æterna bona ipsis optemus. Si autem hæc vere ipsis optamus , & pro ipsis a Deo illa supplices petimus. *Saulus* inimicus erat Ecclesiæ ; oratum est pro illo , factus est amicus. Non solum destitit esse persecutor , sed laboravit , ut esset adiutor. Et si verum quæras : „ „ Oratum est contra illum ; sed contra ejus malitiam , non naturam. Ora & tu contra malitiam inimici tui ; illa moriatur , & ille vivat. Si enim mortuus fuerit inimicus tuus , quasi inimico caruisti , sed nec amicum invenisti. Si autem mortua fuerit malitia ejus ; & inimicum amisti , & amicum inveni-

nis reos a proprio deponi gradu, & tam ipsis, quam illis, qui ad talia peragenda ipsos incitaverint: *Exilii perpetui ergastulo relegatis, excepto in supremo vite curiculo, cunctis vite sue diebus, sacra Communionis denegari perceptionem decernit.*

Nec repugnant regulæ, quam explicamus, imprecationes adversus inimicos, quæ in Prophetis leguntur, ut illud Psalmi 68. *Fiat mensa eorum in laqueum;* & illud Psal. 108. *Fiant filii ejus orphani, & uxor ejus vidua,* &c. & quod Christus etiam Dominus maledixerit civitatibus, quæ verbum ejus non receperunt; & Apostolus de quodam dixerit: *Reddet illi Dominus secundum opera ejus.* 2. Tim. 4.

Hæc enim facile solvuntur, quia & Propheta per imprecationem, quid esset tuturum cecinit: *Non optantis voto, sed spiritu prævidentis.* Ita & Dominus, ita & Apostolus; quamquam in horum etiam verbis non hoc invenitur, quod optaverint, sed quod prædixerint. Non enim, cum ait Dominus; *Vae tibi Capharnaüm,* aliud sonat, nisi aliquid ei mali eventurum merito infidelitatis: *Quod futurum Dominus non malevolentia optabat, sed divinitate cernebat.* Et Apostolus non ait: *Reddat,* sed: *Reddet illis Dominus secundum opera ejus;* quod verbum prænuntiantis est, non imprecantis.

Matth. 23.
Lucæ 10.

Nec etiam repugnat clamor Martyrum, qui sanguinem suum adversus inimicos a Deo vindicari precantur Apocal. 6. Non enim contra ipsos homines, sed contra regnum peccati vindictam petere sunt intelligendi. „ „ Nam ipsa est sincera, & plena justitiæ, & misericordiæ vindicta Martyrum, ut evertatur regnum peccati, quo regnante tanta perpessi sunt. . . Destruitur autem, & evertitur peccati regnum, partim correctione hominum, ut caro spiritui subjiciatur; partim damnatione perseverantium in peccato, ut ita justitia ordinetur, ut justis cum Christo regnantibus; molesti esse non possint. Quis ergo convincit Martyres sanctos non talem suam vindictam a Domino esse deprecatos, cum etiam finem hujus seculi, in quo
tari-

tanta exitia pertulerunt, ad suam vindictam potuerint licenter aptare? Quod qui orant, & pro inimicis suis orant, qui sanabiles sunt, & contra illos non orant; qui insanabiles esse voluerunt; quia Deus quoque puniendo illos, non est malevolus tortor, sed iustissimus ordinator „ „. Sic respondet *S. August.* lib. I. *De Sermone Domini in monte*, cap. 21. & 22.

Rom. 12.

Quamvis denique Scriptura sacra quædam esse fratrum peccata significet, pro quibus non est præceptum, ut oremus, 1. Joannis 5. *Est peccatum ad mortem, pro illo non dico, ut roget quis*; contra neminem tamen, quantumvis inimicum, orandum est. Generaliter enim dictum est: *Benedicite, & nolite maledicere*; & illud: *Nemini malum pro malo reddentes.* „ „ Pro quo autem non oras, non etiam contra illum oras; potes enim videre certam ejus pœnam, & penitus desperatam salutem, & non quia odisti eum, ideo pro illo non oras: sed quia sentis nihil te posse proficere, & orationem tuam non vis repelli a iustissimo Judice „ „ Verba sunt *S. August.* ibidem.

R E G U L A X V I I.

Inimico etiam in odio pertinaci tenemur injuriati dimittere in præparatione animi, id est, odium, malevolentiam, & vindictæ appetitum deponere; alioqui lethalis peccati rei sumus.

giscendo torporem; uni se cupit esse sui debitoris exactorem, Dei se cogitet debitorem; qui erubescit petere, ut sibi frater ignoscat, vincat per bonum timorem malum pudorem „ „ „

Et Sermone 210. alias De Diverſis 74. „ „ Sit (*inquit*) in animo placabili, & humili misericors ignoscendi facilitas. Petat veniam, qui fecit injuriam; det veniam, qui accepit injuriam; ut non possideamur a Satana, cujus triumphus est dissensio Christianorum „ „ „

Et Sermone 211. alias 40. inter Homilias 50. cap. 6. eum, qui læsus est, non vult petere veniam ab eo, qui læsit, sed animo paratum esse ad ignoscendum. „ „ Nolo mentiaris (*inquit*) nolo dicas, da mihi veniam, qui te nosti non peccasse in fratrem tuum. Quid enim prodest tibi, cum tu fueris tuus accusator? Quid expectas tibi ignosci ab eo, quem non læsisti; aut in quem non peccasti? Nihil tibi prodest, nolo facias: nosti, bene discussisti, scis, quia in te peccavit, non tu in illum? Scio, *inquit*; in ista tua scientia sit tua conscientia. Noli venire ad fratrem tuum, qui in te peccavit, & ultro ab illo petere veniam. Debent inter vos esse alii pacifici, qui illum oburgent, ut a te prius veniam petat; tu tantum paratus esto ignoscere, prorsus paratus esto ex corde dimittere. Si paratus es dimittere, jam dimisisti. Habes adhuc, quod ores: ora pro illo; ut petat a te veniam; quia scis ei nocere, si non petat, ora pro illo, ut petat „ „ „

R E G U L A X V I I I.

Inimico veniam petenti, non solum tenemur offensam remittere, sed etiam aliqua benevolentiae, seu reconciliationis signa exhibere; & qui id omittit, lethalis peccati reus est.

Hæc enim omissio signum est odii in corde dominantis, scandalum parit, inimicum ad novum odium excitat; violatioque est dominici mandati, quod fratri in nos peccanti, sed veniam precanti,

Tom. VIII.

Y

igno-

ignosci jubet. Luc. 17. *Si peccaverit in te frater tuus, increpa illum; & si pœnitentiam egerit, dimitte illi. Et si septies in die peccaverit in te, & septies in die conversus fuerit ad te, dicens: Pœnitet me; dimitte illi.* Id confirmat S. August. Serm. 56. alias *De Diversis*. 48.

»»» Quando (*inquit*) inimicus veniam petit, continuo dimittatis. Et hoc multum ad vos? Multum ad te erat, inimicum diligere sœvientem; multum est ad te, hominem diligere supplicantem? Quid dicis? Sœviebat, & oderas. Mallem nec tunc odisses; mallem tunc, cum sœvientem patereris, Dominum recordareris dicentem: *Pater, ignosce illis, quia nesciunt, quid faciunt.* Sed forte dicturus es, fecit ille, sed ut Dominus, quia Christus, quia Dei Filius, quia Unigenitus, quia Verbum Caro factum. Quid ego malus, & invalidus homo? Si multus est ad te Dominus tuus, cogitetur a te conservus tuus. Stephanus sanctus lapidabatur, & inter lapides genuflexo pro inimiciis orabat, & ait: *Domine, ne statuas illis hoc peccatum.* Illi lapides mittebant, non veniam postulabant; & ille pro eis orabat. Talem te esse volo; extende te. Quid trahis semper cor in terra? Audi: *Sursum cor; extende, dilige inimicos.* Si non potes diligere sœvientem, dilige vel petentem. Dilige hominem, qui tibi dicit, frater, peccavi, ignosce mihi. Tunc si non ignoveris, non dico, deles orationem de corde tuo; sed deleberis de libro Dei...

Lucæ 23.

Act. 7. 59.


„ „ Diligere inimicos in generali est in præcepto (*inquit*) in speciali autem, non est in præcepto, nisi secundum præparationem animi; ut scilicet homo esset paratus etiam specialiter inimicum diligere, & eum juvare in necessitatis articulo, vel si veniam peteret „ „.

Cæterum quævis semper sit ejusmodi benevolentiae signum inimico veniam petenti exhibendum, quod sufficit ad depositionem odii significandam, & charitatem comprobendam, non eadem tamen, nec eodem modo sunt ab omnibus exigenda; sicut nec ab omnibus exigendum est, ut veniam rogent, cum quibusdam satis sit, ut vel salutationis officium, vel aliud benevolentiae signum priores exhibeant. Alia enim debent filius patri, servus Domino, subditus Superiori, plebejus Nobili, quam pater filio, Dominus servo, Superior subdito, Nobilis plebejo: alia sibi mutuo debent Nobiles, vel Clerici, aut Religiosi æquales. Nam pater, dominus, Superior, ita parcere tenetur filio, servo, aut subdito veniam petenti, & benevolentiae demonstrationem ita temperare, ut tamen correptionem, & disciplinam, si necesse sit, non remittat. Unde *S. August.* Serm. 5. alias 1. ex iis quos edidit *Simondus*, ait: „ „ Pater, quia non dimisit ille, qui clamat? Forte enim aliquando clamat aliquis, & jubet cædi hominem, & putas, quia non dimisit. Quare? Tu quando cædis filium tuum, tenes odium in corde tuo? Ergo res in corde est; solus Deus vidit, si dimissum est. Aliquando enim non cædit aliquis, videtur parcere manu, & sævit in corde, & optat male homini intus, & vult eum necari; tenet contra illum malam voluntatem, quamvis nihil illi corporaliter reddere videatur. Econtra sunt, qui corporaliter quasi videntur reddere; sed corporalis illa correptio, quasi dilectio est; ad bonam vitam vult illum pervenire, & tanto magis vult eum corripere, quanto magis illum amat. Sic & Deus nunquid non nos diligit? Non ad hoc nos hortatur, ut diligamus inimicos nostros,

ut, quomodo possumus, similes illi simus? Quanta dilectio est in Domino, quando pro peccatoribus, & impiis Christum crucifigendum misit, & pretio sanguinis ejus nos redemit, qui ei inimici eramus, amando ea, quæ fecit, pro eo, qui fecit? Cum ergo ista faceremus, misit Deus filium suum, & eum pro nobis impiis ab aliis impiis occidendum tradidit. Et si nondum fidelibus tantum munus datum est, quid ergo servatur fidelibus? Ecce quomodo Deus diligit homines. Attendamus, fratres, nunquid non illos flagellat? Nunquid non illos corripit? Si non illos corripit, unde fames, unde ægritudines, unde pestilentia, & morbi? Omnes enim istæ correptiones Dei sunt. Sicut ergo ille diligit, & tamen corripit, sic & tu, si habes aliquem in potestate, quamvis serves affectum dilectionis, noli tamen negare flagellum correptionis. Quia si negaveris, non tenebis dilectionem; quia ille moritur in peccatis, qui forte correptus ea relinqueret, & magis tibi imputatur verum odium „„.

Et Serm. 56. alias *De Diversis* 47. cap. 13. „„ Quid si ille, qui petit veniam, castigandus est a me? Fac quod vis; puto enim, quod filium tuum diligis, & quando cædis. Lacrymas vapulantis non curas, quia ei hæreditatem servas. Ego hoc dico, ut de corde dimittas odium, quando a te veniam petit inimicus „„.

REGULA XIX.



sed vindictam, quatenus proximi malum est, optare, vel de illa delectari, charitati adversatur, quam ad inimicos ipsos extendere debemus. Hanc Regulam tradit S. Thomas, 2. 2. qu. 108. art. 1. „ „ Vindicatio (*requit*) fit per aliquod pœnale malum inflictum peccanti. Est ergo in vindicatione considerandus vindicantis animus. Si enim ejus intentio feratur principaliter in malum illius, de quo vindictam sumit, & ibi quiescat, est omnino illicitum; quia delectari in malo alterius pertinet ad odium, quod charitati repugnat, qua omnes homines debemus diligere. Nec aliquis excusatur, si malum intendat illi, qui sibi injulte intulit malum, sicut non excusatur aliquis per hoc, quod odit se odientem. Non enim debet homo in alium peccare propter hoc, quod ille prius peccavit in ipsum; hoc enim est *Vinci a malo*, quod Apostolus prohibet ad Romanos 12. dicens: *Noli vinci a malo, sed vince in bono malum*. Si vero intentio vindicantis feratur principaliter ad aliquod bonum, ad quod pervenitur per pœnam peccantis, puta, ad emendationem peccantis, vel saltem ad cohibitionem ejus, & quietem aliorum, & ad justitiæ conservationem, & ad Dei honorem, potest esse vindicta licita, aliis debitis circumstantiis servatis „ „; videlicet, ne gravior pœna exigatur, quam peccator meruerit, nec privata auctoritate infligatur. Neque enim politico duntaxat, sed naturali jure prohibitum est, ne quis privata auctoritate injurias suas ulciscatur, quoniam qui hoc facit, usurpat Dei auctoritatem, dicentis: *Mibi vindicta, & ego retribuam*: Per me scilicet, aut per ministros, qui *Non sine causa gladium portant, vindices in iram eis, qui male agunt*. Deuter. 32. & Rom. 12. & 13.

Licet tamen is, qui ex animo parcat inimico, possit ab eo restitutionem honoris, famæ, aut bonorum externorum exigere; cavendum tamen est, ne cum nimio suo damno urgeatur, vel talis restitutio apud judicem postuletur, cum inimicus veniam postulat. & congruam bonorum, ac prudentum virorum arbitrio satisfactionem offert; quia difficile est in illis

circumstantiis, ut actio injuriarum in foro instituat-
 tur absque appetitu vindictæ. Quando vero agitur
 de pœna capitis, aut mutilatione membri, vel alia
 simili irroganda, ex qua nihil emolumenti provenit
 personæ lætæ, non est exigenda, nisi intuitu divini
 honoris, & publicæ quietis, zeloque justitiæ; & il-
 lam condonare expedit plerumque inimico veniam
 petenti, quia difficile est, ut exigatur absque ultio-
 nis libidine. Si tamen tale sit negotium, ut familia
 ejus, qui læsus est, maneret infamis, nisi is, qui læ-
 sit, secundum leges puniretur, pœnam hujusmodi
 exigere licet,

Dei, & pro-
 ximorum
 injurias,
 vel etiam
 proprias,
 cum in
 Deum, &
 Ecclesiam
 redundant,
 dissimulare
 Christianus
 non debet.

Denique quamvis privatarum injuriarum ultionem,
 vel secundum ordinem juris, persequi periculosum
 sit, easque tolerare magis expediat Christiano, ne
 patientiæ merito fraudetur; injurias tamen Dei, &
 proximorum, vel etiam proprias, cum in Deum,
 aut Ecclesiam redundant, dissimulare non debet, sed
 earum ultionem zelo religionis, ac justitiæ persequi,
 ut docet *S. Thomas*, loco supra notato in responso-
 ne ad secundum: „ „ Mali (*inquit*) tolerantur a
 bonis in hoc, quod ab eis proprias injurias patien-
 ter sustinent, secundum quod oportet; non autem
 tolerant eos, ut sustineant injurias Dei, & proximo-
 rum „ „ Unde auctor Operis imperfecti in Matthæum
 Homilia 5. ait: „ In propriis injuriis esse quempiam
 patientem laudabile est; injurias autem Dei dissi-

bet eam tolerare patienter, si expediat. Hujusmodi enim præcepta patientiæ intelligenda sunt secundum præparationem animi, ut *S. August.* dicit lib. I. *De Sermone Domini in monte*, cap. 24. „

Legere præstat *Tertullianum*, libro *De Patientia*, ubi inter alia præclara, hæc habet: „ „ Qui damni impatientia concitatur, terrena cœlestibus anteposendo, de proximo in Deum peccat. Spiritum enim, quem a Domino sumpsit, secularis rei gratia concutit. Libentes igitur terrena amittamus, cœlestia tueamur. Totum licet seculum pereat, dum patientiam lucrifaciam. Jam qui minutum sibi aliquid aut furto, aut vi, aut etiam ignavia non constanter sustinere constituit; nescio, an facile, vel ex animo ipse rei suæ manum inferre posset in causa eleemosynæ. Quis enim ab alio secari omnino non sustinens, ipse ferrum corpori suo ducit? Patientia in detrimentis exercitatio est largiendi, & communicandi. Non piget donare eum, qui non timet perdere. Alioquin quomodo duas habens tunicas, alteram earum nudo dabit, nisi idem sit, qui auferenti tunicam, etiam pallium offerre possit?... Absit a servo Christi tale inquinamentum, ut patientia majoribus tentationibus præparata in frivolis excidat, &c „ „

Patientiæ
christianæ
officia.

Et infra: „ „ Est alius impatientiæ stimulus, ultionis libido, negotium curans aut gloriæ aut malitiæ. Sed & gloria utique vana, & malitia nunquam non Domino odiosa, hoc quidem loco maxime, eum alterius malitia provocata, superiorem se in exequenda ultione constituit, & remunerans nequam duplicat, quod semel factum est. Ultio penes errorem, solatium videtur doloris; penes veritatem, certe redarguitur malignitatis. Quid enim refert inter provocantem, & provocatum, nisi quod ille prior in maleficio deprehenditur, at ille posterior? Tamen uterque læsi hominis Dominus reus est „ „

Charitatem gravis impatientia extinguir. „ „ Nam dilectio summum fidei Sacramentum, christiani nominis thesaurus, quam Apostolus totis viribus Spiritus

tus sancti commendat, cujus nisi patientiæ disciplinis eruditur? Dilectio (*inquit*) magnanimis est; ita patientiam sumit. Benefica est; malum patientia non facit. Non æmulatur; id quidem patientiæ proprium est. Nec protervum sapit; modestiam de patientia trahit. Non inflatur, non proterit; non enim ad patientiam pertinet. Nec sua requirit, si offert sua, dum alteri profit; nec incitatur. Cæterum quid impatientiæ reliquisset? Ideo (*inquit*) dilectio omnia sustinet, omnia tolerat; utique quia patiens. Merito ergo nunquam excidet; nam cætera evacuabuntur, consummabuntur. Exhaustiuntur linguæ, scientiæ, Prophetiæ; permanent fides, spes, dilectio. Fides, quam Christi patientia induxit; spes, quam hominis patientia expectat; dilectio, quam Deo magistro patientia comitatur „ „.

R E G U L A XX.

Paratus esse debet Christianus ad misericordiam in omnes homines exercendam.

Quamvis enim omnibus, & singulis benefacere non possit: „ „ Charitas *tamen* requirit, ut etiamsi non actu aliquibus benefaciat, habeat in animi præparatione, ut benefaceret cuicunque, si tempus adesset. Aliquod *nihilominus* beneficium est, quod possumus omnibus impendere, si non in speciali, saltem in generali; sicut cum oramus pro omnibus fidelibus,



Idem docet *S. Ambros.* lib. 1. *De Officiis*, cap. 39. „ Est illa probanda liberalitas (*inquit*) ut proximos sanguinis tui non despicias, si egere cognoscas. Melius est enim, ut ipse subvenias tuis, quibus pudor est ab aliis sumptum deposcere „.

Ita docet *S. August.* lib. 1. *De Doctrina christiana*, cap. 8. „ Cum omnibus prodesse non possis, his potissimum consulendum est, qui pro locorum, & temporum, vel quarumlibet rerum opportunitatibus, constrictius tibi, quasi quadam sorte junguntur „.

Eandem Regulam confirmat *S. Thomas*, 2. 2. qu. 31. art. 3. „ Secundum diversas conjunctiones (*inquit*) sunt diversimode diversa beneficia dispensanda. Nam unicuique est magis exhibendum beneficium pertinens ad illam rem, secundum quam est magis nobis conjunctus; tamen hoc potest variari secundum diversitatem locorum, & temporum, & negotiorum. Nam in aliquo casu est magis subveniendum extraneo, puta, si sit in extrema necessitate, quam etiam patri, non tantam necessitatem patienti „.

Et in responsione ad primum, explicans hanc sententiam Christi (*Lucæ 14.*) *Cum facis prandium, aut canam, noli vocare amicos tuos, neque fratres tuos, neque cognatos, neque vicinos divites; ne forte te & ipsi reinvitent, & fiat tibi retributio; sed cum facis convivium, voca pauperes, debiles, claudos, & cæcos; & beatus eris; quia non habent retribuere tibi; retribuetur enim tibi in Resurrectione justorum*, ait: „. Dicendum quod Dominus simpliciter, non prohibet vocare amicos, aut consanguineos ad convivium; sed vocare eos ea intentione, quod te ipsi reinvitent; hoc enim non erit charitatis, sed cupiditatis. Potest tamen contingere, quod extranei sint magis invitandi in aliquo casu, propter majorem indigentiam. Intelligendum est enim, quod magis conjunctis, magis est (cæteris paribus) benefaciendum. Si autem duorum unus est magis conjunctus, & alter magis indigens; non potest universali regula determinari, cui sit magis subveniendum; quia sunt

diversi gradus, & indigentiae, & propinquitatis ; sed hoc requirit prudentis judicium „ „

Et in responsione ad tertium ; „ „ Nullius (*inquit*) benefactoris beneficium est tantum, sicut parentum ; & ideo parentes in recompenlandis beneficiis sunt omnibus aliis præferendi ; nisi necessitas ex alia parte præponderaret, vel alia conditio, puta, communis utilitas Ecclesiæ, vel reipublicæ. In aliis autem est æstimatio habenda, & conjunctionis, & beneficii suscepti ; quæ similiter non potest communi regula determinari „ „

In responsione ad quartum ait ; „ „ In necessitatis extremæ articulo magis licere deferere filios, quam parentes, quos nullo modo deferere licet, propter obligationem beneficiorum susceptorum „ „

Quæstione denique 32. art. 9. „ „ Multo sanctiori magis indigentiam patienti, & magis utili ad commune bonum, est magis eleemosyna danda, quam personæ propinquiore, maxime si non sit multum conjuncta, cujus cura specialis nobis non immineat ; & si magnam necessitatem non patiatur „ „

R E G U L A X X I I.

Lethaliter peccat contra præceptum charitatis, qui pauperibus extremam, vel gravem, imo & communem necessitatem patientibus, eleemosynam, prout potest, non erogat. his saltem ex superfluo :

REGULA XXIII.

Non modo Christi præceptum, sed spirituales fructus ex eleemosyna provenientes, ad illam erogandam christianum hominem incitare debent.

Eleemosynis enim expiantur, ac redimuntur peccata, Deusque peccatoribus propitius redditur. *Tob. 4. Ex substantia tua fac eleemosynam, & noli avertire faciem tuam ab ullo paupere; ita enim fiet, ut nec a te avertatur facies Domini. Quomodo potueris, ita esto misericors. Si multum tibi fuerit, abundanter tribue; si exiguum tibi fuerit, etiam exiguum libenter impertiri stude. Præmium enim bonum tibi thesaurizas in die necessitatis; quoniam eleemosyna ab omni peccato, & a morte liberat, & non patietur animam ire in tenebras. Fiducia magna erit coram summo Deo eleemosyna, omnibus facientibus eam. Et cap. 12. Raphael Angelus ait: Bona est oratio cum jejuniis; & eleemosyna, magis quam thesauros auri recondere; quoniam eleemosyna a morte liberat, & ipsa est, qua purgat peccata, & facit invenire misericordiam, & vitam æternam. Prov. 13. Redemptio animæ viri divitiis suis. Eccl. 3. 33. Ignem ardentem extinguit aqua, & eleemosyna resistit peccatis; & Deus prospector est ejus, qui reddit gratiam; meminit ejus imposterum, & in tempore casus sui inveniet firmamentum. Rursus Eccl. 29. Conclude eleemosynam in corde pauperis, & hæc pro te exorabit ab omni malo. Dan. 4. Peccata tua eleemosynis redime. Christus tandem ait (Lucæ II. 41.) Date eleemosynam; & ecce omnia munda sunt vobis. Eleemosyna alter quodammodo baptismus est, ut S. Cyprianus lib. de Opere, & Eleemosynis docet. „ „ Sicut (inquit) lavacro aquæ salutaris gehenna ignis extinguitur, ita eleemosynis, atque operibus justis delictorum flamma sopitur. Et quia semel in baptismo remissio peccatorum datur, assidua, & jugis operatio, baptismi instar imitata, Dei rursus indulgentiam largitur. . . Remedia propitiando Deo ipsius Dei verbis data sunt; quid deberent facere peccantes, magiste-*

Eleemosyna a peccato, & a morte liberat.

Eleemosyna alter quodammodo baptismus.

Prov. 21.
13.

gisteria divina docuerunt; operationibus iustis Deo satisfieri, misericordiæ meritis peccata purgari „ „. Hinc sapiens ait: *Qui obturat aures, ne audiat imbecillum, & ipse invocabit Deum, & non erit, qui exaudiat eum.* „ „ Neque enim (inquit S. Cyprianus) promereri misericordiam Domini poterit, qui misericors ipse non fuerit, aut impetrabit de divina pietate aliquid in precibus, qui ad precem pauperis non fuerit humanus „ „.

Act. 9. 39.

Nec mirum, quod ab æterna morte liberet eleemosyna, cum etiam eleemosynis corporis mortem depelli probaverit miraculum resurrectionis Tabithæ in actis Apostolorum commemoratum. Cum enim venisset S. Petrus, *Circumsteterunt eum Vidua flentes, & ostendentes ei tunicas, quas illis dederat;* „ „ nec pro defuncta suis vocibus, sed suis operibus deprecantes. Sensit Petrus impetrari posse, quod sic petebatur; nec defuturum Christi auxilium viduis deprecantibus, quando esset in viduis ipse vestitus. Cum itaque genibus nixus orasset, viduarum, ac pauperum idoneus advocatus legatas sibi preces ad Dominum pertulisset „ „, conversus ad corpus ait: *Tabitha, surge in nomine Jesu Christi.* Nec defuit Petro, quo minus statim ferret auxilium, qui in Evangelio dari dixerat, quidquid fuisset ejus nomine postulatum. Mors itaque suspenditur, & spiritus redditur: „ „ Tantum potuerunt misericordiæ merita,

fecistis, mihi fecistis. Hinc *S. Cyprianus* ait: „ „ Præclara, & divina res salutaris operatio, solatium grande credentium, securitatis nostræ salubre præsidium, munimentum spei, tutela fidei, medela peccati, res posita in potestate facientis, res grandis, & facilis; sine periculo persecutionis, corona pacis; verum Dei munus, & maximum, infirmis necessarium, fortibus gloriosum, quo Christianus adjutus perfert gratiam spiritualem, promeretur Christum judicem; Deum computat debitorem „ „ Non solum autem bona spiritualia, sed & temporalia, & cœleste regnum eleemosynis rependit. Unde Sapiens ait Eccl. 17. *Eleemolyna viri quasi signaculum cum ipso, & gratiam hominis quasi pupillam conservabit, & postea resurget, & retribuet illis retributionem.* Et Christus ait: *Facite vobis amicos de Mammona iniquitatis, ut cum defeceritis, recipiant vos in æterna tabernacula.* (Lucæ 16. & Apost. 1. ad *Timoth.* cap. 6. Divitibus præcipit bene agere, divites fieri in bonis operibus, facile tribuere, communicare, thesaurizare sibi fundamentum bonum in futurum, ut apprehendant veram vitam. Doceo lucrum (inquit *S. August.*) cum ostendo, *Thesaurizent sibi.* Non enim volo, ut pauperes remaneant. „ „ Non ut perdant, dico; sed quo migrent, ostendo. . . Apprehendenda est vera vita, migrandæ sunt facultates nostræ ad locum veræ vitæ; ut hoc ibi inveniamus, quod hic damus „ „

sibi faciunt debitorem. Matth. 5.

Sermone 61. alias 5. De verbis Domini.

Ob eam rationem SS. Patres eleemosynam scœnus appellant, & divitibus, qui pauperibus eleemosynas erogant, Deo scœnerari asserunt. „ „ Invenimus, quem scœneremus. Demus in usuram, sed Deo, non homini. Ei damus, qui abundat, ei damus, qui dedit, quod demus. Et pro modicis rebus, pro frivolis, pro mortalibus, pro putribilibus, pro terrenis, æterna, incorruptibilia, sine fine manentia; quid multa dicturus sum? Se promittit, qui promittit. Si amas illum, eme illum ab illo. Et ut noveris te ipsi dare, audi illum dicentem: *Esurivi, & dedistis mihi manducare, &c. Quod uni ex minimis meis fecistis, mihi feci.*

Deo scœnerantur, qui eleemosynam erogant.

Matth. 25.

fecistis. Dat de cœlo, accipit in terra. Ipse dat, ipse accipit. Quali fœnus trajectitium facis. Hic das, ibi recipis; hic das res perituras, ibi recipis sine fine manfuras „ „. Verba sunt S. *August.* Serm. 42. alias 29. ex Homiliis quinquaginta.

Omnes ho- Et Sermone 123. alias 41. *De Verbis Domini*, cap. 5.
mines „ „ Quantumcunque habeas, quicumque dives es,
quantum- Dei mendicus es. Venitur ad horam orationis, &
vis divites, ibi te probo. Petis; quomodo non pauper es, qui
Dei sunt mendici, petis? Plus addo, panem petis. An non es dicturus:
Panem nostrum quotidianum da nobis? Qui panem quo-
tidianum petis, pauper es, an dives? Et tamen Chri-
stus dicit tibi, da mihi ex eo, quod dedi tibi.
Quid enim attulisti, quando huc venisti? Omnia,
quæ creavi, creatus hic invenisti; nihil attulisti, ni-
hil hinc tolles. De meo quare mihi non donas? De
meo quæro, da, & reddo. Habuisti me largitorem,
fac cito debitorem. Parum est, quod dixi, habeam
te foeneratorem. Pauca mihi das, plura reddam. Ter-
rena mihi das, cœlestia reddam. Temporalia mihi
das, æterna restituam. Te ipsum tibi reddam, quan-
do te mihi reddidero „ „.

Et Enarratione in *Psal.* 102. „ „, Vide, quid emas,
quando emas, quanti emas. Emis enim regnum cœ-
lorum; & non est emendi tempus, nisi in hac vita.
Et quam vili emas, attende. Tanti tibi valet, quan-
tum habere potueris „ „.

Manus pau- Eodem spectant hæc S. *Petri Chrysologi* verba, Serm.
peris, the- 8. „ „ Manus (*inquit*) pauperis, Abrahæ, sinus est;
saurus est ubi, quidquid pauper acceperit, mox reponit. Thesau-
cœli. rus cœli est manus pauperis, quod suscipit, ne in ter-
Matth. 6. ra pereat, reponit in cœlum. *Thesaurizate* (*inquit*)
vobis thesauros in calo. Manus pauperis est gazophy-
lacium Christi; quia quidquid pauper accipit, Chri-
stus acceptat. Da ergo homo pauperi terram, ut ac-
cipias cœlum. Da nummum, ut accipias regnum.
Da micam, ut accipias totum. Da pauperi, ut det
tibi; quia quidquid pauperi dederis, tu habebis; quod
pauperi non dederis, habebit, alter. Clamat Deus:

Misc.

Misericordiam volo; qui quod vult Deus, Deus negat, a Deo sibi, quod desiderat, vult negari. Homo, petit Deus; sed tibi, non sibi. Humanam misericordiam petit, ut largiatur divinam. Est in cœlis misericordia, ad quam per terrenas misericordias pervenitur. *Domine* (inquit) *in cœlo misericordia tua.* Dicitur Ps. 135. 6. *rus causam in iudicio Dei, patronam tibi misericordiam, per quam liberari possis, assume. Qui de patrocinio misericordiæ certus est, de venia sit securus, de absolutione non dubitet „ „ „*

Sed & *S. Ambrosius* hoc sacri fœneris genus exponit lib. *de Tobia*, cap. 16. „ „ Fœneratorum vox deletat, & usurarum vocabulum. Id non invideo. Docebo, quomodo boni fœneratores esse possitis, quomodo bonas quæratís uluras. Dicit Salomon: *Fœnera. Domino, qui misereatur pauperis, secundum datum autem ejus retribuet ei.* Ecce bonum fœnus, de malo factum est; ecce irreprehensibilis fœnerator, ecce ulura laudabilis. Putatis, quod hominem subtraham vobis debitorem? Deum provideo, Christum subrogo, illum demonstro, qui vos fraudare non possit. Fœnerate ergo Domino pecuniam vestram in manu pauperis. Ille adstringitur, & tenetur; ille scribit, quidquid egenus acceperit; Evangelium ejus cautio est; ille promittit pro omnibus indigentibus, ille dicit fidem, quid dubitatis dare? Si quis vobis dives hujus seculi offeratur, qui fide promittat sua pro aliquo debitore, statim numeratis pecuniam; pauper est vobis Dominus cœli, & conditor mundi hujus; & adhuc deliberatis, quem ditiozem quæratís fideiussorem „ „ „

Idem confirmat *S. Leo* Sermone 8. de Collectis, & Eleemosina 4. „ „ Misereantur (inquit) pauperum, qui sibi volunt parcere Christum. Faciles sint in alimenta miserorum, qui cupiunt ad societatem pervenire Fidelium. Non sit vilis homini homo, nec in quoquam despiciatur illa natura, quam rerum conditor suam fecit. Cui enim laborantium licet negare, quod Christus sibi profitetur impendi? Juvatur conservus, &
gra-

fecistis. Dat de coelo, accipit in terra. Ipse dat, ipse accipit. Quali foenus trajectitium facis. Hic das, ibi recipis; hic das res perituras, ibi recipis sine fine mansuras „ „. Verba sunt d. *August.* Serm. 42. alias 29. ex Homiliis quinquaginta.

Omnes ho-
mines
quantum-
vis divites,
Dei sunt
mendici.

Et Sermone 123. alias 41. *De Verbis Domini*, cap. 5.

„ „ Quantumcunque habeas, quicumque dives es, Dei mendicus es. Venitur ad horam orationis, & ibi te probo. Petis; quomodo non pauper es, qui petis? Plus addo, panem petis. An non es dicturus: *Panem nostrum quotidianum da nobis?* Qui panem quotidianum petis, pauper es, an dives? Et tamen Christus dicit tibi, da mihi ex eo, quod dedi tibi. Quid enim attulisti, quando huc venisti? Omnia, quæ creavi, creatus hic invenisti; nihil attulisti, nihil hinc tolles. De meo quare mihi non donas? De meo quæro, da, & reddo. Habuisti me largitorem, fac cito debitorem. Parum est, quod dixi, habeam te foeneratorem. Pauca mihi das, plura reddam. Terrena mihi das, cœlestia reddam. Temporalia mihi das, æterna restituam. Te ipsum tibi reddam, quando te mihi reddidero „ „.

Et Enarratione in Psalm. 102. „ „, Vide, quid emas, quando emas, quanti emas. Emis enim regnum cœlorum; & non est emendi tempus, nisi in hac vita. Et quam vili emas, attende. Tanti tibi valet, quantum habere potueris „ „.

Misericordiam volo; qui quod vult Deus, Deus negat, a Deo sibi, quod desiderat, vult negari. Homo, petit Deus; sed tibi, non sibi. Humanam misericordiam petit, ut largiatur divinam. Est in cœlis misericordia, ad quam per terrenas misericordias pervenitur. *Domine* (inquit) *in cœlo misericordia tua*. Dicitur Pf. 135. 6. *causam in iudicio Dei, patronam tibi misericordiam, per quam liberari possis, assume. Qui de patrocinio misericordiae certus est, de venia sit securus, de absolutione non dubitet* „ „ „

Sed & *S. Ambrosius* hoc sacri fœneris genus exponit lib. *de Tobia*, cap. 16. „ „ Fœneratorum vox delectat, & usurarum vocabulum. Id non invidio. Docebo, quomodo boni fœneratores esse possitis, quomodo bonas quæratís uluras. Dicit Salomon: *Fœne- Prov. 19: ra. Domino, qui miseretur pauperis, secundum datum autem ejus retribuet ei*. Ecce bonum fœnus, de malo factum est; ecce irreprehensibilis fœnerator, ecce ulura laudabilis. Putatis, quod hominem subtraham vobis debitorem? Deum provideo, Christum subrogo, illum demonstro, qui vos fraudare non possit. Fœnerate ergo Domino pecuniam vestram in manu pauperis. Ille adstringitur, & tenetur; ille scribit, quidquid egenus acceperit; Evangelium ejus cautio est; ille promittit pro omnibus indigentibus, ille dicit fidem, quid dubitatis dare? Si quis vobis dives hujus seculi offeratur, qui fide promittat sua pro aliquo debitore, statim numeratis pecuniam; pauper est vobis Dominus cœli, & conditor mundi hujus; & adhuc deliberatis, quem ditiozem quæratís fideiussorem „ „ „

Idem confirmat *S. Leo* Sermone 8. de Collectis, & Eleemosina 4. „ „ Misereantur (inquit) pauperum, qui sibi volunt parcere Christum. Faciles sint in alimenta miserorum, qui cupiunt ad societatem pervenire Fidelium. Non sit vilis homini homo, nec in quoquam despiciatur illa natura, quam rerum conditor suam fecit. Cui enim laborantium licet negare, quod Christus sibi profitetur impendi? Juvatur conservus, & gra-

gratiam refert Dominus : cibus egeni , regni cœlestis est pretium ; & largitor temporalium , heres efficitur æternorum. Unde autem exigua ista impendia tanta æstimari taxatione meruerunt ? nisi quia pondera operum charitatis lance pensantur , & cum amatur ab homine , quod Deus diligit , merito in ejus ascenditur regnum , in cujus transitur affectum „ „.

Salviani Massiliensis Presbyteri præclarus est hac de re locus , lib. 4. *Ad Ecclesiam catholicam*, ubi cum dixisset, Deum quidem in seipso non egere , sed in multis ; non egere juxta Omnipotentiam , sed egere juxta misericordiam ; subdit , Christum non solum egere cum cæteris , sed multo plus quam cæteros. „ In omni etiam pauperum numero , non est universorum „ una paupertas. Sunt quidam , quibus etiamsi vestimenta desunt , alimenta non desunt ; multi sunt hospitio egentes , vestimenta non egentes ; multi domo carentes , non substantia ; sunt denique , quibus etsi „ desunt multa , non desunt omnia. „ „ Christus tantummodo solus est , cui nihil est , quod in omni humano genere non desit. Nullus servorum suorum exultat , nullus frigore , ac nuditate torquetur , cum quo ille non algeat. Solus cum esurientibus esurit , solus cum sitientibus sitit. Et ideo quantum ad illius pietatem pertinet , plus quam cæteri eget ; solus tantummodo Christus est , qui in omnium pauperum universitate mendicet „ „.

Christus in
omnium
pauperum
universitate
mendicat.

labore quæsitâ sumptuosissimis apparatus comparant, rebus suis vel obligatis in muneris comparatione, vel venditis; ac nisi editio honesta successerit, conviciis, ac sibilis ejiciuntur, & furore populari nonnunquam pene lapidantur. Tuos tales munerarios, Christe, demonstra, præceptis tuis monitos, & pro terrenis cœlestia recepturos, illos divites, illos copiosis opibus affluentes; an in Ecclesia præsidente, & spectante te ejulmodi munus edant, oppignoratis, vel distractis rebus suis, imo ad cœlestes thesauros mutata in melius possessione translatis? In istis munerebus meis caducis, atque terrenis nemo pascitur, nemo vestitur, & nemo cibi alicujus, aut potus solatio sustinetur; contra inter furorem edentis, & spectantis errorem, prodiga, & stulta voluptatum frustrantium vanitate depereunt. Illic in pauperibus tuis tu vestiris, & pascaris, tu æternam vitam operantibus polliceris; & vix tui meis pereuntibus adæquantur, qui a te divinis mercedibus, & præmiis cœlestibus honorantur. Quid ad hæc respondemus, Fratres charissimi? Sacrilega sterilitate, & quadam tenebrarum nocte coopertas divinum mentes, qua ratione defendimus? qua excusatione purgamus? Qui diaboli servus minor sumus, ut Christo pro pretio Passionis, & Sanguinis, vicem nec in modicis rependamus. Præcepta ille nobis dedit, quid facere servos suos oporteret, instruxit; operantibus præmium pollicitus, & supplicium sterilibus comminatus, sententiam suam protulit, quid judicaturus sit ante prædixit. Quæ potest excusatio esse cessanti? Quæ defensio sterili? Nisi quod non faciente servo, quod præcipitur, Dominus faciet, quod minatur „ „

R E G U L A XXIV.

Pauperibus omnibus, etiam improbis, eroganda est eleemolyna, ita tamen, ut eorum non foveatur improbitas.

Hanc Regulam tradit Spiritus sanctus, Tobix 4.
Noli avertere faciem tuam ab ullo paupere; ita enim fiet,
 Tom. VIII. Z

352 Theol. Dog. & Moral. Lib. IV.

fiet, ut nec a te avertatur facies Domini. Confirmat Christus Lucæ 6. *Omni petenti te tribue.* Et Apostolus ad Galatas 6. *Operemur bonum ad omnes.*

Hanc Regulam præclare *S. August.* explicat Enarratione in Psalm. 102. „ Cum esurierit nescio quis, si habes, unde des, da; si vides dandum esse ad subveniendum, da. Ne pigrescant in hoc viscera misericordiæ, quia tibi peccator occurrit. Tibi enim homo peccator occurrit. Cum dico, occurrit tibi homo peccator, duo nomina dixi; hæc duo nomina non superflua sunt; aliud quod homo, aliud quod peccator; quod homo, opus est Dei; quod peccator, opus hominis est; da operi Dei, noli operi hominis. Et quomodo (*inquis*) me prohibes dare operi hominis? Quid est dare operi hominis? Peccatori dare propter peccatum, placent tibi propter peccatum. . . Quare donat venatori? Hoc in illo amat, in quo nequissimus est, hoc in illo pascit, hoc in illo vestit, ipsam nequitiam publicam spectaculis omnium. Qui donat histrionibus, qui donat aurigis, qui donat meretricibus, quare donat? Nunquid non & ipsi hominibus donant? Non tamen ibi attendunt naturam operis Dei, sed nequitiam operis humani. Vis videre, quid honores in venatore, quando illum vestis? Dicatur tibi, sis talis; amas illum, gaudes ad illum, vis quodammodo exspoliare te, & illum vestire; noli cum injuria accipere, si tibi dicatur, tales sint filii

lis tibi sit, quia ei aliquid porrexisti; tam tu non dediti iusto, si sic dederis, quam ille non dedit homini, quando dedit venatori „„.

Et ante *S. Augustinum*, *S. Ambrosius*, lib. 1. de *Officiis ministrorum*, cap. 30. „„ Pulchrum est bene vel-
le, & eo largiri consilio, ut prosis, non ut noceas. Nam si luxurioso ad luxuriæ effusionem, adultero ad mercedem adulterii largiendum putes; non est beneficentia ista, ubi nulla est benevolentia. Officere enim istud est, non prodesse alteri, si largiaris ei, qui conspiret adversus patriam, qui congregare cupiat tuo sumptu perditos, qui impugnent Ecclesiam. Non est hæc probabilis liberalitas, si adjuves eum, qui adversus viduam, & pupillos gravi decernit iurgio, aut vi aliqua possessiones eorum eripere conatur „„.

R E G U L A X X V.

Validis mendicantibus, ignavis, otiosis, qui laborare nolunt, cum possint, eleemosyna non est ita facile, & copiose eroganda.

Eorum enim ignavia, & otiositas, quæ vitiorum multorum mater est, foveretur, secundum illud Eccli. 33. *Servo malivolo tortura, & compedes, mitte illum in operationem, ne vacet; multam enim malitiam docuit otiositas; & ordo justitiæ perverteretur; æquum enim est, ut qui non laborat, non manducet, ut Apostolus ait 2 ad Theff. 3. Cum essemus (inquit) apud vos, hoc denunciabamus vobis: Quoniam si quis non vult operari, nec manducet.* Hinc *S. August.* Epist. 93. alias 48. cap. 2. ait: „ Utilius esurienti panis tollitur, „ si de cibo securus justitiam negligat, quam esurienti „ panis frangitur, ut injustitiæ seductus acquiescat „. Hinc validis mendicantibus leges civiles laborandi necessitatem imponunt. *L. Cunctis*, tit. *De Mendicantibus validis*, Cod. lib. 11.

R E G U L A XXVI.

Severiori examine pauperes non sunt discutiendi, nec curiosius inquirendum, an pappertatem simulent. Modus tamen servandus est, ne profundatur in indignos, & minus indigentes, quod dignioribus, & magis indigentibus debebatur.

Præstat enim dare cuilibet in Christi nomine petenti, quam negare vere indigenti. Hanc Regulam *S. Joan. Chrysoft.* disertis verbis explicat Hom. 11. in Epistolam ad Hebræos. „ Protinus (*inquit*) accedentem accusas, Cur (*inquis*) non operatur? Cur otiosus alitur? Dic mihi, tu operansne habes: quæ habes, non autem accepta hereditate paterna? Quod si etiam operaris, propterea alii exprobras? Non audis Paulum, postquam dixit: *Qui non operatur, nec manducet*, dicentem: *Vos autem bonum facientes, non deficiatis?* Sed quid dicis? Est impostor. Propter unum panem, & vestem, eum appellas impostorem? At statim id vendit (*inquis*) tu autem omnia tua recte administras? Quid vero? Omnesne sunt pauperes propter otium? Nemo propter naufragium, nemo propter iudicium, nemo propter furtum, nemo propter pericula, nemo propter morbos, nemo propter alium casum? Sed habet (*inquis*) & simulat. Hæc est tui, non illius accusatio. Scit sibi rem esse cum crudelibus, cum belluis magis, quam cum ho-

1. Theff. 3.
10.

borant omni genere vitii. Ita simus misericordes, & si egeat, ei fer opem. Si omnibus demus indiscriminatim, semper miserebimur; sin autem coeperimus esse curiosi, nunquam miserebimur. Cessamus ab hac importuna, fatanica, & perniciofa curiositate. Nam si se in Clerum, quis dicat esse relatum, aut si se nominet Sacerdotem, diligenter inquire. Non est enim expers periculi, quæ citra examen illic fit communio. De rebus enim magnis est periculum. Non enim das, sed accipis. Sin autem egeat alimento, nihil scruteris. Exquire quomodo Abraham se exhiberet hospitem in omnes, qui accedebant. Si de iis, qui ad ipsum confugiebant, curiose esset scrutatus, hospitio non excepsisset Angelos. Fortasse enim non existimans eos esse Angelos, cum Angelis alios quoque expulisset. Sed quoniam omnes excipiebat, excepit etiam Angelos „ „.

Et Homilia 20. in Epist. ad Romanos: „ „ Neque tu pauperes curiose inquiras. Propter Christum enim illos suscipis. Quod si perpetuo curiose scrutaturus es pauperes, fiet, ut sæpe numero probatum coram Deo virum prætergrediare, mercedemque, quam ex eo habiturus eras, perdas „ „.

Eandem Regulam confirmat *S. August.* Serm. 41. alias 11. ex editis a Sirmondo. „ „ Forte (*inquit*) de illo paupere, quem suscepisti in domum tuam, dubitat aliquantum, & hæsitat animus tuus, utrum verax homo sit, an forte fallax, simulator, hypocrita; titubabat animus in facienda misericordia; quoniam cor inspicere non potes. Fac & cum malo, ut pervenias & ad bonum. Qui timet, ne bona sua semina in vias, in spinas, in lapides caderent, piget seminare hyeme, seminavit æstate „ „.

Quamquam cæcis, debilibus, claudis, pueris, senibus, destitutis, præcipue eroganda sit eleemosyna: „ „ Quid personas eligis? Quid membra inspicis? Pro homine tibi habendus est, quisquis ideo precatur, quia te hominem putet. Abjice umbras illas, imaginemque iustitiæ, atque ipsam veram, & expressam

tenē. Largire cœcis, debilibus, claudis, destitutis, quibus nili largiari, moriendum est. Inutiles sunt hominibus, sed utiles Deo, qui eos vita, qui spiritu, qui luce dignatur. Fove, quantum in te est, & animas hominum, ne extinguantur, humanitate sustentata. Qui succurrere perituro potest, si non succurrerit, occidit „„ (*inquit Lactantius, lib. 6. Divinarum Institutionum; cap. 11.*)

Christianæ
patientiæ
regulæ in
elemosy-
narum di-
tributione
sequendæ,

Modum servandum esse in largiendo, christianæque prudentiæ Regulas sequendas, *S. Ambrosius* docet libro 2. *de Officiis*, cap. 16. „„ Liqueat (*inquit*) debere esse liberalitatis modum, ne fiat inutilis largitas. Sobrietas retinenda est; maxime Sacerdotibus, ut non pro jactantia, sed pro justitia dispensent. Nusquam enim major aviditas petitionis. Veniunt validi, veniunt nullam causam nisi vagandi habentes, & volunt subsidia evacuare pauperum, exinanire sumptum; nec exiguo contenti, majora quæruunt, ambitu vestium captantes petitionis suffragium, & natalium simulatione licitantes incrementa questuum. His si quis facile defecerat fidem, cito exhaurit pauperum alimoniis profutura compendia. Modus largiendi adsit, ut nec illi inanes recedant, neque transcribatur vita pauperum in spolia fraudulentorum. Ea ergo mensura sit, ut neque humanitas deferatur; nec destituatur necessitas. Plerique simulant debita. Sit veri examen. Exutos se per latrocinia deplorant;

affectus ægritudine mentem tuam personet, qui aures non potest „ „.

Et libro 1, cap. 30. „ „ Omnibus quidem debemus misericordiam; sed quia plerique fraude eam quærunt, & adtingunt ærumnam, ideo ubi causa manifestatur, persona cognoscitur, tempus urget, largius se debet profundere misericordia „ „.

R E G U L A XXVII.

Non obviis tantum pauperibus eroganda est eleemosyna, sed pauperes quærendi, & illis maxime subveniendum, qui præ verecundia petere non audent.

Hanc Regulam tradunt SS. Patres, scilicet S. Joan. Eleemosyna christiana, conditiones, *bryostomus*, Homil. 21. in Epist. ad Romanos, explicans hæc verba Apostoli: *Hospitalitatem Sectantes*. Observat enim, Apostolum hoc verbo uti, nos docentem: „ „ Ut non expectemus egenos, donec ad nos veniant, sed ad ipsos curramus, & sectemur. Sic Loth fecit, sic Abraham. Totum namque diem in hoc consumebat, bonam expectans venationem; & si quando quempiam videbat, insiliebat, occurrebat, ad terram supplicando procidebat, dicens: *Si Genes. 18. gratiam inveni in conspectu tuo, ne transeas servum tuum.* Non quemadmodum nos, qui cum peregrinum, aut pauperem videremus, supercilia attollimus, neque dignos æstimamus, quos alloquamur. Et si quando innumeris supplicationibus vix tandem molliti, modicum argenti per famulos dari jusserimus; universum, quod ad beneficentiam attineat, prope nos præstitisse putamus. Abraham vero non ita, sed sumptam famuli personam induit, tametsi ignoraret, quoniam susceptorus esset. Nos autem licet manifeste sciamus, quod in pauperibus Christum suscipiamus, neque sic tamen manui reddimur, sed cum ille obsecret, & supplicet, & procidat, nos accedentes conviciis obruimus. Et Abraham quidem omnia per seipsum, & uxorem adimplebat obsequia, nos vero neque per famulos „ „.

S. Ambrosius, lib. I. *De Officiis ministrorum*, cap. 30. „„ Perfecta (*inquit*) liberalitas fide, causa, loco, tempore commendatur, ut primum opereris circa domesticos fidei. Grandis culpa, si sciente te Fidelis egeat; si scias eum sine sumptu esse, famem tollerare, ærumnam perpeti, qui præsertim egere erubescat, & non adjuves, &c. Consideranda etiam in largiendo ætas, atque debilitas, nonnunquam etiam verecundia, quæ ingenuos prodit natales; ut senibus plus largiaris, qui sine labore jam non queunt victum quærere. Similiter & debilitas corporis, & hæc juvanda promptius. Tum si quis ex divitiis cecidit in egestatem; & maxime si non vitio suo, sed aut latrocinio, aut præscriptione, aut calumniis, quæ habebat, amisit „„

Matth. 5.
41.

S. Augustinus, Enarratione in Psal. 103. Sermone 3. „„ Beatus, qui intelligit super egenum, & pauperem, qui præoccupat vocem petitori. Curiosus esto, & intellige super egenum, & pauperem. Alius ad te venit, ut petat, alium præveni, ne petat. Sicut enim de illo, qui te quærit, dictum est: *Omni petenti te, da*; sic de illo, quem tu debes quærere, dictum est: *Sudet eleemosyna in manu tua, donec invenias iustum, cui eam tradas*. . . Nemo vobis dicat, præceptum est a Christo, ut servo Dei detur, mendico non detur; absit prorsus, impius ista loquitur. Da illi, sed multo magis illi. Ille enim petit, & in voce

intelligendum, dilectissimi, sollicita benignitate vigilandum est, ut quem modestia tegit, & verecundia præpedit, invenire possimus. Sunt enim, qui palam poscere ea, quibus indigent, erubescunt, & malunt miseria tacitæ egestatis affligi, quam publica petitione confundi. Intelligendi ergo isti sunt, & ab occulta necessitate sublevandi, ut hoc ipso amplius gaudeant, cum & paupertati eorum consultum fuerit, & pudori. Recte enim in egeno, & paupere ipsius Jesu Christi Domini nostri persona sentitur, qui cum esset dives, sicut dicit Apostolus, inops factus est, ut nos sua paupertate ditaret. Et ne deesse nobis suæ præsentia videretur, ita humilitatis, & gloriæ suæ temperavit mysterium, ut quem Regem, & Dominum in majestate patris adoramus, eundem in suis pauperibus pascereamus, liberandi ab hoc in die mala a damnatione perpetua, & pro intellecti pauperis causa regni cœlestis consortiis inferendi „„

R E G U L A XXVIII.

Eleemosyna christiana liberalis, & copiosa esse debet juxta facultatum uniuscujusque rationem.

Pauperes enim ita sunt adjuvandi, ut aliqua inter eos, & divites constituatur æqualitas, ut Apostolus docet 2. ad Corinthios, cap. 8. *Nunc vero (inquit) & facto perficite, ut quemadmodum promptus est animus voluntatis, ita sit & perficiendi ex eo, quod habetis. Si enim voluntas prompta est, secundum id, quod habet, accepta est, non secundum id, quod non habet. Non enim ut aliis sit remissio, vobis autem tribulatio, sed ex aequalitate; in præsentī tempore vestra abundantia illorum inopiam suppleat; ut & illorum abundantia vestræ inopiæ sit supplementum, ut fiat aequalitas, sicut scriptum est: Qui multum non abundavit; & qui* Debet esse liberalis, & copiosa

modicum non minoravit. Id est, in hoc seculo vestra temporalis abundantia suppleat illorum temporalem inopiam, ut vicissim aliquando, nimirum in futuro seculo, spiritualis illorum abundantia vestræ spiritua-

- Luc. 16. *Alis inopiæ supplementum fiat, & Cum defeceritis, recipiant vos in aterna tabernacula, ut Dominus ait. Scri-*
- Prov. 32. 2. *ptum est: Dives, & pauper obviaverunt sibi, Ambos fecit Dominus. „„ Divitem, unde pauperem adjuva-*
- Matth. 10. *ret; pauperem, unde divitem probaret. Pro viribus suis quisque faciat. Non sic faciat, ut ipse patiatur angustias; non hoc dicimus. Superflua tua necessaria sunt aliis. Audistis, cum Evangelium legeretur: Quicumque dederit calicem aquae frigidae uni ex minimis meis propter me, non perdet mercedem suam, Regnum coelorum venale proposuit, & pretium ejus calicem aquae frigidae esse voluit. Sed quando pauper est qui facit eleemosynas, tunc debent eleemosynae ejus esse*
- Marci 12. *calix aquae frigidae; qui plus habet, plus faciat „„*
- Luc. 19. *Vidua illa de duobus minutis fecit: Zachæus dimidium rerum suarum dedit, & ad reddendas fraudes suas aliud dimidium reservavit: Pharisei decimas omnium bonorum suorum dabant; copiosior itaque christianorum divitum eleemosyna esse debet, cum dicat Christus: Nisi abundaverit justitia vestra plusquam Scribarum & Phariseorum, non intrabitis in regnum coelorum.*
- Matth. 5.

Idem rursus docet Apostolus cap. 9. Epistolæ supra citatæ. *Necessarium (inquit) existimavi rogare fratres, ut perveniant ad vos, & præparent promissam benedictionem hanc paratam esse; sic quasi benedictionem, non tanquam avaritiam. Hoc autem dico, qui parce semi-*

Nec tamen eleemosynæ meritum illi deest, qui pa-
 rum tribuit, quia tenues sunt ejus facultates, aut qui ^{Deus coro-}
 nihil erogat, quia nihil habet. „ „ Supplicium nul- ^{nat volun-}
 lum spernas (*inquit S. August. Serm. 1. in Psal. 103.*) ^{tatem, ubi}
 & cui dare non potes, quod petierit, non eum sper- ^{non invenit}
 nas; si potes dare, da; si non potes, affabilem te ^{facultatem.}
 præsta. Coronat Deus intus voluntatem, ubi non in-
 venit facultatem „ „. Hinc *S. Tobias* filium suum ad-
 monens cap. 4. ait: *Quomodo potueris, ita esto mi-*
sericors. Si multum tibi fuerit, abundanter tribue; si
exiguum tibi fuerit, etiam exiguum libenter impertiri
stude. Hinc rursus *S. August.* Enarratione in Psal. 125.
 „ „ Unde (*inquit*) procedit eleemosyna? De corde.
 Si enim manu porrigas, nec in corde miserearis, ni-
 hil fecisti; si autem in corde miserearis, etiamsi non
 habeas, quod porrigas manu, acceptat Deus elee-
 mosynam tuam „ „.

Et infra: „ „ Quare desideratis latos fundos, ubi
 multa semina seminetis? Latior vobis non est, ubi se-
 minetis, quam Christus, qui in se voluit seminari.
 Terra vestra Ecclesia est; seminate, quantum potestis.
 Sed parum habes, unde facias. Habes voluntatem?
 Quomodo nihil esset, quod habes, si non adesset bo-
 na voluntas; sic & quia non habes, noli esse tristis,
 si est tibi bona voluntas. Quid enim seminas? Mi-
 sericordiam; & quid metes? Pacem. Nunquid au-
 tem dixerunt Angeli: *Pax in terra divitibus homini-*
bus? sed: *Pax in terra hominibus bonæ voluntatis.* In
 Zachæo magna voluntas, in Zachæo charitas ma-
 gna. Suscepit Dominum hospitio, gaudens susce-
 pit, & dimidium patrimonii sui pauperibus promi-
 sit se daturum, & si cui aliquid abstulerat, qua-
 druplum redditurum; ut intelligas propterea sibi eum
 tenuisse dimidium, non ut haberet, quod possideret, sed
 ut haberet, unde debita redderet. Magna voluntas,
 multum dedit, multum seminavit. Ergo vidua illa,
 quæ duo minuta misit, parum seminavit? Imo tan-
 tum quantum Zachæus. Minores enim facultates fe-
 rebat, sed parem voluntatem habebat: misit duo mi-
 nuta

nuta de tanta voluntate, de quanta Zachæus dimidium patrimonii sui. Si attendas, quid dederunt, diversa invenies; si attendas, unde dederunt, paria invenies; quidquid habuit, dedit illa; & quod habuit, dedit ille. Fac aliquem non habere vel duos nummos; est aliquid vilius, quod seminemus, ut metamus illam messem? Est; calicem aquæ frigidæ qui dederit discipulo, non perdet mercedem suam. Calix aquæ frigidæ non duobus nummis, sed gratis constat; tamen aliquando sic gratis constat, ut habeat illum alius, & alius non habeat; si ergo ille, qui illum habet, dederit illi, qui non habet, tantum dedit, si plena charitate dedit, quod dedit, quantum illa in duobus minutis, quantum Zachæus in dimidio rerum suarum. Non enim sine causa addidit, *frigida*, ut pauperem ostenderet. Ideo dixit, calicem aquæ frigidæ, ne quis vel inde causaretur, quod lignum non habuerit, unde calefaceret aquam. Calicem aquæ frigidæ qui dederit uni ex minimis, non perdet mercedem suam. Quid si nec hoc habeat? Securus sit, pax in terra hominibus bonæ voluntatis; tantum illud timeat, ne habeat, & non faciat. Si enim habet, & non facit, intus gelavit; nondum soluta sunt peccata ejus sicut torrens in austro, quia voluntas frigida est. Quid valent tanta bona, quæ possidemus? Accedit voluntas fervens, jam soluta calore austri, & si nihil habeat, totum illi computatur. Quanta

De primo Dēcalogi præcepto. 363

non habent pecuniam. In quo quisque pauper est, ibi illum vide; quia forte tu in eo dives es, in quo ille pauper est, & habes, unde accommodes. Forte membra tua accommodas, & plus est, quam si pecuniam accommodares. Consilio indiget, tu plenus es consilio; in consilio ille pauper, tu dives es. Ecce nec laboras, nec aliquid perdis; da consilium, & præstitisti eleemosynam „ „.

REGULA XXIX.

Eleemosyna christiana prompta esse debet.

Nititur hæc Regula divino illo Oraculo, Prov. 3. *Ne dicas amico tuo, vade, & revertere, cras dabo tibi, cum statim possis dare.* Unde Job. 31. Sanctus ille vir ait: *Si negavi, quod volebant, pauperibus, & oculos Viduæ exspectare feci.* Quem locum expendens S. Gregorius lib. 21. *Moralium*, cap. 11. ait: „ „ Petentem se viduam exspectare noluit, ut non solum ex munere, sed etiam ex celeritate muneris, bonorum operum merita augeret „ „.

Eleemosynæ christi-
næ prom-
ptitudo.

REGULA XXX.

Eleemosyna christiana cum hilaritate fieri debet.

Ita docet Sapiens Eccl. cap. 35. *In omni dato (inquit) hilarem fac vultum tuum, & in exultatione sanctifica decimas tuas.* Et Apost. 2. ad Cor. 9. *Unusquisque (inquit) prout destinavit in corde suo, non ex tristitia, aut ex necessitate; hilarem enim datorem diligit Deus.*

Hilariter
danda eleemo-
syna.

Id confirmat S. Joan. Chrysostomus, Hom. 16. in Epist. 2. ad Corinthios. „ „ Magna res est (inquit) & magni pretii vir eleemosynæ studiosus. Major hæc gratia est, quam mortuos ad vitam revocare. Christum enim fame laborantem alere, multo majus, ac præstantius est, quam in Nomine Jesu a morte ad vitam homines excitare. Illic enim Deo beneficium das; hic ille tibi. Porro non iis, qui beneficium accipiunt, sed qui dant, merces est constituta. Etenim in miraculorum editione debitorem te Deus habet;

in

in eleemosyna autem, tu Deum tibi obstrictum habes. Eleemosyna vero tum demum est, cum tu prompto, atque alacri animo, cum large, & copiose tribuis; cum te ipsum non dare, sed accipere existimas; cum perinde ac beneficium accipiens, & quæstum faciens, ac non tanquam perdens largiris. Nam hoc alioqui ne beneficium quidem censendum fuerit. Qui enim misericordia ductus, inopiam alterius subleuat, is utique læto animo, non gravi, ac molesto esse debet. An non enim absurdum fuerit, si, cum alterius moerorem discutias, moereas ipse, ac discrucieris „ „ ?

Et Homilia 21. in Epistolam ad Romanos toto zelo invehitur in eos, qui pauperibus eleemosynam petentibus insultant, illosque duris, & acerbis sæpe verbis repellunt. „ „ Quomodo (*inquit*) ad Deum dicis: Miserere mei? Quomodo peccatorum tuorum veniam petis, qui eum conviciaris, qui tibi nihil peccaverit, poenamque pro fame, tantaque necessitate exigis, qualvis bestias crudelitate superans. Illæ siquidem cogente ventre deputatum sibi cibum attingunt; tu vero nemine impellente fratrem tuum devoras, mordes, laceras, licet non dentibus, verbis tamen moribus quibusvis gravioribus. Quomodo ergo sacram Oblationem sumes, qui linguam humano sanguine rubefecisti? Quomodo pacem das, ore bellis adeo referto? Quomodo sensibili etiam cibo

De primo Decalogi præcepto. 365

Pſalm. 42. „ Ita jejuna (*inquit*) ut alio manducante, prandisse te gaudeas, propter orationes, ut exaudiaris. Ibi enim ait: *Adhuc loquente te dicam: Ecce ad.* **Isai. 58.** *sum: si fregeris ex animo esurienti panem. Quia plerumque fit a tristibus, & a murmurantibus, ut careant tædio interpellantis, non ut reficiant viscera indigentis. Hilarem autem datorem diligit Deus. Si panem* **2. Cor. 9.** *dederis tristis, & panem, & meritum perdidisti „*

R E G U L A X X X I.

Eleemosyna christiana humilis esse debet.

Id enim jubet Christus, **Matth. 6. cap.** *Attendite, ne justitiam vestram faciatis coram hominibus, ut videamini ab eis; alioquin mercedem non habebitis apud Patrem vestrum, qui in cælis est. Cum ergo facis eleemosynam, noli tuba canere ante te, sicut hypocritæ faciunt in Synagogis, & in vicis, ut honorificentur ab hominibus: Amen dico vobis, receperunt mercedem suam, te autem faciente eleemosynam, nesciat sinistra tua, quid faciat dextera tua; ut sit eleemosyna tua in abscondito, & Pater tuus, qui videt in abscondito, reddet tibi.* Sinistra secundum **S. August. lib. 2. de Sermone Domini in monte, cap. 2.** significat ipsam delectationem laudis: *Dextera vero „* Intentionem implendi præcepta divina. Cum itaque conscientia facientis eleemosynam miscet se appetitio laudis humanæ, sit sinistra conscientia operis dexteræ. Nesciat ergo sinistra tua, quid faciat dextera tua; id est, non se misceat conscientiæ tuæ laudis humanæ appetitio, cum in eleemosyna facienda divinum præceptum contendis implere. Ut sit eleemosyna tua in abscondito. Quid est in abscondito, nisi in ipsa bona conscientia, quæ humanis oculis demonstrari non potest, nec verbis aperiri? Quando quidem multi multa mentiuntur. Quapropter si dextera intrinsecus agit in abscondito, ad sinistram pertinent omnia exteriora, quæ sunt visibilia, & temporalia. Sit ergo eleemosyna tua in ipsa conscientia tua, ubi multi eleemosynam faciunt bona voluntate, etiam si

Eleemosy-
na christi-
ana cum
humilitate
fieri debet.

etiam si pecuniam, vel aliquid aliud, quod inopi largiendum est, non habent: Multi autem foris faciunt, & intus non faciunt, qui vel ambitione, vel alicujus rei temporalis gratia volunt misericordes videri, in quibus sola sinistra operari exstimanda est. Item alii quasi medium inter utrosque locum tenent, ut & intentione, quæ in Deum est, eleemosynam faciant, & tamen inferat se huic optimæ voluntati nonnulla etiam laudis, vel cujusque rei fragilis, & temporalis cupiditas. Sed Dominus noster multo vehementius prohibet solam sinistram in nobis operari, quando etiam misceri eam vetat operibus dexteræ; ut scilicet non modo sola temporalium rerum cupiditate caveamus eleemosynam facere; sed nec ita in hoc opere attendamus Deum, ut sese misceat, vel adjungat exteriorum appetitio commodorum „ „. Non tamen prohibetur Christiano, ne eleemosynas palam faciat, sed ne gloriosæ, laudisque humanæ causa. Eleemosynas igitur in oculis etiam hominum eroget ad exemplum, & ut Deus laudetur, non ut ipse laudetur; sic duplicem eleemosynam erogabit. Unus enim panem esurit, alter justitiam. Ille quærit, quod manducet, ille, quod imitetur. Illum pascit corporali cibo, hunc exemplo proposito. Qui sic eleemosynam erogat, Jesu Christo ministrat; quia porrigendo esurienti panem, de misericordia facit, non de jactantia, non aliud ibi quærit, quam opus bonum, nesciente

S. August.
Tract. 8. in
1. Epist.
Joann.

ergo superbiat, quando dat pauperi; non dicat in animo suo, ego do, ille accipit; ego suscipio, ille indiget tecto. Forte quo tu indiges, plus est. Forte quem suscipis, iustus est; ille indiget pane, tu veritate; ille indiget tecto, tu coelo; ille indiget pecunia, tu iustitia. Fœnerator esto, eroga, quod recipias. Quid est fœnerare? Minus dare, & plus accipere. Ecce mihi da, dicit tibi Deus: ego accipio minus, & do plus. Quid? Centuplicia, & vitam æternam, „„.

Idem confirmat S. Gregorius, lib. 21. *Moralium*, cap. 14. explicans hæc verba Job 31. *Si despexi prateriteuntem, eo quod non habuerit indumentum, & absque operimento pauperem.* Ubi enim præmisit, quod erga indigentiam proximi humilitatem pietas, humilitas pietatem fulcire debet, & pauperes esse venerandos, non contemnendos, & verbis contumeliosis afficiendos; subdit: „„ Dilectio namque nostra semper exhibenda est & veneratione sermonis & ministerio largitatis. Multum vero ad edomandam dantis superbiam valet, si cum terrena tribuit, verba solícite magistri cœlestis penset, qui ait: *Facite vobis amicos*

Lucæ 16.

de Mammona iniquitatis, ut cum defeceritis, recipiant vos in æterna tabernacula. Si enim eorum amicitias æterna tabernacula acquirimus, dantes procul dubio pensare debemus, quia patronis potius munera offerimus, quam egenis dona largimur. Hinc per Paulum dicitur: *Vestra abundantia illorum inopiam suppleat, ut & illorum abundantia vestræ inopiæ sit supplementum.* Ut videlicet solícite perpendamus, quia & eos, quos nunc inopes cernimus, abundantes quandoque videbimus; & qui abundantes aspiciuntur, si largiri negligimus, quandoque inopes erimus. Qui itaque nunc temporale subsidium pauperi tribuit, ab eo postmodum perpetua recepturus; ut ita dicam, quasi ad frugem terram excolit, quæ, quod acceperit, uberius reddit. Restat ergo: ut nunquam elatio surgat ex munere, quando videlicet dives ex eo, quod pauperi tribuit, agit, ut in perpetuum pauper non sit. Et paulo post: Quisquis super eum, cui aliquid tri-

2. Cor. 8.

buit, fastu se elationis extollit, majorem culpam intrinsecus superbiendo peragit, quam extrinsecus latigiendo mercedem; sitque ipse bonis interioribus nudus, cum nudum despicit vestiens; eoque agit, ut se ipso deterior fiat, quo se indigente proximo meliorem putat. Minus quippe inops est, qui vestem non habet, quam qui humilitatem. Unde necesse est, ut cum naturæ nostræ confortes exteriora non habere conspiciamus, quam multa nobis desint bona interiora pensemus; quatenus sese super inopes cogitatio nostra non elevet, cum solerter videt, quia nos tanto verius, quanto & interius indigentes sumus „„.

REGULA XXXII.

Eleemosyna christiana justa sit, necesse est, bonis scilicet propriis, non ex alienis, & male partis.

Eleemosyna christiana fieri non debet ex bonis alienis, & male partis.

Hanc Regulam divina Oracula adstruunt. Prov. 3. *Honora Dominum de tua substantia.* Tobiae 4. *Ex substantia tua fac eleemosynam.* Isaïæ 61. *Ego Dominus diligens judicium, & odio habens rapinam in holocausto.* Eccles. 34. *Dona iniquorum non probat Altissimus, nec respicit in oblationes iniquorum; nec in multitudine sacrificiorum eorum propitiabitur peccatis. Qui offert sacrificium ex substantia pauperum, quasi qui victimat filium in conspectu patris sui.*

Id confirmant SS. Patres, præsertim S. Ambr. lib. 1.



illis laboribus facite eleemosynas; ex eo, quod recte habetis, date. Non enim corrupturi estis judicem Christum, ut non vos audiat cum pauperibus, quibus tollitis. Si enim deprædareris aliquem invalidum tu validior, & potentior, & veniret tecum ad judicem hominem, quemlibet in hac terra, habentem judicandi aliquam potestatem, velletque tecum causam dicere, si tu de præda, & spoliatione illa inopis dares aliquid judici, ut pro te judicaret, Judex ille vel tibi placeret? Nempe pro te judicavit, & tamen tanta vis est justitiæ, ut & tibi displiceat. Noli tibi talem pingere Deum, noli collocare in templo cordis tui tale idolum... Noli te velle eleemosynas facere de foenore, & usuris „„

Et Serm. 178. alias 19. *De Verbis Apostoli*, cap. 4. „„ Sed ait mihi raptor rerum alienarum, ego similis illius divitis non sum. Agapes facio, vinctis in carcere victum mitto, nudos vestio, peregrinos suscipio. Dare te putas? Tollere noli, & dedisti. Cui dederis, gaudet; cui abstuleris, plorat; quem duorum istorum exauditurus est Dominus? Dicis ei, cui dederis, gratias age, quia accepisti. Sed alter tibi ex alia parte dicit, ego gemo, cui abstulisti. Et pene totum tenuisti, & exiguum illi dedisti. Si ergo, quod alteri abstulisti, egentibus dedisses, nec talia opera diligit Deus. Dicit tibi Deus: Stulte, jussi, ut dares, sed non de alieno. Si habes, da de tuo; si non habes, quod des de tuo, melius nulli dabis, quam alteros spoliabis „„

S. Gregorius, par. 3. *Pastoralis cura*, Admonitione 22. „„ Violenter (*inquit*) exquirunt, quæ misericorditer largiuntur. Sed aliud est pro peccatis misericordiam facere, aliud pro misericordia facienda peccare; quæ jam nequaquam misericordia nuncupari potest; quia ad dulcem fructum non proficit, quæ per virus pestiferæ radicis amarescit „„

Eandem regulam confirmat *S. Thomas*, 2. 2 qu. 32 art. 7. ubi observat, tripliciter aliquid esse illicitè acquisitum. „„ Uno modo id illicitè ab aliquo

acquiritur, quod debetur ei, a quo est acquisitum, nec potest ab eo retineri, qui acquisivit, sicut contingit in rapina, & furto, & usuris. Et de talibus, cum homo teneatur ad restitutionem, eleemosyna fieri non potest. Alio modo aliquid est illicite acquisitum, quia quidem ille, qui acquisivit, retinere non potest, nec tamen debetur ei, a quo acquisivit; quia scilicet contra iustitiam accepit, & alter contra iustitiam dedit; sicut contingit in Simonia, in quodans, & accipiens contra iustitiam legis divinæ agit. Unde non debet fieri restitutio ei, qui dedit, sed debet in eleemosynas erogari. Et eadem est ratio in similibus, in quibus datio, & acceptio est contra legem. Tertio modo est aliquid illicite acquisitum, non quidem quia ipsa acquisitio sit illicita; sed quia id, ex quo acquiritur, est illicitum, sicut patet de eo, quod mulier acquirit per meretricium; & hoc proprie vocatur turpe lacrum. Quod enim mulier meretricium exerceat, turpiter agit, & contra legem Dei; sed in eo quod accipit, non injuste agit, nec contra legem. Unde quod sic illicite acquisitum est, retineri potest, & de eo eleemosyna fieri „ „

R E G U L A XXXIII.

Quicumque sub alterius potestate constitutus est, de his quorum dominium non habet, eleemosynam erogare non potest, nisi cum ejus licentia, cujus

REGULA XXXIV.

Monachus, cui dispensatio, vel administratio bonorum monasterii non est concedita, eleemosynas sine licentia Superioris, vel expressa, vel probabiliter præsumpta, facere non potest, nisi in articulo extremæ necessitatis.

Ita docet *S. Thomas*. Ratio est, quia proprium non habet, ac voto paupertatis obstrictus, non solum est incapax dominii, sed & legitimi usus, nisi quatenus ipsi a Superiore conceditur. Unde nec de rebus a parentibus, aliisve datis erogare eleemosynam potest, nisi in extrema necessitate constitutis, aut absente Superiore, *aliquid modicum, sub spe ratihabitionis*.

Si vero administratio, vel dispensatio bonorum monasterii sit ipsi commissa, debitas, præscriptas, vel solitas eleemosynas facere potest. Item, si concedatur ei facultas aliquid expendendi in religiosos, & pios usus pro sua voluntate, ex iis, quorum usus illi conceditur, erogare potest eleemosynas, sive sit in monasterio, sive extra, studiorum causa vel peregrinationis, aut gerendorum negotiorum. Ex congiario (inquam) aut viatico, seu pensione ad victum, & vestitum sibi concessa, si quid residuum fuerit, ex hoc parsimonix suæ, frugalitatisque fructu pauperes recreare potest; *Quia cum dantur ei expensæ, committitur ei earum dispensatio*, ut loquitur *S. Thomas* in 4. *Sententiarum* dist. 15. q. 2. art. 5. quæstiunc. 4. Idemque confirmat quodlibeto 3. q. 6. art. 1. „„ Religiosi (*inquit*) quamvis proprium habere non possint, possunt tamen aliquarum rerum dispensationem habere, sive de fructibus possessionum communium, sive etiam de eleemosynis, quæ particulariter eis conferuntur; nec refert, quantum ad propositum pertinet, utrum hujusmodi dispensationem habeant auctoritate sui ordinis, vel auctoritate alicujus superioris Prælati. Hi ergo, quibus dispensatio commissa est, possunt meritorie eleemosynam facere de bonis, quæ eorum dispensationi committuntur, secundum

A a 3

quod

quod eis committitur ; & hujusmodi eleemosyna meritoria est , & eis , qui ministerium exequentur , & illis , quorum usibus hujusmodi res deputatæ nascuntur ; si vero aliquis religiosus sit , cui non sit hujusmodi rerum dispensatio commissæ , ei non licet eleemosynam facere „ „

Denique religiosus Parochus , aut alio beneficio ecclesiastico auctus , ex fructibus sui beneficii eleemosynas dare , & in alias pias causas erogare potest. Quamvis enim illorum non sit dominus , voto paupertatis repugnante , jure tamen eorum administrator est , ac dispensator.

R E G U L A X X X V .

Uxor ex bonis mariti , vel ex bonis communibus , quorum administratio ad ipsum pertinet , eleemosynas erogare absque ipsius consensu non potest , nisi forte modicas , quæ ab ejusdem conditionis mulieribus fieri consueverunt , aut in extremæ necessitatis articulo.

Hanc Regulam tradit *S. Augustinus* , Epist. 262. alias 199. ad *Ecdiciam* , quæ omnia , vel pene omnia , quæ habebat , nescio quibus duobus transeuntibus monachis tanquam pauperibus eroganda donaverat , inconsulto marito. „ „ Etiam si (*inquit*) ad ipsas eleemosynas largius faciendas forte pigrius moveba-

diam cogitans , ideo pauperibus res tuas erogare differres , ut scandalizatus maritus tuus Deo periret , uberioribus tibi Deus eleemosynas imputaret? . . . Neque hoc ita dicimus , ut si quisquam scandalizatus fuerit de bonis operibus nostris , ab eis desistendum putemus ; sed alia causa est alienarum , alia necessariorum in societate aliqua personarum ; alia fidelis , alia infidelis ; alia parentum erga filios , alia filiorum erga parentes ; alia postremo ea , quæ in his rebus , vel maxime intuenda est viri , & uxoris . ubi mulierem conjugatam non licet dicere , facio , quod volo de meo ; cum & ipsa non sit sua , sed capitis sui , hoc est . viri sui . . . Pariter ergo consilium de omnibus haberetis , pariter moderaremini , quid thesaurizandum esset in cælo , quid ad vitæ hujus sufficientiam vobis , & vestris , vestroque filio relinquendum , ne aliis esset refectio , vobis autem angustia . Et in his disponendis , atque faciendis , si quid tibi forte melius videretur , suggereres viro reverenter , ejusdemque auctoritatem tanquam tui capitis sequereris obedienter ; ut omnes , qui sanum sapiunt , ad quos possit hoc bonum vestrum fama perferre , de domus vestræ fructu , ac pace gauderent , & adversarius revereretur nihil habens de vobis dicere pravi . . . Indue itaque humilitatem mentis , & ut te Deus conservet perseverantem , noli maritum contemnere pereuntem . Funde pro illo preces , & assiduas orationes , sacrifica lacrymas tanquam vulnerati sanguinem cordis . Et scribe ad eum satisfactionem , petens veniam , quia in eum peccasti , quod præter ejus consilium , & voluntatem de rebus tuis fecisti , quod faciendum putasti ; non ut te poeniteat tribuisse pauperibus , sed eum tui boni operis participem , & moderatorem habere noluisse . . . Si tamen maritus absens fuerit , vel mentis impos , aut rei familiaris administrationem uxori permiserit , aut et ceterum quid ad ornamenta , & honestas expensas concesserit , aut si dotem sufficientem attulerit viro , & nihilominus arte , vel industria aliquid lucretur non deferendo familiæ curam , aut bona parapher-

nalia habeat, id est, præter dotem ipsi a parentibus, aut aliis in suos usus donata, ex iis eleemosynas erogare licet uxori inconsulto marito, ut docet *S. Thom.* 2. 2. qu. 32. art. 8. in responsione ad secundum: „ „ Si uxor (*inquit*) habet alias res præter dotem, quæ ordinatur ad sustentanda onera matrimonii, vel ex proprio lucro, vel quocunque alio licito modo, potest dare eleemosynas etiam irrequisito assensu viri, moderatas tamen, ne ex earum superfluitate vir depauperetur. Alias autem non debet dare eleemosynas sine consensu viri, vel expresso, vel præsumpto, nisi in articulo necessitatis; sicut de monacho dictum est. Quamvis enim mulier sit æqualis viro in actu matrimonii; tamen in his, quæ ad dispositionem domus pertinent, *Vir caput est mulieris*, secundum Apost. 1. ad Corith. 11. „ „

Hanc regulam confirmat, & explicat *S. Raymundus* lib. 2. tit. *De Furtis*, §. 9. „ „ Si uxor (*inquit*) habet res paraphernales, id est, proprias præter dotem, potest de illis etiam invito viro facere eleemosynam. (*C. de Paſſis conventis. L. Hac lege*) De rebus autem viri, ut de pâne, vino, & aliis, quæ bono, & approbato more solent ad dispensationem uxorum pertinere, potest, & debet facere eleemosynam, moderate tamen, secundum facultatem viri, & majorem, vel minorem multitudinem, vel necessitatem pauperum. Et debet semper sibi conformare con-

dicitur causa 3. qu. 3. can. *Quod Deo*. Hoc autem ultimum dico, nisi videret pauperem indigere ad mortem; tunc enim deberet dare intrepide, alias peccaret „„.

REGULA XXXVI.

Filiifamilias eleemosynam erogare non possunt absque licentia patris, nisi ex iis, quorum dispensatio ipsi a patre commissa est; aut ex peculio castrensi, aut quasi castrensi.

Hanc Regulam tradit *S. Thomas* ibidem, in responsione ad tertium. „„ Ea (*inquit*) quæ sunt filiifamilias, sunt patris; & ideo non potest eleemosynam facere nisi forte modicam, de quo præsumere potest, quod patri placeat; nisi alicujus rei esset sibi a patre dispensatio commissa „„. Si tamen de consensu patris iter agat, si studiorum causa absit, si negotia parentum gerat absens; eas eleemosynas erogare tuta conscientia potest, quas alii paris conditionis filiifamilias erogare solent, & generatim omnes illas, quas patri non ingratas fore bona fide existimat. Si etiam aliquid sibi subtrahit de his, quæ ad victum, vel ad honestos usus concessit pater, laudabilis parsimonix fructum pauperibus dare potest. Ex peculio etiam castrensi, & quasi castrensi, cujus dominium, & liberam administrationem habet, & filius eleemosynam erogare potest, etiam invito patre; non autem ex peculio adventitio, cujus proprietatem quidem habet, non administrationem, quamdiu est sub potestate patris; multo minus ex peculio profectio, cujus proprietas est penes patrem.

Peculium castrense est, quod filiusfamilias militando acquirit.

Peculium quasi castrense est, quod acquirit ex officio publico, vel beneficio.

Peculium adventitium est, quod vel industria, vel dono ita acquirit, ut nullam ex bonis paternis ducat originem.

Peculium profectitium est, quod provenit a patre, vel quod ejus causa donatum est.

R E G U L A XXXVII.

Famuli, & ancillæ ex rebus dominorum suorum eleemosynam dare non possunt absque eorum consensu, nisi forte fragmenta quædam panis, aut quid simile.

Ita docet *S. Thom.* in 4. *Sententiarum*, dist. 15. qu. 2. art. 5. quæstiunc. 3. „ „ Dicendum (*inquit*) de servis, & ancillis, & etiam de famulis, quamvis sint liberæ conditionis, quod non possunt eleemosynas dare de rebus dominorum sine eorum consensu, nisi panem, & hujusmodi, quæ non inferunt sensibile nocumentum; quia etsi sit dispensator rerum, non tamen ponitur dispensator quasi potestatem aliquam in re domini habens, sed quasi tractans eam ad utilitatem domini. De pretio autem servitii sui constat, quod posset eleemosynam dare „ „

R E G U L A XXXVIII.

Eleemosynam propria manu pauperibus erogare, majoris est meriti.

Docet enim *S. August.* Serm. 259. alias 19. ex editis a Sirmondo: „ „ Eum duplam misericordiam facere, qui pauperibus sic dat aliquid, ut ipse erogat. Non enim debet esse sola benignitas largien-

REGULA XXXIX.

Mortaliter peccat contra præceptum de dilectione proximi, qui proximum lethaliter peccantem non corripit, cum potest, & debet, spesque probabilis affulget emendationis.

Proximum enim vere, ac sincere non diligit, qui non vult ei bonum vitæ æternæ, & mala ipsum ab ejus consecutione prohibentia non removel ab eo, cum potest; qui autem lethaliter peccantem proximum non corripit, cum potest, & debet, cum scilicet non est in promptu alius modus ipsum eruen- di a peccato, nec est alius, qui ipsum corripiat, & probabilis spes emendationis affulget, non vult effi- caciter proximo bonum vitæ æternæ, cum illud ipsi pro viribus non procuret, neque mala ab eo remo- vet, quibus a summi illius boni consecutione pro- hibetur; peccat itaque mortaliter contra præceptum de dilectione proximi.

Fraternæ
correctio-
nis præce-
ptum quan-
do obliget

Præterea, jure naturali tenemur subvenire proxi- mo corporaliter indigenti; adeo ut lethaliter peccet, qui pauperem in articulo necessitatis extremæ non pascit, nec juvat pro viribus; multo magis igitur subvenire tenemur spiritaliter indigenti, adeoque le- thalis peccati reus est, qui officium istud fraternæ charitatis omittit; *Ubi debet, quando debet, & secun- dum quod debet*, (ut loquitur *S. Thomas*.) Cum enim fraternæ correctionis præceptum affirmativum sit, quovis loco, & tempore non obligat, sed solum in necessitatis articulo, & cum probabile est, salubrem, & utilem fore ad emendationem peccatoris. „„ Cor- rectio fraterna ordinatur ad fratris emendationem (*inquit S. Thomas, 2. 2. qu. 33. art. 2.*) & ideo hoc modo cadit sub præcepto, secundum quod necessa- ria est ad istum finem; non autem ita, quod quo- libet loco, vel tempore frater delinquens corrigatur „„.

Tertio, singulare de correptione fraterna præce- ptum tradidit Christus Dominus Matth. 18. *Si pec- caverit in te frater tuus (inquit) vade, & corripe eum*

inter

inter te , & ipsum solum. . . Si te audierit , lucratus eris fratrem tuum. Quæ verba , *in te* , duplici sensu exponi possunt , primo , ut idem significant , quod *te sciente* , live peccatum sit contra Deum , live contra nos ipsos , live contra quemvis alium. Qui enim altero sciente peccat , ipsum quasi testem , & approbatorem iniquitatis suæ facit , & scandalum illi præbet. Unde *S. Augustinus* , Serm. 82. alias 16. *De Verbis Domini* , cap. 7. „ Peccavit in te frater tuus ; si tu solus nosti , tunc vere in te solum peccavit. Nam si multis audientibus tibi fecit injuriam , & in illos peccavit , quos testes suæ iniquitatis effecit , . . Quando me audiente , fratri meo quisque injuriam facit , abût , ut a me injuriam illam alienam putem. Prorsus & mihi fecit ; imo & mihi plus fecit , cui putavit placere , quod fecit „ „. Alio modo hæc verba : *Si peccaveris in te* , exponi possunt , ut idem significant , ac *contra te* , id est , si frater tuus tibi fecerit injuriam , corripe illum. Qui proprius est sententiæ Christi sensus , Unde *S. Petrus* mox Dominum interrogavit : *Domine , quoties peccabit in me frater meus , & dimittam ei ?* Et *Luca* 17. idem præceptum sic exprimitur : *Si peccaverit in te frater tuus , increpa illum ; & si pœnitentiam egerit , dimitte illi.* Atque ita exponunt *S. Jo. Chrysostomus* , *S. Ambrosius* , *S. Hieronymus* , & ipse *S. August.* Sermonem mox laudato. Si autem ex præcepto Christi Domini tenemur corripere fratrem contra nos pec-

(inquit) *lucratus es fratrem tuum*. Ergo propter illum fac, ut lucraris illum. Si faciendo lucraris, nisi fecisses, perierat „ „. Cum ergo pereat multo magis, qui peccat in Deum, tenemur ipsum peccantem corripere; & si istud charitatis officium præmittamus urgente necessitate, & tempore, ac loco opportunis, violamus præceptum de proximi dilectione. Unde rursus *S. August.* eodem Sermone: „ „ Si neglexeris (inquit) peiores. Ille injuriam faciendo gravi se ipsum vulnere percussit; tu vulnus fratris tui contemnis? tu eum vides perire, vel perisse, & negligis? Pejor es tacendo, quam ille convitiando. Quando ergo in nos aliquis peccat, habeamus magnam curam, non pro nobis, nam gloriosum est injurias oblivisci; sed obliviscere injuriam tuam, non vulnus fratris tui „ „.

R E G U L A X L

Non solos Prælatos, sed omnes, & singulos Christianos obligat præceptum de correptione fraterna.

Omnes enim, & singuli tenentur diligere proximum, & bonum ejus spirituale, salutemque æternam pro viribus procurare. Deus *Mandavit unicuique de proximo suo*, ut dicitur *Eccles.* cap. 17. Præterea omnes unum corpus sumus in Christo, singuli autem alter alterius membra. Charitas porro, quæ mysticum illud corpus convertit, ac vivificat, facit, *Ut pro invicem sollicita sint membra. Et si quid patitur unum membrum, compatiuntur omnia membra* (ut ait Apostolus *1. ad Corinth.* 12.) Proximo autem peccanti succurritur fraterna correptione; cujus proinde præcepto Christus omnes adstrinxit, dicens: *Si peccaverit in te frater tuus, vade, & corripe eum.*

Id confirmat can. *Tam Sacerdotes*, causa 24. qu. 3. *Anaclei* Papæ nomine inscriptus. „ „ Tam Sacerdotes (inquit) quam reliqui Fideles omnes summam debent habere curam de his, qui pereunt, quatenus eorum redargutione, aut corrigantur a peccatis, aut si incorrigibiles apparent, ab Ecclesia separentur „ „.

Et

In homine
non aman-
dus error.

Amor sævit
more co-
lumbino,

Et Canon, *Non putes*, causa 22. qu. 5. sumptus ex
S. *Augustini* Tractatu 7. in Epist. 1. S. Joannis. „ Non
putes (*inquit*) tunc te amare servum tuum, quando
eum non cædis; aut tunc te amare filium tuum,
quando ei non das disciplinam; aut tunc te amare
vicinum tuum, quando eum non corripis; non est
ista charitas, sed languor; ferveat charitas ad corri-
gendum, ad emendandum; sed si sunt boni mores, de-
lectent; si sunt mali, emendentur, corrigantur. Noli
in homine amare errorem, sed hominem; hominem
enim Deus fecit, errorem ipse homo fecit. Ama il-
lud, quod Deus fecit, noli amare, quod ipse homo
fecit. Cum illud amas, illud tollis; cum illud diligis, il-
lud emendas. Sed & si sævis aliquando, propter cor-
rectionis dilectionem. Præterea de columba demon-
strata est charitas, quæ venit super Dominum. Spe-
cies illa columbæ, in qua specie venit Spiritus san-
ctus, quo nobis charitas infunderetur. Quare hoc?
Fel columba non habet; tamen rostro, & pennis pro-
nido pugnat, sine amaritudine sævit. Hoc facit & pa-
ter, quando filium castigat, ad disciplinam castigat...
Tales estote ad omnes. Videte, Fratres, magnum
documentum, magnam regulam. Unusquisque habet
filios, aut habere vult; aut si omnino decrevit filios
non habere carnaliter, vel spiritualiter cupit habere;
quis est, qui non corrigit filium suum? quis est, cui
non det disciplinam pater? Ut tamen sævire videtur.

De primo Decalogi præcepto. 281

tes desistant. Et talis correctio pertinet ad solos Prælatos, qui non solum habent admonere, sed etiam corrigere puniendo „ „ Prælatorum porro nomine non solum Episcopos, Abbates, Parochos, & Regularium Superiores *S. Th.* intelligit, sed etiam maritos respectu uxorum, parentes respectu liberorum, Judices, & Reges respectu subditorum.

REGULA XLI.

Præceptum de correctione fraterna Prælatos gravius obstringit respectu subditorum.

Illi enim & ratione officii, & ratione charitatis, quam majorem subditis debent, majorem salutis eorum curam gerere tenentur. Unde *S. August.* lib. 1. *De Civitate Dei*, cap. 9. de correctionis officio loquens ait: „ „ Qua in re non utique parem, sed longe graviores habent causam, quibus per Prophetam dicitur: *Ille quidem in suo peccato morietur, sanguinem autem ejus de manu speculatoris requiram.* Ad hoc enim speculatores, hoc est, populorum præpositi constituti sunt in Ecclesiis, ut non parcant objurgando peccata „ „ Ezech. 33.

Et Serm. 46. *De Pastoribus*, alias *De Tempore* 165. cap. 9. „ „ Audite (inquit) & discite oves Dei: a malis Pastoribus inquit Deus oves suas, & de manibus eorum inquit mortem earum; dicit enim in alio loco per eundem Prophetam: *Fili hominis, speculatorem dedi te domui Israel; audies ex ore meo sermonem; & præmonstrabis eis ex me. In eo cum dixero peccatori: Morte morieris, & non fueris locutus, ut caveat impius a via sua; ille facinorosus in suo facinore morietur, sanguinem autem ejus de manu tua exquiram. Tu autem si prænuntiaveris facinoroso viam ejus, ut avertatur ab ea, & non fuerit aversus a via sua, iste in facinore suo morietur, & tu animam tuam liberabis.* Videtis, quam sit tacere periculosum? Moritur ille, & recte moritur in impietate sua, & peccato suo moritur. Negligentia enim ejus occidit eum. Nam Ezech. 33.
Pasto-

Prælati gra-
viores pœ-
nas dabunt
ob negle-
ctum corre-
ptionis of-
ficii.

Pastorem inveniret viventem, qui ait: *Vivo ego, dicit Dominus*; sed cum fuerit negligens, non admonente illo, qui ad hoc est præpositus, & speculator, ut admoneat, & ille iuste moritur, & ille iuste damnatur „ „. Prælati ergo ob neglectum correctionis, tam fraternæ, quam judiciaræ officium, graviores pœnas dabunt, quia ideo Prælati a Deo constituti sunt, ut spiritali ovium utilitati consulant, errantes reducant, infirmos curent, debiles foveant. „ „ Quod Christiani sumus (*inquit S. August.*) propter nos est; quod præpositi sumus, propter vos est. In eo, quod Christiani sumus, attenditur utilitas nostra; in eo, quod præpositi, nonnisi vestra. Sunt autem multi Christiani, & non præpositi, qui perveniunt ad Deum, faciliore fortasse itinere, & tanto forte expeditius ambulantes, quanto minorem sarcinam portant. Nos autem, excepto quod Christiani sumus, unde rationem reddemus Deo de vita nostra, sumus etiam præpositi, unde rationem reddemus Deo de dispensatione nostra „ „.

Eandem Regulam confirmat *S. Thomas*, articulo superius indicato in responsione ad primum: „ „ In correptione fraterna (*inquit*) quæ ad omnes pertinet, gravior est cura Prælatorum. Sicut enim temporalia beneficia potius debet aliquis exhibere illis, quorum curam temporalem habet, ita etiam beneficia spiritalia, puta correctionem, doctrinam, &

nem pœnæ, non competit subdito respectu Prælati; sed correptio fraterna, quæ est actus charitatis, pertinet ad unumquemque respectu cujuslibet personæ, ad quam charitatem debet habere, si in ea aliquid corrigibile inveniatur... Sed in correctione, qua subditi corrigunt Prælatos, debet modus congruus adhiberi, ut scilicet non cum protervia, & durtia, sed cum mansuetudine, & reverentia corripiantur. Unde Apostolus 1: ad Timoth. 5. *Seniorem ne increpaveris; sed obsecra ut patrem „ „* Hinc Dionysius Demophilum mortachum reprehendit, quia Sacerdotem irreverenter correxerat, atque e templo ejecerat; ad ipsumque scribit: *Nefas est Sacerdotem a ministris, & monachis reprehendi*, publice scilicet, ac proterve. Quod Innocent. III. confirmat cap: *Cum ex injuncto*. Ext. *De hæreticis*; dicens: *Aliud esse „ „ Fratrem in se peccantem occulte corripere, quod quisque tenetur efficere secundum regulam evangelicam; & aliud esse, patrem suum delinquentem reprehendere manifeste, quod utique nulli licet secundum evangelicam veritatem „ „*

Nec etiam quilibet e vulgo Superioris correptionem temere debet usurpare, sed personas digniores, ætate, pietate, prudentia, graviores, & insigniores, Prælatisque magis familiares admonere, quæ correptionis officium Prælati impendere possint, ac velint. Cum autem aliquis Prælatum ex charitate monet, non propterea se majorem, aut meliorem existimat, sed auxilium impertitur ei, qui *Quanto in loco superiore, tanto in periculo majore versatur*, ut ait S. August. in regula.

R E G U L A X L I I I.

Ubi periculum fidei immineret, Prælati a subditis etiam publice arguendi essent:

Verba sunt S. Thomæ, in responsione ad secundum, ubi id probat exemplo S. Pauli, tametsi S. Petro Apostolorum Principi subditus esset: *Propter imminens periculum scandalis circa fidem Petrum publice arguit.*

Tom. VIII.

B b

Un-

Unde *S. Auguſt.* Ep. 83. alias 19. ait : „ Ipſe vero Petrus, quod a Paulo fiebat utiliter libertate charitatis, ſanctæ, ac benignæ pietate humilitatis accepit; atque ita rarius, & ſanctius exemplum poſteris præbuit, quo non dedignarentur, ſicubi forte recti tramitem reliquiſſent, etiam a poſterioribus corrigi; quam Paulus, quo confidenter auderent etiam minores majoribus pro defendenda evangelica veritate, ſalva fraterna charitate, reſiſtere „ „

R E G U L A XLIV.

Peccator fraternæ correctionis officium impendens alteri, non peccat; præcedente tamen peccato ſuo emendationi proximi impedimentum affert.

Non peccare peccatorem, qui alterum corripit, inde probat *S. Thom.* articulo 5. quod peccatum non tollat omnino rectum iudicium rationis, ſecundum quod ad aliquem pertinet, ut alterum corrigere poſſit a recta ratione. Deique lege deviantem. Et certe peccatum neminem diſpenſat ab obligatione divinatorum præceptorum; divinum autem eſt de correptione fraterna præceptum; quod proinde peccatorem obligat (ſicut præceptum de eleemoſyna corporali) urgente neceſſitate extrema proximi, cujus ſalus in diſcrimine forte verſatur, niſi ipſum corripiat, ſive quem tenetur ex officio corripere.

dalum, quod ex ea sequitur, si peccatum corripientis manifestum sit: quia videtur, quod ex charitate non corrigit, sed potius ad ostentationem.

Tertio, „„ propter superbiam corripientis, in quantum scilicet aliquis propria peccata parvipendens, seipsum proximo præfert in corde suo, peccata ejus austerâ severitate dijudicans, ac si ipse esset justus „„ Unde *S. August.* lib. 2. *de Sermone Domini in monte*, cap. 19. ait: „„ Accusare vitia, officium est bonorum virorum, & benevolorum; quod cum mali faciunt, alienas partes agunt. Et ideo pie, cauteque vigilandum est, ut, cum aliquem reprehendere, vel objurgare nos necessitas coegerit, primum cogitemus, utrum sit tale vitium, quod nunquam habuimus, vel quo jam caruimus; & si nunquam habuimus, cogitemus nos homines esse, & habere potuisse; si vero habuimus, & non habemus, tangat memoriâ communis infirmitas, ut illam reprehensionem, aut objurgationem non odium, sed misericordia præcedat; ut siue ad correctionem ejus, propter quem id facimus, siue ad perversionem valuerit (nam incertus est exitus) nos tamen de simplicitate oculi nostri securi simus. Si autem cogitantes nosmetipsos invenerimus in eo esse vicio, in quo est ille, quem reprehendere parabamus, non reprehendamus, neque objurgemus; sed tamen congemiscamus, & non illum ad obtemperandum nobis, sed ad pariter conandum invitamus „„ Ex quibus colligit *S. Thomas*, quod „„ Si peccator cum humilitate corripiat delinquentem, non peccat, nec sibi novam condemnationem acquirit, licet per hoc vel in conscientia fratris, vel saltem in sua, pro peccato præterito condemnabilem se ostendat „„ Unde Apostolus ad *Rom.* cap. 2. ait: *In quo judicas alterum, te ipsum condemnas; eadem enim agis, qua judicas.*

R E G U L A X L V.

Omissio correptionis fraternæ peccatum est, si quis illam omittit ex metu, vel cupiditate, cum ad illam tenetur ex officio, aut extrema necessitas proximi postulat tam salubre remedium.

Hanc Regulam tradit *S. Thom.* 2. 2. q. 33. art. 2. in responsione ad tertium: „ „ Prætermittitur (*inquit*) fraterna correctio cum peccato mortali, quando formidatur iudicium vulgi, & carnis excruciatio vel peremptio, dum tamen hæc ita dominantur in animo, quod fraternæ charitati præponantur. Et hoc videtur contingere, quando aliquis probabiliter præsumit de aliquo delinquente, quod posset eum a peccato retrahere, & tamen propter timorem, vel cupiditatem prætermittit „ „

Quam doctrinam hauserat *S. Thom.* ex *S. August.* lib. 1. *De Civitate Dei*, cap. 9. cuius hæc sunt verba: „ „ Illud est culpabile, quod hi, qui dissimiliter vivunt, & a malorum factis abhorrent, parcunt tamen peccatis alienis, quæ dedocere, aut objurgare deberent, cum eorum offensiones cavent, ne sibi noceant in his rebus, quibus licite boni, atque innocentes utuntur; sed cupidius quam oportebat eos, qui in hoc mundo peregrinantur, & spem supernæ patriæ præ se gerunt. Non solum quippe infirmiores vitam ducentes conjugalem, filios habentes, vel

De primo Decalogi præcepto. 387

famæ, ac salutis consulentes, dum insidias, atque impetus malorum timent, ab eorum reprehensione sese abstinere. Et quamvis non in tantum eos metuant, ut ad similia perpetranda quibuscumque eorum terroribus, atque improbitatibus cedant; ea ipsa tamen, quæ cum eis non perpetrant, nolunt plerumque corrumpere, cum fortasse possint aliquos corripiendo corrigere, ne si non potuerint, sua salus, ac fama in periculum, exitiumque perveniat; nec ea consideratione, qua suam famam, ac salutem vident esse necessariam utilitati, erudiendorum hominum; sed ea potius infirmitate, qua delectat lingua blandiens, & humana dies, & reformidatur vulgi iudicium, & carnis excruciatio, vel peremptio; hoc est, propter quædam cupiditatis vincula, non propter officia charitatis „ „

REGULA XLVI.

Omissio correptionis fraternæ veniale peccatum est, cum timor, & cupiditas tardiores faciunt hominem ad corripienda delicta fratris.

Verba sunt *S. Thom.* loco superius indicato; ubi tamen veniale peccatum esse docet, modo quis non ita sit affectus, ut: „ „ Si ei constaret, quod fratrem posset a peccato retrahere, propter timorem, vel cupiditatem omitteret, quibus in animo suo præponit charitatem fraternam. Et hoc modo quandoque viri sancti negligunt corrigere delinquentes „ „ De quibus *S. August.* lib. 1. *De Civitate Dei*, cap. 9. „ „ Plerumque (*inquit*) ab eis (*nempe flagitiosis, & impiis*) docendis, admonendis, aliquando etiam objurgandis, & corripiendis male dissimulatur; vel cum laboris piget, vel cum eorum os coram verecundamur offendere; vel cum inimicitias devitamus, ne impediatur, & noceant in istis temporalibus rebus, sive quas adipisci adhuc appetit nostra cupiditas, sive quas amittere formidat infirmitas; ita ut quamvis bonis vita malorum displiceat, & ideo cum eis non

incidunt in illam damnationem, quæ post hanc vitam talibus præparatur; tamen quia propterea peccatis eorum damnabilibus parcunt, dum eos in suis licet levibus, & venialibus metunt, jure cum eis temporaliter flagellantur, quamvis in æternum minime puniantur. Jure istam vitam, quando divinitus affliguntur cum eis, amaram sentiunt, cujus amando dulcedinem peccantibus eis amaram esse noluerunt. *Et infra*: Nec ideo tamen ab ejusmodi culpa penitus alienus est, qui licet præpositus non sit, in eis tamen, quibus vitæ hujus necessitate conjungitur, multa monenda vel arguenda novit, & negligit, devitans eorum offensiones, propter illa, quibus in hac vita non, ut debuit, utitur, sed plusquam debuit, delectatur .. „

R E G U L A XLVII.

Nemo tenetur peccatores querere, quos corripiat, aut in aliorum vitam inquirere, sed præceptum correptionis fraternæ satis implet, si obvios, & coram se peccantes corripiat, Superiores tamen diligentius scrutari tenentur vitam subditorum, & inquirere, si quid in ea correptione dignum est.

Hanc Regulam rursus tradit *S. Thom.* in responsione ad quartum. „ „ Illud (*inquit*) quod debetur alicui determinatæ, & certæ personæ, siue sit bo-

dam sorte habendum, ut Augustinus dicit lib. 1. De Doctrina christiana, cap. 8. „ „ Unde idem S. Doctor Serm. 82. alias 16. *De Verbis Domini*, cap. ait: „ „ Admonet nos Dominus noster non negligere invicem nostra peccata, non quærendo, quid reprehendas, sed videndo, quid corrigas. „ „ Alioquin efficeremur exploratores vitæ aliorum, contra id, quod dicitur Prov. 24. *Ne quæras impietatem in domo iusti, & non vases requiem ejus,*

R E G U L A XLVIII.

Cum de nullius emendatione desperandum sit, quamdiu in hac mortali vita constitutus est, nemini quantumvis obdurato negandum est fraternæ correctionis officium.

Ita docet S. August. lib. *De Correctione, & Gratia*, cap. 15. „ „ Nescientes (*inquit*) quis pertineat ad Prædestinatorum numerum, quis non pertineat, si affici debemus charitatis affectu, ut omnes velimus salvos fieri. Hoc quippe sit, cum singulos quosque, ut occurrerint, cum quibus id agere valeamus, ad hoc conamur adducere, ut justificati ex fide pacem habeant ad Deum. . . Ac per hoc quia, & corripiendo nihil aliud debemus agere, nisi ut ab ista pace, quæ est ad Deum, non recedatur, ut ad eam, qui recesserat, revertatur, nos agamus sine desperatione, quod agimus. Si filius pacis est, quem corripimus, requiescet super eum pax nostra; sin autem, ad nos revertetur, *Et paulo post*: Proinde quantum ad nos pertinet, qui prædestinatos a non prædestinatis discernere non valemus, & ob hoc omnes salvos fieri velle debemus; omnibus, ne pereant, vel ne alios perdant, adhibenda est a nobis medicinaliter severa correctio: Dei est autem illis eam facere utilem, quos ipse præscivit, & prædestinavit conformes imaginis Filii sui. Si enim aliquando timore non corripimus, ne aliquis inde pereat; cur non etiam timore corripimus, ne aliquis inde plus pereat? Neque etiam dilectionis

s. Theol. §. viscera majora gestamus , quam beatus Apostolus , qui dicit : *Corripite inquietos , consolamini pusillanimes , suscipite infirmos , patientes estote ad omnes : Videte ne quis malum pro malo alicui reddat* , ubi intelligendum est , tunc potius malum pro malo reddi , si corripiendus non corripitur , sed prava dissimulatione negligitur „ „. Juste autem corripiuntur , qui non obediunt Deo , tametsi absque ejus gratia obedire non possint. Hinc S. August. cap. 6. ejuldem libri : „ „ Corripiatur (*inquit*) origo damnabilis , ut ex dolore correctionis voluntas regenerationis oriatur ; si tamen , qui corripitur , filius est promissionis , ut strepitu correctionis forinsecus insonante , ac flagellante , Deus in illo intrinsecus occulta inspiratione operetur & velle. Si autem jam regeneratus , & justificatus in malam vitam sua voluntate relabitur , certe iste non potest dicere : Non accepi ; quia acceptam gratiam Dei suo in malum libero amisit arbitrio. Qui si correctione compunctus salubriter ingemit , & ad similia bona opera , vel etiam meliora revertitur ; nempe hic apertissime utilitas correctionis apparet. Sed per hominem correctio sive charitate sit , sive non sit , tamen ut correctio profit , nonnisi per Deum fit „ „.

R E G U L A X L I X.

Omittenda est fraterna correctio , si probabile sit illi , qui corripitur , nihil profuturum , imo illius oc-

arguere derisorem, ne oderit te. Quæ verba *S. Gregor.* lib. 8. *Moralium*, cap. 24. sic explicat: „ Neque enim „ iusto timendum est, ne derisor, cum corripitur, „ contumelias inferat, sed ne tractus ad odium pe- „ jor fiat „.

R E G U L A L.

Omittenda non est correptio judiciaria, seu quæ vim habet cogendi, & pertinet ad Prælatos, etsi probabile sit non profuturam ei, qui corrigitur.

Hanc Regulam tradit *S. Thomas*, ibidem. „ „ Cor- rectio (*inquit*) pertinet ad Prælatos, quæ or- dinatur ad bonum commune, & habet vim coacti- vam, non est dimittenda propter turbationem ejus, qui corripitur; tum quia si propria sponte emendari nolit, cogendus est per pœnas, ut peccare desistat; tum etiam quia si incorrigibilis sit, homo communi per hoc providetur, dum servatur ordo justitiæ, & unius exemplo alii deterrentur. Unde iudex non prætermittit ferre sententiam condemnationis in pec- cantem propter timorem turbationis ipsius, vel etiam amicorum ejus „ „.

Idem confirmat Canon, *Ipsa pietas*, causa 23. q. 4. Epist. 184. sumptus ex *S. August.* cujus hæc sunt verba: „ „ Mo- alias 59. leustus est & medicus furienti phrenetico, & pater in- disciplinato filio; ille ligando, iste cædendo, sed am- bo diligendo. Si autem illos negligent, & perire per- mittant, ista potius mansuetudo falsa crudelis est „ „.

Et Canon, *Quid faciat*, ex ejusdem verbis con- textus: „ „ Quid faciat Ecclesiæ medicina, salutem Epist. 84. aliam 63. omnium materna charitate conquirens, tanquam in- ter phreneticos, & lethargicos æstuans? Nunquid contemnere, nunquid desistere vel debet, vel potest? Utrisque sit necesse est molesta, quia neutris est ini- mica. Nam & phrenetici nolunt ligari, & lethargici nolunt excitari; sed perseverat diligentia charitatis, phreneticum castigare, lethargicum stimulare, am- bos amare. Ambo offenduntur, sed ambo diligun- tur;

tur; ambo molestati, quamdiu ægri sunt indignantur, sed ambo sanati gratulantur „„

Idem confirmatur ex Canone, *Ea vindicta*, qui ex *S. August.* pariter descriptus est, lib. 1. *De Sermone Domini in monte*, cap. 20. „„ Neque (*inquit*) ea vindicta prohibetur, quæ ad correctionem valet; etiam ipsa enim pertinet ad misericordiam; nec impedit illud propositum, quo quisque paratus est ab eo, quem correctum esse vult, plura perferre. Sed huic vindictæ referendæ non est idoneus, nisi qui odium, quo solent flagrare, qui se vindicare desiderant, dilectionis magnitudine superaverit. Non enim metuendum est, ne odisse parvulum filium parentes videantur, cum ab eis vapulat peccans, ne peccet ulterius. Et certe perfectio dilectionis ipsius Dei Patris imitatione nobis proponitur, cum in sequentibus dicitur: *Diligite inimicos vestros, benefacite his, qui oderunt vos; & tamen de ipso dicitur per Prophetam: Quem enim diligit Dominus corripit, flagellat autem omnem filium, quem recipit.* Non ergo queritur, nisi ut & ille vindicet, cui rerum ordine potestas data est; & ea voluntate vindicet, qua pater in parvulum filium, quem per ætatem odisse non potest. Hinc enim aptissimum exemplum ducitur, quo satis appareat peccatum amore potius vindicari, quam impunitum relinqui, ut illum, in quem vindicat, non poena miserum, sed correctione bea-

Matth. 5.

Prov. 3.

Elias multos morte affecit, & propria manu, & igne divinitus impetrato; quod & alii multi magni, & divini viri eodem spiritu consulendi rebus humanis non temere fecerunt. De quo Elia cum exemplum dedissent discipuli, Domino commemorantes, quod ab eo factum sit, ut etiam ipsis daret potestatem petendi de coelo ignem ad consumendum eos, qui sibi hospitium non præberent, reprehendit in eis Dominus non exemplum Prophetæ sancti, sed ignorantiam vindicandi, quæ adhuc erat in rudibus, animadvertens eos non amare correctionem, sed odio desiderare vindictam „ „.

R E G U L A I I.

Quamvis probabile sit, correptionem non statim profuturam, sed odiosam, & ingratam fore, si tamen aliquando utilem fore spes sit, nequaquam omittenda est.

Hanc Regulam tradit *S. Auguſt. Ep. 210. alias 87.* „ „ Diffensiones (*inquit*) nunquam debent amari; sed aliquando tamen, aut a charitate nascuntur, aut charitatem probant. Quis enim facile invenitur, qui velit reprehendi? & ubi est ille sapiens, de quo dictum est: *Corripe sapientem, & amabit te?* Nun- Prov. 9. quid tamen ideo non debemus reprehendere, & corrumpere fratrem, ne securus tendat in mortem? Solet enim fieri, & frequenter accidit, ut ad horam contristetur, cum reprehendit, & resistat, & contendat; & tamen postea consideret secum in silentio, ubi nemo est nisi Deus, & ipse, nec timet displicere hominibus, quia corripitur; sed timet displicere Deo, quia non corrigitur, & deinceps non faciat illud, in quo iuste reprehensus est, & quantum odit peccatum suum, tantum diligit fratrem, quem sentit hostem peccati sui. Si autem de illo numero est, de Ibidem quo dictum est: *Corripe stultum, & adjiciet, ut odes te*; non de charitate illius dissensio nascitur, sed tamen charitatem reprehensoris sui exercet, & probat; quia

non

non ei reprehenditur odium, sed dilectio, quæ cogit reprehendere, imperturbata perdurat, etiam cum ille, qui reprehensus est, odit „ „. Atque id significare videtur Apostol. ad *Timoth.* scribens Ep. 2. cap. 4. *Iusta opportune, importune; argue, obsecra, increpa, in omni patientia, & doctrina.* Quam Apostoli sententiam *S. August.* in cap. 4. Epistolæ ad *Gal.* sic exponit: „ „ Iusta opportune; quod si hoc modo non proficis, importune; ita ut tu opportunitatem omnino non deleas, & sic accipias, quod dictum est, *importune*, ut illi videaris importunus, qui non libenter audit, quæ dicuntur in eum; tu tamen scias hoc illi esse opportunum, & dilectionem, curamque sanitatis ejus animo teneas mansueto, modesto, & fraterno. Multi enim postea cogitantes, quæ audierint, & quam iusta audierint, ipsi se gravius, & severius arguerunt; & quamvis perturbatiores a medico viderentur abscedere, paulatim verbi vigore in medullas penetrante, sanati sunt; quod non fieret, si semper expectaremus periclitantem putrescentibus membris, quando eum liberet, aut uri, aut secari. Quod nec ipsi corporis medici attendunt, qui terrenæ mercedis intuitu curant. Quotus enim quisque reperitur, qui ferrum eorum, aut ignem non ligatus expertus sit? Cum & illi rariores sint, qui volentes ligati fuerint? Plures enim resistentes, & mori se malle clamantes, quam illo curari modo, vix lingua ipsa eorum relicta libera

R E G U L A L I I.

Cum peccatum occultum, & soli peccanti, ac ei, in quem peccatur, noxium est, secreta admonitionis denuntiationi præmitti necessario debet.

Sic enim præcipit Christus, Matth. 18. *Si peccaverit in te frater tuus, vade, & corripe eum inter te, & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum, vel trium testimonium stet omne verbum. Quod si non audierit eos, dic Ecclesiæ.* Hic est ordo fraternæ correctionis a Christo præscriptus, qui proinde perverti sine gravi peccato non potest. Cujus quidem ordinis duplex ratio est, prima, ut honori, ac tamæ proximi peccantis consulatur; altera, ne correctio sit ipsi occasio ruinæ potius, quam stimulus ad emendationem. Hinc S. Hieron. commentatio in cap. 18. S. Matthæi, ait: „Corripiendus est „frater seculum, ne si semel pudorem, ac verecundiam amiserit, remaneat in peccato „.

Eandem Regulam confirmat S. August. Serm. 82, alias 16. *De Verbis Domini*, cap. 4. „Corripe eum (inquis) inter te, & ipsum solum; intendens correctioni, parcens pudori. Forte enim præ verecundia incipis defendere peccatum suum, & quem vis facere correctiorem, facis pejorem. Et cap. 7. Quia secretum fuit; quando in te peccavit, secretum quære, cum corrigis, quod peccavit. Nam si solus nolti, quia peccavit in te, & eum vis coram omnibus arguere, non es corrector, sed proditor. Attende, quemadmodum vir iustus Joseph, tanto flagitio, quod de uxore fuerat suspicatus, tanta benignitate pepercit, antequam sciret, unde illa conceperat; quia gravidam sentierat & se ad illam non accessisse noverat. Restabat itaque certa adulterii suspicio; & tamen, quia ipse solus tenierat, ipse solus sciebat, quod de illo ait Evangelium: *Joseph autem cum esset vir justus, & nollet eam* Matth. 22 *tradere, voluit occulte dimittere eam.* Sic agamus, & sic agendum est non solum, quando in nos pecca-

tur, sed quando peccatur ab aliquo, ut ab altero nesciatur. In secreto debemus corripere, in secreto arguere, ne volentes publice arguere, prodamus hominem „ „.

Idem confirmat *S. Thomas*, 2. 2. quæst. 33. art. 7. „ Quædam sunt peccata (*inquit*) quæ solum sunt in malum peccantis, & ejus, in quem peccatur; quia a peccante solus læditur, saltem ex notitia; & tunc ad hoc solum tenendum est, ut fratri peccanti subveniatur; & sicut medicus corporalis sanitatem ægroto confert, si potest, sine alicujus membri abscissione; si autem non potest, abscindit membrum minus necessarium, ut vita totius conservetur; ita etiam ille, qui studet emendationi fratris, debet, si potest, sic emendare fratrem, quantum ad conscientiam, ut fama ejus conservetur; quæ quidem est utilis ipsi peccanti, non solum in temporalibus, in quibus quantum ad multa homo patitur detrimentum, amissa fama; sed etiam quantum ad spiritualia, quia præ timore infamiae multi a peccato retrahuntur. Unde quando se infamatos conspiciunt, irrefræmate peccant. Sed quia conscientia præferenda est famæ; voluit Dominus, ut saltem eum dispendio famæ fratris conscientia per publicam denuntiationem a peccato liberetur; *Si nimirum privata admonitio non profuerit*. Unde patet, de necessitate præcepti esse, quod secreta admonitio publicam denuntiationem præcedat „ „.

reticus privatim homines a fide avertat; & quia ille, qui sic occulte peccat, non solum in te peccat, sed etiam in alios, oportet statim procedere ad denuntiationem, ut huiusmodi nocumentum impediatur; nisi forte aliquis firmiter existimaret, quod statim per secretam admonitionem posset huiusmodi mala impedire „„. Sed ubi de crimine hæreseos, aut læsæ Majestatis agitur, vix fieri potest, ut certo, & absque periculo erroris existimetur, mala hinc imminetia per secretam admonitionem averti posse. Cum enim hæretici pertinaces sint, nec Ecclesiam audire parati, quomodo privatim monentem ita audient, ut emendentur? Deinde *Sermo eorum, ut cancer serpi* (inquit Apostolus 2. ad *Timoth.* 2.) Atque (ut ait *S. Leo* Sermone 15. sive quinto de jejunio decimi mensis) *Humiliter irrepunt, blande capiunt, molliter ligant, latenter occidunt.* Quam ob rem statim Episcopis, vel inquisitoribus (ubi viget hæreticæ pravitatis inquisitio) nulla prævia monitione sunt denuntiandi. Unde *S. Leo* ibidem ait: „„ Illud quoque vos, dilectissimi, obsecrans moneo, ut si cui vestrum innotuerit, ubi habitent, ubi doceant, quos frequentent, & in quorum societate requiescant, nostræ sollicitudini fideliter indicetis; quia parum prodest unicuique, quod protegente Spiritu sancto ab istis ipse non capitur, si, cum alios capi intelligit, non movetur. Contra communes hostes pro salute communi una omnium debet esse vigilantia; ne de alicujus membri vulnere. etiam alia possint membra corrumpi; & qui tales non prodendos putant, in judicio Christi inveniuntur rei de silentio, etiamsi non contaminantur assensu „„. Denuntiandi sunt pariter sine prævia monitione magi, fortilegi, venefici, læsæ majestatis rei; unde *S. Thomas*, loco mox indicato in responsione ad tertium ait: „„ Quando imminet periculum multitudinis, non habent ibi locum hæc verba Domini: *Corripe illum inter te, & ipsum solum;* quia tunc frater peccans non peccat in te tantum „„. Et in Quæstionibus disputatis, quæstione De Corre-

psica

psione fraterna, art. 2. in responsione ad septimum : „ Non in omni peccato debet homo procedere ad accusationem (*inquit*) sed solum in illis peccatis, ex quibus in promptu est, ut proveniat periculum multitudini, vel spirituale, vel corporale. Tunc enim potest homo ad accusationem procedere monitione non præcedente, si hoc exigat utilitas communis, quia bonum commune præferendum est bono privato „ „ Eoque spectat illud Tertulliani: *Contra publicos hostes, & majestatis reos, omnis homo miles est*.

Et in responsione ad decimum : „ „ In talibus, in quibus mora denuntiationis est periculosa; non oportet expectare admonitionem, sed statim procedere ad denuntiationem. Nec hoc est contra præceptum Christi, propter duo; primo quidem, quia peccatum istud, quod vergit in periculum multorum, non est solum in te, sed est in multos; Dominus autem dicit: *Si peccaveris in te frater tuus*; Secundo, quia Dominus non loquitur de culpa futura cavenda, sed de culpa præterita jam commissa „ „

Et quodlibeto 11. qu. 10. art. 1. „ „ Oportet ordinem fraternæ correptionis sumere secundum ordinem charitatis; ordo autem charitatis est, ut quis bono proximi præferat commune bonum; item ut velit bonum proximi, & conscientiæ, & famæ, & in his magis velit bonum conscientiæ, quando utrumque haberi non potest. Et ideo his consideratis,

REGULA LIV.

Contra fraternæ correptionis ordinem non peccat ,
 qui peccatum occultum fratris denuntiat Prælato ,
 non quidem ut judici , sed ut patri , ad officium
 charitatis majori quadam efficacia exequendum ,
 priusquam testes adhibeat.

Hanc Regulam adstruit *S. August.* in regula. „ Nec
 vos (*inquit*) iudicetis esse malevolas , quando
 hoc indicatis. Magis quippe innocentes non estis , si
 sorores vestras , quas indicando corrigere potestis ,
 tacendo perire permittitis. Si enim soror tua vulnus
 haberet in corpore , quod vellet occultari , dum ti-
 meret scari , nonne crudeliter abs te sileretur , & mi-
 sericorditer indicaretur ? Quanto ergo potius eam
 debes manifestare , ne perniciosius putrescat in corde ?
 Sed antequam aliis demonstretur , per quas convincen-
 da est , si negaverit , Præpositæ debet ostendi , si ad-
 monita neglexerit corrigi ; ne forte possit secretius
 correpta non innotescere cæteris. Si autem negave-
 rit , tunc neganti adhibendæ sunt aliæ , ut jam coram
 omnibus possit , non ab una teste argui , sed a dua-
 bus , tribusve convinci „ „

Eandem Regulam confirmat *S. Thomas* , quodlibeto
 II. qu. 10. art. 2. „ „ Utrum (*inquit*) statim , cum quis
 scit fratrem suum peccasse , debeat denuntiare Prælato ,
 dico , quod in his distinguendum est de conditionibus
 subditi , & Prælati. Nam si ego scio , quod frater per
 me corrigitur , tunc non debeo hoc denuntiare Præ-
 lato ; si autem videtur , quod hoc melius fiat per Præ-
 latum , & Prælati nihilominus sit pius , discretus , &
 spiritualis , non habens rancorem , seu odium adver-
 sus illum subditum , tunc licite potest hoc denuntia-
 re ipsi ; & tunc non dicit Ecclesiæ , quia non dicit ei
 sicut Prælato , sed sicut personæ proficienti ad corre-
 ctionem proximi , & emendam. Sed quia propter di-
 versas conditiones Prælatorum , & subditorum non
 potest in hoc dari generale iudicium (quia aliquando ,
 vel Prælati movetur ad odium adversus subditum ,

vel subditus non bene ferret verba Prælati) ideo tenendum est hoc pro regula, quod omnibus istis semper servanda est charitas, & quod melius, & magis expedire videtur; & si hoc intendat (scilicet emendam proximi) ac servet, quantum potest, bonum charitatis: tunc denuntiando non peccat; si vero denuntiet cuicumque personæ hoc ex malitia, & ut proximus confundatur, vel deprimatur, tunc denuntians, sive accusans peccat mortaliter „ „.

Et in responsione ad primum: „ „ Si statim aliquis referat Prælato (*præmissa tamen admonitione fraterna*) & adhibens debitas circumstantias, & considerans magis expedire, non facit contra præceptum Evangelii; quia non dicit hoc Ecclesiæ, sed personæ proficienti; & ideo non peccat mortaliter „ „

R E G U L A L V.

Prælato in Visitatione præcipienti, ut qui certorum criminum reos noverit, illos denuntiet, ubi nullus est accusator, nec publica præcessit infamia, quæ inquisitioni det locum; subditi parere non tenentur contra fraternæ correptionis ordinem.

Magis enim obedire oportet Deo, quam hominibus, nec obligat Superioris præceptum contra jus naturale, & Evangelium. Unde *S. Thom. 2. 2. qu. 33. art. 7. in responsione ad quintum*, ait: „ „ Prælato non est obediendum contra præceptum divinum.

statem præcipiendi aliquid super occultis, nisi in quantum per aliqua indicia manifestantur, puta, per infamiam, vel per aliquas suspiciones, in quibus casibus potest Prælatus præcipere eodem modo, sicut & iudex secularis, vel ecclesiasticus potest exigere juramentum de veritate dicenda „ „.

Idem uberius explicat angelicus Doctor, quodlibeto 1. qu. 8. art. 2. „ „ Religiosus Prælatus (*inquit*) in capitulo præest sicut iudex ecclesiasticus in foro judiciali; unde ad ea potest ex præcepto subditos obligare, ut ei pandantur, propter quæ potest iudex ecclesiasticus in foro judiciali juramentum exigere. Est ergo sciendum, quod in criminibus triplex est modus procedendi; unus per denuntiationem, alius per inquisitionem, alius per accusationem. In via ergo denuntiationis intenditur correctio delinquentis. Et ideo secundum præceptum Domini, *Matthæi* 18. debet præcedere fraterna correctio; ut scilicet corripiat eum inter se, & ipsum solum; quod si non audierit, coram duobus, vel tribus testibus; & ultimo dicatur Ecclesiæ; charitatis enim est, ut aliquis parcat fratri, quantum potest; unde prius debet niti, ut corrigat conscientiam fratris setvata fama, solitarie admonendo, & postmodum coram duobus, vel tribus; tandem negligenda est fama, ut emendetur conscientia, & dicendum est Ecclesiæ, in quo etiam processu consulatur conscientiæ; nam peccator, si a principio videret se publicatum, amitteret verecundiam, & obstinatio fieret ad peccandum. In inquisitione vero debet præcedere infamia. In accusatione vero debet præcedere inscriptio, per quam ipse obligat se ad talionem. In inquisitione autem, & accusatione intenditur poena peccantis propter multitudinis bonum. Si ergo appareat accusator in capitulo, qui se obliget ad talionem, potest Prælatus præcepto veritatis confessionem exigere, sicut & iudex ecclesiasticus juramento; & similiter si præcedat infamia, potest Prælatus præcepto veritatem exquirere & subditi tenentur obedire. Si autem proce-

datur per viam simplicis denuntiationis, non tenetur religiosus Prælato præcipienti culpam fratris revelare, nisi præcedente monitione, cum viderit incorrectum; imo magis peccaret, si ad præceptum Prælati revelaret, quia plus tenetur obedire Evangelio, quam Prælato; & multo magis Prælatus peccaret, si subditum induceret ad pervertendum ordinem Evangelii „ „.


R E G U L A L V I.

Peccata publica publice sunt corripienda, nec eorum denuntiationi privata admonitio præmittenda est.

In eorum enim correptione, ut *S. Thom.* observat. „ Non est tantum adhibendum remedium ei, qui „ peccavit, ut melior fiat, sed etiam aliis, in quorum „ notitiam devenit, ut non scandalizentur „. Unde Apost. 1. ad Tim. 5. ait: *Peccantes coram omnibus argue, ut & ceteri timorem habeant.* Quod intelligitur de peccatis publicis, ut *S. August.* notat *Sermone 82. alias 16. De Verbis Domini, cap. 7.* „ Ipsa „ corripienda sunt coram omnibus, quæ peccantur „ coram omnibus; ipsa corripienda sunt secretius, „ quæ peccantur secretius „.

R E G U L A L V I I.

Correptio fraterna cum humilitate, & charitate, & mansuetudine exercenda est.



si adhuc ille per te sanari posse videbitur, nihil re-
spondeas donec saneris prior; ne forte carnalibus
motibus tuis ad nocendum consentias, & exhibeas
linguam tuam arma iniquitatis peccato ad reddend-
um malum pro malo, aut maledictum pro maledi-
cto. Quidquid enim lacerato animo dixeris, punien-
tis est impetus, non charitas corrigentis. Dilige, &
dic, quod voles; nullo modo maledictum erit, quod
speciem maledicti sonuerit, si memineris, senserisque
te in gladio verbi Dei liberatorem hominis esse velle
ab obliuione vitiorum. Quod si forte, ut plerumque
accidit, dilectione quidem talem suscipis actionem,
& ad eam corde dilectionis accedis, sed inter agen-
dum subreperit aliquid, dum tibi resistitur, quod
te auferat ab hominis vitio percutiendo, & ipsi ho-
mini faciat infestum; postea te lacrymis lavantem
hujusmodi pulverem, multo salubrius meminisse oport-
tebit, quam non debeamus super aliorum superbire
peccata, quando in ipsa eorum objurgatione pec-
camus, cum facilius nos ira peccantis iratos, quam
misericordia misericordes facit „ „.

Manfuctu-
do.

Id rursus confirmant Apostoli verba 2. ad *Timoth.*
cap. 2. *Servum Domini non oportet litigare; sed man-*
suctum esse ad omnes, docibilem, patientem, cum mo-
destia corripientem eos, qui resistunt veritati; ne quan-
do Deus det illis penitentiam ad cognoscendam verita-
tem, & resipiscant a diaboli laqueis, a quo captivi te-
nentur ad ipsius voluntatem. Quem locum expendens
S. August. Sermone 88. alias 18. *De Verbis Domini*,
cap. 18. ait: „ „ In ipsa correctione, vel coercitio-
ne alienorum peccatorum cavendum est, ne se ex-
tollat, qui alterum corripit, & apostolica illa cogi-
tanda sententia est: *Quapropter, qui se putat stare, vi-*
deat, ne cadat. Foris terribiliter personet increpatio,
intus lenitatis teneatur dilectio. . . Neque ergo con-
sentientes litis malis, ut approbetis; neque negligentes,
ut non arguatis; neque superbientes, ut inul-
tante arguatis „ „.

1. Col. 10.

Eandem Regulam confirmat *S. Gregorius*, lib. 24.

Moralium, cap. 10. „ „ Justi (*inquit*) cum severe corrigunt, internæ dulcedinis gratiam non amittunt. Nam sæpe pro inquietudine refrænanda pravorum, duritiam districti rigoris assumunt, sed intus charitatis igne liquefiunt, atque eorum amore ardent, in quos aspera correptione sæviunt, seque etiam eis intrinsecus in secreto cordis humiliant, quos foris duris animadversionum stimulis, quasi despiciendo castigant. Plerumque autem & non despiciendo despiciunt, & non desperando desperant; ut tanto epi celerius a culpa reviviscere, ac resilire faciant; quanto jam quasi viciniis mortis foveam ostentant. Sæpe etiam quodam decenti moderamine suas culpas coram discipulis indicant, ut illi audientes discant, quomodo semetipsos de suis actionibus subtiliter reprehendant. Tanta autem dispensatione se temperant, ut neque cum se erigunt, intrinsecus rigidi sint; neque rursus cum se humiliant, extrinsecus remissi; quia & in disciplina humilitatem custodiunt, & in humilitate disciplinam. . . Sed cum arrogantes viri eos imitari appetunt, sumunt ab eis aspera verba correptionis, & sumere ab eis veraciter nesciunt preces humilitatis. Magis enim terribiles volunt esse, quam milites; & idcirco discunt, unde se erigant, & discere negligunt, ut animum submittant. Cumque admonere delinquentes placide nesciunt, nimio rigoris usu per invectionis iracundiam etiam contra recte agen-

sunt, quos emendare curamus; ne cor nostrum forte superbiat, & de ipsa innocentia prius ruat, quorum mala corrigimus, alia eorum bona nobis ante oculos revocemus. Quæ si omnino nulla sunt, ad occulta Dei iudicia recurramus; quia sicut nos meritis nullis hoc ipsum bonum, quod habemus, accepimus; ita illis quoque potest gratiam supernæ virtutis infundere, ut excitati pulterius etiam ipsi possint bona, quæ nos ante accepimus, prævenire. Quis enim crederet, quod per Apostolatus meritum Saulus lapidatum Stephanum præcessurus erat, qui in morte ejus lapidantium vestimenta servabat? His ergo primum cogitationibus humiliari cor debet, & tunc demum delinquentium iniquitas increpari „ „.

S. Bernardus, Sermone 1. ex iis, quos habuit tempore Paschali, tria in ejus animo requirit, qui fraternam correptionem exercet; primo, compassionis affectum; secundo, zelum justitiæ; tertio, discretionis spiritum. „ „ Quoties enim (*inquit*) peccantem videris fratrem, continuo procedere debet compas-

Tria necessaria illi, qui fraternam correptionem exercet.

sionis affectus, tanquam cognatus humanitati, quippe quem concipis ex te ipso: *Los* (*inquit* Apostolus) *qui spirituales estis, instruite hujusmodi in spiritu lenitatis, considerans te ipsum, ne & tu tenteris.* Et cum exiret Dominus bajulans sibi crucem, & plangerent super eum, nondum quidem omnes tribus terræ, sed mulieres paucæ, conversus ad eas: *Filiæ* (*inquit*)

Gal. 6. In animo compassionis affectus, justitiæ zelus, discretionis spiritus.

Jerusalem, nolite flere super me; sed super vos ipsas flete, & super filios vestros. Ordinem diligenter attende: *Super vos* (*inquit* primo; deinde) *super filios vestros.* Temetipsum attende, ut alii noveris compati, ut arguas in spiritu lenitatis. Te ipsum considera, ne & tu tenteris. Sed quia exemplum efficacius persuadet, & altius imprimit animo, mitto vos ad sanctum illum Senem qui cum audisset peccasse unum ex fratribus, amarissime flebat, inquires: *Ille hodie, & ego eras.* Qui sic flebat super se, putas, quia non compassus sit fratris? Hic itaque compassionis affectus multis quidem prodest, quia animus

Lucæ 21.

In vitis Patrum.

liberalis contristare, quem pro se viderit anxium, erubescit. Sed quid agimus, quod nonnulli dura ceruice, & attrita sunt fronte, ut quo magis eis compatiatur, tanto magis nostra, & compassione, & patientia abutantur? Nonne sicut compatiabamur fratri, ita ipsi iustitiæ compatiendum est, quam videmus tam impudenter abjici, tam imprudenter provocare? Scio, quia si qua in nobis est charitas, contemptum hunc Dei ferre æquanimiter non possumus. Hic est zelus iustitiæ, quo adversus delinquentes accendimur, tanquam pietate ducti erga eam, quam contemni videmus, iustitiam Dei. Verumtamen oportet, ut priora sibi vindicet compassionis affectus; alioquin spiritu vehementi conterimus naves Tharsis, conterimus quassatum calamum, extinguimus lychnum fumigans. Sed cum uterque aderit, videlicet compassionis affectus, & zelus iustitiæ, necesse est, ut adsit spiritus discretionis, ne forte cum oporteat hunc exhiberi, ille procedat, & indiscretio ipsa confundat universa. Habeat itaque mens nostra spiritum discretionis, ut miscens apte temporibus tempora opportune æmulari, & nihilominus agnoscere sciat. Samaritanus sit, custodiens, & observans, quando oleum misericordiæ, quando vinum fervoris exhibeat. Et ne forte meum putetis inventum, Prophetam audite in Psalmo hæc eadem, & eodem ordine postulanti: *Bonitatem* (inquit) &

tis, ac more phrenetici non solum repellens, sed & mordere tentans medici manum. Multis quoque non suppetit verborum copia, sed præ sermonis inopia linguam suam palato adhiærescere sentiunt, quod & ipsum interdum solet audientibus obesse non parum. Aliis vero ad manum est abundantia multa sermonis; sed quæ dicunt, minus sapiunt, minus acceptantur; & quia gratiam non habent, minus efficacia sunt, quæ loquuntur. Vides ergo, quam necesse sit emere ab eo, a quo omne bonum est, a quo omnis scientia, modestiam in increpando, copiam in exhortando, efficaciam in persuadendo „ „

ARTICULUS XII.

Regule Praxim spectantes circa Vota.

REGULA PRIMA.

Quæ secundum se, ac semper bona sunt, congrua sunt voti materia.

Ita docet *S. Thom.* 2. 2. qu. 88. art. 2. in responsione De Voto ad secundum: „ Quædam sunt (*inquit*) quæ in „ omnem eventum sunt bona, sicut opera virtutis; & „ talia bona possunt absolute cadere sub voto „.

REGULA II.

Quæ secundum se peccata sunt, non possunt esse materia voti.

Hanc Regulam tradit *S. Thom.* ibid. „ Quædam „ (*inquit*) in omnem eventum sunt mala, sicut „ ea, quæ secundum se sunt peccata; & hæc nullo „ modo possunt sub voto cadere „.

REGULA III.

Quæ secundum se bona sunt, & tamen malum eventum possunt habere, sunt quidem legitima voti materia; sed tamen huiusmodi votum non est observandum, quando malum eventum habet.

Tunc enim deest materia legitima voti, adeoque votum ex eventu irritum est. Exemplum affert *S.*

Thom. loco mox indicato, de voto *Jephte*; qui, ut refertur *Judicum* 11. votum vovit Domino dicens: *Si tradideris filios Ammon in manus meas, quicumque primus egressus fuerit de foribus domus mea, mihiq; occurrerit revertenti in pace, eum offeram holocaustum Domino.* Id autem poterat malum eventum habere, si occurreret ei aliquod animal non immolandum, sicut asinus, vel homo, quod revera accidit, siquidem occurrit ei filia. Unde *S. Hieron.* in cap. 7. *Ieremia* ait: „ „ Quod si *Jephte* obtulit filiam suam virginem Deo, non sacrificium placet, sed animus offerentis; neque enim si canis, asinus. aut immundum quodlibet animal primum occurrisset, illud offerre Deo debuerat „ „

R E G U L A I V.

Vota de immoderatis vigiliis, jejuniis, aliisque corporis macerationibus secundum arbitrium Superioris servanda sunt, vel remittenda.

Hanc Regulam tradit *S. Thom.* quæstione, & articulo mox indicatis, in responsione ad tertium: „ „ Maceratio- (*inquit*) proprii corporis per vigiliis, & jejunia non est Deo accepta, nisi in quantum est opus virtutis; quod quidem est, in quantum cum debita discretionem fit, ut scilicet concupiscentia refrænetur, & natura non nimis gravetur. Et sub tali te-

REGULA V.

Vota de rebus vanis, & inutilibus sunt magis deridenda, quam servanda.

Ipsius *S. Thom.* verbis hæc Regula concepta est; quam *S. Antoninus* confirmat p. 2. tit. 11. cap. 1. Talia essent vota (inquit) de capite animalium non comedendo ob honorem *S. Joannis Baptistæ* decollati; de pannis non abluendis, aut non nendo Feria sexta, aut Sabbato; de pane non comedendo die Dominica. Ratio est, quia *Displicet Domino stulta promissio.* *Eccles. 12.* Hinc can. *Non pejerabis*, causa 22. qu. 4. dicitur; *Stulta vota frangenda sunt*; & *S. Isidor.* lib. 2. *Synonim.* ait: „ In turpi voto muta decretum. Quod incaute „ vovisti, ne facias; impia enim est promissio, quæ „ scelere adimpletur „.

REGULA VI.

Violatio voti lethale ex genere suo peccatum est.

Violatio enim est fidei, justitiæ, religionis, ac reverentiæ Deo debitarum. Unde Scriptura sacra votorum observantiam non semel præcipit iis, qui ipsa emiserunt. Deut 23. *Cum votum voveris Domino Deo tuo, non tardabis reddere; quia requireret illud Dominus Deus tuus, & si moratus fueris, reputabitur tibi in peccatum. Si nolueris polliceri, absque peccato eris. Quod autem semel egressum est de labiis tuis, observabis, & facies, sicut promissisti Domino Deo tuo, & propria voluntate, & ore tuo locutus es.* Et Psalm. 75. *Vovete, & reddite Domino Deo vestro. Vovere, consilium est, reddere, præceptum.* Eccl. 5. *Si quid vovisti Deo, ne moreris reddere; displicet enim ei infidelis, & stulta promissio; sed quodcumque voveris, redde; multoque melius est non vovere, quam post votum promissa non reddere.* Hinc Apostolus de Viduis voto castitatis obstrictis, & tamen nubentibus, ait, 1. ad Timoth. 5. *Ha-*
bentes damnationem, quia primam fidem irritam fecerunt.
 Eandem Regulam SS. Patres confirmant. Unus sit

instar omnium *S. Augustinus*, Epist. 127. alias 45. ad *Armentarium*, & *Paulinam* eius uxorem, qui continentiam voverant. „ „ Quia (*inquit*) jam vovisti, jam te obstrinxisti, aliud tibi facere non licet. Priusquam esses voti reus, liberum fuit, quo esses inferior; quamvis non sit gratulanda libertas, qua fit, ut non debeatur, quod cum lucro redditur. Nunc vero quia tenetur apud Deum sponsio tua, non te ad magnam iustitiam invito; sed a magna iniquitate deterreo. Non enim talis eris, si non feceris, quod vovisti, qualis mansisses, si nihil tale vovisses; minor enim tunc esses, non peior. Modo autem tanto, quod absit, miserior, si fidem Deo fregeris, quanto beatior, si persolveris. Nec ideo te vovisse poeniteat, immo gaude jam tibi non licere, quod cum tuo detrimento licuisset. Aggredere itaque intrepidus, & dicta imple factis; ipse adjuvabit, qui vota tua expetit. Felix est necessitas, quæ in meliora compellit „ „ *Et libro De Bono Viduitatis, cap. 11.* „ „ Plane non dubitaverim dicere, lapsus, & ruinas a castitate sanctiore, quæ vovetur Domino, adulteriis esse peiores. Si enim, quod nullo modo dubitandum est, ad offensionem Christi pertinet, cum membrum ejus fidem non servat marito; quanto gravius offenditur, cum illi ipsi non servatur fides in eo, quod exigit oblatum, qui non exegerat offerendum? Cum enim quisque non reddit, quod non imperio compellus, sed con-

que vivente viro alteri nupserit, habeatur adultera, nec ei agendæ poenitentiae licentia concedatur, nisi unus ex eis fuerit defunctus; quanto, & illa magis tenenda est, quæ ante immortali se Sponso conjunxerat, & postea ad humanas nuptias transmigravit „ „

Et cap. 13. de iis, quæ simplici duntaxat voto se obstrinxerant, hæc habet: „ „ Hæc vero, quæ necdum sacro Velamine testæ, tamen in proposito virginali semper manere promiserant, licet velatæ non sint, si forte nupserint, his agenda aliquando tempore poenitentia est, quia sponsio earum a Deo tenebatur. Nam si inter homines solet bonæ fidei contractus nonnulla ratione dissolvi, quanto magis ista pollicitatio, quam cum Deo pepigerit virgo, solvi sine vindicta non debet? Nam si Apostolus Paulus, quæ a proposito viduitatis discesserunt, dixit eas habere condemnationem, quia primam fidem irritam fecerunt, quanto magis virgines, quæ prioris promissionis fidem frangere sunt visæ „ „?

His consonat *Innocentii III.* responsum, cap. *Licet*, Extra, *De Voto*, & *Voti redemptione*, cujus hæc sunt verba: „ Licet universis liberum sit arbitrium in vovendo, usque adeo tamen solutio necessaria est post votum, ut sine proprio salutis dispendio alicui non liceat resilire „ „. Id confirmat *S. Thomas*, in 4. *Sententiarum*, dist. 38. qu. 1. art. 2. quæstiuncula 1. „ „ Votum (*inquit*) est quidam promissionis contractus inter Deum, & hominem; unde cum contractus bonæ fidei inter homines factus obliget ad necessariam observationem, multo fortius votum, quo homo Deo aliquid promittit, in his duntaxat, ad quæ votum se extendit; in illis autem, ad quæ votum non se extendit, obligatio voti non habet locum. Et ideo qui votum rite factum prætermittit, mortaliter peccat, quia fidem, quam cum Deo iniecit, frangit „ „. Interdum tamen contingit, ut violatio voti veniale duntaxat peccatum sit ob materiæ levitatem, si contemptus absit.

REGULA VII.

Votum absolutum absque mora implendum est ; votum autem conditionatum , aut ad certum tempus emissum , impleta conditione , ac statuto tempore solvi debet. Unde mora in reddendo voto , cum illud impleri commode potest , grave peccatum est.

Hæc Regula Scripturæ sacræ verbis , & *S. Thomæ* doctrina nititur , 2. 2. qu. 88. art. 3. ad tertium. „ Obligatio voti (*inquit*) ex propria voluntate , & intentione causatur. Unde dicitur Deut. 23. *Quod semel egressum est de labiis tuis , observabis ; & facies , sicut promisisti Domino Deo tuo , & propria voluntate , & ore tuo locutus es. Et ideo : Si in intentione , & voluntate voventis est obligare se ad statim solvendum , tenetur statim solvere ; si autem ad certum tempus , vel sub certa conditione , non statim tenetur solvere ; sed nec debet tardare ultra quam intendit se obligare. Dicitur enim ibidem : Cum votum voveris Domino Deo tuo , non tardabis reddere ; quia requirit illud Dominus Deus tuus. Et si moratus fueris , reputabitur tibi in peccatum* „

Id rursus confirmat *S. Thomas* , in 4. Sententiarum , dist. 38. qu. 1. art. 2. quæstiunc. 1. ad septimum : „ Si quando (*inquit*) quis vovit , puta , se intraturum religionem , intendebat se ad statim obligare ,

pus, cum tamen commode possint, & memores sint voti nuncupati; nimia autem mora sit, ut e memoria excidat, vel impotentes reddantur ad votum solvendum, ut senes ad longam peregrinationem. Ut autem voti redditio legitime differatur, ad Superioris auctoritatem confugiendum est. Debet autem Superior, id est summus Pontifex, vel Episcopus, attendere ad impedimenti causam, an illa temporalis sit, an perpetua. Et iis quidem, qui perpetuam impedimenti causam creduntur habere, est *Redemptio injungenda*, seu commutatio, aut dispensatio concedenda. Illis vero, qui temporalem, *indulgenda est dilatio*, ut respondet *Innocentius III.* cap. *Quod super his*, Extra, *De Voto*, & *voti redemptione*.

REGULA VIII.

Qui ad votum implendum factus est impotens, facere debet, quod potest; alioqui lethaliter peccat, quoties agit contra votum in eo, quod potest implere.

Hanc Regulam tradit *S. Thomas*, 2. 2. qu. 88. art. 3. in responsione ad secundum: „ Si illud, quod quis vovit, ex quacunque alia causa impossibile reddatur, debet hoc facere, quod in se est, ut saltem habeat promptam voluntatem faciendi quod potest. Unde ille, qui vovit monasterium aliquod intrare, debet dare operam, quantum potest, ut ibi recipiatur. Et si quidem intentio ejus fuit se obligare ad religionis ingressum principaliter, & ex consequenti elegit hanc religionem, vel hunc locum, quasi sibi magis congruentem, tenetur, si non potest ibi recipi, aliam religionem intrare. Si autem principaliter intendit se obligare ad hanc religionem, vel ad hunc locum, propter specialem complacentiam hujus religionis, vel loci, non tenetur alibi religionem intrare, si eum illi recipere nolunt. Si vero incidit in impossibilitatem implendi votum ex propria culpa tenetur insuper de propria culpa præterita po-
nister.

414 Theol. Dog. & Moral. Lib. IV.

nitentiam agere. Sicut mulier, quæ vovit virginitatem, si postea corrumpatur; non solum debet servare, quod potest; scilicet perpetuam continentiam; sed etiam de eo, quod admittit, peccato poenitere „[„]“
Sic dives qui vovit se uberes eleemosynas erogaturum, ad paupertatem postea redactus eleemosynam erogare debet, quam potest, pro rei familiaris angustia. Et qui plura, & diuturna jejunia vovit sanus, & robustus, si debilis, & infirmus evadat; jejunare, aut sibi temperare debet a cibo, & potu pro viribus. Atque in similibus casibus ad Superioris arbitrium, & auctoritatem recurrendum, *S. Antoninus* docet. Sic qui abstinentiam a vino; aut a certis cibis in perpetuum vovit, si vinum biberit, aut cibos illos attigerit semel aliqua die; tenetur nihilominus reliqua die a cibus illis, & vino abstinere; & toties peccat mortaliter, quoties cibos illos attingit, aut vinum bibit. Si certa die abstinentiam illam se observaturum vovit, ut feria sexta, vel sabbato, violato semel voto per ciborum degultationem, aut per vini potationem; tenetur etiam reliqua die temperare, & toties peccatum mortale committit, quoties cibos illos comedit, aut vinum bibit. Si vero ad certum diem votum suum non determinaverit, sed semel, aut bis se jejunaturum, aut a vino temperaturum voverit; si ea die, qua votum implere decreverat, semel vinum bibit, aut cibos jejunii diebus vetitos attingit, votum vio-

forme iudicium habere non possunt; nec tamen si contingit aliquid in aliquo casu esse malum, propter hoc iudicandum est esse simpliciter illicitum; posset ergo contingere aliquis casus, in quo aliquem adolescentem ad religionem obligare, vel etiam recipere, illicitum esset; puta, si constaret, vel probabiliter timeretur de ejus inconstantia; vel si quid aliud esset hujusmodi, quæ diligenter considerantur in religionibus bene institutis. Dicere autem, quod malum est recipere adolescentes ad religiones, est diabolicum „ „. Addit, id esse *contra Christi præceptum*. Dicitur enim Matth. 19. quod *Oblati sunt ei parvuli, ut manus eis imponeret, & oraret*: Discipuli autem increpabant eos: Jesus autem ait: *Sinite parvulos, & nolite prohibere eos venire ad me*. At secundum diversam conditionem juvenum in eo negotio procedendum *S. Thomas* docet. „ Si enim essent adeo firmi, quod non timerent a religionis proposito resilire, non esset necessarium eos juramento, vel voto obligare; & similiter si essent adeo mobiles, quod nec etiam crederentur juramento, vel voto posse firmari; sed ut plurimum contingit, quod simplex propositum de facili mutant, obligationem autem voti, vel juramenti omnino servant. Unde cum voto, vel juramento ad frugem melioris vitæ obligantur, magnum beneficium eis præstatur „ „.

Addidi, non esse inducendos ad statum religiosum amplectendum, nisi servatis debitis circumstantiis; quia nec ante annum probationis omnino elapsum, & completum admittendi sunt, nec ante annum ætatis decimum sextum completum, alioqui professio eorum, ac vota irrita essent, secundum *Innocentii* S-ff 253
cap. 16.
IV. aliorumque Pontificum, & Concilii Trid. Decreta. Non sunt etiam cogendi, aut malis artibus, falsive rationibus, aut blanditiis pertrahendi, sive decipiendi, ut monasterium ingrediantur; gravis enim peccati rei sunt, qui id faciunt, sive parentes, ut familias suas exonerent, aliosque filios, aut filias melius collocent, ac opibus augeant; sive monachi aut

Cap. 18.
Sess. 25.

moniales, ut parentum cupiditati gratificentur, re-
bique suis consulant. Qui autem aliquam mulierem,
seu virginem, seu viduam, vi, aut metu coegerint
ad ingrediendum monasterium, vel ad suscipiendum
habitum cujuscunque Religionis, vel ad emittendam
professionem; quique consilium, auxilium, vel favo-
rem dederint, quique scientes eam non sponte in-
gredi monasterium, aut habitum suscipere, aut pro-
fessionem emittere, quovis modo eidem actui, vel
præsentiam, vel consensum, vel auctoritatem inter-
posuerit, sacræ Synodi Tridentinæ Decreto anathe-
mati subjiciuntur, cujuscunque conditionis fuerint,
tam Clerici, quam Laici, Seculares, vel Regulares
etiam qualibet dignitate fulgentes.

Hanc moralis christianæ regulam, in cujus ex-
plicatione versamur, iterum explicat *S. Thom.* 2. 2.
qu. 89. art. 9. „ „ Inducentes alios ad religionem
(*inquit*) non solum non peccant, sed magnum præ-
mium merentur. Dicitur enim Jacobi ultimo: *Qui*
converti fecerit peccatorem ab errore via sue, salva-
bit animam ejus a morte, & operit multitudinem pecca-
torum. Et Danielis 12. dicitur: *Qui ad justitiam eru-*
diunt plurimos, erunt quasi stella in perpetuas æterni-
tates. Posset tamen contingere circa hujusmodi in-
ductionem triplex inordinatio. Primo quidem, si
violenter aliquis alium ad religionem cogeret. Se-
cundo, si quis simoniace alium ad religionem tra-

REGULA X.

Qui voto, vel juramento adulta ætate, sponteque emisso, ad statum religiosum amplectendum se obstrinxerint, illum amplecti, seu monasterium ingredi, ac religiosum habitum suscipere tenentur.

Ita docet *S. Thomas*, eodem Quodlib. quæst. 5. art. 2. „„ Dicere (*inquit*) quod illi, qui voto, vel juramento sunt obligati ad intrandam religionem, non teneantur intrare, est manifesto hæreticum. Quicumque enim dicit non esse peccatum id, quod est contra præceptum Dei, hæreticus judicatur; sicut hæreticus judicaretur, quicumque diceret, quod fornicatio simplex non sit peccatum mortale; est enim contra hoc præceptum: *Non machaberis*, ut Sancti exponunt. . . Sunt autem excellentiora præcepta primæ tabulæ, quæ ordinantur ad dilectionem Dei, quam præcepta secundæ tabulæ, quæ ordinantur ad dilectionem proximi; unde quicumque dicit, quod sine peccato præteriri possit aliquid pertinens ad præcepta primæ tabulæ, est manifeste hæreticus; cum autem impletio voti pertineat ad patriam, manifestum est, quod quicumque dicit votum non esse implendum, loquitur contra primum præceptum primæ tabulæ, quod est de cultu patriæ soli Deo exhibendo. Qui vero dicit, juramentum non esse implendum, loquitur contra secundum præceptum primæ tabulæ; unde quicumque dicit, quod ille, qui est obligatus voto, vel juramento ad intrandam religionem, potest absque peccato in seculo remanere, est manifeste hæreticus; si tamen in hoc pertinaciter perseveret „„ Est autem hæresis illa inter errores *Vigilantiæ* damnata, quam *S. Hieron.* libro adversus illum edito sic refellit: „„ Quod autem asserit: Eos melius facere, qui utuntur rebus suis, & paulatim fructus possessionum pauperibus dividunt, quam illos, qui possessionibus venundatis simul omnia largiuntur, non a me ei, sed a Domino respondebitur: *Si vis esse perfectus, vade, & vende omnia, quæ habes, & da pauperibus,*

peribus, & veni sequere me. Iste, quem tu laudas, secundus, aut tertius gradus est, quem & nos recipimus, dummodo sciamus prima secundis, & tertiis præferenda „ „.

R E G U L A X I.

Peccatoribus religiosæ vitæ professionem imperare, aut poenitentiam imponere non licet; ad id tamen vitæ genus ipsos invitare, & adhortari, licitum, ac laudabile est.

Hanc Regulam tradit *S. Thom.* Quodlibeto 3. qu. 5. art. 3. „ „ Maxime (*inquit*) utile est peccatoribus, ut ad religionem transeant. Peccatoribus enim duo sunt necessaria ad salutem; primo quidem, ut de peccatis præteritis poenitentiam agant; secundo, ut de cætero a peccatis abstineant; ad utrumque autem horum maxime operatur religio. Primo enim status religionis est status perfectæ poenitentiae; & nulla satisfactio adæquari potest poenitentiae Religiosorum, qui se & sua totaliter Deo dant. Unde pro nullo peccato imponi potest homini pro poenitentia, ut Religionem intret; & in commutationem satisfactionis, quantumcunque gravis, consulitur tantum religionis ingressus; ut patet 33. qu. 2. cap. *Admonere*, ubi Stephanus Papa quemdam, qui uxorem interfecerat, inducit, ut ingrediatur monasterium, & humiliatus sub manu Abbatis cuncta observet, quæ sibi fuerint imperata; alioquin injungit ei gravissimam poenitentiam, si eligit in seculo remanere. . . Similiter etiam ad vitanda peccata plurimum valet religionis status; difficile enim est, quod in seculo commorantes a rebus mundi non alliciantur. . . Unde manifestum est, quod non peccant, sed laudandi sunt, qui peccatores ad religionem trahunt. Nam & Dominus de seipso dicit: *Non veni vocare justos, sed peccatores, ad poenitentiam.* „ „. Et *Matthæum* Publicanum ad statum perfectionis vocavit. Omnis autem Christi actio nostra est instructio: ergo etiam & nos,
pec-

Matth. 9.

peccatores ad vitæ religiosæ professionem hortari possumus, ac debemus.

R E G U L A XII.

Lethalis peccati reus est, qui aliquem juramento adstringit, ne vitam religiosam profiteatur, aut ab ingressu monasterii, & religiosæ vitæ professione, positis debitis circumstantiis, facienda prohibet, vel avertit.

Hanc moralis christianæ regulam tradit *S. Joan. Chrysost.* lib. 3 *adversus Vituperatores vitæ monasticæ*, cap. 19. parentes reprehendens, qui filios a religiosæ vitæ professione avertunt, & vitæ seculari implicant „ „ Et si (*inquit*) domi remorantes possibile esset non penitus corrumpi, & perire, sed vel inter extremam electorum sortem numerari, ne sic quidem supplicia evadere possemus; cum & his, qui ad diligentioris delectum vitæ properant, impedimento fuisset, & eos mundanis rebus obligatos teneamus, qui ad cælum evolare cupiunt, atque in auras veræ libertatis emergere. Cum vero de extremis periculum immineat, quam tandem veniam, quam excusationem habebimus, qui non modo nostrorum peccatorum, sed eorum etiam, quæ postea filii peccaverint, poenas in nosmetipsos acerbissimas attrahimus? Neque enim eos ita punitum iri existimo pro his, quæ deliquerint ad mundanos fluctus violenter attracti, ut vos, qui hanc invitatis illis, & renitentibus necessitatem imposuistis. Nam si ei, qui unum scandalizet, cum mola in mare præcipitari expedit; quæ tandem poena, qui cruciatus illis satis erunt, qui lævitiam tantam, & immanitatem in liberos proprios ostendunt? Neque dicere debetis: Cum videremus eos ad finem pervenire non posse, istud prohibuimus. Etiam si enim hoc apertissime novisses, nec esset ista fallax conjectura, ne sic quidem illum ab instituto retrahere debueras. Neque enim si quem cadere incipientem, anticipantes lapsum ipsi præcipitaremus; id nobis ad excusa-

Matth. 18.

tionem satis esset, sed ipsum hoc nos in primis condemnaret. Ut quid enim tu non permisisti illius magis negligentia ruinam illam contingere, sed præveniens alterius peccatum rapuisti, cunctaque in tuum caput coniecisti? Quin imo ne permittere quidem, ut ea ruina contingeret, debebas. Cur enim non omnia fecisti, ne rueret filius tuus? Itaque idcirco maxima animadversio dignus es, quod sciebas ruiturum. Qui enim ruinam præsciebas, non illam deicere, sed manum porrigere debueras, studiumque maximum ostendere, ut is, qui ruiturus videbatur, fortiter persisteret, sive ille postea fortiter stare duraret, sive non. Nos enim cuncta partium nostrarum munera exequi, atque implere convenit, etiamsi nihil ex nostra diligentia, & studio fuerint lucrati; ut non jam adversum nos Deus sententiam ferat, sed adversus illos. Quod & ipse eum, qui talento accepto nihil operatus fuerat, criminatus dicebat; *Oportebat te pecuniam meam deponere ad nummularios, & ego veniens cum fenore exegissem illam.* Obtemperemus igitur ista monita edenti, ut cruciatus, quos ille comminatus est, effugere possimus. Neque enim sane Deum cum hominibus ludere putaverimus, qui ubique salutis filiorum reos parentes constituit. Nam si is, qui pecuniam deponere neglexit, tanta severitate punitus est; quid ille patietur, qui deponere volentibus impedimento fuit? Non solum enim si ad mundi

Ab Angelico Doctore hæc Regula confirmatur loco mox indicato, art. 4. „ „ In actibus humanis (*inquit*) non est aliquid simpliciter judicandum licitum, vel illicitum, propter id, quod accidit in aliquo particulari casu, sed propter id, quod est, ut in pluribus. Contingit autem in aliquo casu, quod absque peccato aliquis potest adstringere aliquem juramento ad hoc, quod Religionem non intret, puta, si esset matrimonio ligatus, & vellet absque consensu uxoris Religionem intrare, vel in casibus similibus. Simpliciter autem loquendo inducere aliquem ad jurandum, quod Religionem non intret, grave est peccatum. Si enim aliquis vellet Religionem intrare, & immineret opportunitas temporis, & omnes circumstantiæ convenirent, graviter peccaret, qui eum ab ingressu Religionis prohiberét. Unde Dominus *Matth. 23.* ait; *Vae vobis Scribæ, & Pharisei hypocritæ, quia clauditis regnum celorum ante homines; vos enim non intratis, nec introeuntes sinitis intrare.* Cum autem aliquis facit aliquem jurare, quod Religionem non intrabit, impedit eum, quantum in se est, ab ingressu Religionis secundum quodcunque tempus, & secundum quamcunque circumstantiam opportunam; quia in universali includuntur omnia particularia; unde manifestum est, quod graviter peccat „ „.

Præterea: „ „ Propositum intrandi Religionem a Spiritu sancto est, ut habetur causa 19. qu. 2. *Can. Duæ*; Sed resistere Spiritui sancto est grave peccatum; de quo Stephanus reprehendit Judæos, *Actuum 7.* dicens: *Vos semper Spiritui sancto resistitis.* Ergo ille, qui aliquem juramento adstringit ad non intrandam Religionem graviter peccat „ „. Hinc sacra Synodus Tridentina *Sess. 25. cap. 18.* „ Anathemati subjicit eos, „ qui sanctam virginum, vel aliarum mulierum voluntatem veli accipiendi, vel voti emittendi quoquo modo sine justa causa impederint „. Qui vero alterum ab ingressu, vel professione Religionis avocat ex justa causa, non peccat; nempe si conjugatus consummato matrimonio velit monasticam vitam

amplecti sine consensu conjugis ; si quis non videtur a Deo vocatus , & ad hoc vitæ institutum idoneus , si in monasterio , in quo vult recipi , non servatur regularis disciplina ; si Reipublicæ , vel parentum necessitas postulet , ut in seculo maneat.

Sed nec alicui jurare licet , se nunquam religiosam vitam amplecturum , aut votum castitatis emissurum ; & hujusmodi juramenta non solum illicita , sed & irrita sunt , ut docet ibidem *S. Thom.* objectioni respondens : „ „ Quamvis (*inquit*) licitum sit ab aliquo bono opere abstinere , tamen illicitum est , vel sibi , vel alii impedimentum apponere , quo minus in illud bonum opus procedere possit ; sicut licitum est non dare eleemosynam huic pauperi , illicitum tamen est se , vel alium juramento adstringere ad hoc , quod alicui eleemosyna non detur. Cujus ratio est ; quia prætermittere actum virtutis potest aliquis absque peccato (eo quod præcepta affirmativa , quæ sunt de actibus virtutum , non obligant ad semper) sed impedimentum boni operis directe virtuti contrariatur ; & ideo cadit sub prohibitione præcepti negativæ , quod obligat ad semper , unde omnia talia juramenta sunt illicita , nec sunt observanda ; & illi , qui hoc jurant , jurando perjuri fiunt , quia juramentum hominem obligare non potest contra charitatem Dei , & proximi. Unde quamvis licitum sit alicui Religionem non intrare ; illicitum tamen est impedimentum juramenti

De primo Decalogi præcepto. 423

causa proxima damnorum hinc emergentium , non secus , ac ille , qui vi , aut dolo spoliaret Ecclesiam bonis ad eam verisimiliter accessuris. Ad compensationem itaque tenetur secundum æstimationem , & iudicium viri prudentis ; sicut ille , qui iniuste ; „ Impedit , ne Præbenda detur digno , consulens , quod non detur , antequam sit firmatum , quod ei detur , tenetur ad aliquam compensationem , pensatis conditionibus personarum , & negotii „ „ , ut docet *S. Thom.* 2. 2. qu. 62. art. 2. Qui & generalem hanc Regulam tradit art. 4. „ „ Si quis damnificet aliquem impediendo , ne adipiscatur , quod erat in via habendi . . . tenetur aliquam compensationem facere secundum conditionem personarum , & negotiorum „ „ . Ad compensationem autem illam necesse non est , ut ipse monasterium ingrediatur , vitamque religiosam profiteatur ; sed vel alium æque idoneum opportunitate data , servatisque debitis circumstantiis , invitare debet , atque adducere , ut in eodem ordine , ac monasterio se Deo devoteat , vel fundatione aliqua , eleemosynis , vel officiis illatum damnum compensare , si homini , quem ab habitus religiosi susceptione , aut professione abduxit , reditum suadere non valet.

R E G U L A XIV.

Qui religiosam vitam professus est in monasterio , ubi regulæ strictior observantia non viget , ad id duntaxat vitæ genus se obligare volens , quod ibi agitur ; nihilominus tenetur ea , quæ substantiam regulæ , seu tria vota præcipua spectant , ad amissim observare. Ad alias vero observantias non obligatur , quamdiu Superiorum dissimulatione relaxatio disciplinæ toleratur in iis , quæ regula , vel Constitutiones non præcipiunt.

Votum enim solemne religionis positum est in professione regulæ a Sede apostolica approbatæ : Sedes autem apostolica nusquam approbat , imo nec tolerat disciplinæ regularis relaxationem , quoad

ea, quæ trium votorum observantiam spectant: „ Quia
 „ abdicatio proprietatis, sicut & custodia castitatis
 „ adeo est annexa regulæ monachali, ut contra eam
 „ nec summus Pontifex possit licentiam indulgere „;
 ut declarat *Innocens. III. cap. Cum ad monasterium*,
Ext. De statu monachorum: idemque confirmat sacra
 Synodus Tridentina Sess. 25. *De Regularibus*, cap. 1.
 „ „ Sancta Synodus præcipit, ut omnes regulares, tam
 viri, quam mulieres, ad regulæ, quam professi sunt,
 præscriptum vitam instituant, & componant, atque
 imprimis, quæ ad suæ professionis perfectionem,
 ut obedientiæ, paupertatis, & castitatis, & si quæ
 alia sunt alicujus regulæ, & ordinis peculiaris vota,
 & præcepta, ad eorum respective essentiam, nec non
 ad communem vitam, victum, & vestitum, obser-
 vanda pertinentia, fideliter observent; omnisque cu-
 ra, & diligentia a Superioribus adhibeatur tam in
 capitulis Generalibus, & Provincialibus, quam in eo-
 rum Visitationibus, quæ suis temporibus facere non
 prætermittant, ut ab illis non recedatur; cum com-
 pertum sit, ab eis non posse ea, quæ ad substantiam
 regularis vitæ pertinent, relaxari; si enim illa, quæ
 bases sunt, & fundamenta totius regularis disciplinæ
 exacte non fuerint conservata, totum corruat ædi-
 ficiū necesse est „ „

Idem confirmat *S. Thom.* in 4. *Sententiarum*, dist.
 38. qu. 1. art. 2. quæstiuncula 1. in responsione ad

De primo Decalogi præcepto. 425

& religiose servandam tenentur, cum ab Episcopis, aliisque Superioribus legitimis imperatur, & imponitur; in lethalis alioquin peccati reatum incurrunt.

Hæc Regula nititur Constitutione Bonifacii VIII. De Clausura Monialium. quæ incipit *Periculoso*, in Sexto, tit. 16. „ Præfenti (*inquit*) Constitutione perpetuo irrefragabiliter valitura, sancimus, universas, & singulas moniales præfentes, atque futuras, cujuscunque Religionis sint, vel Ordinis, in quibuslibet mundi partibus existentes, sub perpetua in suis monasteriis debere de cætero permanere Clausura; ita quod nulli earum Religionem tacite, vel expresse professæ sit, vel esse valeat, quacunque ratione, vel causa (nisi forte tanto, & tali morbo evidenter earum aliquam laborare constaret, quod non posset cum aliis absque gravi periculo, seu scandalo commorari) monasteria ipsa deinceps egrediendi facultas; nullique aliquatenus inhonestæ personæ, nec etiam honestæ (nisi rationalis, & manifesta causa existat, ac de illius, ad quem pertinuerit, speciali licentia) ingressus, vel accessus pateat ad easdem; ut sic a publicis, & mundanis conspectibus separatæ, omnino servire Deo valeant liberior, & lasciviendi opportunitatē sublata, eidem corda sua, & corpora in omni sanctimonia diligentius custodire. . . Et quoniam parum esset condere jura, nisi essent, qui ea executioni debitæ demandarent, Patriarchis, Primatibus, Archiepiscopis, & Episcopis universis districte in virtute sanctæ obedientiæ sub obtestatione divini judicii, & interminatione maledictionis æternæ præcipiendo mandamus, quatenus eorum quilibet in civitate, ac diocesi propria, in monasteriis monialium sibi ordinario jure subjectis, sua, in iis vero, quæ ad Romanam immediate spectant Ecclesiam, Sedis apostolicæ auctoritate; Abbates vero, & alii tam exempti, quam non exempti Prælati Ecclesiarum, Monasteriorum, & Ordinum quorumcunque in monasteriis hujusmodi sibi subjectis, de Clausura convenienti, ubi non est, ipsorum

Monasteriorum expensis , & fidelium eleemosynis , quas ad hoc procurent diligentius faciendas , & de ipsis monialibus includendis , quamprimum commode poterunt , providere procurent , si divinæ , & nostræ indignationis voluerint acrimoniam evitare ; contradictores , atque rebelles per Censuram ecclesiasticam , appellatione postposita , compescendo ; invocato ad hoc , si opus fuerit , auxilio brachii secularis „ „.

Hanc *Bonifacii VIII.* Constitutionem confirmat Concilium Tridentinum Sess. 25. *De Regularibus*, cap. 5. „ „ Bonifacii VIII. Constitutionem (*inquit*) quæ incipit , *Periculoso* , renovans sancta Synodus , universis Episcopis , sub obtestatione divini judicii , & interminatione maledictionis æternæ præcipit , ut in omnibus monasteriis sibi subiectis , ordinaria , in aliis vero Sedis apostolicæ auctoritate , Clausuram monialium , ubi violata fuerit , diligenter restitui . & ubi inviolata est , conservari maxime procurent ; inobedientes , atque contradictores per Censuras ecclesiasticas , aliasque poenas , quacunque appellatione seposita , compescentes , invocato etiam ad hoc , si opus fuerit , auxilio brachii secularis . Quod auxilium ut præbeatur , omnes christianos Principes hortatur sancta Synodus , & sub excommunicationis poena , ipso facto incurrenda , omnibus magistratibus secularibus injungit . Nemini autem Sanctimonialium liceat post professionem exire e monasterio , etiam ad breve

quæ incipit, *Decori, & honestati*, data die prima Februarii anni 1570. & *Gregor. XIII.* Constitutione, quæ incipit, *Deo sacris*, data die 30. Decembris. anni 1572. Concilia provincialia, quæ secundum Concilii Tridentini Decretum, & Pontificias Constitutiones mox laudatas Clausuræ observantiam monialibus imperarunt, recensere minime opus est Rothomagensis anno 1581. sub Cardinale Borbonio Archiepiscopo celebratum, dubium istud summo Pontifici *Gregorio XIII.* proposuit: „ Circa Decretum de Clausura monialium, sunt, quæ ex fundatione dicunt liberum sibi relinqui exitum, & introitum monasterii; aliæ prætexunt se non emisisse votum Clausuræ, nec unquam ingressuras monasterium, si audissent ullam fuisse clausuræ obligationem; pleræque minantur se potius reversuras ad seculum, quam patiantur eandem clausuram, & per parentes nobiles necem etiam Episcopis intentant, si ausi fuerint ingressum prohibere. In his perplexitatibus supplicatur, quid agendum, maxime ubi timetur, ne per Clausuram aliquid deterius contingat, & Magistratus secularis non adjuvet. Respondit Pontifex: Executioni demandentur Decreta Concilii Tridentini, & Bullæ summorum Pontificum, quibus sublata sunt omnia privilegia, & fundationes „ „

R E G U L A X V I.

Qui dubitat, an votum emiseric, illud implere tenetur.

Hanc Regulam approbat *S. Thom.* in 4. Sententiarum, dist. 38. qu. 1. art. 2. quæstiunc. 1. in responsione ad sextam objectionem: „ Si autem dubitet „ (*inquit*) quomodo se in votendo habuerit, debet „ tutiorem viam eligere, ne se discrimini committat „ Sed tamen de huiusmodi votis, etiam si sint in materia reservata, dispensare potest Episcopus; sola enim vota certa, & indubitata in materia reservata summi Pontificis dispensatione indigent.

R E G U L A X V I I .

Qui dubitat, an actus aliquis voto a se facto repugnet, ab illo tenetur abstinere; alioqui lethaliter peccat.

Exponit enim se sciens volens periculo peccati mortalis. *Qui autem amat periculum, in illo peribit.* Idque S. Antoninus confirmat P. 2. tit. 11. cap. 2. §. 10. „ „ Existens (*inquit*) in dubio an transgrediatur votum, & per consequens peccet mortaliter, tenetur se ponere in tuto, ut scilicet votum non transgrediatur „ „ Unde qui certa jejunia vovit, & dubitat an illa observare possit sine periculo gravis infirmitatis, tenetur illa protrahere in alium diem, vel in alia pietatis opera commutare auctoritate Superioris; (*inquit* idem S. Archipræsul.)

R E G U L A X V I I I .

Religiosa professio tam virorum, quam mulierum ante decimum sextum ætatis annum expletum, & annum probationis pariter continuum pariterque completum facta, irrita est.

Ita statuit Concilii Trident. Sessio 25. *De Regulis* *ribus*, cap. 15. Idemque Regia Constitutione Blesis edito art. 28. sancitum est. Unde si, vel pauce defint horæ ad anni complementum, quamvis ultima

dit, ut anni complementum omni ex parte requiratur, nimirum, ut Ordo religiosus probet mores Novitii, hic vero austeritatem, sive observantias religiosi Ordinis. Favor (inquam) est Novitii, ut deliberandi libertas, seque jugo monastico alligandi daret ad ultimum usque temporis articulum, quod facris Canonibus præscriptum est. Favor etiam est religiosorum ordinum, quorum interest spontaneos habere milites, quique solido anno deliberantes, firmo proposito illis tandem se devoteant: *Ne quis eorum aut non sit contentus eo, quod vovit, aut ratum non habeat, quod elegit*, ut dicitur Canone *Monasteriis*, causa 19. qu. 3. ex *S. Greg.* Ut enim habetur cap. *Non solum*, tit. *De Regularibus*, in sexto; „Decet, & expedit, ut conscientiarum puritati non desit iudicium rationis; ne unde spiritalis profectus quaeritur, salutis dispendium subsequatur „

Et si vero *S. Pii V.* Privilegio Dominicanis monialibus indultum sit, ut Novitias in mortis articulo constitutas ad professionem admittant, modo legitimæ sint ætatis, nondum completo probationis anno; ut habetur in *Diplomate*, quod incipit, *Summi Sacerdotis cura*; atque sic Professæ Indulgentias, aliasque gratias spirituales consequantur; illud tamen indultum a *Gregorio XIII.* ad terminos juris communis reductum est. Constitutione, quæ incipit, *In tanta*; ac proinde si Novitia sic professæ convalescat, non censetur alligata religioni, nisi completo probationis anno solemnem professionem rursus emittat.

REGULA XIX.

Vota simplicia ante pubertatis annos emissa, irrita sunt, nisi rationis usus pubertatem præcesserit, parentisque, vel tutores promississent, aut certe de voto certiores facti, non repugnaverint.

Ut enim docet *S. Thom.* 2. 2 qu. 88. art. 9. „Votum simplex efficaciam habet ex deliberatione animi, qua quis se obligare intendit. Quod autem ta-

his obligatio robur non habeat, dupliciter potest contingere; uno quidem modo propter defectum rationis sicut patet in furiosis, & amentibus, qui se voto non possunt obligare ad aliquid, dum sunt in furia, vel amentia; alio modo, quia ille, qui vovet, est alterius potestati subiectus. Et ista duo concurrunt in pueris ante annos pubertatis, quia & patiuntur rationis defectum, ut in pluribus; & sunt naturaliter sub cura parentum, vel tutorum, qui sunt eis loco parentum; & ideo eorum vota ex duplici causa robur non habent. Contingit tamen propter naturæ dispositionem, quæ legibus humanis non subditur, in aliquibus, licet paucis, accelerari rationis usum, qui ob hoc dicuntur doli capaces. Nec tamen propter hoc in aliquo eximuntur a cura parentum, quæ subiacet legi humanæ, respicienti ad id, quod frequentius accidit. Est ergo dicendum, quod si puer, vel puella ante pubertatis annos nondum habeat usum rationis, nullo modo potest ad aliquid se voto obligare. Si vero ante pubertatis annos attigit usum rationis, potest quidem, quantum in ipso est, se obligare; sed votum ejus potest irritari per parentes, quorum curæ remanet adhuc subiectus. Quantumcunque tamen sit doli capax, ante annos pubertatis non potest obligari voto solemni religionis, propter Ecclesiæ statutum, quod respicit id, quod in pluribus accidit. Post annos autem pubertatis pos-

De primo Decalogi præcepto 431

R E G U L A X X.

Vota sine plena libertate , ac deliberatione facta , nullatenus obligant , sed penitus irrita sunt.

N ititur hæc regula non solum ipsa definitione voti, quod est deliberata promissio , sed *Celestini III.* responso, cap: *Cum simus*, Ext. *De Regularibus*. Homo quidam obtulerat se monasterio cum bonis suis , & filio impubere ; sed filius monasticæ vitæ pertæsus ; cum ad annos pubertatis pervenisset, e monasterio exivit , paternaque bona postulavit. Rogatus Pontifex quid facto esset opus , respondit : „ Si dictus puer ad annos discretionis pervenerit , & habitum retinere noluerit monachalem ; si ad hoc induci nequiverit , non est ullatenus compellendus , quia tunc liberum sibi erit eum dimittere , & bona paterna , quæ ipsi ex successione proveniunt , postulare „ „

Id confirmat *Innoc. III.* cap. *Sicut tenor*, sub eodem tit. „ Si (*inquit*) eodem tempore , quo Sacerdos latior præsentium , positus extra mentem asseritur , indutus fuit habitu monachali ; cum alienatus non sentiat , ac per hoc non valeat consentire , eum denuntietis ab observatione monastici Ordinis absolutum , nisi postquam mentis suæ factus est compos , spontanea voluntate professionem fecerit monachalem „ „

Quocirca Concilium Tridentinum Sess. 25. *De Regularibus* , cap. 17. „ „ Libertati professionis virginum Deo dicandarum prospiciens , statuit , ac decernit , ut si puella , quæ habitum regularem suscipere voluerit , major duodecim annis sit. non ante eum suscipiat , nec postea ipsa vel alia professionem emitat , quam exploraverit Episcopus , vel eo absente , vel impedito , ejus vicarius , aut aliquis eorum sumptibus ab eis deputatus , virginis voluntatem diligenter , an coacta , an seducta sit , an sciat , quid agat : & si voluntas ejus pia , ac libera cognita fuerit , habueritque condiciones requisitas juxta monasterii il-

Tom. VIII.

E o

lius ,

lius, & Ordinis regulam, nec non monasterium fuerit idoneum, libere ei profiteri liceat „ „.

Epistola ad
Rusticum
Narbonen-
sem Episco-
pum.

Quamvis porro Canonibus quibusdam sancitum sit, ut pueri a parentibus monasterio oblati, & religioso habitu induti, in eo perseverent, ipsisque redditus ad seculum interdicatur, ut constat ex Canone 48. Concilii Toletani 4. ex Canone 55. ejusdem, & ex Concilio Toletano 10. Canone 6. subintelligenda tamen est in illis Canonibus conditio, si nimirum pueri illi adulta ætate paternæ devotioni consensum præbuerint, & professionem vitæ religiosæ libere fecerint. Quem consensum & in iis, quos voluntas parentum a primis infantiae annis Clero mancipaverat, ex Ecclesiæ disciplina expeditum fuisse, constat ex Concilii Toletani secundi, Canone primo. Eademque disciplinam quoad sacrarum virginum professionem præscripsit *S. Basilus*, Epistolæ ad *Amphilochium* c. 18. Hinc *S. Leo* puellas, quæ suscepto virginitatis habitu nuptias elegerint, ita demum violati voti reas pronuntiat, si *Non coactæ parentum imperio, sed spontaneo judicio virginitatis propositum*, atque habitum susceperunt. Idque confirmat Synodus habita ab *Eugenio II.* Pontifice maximo, Canone 22. & relato Canone *Sicut*, causa 20. qu. 2. „ „ Sicut (*inquit*) qui monasteria elegerunt, a monasteriis egredi non permittuntur: ita hi, qui inviti sine justæ offensio- nis causa sunt intromissi, nisi volentes, non tenean- tur: quia quod non volunt, non observant. Ideo

rentibus monasterio tradita, habitum religionis induens, benedictionem accepit; & exiens postmodum se eidam militi copulavit, ad monasterium redire cogatur; Respondet: *Quod* „ Cum juxta Concilii Toletani censuram, monachum aut paterna devotio, aut propria professio faciat; quidquid horum fuerit alligatum, tenebit; revertendi ad seculum aditu penitus interdicto. Non enim videtur illa monasticae professionis a se posse jugum excutere, cum eam non constet evidenter contradixisse, cum benedictionem accepit, quam nonnisi in ætate discretionis recipiunt, quæ velantur; præsertim si ratihabitione secuta (etsi eam quandoque contradixisse constiterit) quod ante gestum fuerat, roboratur. Nec obloquitur, quod de Prædecessoris nostri Leonis Papæ Constitutione per contrarium sensum sumitur; ut puellæ, quæ coactæ parentum imperio virginitatis habitum susceperunt; ipsum possent sine prævaricatione deferere; cum de ea recte possit intelligi, quæ in ætate nubili noscitur constituta: Tunc enim, quia liberum habet arbitrium in electione propositi, sequi parentum non cogitur voluntatem „ „:

REGULA XXI.

Vota ex metu a causa extrinseca, & libera illato, atque in virum constantem cadente facta, ipso jure irrita sunt, si metus ad extorquendum votum incussus fuerit.

Ubicumque enim requiritur liber consensus, non valet actus, si metus intercesserit; in voto autem liber consensus necessarius est, cum res sit consilii, non præcepti. Unde *Alexander III.*, cap: *Perla tum*, Ext. *De iis, quæ vi, metusve causa sunt*; de muliere quadam, quæ metu mortis a militibus ex marito imperio inferendæ velum susceperat, viroque defuncto de monasterio egressa alteri nupserrat, hunc in modum respondet: „ Si legitime probatum fuerit, non timore mortis prædictam mulierem religionem intrasse, aut, quod fecit, postmodum ratum habuisse,

434 Theol. Dog. & Moral. Lib. IV.

buisse, ipsam ad monasterium redire, & habitum depositum reassumere. Censura ecclesiastica compellatis „„ Hanc exceptionem addidi; si metus ad extorquendum votum incussus fuerit; alias enim non influit in votum, nec libertatem consensus impedit. Unde si quis, ut evadat ultimum supplicium ob conscientiam scelerum commissorum, aut mortem sibi timens ab inimicis, religiosam professionem emittat, rata ejus professio est, nisi aliud obstiterit, quamvis alias professionem emissurus non fuisset, ut olim declaravit sacra Congregatio Concilii, teste *Fagnano* in cap. *Si quis*, tit. *De Regularibus*, lib. 3. *Decretalium*. Si vero metus a causa naturali, vel interna fuerit incussus, nempe ex morbo, vel tempestate, vel ex consideratione criminum, quæ quis commisit; vota ex hujusmodi metu facta nihilominus rata sunt, quia libertatem non tollit. Idque confirmat *Innocentius III.* cap. *Sicut nobis*, Ext. *De Regularibus*, & *transseuntibus ad religionem*, cujus hæc sunt verba: „„ Quidam Clericus cum ægitudine nimia laboraret, quasi de morte securus, & de recuperanda sanitate desperans, habitum Canonicorum regularium petiit, & accepit; sed nec ad Ecclesiam transiit, nec donis suis uti cessavit, videntibus, & ferentibus Episcopo, & Canonicis, a quibus habitum susceperat regularem... Fraternitati tuæ respondemus: Quod si regularem habitum se postulante suscepit, & ad ob-

De primo Decalogi præcepto. 435

dimittere non possunt tuta conscientia, nisi servata forma in Concilio Tridentino præscripta, & infra quinquennium a die professionis reclamaverint.

In foro enim conscientiae, & sub mortalis peccati reatu obligat lex illa a sacra Synodo Tridentina lata Sess. 25. *De Regularibus*, cap. 19. „ „ Quicumque regularis prætendat, se per vim, & metum ingressum esse religionem, aut etiam dicat, ante ætatem debitam professum fuisse, aut quid simile, velitque habitum dimittere quacunque de causa, aut etiam cum habitu discedere sine licentia Superiorum; non audiatur, nisi intra quinquennium tantum a die professionis, & tunc non aliter, nisi causas quas prætenderit, deduxerit coram Superiore suo, & Ordinario. Quod si antea habitum sponte dimiserit, nullatenus ad allegandam quamcunque causam admittatur; sed ad monasterium redire cogatur, & tanquam apostata puniatur, interim vero nullo privilegio suæ religionis juvetur „ „ Cujus quidem legis finis pax est, & obedientia in monasteriis, & ordinibus religiosis conservanda. Cum enim inter Prælatos regulares, & subditos occasione professionis irritæ perpetua dissidia vigerent, & subditi existimantes professionem suam nullam esse, Prælatorum mandata contemnerent, ac regularem disciplinam non servarent; sacra Synodus pacis, & obedientiæ bono consulens, statuit, ut ex causa professionis irritæ nemini fas esset regularem habitum deferere, nisi infra quinquennium, & causis coram Superiore, & Ordinario probatis. Transgressio porro legis, etiam secluso contemptu, sub peccati mortalis reatu obligat, quando impeditur finis legis, ut docet *S. Thom.* 2. 2. qu. 147. art. 3. ad secundum. Præterea, eos, qui cum intra quinquennium non reclamaverint, & contra formam præscriptam dimisso habitu regulari ad seculum redierint, sacra Synodus puniendos statuit tanquam apostatas; poena autem apostatarum præcipua, si ha-

De Regularium professione, & votis.

bitum dimiserint, est excommunicatio, quæ propter lethale duntaxat peccatum ferri potest.

At (inquies) hujusmodi vota coram Deo irrita sunt, proindeque in foro conscientiæ non obligant. Id etsi concesserimus, non sequitur, eos, qui vota hujusmodi emiserunt, habitum religiosum dimittere posse, & ad seculum redire tuta conscientia, si intra quinquennium non reclamaverint, cum ipsis liberum esset reclamare, vi, metuque sublati, aut adversus lapsum quinquennii restitutionem non obtinuerint à summo Pontifice; non sequitur etiam, eos, sponte jugum excutere posse, causa non acta coram Superiore regulari, & Episcopo; quia Ecclesia ratihabitam ab ipsis præsumit professionem, ex quo per quinquennium in ordine religioso perseverarunt. Unde, ad vitandum scandalum vota implere tenentur, quamvis per se irrita, cum Ecclesiæ judicio rata merito præsumantur. Rejicienda itaque est *Navarri*, & *Sanchez* opinio, assentientium, eum, cujus irrita, & nulla professio est, etiam elapso quinquennio, fugere posse e monasterio, habitumque regularem dimittere, & uxorem ducere tuta conscientia; cum probabilius longe sit opinio contraria, quam propugnant Cardinalis *Cajetanus*, & *Dominicus Soto*, & novissime *Prosper Fagnanus* vir juris Canonici consultissimus, eaque sola tuta sit.

Navarrus
 Consi. 87.
 & 89. Sanchez lib. 7.
 de Matr.
 Disp. 37.
 Num. 9.
 Cajetanus
 2. 2. qu. 88.
 art. 1. Soto
 lib. 7. De
 justitia, &
 jure qu. 1.
 art. 2. Fagnanus in
 6. Si quis
 Ext. De regularibus.

De primo Decalogi præcepto. 437

luntatem, an seducta sit; id enim tantum innuit, nefas esse puellas seducere, ut religiosam professionem emittant; sed tamen hinc non sequitur, seductas non obligari ex professione; cum præsertim omissio explorationis voluntatis professionem irritam non faciat; ut sacra Congregatio declaravit. Recte autem sanctum est, ut bona sic professorum non acquirantur monasterio, tum quia nemo ex dolo suo, & fraude commodum reportare debet; tum quia oblatio bonorum professioni conjuncta contractus quidam est bonæ fidei; contractus autem bonæ fidei ipso jure irriti sunt propter dolum contrahentis, qui contractus causa sit.

Hanc Regulam confirmat Canon *Constituit*, qui Concilii Cabilonensis secundi septimus est, quamvis Moguntino *Gratianus* tribuat; cujus hæc sunt verba: „ „ Constituit sane sacer iste conventus, ut Episcopi, sive Abbates, qui non in fructum animarum, sed in avaritiam & turpe lucrum inhiantes, quoslibet homines circumveniendo totonderunt, & res eorum tali persuasione surripuerunt, poenitentiae canonicæ, utpote turpis lucri sectatores, subiaceant. Hi vero, qui illecti comam deposuerunt, in eo, quod coeperunt, perseverare cogantur; res vero eorum hæredibus reddantur „ „

R E G U L A XXIV.

Quicumque sunt alterius potestati subiecti, vota firma emittere non possunt sine illius consensu, in his, in quibus illi subjiuntur.

Hæc Regula nititur verbo Domini, Numerorum 30. *Mulier (inquit) si quidpiam voverit, & se constrinxerit juramento, quæ est in domo patris sui, & in ætate adhuc puellari; si cognoverit pater votum, quod pollicita est, & juramentum, quo obligavit animam suam, & tacuerit, voti rea erit; quidquid pollicita est, & juravit, opere complebit. Sin autem statim, ut audierit, contradixerit pater; & vota, & juramenta ejus irrita*

ga erunt, nec obnoxia tenebitur sponsioni, eo quod contradixerit pater. Si maritum habuerit, & voverit aliquid, & sequel de ore ejus verbum egrediens animam ejus obligaverit juramento; quo die audierit vir, & non contradixerit, voti rea erit, reddetque, quodcumque promiserat. Sin autem audiens statim contradixerit, & irritas fecerit pollicitationes ejus, verbaque, quibus obstrinxerat animam suam; propitius erit ei Dominus. . . Uxor in domo viri, cum se voto constrinxerit, & juramento, si audierit vir, & tacuerit, nec contradixerit sponsioni, reddet, quodcumque promiserat; sin autem extemplo contradixerit, non tenebitur promissionis rea, quia maritus contradixit, & Dominus ei propitius erit. Si voverit, & juramento se constrinxerit, ut per jejunium, vel carcerarum rerum abstinenciam affligat animam suam, in arbitrio viri erit, ut faciat, siue non faciat. Quod si audiens vir tacuerit, & in alteram diem diffulerit sententiam; quidquid voverat, atque promiserat, reddet; quia statim ut audivit, tacuit. Sin autem contradixerit, postquam rescivit, portabit ipse iniquitatem ejus. Eadem autem ratio est de aliis personis alterius potestati subjectis. Non tamen competit patri adeo indefinita potestas circa vota filiae, qualis illo capite sancitur, ut infra explicabitur. Lex enim illa ex parte caeremonialis erat, & ad solam pertinens Synagogam.

Eandem regulam confirmat S. Thomas, 2 2. qu. 88. art. 8. „ „ Votum (inquit) est promissio quaedam

pati, ac sui juris, ipsorum vota in irritum mitti possunt a patre, vel tutore, si talia sint, quæ domesticæ gubernationi, ac juri patriæ potestatis officiant; non autem si personam duntaxat spectent votentium. Unde vota religionis, aut perpetuæ castitatis, certarumve precum recitandarum, emittere possunt absque consensu parentum, nec ea pater, vel tutor irrita facere potest; sed tamen vota jejunandi bis, aut ter in hebdomada, eundi singulis noctibus ad matutinas, certas eleemosynas erogandi de bonis paternis, aut familiæ, a patre, vel tutore irrita fieri, ac declarari possunt. Vir similiter vota uxoris, sibi, aut familiæ noxia, vel incommoda, in irritum potest mittere, v. g. vota de jejuniis, humi cubationibus, peregrinationibus, eleemosynis ex rebus ad familiam pertinentibus, & præsertim continentię votum; non autem vota de certis precibus recitandis, de superfluo, & dissoluto ornatu rejiciendo, de abstinendo a spectaculis, & choreis; de pauperibus juvandis labore, & operibus manuum suarum, quibus familia non indiget; de secundis Nuptiis vitandis; de ingressu monasterii, si viro superstes fuerit. Uxor pariter irrita facere potest mariti vota, quæ sibi incommoda sunt, aut familiæ, qualia sunt vota continentię, abstinentiarum immodicarum, vel diuturnarum peregrinationum, & quarumcunque rerum, quibus impotens ad debitum conjugale reddendum fieret. Vota etiam servorum irrita facere potest Dominus, quæ ipsius obsequium impediunt, non alia. Vota denique religiosorum subditorum irrita facere potest Prælati regularis; qui tamen si de voto certior factus, vel tacite consentiat, sive non repugnet, subditus voto ligatur, & illud observare tenetur, quamdiu Superior non repugnaverit, seu consensum suum non revocaverit. *S. Thoma* suffragio hæc omnia confirmantur quæstione, & titulo mox indicatis; in responsione ad secundam objectionem: „ Ex quo (*inquit*) homo venit ad annos pubertatis, si sit liberæ conditionis, est suæ potestatis quantum ad ea, quæ pertinent ad

suam personam, puta, quod obliget se religioni per votum, vel quod matrimonium contrahat. Non autem est suæ potestatis quantum ad dispositionem domesticam; unde circa hoc non potest aliquid vovere, quod sit ratum, sine consensu patris. Servus autem quia est in potestate Domini etiam quantum ad personales operationes, non potest se voto obligare ad religionem, per quam ab obsequio Domini sui abstraheretur „ „

Et in responsione ad tertiam objectionem; „ „ Religiosus (*inquit*) subditus est Prælato quantum ad suas operationes, secundum professionem regulæ. Et ideo, etiam si aliquis ad horam aliquid facere possit, quando ad alia non occupatur a Prælato; quia tamen nullum tempus est exceptum, in quo Prælatus non possit eum circa aliquid occupare, nullum votum religiosi est firmum, nisi sit de consensu Prælati; sicut nec votum puellæ existentis in domo, nisi de consensu patris, nec uxoris, nisi sit de consensu viri „ „

REGULA XXV.

Vovendo non peccant, qui sunt alterius potestati subditi.

Ita docet *S. Thomas*, ibidem in responsione ad quartam objectionem. „ „ Licet (*inquit*) Votum eorum, qui sunt alterius potestati subditi, non sit firmum sine consensu eorum, quibus subjiciuntur; non tamen peccant vovendo, quia in eorum voto intelligitur debita conditio; scilicet, si suis Superioribus placuerit, vel non regitantur „ „

REGULA XXVI.

Religiosa professione absolvitur homo a votis omnibus in seculo factis.

Hæc regula nititur *Alexandri III.* Decretali, cap. *Scriptura*, Ext. *De voto, & voti redemptione*, & *S. Thom.* doctrina 2. 2. qu. 88. art. 12. in responsione ad primam

De primo Decalogi præcepto. 441

primam objectionem. „ Omnia alia vota (*inquit*) sunt quorundam particularium operum, sed per religionem homo totam vitam suam Dei obsequio deputat. Particulare autem in universali includitur; & ideo Decretalis dicit, quod *Reus voti fracti non habetur, qui temporale obsequium in perpetuam religionis observantiam commutat*. Nec tamen religionem ingrediens tenetur implere vota, vel jejuniorum, vel orationum, vel aliorum huiusmodi, quæ existens in seculo fecit, quia religionem ingrediens moritur priori vitæ. Et etiam singulares observantiæ religioni non competunt, & religionis onus satis hominem onerat, ut alia superaddere non oporteat „ „

REGULA XXVII.

Dispensatio in votis auctoritate Ecclesiæ concedi, aut eorum commutatio fieri potest.

Id constat ex responsis *Alexandri III. cap. de peregr. Irinationis*, & *cap. Venientis*; & *Innocentii III. cap. Non est*, *cap. Magna*, *cap. Quod super*, & *cap. Ex multa*, *Ext. De voto*, & *voti redemptione*. De voti dispensatione, & commutatione.

Id confirmat *S. Thom. 2. 2. qu. 88. art. 10. „ „* Qui vovit (*inquit*) quodammodo sibi statuit legem, obligans se ad aliquid, quod est secundum se, & ut in pluribus bonum. Potest tamen contingere, quod in alioque casu sit vel simpliciter malum, vel inutile, vel maioris boni impeditivum, quod est contra rationem ejus, quod cadit sub voto. Et ideo necesse est, quod determinetur in tali casu votum non esse servandum. Et si quidem absolute determinetur votum aliquod non esse servandum, dicitur dispensatio voti; si autem pro hoc, quod servandum erat, aliquid aliud imponatur, dicitur commutatio voti. Unde minus est votum commutare, quam in voto dispensare. Utrumque tamen in potestate Ecclesiæ consistit „ „

R E G U L A XXVIII.

Ad dispensationem, aut commutationem voti requiritur Prælati auctoritas.

Votum enim est promissio Deo facta de aliquo, quod illi sit acceptum. Quid sit autem in aliqua promissione acceptum ei, cui promittitur, ex ejus pendet arbitrio. Prælatus autem in Ecclesia gerit vicem Dei; & ideo in commutatione, vel dispensatione votorum requiritur Prælati auctoritas, qui in persona Dei determinat, quid sit Deo acceptum, secundum illud 2. ad Corinthios, cap. 2. *Nam, & ego, quod donavi, si quid donavi, propter vos, in persona Christi.* Ita ratiocinatur *S. Thom. 2. 2. quæst. 88. art. 12.*

R E G U L A XXIX.

Summus Pontifex in Ecclesia universa dispensare potest in votis quibuscunque, quorum dispensatio Ecclesie commissa est.

• **S**ummus enim Pontifex (*inquit S. Thom. in responsione ad tertiam objectionem*) gerit plenarie
• vicem Christi in tota Ecclesia: ideoque ipse habet
• plenitudinem potestatis dispensandi in omnibus dispensabilibus votis •

R E G U L A XXX.

De primo Decalogi præcepto. 449

subditorum adstrinxit, Episcopatum suscipiens. (inquit S. Thomas, 2. 2. qu. 185. art. 4.) Unde Innocentius III. cap. Nisi cum pridem, Ext. De Renuntiatione, ad Episcopum quemdam scribit: „ Et si pennas habeas, quibus satagas in solitudinem avolare, tamen adstrictæ sunt nexibus præceptorum, ut liberum non habeas absque nostra permissione volatum „.

R E G U L A XXXI.

In minoribus, communibusque votis dispensare possunt Episcopi, & Prælati regulares ordinum, & monasteriorum exemptorum cum suis duntaxat subditis.

Id constat ex cap. De peregrinationis, Ext. De voto, & voti redemptione: ex Ecclesiæ consuetudine, & ex S. Thoma: „ Aliis autem inferioribus Prælatibus (inquit) committitur dispensatio in votis, quæ communiter fiunt, & indigent frequenti dispensatione, habeant de facili homines, ad quem recurrant, sicut sunt vota peregrinationum, & jejuniorum, & aliorum hujusmodi „. Dispensare itaque possunt Episcopi in votis omnibus suorum Dioecesanorum, & Prælati regulares exempti in votis suorum subditorum regularium summo Pontifici non reservatis. Dispensare (inquam) possunt etiam in voto castitatis ad tempus servandæ, in voto non nubendi, non petendi debitum; non in voto virginittis, quod perpetuæ continentię obligationem per se imponit. Dispensare etiam possunt in voto suscipiendi sacros Ordines. Quamvis enim illis annexum sit votum continentię ex Ecclesiæ instituto; votum tamen de illis suscipiendis non est votum continentię perpetuæ; unde si Clericus secularis nondum in Sacris constitutus in fornicationem incidat, lethaliter peccabit contra legem Decalogi, non contra religionem voti, nec sacrilegii reus erit.

Dispensare quoque possunt Episcopi in votis conditionatis, quorum materia romano Pontifici reservata.

vata est, modo nondum sit impleta conditio; ut cum filius, aut filia perpetuam voverunt continentiam, si pater ex bello redeat incolumis. Ita censent omnes Casuum arbitri. Ratio est, quia absoluta, & diserte concepta esse vota convenit, ut summo Pontifici reservata censeantur; idque necesse esse compertum est ob gravia animarum pericula, quibus se plurimos implicare videmus ex nimia facilitate, & præcipiti fervore se votis inconsiderate adstringendi. At si conditio impleta sit, ad romanum Pontificem confugiendum est in quinque votis recensitis; ut impetretur dispensatio.

Item si votum circa materiam reservatam romano Pontifici sit accessorium, non principale, in eo dispensare potest Episcopus, ex unanimi Doctorum sententia: Si quis, v. g. voverit se nunquam alea luserum; aut si luserit, religionem ingressurum, religionis ingressum remittere potest Episcopus. Item, si quis arctioris vitæ, & strictioris disciplinæ Ordinem se ingressurum vovit, dispensare potest Episcopus, ut ad laxiorem transeat; non autem, ut in seculo maneat, ex *S. Antonino* P. 2. tit. 11. cap. 2. §. 6. Denique, ubi dubitatur, utrum votum summo Pontifici reservatum cum sufficienti deliberatione sit emissum, vel an revera emissum fuerit, dispensare potest Episcopus; in dubiis enim benigniori parti favendum est.

REGULA XXXII.

In votis dispensare absque causa legitima Prælatas non potest, vel ea commutare.

Alioqui graviter peccaret, quia potestate in ædificationem a Deo sibi data, in destructionem abuteretur. Id confirmat *Alexander III. cap. De peregrinationis. Ext. de voto, & voti redemptione*, cujus hæc sunt verba: „ Ab ejus, qui præsidet, pendet arbitrio, ut consideret diligentius qualitatem personæ, & causam commutationis; scilicet, an ex infirmitate, seu affluentia divitiarum, an alia causa probabili, peregrinatio, an recompensatio melior fuerit, & Deo magis accepta; & secundum hoc habet exinde dispensare „ „.

Item confirmat *S. Thom. 2. 2. qu. 88. art. 12.* „ „ Omnis (*inquit*) dispensatio petita a Prælato, debet fieri in honorem Christi, in cujus persona dispensat, & ad utilitatem Ecclesiæ, quæ est ejus corpus „ „.

Et in responsione ad secundam objectionem: „ „ Cum (*inquit*) potestas Prælati spiritualis, qui non est dominus, sed dispensator, in ædificationem sit data, & non in destructionem, ut patet 2. Corinth. 10. Sicut Prælatas non potest imperare ea, quæ secundum se Deo displicent, scilicet peccata; ita non potest prohibere ea, quæ secundum se Deo placent, scilicet virtutis opera. Et ideo absolute potest homo ea vovere. Ad Prælatum tamen pertinet dijudicare, quid sit magis virtuosum, & Deo magis acceptum. Et ideo in manifestis dispensatio Prælati non excusaret a culpa; puta, si Prælatas dispensaret cum aliquo super voto de ingressu religionis, nulla apparenti causa obstante. Si autem esset causa apparens, per quam saltem in dubium verteretur, posset stare iudicio Prælati dispensantis, vel commutantis, non tamen iudicio proprio, quia ipse non gerit vicem Dei; nisi forte in casu, in quo id, quod vovit, esset manifeste illicitum, & non posset opportune ad Superiorem recurrere „ „.

Idem

Idem docet S. Antoninus, P. 2. tit. 11. cap. 2. §. 6. „ Est (inquit) differentia inter irritationem, & dispensationem. Nam irritatio potest fieri sine causa, & ad libitum irritantis, sicut vir ad libitum irritat votum conjugis; ita quod nec ipse peccat irritando, quia nemini facit injuriam, qui utitur jure suo, nec illa votum omittendo, cum fuerit inefficax a principio. Sed dispensatio in voto non fit propter inefficaciam voti, sed propter aliam causam; unde requiritur non solum auctoritas in dispensante, sed etiam causa ex parte dispensati, scilicet necessitas, vel utilitas ejus, vel Reipublicæ, in omni genere dispensationis, & in omni dispensante, etiam Papa; quia nec Petro, nec alteri commissa est auctoritas, seu potestas in destructionem, sed in ædificationem „ „

Et infra in *positivis* (inquit) live in his, quæ jure duntaxat positivo præcepta aut prohibita sunt: „ Sic volo, sic jubeo, sit pro ratione voluntas; quia quod principi placuit, legis habet vigorem; sed in his, quæ sunt juris divini secus, *Ext. De voto, cap. Non est.* Et debent considerari tria, ut in *cap. Magna.* Quid licet, quid decet, quid expedit. Debet autem esse talis causa, quod melius sit recedere a jure communi; aliter erit dissipatio, & peccat uterque, scilicet dispensans, etiam Papa, & is, cum quo dispensatur, si sciant. Unde Hostiensis; peccat Papa, si sine causa in votis dispensat, nec est ei obediendum, si manifeste liqueat, quod sit contra Domini voluntatem; alias in dubio obediendum est „ „

Justa autem dispensandi causa est, quando voti solutio propter circumstantias interea mutatas, vel repente occurrentes, mala, vel inutilis, aut majoris boni impedimentum esset; item cum dubitatur, an talis futura sit; item, cum dubium est, an votum fuerit emissum; aut emissum quidem esse certum est, sed ex levitate, perturbatione, metu, mærore, aut valde difficilis foret ejus observatio; aut grave periculum offensæ Dei, vel scandali imminet. Sic dispensare potest Episcopus cum illo, qui voto perpetuæ

De primo Decalogi præcepto. 447

perpetuæ castitatis obstrictus matrimonio se alligavit, ut debitum conjugale reddat, sed illo tamen casu voti obligationem duntaxat suspendit, non perimit, quia soluto per conjugis mortem matrimonio, tenetur pristino voto, nisi Pontifex, cui jus, & consuetudo Ecclesiæ dispensationem in voto perpetuæ castitatis reservarunt, illum voti vinculo penitus solvat.

REGULA XXXIII.

Votum de dispensatione voti non petenda imprudens est, nec semper obligat votentem.

Materia enim voti non solum debet esse licita, sed etiam utilis ad salutem; sed nunquam petere dispensationem non est semper utile ad salutem; imo quandoque expedit animæ votentis, ut cum illo dispensetur in voto, propter grave transgressionis periculum. Votum igitur de dispensatione non petenda „„ non est universaliter obligatorium (*inquit S. Antoninus.*) In casu tamen, in quo esset utilius animæ votentis non petere dispensationem, quam petere, obligatus esset ad non petendum „„.

ARTICULUS XIII.

De peccatis religioni oppositis.

Quatuor præsertim peccata religioni opponuntur, scilicet *Superstitio*, *Sacrilegium*, *Impietas*, & *Tentatio Dei*.

Superstitio est vitium religioni oppositum secundum excessum; ut definit *S. Thom. 2. 2. quæst. 92. art. 1. „„ Non quia (inquit) plus exhibeat in cultum divinum, quam vera religio, sed quia exhibet cultum divinum, vel cui non debet, vel eo modo, quo non debet „„.* Cum enim solus Deus docere potuerit, quemadmodum se coli vellet, qui alio modo Deum colit, quam se colendum ipse dixerit, non utique Deum colit, sed quod sibi ipse confinxit, idolum videlicet mentis, & phantasmatis sui. Hoc

*Quid sit
superstitio.*

principio *S. August.* utitur lib. 1. *De consensu Evangelistarum*, cap. 18. „ „ Socratis (*inquit*) sententia est, unumquemque Deum sic coli oportere, quomodo se ipse colendum esse præceperit. Proinde istis (*nimirum Romanis*) summa necessitas facta est non colendi Deum Hebræorum; quia si alio modo eum colere vellent, quam se colendum ipse dixisset, non utique illum colerent, sed quod ipsi finxissent „ „.

Superstitionem paulo aliter definit *Lactantius*, lib. 4. *Divinarum institutionem*, cap. 28. *Religio* (*inquit*) *veri cultus est superstitio falsi.*

Multiplex
superstitio-
nis genus.
Cultus in-
debitus.

Quatuor sunt species superstitionis, scilicet *Veri Dei cultus indebitus, aut superfluus, Idololatria, Divinatio, & Vana observatio.*

Cultus indebitus est superstitio, qua vero Deo falsus, ac fallax cultus exhibetur; de quo S. Thom. 2. 2. qu. 93. art. 1. Si per cultum exteriorem aliquid falsum significetur, erit cultus perniciosus. Talis est cultus, quem Judæi post legis Evangelicæ promulgationem Deo exhibent. In hoc superstitionis genus incidunt, quicunque falsas Reliquias colendas proponunt, quicunque Sanctos nondum vindicatos, sive a romano Pontifice solemniter Beatificationis, aut Canonizationis ritu in Sanctorum album relatos, publice colere, invocare, aut colendos, vel invocandos proponere audent; qui falsa Miracula, vel falsas Revelationes, studiose prædicant, aut scriptis commendant; qui falsas, aut dubias Reliquias, & a romano Pontifice non approbatas, ab Episcopis non recognitas, ut *Canone Cum ex eo, Ext. De Reliquiis, & veneratione Sanctorum*, & in Concilio Tridentino sancitum est, venerantur, aut Fidelium venerationi exponunt, circumferunt, aut venditant. Cujus superstitionis rea fuit *Lucilla* matrona nobilis, quæ Donatistarum Schismati occasionem dedit, quod *Cæciliani* Carthaginensis Archidiaconi reprehensionem impatienter ferret. Is scilicet mulierem illam objurgaverat, quod ante sacram communionem os cujusdam hominis mortui, et si Martyris, sed nondum vindicati, & ab Ecclesia agniti,

agniti, superstitionis osculis veneraretur; ut referunt *Optatus Milevitanus* lib. 1. contra *Parmenianum*, & *Si. August.* lib. *De hæresibus*. Talis superstitionis rei erant monachi illi gyrovagi, seu hypoetitzæ sub habitu monachorum circumeuntes provincias, nusquam missi, nusquam fixi, nusquam stantes, nusquam sedentes, *Qui membra Martyrum, si tamen Martyrum, venditabant*, ut *Si. August.* ait in libro *De Opere monachorum*, cap. 28. Ejusdem criminis rei erant duo illi Pseudo-monachi, qui ad Divionensem *sancti Benigni* Martyris Basilicam quædam veluti cujusdam Sancti ossa detulerant, quæ se vel ex urbe Roma, vel ex nescio quibus Italiæ locis sustulisse affirmabant, cujus tamen Sancti nomen e memoria sua excidisse aiebant. De quibus *Amolonis Lugdunensis Episcopi* Epistola extat ad *Theoboldum* Lingonensem Episcopum: Hujus superstitionis rei erant Africani illi homines, qui Altaria passim per agros, aut vias tanquam memorias Martyrum constituebant, in quibus nullum corpus, aut reliquiæ Martyrum conditæ probabantur, quæ propterea ab Episcopis, si fieri potest, everti jubet Concilium Carthaginense 1. Canone 144. „ Si autem hoc propter tumultus populares non finitur, plebes tamen admoncantur, ne illa loca frequentent, ut qui recta sapiunt, nulla ibi superstitione devincti teneantur. Et omnino nulla memoria Martyrum probabiliter acceptetur, nisi aut ibi corpus, aut aliquæ certæ Reliquiæ sint, aut ubi origo alicujus habitationis, vel passionis fidelissima origine traditur. Namquæ per somnia, & per inanēs quasi revelationes quorumlibet hominum ubique constituantur Altaria, omnimode reprobentur „ 45. Ad hoc superstitionis genus eliminandum Laodicensis Synodus Canone 34. Anathemate confixit eos *Qui ad Pseudo Martyres accesserint*. Sanctus Martinus Turoiensis Archiepiscopus altare in memoriam latronis cujusdam a rudi plebe erectum subverti jussit, atque *Populum illius superstitionis absolvit errore*, teste *Sulpitio Severo* in ejus vita. Hujus generis superstitione quidam

obcoecati, hominem quemdam in potatione, & ebrietate occisum, quasi Sanctum venerabantur tempore *Alexandri III.* quos ille emendavit cap. *Audivimus*, Ext. *De Reliquiis, & veneratione Sanctorum*. Sic Abbatem quemdam, qui ebrietate madens in puteum inciderat, sub nomine *S. Pyronis* a superstitiosa plebe invocatum, refert *Guibertus* Novigentinus Abbas, libro 1. *De Pignoribus Sanctorum*, cap. 1. Ad idem superstitionis genus pertinet, quod monachi nonnulli dentem Salvatoris, & ejus umbilicum, alii lactis beatæ Virginis portionem aliquam habere se jactabant, & Fidelium venerationi exponebant, quos idem Auctor fugillat, & infectatur lib. 4. Hoc pariter superstitionis genere implicati erant, *Clemens*, & *Adelbertus* Hæretici in Concilio romano sub *Zacharia* Pontifice maximo damnati anno septingentesimo quadragesimo quinto, qui sacrilega orationis formula edita *Urielem*, aliosque dæmones, quasi Angelos sanctos invocabant. Qua relecta, summus Pontifex, & Episcopi, ac Presbyteri conclamarunt: „ „ Quid aliud agendum est, nisi ut omnia, quæ nobis relecta sunt, igne concrementur, Auctores vero eorum anathemate percellantur? Non enim nomina Angelorum, præter nomen Michaelis, sed nomina dæmonum sunt; quæ in suis Orationibus invocavit ad præstandum auxilium sibi. Nos autem, ut a vestro Apostolatu edocemur, & divina tradit auctoritas, non plus, quam trium Angelorum nomina cognoscimus, id est, Michael, Gabriel, Raphael; alioqui de mysterio, sub obtentu Angelorum, dæmonum nomina introduxit „ „. Hac superstitione laborant, quicunque Litanias, Orationes, devotiones ab Ecclesia non probatas usurpant, qui falsi dogmatis Imagines in Ecclesia colendas proponunt, qui falsas prædicant Indulgentias, &c.

Alios Angelos nominatim invocare non licet præter SS. Michael, Gabrielem, & Raphael.

Cultus superfluous.

Cultus superfluous est superstitio, qua in Dei cultum aliquid usurpatur præter Dei, & Ecclesie institutionem, communemque consuetudinem. Quidquid enim fini divini cultus non congruit, superfluum in eo censendum

dum est. „ Finis autem divini cultus est , ut homo det gloriam Deo , & ei se subiciat mente , & corpore. Et ideo , quid homo faciat , quod pertinet ad Dei gloriam , & ad hoc , quod mens hominis Deo subjiciatur , & etiam corpus per moderatam refractionem concupiscentiarum , secundum Dei , & Ecclesiæ ordinationem , & consuetudinem eorum , quibus convivit , non est superfluum in divino cultu. Si autem aliquid sit , quod , quantum est de se , non pertinet ad Dei gloriam , neque ad hoc , quod mens hominis feratur in Deum , aut quod carnis concupiscentiæ inordinatæ refrænentur , aut etiam si sit præter Dei , & Ecclesiæ institutionem , vel contra consuetudinem communem , quæ secundum Augustinum pro lege habenda est , totum hoc reputandum est superfluum , & superstitiosum , quia in exterioribus solum consistens , ad interiorum Dei cultum non pertinet.

Unde Augustinus , libro *De vera Religione cap. 3.* inducit , quod dicitur Luc. 17. *Regnum Dei intra vos est* , contra superstitiosos , qui scilicet exterioribus principalem curam impendunt „ „ Ad cultum superfluum pertinet , si in ecclesiasticis officiis certus numerus cereorum , vel orationum , certus color , certus situs , præter Ecclesiæ præscriptum , vel consuetudinem observetur ; si neglectis Rubricis , alias quis adhibeat ,

S. August.
Epist. 36.
alias 86. a
Casularis

sive superaddat pro arbitraria devotione Cæremonias , sive in Missæ Sacrificio , sive in Horis Canonicis ; si *Gloria in excelsis* , *Credo* , *Alleluja* , dicat , cum dicendum non est , si in *Memento* , vel ante communionem diutius hæreat , privatasque orationes dicat ; si benedictiones multiplicet præter numerum constitutum , si duas Hostias in sacra Communionem sumat , vel porrigat devotis mulierculis id affectantibus , &c.

III. *Idololatria est superstitio , qua cultus soli Deo debitus , ei , qui non est Deus , exhibetur* , sive idolis , sive quibuslibet creaturis , sive per sacrificia , sive per ludos , sive per quælibet alia sensibilia signa. De quo superstitionis genere S. Paulus stans in medio Areopagi A. 17. dixit : *Viri Athenienses , per omnia quasi superstitiosa res vos video.*

Divinatio.

IV. *Divinatio est superstitio, qua fit, ut dæmonum opera expresse, vel tacito pacto invocata, homines cognoscant res futuras, aut alioquin occultas.* Nam ut docet S. Thom. 2. 2. qu. 95. art. 3. „„ Omnis divinatio ex operatione dæmonum provenit, vel quia expresse dæmones invocantur ad futura manifestanda; vel quia dæmones ingerunt se vanis inquisitionibus futurorum, ut mentes hominum implicent vanitate, de qua dicitur Psalm. 39. *Non respexit in vanitates, & insanias falsas.* Vana autem inquisitio futurorum est, quando aliquis futurum prænoscere tentat, unde prænosci non potest. Manifestum ergo, quod divinatio est species superstitionis „„.

Varia divi-
nationis ge-
nera.

Triplex est divinationis genus. Primum fit manifesta, & expresse dæmonum invocatione, cum scilicet dæmon expresse invocatur, ut quidpiam hominibus occultum patefaciat. Hujus sunt diversæ species, vel modi.

Prima est *Præstigium*, quo oculi hominum, vel aures præstringuntur, quando præstigiolis quibusdam apparitionibus ipsorum aspectui, & auditui dæmon se ingerit ad prænuntiandum futura; vel alia occulta manifestandum.

Altera species est *Divinatio somniorum*, cum dæmon phantasiam hominis immutans, ei somnia procurat, & phantasmata objicit eorum, quæ vult ipsi significare, aut aliter ipsi dormienti occulta patefacit.

Tertia est *Necromantia*, cum mortuorum apparitione, vel locutione dæmon futura prænuntiat, sive quando quibusdam præcantationibus adhibito sanguine, quasi suscitati mortui videntur divinare, & ad interrogata respondere, ut ait S. *Isidorus* lib. 8. *Originum* cap. 9.

Quarta est, quæ fit per *Pythones*, cum dæmon aliqujus seu viri, seu feminæ corpus occupans, vocesque per ipsius ventrem formans, futura prænuntiat, seu occulta aperit. De Pythonissis frequens in sacris Literis mentio occurrit Lev. 20. Deut. 18. 1. Paralip. 15. collato cum 1. Reg. cap. 28. Actuum denique 16.

Quinta

Quinta species est *Geomantia*, cum dæmon in aliquo corpore terrestri, scilicet ligno, ferro, vel lapide polito, aut speculo, signa, vel figuras exhibet, ex quibus futura, vel occulta quævis noscuntur. Ad hanc pertinet *Onychomantia*, quæ in ungue impolluti pueri oleo illito, & versus solem obverso, certis verbis prolatis occulta divinat.

Sexta, *Hidromantia*, cum huiusmodi figuras exhibet in aqua.

Septima, *Aeromantia*, cum illas in aere apparere facit. Octava, *Pyromantia*, cum in igne.

Nona est *Aruſpicium*, quando dæmon interrogatus respondet per signa quædam sensibilia, quæ in extis animalium occisorum, præsertimque idolis immolatorum apparere facit.

Alterum divinationis genus est, quo dæmon non quidem expresse invocatur, sed tamen ad cognoscendum occulta homo aliqua considerat in dispositionibus, & motibus rerum, quæ ad eam cognitionem nihil conducunt.

Hujus tres sunt species, scilicet *Astrologia iudiciaria*, quæ ex consideratione situs, & motus siderum superstitiosus Mathematicus, sive Genethliacus, futura contingentia prænoscere conatur, & quasi certo futura prædicit.

Augurium, sive *Auspicium*, cum ex garritu, aut inspectione avium; aut ex motibus, seu vocibus quorumcunque animalium; aut sternutationibus hominum, cognitio futurorum, aut rei cujuslibet occultæ quæritur; aut etiam ex verbis hominum longe alia intentione prolatis, quam quo illa detorqueat divinator, quod ab ethnicis *Omen* vocabatur.

Dactylomantia, quæ divinat annulis ad certam cœli posituram constructis, vel incantatis, & super tripodem ad certa verba motis.

Cosclynomantia, quæ divinat per cribri motum præmissis verbis conceptis, & prolatis eorum nominibus, de quibus suspicio est eos furtum, vel aliud occultum crimen patrassè.

454 Theol. Dog. & Moral. Lib. IV.

Chiramanthia, quæ ex lineis manuum futura prædicit,

Tertium divinationis genus communi nomine dicitur *Sorilegium*, quando absque expressa dæmonis invocatione cognoscere tentamus aliquod occultum ex nostro ipsorum opere, vel actione serio facta, nihil ad hoc conferente; sive protractione punctorum, quod pertinet ad artem *Geomantia*; sive ex consideratione figurarum, quæ ex plumbo liquefacto in aquam projecto proveniunt; sive ex quibuldam schedulis scriptis, vel non scriptis in occulto repositis, dum superstitiose observatur, quam quis accipiat; vel etiam ex festucis inæqualibus propositis, cui major, vel minor obveniat, vel taxillorum projectione, quis plura puncta vertat; vel etiam dum consideratur, quid aperiienti librum primo occurrat.

Sorilegii nomen latius acceptum usu populari, *Magiam*, & *Maleficium* complectitur,

Magia universim sumpta *Ars*, sive facultas, vi creata, & non supernaturali mira quadam, & insolida efficiens, quorum ratio sensum, & communem hominum captum superat,

Dividitur in *Naturalem*, *Artificiosam*, & *Diabolicam*, quia cuncti effectus ejus adscribendi sunt vel iustæ rebus naturæ, vel humanæ industriæ, vel caco-dæmonis malitiæ.

Naturalis *Magia* licita est, cum nihil aliud sit, quam reconditior arcanorum naturæ cognitio, quæ celo-

vitrea, & in Syracusarum obsidione navium per specula combustiones. Archytæ Columba lignea volans, Leonis Imperatoris aviculæ aureæ cantillantes, & Boetii æreæ volantes, & cantillantes, serpentes ex eodem metallo sibilantes, Alberti magni vocale caput, ut fertur, arte fabricatum, & similia multis narrata. Præstigiatrix, seu ludrica, & deceptorica est illa, cujus effectus non sunt quales, aut qui videntur. Ad eam pertinent pleraque, quæ a circulatoribus, agyreis, & funambulis creduntur patrari incantationibus, cum agilitate pedum, & manuum fiant.

Magia Mathematica, quæ & *Taumaturgica* nuncupatur a quibusdam, per se bona est, & licita, ut omnes artes per se sunt bonæ, sed per accidens fit illicita. Primo, quando in malum finem refertur. Secundo, quando scandalum oritur, eo quod hæc fieri putentur dæmonum opera. Tertio, si quod inde spirituale damnum, vel temporale corporis, aut animæ, imminet ipsi circulatori, vel spectatoribus. Idem esto de Magia præstigiatrice judicium, si sola dexteritate, & arte fiant, quæ præstigiis similia videntur. Si autem, nec arte, nec actu humano, nec vi naturæ fieri possint, opera dæmonum intercedere colligitur. Quod cum sæpe contingat, christianissimi Reges S. Ludovicus, Philippus Augustinus, & Henricus III. Circulatores, & Joculatores regno exulare sanciverunt.

Magia diabolica est facultas, siue ars, qua vi pacti cum dæmonibus insti, mira quadam, & communem hominum captum superantia, efficiuntur. Omnis scilicet vis Magiæ hujus pacto tacito, vel expresso cum dæmonibus nititur. Hanc Magiæ speciem *Tacitam idololatriam* Theologi vocant. Unde inter Parisiensium Theologorum Articulos apud *Gersonem* hic legitur: „ Quod inire pactum cum dæmonibus tacitum, vel expressum, non sit idololatria, vel species idololatriæ: Error. Et intendimus esse pactum implicitum in omni observatione superstitiosa, cujus effectus non debet a Deo, vel natura rationabiliter expectari „ Hinc illud, *Isaia 28. a S. Thom. & summis Pontificibus Joan. 20.*

Magia diabolica.

Pactum cum dæmonibus tacitum vel expressum.

in Constitutione, quæ incipit, *Super specula*, & *Sixto V.*
 in Constitutione contra Astrologiæ judicariæ Professo-
 res edita, magis accommodatur: *Percussimus fœdus*
 Thi. 28. 15. *cum morte, & cum inferno fecimus pactum.*

Pacti expressi triplex modus est. Primus fit solem-
 nitate varia, & ipsi Cæcodæmoni visibiliter in forma
 corporea apparenti coram testibus fidelitas, & domi-
 nium promittitur. Aliquando id fit per libellum sup-
 plicem diabolo oblatum, & eorum, qui se illius ser-
 vituti devovent ex conditione, ut eorum votis satis-
 faciat, subscriptione munitum. Alius modus est, cum
 sine testibus impii se dæmoni addicunt. Tertius, cum
 pactio illa per vicarium initur, Magum videlicet, vel
 tertium aliquem; cum paciscens dæmonis aspectum,
 vel colloquium reformidat. His pactis communis est
 fidei, christiani nominis, Baptismi, Confirmationis-
 que ejuratio, abnegatio Dei, & Christi, Blasphemiarum
 in beatam Virginem, Sanctosque reliquos, juramen-
 to de abstinendo in perpetuum a christianis Sacra-
 mentis, & Sacramentalibus, & signo crucis. His sa-
 crofanctæ Eucharistiæ, Chrismatisque profanatio, ut
 plurimum adjuncta.

Pactum tacitum duplex est; primum quando quis
 sciens volens signis superstitiosis utitur, quibus uti solent
 Magi, & Sortilegi; quæ quidem ex libris, aut sermo-
 nibus eorum, vel aliorum acceperit. Secundum pa-
 cti taciti genus est, quando quis ignorans Magicis

bus dedicatæ, aut caracteribus, & figuris peregrinis, seu barbaris nominibus insculptæ, effectus admirabiles, & naturæ vim superantes producere creduntur, cum totam vim habeant a dæmone; siquidem figura, & characteres ad hos effectus nihil suapte vi conferre possunt. Idem esto judicium de Talismanis, seu figuris constellationum, lapide, vel metallo sympathico insculptis.

Maleficium est Magia species, qua quis ope dæmonis alteri damnum parat.

Maleficium.

Triplex est maleficij genus: Primum *Saporiferum*, cum Magi, vel sortilegi, & sagæ aliquem potionem, malo carmine, & certis ritibus soporant, ut interea ei venenum infundant, vel infantulos raptant, aut necent; vel furto quid subtrahant, vel stupro, adulteriove contaminent. Alterum est *Amatorium*, quod *Philtum* vulgo dicitur, quo aliquis in amorem impudicum sui, vel alterius, quempiam incendit, & ad parendum libidini suæ inflectit. De quo maleficij genere intelligendum videtur illud *Nahum. cap. 3. Propter multitudinem fornicationum meretricis speciosa, & grata, & habentis maleficia.* Et illud *Baruch 6. cap. Mulieres autem circumdata funibus in viis sedent, succedentes ossa olivarum. Cum autem aliqua ex ipsis, attracta ab aliquo transeunte, dormierit cum eo, proxima sua exprobrat, quod ea non sit digna habita, sicut ipsa, neque funis ejus disruptus sit.* Tertium est *Maleficium hostile*, quo Magus, aut Sortilegus bonis animi, corporis, aut fortunæ damnum infert, vel inferre conatur; hujus multiplices sunt species, aut modi; scilicet *Fascinum*, quæ qualitas est perniciosa dæmonum arte illata ob tacitum, vel expressum hominis pactum cum dæmone. Sortilegi enim, & sagæ pacifici solent, ut quos ex iracundia, vel livore aspexerint, iis dæmon perniciem inferat. *Veneficium*, quo homines, vel pecora morbis gravissimis, & insolitis, aut morte afficiunt, aut abortum, partus difficultatem, lactis exsiccationem mulieribus, aut pecudibus, recondito certis in locis maleficij instrumento, ex pa-

Triplex maleficij genus.

ſed cum dæmone procurant; aut quasdam fabricantur imagines, quas vel acubus pungunt, vel igne liquant, vel confringunt, & sic certum iis, quos tales imagines designant, interitum, tabe, vel alio mortis genere afferunt. Unde *Ovidius de Medea* saga inſigni canit.

Devovet absentes, simulacraque cerea fingit,

Et miserum tenues in jecur urget acus.

Et *Cornelius Tacitus* lib. 2. *Annalium* de scelere *Pisonis*, & morte *Germanici* loquens: „„ Reperiebantur (*inquit*) solo, & parietibus erutæ humanorum corporum reliquæ, carmina, & devotiones, & nomen *Germanici* plumbeis tabulis inſculptum, ſemiuſti cineres, & tabe obliti, aliaque maleficia, queis creditur animas Numinibus infernis ſacrari „„.

Aliud eſt *Maleficium votivum*, quo dæmones a magis, & ſtrigibus in hominum corpora, permittente Deo, immittuntur; cujus maleficii exemplum refert *S. Hieronymus*, in vita *S. Hilarionis*. Eſt propterea *Maleficium ligaminis*, quo ſortilegi, & ſagæ hominem frigidum, & maleficiatum, & ad actum conjugii impotentem reddunt; ſeu ligulam, certis verbis prolatis neſtunt, aut conjugem alterum alteri reddunt odioſum, vel invicem odioſum faciunt per calumniam, ſuſpicionemve, aut morbi alicujus immiſſionem, aut impediunt, ne conjuges ſe mutuo contingere poſſint. Eſt denique aliud hoſtilis maleficii genus, quo homi-

De primo Decalogi præcepto. 459

eam, sive *Artem Spirituum*; alii *Artem Paulinam*, quam & *Salomoni*, & *S. Paulo* in extasi constituto a Deo infusam, & posteris ab ipsis traditam mentiuntur. Est autem superstitiosa ratio adipiscendi scientiam sine humano labore per inspectionem quarundam figurarum, aut prolationem quorundam verborum, certis etiam jejuniis, & orationibus adhibitis. Adhibentur etiam observationes vanæ ad corporum immutationem, sive ad morbos curandos, ad mitigandos dolores, ad sistendum sanguinem, ad avertenda, vel sananda vulnera; cum scilicet characteres, figuræ, nomina, certi ritus, aut aliæ res, neque ex vi naturæ, neque ex Dei, aut Ecclesiæ instituto vim ullam ad hos effectus habentes, vel seorsim usurpantur, vel naturalibus remediis admiscuntur; velut cum coronæ ex herbis compactæ certo numero, certaque proportionem capiti applicantur; cum cingulum ex iis compingitur in panno certi coloris; cum herbæ certis diebus, vel horis, aut certis aliquibus verbis adhibitis collectæ eliguntur, quasi ad curandum magis valeant; cum certæ precum formulæ ab Ecclesia non probatæ in eundem finem usurpantur, quæ dicitur *Observantia sanitatum*. Adhibentur præterea vanæ observationes ad futuros eventus prosperos, vel adversos cognoscendos, quædam ex occurso fortuito certorum hominum, vel animalium; aliæ ex offensione pedum in limine domus, aliæ ex sternutatione, aliæ ex fortuitis aliorum verbis, quæ omnia omnium vocabulo significantur. Ad hoc pariter superstitionis genus pertinet observatio temporum, scilicet, annorum, mensium, dierum, & horarum, quasi quædam fausta sint, vel infausta. Ad hanc denique pertinet *Observantia sacrorum*, quæ est adhibitio rei sacræ, ut Reliquiarum, Evangelii, schedularum, in quibus delineatæ cruces, aut sacra verba inscripta sunt, &c. ad consequendum effectum, cujus producendi non habent efficaciam naturalem, divinam, aut ecclesiasticam.

Omne su-
perstitionis
genus ho-
mini chri-
stiano fu-
giendum.

IX. De omnibus his superstitionum generibus præclarus est *S. Augustini* locus, lib: 3. *De doctrina christiana*, cap. 20. „ Superstitiosum est (*inquit*) quidam institutum ab hominibus ad faciendam, & colendam idola pertinens, vel ad colendam sicut Deum creaturam, partemve ullam creaturæ; vel ad consultationes, & pacta quædam significationum, cum dæmonibus placita, atque fœderata, qualia sunt molimina magicarum artium, quæ quidem commovere potius, quam docere assolent Poetæ. Ex quo genere sunt, sed quasi licentiore vanitate, haruspicum, & augurum libri. Ad hoc genus pertinent omnes etiam ligaturæ, atque remedia, quæ medicorum quoque disciplinæ condemnat, sive in præcantationibus, sive in quibuldam notis, quos characteres vocant, sive in quibusque rebus suspendendis, atque illigandis, vel etiam aptandis quodammodo, non ad contemporatationem corporum, sed ad quasdam significationes, aut occultas, aut etiam manifestas, quæ mitiore nomine Physica vocant, ut quasi non superstitione implicare, sed naturæ prodesse videantur; sicut sunt inaures in summo aurium singularum, aut de stractionum ossibus ansulæ in digitis; aut cum tibi dicitur singultienti, ut dextera manu sinistrum pollicem teneas. His adjunguntur millia inanissimarum observationum, si membrum aliquod salieris, si junctim ambulantes amicus lapis, aut canis, aut puer me-

cedens offenderit ; cum vestis a foricibus roditur , plus tremere suspicione futuri mali , quam præsens malum dolere. Unde illud eleganter dictum est Cætonis , qui cum esset consultus a quodam , qui sibi a foricibus erosas caligas diceret , respondit : Non esse illud monstrum , sed vere monstrum habendum fuisse , si forices a caligis roderentur... Neque illi ab hoc genere perniciosæ superstitionis segregandi sunt , qui Genethliaci propter natalium dierum considerationes , nunc autem vulgo Mathematici vocantur... Omnes igitur artes hujusmodi , vel nugatoriæ , vel noxiæ superstitionis , ex quadam pestifera societate hominum , & dæmonum , quasi pacta quædam infidelis , & dolosæ amicitiae constituta , penitus sunt repudianda , & fugienda Christiano. *Non quia idolum sit aliquid* (inquit Apostolus) *sed quia, quæ immolant, demoniis immolant, & non Deo; nolo autem vos socios demoniorum fieri.* Quod autem de idolis , & de immolationibus , quæ honori eorum exhibentur , dixit Apostolus , hoc de omnibus imaginariis signis sentiendum est , quæ vel ad cultum idolorum , vel ad creaturam , ejusque partes tanquam Deum colendas trahunt , vel ad remediorum , aliarumque observationum curam pertinent ; quæ non sunt divinitus ad dilectionem Dei , & proximi tanquam publice constituta , sed per privatas appetitiones rerum temporalium corda dissipant miserorum. In omnibus ergo istis doctrinis societas dæmonum formidanda , atque vitanda est , qui nihil cum principe suo diabolo , nisi reditum nostrum claudere , atque obserare conantur. Sicut autem de stellis , quas condidit , & ordinavit Deus , humanæ ac deceptoris conjecturæ ab hominibus institutæ sunt ; sic etiam de quibusque nascentibus , vel quoquo modo divinæ providentiæ administratione existentibus rebus multi multa humanis suspicionibus quasi regulariter conjectata literis mandaverunt , si forte insolite acciderint . tanquam si mula pariat , aut fulmine aliquid percutiatur. Quæ omnia tantum valent , quantum præsumptione ani-

1. Cor. 10

morum

morum quasi communi quadam lingua cum dæmoni-
 bus fœderata sunt. Quæ tamen plena sunt omnia
 pestifera curiositatis, cruciantis solitudinis, mortifi-
 fera servitutis. Non enim quia valebant, animadversa
 sunt, sed animadvertendo, atque signando factum est,
 ut valerent. Et ideo diversis diversa proveniunt secun-
 dum cogitationes, & præsumptiones suas. Illi enim
 Spiritus, qui decipere volunt, talia procurant cui-
 que, qualibus eum irretitum per suspensiones, & con-
 sensiones ejus vident. . . Quod manifestissime ostendit
 ritus augurum, qui & antequam observent, & po-
 steaquam observata signa tenuerint, id agunt, ne vi-
 deant volatus, aut audiant voces avium; quia nulla
 ista signa sunt, nisi consensus observantis accedat „ „

S. August.
 lib. 4. De
 doctrina
 Christiana
 cap. 24.

Sacrile-
 gium.

X. Post superstitionem, inter vitia religioni op-
 posita sequitur *Sacrilegium*, quod definitur, *Sacræ rei*
violatio, id est, impia tractatio, & dehonestatio. Cum
 enim aliquid sacrum dicatur, quia ad cultum divinum
 refertur, eoque nomine debeatur illi reverentia; ideo
 omnis in res, aut personas sacras irreverentia in De-
 redundat injuriam, & peccati genus est religioni op-
 positum. Quamvis enim cum aliis peccatis sæpe con-
 currat, scilicet furto, homicidio, stupro, fornicatio-
 ne, adulterio, &c. novam tamen deformitatem his
 addit criminibus, eaque ad aliud genus trahit.

Tres sacri-
 legii spe-
 cies.

Tres sunt sacrilegii species, sicut tria rerum sacra-
 rum genera, quarum sanctitas violari potest. Primum
 committitur contra personam factam; secundum
 contra locum sacrum; tertium contra rem sacram,
 sumpto rei nomine in significatione strictiori, prout
 a persona, & loco distinguitur. Ad primum sacrilegii
 genus pertinent Clerici, Monachi, aut Monialis per-
 cussio, ut habetur Canone: *Si quis suadente*, causa 17.
 qu. 4. & personæ sacris Ordinibus initiatæ, aut reli-
 giola professione Deo consecratæ, seu voto castitatis
 alias obstrictæ fornicatio, aut alia quævis impudicitia,
 non solum opere consummata, sed volita duntaxat,
 vel deliberate cum morosa delectatione cogitata; nec-
 non fornicatio, aut aliud carnalis peccati genus etiam

a seculari persona cum sacris, & religiosi hominibus, vel monialibus, aut mulieribus castitatis voto alias obstrictis perpetratum.

Ad alterum sacrilegii genus pertinent quæcunque contra reverentiam loco sacro debitam committuntur, ut effractio, vel incendium Ecclesiæ, everſio Altaris, homicidium, atque injuriosa sanguinis, necnon voluntaria seminis effusio, ut habetur Canone *Ecclesiis*, dist. 1. *De Consecratione*, & cap. *Proposuiſti*, Ext. *de Consecratione Ecclesiæ, vel Altaris*. Item infidelis, aut excommunicati, qui sit publice denunciatus, aut notorius Clerici percussor, in loco sacro sepultura, ut constat ex Canone *Ecclesiis*, mox citato, & cap. *Consuluiſti*, Ext. *De Consecratione Ecclesiæ, vel Altaris*.

Ad eandem classem pertinet violatio immunitatis Ecclesiæ, ut patet ex variis Pontificum responsis, Ext. *De Immunitate Ecclesiæ*; cum scilicet persona, quæ ad locum sacrum quasi ad asylum confugerat, inde armata manu, & vi illata extrahitur, licet eorum criminum rea non sit, quorum auctoribus, vel consciis jus asyli vel ecclesiasticis Decretis, vel consuetudine denegatum est. Ad hoc denique genus pertinet furtum rei siue sacræ, siue profanæ in loco sacro, ut constat ex Canone *Quisquis*, causa 17. qu. 4.

Ad hanc pariter speciem revocantur mercatus, deambulationes, judicia, confabulationes præsertim impudicæ, quæ in Templis fiunt, larvæ, ludi, quibus omnibus loci sanctitas violatur, & quæ pro irreverentiæ gravitate, & ratione scandali, vel perturbationis divinorum officiorum, vel contemptus, ac pertinaciæ, ad peccati mortalis gravitatem pertinere possunt. De quibus extat luculentum *Gregoriæ IX.* in Generali Concilio Lugdunensi Decretum, cap. *Decet*, tit. *De Immunitate Ecclesiarum*, in Sexto, relatum, cujus hæc sunt verba: „Decet domum Domini sanctitudo, decet, ut cujus in pace factus est locus, ejus cultus sit cum debita veneratione pacificus. Sit itaque ad Ecclesias humilis, & devotus ingressus, sit in eis quieta conversatio, Deo grata,

Philip. 2.
10.

insipientibus placita, quæ considerantes non solum instruat, sed & reficiat... Et quod generaliter scribitur: *Ut in nomine Jesu omne genu flectatur*, singuli singulariter in se ipsis implentes, gloriosum illud Nomen quandocunque recolitur, flectant genua cordis sui, quod vel capitis inclinatione testentur. Attendantur in locis eisdem intentis præcordiis sacra Solemnia, devotis orationibus insistantur; nullus in locis eisdem, in quibus cum pace, ac quiete vota convenit celebrare, seditionem excitet, conclamationem moveat, impetumve committat. Cessent in locis illis universitatum, & societatum quarumlibet concilia, conciones, & publica Parlamenta. Cessent vana, & multo fortius fœda, & profana colloquia. Cessent confabulationes quælibet. Sint postremo quæcunque alia, quæ divinum possunt turbare officium, aut oculos divinæ Majestatis offendere, ab ipsis prorsus extranea; ne ubi peccatorum est venia postulanda, ibi peccandi detur occasio, aut deprehendatur peccata committi. Cessent in Ecclesiis, earumque Cœmeteriis negotiationes, & præcipue nundinarum, ac fori cujuscunque tumultus; omnis in eis secularium judiciorum strepitus conquiescat, nulla inibi causa per laicos, criminalis maxime agitetur; sint loca eadem a laicorum cognitionibus aliena. Ordinarii locorum hoc faciant observari, suadenda suadeant, interdicta hujus Canonis auctoritate compescant „ „.

cræ, quo etiam in ordine recensenda sunt Corporalia. Proinde Calice consecrato uti ad potandum, sacrilegii crimen est longe gravius crimine *Balthassar* Babyloniarum Regis, qui divinam expertus ultionem est, quod in vasis Templi Hierosolymitani Babylonem a Nabuchodonosore translatis, bibisset ipse, & optimates ejus, uxores, & concubinæ ejus, ut habetur *Danielis* 5. Quamobrem Episcopi, & Clerici, qui vasis sacris ad communes, & profanos usus abusi fuerint, Degradatione; monachi, & laici, excommunicatione plectuntur; Canone inter apostolicos 73. Septimæ Synodi generalis Decreto, Actione 7. in Definitione fidei, & Concilii Bracarensis 3. Canone 2. Sacrilegii etiam rei sunt, qui sacra vasa tractare, seu tangere non verentur, cum Sacris initiati non sint, nec licentiam habeant. Tertium inter res sacras locum tenent Sanctorum Reliquiæ; Crux, Evangelii codex, totum Scripturæ sacræ corpus, cujus *Adoranda verba*; imagines Christi, & Sanctorum, quarum proinde dissipatio, confractio, dehonestatio lethale etiam sacrilegium est, ut ex septima Synodo generali constat, & Iconomachorum, ac Petrobusianorum hæreticorum damnatione. Quartum inter res sacras locum tenent sacræ vestes ministrorum, & Ecclesiæ, vel Altarium ornamenta. Quæ proinde ad profanos usus adhiberi absque sacrilegii crimine non possunt. Quamobrem sacri Canones vetant, ne palla Altaris, aut velo, aliisve ornamentis, quæ divino ministerio inserviunt, defunctorum corpora involvantur; scilicet Canon *Altaris*, & Canon *Nemo*, 39. & 40. dist. 1. *De Consecratione*, Concilii Avernenfis Canon 1 Antisiodorensis Canon 12. & Bituricensis Lemovicensi inserti Canon 13. Rationem reddit Avernense Concilium: „ Quia sacro velamine, usibus suis reddito, dum honorantur corpora, Altaria polluantur „ Et Canone, *Ne ad nuptiarum*, dist. 1. *De Consecratione*, qui Avernenfis Concilii septimus est, prohibetur: „ Ne ad nuptiarum ornamentum ministeria divina præstentur; ne dum probrorum contactu, pompæque se-

cularis luxuriæ polluantur, ad officium sacri Myſterii videantur indigna „ „ Ad hunc ordinem revocantur sacramentalia quæque, ut aqua benedicta, panis benedictus, &c. Item ſigna ſacra, & teſſeræ pietatis ab Eccleſia approbatæ, ut Roſarium, Scapulare. &c. Item religioſæ veſtes, velum ſacrarum virginum, &c. Quibus ſi quis ad profanos uſus abutatur, ut ſi panem benedictum canibus manducandum tradat, ſi religioſis veſtibus in theatro, aut ad larvas utatur, ſi eas contumelioſe laceret, conſpurcet, vel ad ludibrium adhibeat, lethalis ſacrilegii reus eſt. Quintum denique locum in rerum ſacrarum ordine tenent Eccleſiæ bona, ſive mobilia, ſive immobilia, quorum proinde uſurpatione, detentio, vel gravamen, ſacrilegium eſt. „ Quicumque contra quodcunque prædictorum peccat, ſacrilegii crimen incurrit „ (*inquit S. Thomas 2. 2. qu. 99. art. 3.*)

De Sacri-
legorum
pœnia.

Sacrilegos pœnis graviffimis Deus afficit. Duos filios Aaron *Nadab*, & *Abjud*, qui ignem alienum Domino obtulerant, *A Domino egreſſus ignis devoravit.* (Lev. 10.) Duo filii Heli *Ophni*, & *Phinees* uno die occiſi, & familia ejus everſa, propterea quod ſacrificia populi non ſecundum legem adminiſtrabant. Bethſamitæ a Deo percuſſi, quod curioſius contra Dei mandatum intuiti eſſent ea, quæ erant in Arca Domini. (1. Reg. 6.) Percuſſus & *Oza*, qui metuens, ne eadem Arca e plauſtro decideret, inconfiderata quadam devotione eam temere tetigerat. (2. Reg. 6.) Occiſus & *Balthaſſar* Rex, quod vaſa domus Domini ad uſus profanos uſurpaſſet. (*Dan. 5.*) Chriſtus manuſuetiſſimus flagello ſacrilegos e Templo ejecit (*Joan. 2.*) S. Paulus plurimos propter indignam Communionem non ſolum æterna damnatione plecti, ſed multos factos eſſe infirmos & debiles, & corporali morte punitos teſtatur. (1. Corinth. 11.) Denique in omni ſacrilegio locum habet illud Heli filios ſuos corripien- tis, 1. Reg. 2. *Si peccaverit vir in virum, placari ei poteſt Deus; ſi autem in Dominum peccaverit vir, quis orabit pro eo?*

XI. *Impietas* secundum communem nominis acceptionem est injuria quælibet Deo illata ; secundum strictiorem significationem , est rerum cœlestium , & ad animæ salutem pertinentium negligentia. Unde *S. Gregorius* , lib. 25. *Moralium* , cap. 10. *Impius* (inquit) *proprie dicitur , qui a Religionis pietate separatur*. De his scriptum est Job. 34. *Quasi impios percussit eos in loco videntium*. Ibi quippe stabant , ubi Deum videre videbantur. Ibi tenebras dilexerunt , ubi lumen veritatis aspicitur. „ „ Et quamvis apertos habuerunt oculos in fide , tenuerant tamen eos clausos in opere. Unde bene & de Judæa dicitur : *Speculatores ejus cæci* ; quia videlicet non videbant opere , quod professione cernebant. Unde etiam de Balaam scriptum est : *Qui cadens apertos habet oculos*. Cadens quippe in opere , apertos tenuit oculos in contemplatione. Ita ergo hi etiam oculos aperientes in fide , & non videntes in opere , intra Ecclesiam positi pia specie , extra Ecclesiam inventi sunt impia conversatione. De quibus alias bene scriptum est : *Vidi impios sepultos , qui cum adhuc viverent , in loco sancto erant ; & laudabantur in civitate , quasi justorum*. Multos enim peste propriæ pravitatis obsessos , sub christiano nomine ipsa tranquillitas ecclesiasticæ pacis abscondit. Quos tamen si levis persecutionis aura pulsaverit , mox extra aream , velut paleas , tollit. Quidam vero idcirco christianitatis vocatione signantur , quia Christi nomine sublimiter exaltato , pene omnes jam videri fideles aspiciunt ; & pro eo quod hoc videri alios cernunt , ipsi non videri fideles erubescunt ; sed esse negligunt , quod dici gloriantur. Rem enim virtutis intimæ ad decorem sumunt visionis externæ ; & qui ante supernum judicem nudi conscientiæ infidelitate consistunt , ante humanos oculos professione sancta verbotenus palliantur. Nonnulli autem fidem medullitus tenent , sed vivere fideliter nullatenus curant. Insequuntur enim moribus , quod credulitate venerantur. Quibus divino judicio sæpe contingit , ut peccatum hoc quod nequiter vivunt , & illud perdant , quod sa-

Isai. 56.

Num. 24.

Ecl. 8.

lubriter credunt. Incessanter namque se pravis actionibus polluant, & super hoc vindictam iusti iudicii retribui posse diffidunt; & sæpe cum bene vivere negligunt, etiam persequente nullo usque ad perfidiam dilabuntur. Nam, qui imminere districtum iudicium non credunt, qui inulte se peccare suspicantur, quo pacto vel esse, vel dici fideles possunt? Fidem quippe perdidisse est, incorrectis malis operibus, digna supplicia reddi posse non credere. Quia ergo digna fidei opera servare contemnunt, etiam fidem perdunt, quam tenere videbantur; super quos bene per Prophetam sub Jerusalem specie, inimicorum destruentium verba memorantur, a quibus scilicet di-

Psal. 136. citur: *Exinanite, exinanite usque ad fundamentum in ea.*
1. Cor. 3. Paulus quippe ait: *Fundamentum aliud nemo potest ponere, præter id, quod positum est, quod est Christus Jesus.* Inimici ergo destruentes, usque ad fundamentum Jerusalem exinaniunt, quando perversi Spiritus a corde fidelium, destructo prius ædificio boni operis, soliditatem quoque exhauriunt religionis. Sicut enim supra fundamentum fabricæ, sic super fidem opera constituuntur. Usque ad fundamentum ergo exinanisse, est everso bene vivendi opere, etiam robur fidei dissipasse „„. Impios vivos coloribus depingit idem sanctus Doctor, illa verba *Job. 11.* explicans: *Oculi impiorum deficient, & effugium peribit ab eis,* lib. 10. *Moralium*, cap. 13. „„ Oculi (*inquit*) impiorum, intentiones sunt in eis carnalium desideriorum. Qui idcirco deficient, quia æterna negligunt, & sola semper transitoria præstolantur. Adipisci quippe terrenam gloriam cogitant. multiplicari rebus temporalibus exoptant, ad mortem quotidie cursu rerum labentium tendunt, sed cogitare mortalia mortaliter nesciunt. Carnis vita per momenta deficit, & tamen carnale desiderium crescit. Res habita instanti fine corripitur, & habendi anxietas non finitur. Sed cum mors impios subtrahit, eorum profecto desideria cum vita terminantur. Quorum scilicet oculi tunc superna ultione deficient, quia suo hic iudicio a terrena deficere

cere delectatione noluerunt. Hos illorum oculos a jucunditate pristina claudi Psalmista conspexerat, cum dicebat; *In illa die peribunt omnes cogitationes eorum*; quia æterna mala nunquam cogitata reperiunt, & subito amittunt bona temporalia, quæ diu tractando tenuerunt. A quibus & omne effugium perit, quia eorum malitia ab animadversione districti judicis, quo se valeat occultare, non invenit. Nam nunc iniqui, cum tristitia aliqua, vel adversa patiuntur, effugii latebras inveniunt, quia ad voluptatem protinus desideriorum carnalium recurrunt. Ne enim paupertas cruciet, divitiis animum demulcent; ne despectus proximorum deprimat, sese dignitatibus exaltant. Si fastidio corpus atteritur, antepositis epularum diversitatibus nutritur. Si quo animus moestitiæ impulsu dejicitur, mox per interposita jocorum blandimenta relevatur. Tot ergo hic habent effugia, quot sibi præparant delectamenta. Sed quandoque ab eis effugium perit; quia eorum mens, amissis omnibus, se solummodo, & judicem conspiciat. Tunc voluptas subtrahitur, sed voluptatis culpa servatur; & repente miseri pereundo discunt, quia peritura tenuerunt „ „.

XII. *Tentatio Dei*, quæ postremo loco inter peccata religioni opposita numerata est, *est peccatum, quo aliquid dicitur, vel agitur ad explorandum, quid possit, vel sciat Deus, aut quam bonus, & pius sit.* Tentatur enim vero Deus cum verbis, tum factis, idque vel expresse, vel interpretative. Ille verbis expresse Deum tentat, qui „ „ Ea intentione aliquid a Deo postulat, ut exploret Dei scientiam, potestatem, vel voluntatem. *Factis autem expresse aliquis Deum tentat*, quando per ea, quæ facit, intendit experimentum sumere divinæ potestatis, sive pietatis, aut scientiæ. *Is interpretative Deum tentat*, qui etsi non intendat experimentum de Deo sumere, aliquid tamen petit, vel facit ad nihil aliud utile, nisi ad probandam Dei potestatem, vel bonitatem, vel cognitionem. Quando ergo post aliquam necessitatem, seu utilitatem committit se aliquis divino auxilio in suis petitionibus, vel factis hoc non est Deum

tentare. Dicitur enim 2. Paralipom. c. 20. *Cum ignoremus, quid agere debeamus, hoc solum habemus refidui, ut oculos nostros dirigamus ad te.* Quando vero hoc agitur absque necessitate, & utilitate, hoc est interpretative tentare Deum „„ (*inquit S. Thom. 2. 2. qu. 97. art. 1.*) Grave peccatum est contra reverentiam Deo debitam. „„ Omnis enim tentatio ex aliqua ignorantia, vel dubitatione procedit. Ignorare autem, vel dubitare de his, quæ pertinent ad Dei perfectionem, est peccatum. Unde manifestum est, quod tentare Deum ad hoc, quod tentans cognoscat Dei virtutem, est peccatum „„ (*inquit S. Thom. art. 2.*) Est autem prohibitum Deuter. 6. his verbis: *Non tentabis Dominum Deum tuum*; quæ Christus Dominus usurpavit ad Satanæ tentationem reprimendam, a quo, ut se deorsum mitteret, præsumptione auxilii divini urgebatur; *Scriptum est* (*inquit*) *Non tentabis Dominum Deum tuum.*

Matth. 4.

Lethale peccatum esse minime dubium est tentationem Dei expressam, si sit plene deliberata; & interpretativam, si ex crassa ignorantia, & dubitatione de potentia, bonitate, misericordia, vel justitia Dei, quas nosse, seu credere oportet ad salutem, oriatur; vel si conjuncta sit cum periculo vitæ, aut gravis læsionis; ut si quis e loco excelso, rejecta scala, se præcipitem daret, aut in morbo periculoso humana remedia respueret. Vel si ex curiositate miracula petantur a Deo; vel tandem ratione scandali. Extra hos casus tentatio Dei interpretativa veniale duntaxat peccatum est.

Exodi 17

Hujus peccati rei fuere Israelitæ quando murmuraverunt contra Moysem dicentes: *Cur fecisti nos exire de Ægypto, ut occideres nos, & liberos nostros, ac jumenta siti?* Quasi Dominus non satis ostendisset, se curam eorum gerere, propter quos tot, & tantis plagis afflixerat Ægyptios, demumque submerferat in mari rubro; quos præcedebat die in columna nubis, & nocte in columna ignis; quos siccis vestigiis per mare traduxerat; quibus pluebat

man-

De primo Decalogi præcepto. 471

manna de coelo. Vocavit ergo Moyses nomen loci illius, Tentatio propter jurgium filiorum Israel, & quia tentaverunt Dominum, dicentes: Estne Dominus in nobis, an non? de quibus iterum Psalm. 77. dicitur: Tentaverunt Deum in cordibus suis, ut peterent escas animabus suis. Et male locuti sunt de Deo, dixerunt: Numquid poterit Deus parare mensam in deserto? quoniam percussit petram, & fluxerunt aqua, & torrentes inundaverunt; numquid & panem poteris dare, aut parare mensam populo suo? Frustra vero timebat Achaz Rex, ne Deum tentaret signum petendo ab illo, quia Deus volebat signum dare, non pro ipso duntaxat, sed pro totius populi instructione: & ideo reprehenditur, quasi bono communi, publicæque omnium salutis obicem poneret, nolendo petere signum a Deo (Hsaia 7.) an vero Gedeon ex debilitate fidei, signum petierit (Judicum 6.) an desiderio gloriæ Dei manifestandæ, & discutiendi ex animo suo causam omnem dubitationis, haut ita certum est. „ Nescio utrum non transgressus fuerit præceptum, quo scriptum est: Non tentabis Dominum Deum tuum (inquit S. August. qu. 49. in lib. Judic.) Et infra: Posteaquam tentavit Dominum, quod utique peccatum fuit. Et mox: Iram Dei timebat, quia noverat se tentando peccare „ „ Peccavit etiam Zacharias, cum Angelo futuram Joannis Baptistæ Nativitatem ipsi nuntianti respondit: Unde hoc sciam? ut refertur Luca 1.

ARTICULUS XIV.

Regula morales circa peccata religioni opposita.

REGULA PRIMA.

Indebitus Dei cultus lethale ex genere suo peccatum est.

„ **M**endacium enim maxime perniciosum est, quod fit in his, quæ ad christianam religionem pertinent „; ut S. August. docet. „ „ Est autem mendacium, Libro contra Mendacium.

eium, cum aliquis significat contrarium veritati. Sicut autem significatur aliquid verbo, ita etiam significatur aliquid facto: & in tali significatione facti consistit exterior religionis cultus. Et ideo si per cultum exteriorem aliquid falsum significetur, erit cultus perniciosus. Hoc autem contingit dupliciter. Uno quidem modo ex parte rei significatæ, a qua discordat significatio cultus; & hoc modo tempore novæ legis, peractis jam Christi mysteriis, perniciosum est uti cæremoniis veteris legis, quibus Christi mysteria figurabantur futura; sicut etiam perniciosum esset, si quis verbo confiteretur Christum esse passurum. Alio modo potest contingere falsitas in exteriori cultu, ex parte colentis, & hoc præcipue in cultu communi, qui per ministros exhibetur in persona totius Ecclesiæ. Sicut enim falsarius esset, qui aliqua proponeret ex parte alicujus, quæ non essent ei commissa, ita vitium falsitatis incurrit, qui ex parte Ecclesiæ cultum exhibet Deo contra modum divina auctoritate ab Ecclesia constitutum, & in Ecclesia consuetum. Unde Ambrosius (seu potius auctor Commentarii in Epistolas S. Pauli, inter S. Ambrosii opera editus, in cap. 11. Epist. 1. ad Corinth.) dicit: Indignus est, qui aliter celebrat mysterium, quam Christus tradidit. Et propter hoc *Glossa dicit in cap. 2. Epistolæ ad Coloss. 2.* Superstitio est, quando traditioni humanæ religionis nomen applicatur „ „. Ita hanc

foribus acceptas, & in Ecclesia universa, vel in ea, in qua vivit, usurpatas in administrandis, conficiendis Sacramentis, aut in divinis Officiis adhibere studiose omittat, perniciofa salutem cultum Dei commaculat, adeoque lethale peccatum committit. Ejusdem peccati rei essent Ecclesiae Pastores, si hanc superstitionem non cohiberent.

Quantum porro divino deroget honori cultus indebitus, & quam grave sit peccatum, docet etiam *Guibertus Novigentinus Abbas*, lib. 3. *De Pignoribus Sanctorum*, c. 1. „ Penes Deum, & Sanctos ejus (*inquit*) omnimodis est approbanda devotio, sed cum sibi tantum devotio arrogat, quantum nullatenus religionis ratio subministrat, unde pius quilibet divinarum cultor præmium opperiri potuerat, fit miserabile quiddam, ut inde poenam nequissimi erroris insumat. Cum enim de Deo aut colitur, aut dicitur aliquid, quod ipsius veritatis testimoniis haut dubie obluetur, nimirum accidit, ut tanto deterius, quanto incorrigibilis mens exerrare probetur, dum sub pietatis colore peccatur. Nil enim peius quam mala agere, & hæc ipsa, quæ inconsulte geruntur, pro exercitio boni operis æstimare. Unde ergo, & quando error iste corrigetur, qui non solum error non creditur, sed etiam divinæ dignationis prærogativa putatur „ „ ? Ad istud superstitionis genus evellendum Concilium Mechliniense anno 1570. monet fideles. „ „ Ne circumforaneis quibusdam, aut etiam cum privilegio impressis libellis temere fidem adhibeant, qui ex levibus, aut superstitionis causis incertisque revelationibus immodicas, & plus æquo exorbitantes pollicentur Indulgentias, potissimum si promissiones contineant certorum effectuum, periculorum scilicet evitacionem, a gladiis, a tormentis, ab aquis, a peste; aut liberationem certam a Purgatorio; quemadmodum & Missis quibusdam, & precibus certo numero recitandis affixas, alicubi videre licet „ „

REGULA II.

Incertæ Reliquiæ in atrio, aut sub parietibus Templorum, aut circa ipsa, sepeliendæ sunt, ne populus christianus indebiti cultus superstitionis polluatur.

De incertis
Reliquiis.

Hanc Regulam a Patribus acceptam sequutus est *Amolo* Lugdunensis Episcopus, & *Theobaldo* Lingonensi Episcopo tradidit, cum de Reliquiis incertis, a nescio quibus monachis delatis in Basilicam Divionensem sancti Benigni Martyris interrogatus esset. „ Videtur nobis (*inquit*) ut ossa illa, quæ nulla ratione, nulla auctoritate, nescio cujus Sancti esse dicuntur, unde primum prurigo hujus curiositatis exorta esse videtur, omnino de sacris adytis, & de loco celebri tollantur, & nequaquam intra Ecclesiam, sed foris in atrio, aut certe sub pariete, vel circa ipsam, vel, quod utilius existimamus, circa aliam secreto in loco apto, & mundo sub paucorum conscientia sepeliantur; ut quoniam & sancta esse dicuntur, aliquid eis reverentiæ deferatur; & quia esse penitus nesciuntur, nequaquam rudibus populis occasio erroris, & superstitionis existant. Nec metueri debemus, ne forte ex hac diligentia aliquam offensionem incurramus. Vult enim omnipotens Deus nos in rebus suis cautos esse, atque discretos, juxta *1. Thessal.* præceptum Apostoli dicentis: *Omnia probate, quod*

eo abstinuit, nec auctoritatem suam vulgi opinioni accommodare ullatenus voluit, donec rei veritate divinitus sibi patefacta, etiam populum superstitionis illius absolvit errore. Invenimus etiam in Decretis B. Papæ Gelasii graviter notari Episcopos, & penes alienos a Christianitatis affectu designari, qui in quocunque nomine defunctorum, & fortassis nec omnino fidelium, ædificatas sacris professionibus audacter instituere præsumunt Ecclesias. Sed & quorundam venerabilium valde Sanctorum corpora novimus, vel inter agtorum sepulturas, vel in angulo Ecclesiæ annis plurimis jacuisse, donec se dignis revelationibus manifestarent. Quapropter juxta Apostolicam, atque Evangelicam auctoritatem, & venerabilia sanctorum Patrum exempla, atque instituta, removeatur de medio, & congruenti modo habeatur, unde tanta pullulavit occasio superstitionis, & nulla probatur existere utilitas salutis „ „.

R E G U L A III.

Reliquias unius Sancti pro alterius Reliquiis colendas ex industria proponere, ubi comperta falsitas, vel dubia res est, lethale peccatum est indebiti cultus.

Hæc Regula firmatur verbis venerabilis Guiberti Novigentini Abbatis, lib. 1. *De Pignoribus Sanctorum*, cap. 3. ubi de contentione Constantinopolitanorum, & Angeriacenſum monachorum Caput S. *Joan. Baptiste* habere se jactantium, hæc habet : „ „ Cum constet id, quod nusquam geminari potuerit, alterutros habere non posse, perspicuum est hos, vel illos plurimæ falsitati succumbere. Quod si in hac re, quæ tota pietati commilitat, mutua ad se verſum arrogantia, mendacioque configunt, pro divinis dæmoniaca agunt. Alterutri ergo, qui decipiuntur, atque decipiunt, idipſum proſecto, quo se jactant, indebite colunt. Quod si indignum aliquid ab eis colitur, ecce quanto discrimini series ei obsequentium univerſa addicitur, quod si Joannis Baptiste non

476 Theol. Dog. & Moral. Lib. IV.

non est, alicujus vero Sancti est, non mediocre tamen mendacii malum est „ „.

R E G U L A IV.

Nullius peccati rei sunt, qui Reliquias tuius Sancti pro Reliquiis alterius bona fide colunt.

Ita docet venerabilis *Guibertus Abbas* Novigentinus cap. 4. ejusdem libri §. 2. „ „ Quæritur quoque ab aliquibus, utrum eorum Reliquiæ, cum alteræ pro alteris honorantur, & non sint ejus, cujus esse putantur, aliquid perniciosum colentibus importare credantur. Quod ego non æstimo; cum enim Dominus de eis dicat: *Ut sint unum, sicut & nos unum sumus*, cum ipsorum universitas sub Christo capite sit, quasi quædam identitas corporis, & unus cum Deo sit spiritus ipsi adhærens, inter eorum ossa, qui Sancti sunt, non est error, si alia pro aliis excolantur, qui commembres in sui auctoris corpore dignoscuntur. A quo sensu non discrepare videtur, quod Quatuor Coronatorum Festivitas sub aliarum quinque Martyrum hominibus ex Romana auctoritate recolitur „ „.

Joan. 17:1

R E G U L A V.

Nullius peccati reus est, qui bona fide illum invocat, quem Sanctum esse certo credit, quamvis reversa Sanctus non sit.

„ „ **Q**uia (*inquit Guibertus Abbas*) sicut Deum, qui eum, de quo est incertus, exposcit, irritat; ita eum, si fideliter Sanctum illum credens, qui non est Sanctus, exoret, placat. Verbi gratia, ponamus aliquem, qui eleemosynam putet esse peccatum; si ergo is scienter eleemosynam faciat, profecto ex conscientia intuitu peccat, cum tamen aliorum vere sit bonum, quod faciat. Ita plane si Sanctum quis æstimet, quem Sanctum quidem dici audiat, Sanctum vero esse non constet; si eum præcordialiter, & secundum fidem interpellet, apud Deum, qui causa

& fructus est orationis, intentio tota defigitur, quocunque modo animus per simplicitatem super suo intercessore errare videatur; & quod sub spe boni honoratur, nunquam a boni remuneratione cessatur. „ „ Qui tamen publice aliquem invocaret, & coleret ut Sanctum, cujus sanctitas a romano Pontifice ritu solemni vindicata non esset, lethalis peccati reus foret.

R E G U L A VI.

Ritus alios, & preces in Missarum celebratione adhibere, præter eas, quæ ab Ecclesia receptæ sunt, aut quarundam Missarum, & candelarum certum numerum observare, superflui cultus superstitio est.

Id constat ex Concilio Tridentino, Sess. 22. in Decreto de observandis, & evitandis in celebratione Missæ. „ „ Postremo (*inquit*) ne superstitioni locus aliquis detur, edicto, & poenis propositis caveant Episcopi, ne Sacerdotes aliis, quam debitis horis celebrent, neve ritus alios, aut alias ceremonias, præter eas, quæ ab Ecclesia probatæ, ac frequenti, & laudabili usu receptæ fuerint. Quarundam vero Missarum, & candelarum certum numerum, qui magis a superstitioso cultu, quam a vera religione inventus est, omnino ab Ecclesia removeant „ „

Cultus fit
periculosus.

Id confirmat Concilium Mechliniense tit. *De Superstitione*, docens: „ „ Omnem illum rerum usum esse superstitiosum, qui sine verbo Dei, & Ecclesiæ doctrina fit, præscriptis aliquibus ritibus, & observantiis, quarum rationabilis causa reddi non potest, & fiducia in eis collocatur certo expectandi aliquem eventum, qui sine illis ritibus ex Sanctorum intercessionem non speraretur, aut quæ in cultu Sanctorum ex temeritate, aut quadam levitate potius, quam pietate, & vera in Deum religione, fieri videntur „ „

REGULA VII

Idololatria peccatum omnium gravissimum est.

Idololatria
principale
crimen ge-
neris hu-
mani.

Ita docet *S. Thom.* 2. 2. qu. 94. art. 3. „ „ Sicut enim in terrena republica gravissimum esse videtur, quod aliquis honorem regium alteri impendat, quam vero Regi (quia, quantum in se est, totum reipublicæ perturbat ordinem) ita in peccatis, quæ contra Deum committuntur (quæ tamen sunt maxima) gravissimum, esse videtur, quod aliquis honorem divinum creaturæ impendat; quia quantum est in se, facit alium Deum in mundo, minuendo principatum divinum „ „ Hinc a *Tertulliano*, lib. *De idololatria*, cap. 1. vocatur: „ Principale crimen generis humani, „ summus seculi reatus, tota causa iudicii „; quod nimirum omnia crimina complectatur, quæ in iudicium venient; a *S. Gregorio Nazianzeno*, Oratione 38. *Extremum, & primum malorum*; a *Lactantio* lib. 1. *Institut.* cap. 18. *Scelus inexpiabile*; a Concilio *liberitano* Canone 1. *Crimen capitale*.

Quamvis autem idololatria duntaxat exterior, qua aliquis exterius idola colit, fidem in mente servans, minus peccatum sit idololatria completa, quæ interiorem simul, & exteriorem lauræ cultum alteri a vero Deo exhibet; illa nihilominus superstitio lethalis est. „ „ Nam cum exterior cultus sit signum interioris, sicut est perniciosum mendacium, si quis

in theatro, sed imitaretur in templo; eo damnabilius, quo illa, quæ mendaciter agebat, sic ageret, ut eum populus veraciter agere existimaret „ „.

R E G U L A V I I I.

Lethalis peccati gravissimi rei sunt, non solum qui divinationem, magiam, aut fortilegia exercent, sed & qui ariolos, magos, fortilegos, sive maleficos consulunt, eorumve opera utuntur.

Id enim divina lege prohibitum cum gravissimæ ^{Ariolos magos, fortilegos com-} poenæ interminatione. Lev. 19. *Non declinetis ad magos, nec ab ariolis sciscitemini, ut polluamini per eos.* Et cap. 20. *Anima, quæ declinaverit ad magos, & ariolos, & fornicata fuerit cum eis, ponam faciem meam contra eam, & interficiam eam de medio populi sui...* Vir, sive mulier, in quibus pythonicus, vel divinationis fuerit spiritus, morte morietur. Deut. 18. *Non inveniantur in te, qui ariolos sciscitentur, nec qui pythones consulat, nec divinos, nec quærat a mortuis veritatem: Omnia enim hæc abominatur Dominus.* Isai. 44. *Ego sum Dominus, irrita faciens signa divinatorum, & ariolos in furorem vertens.* Eccl. 34. *Divinatio erroris, & auguria, mendacia, & somnia malefacientium, vanitas est.* Divinationem scilicet operatione dæmonum fieri, & ex pacto cum illis inito, docent *Origenes* Hom. 6. in Num. „ „ Est quædam (*inquit*) operatio dæmonum in ministerio præscientiæ, quæ artibus quibusdam ab his, qui se dæmonibus mancipaverunt, nunc per fortes, nunc per auguria, nunc ex contemplatione umbrarum, comprehendi videtur. Hæc autem omnia operatione dæmonum fieri non dubito „ „. Et *S. Cyrillus Hierosolymitanus*, Catechesi Mystagogica prima: „ „ Auguria (*inquit*) divinationes, omina, aut amuleta, aut inscriptiones in foliis, aut aliæ malæ artes, & cætera hujusmodi, cultus diaboli sunt. Cave itaque ista, nam si post renuntiationem diaboli, & Christi militiæ professionem, in eadem rursus incid-
^{quam grave peccatum.}

mat *S. Auguſt.* lib. 2. *De doctrina chriſtiana*, cap. 24. quem locum ſuperiori articulo exhibuimus: Idem libro *De vera religione*, cap. 55. ait: „ Non ſit nobis religio cultus dæmonum, quia omnis ſuperſtitio, cum ſit magna pœna hominum, & periculoſiſſima turpitudine, honor eſt, ac triumphus illorum „ „

Idem confirmat *S. Eligius Episcopus* Novionenſis in Sermone ad populum, quem ejus vitæ lib. 2. cap. 15. refert *S. Andoenus* Rothomagenſis Episcopus. „ „ Ante omnia (*inquit*) illud denuntiô, atque conſeſſor, ut nullas Paganorum ſacrilegas conſuetudines obſervetis; non charagos, non divinos, non ſortilegos, non præcantatores; nec pro ulla cauſa, vel infirmitate eos conſulere, vel interrogare præſumatis, quia qui facit hoc malum, ſtatim perdit Baptiſmi Sacramentum „ „

Quamobrem Concilium Ancyranum eos: *Qui divinationes expetunt*, publicæ poenitentia per quinquennium addicit, ut habetur Canone *Qui divinationes*, cauſa 26. qu. 1. Concilium Agathenſe Canone 42 ab Eccleſia extraneos haberi decernit, qui ipſos conſulunt. Idem ſtatuit Concilium Aurelianenſe 1. Can. 30. Concilium Toletanum 4. Can. 29. Clericos hujus ſuperſtitionis reos gradu dejecit, & in monaſterium ad perpetuam poenitentiam detrudit. Concilium Trullanum Can. 61. ſexennii excommunicatione, & poenitentia plechit eos, qui ariolos interrogaverint. Sy-

Anima, qua declinaverit ad magos, & ariolos, & veneficos terræ, & fornicata fuerit cum eis, ponam faciem meam contra eam, & interficiam illam de medio populi sui. Et alibi: Magos, & ariolos, & maleficos terræ vere ne patiamini. Lev. 20.

Dubium etenim non est, sicut multis est notum, quod a quibusdam præstigiis, atque diabolicis illusionibus, ita mentes quorundam inficiuntur poculis amatoriiis, cibis, phylacteriis, ut in insaniam versi a plerisque judicentur, dum proprias non sentiunt contumelias. Ferunt enim suis maleficiis aera posse conturbare, & grandines immittere, futura prædicere, & fructus, & lac auferre, aliisque dare, & innumera a talibus fieri dicuntur. Qui ut fuerint hujusmodi comperti, viri, seu feminæ, in tantum disciplina, & vigore principis acrius corrigendi sunt, in quantum manifestius ausu nefando, & temerario servire diabolo metuunt „„. Concilium Trevirense anno 1548 celebratum, Canone 6 & Augustense, Canone 19. eos „„ Qui auguria, & sortes tractant, aut divinationibus, & incantamentis vacant, quibus studiis Dei cultus deseritur, & ad dæmonum, fallaciumque spirituum præstigias confugitur; *non solum anathemate feriri, sed in vincula conjici jubent*, quousque dæmonum, magistrorum videlicet suorum susurris, ac illusionibus liberentur „„. Concilium Mediolanense 1. P. 1. cap. 10. Episcopos pœnas sumere jubet, non solum de magis, sed etiam in eos severe animadvertere: „„ Qui hujusmodi divinatores, fortilegos, conjectores, ariolos, & cujusvis generis magos de aliqua re consuluerint, vel ut consulerentur, cuique auctores, adjutores, hortatoresque fuerint, vel eis fidem adhibuerint „„. Concilium Burdigalense anno 1583. cap. 7. Pastoribus præcipit, ut frequentissime admoneant: „„ Scelus execrandum eos committere, necnon a communione fidelium avulsos esse, qui magicas artes, & divinationes exercent, vel qui ejus generis ariolis fidem adhibent „„. Concilium Mexicanum anno 1535 lib. 5. tit. 6. eum, qui fortilegos, veneficos, incantato-

resque adierit , ut eorum maleficiis utatur , solem-
nem agere jubet poenitentiam die festivo , dum Mis-
sa parochialis celebratur , detecto capite , sine pallio ,
& nudis pedibus stare , fune præcinctum , candelam-
que gestantem publice sententiam in eum latam
audire.

Denique *S. Thom. 2. 2. qu. 95. art. 1. „ „* Ad super-
stitionem (*inquit*) pertinet , non solum cum sacrifi-
cium dæmonibus offertur per idololatriam ; sed etiam
cum aliquis assumit auxilium dæmonum ad aliquid
faciendum , vel cognoscendum. Omnis autem divi-
natio ex operatione dæmonum provenit , vel quia
expresse dæmones invocantur ad futura manifestan-
da ; vel quia dæmones ingerunt se vanis inquisiti-
onibus futuorum , ut mentes hominum implicent va-
nitate. *Et in Responsione ad secundum : Divinatio (in-*
quit) pertinet ad cultum dæmonum , in quantum ali-
quis utitur , quodam pacto tacito , vel expresso cum
dæmonibus „ „

R E G U L A IX.

Quantumlibet gravis rei temporalis jactura facta fue-
rit , quantumvis grande periculum timeatur , quan-
tacunque speretur utilitas , sive recuperandæ sani-
tatis , sive res amissas detecto fure inveniendi ,
ariolos , & divinatrices adire non licet , nec pro-
pterea minus peccatum est.

Ut enim ait *S. Thom. art. 3. in responsione ad ter-*
tiam objectionem : „ „ Nulla utilitas tempora-
lis potest comparari detrimento spiritualis salutis ,
quod imminet ex inquisitione occultorum per dæ-
monum invocationem „ „

Hinc Presbyterum , qui ad privatum locum accel-
lerat : *Ut inspectione Astrolabii furtum cujusdam Eccle-*
sie posset recuperari , quamvis ex bono zelo , & simpli-
citate id se fecisse affirmaret , non modicam tamen inde
peccati maculam contraxisse judicavit *Alexander III. &*
per annum ab Altaris ministerio suspendi jussit , aut
etiam

etiam diutius, si Episcopo videretur. (Cap. *Ex tuarum*, Ext. *De Sortilegis*.)

Idem confirmatur ex Decreto Facultatis Theologicæ Parisiensis de erroribus circa artem magicam. Art. 15. „ „ Quod ideo artes præfatæ bonæ sunt, & a Deo, quod licet eas observare, quia per eos quandoque, vel sæpe evenit, sicut utentes eis quærunt, vel prædicunt, vel quia bonum quandoque provenit ex eis, *Error*. „ „

Nec refert, quod dæmon aliquando vera prædicat, permittente Deo. Cum enim intendat perditionem hominum: „ „ Ex hujusmodi suis responsis, etiamsi aliquando vera dicat, intendit homines assuefacere ad hoc, quod ei credatur, & sic intendit perducere in aliquid, quod sit homini nocivum „ „ (*inquit S. Thom.* art. 4. mox citato.)

R E G U L A X.

Lethalis peccati rei sunt, non solum qui Astrologiam judiciariam profitentur, & fortuitos eventus, aut futura hominum opera, prosperamque, vel adversam fortunam prænuntiant; verum etiam qui Astrologos, seu Genethliacos consulunt, & suos, vel aliorum Horoscopos confici curant, ut ab eis bonam, vel malam fortunam, & omnia sibi eventura perdiscant, si prædictionem futurorum ex astrorum inspectione repetitam, non meræ conjecturæ, sed certæ præscientiæ rationem habere existiment, & veluti certam suarum actionum regulam constituent.

Hæc Regula nititur sacrae Scripturæ oraculis, testimoniis SS. Patrum, Decretis Conciliorum, Constitutionibus Pontificum, Responsis Theologorum. *A signis cæli nolite metuerе, quæ timent gentes, quia leges populorum vana sunt* (inquit Dominus *Jer. 10.*) Et *Isaiæ 47.* sic Babylonem alloquitur: *Defecisti in multitudine consiliorum tuorum; stent, & salvent te angues cæli, qui contemplabantur sidera, & supputabant menses, ut ex eis annuntiarent ventura tibi.* SS. Patres hujus

artis vanitatem ostendunt , dæmonum inventionem esse demonstrant ; hujus professores diabolo societatem habere ; impiam illam esse , nefariam , Fidei christianæ , divinæ providentiæ , ac gratiæ , humanæque libertati injuriosam. Vide *Tertullianum* , lib. *De idololatria* , cap. 9. *Eusebium* , lib. 6. *De Preparatione Evangelica* , cap. 9. ubi egregiam *Origenis* locum profert ; *S. Basilium* Hom. 6. in *Hexameron* ; *S. Ambrosium* , lib. 4. ejusdem argumenti , cap. 4. *S. Augustinum* , lib. 4. *Confessionum* , cap. 3. & lib. 2. *De doctrina christiana* , cap. 21. 22. & 23. ubi occulto quodam judicio divino fieri ait , ut cupidi malarum rerum homines tradantur illudendi , & decipiendi pro meritis voluntatum suarum : „ „ Illudentibus eos , atque decipientibus prævaricatoribus Angelis , quibus ista mundi pars infima secundum pulcherrimum ordinem rerum divinæ Providentiæ lege subiecta est. Quibus illusionibus , & deceptionibus evenit , ut istis superstitiosis , & perniciosis divinationum generibus multa præterita , & futura dicantur , nec aliter accidunt , quam dicuntur ; multaque observantibus secundum observationes suas eveniant , quibus implicati curiosiores fiant , & sese magis magisque inferant laqueis perniciosissimi erroris. Hoc genus fornicationis animæ salubriter divina Scriptura non tacuit , neque ab ea sic deterruit animam , ut propterea talia negaret esse sectanda , quia falsa dicuntur a professoribus earum , sed :

amicitiæ constituta, penitus sunt repudianda, & fugienda a christiano „„. Legi potest de eodem argumento, & liber secundus ejusdem sancti Doctoris *De Genesi ad literam*, cap. 16. lib. 5. *De civitate Dei*, totis octo primis capitibus, & Tractatus in Psalm. 61. *S. Gregorius* Hom. 10. in Evangelia, *S. Eligius* in Sermone ad populum suum, quem ejus vitæ inseruit *S. Audouenus*, &c.

Sacris etiam Canonibus damnata est Astrologia judiciaria, scilicet Concilii Ancyrani Canone 24. Bracarenensis 2. Can. 8. Agathensis Can. 42. Narbonensis Can. 14. Antisiodorensis Can. 4. Toletani 4. Can. 28. Trullani Can. 61. Parisiensis 6. Decreto lib. 3. cap. 2. Mediolanensis 1. P. 1. tit. 10. Remensis 1583. jubentis excommunicari *Genethliacos, & qui divinationibus, seu prædictionibus ad artem judiciariam pertinentibus utuntur, vel eisdem fidem adhibent.* Burdigalensis eodem anno celebrati, tit. 7. Tolosani anno 1590. cap. 12. Narbonensis anno 1609. *Sixtus V.* Constitutione, quæ incipit, *Celi, & terræ*, data die 7. Januarii anno 1586. statuit, & præcipit, ut Episcopi contra Astrologos, & alios quoscumque dictæ judiciariæ artem exercentes; *Etiamsi id non se certo affirmare assirant, aut protestentur*, inquirant, & animadvertant: quam Constitutionem confirmavit *Urbanus VIII.* Diplomate, quod incipit: *Inscrutabilis*, dato die 21. Martii 1631. Concilium denique Tridentinum Regula nona de libris prohibitis, reprobat libros omnes Geomantiæ, Hydromantiæ, aeromantiæ, Pyromantiæ, Onomantiæ, Chyromantiæ, Necromantiæ, sive in quibus continentur veneficia, sortilegia, auguria, auspicia, incantationes, artes magicæ. Episcopos autem invigilare jubet, ne Astrologiæ judiciariæ libri, tractatus, indices legantur, vel habeantur, qui de futuris contingentibus, fortuitive casibus, aut actionibus humanis certum aliquid affirmare audent. Edicto etiam Aurelianensi *Caroli IX.* & Blesensi *Henrici III.* Regum christianissimorum sancitum est, ne Ephemerides, seu Almanachi (ut vulgo vocantur) edantur in lucem, absque revisione.

Astrologiæ
judiciariæ
execranda
vanitas.

& approbatione Episcoporum ; aut eorum , quibus id curæ commiserint , & absque magistratus licentia. Recte ergo scribit *S. Thomas* , 2. 2. qu. 95. art. 5. „ „ Si quis consideratione astrorum utatur ad præcognoscendos futuros casuales , vel fortuitos eventus ; aut etiam ad cognoscendum per certitudinem futura opera hominum , procedit hoc ex falsa , & vana opinione , & sic operatio dæmonis se immiscet. Unde erit divinatio superstitiosa , & illicita „ „.

Ara Chiro-
mantiæ
damnata.

Astrologiæ judiciariæ pars est Chiromantia , unde lethalis pariter peccati rei sunt , qui superstitiosam illam artem exercent , & qui palmam manus ipsis expandunt , ut ex areolis , colliculis , & lineis in illa exaratis ediscant futuros eventus , prosperamque , & adversam fortunam. Hujus artis vanitatem ostendit *Joannes Sarisberiensis* , lib. 2. *De Nugis Curialium* , cap. 27. „ „ Chiromantici (*inquit*) vera , quæ in rugis manuum latent , se nosse gloriantur , quorum errorem , quia ratione non nititur , non necesse est rationibus impugnare , licet eo ipso illos expugnet ratio , quod deficiunt ratione. *Et infra* : Isti sua vanitate meruerunt , ne ulterius consulerentur „ „. Chiromantiam , & Astrologiam judicariam eadem Constitutione damnat *Sixtus V.* quæ incipit , *Celi , & terræ* , docetque : „ „ Cum futuros eventus in se ipsis considerare , antequam fiant , sit Dei proprium , illud necessario consequitur , ut Astrologi , & alii prædicti , qui hujusmo-

R E G U L A X I.

Divinatio per auguria , omina , occurfus , & alias hujusmodi rerum exteriorum observationes , si extendatur ultra illud , ad quod pertingere potest secundum naturæ , aut divinæ providentiæ ordinem ; & ex iis eventus fortuiti , & ab hominis libertate pendentes prænuntientur , relque prosperæ , vel adversæ ; aut illis ita credatur , ut auguria illa , vel omina velut actionum suarum regulam homo constituat , perniciofa superstitio est , & lethale peccatum.

Cum enim auguria hæc , & omina nec suapte vi , ac natura , nec Dei institutione , futura contingentia , quæ præsertim ex hominis libertate pendent , eventaque prospera , vel adversa significant , colligitur , quod ea significare non possint , nisi ex dæmonis institutione , & disciplina , ut docet *S. Thom. 2. 2. qu. 115. art. 7* Hæc enim „ „ Tantum valent , quantum præsumptione animorum quasi communi quadam lingua cum dæmonibus foederata sunt. Quæ tamen plena sunt pestiferæ curiositatis , cruciantis sollicitudinis , mortiferæ servitutis „ „ (ut loquitur *S. August. lib. 1. De doctrina christiana* , cap. 24.) Existimare itaque infustum aliquid significari , si quis domo exiens in limine offenderit ; si Sacerdos , monachus , virgo , lepus , bufo , aut serpens primum occurrerit ; si simul ambulantes amicos lapis inter eos ceciderit , aut canis intervenerit ; si corvus supra domum crocitaverit , aut pica ad sinistram nostram volitaverit ; si discumbentibus in mensa sal effusum fuerit , si quis caligam , aut calceum dextro pedi primum aptaverit ; si corrigia fuerit abrupta ; si in itinere aliquis interroget , quo proficiscamur ; si occurrerit monoculus homo , vel claudus ; si dextra auris sponte tintinet , amicum ; si sinistra , inimicum nostri esse memorem ; moriturum ægrum , si sal in ejus manu positum colliquecat ; valetudinem recuperaturum , si integrum maneat ; & aliis hujusmodi vanis observationibus

Divinatio
per augu-
ria , omina
occurfus ,
&c. pernicio-
fola , &
mortifera
superstitio.

bus inhærere, fidem adhibere, ex iisque futuros eventus divinare, lethale peccatum est; nisi forte rusticanæ simplicitas, & ignorantia invincibilis veniale faciant. Prohibuit nempe Deus illud quoque superstitionis genus Deut. 18. *Non inveniatur in te, qui observet auguria.* In divinationem huiusmodi acriter etiam invehuntur sancti Patres.

S. Basilii in cap. 2. Isaïæ: „ Vides (inquit) quantum mali importet auguratio? Qui huic incumbit, studiumque adhibet, Dei providentia, ac sollicitudine distituitur. Plerique autem christianorum susque deque habent talibus commentis aures accommodare, & illinc aucupari famam, nec pudet isti ominosæ superstitioni, ac signis intentos esse. Sternutavit quispiam me loquente, nimirum hoc aliquid designat. Me aliquis a tergo revocavit; hinc etiam aliquid impedimenti incidit. Pes impegit egredientis, vestimentum detentum est. Tum quidam valde clari, ac celebres quique præstolantur effuturum e cœlo iudicem, in hæc tam noxia ad exteremum nullo delectu devolvuntur... Olim Mosaica lege istiusmodi auguria, divinationes, ominationes, atque auspicia infamia notabantur, tanquam inventa dæmonum, Ait enim Scriptura: *Non ariolabimini, neque captabitis auguria; Gentes enim, quas Deus disperdet a facie sua, hi divinationes, & vaticinia exaudient, Tibi autem non sic dedit Dominus Deus tuus.* A morum probitate est alienum prorsus, eum, qui penes se habet consultationem de Dei justificationibus ad decernendum de rebus agendis, sibi in consiliarios adhibere brutos animantes, imo ne quidem tanquam consiliariis uti, sed ut doctoribus, & legum latoribus. Quando ipsa avis periculum sibi ob oculos impendens non novit, quam ratione hæc tibi, quod futurum est, prædicet? Quod si operatione dæmonum circumvolvant ad te circumveniendum fraude, ne tu inhians talibus imposturis, mihi acquiescito. Atqui ne quæso te dedas, & eloces istiusmodi diabolicis operibus. Diabolus enim mox, ut animam sic ductilem, & procli-

rem acceperit ad perditionem, modis omnibus abutens ea, nihil illi indulget, nec remittit impetum; sed & corvi illi vociferantes, & tristes aquilæ propter inopiam prædæ, superstitiosam animam perterrefaciunt. Tanta proinde est, tamque petulans inimici adversus hominem protervia, ut si vel felis appareat, vel canis caput exerat, vel occurrat homo quamvis ex maxime amicis, cui vel oculus, vel dextrum crus oblæsum sit, resiliat, & a via deflectat, plerumque etiam oculos obtegat. Quid hoc genere vivendi est usquam infelicius? Nihil non suspectum habet, ad omnia pertimescens, & ab omnibus impeditur, cum deberet undequaque animam suam reducere ad Deum „ „.

S. Joan. Chrysostomus, Hom. 21. ad populum Antiochenum: „ „ Pompa satanica (*inquit*) sunt theatra, circenses, & omne peccatum, & dierum observatio, & præsentia, & omina. Et quid tandem sunt omina? Sæpe domum quis suam egressus, hominem videt monoculum, vel claudum, & ominatus est. Hæc est pompa satanica; non enim hominis occursum malum facit esse diem, sed in peccatis vivere. Cum igitur exieris, unum solum custodi, ne occurrat tibi peccatum; hoc enim est, quod supplantat, præter hoc vero, nec ipse diabolus nos quippiam lædere poterit. Quid dicis? Hominem cernis, & ominaris, nec cernis laqueum diabolicum, quomodo te illi, qui te nulla affecit injuria, reddit inimicum? Et Deus quidem, vel inimicum amare nos jussit; tu autem nil lædentem averfari, nec cogitas, quantum risus, quantum dedecus, imo vero quantum periculum? Dicamne & aliud ridiculosius? Si virgo (*inquit*) occurrerit, sterilis dies erit; si vero meretrix, dextera, & bona, & multa mercatione plena. Occultamini, & frontem percutitis, & ad terram inclinatis; sed non nunc dum dicuntur verba, sed cum fiunt opera, erubescendum erat. Vide nempe quomodo & hic diabolus dolum abscondit, ut modestam quidem aversemur, impudicam vero gratam ha-

habeamus, & amemus. Quoniam enim audivit Christum dicentem : Quod aspiciens mulierem ad concupiscendum, jam moſchatus est eam, & vidit multos lasciviam vincere, volens rursus per alias vias ipsos in peccatum impellere, per hanc observationem meretriciis mulieribus libenter oculos intendere persuasit „ „.

In eandem auguriorum, & ominum superstitionem invehuntur. *S. Eligius* in Sermone ad plebem, *Petrus Blesensis* Epist. 65. *Joannes Sarisberiensis* lib. 1. *De Nugis Curialium*, cap. 13. Concilium Carthaginense 4. Canone octogesimo nono: *Auguriis, vel incantationibus servientem a conventu Ecclesia separandum* statuit. Concilium Mediolanense primum P. 1. tit. 10. Episcopos animadvertere jubet in eos omnes; „ „ Qui in itineris susceptione, aut cujusvis rei institutione, vel profectione dies, tempora, & momenta observantes, quadrupedum voces, avium volatum, aut garritum notantes, ex occurſu etiam hominum, vel pecudum, suscipiendi operis, felicitatem augurantur „ „. Idem statuit Concil. Burdigalense anno 4583. tit. 7.

REGULA XII.

Lethalis superstitionis rei sunt, qui adhibito certæ cujusdam arboris ramo, seu baculo certæ figuræ, certa sub constellatione ex arbore abscisso, vel exul-

cap. 20. & lib. 21. *De civitate Dei*, cap. 6. & *S. Thomæ*, 2. 2. qu. 96. art. 3. Et forte expressa etiam dæmonum invocatio in hoc tenebrarum negotio intercedit. Certe cum pecuniam ubicunque in domo absconditam se detecturos arte sua huiusmodi circulatores spondeant, videtur id ad divinationem per sortes, aut ad magiam pertinere. „ Pactum saltem implicitum est in „ omni observatione superstitiosa, cuius effectus non „ debet a Deo, vel a natura rationabiliter expectari „ (inquit sacra Facultas Parisiensis in Decreto contra artem magicam edito die 19. Septembris anno Domini millesimo quadringentesimo nonagesimo octavo.)

Præterea, thesaurorum indagatores per artes magicas, plerisque misere interiisse, metu, & horrore ex formis terrificis subito exanimatos, a diabolo præfocatos, ex auctoribus probatæ fidei refert *Delrio*, lib. 2. *Disquisitionum magicarum*, qu. 12. §. 10.

Tertio, quamvis compertum non esset id fieri arte magica, & superstitiosa divinatione, pactoque saltem tacito cum dæmone; re tamen dubia, huiusmodi arte, & arcano uti, vel eorum opera, qui thesauri occulti inventionem ignotis artibus, aut suspectis mediis pollicentur, lethale peccatum est. Siquidem auri sacra fames impellit hominem, ut volens exponat se periculo societatis occultæ cum dæmone, Deo spargente poenales cœcitates super illicitas cupiditates, ut loquitur *S. Augustinus*.

REGULA XIII.

Divinatio per somnia, si ad ea extendatur, ad quæ non potest pertingere, vana, & superstitiosa est, tacitumque pactum cum dæmone involvit, adeoque est lethale peccatum.

Hanc Regulam tradit *S. Thom.* 2. 2. qu. 114. art. 6. „ Si quis (inquit) utatur somniis ad præcognoscenda futura, secundum quod somnia procedunt ex revelatione divina, vel ex causa naturali intrinseca, sive extrinseca, quantum se potest virtus talis causas ex-

extendere, non erit illicita divinatio. Si autem hujusmodi divinatio causetur ex revelatione dæmonum, cum quibus pacta habentur expressa, quia ad hoc invocantur, vel tacita; quia hujusmodi divinatio extenditur, ad quod se non potest extendere, erit divinatio illicita, & superstitiosa „ „.

Somnio- Id ut plene intelligatur, observandum est, somnio-
rum causæ. rum causam duplicem esse, internam, & externam. Interna duplex est; una animalis, cum hominis phantasiæ ea in somniis occurrant, circa quæ vigilantis cogitatio & affectio versari consueverunt. Nam qui amant, amores suos somniant; qui timent, turbidis phantasmatibus agitantur. Sic venatoris somnia de campis, canibus, & feris sunt; piscatoris, de retibus, fluminibus, & piscibus; militis, de armis, cædibus, & sanguine. Altera corporalis dicitur, cum ex interna corporis dispositione aliquis motus ipsi conveniens in phantasia efficitur, qua ratione illi, in quibus sanguineus humor dominatur, hortos, convivia, cantus somniant; phlegmatici imbres, lacus, fluvios, navigationes, submersiones; biliosi rixas, certamina, incendia; melancholici tenebras, spectra, funera, & horribilia visu. Atque huc pertinent, quæ de insomniis, eorumque præsagiis, *Hippocrates*, & *Galenus* scripserunt. Externa quoque somniorum causa duplex est, corporalis, & spiritualis. Corporalis aerem continentem, vel impressionem cælestium corporum;

phetas. Sed & ipse Dominus Aaroni, & Mariæ sorori ejus dixit: *Si quis fuerit inter vos Propheta Domini, in visione apparebo ei, vel per somnia loquar ad illum.* Joel denique novi Testamenti gratiam prævidens, & prædicans cap. 2. ait: *Prophetabunt filii vestri, & filia vestra; senes vestri somnia somniabunt, & juvenes vestri visiones videbunt.* Nec defunt exempla ex sacris item Literis petita. Deus enim Abimelech Regem Geraræ per somnium admonuit, ne tangeret uxorem Abrahæ. Jacob in somniis mysticam scalam vidit, & Angelos per eam ascendentes, & descendentes. Deus in somniis apparuit Laban, præcipiens illi, ne quidquam durius contra Jacob loqueretur. Notissima sunt somnia Joseph, futuræ dominationis præfagia, quæ odii, atque invidiæ fomitem fratribus ministrarant. Somnia item Pharaonis, septem annorum sterilitatem significantia, quæ Joseph divino afflatus Spiritu interpretatus est. Salomoni per somnium Deus largitus est sapientiam. In libro Danielis somnium legimus Nabuchodonosor, & alterum ipsius Prophetæ, per quod quatuor Regna designata sunt. Judas Machabæus vidit in somniis Jeremiam Prophetam, a quo gladium aureum accepit, ut adversarios populi Israël in eo deiceret. Josepho Dei Genitricis Sponso apparuit Angelus in somniis dicens: Ne timeret accipere Mariam conjugem suam; & rursum in somniis monuit eum, ut fugeret in Ægyptum cum Pnero, & ut defuncto Herode in terram Israël reverteretur. Magi quoque admoniti sunt in somniis, ne redirent ad Herodem. Certissimum igitur est, a Deo immitti somnia, aliquando quidem aperta, & per se clara, aliquando obscura, & ænigmatibus involuta, quibus humana mens, vel ad rerum supernaturalium intelligentiam evehitur, vel de agendis edocetur, vel de futuris eventis admonetur. Habet quoque diabolus Prophetas suos, & somniatores, quorum ipse phantasmam commovet, multaque illis representat, & suggerit, & occulta quandoque revelat, implet animum noxia superstitione, & perniciosis illusionibus decipiens.

Num. 12.

Genes. 28.
31. 37. 41.2. Reg. 3.
Dan. 2. 7.
2. Mach.
15.

Matth. 2.

Som-

Somniis a Deo immixtis fides adhibenda est, cum semper vera sint; sed ea discernere haud facile est. Rara certe sunt, præsertim quæ futura prælagiunt, & nonnisi ob aliquam insignem causam, & publicam utilitatem spectet, immitti solent; quorum significationes, cum a solo Dei consilio, & voluntate institutæ sint, ejus duntaxat revelatione innotescere hominibus possunt. *Quæ enim Dei sunt, nemo cognovit, nisi Spiritus Dei* (inquit Apostolus 1. ad Corinth. cap. 2.) Hinc S. Greg. Nyssenus libro *De Opificio Hominis*, cap. 13. ait: „Cum vis imaginandi per somnium omnibus æque ac sine discrimine a natura sit indita, „pauci ex universorum cœtu sunt, quibus diviniora „se somniorum visa offerunt „Ideo facile non esse somniis credendum, *Antiochus* monachus ostendit Homilia 84. quamvis cœlitus immixta videri possint. „Nisi adsit discretio spirituum, certa, nec fallax interpretis rei visæ „Idque confirmat Scholiastes S. *Joannis Climaci*, ad Gradum 15. „Magna (inquit) prudentia adhibenda est in iis, quæ in somno usu veniunt. Quin potius, quia inconstans est eorum ratio, omnino negligenda est; paucorum enim illorum dijudicatio „; eorum videlicet, qui gratiam discretionis spirituum a Deo acceperunt.

Somnia, quæ inutilia, superstitiosa, & vana suggerunt, quæ tetra, horrenda, vel obscœna repræsentant, vel ad malum quocunque modo provocant;

Divinationis per somnia, vanitas damnata.

cognoscendum , vel operandum , vel omittendum aliquid circa vitæ christianæ , aut civilis officia , aut circa futura contingentia. His enim diabolica se immiscet illusio , & sic in tacitam cum dæmonibus societatem inciditur. Hinc sacræ Literæ nullam somniorum habendam esse rationem præcipiunt , ipsorum observatores , & conjectores acriter reprehendunt. Lev. 19. *Non augurabimini , nec observabitis somnia.* Deut. 18. *Nec inveniatur in te , qui observet somnia.* Eccles. 5. *Multas curas sequuntur somnia.* Eccl. 34. *Somnia extollunt imprudentes. Quasi qui apprehendit umbram , & persequitur ventum ; sic & qui attendit ad visa mendacia. Hoc secundum hoc visio somniorum. . . Divinatio erroris , & auguria , mendacia , & somnia maleficientium , vanitas est. . . Nisi ab Altissimo fuerit emissæ visitatio , ne dederis in illis cor tuum. Multos enim errare fecerunt somnia , & exciderunt sperantes in illis.*

De his S. Gregorius magnus , lib. 8. *Moralium* , cap. 13. „ „ Somnia (inquit) nisi plerumque ab occulto hoste per illusionem fierent , nequaquam hoc vir Sapiens indicaret , dicens : *Multos errare fecerunt somnia , & illusiones vana : Vel certe : Non augurabimini , nec observabitis somnia.* Quibus profecto verbis , cujus sint detestationis , ostenditur , quæ auguriis conjunguntur. *Et infra :* Sed nimirum cum somnia tot rerum qualitatibus alternent , tanto eis credi difficilius debet , quanto , & ex quo impullu veniant , facilius non elucet. Sæpe namque malignus Spiritus his , quos amore vitæ præsentis vigilantes intercipit , prospera etiam dormientibus promittit ; & quos formidare adversa considerat , eis hæc durius somnii imaginibus inventat , quatenus indiscretam mentem diversa qualitate afficiat , eamque aut spe sublevans , aut deprimens timore confundat. Sæpe autem etiam Sanctorum corda afficere somniis nititur , ut ab intentione cogitationis solidæ ad tempus saltem , momentumque deriventur , quamvis ipsi protinus animum ab illusionis imaginatione discutiant. Sed hostis insidians , quo eos vigilantes minime superat , eo dormientes

Eccles. 34.
Levit. 19.

gravius impugnat, quem tamen hæc maligne agere superna dispensatio benigne permittit, ne in electorum cordibus ipse saltem a passionis præmio somnus vacet „ „.

Divinationem ex somniis vanam esse, ac perniciosam, ostendit & *Joannes Sarisberiensis* libro 2. *De Nugis Curialium*, cap. 17. „ „ Quisquis (*inquit*) somniorum sequitur vanitatem, parum in lege Dei vigilans est, & dum fidei facit dispendium, perniciosissime dormit.. Quisquis credulitatem suam significationibus alligat somniorum, planum est, quia tam a sinceritate fidei, quam a tramite rationis exorbitat „ „.

Et *Petrus Blesensis*, Epistola 65. „ „ Ut fidem (*inquit*) habeam somniis, nulla somnia me inducent. Non inficior, quin anima frequenter ex reliquiis cogitationis, aut ex innata sibi perspicacia, quædam futurorum præfiguret imagines, sed crebro dicipitur. Nam sicut per experientiam didici, ex ea visione, quæ mihi gaudium quandoque nuntiaverat, postea contrarium reportavi. Somnia igitur ne cures, amice charissime „ „.

Denique conjectores, & interpretes somniorum, & qui illa observant, seu fidem illis adhibent, graviter reprehendunt *Greg. II.* Pontifex maximus in capitulari, cap. 8. Concilium Parisiense Sextum lib. 3. cap. 2. & Concilium Mediolanense 1. part. 1. tit. 10.

zò superstitionem vanam , ac perniciosam esse constat. Neque enim ex rerum natura , neque ex Dei , vel Ecclesiæ institutione vim habent ullam significandi res contingenter futuras , aut alioquin occultas. A solo igitur dæmone , expresse , vel tacite invocato , expectatur ejusmodi sortium directio , effectusque , qui futurus ex fortibus divinatur , procuratio. De quò genere sortium intelligitur illud Ezechielis 21. *Stetit Rex Babylonis in bivio , in capite duarum viarum divinationem quærens , commiscens sagittas , interrogavit idola , exta consuluit. Ad dexteram ejus facta est divinatio super Jerusalem.* Et Osee 4. *Populus meus in ligno interrogavit , & baculus ejus annuntiavit ei.* Quo de ritu superstitionis divinationis legendi S. Hieronymus, & Theophylactus in Commentariis. Sors divinatoria sacris Canonibus damnatur , præsertim can. *Sortes* , causa 26. qu. 5. ex Decreto Leonis IV. ad Episcopos Britanniae. „ „ Sortes , quibus cuncta vos in vestris discriminatis judiciis , quas Patres damnaverunt , nihil aliud quam divinationes , & maleficia decernimus. Quamobrem volumus illas omnino damnari , & ultra inter christianos nolumus nominari , & ne exercentur , sub anathematis interdicto prohibemus „ „

R E G U L A X V.

Divisoriis fortibus uti , modo sortium moderatio , ac directio a Deo expectetur , & debitæ conditiones concurrant , nullum est peccatum.

Sortes enim mittuntur in sinum , & a Domino temperantur , ut dicitur Prov. 6. *Nec sors aliquid mali est sic accepta* (inquit S. August. in Psalm. 30.) Idque confirmatur can. *Sors* , causa 26.

Potest tamen in his quadrupliciter peccatum contingere (inquit S. Thom. 2. 2. qu. 95. art. 8.) Primo quidem : „ Si absque ulla necessitate ad sortes recurratur. Hoc enim videtur ad tentationem Dei „ pertinere „. Unde S. Ambrosius , libro 5. in Lucam ait : „ Qui sorte eligitur , humano iudicio non comprehenditur „.

Secundo, *Si quis*, etiam urgente necessitate, *absque reverentia Dei*, sortibus utatur. Unde venerab. Beda in c. 1. Act. Apostol. scribit: „„ Si qui necessitate aliqua compulsi, Deum putant sortibus, exemplo Apostolorum, esse consulendum, videant, hoc ipsos Apostolos, nonnisi collecto Fratrum coetu, & precibus ad Deum fufis egisse „„.

Tertio, *Si divina Oracula ad terrena negotia convertantur*. Unde S. August. 55. alias 119. ad *Januarium*, c. 20. scribit: „„ Hi vero, qui de paginis Evangelicis sortes legunt, etsi optandum est, ut hoc potius faciant, quam ad dæmonia consulenda concurrant; tamen etiam ista mihi displicet consuetudo, ad negotia secularia, & ad vitæ hujus vanitatem, propter aliam vitam loquentia Oracula divina velle convertere „„.

Quarto, *Si in Electionibus ecclesiasticis, quæ ex Spiritus sancti inspiratione fieri debent, aliquis sortibus utatur*. Unde venerab. Beda loco supra indicato scribit: „„ Donec veritas compleretur, figuram licuit exerceri. Inde est, quod Matthias, qui ante Pentecosten ordinatur, sorte quæritur; ne Apostoli electio a mandato discrepare Veteris legis videretur, ubi summus Sacerdos sorte quæri jubebatur, sicut de Zacharia dicitur. Septem vero Diaconi postea nequaquam sortis agitatione, sed discipulorum tantum electione, Apostolorum autem oratione, & ma-

æque digni competitores, contentionem forte dirimere licebit, secundum illud Prov. 27. *Contradictiones comprimunt fors.*

Si vero necessitas immineat, in aliis etiam nonnullis casibus licitum est cum debita reverentia fortibus divinum iudicium implorare. Unde S. August. Epist. 228. alias 180. ad *Honoratum* scribit: „ Si inter Dei ministros sit disceptatio (*tempore scilicet persecutionis*) qui eorum maneant, ne fuga sit omnium, & qui eorum fugiant, ne morte omnium deferatur Ecclesia. Tale quippe certamen erit inter eos, ubi utrique ferveant charitate, & utrique placeant charitati. Quæ disceptatio si aliter non potuerit terminari, quantum mihi videtur, qui maneant, & qui fugiant, forte legendi sunt „ „ Et lib. 1. *De doctrina christiana*, cap. 28. scribit: „ Si tibi abundaret aliquid, quod dari oporteret ei, qui non haberet, nec duobus dari posset, si tibi occurrerent duo, quorum neuter alium vel indigentia, vel erga te aliqua necessitudine superaret, nihil iustius faceres, quam ut forte legeres, cui dandum esset, quod utrique dari non posset „ „

Superstitiosum est futuros eventus ex Scripturis sacris, aut quibuslibet libris inquirere, ducto ex verbis, quæ sorte occurrerint, augurio. Unde Concilium Agathense anno 506. can. 42. hunc usum expressis verbis damnat. „ „ Ac ne id fortasse videatur omissum, quod maxime fidem catholicæ religionis infestat, quod aliquanti Clerici, sive laici student auguriis, & sub nomine fictæ religionis per eas, quas Sanctorum sortes vocant, divinationis scientiam profitentur, aut quarumcunque Scripturarum inspectione futura promittunt; hoc quicunque Clericus, aut laicus detectus fuerit vel consulere, vel docere, ab Ecclesia habeatur extraneus „ „ Eundem usum sub pœna excommunicationis prohibuit Concilium Aurelianense 1. Canone 30. Idem Caroli magni capitularia vetant anno 789. his verbis: *Ut nullus in Psalterio, vel in Evangelio, vel in aliis rebus for-*

vire præsumat , neque divinationes aliquas observare,

REGULA XVI.

Ars notoria penitus illicita , & superstitiosa est , ea-
que uti , lethale est peccatum.

Ars nota-
ria.

Hanc Regulam non aliis explicare , ac firmare
verbis, necesse est, quam *S. Thoma*, 2. 2. qu.
96. art. 1. „ „ Ars notoria (*inquit*) est illicita, & in-
efficax. Illicita quidem est, quia utitur quibusdam ad
scientiam acquirendam, quæ non habent secundum
se virtutem causandi scientiam; sicut inspectione
quarundam figurarum, & prolatione quorundam
ignotorum verborum, & aliis hujusmodi. Et ideo
hujusmodi ars non utitur his ut causis, sed ut si-
gnis. Non autem ut signis divinitus institutis, sicut
sunt sacramentalia signa; unde relinquitur, quod sint
supervacua signa, & per consequens pertinentia „ „
ad pacta quædam significationum cum dæmonibus
placita, atque foederata. *Et ideo Ars notoria* penitus
est repudianda, & fugienda christiano; *sicut & aliæ*
artes nugatoriæ vel noxiæ superstitionis, ut S. Au-
gust. dicit lib. 2. De doctrina christiana, cap. 24.
„ „ Et etiam hujusmodi ars inefficax ad scientiam acqui-
rendam. Cum enim per hujusmodi artem non inten-
datur acquisitio scientiæ per modum hominis connat-
uralem, scilicet adinveniendo, vel addiscendo, con-

De primo Decalogi præcepto. 501

que idem Spiritus, dividens singulis prout vult. Ad dæmones autem non pertinet illuminare intellectum, Acquisitio autem scientiæ, & sapientiæ fit per illuminationem intellectus; & ideo nullus unquam per dæmones scientiam acquisivit,,,. Solet autem dæmon per eos loqui, quos hac arte deludit, sibi quoque mancipat, ipsorum phantasiam turbans, & linguam movens ad quædam illis incognita, & arcana proferendum. Unde cum illos dæmon deserit ad tempus, vel omnino cessante pacto, aut illorum poenitentiam in irritum misso, vel Ecclesiæ exorcismis, precibusque coactus, nihil illis scientiæ per artem notoriam, Angelicam, vel Paulinam acquisitæ manet, & ne illorum quidem, quæ paulo ante dixerant, meminerunt. Eandem regulam confirmat *S. Antoninus*, p. 2. tit. 12. num. 10. Hujus superstitionis reus est, qui certas orationes, vel jejunia adhibet, ut requirat scientiam aliquorum occultorum, vel eorum, quæ non sunt sibi, aut statui suo competentia.

R E G U L A X V I I.

Observatio dierum, mensium, & annorum, ad fortuitos eventus, vel ad directionem humanorum negotiorum, & actionum, quæ nullatenus pendunt a siderum influxu, ita ut dies aliqui fausti, vel infauti habeantur, & propterea suspendantur, aut retardentur, vel penitus omittantur humana negotia, vel actiones, quæ alias fierent; aut quædam fiant, quæ alias omitterentur, superstitio est, & lethale peccatum, nisi rustica simplicitas, & ignorantia invincibilis excuset.

Hæc Regula nititur Apostoli verbis, Epistola ad Galatas cap. 4. *Dies observatis* (inquit) *& mensibus, & tempora, & annos, Timeo vos, ne forte sine causa laboraverim in vobis.* Nempe (inquit *S. Joan. Chrysost.* Homilia in eos, qui Novilunia observant) „ „ *Ex-* *temæ* hoc est amentia, propter unum diem, si au-

Superstitio
observatio
temporum.

spicatus fuerit, per universum hoc expectare annum; neque amentiae solum, sed diabolicæ cujusdam efficientiæ indicium est, non proprio studio, & alacritati, sed quibusdam dierum circuitionibus vitam nostram commendare. Dies enim bonus, & malus est, non sua quadam, & propria natura (nihil enim dies a die differt) sed nostra vel diligentia, vel ignavia. Si iustitiam feceris, bonus tibi dies erit; si peccatum, malus, & supplicii plenus „ „.

Idem confirmat *S. Augustinus*, Epistola 55. alias 119. ad *Januarium*, cap. 7. „ „ Non itaque (*inquit*) dies observemus, & apnos, & menses, & tempora, ne audiamus ab Apostolo: *Timeo vos, ne forte sine causa laboraverim in vobis*. Eos enim culpat, qui dicunt: Non proficiscar hodie, quia posterus dies est, aut quia luna sic fertur; vel proficiscar, ut prospera cedant, quia ita se habet positio siderum. Non agam hoc mense commercium, quia illa stella mihi agit mensem. Non plantem hoc anno vineam, quia bissextus est. Non autem quisquam sapiens arbitretur observatores temporum reprehendendos, qui dicunt; non proficiscar hodie, quia tempestas exorta est; aut non navigem, quia adhuc sunt hybernæ; aut, tempus seminandi est, quia imbribus autumnalibus terra satiata est; vel si qui forte alii naturales effectus circa motum aeris, & humores ad variandas temporum qualitates in siderum ordinatissima con-

Galat. 4.

more Apostoli pensaremus, qui talibus ait: *Timeo vos, ne forte sine causa laboraverim in vobis* „ „ Galat. 4.

In Expositione denique Epistolæ ad Galatas, cap. 4. ubi duplicem retulit sententiam, unam eorum, qui de gentibus, alteram eorum, qui de Judæis hunc locum Apostoli interpretantur, subdit: „ „ Ergo eligat lector utram volet sententiam, dummodo intelligat, ad tantum periculum animæ pertinere superstitionas temporum observationes, ut huic loco subjecerit Apostolus: *Timeo vos, ne forte sine causa laboraverim in vobis*. Quod cum tanta celebritate, atque auctoritate per orbem terrarum in Ecclesiis legatur, plena sunt conventicula nostra hominibus, qui tempora rerum agendarum a Mathematicis accipiunt. Jam vero ne aliquid inchoetur, aut ædificiorum, aut quorumlibet hujusmodi operum, diebus, quos Ægyptiacos vocant, sæpe etiam nos monere non dubitant, nescientes, ut dicitur, ubi ambulant. Quod si locus iste de Judæorum superstitiona observatione intelligendus est, quam spem habent, cum christianos se dici velint, ex Ephemeridis vitam naufragam gubernantes, quando de divinis libris, quos Deus adhuc carnali populo dedit, si more Judæorum tempora observarent, diceret eis Apostolus: *Timeo vos, ne forte sine causa laboraverim in vobis?* Et tamen siprehendatur quisque vel Catechumenus judaico ritu Sabbatum observans, tumultuatur Ecclesia. Nunc autem innumerabiles de numero Fidelium cum magna confidentia in faciem nobis dicunt: Die post Kalendas non proficiscor. Et vox lente ista prohibemus arridentes, ne irascantur, & timentes ne quasi novum aliquid minentur. Væ peccatis hominum, quæ sola inusitata exhorrescimus; usitata vero, pro quibus abluendis Filii Dei Sanguis effusus est, quamlibet magna sint, & omnino claudi contra se faciatur regnum Dei, sæpe videndo omnia tolerare, sæpe tolerando nonnulla etiam facere cogimur; atque utinam, o Domine, non omnia, quæ non potuerimus prohibere, faciamus „ „ Unde in classe magnorum

Die Ægyptiaci, id est, acri & infauti.

peccatorum , quæ contra se omnino claudi faciunt regnum Dei , superstitionem faustorum , infaustorumque dierum observationem recensendam discrete significant.

Eandem regulam confirmant auctor Commentarii in Epistolas S. Pauli in opera S. Ambrosii , & sub ejus nomine olim editi , in cap. 4. Epistolæ ad Galatas ; S. Eligius Noviomensis Episcopus in Sermone ad plebem , & S. Thomas , 2. 2. quæst. 96. art. 3. hæc observari asserens : „ „ Non ut signa a Deo tradita , cum non sint introducta ex auctoritate divina , sed magis ex vanitate humana , cooperante dæmonum malitia , qui nituntur animos hominum hujusmodi vanitatibus implicare. Et ideo manifestum est , omnes hujusmodi observationes superstitiones esse , & illicitas. Et videntur esse quædam reliquiæ idololatriæ , secundum quam observabantur auguria , & quidam dies fausti , vel infausti ; quod quodammodo pertinet ad divinationem , quæ fit per astra , secundum quæ diversificantur dies ; nisi quod hujusmodi observationes sint sine ratione , & arte , unde sunt magis vanæ , & superstitiones „ „ Legatur ejusdem Commentarius in Epistolam ad Galatas , cap. 4. Lectione 4.

Pontificum etiam , Conciliorumque Decretis hæc damnata superstitio. Nicolai I. in Responsis ad Consulta Bulgarorum , cap. 35. „ „ Diei (inquit) & horæ observationes , atque auguria , operationes diabo-

De primo Decalogi præcepto. 964

servant, ut dies faustos, vel infaustos ad iter, aut rem aliquam inchoandam, dies festos S. Joannis S. Jacobi majoris, S. Magdalenzæ, S. Martialis, sanctorum Innocentium & Translationem S. Martini; qui die Mercurii, aut mense Majo, vel Augusto infausta fore matrimonia putant, ideoque his mensibus, & diebus nubere nolunt; qui nolunt ungues præscindere, aut crines pectinare die Veneris, neque diebus Jovis, vel Sabbati; qui lixivium facere, seu lineâ abluere nolunt, quatuor temporum diebus, triduo ante Sabbatum Paschæ, a Natali Domini usque ad Epiphaniam, per Octavas Corporis Christi, aut diebus Veneris, ne quid infausti contingat; qui colligunt herbas die S. Joannis Baptistæ, aut prima die Maji, ante solis ortum, ad certos quosdam effectus credentes eo die vim habere majorem; vel inferunt arbores ipso die Annuntiationis B. Mariæ Virginis; vel diem S. Stephani faustum putant minuendo sanguini equorum. Item qui credunt panem coctum in Vigilia Natalis Domini annos decem incorruptum manere posse, eoque pastas vaccas a morbis plurimis servari. Hujus item generis superstitio est infantes die sacro Parasceves ab lactare, ne tabescant; equos e stabulo die S. Eligio sacra educere nolle; credere, quod effosso sepulchro die Dominica, plurimi eadem hebdomada in parochia sint morituri; quod Festo S. Agathæ noctu pulsandæ sint campanæ ad expellendas sagas ea nocte (ut ajunt) discurrentes. Hujus pariter superstitutionis rei sunt, qui certis diebus olera scopis tangunt, ne ciniphes, erucæ, vel alia insecta noceant; qui credunt majorem inesse vim Aquæ benedictæ Dominicis post Quatuor Tempora, quam aliis, ad singulares quosdam effectus; qui ova, quæ gallinæ pariunt die Parasceves, toto asservant anno, credentes ea vim habere ad extinguenda incendia, si in ignem mittantur. Item qui observant certas Festivitates, ut Conversionis S. Pauli, S. Vincentii, S. Urbani, vel aliorum Sanctorum, quibus si pluat, vel serenum sit cœlum, sibi spondent serenitatem, fertilitatem, vini copiam, aut continuatam per tot dies pluviam. Unde superstitiosi illi versus:

Clau-

*Clara dies Pauli bonæ tempora denotat anni,
Si fuerint nebula, pereunt animalia quaque;
Si fuerint venti, designant prælia genti;
Si nix, & pluvia, designant tempora cara,
Item illi;*

*Vincenti Festo si sol radiet, memoretur,
Para tuas cuppas, quia multas colligis uvas,*

Ad eandem superstitionem pertinet credere, quod tota fere pluet hebdomada, cum Evangelium secundum Marcum Dominica die in Ecclesia legitur: Dominicus, Festisque diebus ab illis ipsis operibus abstinere, quæ necessitas exigit, aut charitas imperat, &c. Salem die prima Aprilis in quatuor pascuorum angulis ponere, ut pecora serventur a maleficio; & alia id genus innumera.

Nullius autem superstitionis rei sunt, qui dies, menses, annos, & tempora observant ad cognoscendos, vel procurandos effectus naturales, quos ex influxu corporum cœlestium pendere nemo dubitat. Sic dies observant medici in morborum curatione; agricolæ, vinitores, hortulani in agricultura. Sic herbæ certis temporibus colligi, vel ligna cædi, pro ædificiis, vel navibus, absque superstitione possunt, si id fiat sola observatione motus, & influxus cœlestis; certis enim temporibus vis herbarum efficacior est; ligna quoque minus obnoxia sunt corruptioni, & aptiora ad usum. Sed superstitio foret, si obser-

De primo Decalogi præcepto. 507

Adventum, Quadragesimam, Dominicam, Festosque dies observant. Vana enim observantia dici non potest, quæ ab Ecclesia ex Spiritus sancti doctrina, & directione imperatur. Nec tempora serviliter observamus, ut Judæi, sed ea potius, quæ temporibus significantur, ut docet *S. Augustinus* lib. *Contra Adimantum*, cap. 16. „ „ Ea (inquit) serviliter observabant, non intelligentes ad quarum rerum significationes, & prænuntiationes pertinerent. Hoc in eis culpatur Apostolus, & in omnibus, qui serviunt creaturæ potius, quam Creatori. Nam nos quoque & Dominicam diem, & Pascha solemniter celebramus, & quælibet alias christianas dierum Festivitates; sed quia intelligimus, quo pertineant, non tempora observamus, sed quæ significantur temporibus „ „

R E G U L A X V I I I.

Observantia sanitatum, qua media inania, inutilia, inefficacia, & superstitiosa ad sanandos morbos hominum, vel animalium adhibentur, vel ad eos avertendos usurpantur, lethale peccatum est.

Cum enim phylacteriis, amuletis, figuris, numeris, verbis, aut vanis ritibus hæc observantia constet; sive illa sola adhibeantur, sive herbis, aliisve remediis naturalibus admisceantur; nec vim habeant ullam sanandi, aut avertendi morbos suapte natura, aut Dei institutione; ad pacta tacita cum dæmonibus pertinent, quibuscum societas omnis vetita est homini christiano 1. Corinth. 10. *Nolo autem vos socios fieri demoniorum.*

Observantia superstitiosa sanitatum.

Ad pacta saltem tacita cum dæmonibus hanc observantiam pertinere, docent SS. Patres. *Amuleta cultum diaboli* vocat *S. Cyrillus Hierosolymitanus* Catechesi Mystagogica 1. Hominibus a diabolo hanc observantiam suggeri, eoque pertinere, ut cultus uni Deo debitus illi tribuatur, docet *S. Gregorius Nazianzenus* Oratione in S. Baptisma: „ „ Infans tibi est (inquit) ne occasionem improbitas arripiat, ab infantia san-

Amuleta.

ctificetur,

stificetur, ab ipsis unguiculis Spiritui consecratur. Nihil tibi amuletis, nec incantamentis opus est, cum quibus pravus ille in leviorum hominum animos simul irrepit, venerationem Deo debitam furtim ad se transferens. Trinitatem ipsi da; magnum illud, & pulchrum amuletum „ „

S. Basilus, Homilia in Psalm. 45. damnat eos, qui characteres, & figuras puerorum collo circumligant ad procurandam illis sanitatem. „ „ Multorum (*inquit*) est dicere: *Deus noster refugium*; sed eodem quo Propheta noster affectu dicere, nimis quam paucorum est... Etenim cum tribulatione quapiam afficiamur, ad omnia potius, quam ad ipsum Deum nostrum recurrimus. Puer tibi ægrotat? Quaquaversum circumfers oculos, requirens incantatorem, aut certe eum, qui supervacaneos, vanosque characteres, seu figuras puerorum innocentium collum circumliget; vel ad postremum, ad medicum venis, & medicinas, eo interim contemptim omisso, qui restituere potest sospitati „ „

S. Joan. Chrysostomus Homilia 8. in Epistolam ad Colossenses, de muliere christiana loquens, cujus filius periculose ægrotat: „ „ Infans (*inquit*) ægrotavit; non fecit amuleta, reputatur ei Martyrium, mente enim sacrificavit filium. Quid enim si illa nihil profunt, sed sunt imposturæ, & ludibria? Sunt tamen, qui suadent ea prodesse. Et maluit infantem

Et post pauca: „ Alii autem rursus applicant nomina fluviorum, & alia audent innumerabilia. Ecce dico, & prædico vobis omnibus, quod si quispiam fuerit deprehensus, non parcam iterum, siue amuletum, siue incantationem, siue hujus artis aliquid aliud faciat. Quid vero? Morietur (*inquit*) infans. Si sic vixerit, tunc morietur. Sin autem absque illis mortuus fuerit, tunc vivit. Si videris filium versantem cum metricibus, optas eum in terra infossum, & dicis: Quid ei prodest vivere? Videns autem eum venire in periculum salutis, vis videre eum vivum? Non audivisti Christum dicentem: *Qui perdit animam suam, inveniet eam; qui autem invenit, perdit eam?* Si quis dixerit: Duc in templum idolorum, & vivet, patieris? Non (*inquit*) Quare? quia cogit colere idola: Hic autem non est idololatria, sed solum (*inquit*) incantatio. Hæc est cogitatio satanica, hæc sunt diabolicæ insidiæ; tegere imposturam, & in melle dare venenum. Quoniam novit se illa non persuadere, hac via est ingressus ad amuleta, & aniles fabulas. Et crux quidem affecta est ignominia, literæ autem in majori honore sunt habitæ. Christus fuit ejectus, & introducit anus ebria, & delirans. Conculcatum est nostrum mysterium, & choros ducit fraus diaboli „ „
Lege ejusdem Homiliæ 21. ad populum Antiochenum.

Observantiam sanitatum superstitionem esse diabolicam docet quoque *S. August.* lib. 2. *De doctrina christiana*, cap. 20. „ „ Superstitiosum est (*inquit*) quidquid institutum est ab hominibus ad faciendam, & colendam idola pertinentem, vel ad colendam, sicut Deum, creaturam, partemve ullam creaturæ, vel ad consultationes, & pacta quædam significationum cum demonibus placita, atque foederata, qualia sunt molimina magicarum artium. . . Ad hoc genus pertinent omnes etiam ligaturæ, atque remedia, quæ medicorum quoque disciplina commendat, siue in præcantationibus, siue in quibusdam notis, quos characteres vocant, siue in quibusque rebus suspendendis, atque

§10 Theol. Dog. & Moral. Lib. IV.

que illigandis, vel etiam aptandis quodam modo, non ad temperationem corporum, sed ad quasdam significationes, aut occultas, aut etiam manifestas; quæ mitiore nomine Physica vocant, ut quasi non superstitione implicare, sed natura prodesse videantur „ „.

Subdit infra S. *August.* cap. scilicet vigesimo nono, non quidquid intus sumptum naturaliter juvat, idem etiam collo, aut alteri corporis parti appensum juvare, ideoque majori cautione in hujusmodi suspensione opus esse, quia in hanc facilius irrepit superstitio: „ „ Aliud est enim dicere (*inquit*) tritam istam herbam si biberis, venter non dolebit; & aliud est dicere, istam herbam collo si suspenderis, venter non dolebit. Ibi enim probatur contemperatio salubris, hic significatio superstitiosa damnatur „ „. Quibus verbis docet, prius esse naturalis remedii, posterius vero signum pacti. Sic e converso non quidquid a natura efficax est appensum, ut quidam Indici lapides contra dolorem renum, lienis, &c. id etiam est efficax tritum, & intus sumptum. Pergit S. *Augustinus*: „ „ Quamquam ubi præcantationes, & invocationes, & characteres non sunt, plerumque dubium est, utrum res, quæ alligatur, aut quoquo modo adjungitur sanando corpori, vi naturæ valeat, quod libere adhibendum est; an significativa quadam obligatione proveniat, quod tanto

De primo Decalogi præcepto. 511

& res vi a natura insita prodesse putetur, tunc suspendi posse de corpore, alligari, si putatur suapte vi, ac natura non prodesse, ut causa, sed duntaxat ut signum futuræ sanationis, tunc omnino abstinentum; quia prudentia christiana vetat, ne remedium usurpetur, cujus usus superstitiosus est, cujus effectus ex pacto, & iocietate cum dæmone dependet. Quarto, si res dubia sit, nec adsint medici, aut viri alias periti, quorum consilium rogetur, tunc animum, & intentionem appendentis herbam, aut lapidem, seu aliquod aliud corpus naturale, rem bonam, vel malam facere; bonam, si facit opinione prior; malam, si posterius credat; id est, in fontem esse, si vi a natura insita prodesse putet; reum vero, si duntaxat ut signum prodesse existimat.

Et Sermone 286. alias *De Diversis* 39. habito in Natali SS. Martyrum Protasii, & Gervasii, „ Multi (*inquit*) ducunt Martyrium in lecto; prorsus multi. Est quædam persecutio satanæ occultior, & astutior, quam tunc fuit. Jacet fidelis in lecto, torquetur doloribus, orat, non exauditur; sed probatur, sed exercetur, sed ut recipiatur filius, flagellatur. Ergo cum torquetur doloribus, venit linguæ tentatio, accedit ad lectum aut muliercula aliqua, aut vir, si vir dicendus est; & dicit ægroto: Fac illam ligaturam, & sanus eris; adhibeatur illa præcantatio, & sanus eris. Ille, & ille, ille, & ille, interroga, sani inde facti sunt. Non cedit, non obtemperat, non cor inclinat; certat tamen. Vires non habet, & diabolum vincit. Fit Martyr in lecto, coronante illo, qui pro illo pependit de ligno „ „

Et Sermone I. in Psalm 70. „ „ Quando filius caput dolet, malæ, & infideles matres ligaturas sacrilegas, & incantationes quærunt „ „

S. Augustino concinit S. *Cæsarius Arelatenfis* Sermone *De Augustiis*, inter Augustinianos olim de tempore 241. nunc in Appendice 278. „ „ Ego (*inquit*) me apud Deum absolvo, dum iterum, atque iterum admoneo pariter, & contestor, ut nullus ex vobis cho-

ragos, vel divinos, vel fortilegos requirat, nec de qualibet eos aut causa, aut infirmitate interroget. Nullus sibi præcantatores adhibeat; quia quicumque fecerit hoc malum, statim peribit baptismi Sacramentum, continuo sacrilegus, & paganus efficitur; & nisi grandi eleemotyna, dura, & proluxa poenitentia subvenerit, statim in æternum peribit. *Et paulo post:* Toto corde nostro ad Dei misericordiam eamus, & sacrilegas observationes fideliter relinquentes, de illius adjutorio semper præsumamus. Nam qui prædictis malis, id est, choragis, & divinis, aruspiciis, vel phylacteriis, & aliis quibuslibet auguriis crediderit; etsi jejundet, etsi jugiter ad Ecclesiam currat, etsi largas eleemotynas faciat, etsi corpusculum in omni afflictione suum cruciaverit, nihil ei proderit, quamdiu illa sacrilegia non reliquerit; quia impia illa sacrilegii observatio ista omnia bona obruit, & evertit „ „ „

Et S. Eligius Noviomensis Episcopus, Sermone ad plebem, quem ejus vitæ inseruit *Audoenus* lib. 2. cap. 15. „ „ Nullus (*inquit*) ad colla vel hominis, vel cujuslibet animalis ligamina dependere præsumat, etiam si a Clericis fiant, etsi dicatur, quod res sancta sit, & lectiones divinas contineat, quia non est in eis remedium Christi, sed venenum diaboli „ „ „

Concilium Laodicenum can. 36. Phylacteriorum artifices ex Ecclesia ejici jubet; cui concinit Concil. Agathense, can. 68. *Zacharias* Pontifex maximus Epist. 1. ad *Bonifacium* Moguntinum Archiepiscopum, *Phylacteria, quæ gentili more observantur, omnibus christianis detestabilia, & perniciose esse asserit.* Conc. Romanum sub *Gelasio I.* anno 494 *Phylacteria damnat ceu Dæmonum arte conscripta.* S. Gregorius magnus in Synodo romana can. 12. anathemate ferit eum, *qui phylacterius usus fuerit.* Conc. Trullanum can. 61. sexennio a communione removet, ac poenitentiae subjicit eos: *Qui amuleta præbent; eos autem, qui hoc in crimine persistunt, Ecclesia omnino extirbandos* decernit.

Nicolaus I. in Responsis ad Consulta Bulgarorum artic.

artic. 79. „„ Ligaturas, & phylacteria diabolicis inventa versutiis, & animarum esse vincula, *asserit*: Ac ideo (*inquit*) his stantes anathemate apostolica Decreta percussos ab Ecclesia pelli præcipiunt „„

Concil. Rothomagense regnante *Clodoveo Juniore* celebratum, & in Synodico Rothomagensis Ecclesiæ editum, perscrutandum statuit: „„ Si aliquis subulcus, vel bubulcus, sive venator, vel cæteri hujusmodi dicat diabolica carmina super panem, aut super herbas, aut super quædam nefaria ligamenta, & hæc aut in arbore abscondat, aut in bivio, aut in trivio projiciat, ut sua animalia liberet a peste, & clade, & alterius perdat; quæ omnia idololatriam esse, nulli fidei dubium est „„

Concilium Turonense 3. anno 813. can. 52. Fideles a Sacerdotibus admoneri jubet: „„ Ut noverint magicas artes, incantationesque quibuslibet infirmitatibus hominum nihil posse remedii conferre, non animalibus languentibus, claudicantibusve, vel etiam moribundis quidquam mederi, non ligaturas ossium, vel herbarum cuiquam mortalium adhibitas prodesse; sed hæc esse laqueos, & insidias anti-qui hostis, quibus ille perfidus genus humanum decipere nititur „„ Eundem Canonem repetit, & confirmat Concilium alterum Turonense anno 1583. Annulorum magicorum, phylacteriorum, schedularum, & characterum benedictiones Sacerdotibus sub pœna *depositionis*; Laicis vero eorundem usum prohibet sub *Excommunicationis pœna*.

Concilium Rhemense anno 1583. vetat, ne quis „„ Utatur superstitionis signis occultum, vel expressum cum dæmone pactum præ se ferentibus, ut ligaturis, & characteribus, quamvis ex aliquo eventu salubria esse forte quicquam sibi persuaserit „„

Concilium Burdigalense 1682. ipsis *Augustini* verbis lib. 2. *De doctrina christiana*, cap. 20. vitandas esse christiano, & omni prorsus execratione repudiandas, atque damnandas pronuntiat „„ Ligaturas execrabilium remediorum, quæ ars non commendat medicorum, seu in precationibus, seu in quibusdam

notis, quas characteres vocant, sive in quibusdam rebus suspendendis, atque illigandis; in quibus omnibus superstitione, & ars dæmonum est, ex quadam pestifera societate hominum, & Angelorum malorum exortæ „ „

Concilium Narbonense 1609. omnes, & singulos „ „ Cum dæmonibus fœdera, & pacta tacite, vel expresse habentes, morbos imprecationibus, verbis, ligaturis, aut actionibus superstitione sanare intendentes, *excommunicat* ipso facto, uti eos sacra Decreta excommunicarunt. Quos dum parochi tales agnoverint, & post trinam monitionem testibus adhibitis, si ab eisdem cessare noluerint, excommunicatos nominatim publice denuntient, & ab Ecclesiis arceant, & ejiciant „ „

Concilium Mexicanum anno 1585. statuit, „ „ Ut nemo in posterum eorum officium exerceat, qui per verba, aut per benedictiones mederi morbis dicuntur, hispanice *Saludadores; Ensaladores, o Sancti gaudores* nuncupati, nec preces, aut orationes publice in plateis, & in Ecclesiis recitet; nisi prius ab Episcopo examinatus facultatem obtineat; aliter juxta juris formam punietur, ut permultæ superstitiones exterminentur, quæ ab hujusmodi hominum genere in his exercendis permisceri solent „ „

S. Thomæ verbis hujus regulæ explicationem absolvo, scribentis secunda secundæ, qu. 96. art. 2. „ „ In his, quæ fiunt ad aliquos effectus particulares inducendos, considerandum est, utrum naturaliter videantur posse tales effectus causare; sic enim non erit illicitum; licet enim causas naturales ad proprios effectus. Unde si naturaliter non videantur posse tales effectus causare, consequens est, quod nec adhibeantur ad hos effectus cauſandos tanquam causæ, sed solum quasi signa. Et sic pertinent ad pacta significationum cum dæmonibus inita „ „ Unde S. Augustinus lib. 21. *De civit. Dei*, cap. 6. scribit: „ „ Illi ciuntur dæmones ad inhabitandum per creaturas, quas non ipsi, sed Deus condidit, delectabilibus pro sua diversitate diversis, non ut animalia cibis, sed ut
Spiri-

Spiritus signis, quæ cujusque delectationi congruunt, per varia genera lapidum, herbarum, lignorum, animalium, carminum, rituum. Ut autem illiciantur ab hominibus, prius eos ipsi astutissima calliditate seducunt. vel iuspirando eorum cordibus virus occultum, vel etiam fallacibus amicitiiis apparendo, eorumque paucos discipulos suos faciunt, plurimorumque doctores. Neque enim potuit, nisi primum ipsis docentibus, disci, quid quisque illorum appetat, quid exhorreat, quo invitetur nomine, quo cogatur; unde magicæ artes, earumque artifices extiterunt. Maxime autem possident corda mortalium, qua potissimum professione gloriantur, cum se transfigurant in Angelos lucis. Sunt ergo facta eorum plurima, quæ quanto magis mirabilia confitemur, tanto cautius vitare debemus „ „.

Doctor idem Angelicus in Responsione ad primam Lib. 5. tit. objectionem id pressius explicat. „ „ Si simpliciter 6. §. 3. (*inquit*) adhibeantur res naturales ad aliquos effectus producendos, ad quos putantur naturalem habere virtutem, non est superstitiosum, vel illicitum; si vero adjungantur vel characteres aliqui, vel aliqua nomina, vel aliæ quæcunque variæ observationes, quæ manifestum est naturaliter efficaciam non habere, erit superstitiosum, & illicitum „ „.

Quamquam vero observantia sanitatum veniale duntaxat peccatum sit, cum personæ ignorantia, & rudi simplicitate accidit, si tamen admonita fuerit de vanitate, vel levi dubio conscientia ejus pulsetur, utrum id licitum sit, & peritos consulere negligat; vel sua prorsus culpa id ignoret, quia Catecheses, & familiares instructiones Pastorum frequentare contempsit; aut neglexit, lethale peccatum est. Unde Concilium Mechliniense anno 1607. tit. 15. cap. 3. ait: „ „ Quoniam rudis populus sæpe ex ignorantia superstitionibus inquinatur, parochi subditos suos diligenter de illis doceant, & inter cætera, superstitiosum esse expectare quemcunque effectum a quacunque re, quem res illa nec ex sua natura, nec ex

institutione divina, nec ex ordinatione, vel approbatione Ecclesiæ producere potest „ „.

R E G U L A XIX.

Uſus quorumvis verborum, precum, conjurationum ad morbos curandos, quæ ab Eccleſiâ non ſunt approbatæ, ſuperſtitioſus, & pernicioſus eſt, quamvis nihil niſi pium præ ſe ferre videantur.

Nulla enim viſ illorum eſt neque ex natura, nec ex Dei, aut Eccleſiæ institutione. Quamobrem omnino rejicienda ſunt. Ut enim ait *S. Hilarius*, illa verba *Psalmi 64. Te decet hymnus, Deus, in Sion, & tibi reddetur votum in Jeruſalem*, explicans: „ Vota „ tantum eccleſiaſtica religionis utilia ſunt, quæ cum „ & dignis Deo cantionibus, & propoſitæ in Eccleſiâ „ obſervantiæ ſtudio probantur, tum digni erimus, „ pro quibus Deum ſanctus Spiritus interpellat „.

Hinc Bituricenſe Concilium anno 1584. tit. 11. can. 3. Episcopos invigilare jubet, *Ne prætextu pietatis ulli Exorcismi fiant, niſi qui ab Eccleſiâ probati ſint*. Idem ſtatuit Concilium Tolosanum anno 1590. p. 4. cap. 12. & Mechlinienſe anno 1607. tit. 15. cap. 4. Illi autem duntaxat Exorcismi, illæ benedictionum, aut precum formulæ ſunt extra omnem ſuperſtitionis ſuſpicionem, quas Rituale romanum a ſummo Pontifice approbatum, uſuque Eccleſiæ receptum, & Ritualia, vel Miſſalia privatarum Eccleſiarum ab Episcopis recognita, & approbata exhibent. Denique Synodus Auguſtenſis anno 1548. Communionem negandam ſtatuit iis: „ „ Qui ſuperſtitioni dediti ſunt, & certis quibuſdam, ac ſingularibus, nec approbatis, utuntur benedictionibus, niſi pro ſui confeſſoris conſilio ejuscemodi ſuperſtitionibus prorsus renuntiaverint, & pro admiſſis pœnitentiæ multam ſuſceperint „ „.

Sed & romani Principes hanc, & ſuperiorem regulam ſuis Conſtitutionibus confirmarunt. *Conſtantinus* enim Imperator pœnam capitis in eos decrevit, qui

qui per incantationes, & amuleta morbis mederentur; & Valentinianus „„ Anum quamdam simplicem intervallatis febribus mederi leni carmine consuetam, occidi iussit. Et visus adolescens in balneis admove-
re marmoris manus utriusque digitos alternatim, & pectori, septemque vocales literas numerasse, ad stomachi remedia prodesse arbitratus, percussus gladio est „„ Refert Ammianus Marcellinus lib. 16. 19. 29. & Leo Imperator dictus Philosophus Novella 65. decrevit, ut „„ Si quis præstigiatoria arte uti deprehensus fuerit, siue corporis medelæ prætextu, siue aver-
tendæ a fratribus noxæ, extremum luat supplicium apostatarum poenam subiens „„

R E G U L A XX.

Imagines astronomicæ vanæ sunt, ac superstitiosæ;
& qui illas cudent, aut illis utuntur, lethalis peccati rei sunt.

Corporum enim artefactorum formæ procedunt ex mente artificis; & cum nihil aliud sint, quam compositio, ordo, & figura, vim naturalem ad agendum habere non possunt. Ideoque ex impressione, & influxu cœlestium corporum vim omnino nullam sortiuntur, quatenus artefacta sunt, sed ratione duntaxat materiæ naturalis. Falsum ergo est, quod *Porphyrus* videbatur, ut *S. Augustinus* refert lib. 10. *De civit. Dei*, cap. 11. „„ Herbis, & lapidibus, & animantibus, & fœnis certis quibusdam, ac vocibus, & figurationibus, atque figmentis, quibusdam etiam observatis in cœli conversione motibus siderum, fabricari in terra ab hominibus potestates idoneas variis siderum effectibus exequendi „„; quasi effectus magicarum artium ex virtute cœlestium corporum provenirent. Sed (sicut *S. Augustinus* ibidem subdit.) *Totum hoc ad dæmones pertinet ludificatores animarum sibi subditarum.* Unde etiam (inquit) *S. Thomas*, 2. 2. qu. 96. art. 2. in Responsione ad secundam objectionem „„ Imagines, quas astronomicas vocant, ex operatione dæ-

§ 18 Theol. Dog. & Moral. Lib. IV.

monum habent effectum. Cujus signum est, quod necesse est eis inscribi quosdam characteres, qui naturaliter ad nihil operantur; non enim est figura actionis naturalis principium. Sed in hoc distant Altronomicae imagines a Necromanticis, quod in Necromanticis fiunt expresse invocationes, & praestigia quaedam; unde pertinent ad expressa pacta cum daemonibus inita; sed in aliis imaginibus sunt quaedam tacita pacta per quaedam figurarum, seu characterum signa „ „.

Hanc regulam confirmat Decretum sacrae Facultatis Parisiensis circa artem magicam anno 1498. die 19. Septembris editum, quo inter alios articulos hi damnantur: *Articulus 20.* „ „ Quod imagines de aere, vel de plumbo, vel auro, vel de cera alba, vel rubra; vel de alia materia, baptizatae, & exorcizatae, consecratae, sed potius execratae secundum praedictas artes, & sub diebus certis, habeant virtutes mirabiles, quae in libris talium artium recitantur. Error in fide, in philosophia naturali, & astrologia vera.

Articulus 21. Quod utilibus, & fidem dare, non sit idololatria, & infidelitas. Error „ „.

Idem confirmat venerabilis *Gersonius* in Tractatu contra doctrinam cujusdam medici Montispefulani, sculptentis in numismate figuram leonis cum certis characteribus pro curatione renum.

R E G U L A XXI.

Observantia sacrorum superstitiosa est, & illicita.

Observantia sacrorum.

Cum sit enim adhibitio rei sacrae ad consequendum effectum, cujus producendi non habent efficaciam naturalem, divinam, vel ecclesiasticam, non est absque vitio superstitionis, ut docet *S. Thomas*, 2. 2 qu. 96. art. 4. „ „ In omnibus incantationibus, & scripturis suspensis duo cavenda videntur. Primo quidem, quid sit quod profertur, vel scribitur; quia si est aliquid ad invocationes daemonum pertinens, manifeste est superstitiosum, & illicitum. Similiter etiam videtur esse cavendum, si contineat ignota nomina, ne sub illis aliquid illicitum lateat. Est etiam cavendum,

dum, ne aliquid falsitatis contineat; quia sic ejus effectus non posset expectari a Deo, qui non est testis falsitatis. Deinde cavendum est, ne cum verbis sacris contineantur aliqua vana, puta, aliqui characteres inscripti, præter signum Crucis; aut si spes habeatur in modo scribendi, aut ligandi, aut in quacunque hujusmodi vanitate, quæ ad divinam reverentiam non pertineat; quia hoc judicaretur superstitiosum „ „.

Dubium igitur non est, quin superstitio lethalis sit gestare mensuram vulneris, quod Christus excepit in latere, si credatur ex ea mensura effectus illos omnes consequi, quos spondet damnatus libellus, cujus titulus est, *Manuale precationum*, cujus hæc sunt verba; „ „ Hæc est mensura plagæ, quæ erat in latere Christi, delata Constantinopolim ad Imperatorem Carolum magnum in quadam capsula aurea, ut Reliquiæ pretiosissimæ, ne ullus hostis posset nocere ei. Ejus autem tanta est virtus, ut nec ignis, nec aqua, nec ventus, nec tempestas, nec lancea, nec ensis, nec diabolus possint nocere ei, qui vel ipse leget, vel legi jubebit, vel secum feret. Præterea mulier dolore partus non morietur, quo die eam viderit, sed subito, & facile liberabitur. Deinde quicumque eam mensuram secum geret, de suis inimicis victoriam reportabit, neque injuriam, aut detrimentum pati poterit. Denique eo die, quo quis eam legerit, improvisa morte non delebitur „ „. Illos certe effectus cum illa mensura non producat suapte natura, nec ex divina institutione, ex pacto saltem tacito cum dæmone expectantur.

Superstitio pariter lethalis est, si barbara, & incognita nomina rerum sacrarum gestationi admisceantur, qualia sunt ista, *Astrono*, *Noxio*, *Boy*, *Gloy*, *Apen*, de quibus impius idem libellus: „ „ Hæc sunt nomina omnipotentis Domini nostri Jesu Christi, quæ extracta sunt ex aliis ejusdem nominibus. Quisquis ea super se portaverit, sciat se omne negotium suum felix habiturum esse, nec unquam fieri posse, ut proditione capiatur. Item si collo appensa ab ali-

quo portabuntur , ille ab omnibus diligetur „ „
 Lethalis item superstitio est , si quis hanc Oratio-
 nis formulam , *Leoni Papæ falso adscriptam , Crux*
Christi , quam semper adoro , &c. ferat , huic execran-
 dæ præfationi fidem adhibens : „ „ Hæc sunt verba ,
 quæ Leo Papa Carolo magno Regi. ac Imperatori mi-
 sit , quorum virtus est probata. Quæcunque igitur per-
 sona ea supra se portaverit , aut legerit , seu legi fecerit ,
 eo die evadet pericula malæ mortis , neque ignis , neque
 aquæ offensionem ullam patietur , sed in honore , & se-
 necute morietur , & omnem honorem erit consecutu-
 rus. Et si quæ mulier gravida portaverit super se
 dicta verba , quæ parturire non poterat , cito pariet ,
 & non poterit ire in perditionem „ „

R E G U L A XXII.

Reliquias , figuram Crucis , aliquos versiculos Psal-
 morum , Evangelium S. Joannis , imagines Christi ,
 Deiparæ virginis , vel Sanctorum , pietatis signa
 ab Ecclesia approbata , ut Rosarium , & Scapulare ,
 ad collum suspensa gerere licet , modo pio animo ,
 nullisque vanis circumstantiis adjunctis gerantur.

Ita docet *S. Thomas* , Articulo mox indicato , in Re-
 sponzione ad tertiam objectionem „ „ Eadem
 etiam ratio est (*inquit*) de portatione Reliquiarum ;
 quia si portentur ex fiducia Dei . & Sanctorum , quo-

De primo Decalogi præcepto. 521

characteribus, & figuris spes magis poneretur, quam in sensu verborum sacrorum. Unde auctor Operis imperfecti in *Matthæum* inter Opera S. *Joan. Chrysostomi* olim editi, ait Hom. 43. „ „ Quidam aliquam partem Evangelii scriptam circa collum portant. Sed nonne quotidie Evangelium in Ecclesia legitur, & auditur ab omnibus? Cui ergo in auribus posita Evangelia nihil profunt, quomodo possunt eum circa collum suspensa salvare? Deinde, ubi est virtus Evangelii, in figuris literarum, an in intellectu sensuum? Si in figuris, bene circa collum suspenditur. Si in intellectu; ergo melius in corde posita profunt, quam circa collum suspensa „ „

Et S. *Augustinus* Tractatu 7. in Evangelium S. *Joannis*; „ „ Cum (*inquit*) caput tibi dolet, laudamus, si Evangelium ad caput tibi posueris, & non ad ligaturam cucurreris. Ad hoc enim perducta est infirmitas hominum, & ita plangendi sunt homines, qui currunt ad ligaturas, ut gaudeamus, quando videamus hominem in lecto suo constitutum jactari febribus, & doloribus, nec alicubi spem posuisse, nisi ut sibi Evangelium ad caput poneret; non quia ad hoc factum est, sed quia prælatum est Evangelium ligaturis. Si ergo ad caput ponitur, ut quiescat dolor capitis, ad cor non ponitur, ut sanetur a peccatis? Fiat ergo. Ponatur ad cor, sanetur cor „ „

Superstitiosa pariter erit Rosarii, vel Scapularis, aut sacrorum hujusmodi pietatis instrumentorum, signorumque gestatio, si ea credulitate gerantur, quod nunquam damnabuntur, qui ea ferunt; vel quod in mortis articulo Sacramentis Ecclesiæ certissime procurabuntur, & sinceram poenitentiam agent, quantumvis id toto vitæ curriculo negligant, & signis illis pietatis contenti, veritatem pietatis abnegent. Quocirca fideles recte monet Concil. Cameracense anno 1565. „ „ Abominandam esse eorum vanitatem, ac superstitionem, qui certo pollicentur non ex hac vita migraturos sine poenitentia, & Sacramentis illis, qui hunc, illumve ex Divis colue-
rint,

rint, qui securitatem in rebus gerendis, fortunæ certum, ac optatum eventum iisdem promittunt; & si qua alia huiusmodi proferantur, & credantur; veluti & illud quoque plane reprobandum est, si quis certo numero, præscriptaque Missarum forma aliqua, aut precum, affirmat certas, designatasque animas e purgatorio semper liberari „ Denique de observationibus Sacrorum plerisque a crassiori illa lethali superstitione alienis, non tamen ab omni labe purgatis, quales plerumque a rudi plebecula usurpantur, præclara sunt verba venerabilis *Gersonis*, Tractatu *De Erroribus circa artem magicam*, §. 3. „ Fateor (*inquit*) abnegare non possumus, multa inter christianos simplices sub specie religionis introducta esse, quorum sanctior esset omisio, Tolerantur tamen, quia nequeunt funditus erui, & quia fides simplicium, quamquam minus in aliquibus bene sapiat, regulariter tamen, & quodammodo rectificatur, salyaturque in fide majorum; quam fidem generali saltem intentione in omnibus suis observationibus præsupponunt, si pie, & humiliter, hoc est, christiane sapiunt, & si ad ostensam veritatis normam obedire parati sunt. Hæc autem est intentio, ut talia suscipiantur, aut fiant, non tanquam necessario efficaci aut tanquam spes principaliter in tabulis posita sit, Deo postposito; sed quod pietas fidei per ista nutritur, & augetur, & exaudiri meretur. Secus ubi fides læditur, & divina lex violatur. Vane igitur, & proterve sumitur in hac re, vel exemplum, vel argumentum ex his, quæ vulgus indoctum, non quæ cætus Theologorum, & Sapientum docet, observatque „ „

R E G U L A XXIII.

Signa maleficii tollere, & abolere licet.

Signa maleficii, quæ ratione tollere liceat.

Signa maleficii vocantur ollæ, ligamina, plumæ, lebetes, & similia, quæ ex pacto cum dæmone inito magus, aut sortilegus adhibuit, ut aliquis maleficium

leſicio lædatur. Pactum vero eſſe ſolet , ut quamdiu ligula ſic nodata fuerit , vel tale quid ſub limine deſoſſum , vel ſera clauſa manſerit , tamdiu talis perſona ſit maleficiata ; aut moriantur , vel morbo laborent homines , vel pecudes , quæ in tali loco erunt , aut illuc ingredientur , vel inde exibunt. Hæc vero ſigna maleficii tollere pertinet ad odium , & execrationem facinoris , quo maleficus ea adhibuit , certoque loco poſuit veluti teſſeram pacti ſui cum dæmone. Pertinet enim ad contemptum , ac deſtationem tum magicæ ſuperſtitionis , tum ipſius diaboli , cujus utpote inimici Dei , ac noſtri , artes contemnere , & opera deſtruere licet. Idque confirmat Rituale romanum tit. *De Exorcizandis obſeſſis a demonio* , ſic Exorciftam monens : „ Jubeat dæmonem dicere , an detineatur in illo corpore ob aliquam operam magicam , aut maleficii ſigna , vel inſtrumenta , quæ ſi obſeſſus ore ſumpſerit , evomat ; vel ſi alibi extra corpus fuerint , ea revelet , & inventa comburantur „ „ „

R E G U L A XXIV.

Signa maleficii quærere , & inventa remove , ac deſtruere licet ſpe ceſſationis nocuenti , & priſtinæ valetudinis recuperandæ.

Communis hæc eſt opinio Theologorum , *Heſſelii* licet , ac *Sylvio* repugnantibus ; praximque virorum peritorum , ac proborum ſic maleficiatos ſanantium Eccleſia non damnavit uſquam ; imo cœlum videtur approbaſſe miraculo , cujus teſtem ſe fuiſſe narravit pius æque , ac eruditus Cardinalis *Bellarminus* . cum Lovanii ſententiam *Heſſelii* in publicis Prælectionibus reſelleret. Ejus verba refert *P. Delrio* lib. 6. *Diſquiſitionum magicarum* , cap. 2. Sect. 1. qu. 3. „ „ Concionator quidam Prædicatorum , quod mo puerum vidiffie memini , in monte Politiano , in Quadrageſima , cum vellet concionari , loqui non potuit. Accidit id ſecundo , & tertio. Videns id non

eſſe

os pugno obturare. Si per scripturam , characteres ; annulos, figuras id conetur , fas erit hæc dissipare, con-
scindere, igni tradere ; quidni ergo liceat amovere si-
gna, quæ similiter dæmonem ad nocendum pellicunt ?

Huic vero regulæ frustra quis opponet *S. Hilarionis* factum , ad quem cum adducta esset puella a dæmone oblecta , & dæmon clamaret se invitum in puellam ingressum fuisse , utpote vi maleficiorum coactum ; nec posse illam relinquere , nisi prius ablati signis subter limen positis : „ „ Noluit Sanctus , antequam purgaret virginem , signa jubere perquiri ; ne aut solitis incantationibus recessisse dæmon videretur , aut ipsi sermoni ejus accommodasse fidem , asserens fallaces esse dæmones , & ad simulandum magis callidos ; & magis reddita sanitate increpuit virginem , cur fecisset talia , per quæ dæmon intrare potuisset „ „ Ita refert *S. Hieronymus* in ejus vita. Nihil (inquam) ex hoc *S. Hilarionis* facto adversus regulam nostram colligi potest. Non enim metuebat *S. Hilarion* , ne dæmon solitis incantationibus recederet , si maleficii signa prius inquiri , & amoveri jussisset , quam illum expelleret , sed ne solitis incantationibus recessisse videretur populo ; vel ne videretur ipse verbis diaboli fidem adhibuisse , qui negabat aliter se expelli posse , nisi signo prius ablati. Quod falsum erat , quia sponte ingressus , sponte remanebat , nec vim ullam ipsum cogendi magica illa signa obtinebant. Igitur *S. Abbas* , qui miraculorum dono pollebat , consultius duxit , & ad Dei gloriam , populique salutem , & ædificationem conducibilis , miraculo dæmonem expellere , quam amotione signorum sub limine domus absconditorum puellam curare ; sed inde non sequitur , illos , qui *Hilarioni* nec sanctimonia , nec miraculorum gratia pares sunt , eodem modo se gerere debere , & remedium innoxium , ac superstitionis expers , quod ad manum est , scilicet amotionem , & destructionem signorum maleficii negligere. Hanc (ut dixi) Ritua-
le romanum præscribit ; & *Franciscus Zammarinus*

De primo Decalogi præcepto. 527

Lateranensis Ecclesiæ Canonicus in *Theſauro Sacerdotali*, quem Romæ edidit, p. 1. tit. *De Exorcismis*, cap. 2. ex Ecclesiæ romanæ ritu, & consuetudine signa maleficii amovenda, & igni tradenda esse docet: „ Illa ossa (*inquit*) & pennæ insertæ una in alia, & multa, & quasi infinita talia, quæ in lectis inveniuntur a dæmone deſortata, ſicut clare fuit deprehensum, ſunt extrahenda, & igne comburenda, dum dicit Psalmus *Exurgat*: nec ſequenda eſt illa ſuperſtitio, quam vulgus ponit, de mittendis talibus rebus inventis ad fluvium currentem, &c. „

R E G U L A X X V.

Maleficium altero maleficio tollere, aut maleficos adire, ac eorum uti opera, ut hoc modo tollant, vel ſic tollere volentibus conſenſum præbere, nuſquam licet, ſed lethale ſemper peccatum eſt.

N ititur hæc Regula Dei verbo, *Leviti* c. 19. 31. *Non declinetis ad magos, nec ab ariolis aliquid ſciſcitemini, ut polluamini per eos. Ego Dominus Deus veſter.* Et c. 20. 6. *Anima, quæ declinaverit ad magos, & ariolos, & fornicata fuerit cum eis, ponam faciem meam contra eam, & interficiam illam de medio populi ſui.* Et S. Paulus ad *Romanos* 3. 8. *juſtam damnationem comminatur illis, qui ipli affingebant eum mala facere, ut bona evenirent: Et non (ſicut blaſphemamur, & ſicut ajunt quidam nos dicere) faciamus mala, ut veniant bona: quorum damnatio juſta eſt.* Quibus verbis ſignificat, grave peccatum eſſe mala facere in bonum finem, quod tamen faciunt, qui maleficorum opera ad morbos pellendos abutuntur, & maleficia aliis diſſipant, ac deſtruunt. Id vero ſemper improbavit Eccleſia, quæ ad remedia duntaxat divina, & eccleſiaſtica, ſcilicet poenitentiam, eleemoſynas, orationes, jejunia, Exorcifmos, aquam benedictam, cæteraque Sacramentalia conſuſgendum docet, ubi maleficium tolli humana opera non poteſt, can. *Si per ſortiaras*, cauſa 33. qu. 1.

ex *Hincmaro* Archiepiscopo Rhemenſi. „ Si per fortiaſias (*inquit*) atque maleficas occulto, ſed nunquam injuſto Dei judicio permittente, & diabolo præparante, concubitus non ſequitur, hortandi ſunt, quibus iſta eveniunt, ut corde contrito, & ſpiritu humiliato, Deo, & Sacerdoti de omnibus peccatis ſuis puram confeſſionem faciunt, & profuſis lacrimis, & largioribus eleemoſynis, & orationibus, atque jejuniiſ Dominò ſatiſfaciant, & per Exorcifmos, ac cætera eccleſiaſticae medicinæ munia; miniſtri Eccleſiæ tales, quantum Dominus annuerit, qui Abimelech, ac domum ejus Abrahæ orationibus ſanavit, ſanare procurent „ „

Idem confirmat Rituale romanum tit. *De exorcizandis obſeſſis a damone*, ita præſcribens: „ Aliquĩ oſtendunt factum maleficium, & a quibus ſit factum, & modum ad illud diſſipandum; ſed caveant, ne ob hoc ad magos, vel ad ſagas vel ad alios, quam ad Eccleſiæ miniſtros confugiant, aut alia ſuperſtitione, aut alio modo illicito utantur „ „

Nec refert, an paratus ſit maleficus, ut maleficium maleficio tollat. Non licet enim præbere conſenſum peccato alterius. *Digni ſunt morte* (*inquit* Apoſtolus, ad Romanos cap. I.) *non ſolum qui talia faciunt, ſed & qui conſentiunt facientibus*. Secundo, licet ad peccandum paratus ſit, utpote addiſtus dæmoni; hoc tamen peccatum, & iſto tempore non perpetraret, niſi inductus. Tertio, ut opus per ſe malum nemo unquam licite facit; ita nec ad illud licite induci poſteſt. Quarto, uti maleficis ad maleficium alio maleficio tollendum paratis, pertinet ad *Pacta cum demonibus ſæderata, quæ penitus repudianda, & fugienda ſunt chriſtiano* (ut loquitur S. Auguſtinus, libro 2. *De doct̃rina chriſtiana*, cap. 24.)

Verum (*inquies*) licitum eſt ab uſurario parato uſuras petere in ſumma neceſſitate; licitum eſt Sacramenta petere a Sacerdote in peccato mortali conſtituto, & ad conferendum parato; licitum eſt deſerre juſjurandum idololatræ, quem ſcimus per
falſos

falsos Deos juraturum ; quidni ergo liceat petere a malefico paratò , ut maleficium alio maleficio amoveat ?

Respondetur : Longe dissimilem esse rationem. Illi enim inducuntur ad id , quod sine peccato facere possunt , si velint. Nam & Sacerdos contritionis actum elicere potest , & si per tempus liceat , peccata sua confiteri , antequam Sacramenta conferat ; usurarius mutuum dare potest simpliciter , nihil exigens ultra sortem ; idololatra per Deum verum jurare potest ; sed amotio maleficii per aliud maleficium est intrinsece mala , nec sine peccato fieri potest ; ideoque nec peti. Itaque si certus sim , maleficium non posse tolli nisi altero maleficio , non possum a mago , aut saga petere , ut illud amoveat. Si etiam moraliter mihi constet , maleficium non sublaturum sine maleficio , quamvis absque maleficio tolli possit , non licet petere , ut tollat , aut tollere volenti consentire. Id autem præsertim evenit , cum ille ad tollendum maleficium quæritur , aut occurrens , & paratus adhibetur , qui non est auctor maleficii , nec locum , & modum maleficii ab ipso auctore intellexit. Hunc enim sine maleficio novo , & dæmonis cooperatione illud tollere non posse certum est ; quamobrem nefarii pacti , & societatis cum diabolo participes est , qui illius opera utitur ad maleficium tollendum.

Novum robur huic Regulæ confert auctoritas *S. Thomæ* in 4. *Sententiarum* dist. 34. art. 3. in Responsione ad tertiam objectionem. „ „ Maleficium (*inquit*) est ita perpetuum , quod non potest habere remedium ex humano opere , quamvis Deus posset remedium præstare dæmonem cogendo ; vel etiam dæmon , desistendo. Non enim oportet semper , ut id , quod per maleficium factum est , possit per maleficium aliud destrui , ut ipsi malefici contententur. Et tamen si posset per maleficium remedium adhiberi , nihilominus perpetuum reputaretur ; quia nullo modo debet aliquis dæmonis auxilium per maleficia invocare „ „.

§30. Theol. Dog. & Moral. Lib. IV.

At (inquires) morietur homo, qui maleficio *veretur*, nisi vocetur maleficus, & quovis tandem modo cogatur maleficio amoliri.

Respondetur: Totum esse divinæ providentiæ committendum, & melius esse, ut moriatur homo, quam ut maleficio tollatur alio maleficio, dæmonisque opera per magum, aut sortilegum ad hoc invocetur, aut ipsi permittatur, ut quo modo voluerit, ægro ferat opem, ut docet *S. Joannes Chrysostomus*, Homilia 7. in Epistolam ad Colossenses. Id confirmat *S. Augustinus*, Tractatu 51. in Joannem: „Cum ergo (inquire) causæ articulus venerit, ut hæc conditio proponatur, aut faciendum esse contra Dei præceptum, aut ex hac vita emigrandum, quorum duorum homo cogatur alterum eligere; ibi eligat Deo dilecto mori, quam offenso vivere; ibi oderit in hoc mundo animam suam, ut in vitam æternam custodiat eam „ „.

Huc referendum illud *S. Leonis*, Sermone 19. *De Passione Domini*, cap. 5. „ „ Malignorum Spirituum adversus Sanctos insidiæ non quiescunt, & sive occulto dolo, sive aperto prælio, in omnibus fidelibus propositum bonæ voluntatis infestant. Et cum eis nihil in quemquam amplius liceat, quam justitia divina permiserit, quæ dignatur suos, aut corripere disciplina, aut exercere patientia, agunt tamen versutissima arte fallaciæ, ut ex arbitrio propriæ potestatis, aut lædere videantur, aut parcere; & multis, quod dolendum est, ita per nequitiam simulationis illudunt, ut quidam illos & timeant pati infensos, & velint habere placatos. cum beneficia dæmonum omnibus sint nocentiora vulneribus; quia tutius est homini inimicitia diaboli meruisse, quam pacem „ „.

Regulam denique, cujus in explicatione versamur, confirmat Decretum sacræ Facultatis Parisiensis anno 1498. contra artes magicas editum.

„ „ Articulus 5. Quod licitum sit magicis artibus, vel aliis quibusdam superstitionibus a Deo, aut ab

ab Ecclesia prohibitis aliqua facere pro quocunque bono fine. Error, quia secundum Apostolum; Non sunt facienda mala, ut eveniant bona.

Articulus 6. Quod licitum sit, etiam permittendum maleficiis repellere. Error.

Articulus 7. Quod aliquis cum aliquo possit dispensare in quocunque casu, ut licite talibus utatur. Error „ „.

R E G U L A XXVI.

Cum a malefico petitur, ut maleficium tollat, expresse protestari debet, qui petit, se nihil commune cum diabolo habere velle, nolque ejus opera sanitatem consequi, & omni pacto renuntiare.

Omni enim cautione vitanda sunt christiano ea, de quibus suspicio est societatis, & pacti cum dæmone. Id confirmat exemplum *Beate Godolene*, cui cum *Bertuifus* ejus maritus dixisset, suæ in eam ferociæ causam esse dæmonem, & ex maleficio natum dissidium, addidissetque se nosse feminam, quæ jactabat se posse illos mutuo amore adeo connectere, ut non possint conjuges amare se ardentius: respondit sancta mulier: „ „ Christi ancilla sum; illi ego omnia mea commendo; si tamen absque sceleris alicujus commixtione id fieri potest, quod dicis, non refragor „ „. Refert *Drogo Gessellensis* in ejus vita apud *Surium*, die 6. Julii. Cum ergo is, qui malefici auctor esse creditur, compellitur, aut rogatur, ut maleficium tollat, aut ipse, vel alius ad sanandum maleficiarium paratus occurrit, ab eo querendum est, quo remedio sit usus. Si dicere nolit, non est utendum ejus opera; quia hoc ipso satis indicat se usurum remedio illicito. Si vero indicet remedium, consideret, qui petit, si satis prudens, ac doctus est, an sit licitum, necne; si non sit idoneus judex, peritiores interroget; si dubitet, an sit remedium divinum, quærat a Theologis. Si sanorum remedium esse dicant vir, aut mulier, qui sa-

nitatem ægro ex maleficio pollicentur, respondeat, satis esse, ut a Sacerdote applicetur, si revera sacrum sit, & ab Ecclesia probatum; si dicant, non profuturum, nisi ipsi adhibuerint, indicium est adhibuituros ex pacto convento. Illud itaque christianus repudiet, ac rejiciat: ea autem cautione eo magis opus est, quod malefici, ut plurimum, sunt homines idiotæ, qui alia quam superstitiosa remedia ignorant.

R E G U L A XXVII.

Summa cautione se gerat Sacerdos in eorum Absolutione, qui superstitionis peccata consentuntur.

Cautio Sacerdotum in eorum Absolutione, qui superstitionis peccata consentuntur.

Licet in omnium peccatorum examine, & Absolutione maxima sit prudentia confessario necessaria, tum maxime singulari opus est, cum apud ipsum peccata deponunt homines variis superstitionibus implicati. Debet imprimis inquirere, an pactum expressum habuerit poenitens cum dæmone, ipsumque invocaverit; & utrum in isto dicto intercesserit error aliquis contra fidem, videlicet an crediderit Sacramenta, quibus forte ad magicas artes, aut maleficia abusus est, non esse sancta; dæmoni, cui se devovit aliquam reverentiam debere; illum habere potestatem in hominum voluntatem, vel in res alias, nisi Deus permiserit. Si hæc, aut alia hujusmodi catholicæ fidei adversa crediderit, hisque erroribus pertinaciter adhæserit, cum eo ceu cum hæretico agendum est, ejusque absolutio Episcopo reservanda, ut de hæreticis in Concilio Tridentino statutum est.

Secundo, inquirere debet confessarius, utrum ille, qui magicis artibus deditus est, aut maleficiis, aliisque superstitionibus contaminatus, & pactum iniit cum dæmone. Baptismo, Fideique se renuntiare professus sit schedula suo sanguine, aut alio quovis modo subscripta; quod si fecerit, obligatus est ad revocandum, & rescindendum protinus, ne sit illud nefarium,

renovando promissiones Christo factas in baptismo, & abrenuntiationes factas diabolo, dicendoque ex animo contrito: *Abrenuntio tibi satana, & adjungo me tibi, Christe.* Si reus schedulam ipsam habet, vel ejus transumptum, ipsam frangat, igneque comburat coram confessario cum detestatione pacti: si penes magum aliquem, vel maleficorum principem deposuerit, omnem adhibeat operam confessarius ut illam recipiat, remque Deo precibus ferventissimis, & jeuniis commendare jubeat; nec tamen media humana negligat, minisque, & terroribus prudenter utatur. Quamquam si schedulam, & syngrapham recuperare non possit, monendus est, ne despondeat animum, siquidem pactum sincera poenitentia rescissum est, nec ipsi nocere potest chirographum, quod Christi Sanguis in Sacramento poenitentiae ipsi applicatus delevit.

Tertio, magos, ariolos, incantatores, maleficos, excommunicatos esse nosse debet, excommunicatione Episcopo reservata, ad quem proinde, vel ad ejus poenitentiarium ipsos remittat, nisi potestatem habeat absolvendi a casibus reservatis. In plerisque etiam dioccesibus peccatum eorum, qui ariolos consulunt, aut maleficorum opera quovis modo utuntur, Episcopo reservatum est. Videat ergo confessarius, ne jurisdictionis suae, ac potestatis fines transiliat, atque disciplinae ecclesiasticae ordinem servet.

Quarto, maleficorum auctores, nec non eos, qui illorum opera usi sunt ad nocendum aliis, non ante absolvat, quam resarciant damna illata, sive corpori, sive honori, & famae, sive rebus, restituendo quantum fieri potest, quia *Non dimittitur peccatum, nisi restituatur ablatum.*

Quinto, maleficos obliget ad amovenda maleficia signa, igneque cum execratione pacti comburenda.

Sexto, magos, sortilegos, maleficos, ariolos astrologiae judicariae profectores, & omnibus quibus vis superstitionibus, aut vanis observantiis implicato non ante absolvat, quam ipsorum poenitentiam pro-

baverit; quam ab his se abstenturos promiserint, occasionem omnes procul removerint, ac deseruerint; libros de his tractantes, conjurationum magicarum, aut vanarum observantiarum, ac superstitionum precationum formulas, imagines astronomicas & magicas, annulos, talismanos, figuras, characteres, omnia superstitionis instrumenta igni tradiderint. Quod exegisse S. Paulum Apostolum ab iis, qui similibus criminibus dediti ad meliorem frugem convertentur, constat ex his verbis S. Lucæ Actuum 19. *Multique credentium veniebant confitentes, & annuntiantes actus suos. Multi autem ex eis, qui fuerant curiosa sectati, contulerunt libros, & combusserunt coram omnibus.* Sic egit cum mathematico poenitente S. August. ut constat Enarratione illius in Psalm. 61. „„ Poenitens est (*inquit*) non quærit nisi solam misericordiam. Commendandus est ergo & oculis, & cordibus vestris. Eum, quem videtis, cordibus amate, oculis custodite. Videte illum, scitote illum, & quacunque ille transierit. fratribus cæteris, qui modo hic non sunt, ostendite illum; & ista diligentia misericordia est, ne ille seductor retrahat cor, & oppugnet. Custodite vos, non vos lateat conversationis ejus, via ejus; ut testimonio vestro nobis confirmetur, vere illum ad Dominum esse conversum. Non enim filebit fama de vita ejus, quando sic vobis & videndus, & miserandus offertur. Nostis in actibus Apostolorum esse scriptum; quia multi perdit, id est talium artium homines, & doctrinarum nefariarum sectatores, omnes codices suos ad Apostolos attulerunt, & incensi sunt libri tam multi, ut pertineret ad scriptorem æstimationem eorum facere, & summam pretii conscribere. Hoc utique propter gloriam Dei, ne tales etiam perdit desperarentur ab illo; qui novit quærere, quod perierat. Perierat ergo iste, nunc quælitus, inventus, adductus est; portat secum codices incendendos, per quos fuerat incendendus, ut illis in ignem missis, ipse in refrigerium transeat. Sciatis eum tamen, Fratres, olim pullare ad Ecclesiam ante

De primo Decalogi præcepto. 535

Pascha; ante Pascha enim coepit petere de Ecclesia Christi medicinam. Sed quia talis est ars, in qua exercitatus erat, quæ suspecta esset de mendacio, atque fallacia, delatus est, ne tentaret, & aliquando tamen admissus est, ne periculosius tentaretur „ „. Sic egit cum *Theodoro* malefico *S. Theodorus Siceota*, Archimandrita Cænobiorum in Galatia, & Episcopus Anastasiopolitanus. Cum enim maleficus ille resipiscens, suas in eum insidias, dæmonum responsa, artificiumque diaboli, quod in multarum animarum perniciem exercuerat, expoluisset, oraretque, ut se a tali nequitia liberaret, & sanctissimum sibi Baptismum impertiret, respondit *S. Theodorus*: „ „ Si vis a Deo veniam impetrare, primum omnia peccata tua confitere, & si quos habes libros maleficos, in medium profer; & quoscunque homines, aut domos, aut animalia maleficiis tuis obstrinxisti, dissolve, nec amplius ea in quemquam exerce; sed poenitentiam age; & ego Deum, qui vult omnes homines salvos fieri, & ad cognitionem veritatis venire, precabor, ut ea tibi, quæ hætenus admisisti, condonet; hæc ille omnia cum se perfecturum jurejurando promississet, omnes libros maleficos protulit, & coram illo combussit. Sanctus autem *Theodorus* eum prius in religione instituit, & jejuniis, atque eleemosynis purgavit, postea ad salutare lavacrum admisit „ „ Ita refert *Georgius* Presbyter, & Hegumenus, ejusdemque *S. Theodori* discipulus, in ejus vita, apud *Bollandi* Continuatores inter acta Sanctorum mensis Aprilis, Tomo 3. ad diem vigesimam secundam.

R E G U L A XXVIII.

Sacrilegium lethale ex genere suo peccatum est tanto gravius, quanto res sacra, in quam peccatur, majorem habet sanctitatem.

„ „ **P**eccatum enim sacrilegii in hoc consistit, quod aliquis irreverenter se habet ad rem sacram. Debetur autem reverentia rei sacræ ratione sanctitatis; & ideo secundum

Sacrilegium.

secundum diversam rationem sanctitatis rerum sacrarum, quibus irreverentia exhibetur, necesse est, quod sacrilegii species distinguantur. Tanto enim sacrilegium est gravius, quanto res sacra, in quam peccatur, majorem obtinet sanctitatem. Attribuitur autem sanctitas & personis sacris, id est divino cultui dedicatis, & locis sacris, & rebus quibusdam aliis sacris. Sanctitas autem loci ordinatur ad sanctitatem hominis, qui in loco sacro cultum Deo exhibet. Dicitur enim 2. Machab. 5. *Non propter locum gentem, sed propter gentem locum Deus elegit.* Et ideo gravius peccatum est sacrilegium, quo peccatur contra personam sacram, quam quo peccatur contra locum sacrum. Sunt tamen in utraque sacrilegii specie diversi gradus, secundum differentiam personarum, & locorum sacrorum; similiter etiam, & tertia species sacrilegii, quæ circa alias res sacras committitur, diversos habet gradus secundum differentiam rerum sacrarum; inter quas summum locum obtinent Sacramenta, quibus homo sanctificatur, quorum præcipuum est Eucharistiæ Sacramentum, quod continet ipsum Christum. Et ideo sacrilegium, quod contra hoc Sacramentum committitur gravissimum est inter omnia „„. *Verba sunt S. Thome, 2. 2. qu. 99. art. 3.* „ Conveniens porro poena sacrilegi, qui sacris injuriam infert, est excommunicatio, per quam a sacris arcetur „ (*inquit idem S. Doctor art. 4.*)

Dixi, sacrilegium lethale ex genere suo peccatum esse, quia propter materiæ levitatem contingere potest, ut veniale tantum sit, aut etiam propter deliberationis defectum.

R E G U L A XXIX.

Scripturæ sacræ, aut officiorum ecclesiasticorum verbis ad superstitiones, ad scurrilia, & vana colloquia, ad detractiones, & libellos famosos, ad adulationes abuti, lethale sacrilegium est.

Hanc Regulam tradit sacra Synodus Tridentina sess. 4. cujus hæc sunt verba: „„ Sacrosancta Synodus

De primo Decalogi præcepto. 137

quis temeritatem illam reprimere volens, quæ ad profana quæque convertuntur, & torquentur verba, & sententiæ sacræ Scripturæ, quæ ad scurrilia scilicet, fabulosâ, vana, adulationes, detractiones, superstitiones impias, & diabolicas incantationes, divinationes, sortes, libellos etiam famosos; mandat, & præcipit, ad tollendam hujusmodi irreverentiam, & contemptum, ne de cætero quisquam quomodolibet verba Scripturæ sacræ ad hæc, & similia audeat usurpare; sed omnes hujus generis homines, temeratores, & violatores verbi Dei juris, & arbitrii pœnis per Episcopos coerceantur „ „

Profanarum etiam cantilenarum inflexio ad Cantus ecclesiastici modulos sacrilegium est. „ „ Omne enim illud, quod ad irreverentiam rerum sacrarum pertinet, ad injuriam Dei pertinet, & habet sacrilegii rationem (*inquit S. Thom. 2. 2. qu. 99. art. 1.*)

R E G U L A X X X .

Omne peccatum a sacra persona, vel in personam sacram commissum, sacrilegium non est proprie dictum.

Illud enim duntaxat sacrilegium est, quod directe committitur contra sanctitatem personæ. Sic sacrilegium est, si persona sacra fornicetur, non autem si inebrietur, si irascatur, si superbiat. Et si quis contra Clericum irascatur nolens tamen illum verberare, aut si furtim ab ejus domo aliquid surripiat, non est sacrilegium. Unde *S. Thomas* quæstione mox indicata art. 3. in Responsione ad tertiam objectionem, ait: „ „ Omne peccatum, quod sacra persona committit, materialiter quidem, & quasi per accidens est sacrilegium. Formaliter autem, & proprie illud solum peccatum sacræ personæ sacrilegium est, quæ agitur directe contra ejus sanctitatem; puta si virgo Deo dicata fornicetur. Et eadem ratio est in aliis „ „ Peccata tamen Clericorum, & Religiosorum virorum, sacrarumque virginum, cæteris paribus, graviora

viora sunt, quia status illorum majorem exigit sanctitatem, & scandalum gravius ex eorum peccatis nascitur, quam ex peccatis secularium hominum. Quamobrem latiori, & minus propria significatione sacrilegia dici possunt, non quidem absolute, sed cum secularium peccatis comparata. Quo sensu S. Bernardus, lib. 2. *De Consideratione*, cap. 13. ait:
 „ Inter seculares nugæ, nugæ sunt; in ore Sacerdotis, blasphemiz... Consecrasti os tuum Evangelio;
 „ talibus jam aperire illicitum, assuescere sacrilegium
 „ est „

R E G U L A XXXI.

Deum tentat, quisquis humanis, & ordinariis medijs non destitutus, ea sine causa omittit, & negligit, seque periculo exponit.

Dei tentatio.

Hanc Regulam explicat S. Augustinus, lib. 22. *Contra Faustum*, cap. 36. „ Pertinet (inquit) ad sanam doctrinam, quando habet, quod faciat homo, non tentare Dominum Deum suum. Neque enim & ipse Salvator non poterat tueri discipulos suos, quibus tamen ait; *Si vos persecuti fuerint in una civitate, fugite in aliam.* Cujus rei prior exemplum præbuit; nam cum potestatem haberet ponendi animam suam, nec eam poneret, nisi cum vellet, in Ægyptum tamen infans portantibus parentibus fugit; & ad diem festum non evidenter, sed latenter ascendit, cum alias palam loqueretur Judæis irascentibus, & inimicissimo animo audientibus, nec tamen valentibus in eum mittere manus, quia nondum venerat hora ejus; non cujus horæ necessitate cogeretur mori, sed cujus horæ opportunitate dignaretur occidi. Qui ergo palam docendo, & arguendo, & tamen inimicorum rabiem valere in se aliquid non sinendo, Dei demonstrabat potestatem, idem tamen fugiendo, & latendo hominis instruebat infirmitatem, ne Deum tentare audeat, quando habeat, quod faciat, ut quod cavere oportet, evadat. Neque enim & Apostolus Paulus desperaverat adjutorium,

Matth. 10.

torium, protectionemque divinam, fidemque perdidit, quando per murum in sporta submissus est, ut inimicorum manus effugeret. Non ergo in Deum non credendo sic fugit; sed Deum tentando sic fugere noluisse, cum sic fugere potuisset „ „.

Et lib. *De opere Monachorum*, cap. 27. „ „ Dei servis (*inquit*) vacantibus, & valentibus exemplo, & præcepto apostolico manibus suis victum transigere, si quis ex Evangelio moverit quæstionem de volatilibus cœli, quæ non feminant, neque metunt, neque congregant in apothecas, & de liliis agri, quia non laborant, neque nent, facile respondebunt; si & nos per aliquam vel infirmitatem, vel occupationem non possumus operari, sic ille nos pascet, & vestiet, quemadmodum aves, & lilia, quæ nihil operantur hujuscemodi; cum autem possumus, non debemus tentare Deum nostrum, quia & hoc, quod possumus, ejus munere possumus; & cum hinc vivimus, illo largiente vivimus, qui largitus est, ut possumus „ „.

Idem confirmat *S. Thomas*, 2. 2. qu. 97. art. 1. in Responsione ad tertiam objectionem. „ „ Prædicatores regni Dei (*inquit*) ex magna necessitate, & utilitate subsidia temporalia prætermittunt, ut verbo Dei expeditius vacent. Et ideo, si soli Deo innituntur, non ex hoc tentant Deum; sed si absque utilitate vel necessitate humana subsidia deferrent, tentarent Deum „ „.

REGULA XXXII.

Ad Dei tentationem pertinet medicina uti nolle, cum morbos patimur, ex quibus sine remediorum naturalium subsidio evadere, aut convalescere non possumus.

Hæc Regula connexa est superiori, ac iisdem fundamentis nititur, illoque præterea Sapientis oraculo Eccles. 38. *Honora medicum propter necessitatem, etenim illum creavit Altissimus. A Deo est enim*

Cura va-
letudinis.

*omnis medela... Altissimus creavit de terra medicamen-
ta & vir prudens non abhorrebit illa... Fili in tua in-
firmitate ne despicias teipsum, sed ora Dominum, &
ipse curabit te. Quæ sententia duo utilia præcepta
complectitur, ut annotat *Esaius*. Unum est, ut ho-
mo implicatus morbo corporali non se ipsum de-
spiciat, id est, valetudinem sui corporis parvifa-
ciat, quasi hoc ad perfectionem pertineat, sanita-
tem corporis negligere; cum illud potius sit inor-
dinatæ, & præposteræ pietatis: *Nemo enim* (inquit
Apostolus Ephes. 5.) *carnem suam odio habuit, sed*
nutrit, & fovet eam; non ad delicias, sed ad neces-
sariam servitutem animæ. Ac præterea tenetur quis-
que diligere proximum sicut se ipsum; atqui pro-
ximo ægrotanti succurrere tenetur, juxta illud
Matth. 25. Infirmus fui, & visitastis me; Igitur
eamdem curam quoque sibi ipsi debet. Porro alte-
rum quod hic Sapiens docet, est, non repugnare,
ut sanitatis recuperatio simul expectetur a Deo, &
a medico; sed a Deo principaliter, qui etiam sine
medico curare potest. a medico vero tanquam mi-
nistro ordinario, per cujus artem Deus plerumque
sanitatem restituit. Unde nec tentandus est Deus,
ut quando medici copia est, a Deo immediate sani-
tas expectetur.*

Hinc *S. August.* christianam, piamque viduam in-
stituens Epistola 130. alias 121. cap. 4. „„ Deliciæ
(inquit) si adfluant, ne apponas cor. Non ideo te
magnipendas, quod non desunt, quod affatim sup-
petunt, quod velut ex fonte largissimo terrenæ felici-
tatis fluunt. Omnino hæc in te despice, atque con-
temne, nec in iis quidquam requiras præter integ-
ram corporis valetudinem. Hæc enim contemnenda
non est propter necessarios usus vitæ, antequam
mortale hoc induatur immortalitate, hoc est vera,
perfecta, & perpetua sanitate, quæ non terrena de-
ficiens infirmitate, corruptibili voluptate reficitur,
sed cœlesti firmitate persistens, æterna incorruptione
vegetatur. Nam & ipse Apostolus: *Carnis* (inquit) *ca-*

De primo Decalogi præcepto. 541

ram ne feceritis in desideriis ; quia gerimus curam carnis , sed ad necessitatem salutis. *Nemo enim un-* Ephes. 5: *quam carnem suam odio habuit* sicut itidem ipse dicit. Hinc est enim , quod & Timotheum nimium , sicut 1. Tim. 5: apparet , corporis castigatorem admonet , ut modico vino utatur , propter stomachum , & frequentes suas infirmitates „ „.

Quamquam viros perfectionis amantes , & qui ex religiosi status obligatione mortificationem Jesu in corpore suo ferre singulari quodam modo tenentur , medicis observationibus , & præscriptis ita addictos esse minime deceat , & valetudinis suæ nimio , ac præpostero studio officia sua , Regularem disciplinam negligere , a communis vitæ ratione decedere ; sed ubi valetudo affecta est , ubi morbus urget , valetudinem suam remediis Dei beneficio nobis provisus procurare tenentur ; alioquin Deum tentant , quod peccatum est religioni oppositum , cum ad irreverentiam Dei pertineat. Nimium duntaxat & præposterum valetudinis studium , quod a vitæ christianæ , Religiosæ , aut Pastoralis officii hominem avertat SS. Patres improbatunt , ac reprehenderunt , scilicet S. Basilii , in Regulis fusius disputatis , cap. 55. „ „ Neque (*inquit*) sectiones , neque unctiones , neque cruciatus , quæ acerba asperaque medicamenta afferre secum solita sunt , neque medias , neque arctissimas in victus observatione regulas , neque declinationem a rebus , quæ obfunt , repudianda esse nobis recta ratio demonstrat , salvo tamen proposito animæ utilitate , quippe cui in medicina corpori admovenda formula quædam proponitur , quam in sui ipsius curatione ipsam conveniat imitari. *Et infra* : Neque igitur fugienda penitus ars ista est , neque rursus omnis in ea salutis nostræ fiducia collocanda ; sed quemadmodum licet agriculturæ usum acceperimus , frugum proventum tamen postulamus a Deo ; & quamvis gubernatori clavium committamus , Deum tamen , ut nos ex alto incolumes conservet , oramus ; sic nihilominus eum medicum adhibemus , idque ratio fieri concedit ,

dit, neutiquam a spe illius erga nos bonitatis debemus discedere „ „.

S. Ambrosius, in Psal. 118. Sermone 22. illum Versum, *Concupivi salutare tuum Domine, & lex tua meditatio mea est*, explicans: „ „ Alius (*inquit*) longævitate vitæ istius delectatur, concupiscit usque ad depositæ senectutis finem corporis hujus vitam producere. Alii franguntur ægritudinis infirmitate, de quibus nemo potest dicere: *Cum infirmor, tunc potens sum*. Beatos se putant, si inoffensa valetudinis commoditate potiantur, quibus non est infirmitas ad salutem. Horum quoque nemo potest dicere: *Concupivi salutare tuum, Domine*; suam enim magis salutem, quam salutare Dei quærunt, medicis potius quam Scripturis obedientes. Contraria autem studiosis divinæ cogitationis præcepta sunt medicinæ. A jejunio revocant, lucubrare non sinunt, ab omni intentione meditationis abducunt. Itaque, qui se medicis dederit, se ipsum sibi abnegat: qui autem quærat salutare Dei, Christum sequitur, qui dicitur salus Dei: non quæ corporis, sed quæ æterna sunt quærens, cum hoc in corpore conversetur. Qui autem legem Dei quærît, die utique, & nocte meditatur in lege. Jugis illi meditatio est divinorum Decretorum, neque aliqua cura corporis hujus avertitur a studio disciplinæ „ „. Ex parte refertur can: *Contraria dist. 5. De Consecratione*.

S. Bernardus Epistola 321. ad Fratres de S. Anastasio: „ „ Minime (*inquit*) comperit religioni vestræ medicinas quærere corporales, sed nec expedit saluti. Nam de vilibus quidem herbis, & quæ pauperes deceant, interdum aliquid sumere, tolerabile est, & hoc aliquando solet fieri. At vero species emere, & quærere medicos, accipere potiones, religioni indecens est, & contrarium puritati, maximeque ordinis nostri, nec honestati congruit, nec puritati. Hæc enim omnia gentes inquirunt. Scimus autem, quia qui in carne vivunt, Deo placere non possunt „ „. Et Sermone 1. in *Cantica*, in illa verba

Qui

Qui voluerit animam suam salvam facere, perdet eam, sic loquitur: „ „ Quid nunc vos dicitis, observatores ciborum, morum neglectores? Hippocrates, & sequaces ejus docent animas salvas facere in hoc mundo: Christus, & ejus discipuli, perdere. Quemnam vos e duobus sequi magistrum eligitis? At manifestum se facit, qui sic disputat. Hoc oculis, hoc capiti, & illud pectori, vel stomacho nocet, &c „ „

Has Regulas secutus *S. Carolus Borromeus*, a medicorum præscriptis ne latum quidem unguem discedebat, cum ægrotaret, alias etiam eorum consilia requirebat; sed ea semper sequi, eorumque observationibus additum se præstare, id vitæ Episcopi minime consentaneum judicabat, dicereque solebat: „ Nullum Episcopum muneri suo posse satisfacere, si „ valetudini parcat, & earum rerum observationibus „ teneatur, quæ nocere corpori, prodesseve possunt „

Multa exempla gesta Sanctorum, ac vitæ suppeditant, quod nimia valetudinis cura non sit habenda iis, qui christianæ perfectionis studio exardeant; sed quod penitus abjicienda non sit cura sanitatis, & pharmaca sumenda sint, cum opus est, medicisque parendum; & vitæ austeritas remittenda, quantum necesse est corporis incolumitati, docet *Macedonii Anachoretæ* sanctissimi exemplum, apud *Theodoretum*, *Religiosa historia*, cap. 13. „ „ Cibus illi (*inquit Theodoretus*) non panis, nec legumina, sed hordeum contusum, aqua sola madefactum; atque hunc illi cibum mater mea, postquam familiaris ei facta est, longissimo tempore suppeditavit. Et cum ad ægrotantem illam aliquando venisset, didicissetque adduci non posse, ut congruentem morbo cibumsumeret (monasticam enim & ipsa quoque vitam erat amplexa) hortatus est, ut medicis cederet, ac pharmacum, esse hunc cibum putaret, ut quem non deliciarum, sed necessitatis gratia usurparet. Non & ego (*inquit*) qui per annos quadraginta hordeo solo vixi, ut nosti, cum hesternadie infirmitas me quædam invasisset, contubernali meo parvum mihi panem quæ-

rete, & afferre jussi. Sic enim mecum reputabam, apud æquum judicem me, si morerer, rationem mortis redditurum, quasi certamina refugerem, & servitutis laborem declinarem; ut qui, cum exiguo cibo prohiberi mors posset, atque in hac vita laboribus, & ærumnis exercitum manere, & paratas inde opes congerere liceret, inedia mori, quam ex Philosophia vivere maluerim. Quare hoc metu perculsus, cogitationisque aculeos retundere cupiens, & peti panem jussi, & allatum comedi; tibi que præcipio, ne mihi amplius hordeum, sed panem præbeas „ „.

Regulæ, quam explicamus, sanctæ virginis, & Martyris *Agathæ* non repugnat exemplum. quæ corporalem medicinam repudiavit. „ „ Experta enim erat erga se divinam benevolentiam, ut vel infirmitatis non pateretur, pro quibus corporali medicina indigeret, vel statim sentiret divinæ sanationis effectum „ „. Unde Apostolo *Petro* in specie medici illi conspicuo respondisse, acta ejus testantur; „ „ Medicinam carnalem corpori meo nunquam exhibui, sed habeo Dominum Jesum Christum, qui solo sermone restaurat universa „ „. Ita respondet *S. Thomas*, 2. 2. qu. 97. art. 1. ad tertium. Addi potest, ipsam sic loqui, quia cum mamillæ abscissionem propter Christi confessionem passa esset, ac in procinctu esset plura propter ejusdem nomen vulnera patiendi, curationem illius respuere poterat, ut Martyrium suum

REGULA XXXIII.

Ille Deum tentat, qui ad orationem se non præparat, & postulat a Deo remissionem peccatorum, non condonans aliis injurias sibi illatas.

Ait enim Spiritus sanctus *Eccles. 18. c. Ante orationem præpara animam tuam; & noli esse quasi homo, qui tentat Deum.* In quo autem hæc præparatio posita sit, docet Christus Marci 11. 25. *Cum stabitis (inquit) ad orandum, dimittite, si quid habetis adversus aliquem, ut & Pater vester dimittat vobis peccata vestra.* In quem locum *Rabanus* ait: „ Ille homo Deum videtur tentare, qui ita orat, ut docuit, & tamen non hoc agit, quod jussit „ „

Hanc Regulam confirmat *S. Thom. 2. 2. q. 97. art. 3. in Responsione ad secundam objectionem*; „ Ille (*inquit*) qui ante orationem animam suam non præparat, dimittendo si quid adversus aliquem habet, vel alias ad devotionem se non disponendo, non facit, quod in se est, ut exaudiatur a Deo: & ideo quasi interpretative tentat Deum. Et quamvis hujusmodi interpretativa tentatio videatur ex præsumptione, seu indiscretionem provenire; tamen hoc ipsum ad irreverentiam Dei pertinet, quod homo præsumptuose, & sine debita diligentia se habet in his, quæ ad Deum pertinent. Dicitur enim 1. Petri 5. *Humiliamini sub potenti manu Dei.* Et 2. ad Tim. 2. *Solicite cura te ipsum probabilem exhibere Deo.* Unde etiam hujusmodi tentatio irreligiositatis species est „ „

REGULA XXXIV.

In religione Deus tentatur, cum signa, & prodigia flagitantur, non ad aliquam salutem, sed ad solam experientiam desiderata.

Hanc Regulam iisdem verbis tradit *S. Augustinus*, lib. 10. Confessionum, cap. 35.

Ad Dei tentationem pertinebant probationes ignis, ferri candentis, aquæ ferventis, vel frigidæ, qui-

bus olim rei vel insontes criminum rudioribus seculis probabantur; duellum etiam ad hunc finem usurpatum. Consuetudines illas ex Ripuariorum, Frisonum, Longobardorum, aliarumque nationum legibus, & moribus in Gallias octavo seculo derivatas Agobardus Lugdunensis Archiepiscopus Deo, ac religioni injurias esse probavit edito Tractatu *Contra damnabilem opinionem putantium divini judicii veritatem igne, vel aquis, vel conflictu armorum patefieri*.

Has superstitiones *Stephanus V.* damnavit Epistola Decretali ad Lambertum Moguntinum Episcopum scripta. „ Ferri candentis (*inquit*) vel aquæ ferventis examinatione confessionem extorqueri a quolibet, sacri non censuerunt Canones, & quod SS. Patrum documento sancitum non est, superstitiosa adinventionem non est præsumendum. Spontanea enim confessione, vel testium approbatione publica delicta, habito præ oculis Dei timore, commissa sunt regi-
mini judicare; occulta vero, & incognita illius sunt iudicio relinquendi, qui solus novit corda filiorum hominum „ „

Easdem probationes damnavit *Alexander II.* cujus Decretum refertur causa 2. qu. 4. & *S. Gregorio magno* perperam a Gratiano tribuitur. „ „ Vulgarum (*inquit*) ac nulla canonica Sanctione fultam legem, ferventis scilicet sive frigida aquæ, ignitique ferri contactum, aut cujuslibet popularis inventionis (quia fabricante hæc sunt omnino ficta invidia) nec ipsum exhibere, nec aliquo modo te volumus postulare, imo Apostolica auctoritate prohibemus firmissime „ „ Plures Epistolas adversus pravorum illos usus scripsit sanctus Episcopus Yvo Carnotensis, septuagesimam quartam, ducentiesimam quintam, & ducentiesimam quinquagesimam secundam. Ludovicus Pius Imperator ex quatuor Synodorum anno 229. jussu suo celebratarum sententia. Moguntinæ sc. Parisiensis, Lugdunensis, & Tolosanæ, probationem per aquam frigidam fieri prohibuit lege lata, quæ in ejus capitulari habetur his verbis: „ Ut examen aquæ frigida,
„ quod

„ quod hæcenus faciebant , a Missis nostris omnibus interdicatur , ne ulterius fiat „

Probationes hujusmodi *Cælestinus III. Innocent. III. & Honorius III.* iteratis Decretis prohibuerunt , ac damnarunt , quæ leguntur quinto Decretalium , tit. 35. *De Purgatione vulgari.*

Lethalis itaque superstitionis rei sunt iudices , qui maleficos , sive sortilegos , & sagas immersione in aquam frigidam examinant , persuasum habentes submergi innocentes , supernatare reos , manibus licet , pedibusque ligatis projiciantur in aquam. Id certe ad Dei tentationem pertinet , cum expectetur miraculum a Deo non ad aliquam salutem , sed ad solam experientiam , & ubi media suppetunt ordinaria ad explorandam facti veritatem , & personarum accusatarum innocentiam , vel crimina detegenda. Et si qui sic in aquam projecti , & ligati supernatent , id naturalibus ex causis non contingere compertum est , nec miraculo , nec præstigiis , & operatione dæmonis corpora super aquam sustentantis , ne mergantur , ut superstitionem foveat , ac magistratus , populumque in errorem inducat , interdumque ad innocentes damnandos , absolvendosque reos impellat. Reos namque aliquando demersos , insontes vero , qui se demergendos præsumebant , supernatare , infelicitibus experientis compertum est. Quibus omnibus mature consideratis supremus Senatus Parisiensis maleficorum , sive sortilegorum examen per immersionem in aquam frigidam subalternis iudicibus prohibuit solemniter Senatus consulto in rerum capitalium Camera edito 1. Decembris anni millesimi sexcentissimi primi , perorante D. Servino Advocato catholico.

REGULA XXXV.

Qui Deum testem invocatur , illum non tentat.

Ita docet *S. Thomas* , 2. 2. qu. 89. art. 2. in Responsione ad tertium. „ Ille , qui jurat (*inquit*) non tentat Deum ; quia non implorat divinum auxilium

absque utilitate, & necessitate. Et præterea non exponit se alicui periculo, si Deus testimonium adhibere noluerit in præsentī. Adhibebit autem pro certo testimonium in futuro, quando *Aluminabit abscondita tenebrarum, & manifestabit consilia cordium*, ut dicitur 1. ad Corinth. 4. Et illud testimonium nulli juranti deficiet, vel pro eo, vel contra eum 22.

CAPUT IV.

De secundo Decalogi præcepto.

ARTICULUS PRIMUS.

Exod. 20. *Quis sit hujus præcepti sensus* : Non assumes nomen Dei tui in vanum; nec enim infonem habebit Dominus eum, qui assumpserit nomen Domini Dei sui frustra.

Primum divinæ legis præceptum, quo Deum pie, sancteque colere jubemur, illud necessario consequitur. Qui enim diligit, & colit aliquem, non meminit illius nisi cum summa reverentia, de illo non loquitur, nisi cum quadam etiam honoris præfatione. Cum itaque præ cunctis aliis diligere nos, & colere Deum oporteat, committere non debemus, quin & ipsi summa cum reverentia nomen ejus usurpemus; neque id in alios, quam tantam Majestatem deceat, usus conferamus. Hinc Dominus ait Malachiæ 1. *Filius honorat patrem, & servus dominum suum; si ergo Pater ego sum, ubi est honor meus?*

Hoc præceptum aliquid præcipit, aliquid vetat. Præcipit, ut Dei nomen honoretur, ac per illud sancte juretur, prohibet ne divinum nomen quis contemnat, ne illud in vanum assumat, ne per ipsum, aut falso, aut frustra, aut temere juret; ne illud impie blasphemet.

Nomen autem Dei hic pro sola, & nuda voce non accipitur, quia Deum significamus; hæc enim res creata est; sed pro re significata, pro omnipotenti, ac sempiter-

De secundo Decalogi præcepto. 549

piterna Majestate unius in essentia, triplicique in personis Dei. Unde inanis erat nonnullorum Judæorum superstitionis, qui Dei nomen, quod scribere non verebantur, pronuntiare tamen non audebant, quasi in quatuor illis literis, non in re, divina vis esset. Cum autem multa Deo imposita sint nomina, ut Domini, Omnipotentis, Regis Regum, Fortis, & alia id genus, quæ in Scripturis sacris leguntur, ea pari veneratione prosequi necesse est; cum Deum ipsum, vel Dei attributa significant.

Dei porro nomen multipliciter laudatur, ut explicat Concilii Tridentini Catechismus. Primum, cum in omnium conspectum Deum, ac Dominum nostrum cõitemur, Christumque salutis nostræ auctorem quemadmodum agnoscimus, ita etiam prædicamus, ut ab illius confessione neque blanditiis, neque tormentis, dimoveri possimus. De qua confessione Christus dixit, Matth. 10. *Qui me confessus fuerit coram hominibus, confitebor & ego eum coram Patre meo, qui in cælis est.* Hinc Tertullianus in Apologetico cap. 2. „ Omne malum (inquit) aut timore, aut pudore natura perfudit. Denique malefici gestiunt latere, trepitant deprehensi, negant accusati, ne torti quidem facile, aut semper consistentur, certe damnati moerent. Christianus vero quid simile? Neminem pudet, neminem poenitet, nisi plane retro non fuisse. Si denotatur, gloriatur; si accusatur, non defendit; interrogatus vel ultro confitetur; damnatus gratias agit. Quid hoc mali est, cujus reus gaudet? cujus accusatio votum est, & poena felicitas „?

Dei nomen
multiplici-
ter lauda-
tur.

Secundo; Dei nomen laudamus, cum verbo Dei, quo voluntas ejus enuntiatur, sancte, & diligenter operam damus, in ejus meditatione assidue verlamur; studiose illud addiscimus, perlegendo, non audiendo, prout cujusque personæ, statui, ac muneri aptum, & consentaneum est; cum in lege Domini meditamur die, ac nocte, cum privatim, & publice pro viribus nostris, ac professione verbum Dei prædica-

Psalm. 48. extra Deum quaerunt, de quibus ait Propheta: *Vocaverunt nomina sua in terris suis.*

Quarto: Dei nomen honore prosequimur, cum illud pro veritatis, quæ alioquin periclitaretur, confirmatione, seu ob publicam utilitatem adhibemus. De quo dictum est Deut. 6, *Dominum Deum tuum timebis, & illi soli servies, ac per nomen illius jurabis.*

At si Dei nomen aliter usurpamus, absque necessitate, absque reverentia, secundum præceptum violamus. Qua de re *S. Joan. Chrysostomus*, Hom. 10. in Acta præclare scribit: „ Nullus cum reverentia memor est nominis Dei. Et tu quidem si dilexeris quemplam, ad nomen illius excitatus efficeris. Deum autem sic continuo vocas, quasi nihil. Voca illum, ut benefacias inimico, voca illum in salutem tuæ animæ, tunc aderit, tunc lætificas illum; nunc autem exacerbās. Voca illum, sicut vocavit Stephanus, dicens: **Act. 7. 52.** *Domine, ne statuas illis hoc peccatum.* Voca illum, ut vocavit uxor Elcanæ, cum lacrymis, cum lamentis, cum oratione. Voca illum, sicut vocavit Moyses, & clamabat orans pro illis, qui ipsum in fugam egerant. Et tu quidem si alicujus viri reverendi memores sine reverentia, contumeliam putas: Deum autem circumferens, non solum sine reverentia, sed etiam intempestive, nihilne facis rem illam? Et quanto supplicio dignus eris? Non prohibeo Deum perpetuo habere in animo, Hoc enim orarim, & velim, sed non

De secundo Decalogi præcepto. 551

omnibus rebus tam prosperis, quam adversis illi singulares gratias agimus, dicentes cum Propheta: *Benedic anima mea Domino, & noli oblivisci retributiones ejus*; cum in calamitatibus, animique, & corporis doloribus, quibus nos Deus tanquam filios flagellat, tanquam reos plectit, tanquam amicos probat, statim ad Deum laudandum omne studium, & animi nostri vires convertimus, cum *B. Job* dicentes: *Sit nomen Domini benedictum*; Et cum Davide: *Job. 1. Benedicam Dominum in omni tempore, semper laus ejus in ore meo. Magnificate Dominum mecum; & exaltemus nomen ejus in idipsum. Exquisivi Dominum, & exaudivit me, & ex omnibus tribulationibus eripuit me. Dei nomen sancte colimus, cum ipsius auxilium postulamus, & expetimus, ut actus nostros in viam mandatorum suorum dirigat, orantes cum David: Perfice gressus meos in semitis tuis, ut non moveantur vestigia mea. Deduc me in semitam mandatorum tuorum. Inclina cor meum in testimonia tua, Item, cum viribus nostris diffidentes, soli Deo omnium operum, & negotiorum nostrorum exordia, progressum, & finem tribuimus, cum eodem Propheta dicentes: Non in arcu meo sperabo, & gladius meus non salvabit me; sed dextera tua, & brachium tuum, & illuminatio vultus tui. Cum denique ejus opem fidenter imploramus, ut nos a malis, quibus premimur, liberet, aut ad ea fortiter perferendæ constantiam, roburque largiatur. Hunc enim sui nominis cultum a nobis postulat Dominus: *Invocate me* (inquit) *in die tribulationis, eruam te, & honorificabis me.* Ad hanc multiplicem laudandi nominis divini rationem nos hortatur Propheta Psalmo 104. cum ait: *Confitemini Domino, & invocate nomen ejus, annuntiate inter gentes opera ejus. Cantate ei, & psallite ei, narrate omnia mirabilia ejus. Laudamini in nomine sancto ejus, latetur cor querentium Dominum. Quarite Dominum, & confirmamini, quarite faciem ejus semper.* Sic nomen Dei non colunt, qui non in Domino, sed in se ipsa gloriantur; qui sibi nomen sapientiæ, aut virtutis*

Act. 23.

saltatrici caput *Joan, Baptista* tanquam saltationis præmium dedit. Tale juramentum Judæorum, qui seipſos ea conditione devoverunt nihil gustaturos, donec *S. Paulum* occidissent, ut in Actis Apostolorum refertur. Ita juramenti conditiones explicat Concilii Tridentini Catechismus.

Sic vero *S. Thomas*, 2. 2. qu. 89. art. 3. „ Jura-
mentum non est bonum, nisi ei, qui bene utitur ju-
ramento. Ad bonum autem usum juramenti duo re-
quiruntur. Primo quidem, quod aliquis non leviter,
sed ex necessaria causa, & discrete juret; & quan-
tum ad hoc requiritur judicium ex parte jurantis.
Secundo, quantum ad id, quod per juramentum con-
firmatur, ut scilicet neque sit falsum, neque illicitum;
& quantum ad hoc requiritur veritas, per
quam aliquis juramento confirmat, quod est; & ju-
stitia, per quam confirmat, quod licitum est. Judicio
caret juramentum incautum; veritate juramentum
mendax; justitia juramentum iniquum, sive illicitum.
„ Si ista defuerint, nequaquam erit juramen-
tum; sed perjurium, ut dicitur Canone *Animadver-
tendum*, ex *S. Hieronymo*.

Quid sit
perjurium.

Sed primo quidem, & præcipue perjurium est,
cum deest veritas. Unde perjurium definitur, *Men-
daciū juramento firmatum*. Secundario autem, cum
deest justitia. Quocunque enim modo quis juret rem
illicitam, hoc ipſo falsitatem incurrit; quia obligatus

S. Augst. libro *De Moribus Manichæorum*, cap. 11. ait: „ Est blasphemia, cum aliqua mala dicuntur de bonis. Itaque jam vulgo blasphemia non accipitur, nisi mala verba de Deo dicere; de hominibus namque dubitari potest. Deus vero sine controversia bonus est „. Quicumque ergo de Deo negat aliquid, quod illi convenit, vel ei imponit aliquid, quod ipsi non convenit, derogat illius bonitati, & excellentiæ, ejusque honorem imminuit; quod sive fiat verbis indicativi, sive imperativi, sive optativi modi, blasphemia est; ut si quis Deum esse injustum, improvidum, crudelem, auctorem peccati affirmet, vel optet, eum res humanas non curare, peccata nostra ignorare, non prohibere, non punire. Fit aliquando per modum execrationis, ut si quis diceret: Sit maledictus Deus, Pereat Deus; aliquando per modum dubitantis, ut si diceret: Si est Deus, si justus est Deus, & similia; aliquando per modum irrisionis, ut qui dicebant: *Vab, qui destruis templum Dei, & in tribus diebus readificas illud*; vel cum Deo quidem^{40.} tribuitur, quod ipsi revera convenit; sed cum irrisione, & contemptu. Sic qui per corpus, & sanguinem Dei, per caput Dei jurat, vel alia membra Christi nominat cum irrisione, & contemptu, blasphemiam committit; quia etsi membra illa Deo incarnato conveniant, illa tamen tanquam vilia, & contemptu, ac vituperatione digna Deo tribuit, quod convitium est Deo illatum, & divinæ Excellentiæ immutatio attentata.

Blasphemia quædam est imperfecta, qua mens interius loquitur, & conceptus suos contra Deum exprimit, non ex odio, vel detestatione Dei, sed ex aliqua animi perturbatione; alia perfecta, quæ cum detestatione quadam divinæ Majestatis conjuncta est. Quæ si in corde maneat, est *cordis blasphemia*, qualis est divinæ justitiæ detestatio a damnatis. Si verbis exprimatur, est *oris blasphemia*. Unde Christus ait, *Matth. 15. De corde exeunt cogitationes mala, homicidia, adulteria, fornicationes, furti, falsa testimonia, blasphemia.*

Item

Idem, blasphemia quædam expressa est, & formalis, alia implicita, & virtualis. Prima committitur, cum expresse, & aperte conceptisque verbis Deo convitium infertur, auferendo ei bonum, quod habet, vel affigendo malum, quod non habet. Altera fit, cum non expressa verbis, sed tamen tacite, & ex affectu, vel modo loquendi innuit aliquid Deo convenire, quod illius excellentia indignum est; ut si quis diceret: Velit, nolit Deus, hoc faciam, tacite significaret, Deum non esse omnipotentem.

Rursus blasphemia quædam est cum hæresi conjuncta, alla sine hæresi. Qui assentitur intellectu his, quæ corde, vel ore dicit, hæreticus simul est, & blasphemus, & in censuras incurrit in hæreticos jure latas. Si vero non ita credit, blasphemiz tantum reus est.

Dei vindictis in perjuros animadvertio.

VI. Secundo præcepto Decalogi minæ adhibentur, ut homines ad perjurium proni, propter juramenti frequentiam, ab hoc crimine timore poenarum deterreantur. *Nec enim habebit insontem Dominus cum, qui assumpserit nomen Domini Dei sui frustra.* Quibus verbis & peccati gravitas, & summa in nos Dei benignitas agnoscitur; qui cum hominum perditione non delectetur, ne ipsius iram, & offensionem subeamus, hisce salutaribus minis nos deterret, nimirum ut illum benevolam potius, quam iratum experiamur. Nullum autem certum supplicium a Deo constitutum est, sed tantum universe minatur, non impune laturum, quicumque nomen Dei frustra assumpserit, quicumque pejeraverit, aut nomen Dei sanctum blasphemaverit; id est, acerbis poenis non solum in futuro, sed & in isto seculo obnoxium fore. Quam severe perjuros interdum plectat hoc in seculo Deus, nonnulla ex Scripturis sacris petita demonstrant exempla. *Facta est fames in diebus David tribus annis jugiter, propter perjurium, quia scilicet Saul voluerat percutere Gabaonitas zelo, quasi pro filiis Israel, & Juda, quibus olim juraverant filii Israel ex ignorantia, quod non occiderent eos (Josue 9. & 2. Regem 21.)* Jussit autem David, ut Dei iram placaret.

caret, utque Gabaonitis satisfaceret, septem filios *Saul* ipsis tradi in monte crucifigendos coram Domino. *Sedecia* Regis perjurium, qui violato foedere cum Nabuchodonosor inito, & jurisjurandi religione firmato, ad Regem Ægypti transfugerat, ultus est Deus; tradendo ipsum in manus Nabuchodonosor, a quo Babylonem deportatus, ibique mortuus est, ut comminatus fuerat Dominus (Ezech. 17.) *Numquid prosperabitur, vel consequetur salutem, qui fecit hac? Et qui dissolvit pactum, numquid effugiet? Vivo ego, dicit Dominus Deus; quoniam in loco Regis, qui constituit eum Regem, cujus fecit irritum juramentum, & solvit pactum, quod habebat cum eo, in medio Babylonis morietur. Et non in exercitu grandi, neque in populo multo faciet contra eum Pharaon praelium; in fossu aggeris, & in extructione vallorum, ut interficiat animas multas. Spreverat enim juramentum, ut solveret fœdus, & ecce dedit manum suam; cum omnia hac fecerit, non effugiet. Propterea hæc dicit Dominus Deus: Vivo ego, quoniam juramentum, quod sprevit, & fœdus, quod pravaricatus est, ponam in caput ejus. Et expandam super eum rete meum, & comprehendetur in sagena mea; & adductam eum in Babylonem, & judicabo eum ibi in pravaricatione, qua despexit me.*

VII. Quam severis porto suppliciis Deus in blasphemos animadvertat, constat ex Lev. 24. ubi blasphemum Dei jussu lapidatum legimus extra castra, & hanc populo Israel sancitam legem: *Homo, qui maledixerit Deo suo portabit peccatum suum; & qui blasphemaverit nomen Domini, morte morietur: Lapidibus opprimet eum omnis multitudo, sive ille civis sive peregrinus fuerit.*

Idem probat exemplum *Benadad* Syriæ Regis, de quo Dominus ait per Prophetam Regi Israel *Achab* (3. Regum, cap. 20.) *Quia dixerunt Syri: Deus montium est Dominus, & non est Deus vallium; dabo, omnem multitudinem hanc gradem in manu tua, & scietis, quia ego sum Dominus. Hinc, Deo duce, Percusserunt filii Israel de Syris centum millia peditum in die una.*

558 Theol. Dog. & Moral. Lib. IV.

Fugerunt autem, qui remanserant in Aphec, in civitatem; & cecidit murus super viginti septem millia hominum, qui remanserant. Animadvertit autem Dominus in Achab, quod blasphemum Syriæ Regem vivum dimisisset. Hac dicit Dominus: Quia dimisisti vitam dignum morte de manu tua, erit anima tua pro anima ejus, & populus tuus pro populo ejus. Idem quoque demonstrat exemplum Sennacherib Regis Assyriorum; de quo dicitur 4. Regum, cap. 19. Cui exproverasti; & quem blasphemasti? Contra quem exaltasti vocem tuam, & elevasti in excelsum oculos tuos? Contra S. Israel. Idcirco eadem nocte Venit Angelus Domini, & percussit in castris Assyriorum centum octoginta quinque millia. Ipseque Sennacherib a filiis suis cæsus est, cum in templo Nesroch Deum suum adoraret. Tempore denique novi Testamenti S. Paulus blasphemios tradidit satana, ut ipse testatur 1. ad Tim. 1. 20.

ARTICULUS II.

Quid sit juramentum; Quotuplex: Et utrum secundo precepto Decalogi sit prohibitum.

§. 1. Quid sit jusjurandum.

De jure-jurando. **J**uramentum est assumptio, seu imploratio divini testimonii ad aliquid confirmandum. Sive ut definit S. Antoninus p. 2. tit. 10. cap. 5. Juramentum est assertio, vel negatio de aliquo, scilicet de facto, vel faciendo, sacra rei attestatione firmato. Quacunque ergo verborum formula Deus testis invocetur, juramentum est. Nam & testis est mihi Deus, & per Deum, idem sunt. Est etiam illud jusjurandum, quod per execrationem profertur, & execratorium appellatur, quale est illud S. Pauli: *Ego testem Deum invoco in animam meam.* Duplex enim est jurandi modus, inquit S. Thom. 2. 2. qu. 89. art. 1. in Responsione ad tertiam objectionem: *Unus quidem per simplicem Dei contestationem; sicut cum aliquis dicit: „Est mihi Deus testis; vel, coram Deo loquor; vel, per Deum; quod idem*

De secundo D calogi p cepto. 559

idem est. Alius modus jurandi est per execrationem ; dum scilicet aliquis se , vel aliquid ad se pertinens ad poenam obligat , nisi sit verum , quod dicitur „ „. Id paulo uberius explicat *S. August.* Sermone 180. alias 28. *De verbis Apostoli* , cap. 6. „ „ Non vos fallant (*inquit*) qui nescio quomodo volentes ipsas jurationes discernere , vel potius non intelligere dicunt : Non esse jurationem , quando dicit homo : Scit Deus. Testis est Deus , Invoco Deum super animam meam , verum me dicere. Invocavit (*inquit*) Deum , testem fecit Deum , nunquid juravit ? Qui h c dicunt , nihil aliud volunt nisi invocato Deo teste mentiri. Itane vero quisquis es pravi cordis , & perversi cordis , si dicas , per Deum , juras ; si dicas , testis est Deus , non juras ? Quid est enim per Deum ; nisi , testis est Deus ? Aut quid est , testis est Deus ? nisi per Deum ? Quid est autem jurare , nisi jus Deo reddere , quando per Deum juras ; jus saluti tu  reddere , quando per salutem tuam juras ; jus filiis tuis reddere , quando per filios tuos juras ? Quod autem jus debemus saluti nostr  , filiis nostris , Deo nostro , nisi charitatis , veritatis , & non falsitatis ? Maxime autem per Deum cum sit , ipsa est vera juratio ; quia cum dicit quisque : Per meam salutem , salutem suam Deo obligat ; quando dicit : Per filios meos , oppignorat Deo filios suos , ut hoc veniat in caput eorum , quod exiit de ore ipsius , si verum verum , si falsum falsum „ „.

Est & illud vere jusjurandum , cum ad faciendam fidem per res creatas juramus ; ut per sacra Dei Evangelia , per Crucem , per Sanctorum Reliquias , & nomen , & c tera id genus ; neque enim h c ipsa per se iurijurando auctoritatem , aut robur aliquod tribuunt , sed Deus ipse hoc pr stat , cujus divin  Majestatis splendor illis in rebus elucescit (*inquit* Concilii Tridentini Catechismus) Ex quo sequitur , ut per Evangelium jurantes per Deum ipsum jurent , cujus veritas in Evangelio continetur , & declaratur ; similiter & per Sanctos , qui templa Dei sunt , quique Evangelicam veritati crediderunt , eamque omni observantia co-

Qua ratio-
ne jura-
mentum
per creatu-
ras prohi-
bitum.

luerunt, & per gentes & nationes latissime dissemina-
runt. Id ex *S. Thoma* sumptum, 2. 2. qu. 89. art. 6.
Jurare vero per creaturas non prohibuit absolute Do-
minus, cum ait Matth. 5. *Nolite jurare omnino, neque*
per calum, neque per terram, neque per Hierosolymam,
neque per caput tuum. Sed ita per creaturas jurare ve-
tuit, ut eis reverentiâ divina exhibeatur, vel ut pro
Diis habeantur, quomodo Israelitæ jurabant per vi-
tulos aureos, quos in Regno Samaritæ extruxerat
Jeroboam, & dicebant: *Vivit Deus tuus Dan*, ut re-
fertur *Amos* 8. Juramentum etiam per creaturas pro-
hibitum est, ita ut creaturæ secundum se spectatæ vo-
centur in testimonium, & in eis sistatur; non autem
si spectentur cum relatione ad Deum, & quatenus in
eis divina veritas promicat. *Judæi* porro per *Angelos*,
& urbem *Jerusalem*, & Templum, & elementa jurantes,
creaturas, resque carnales venerabantur honore, & ob-
sequio Dei (inquit *S. Hieronymus* in Matth. cap. 6.)
Hinc per *Genios Caesarum* jurare nefas ducebant christia-
ni, quia *Genios* dæmones censebant, quos ut mino-
res Deos ethnici venerabantur. Unde *S. Polycarpus*
jubenti Proconsuli, ut per *Cæsaris Genium* juraret,
constanter respondit: *Christianus sum*, ut refert *Ense-
bius*, lib. 4. *Histor. Ecclesiast.* cap. 15. Sed per salutem
Imperatorum jurare non verebantur, si quando id ne-
cessitas postularet, ut *Tertullianus* refert. Hinc *Ephe-
sina Synodus* actione 6. Quartodecimanis, ad Eccle-
siam redeuntibus jusjurandum indixit per *Sanctam*,
& consubstantialem *Trinitatem*, & per *P. Theodosii*, &
*P. Valentiniani christianissimorum Imperatorum piete-
tem, ac victoriam*. Et *Marcellinus Comes* in Collatio-
ne Carthaginensi cum Donatistis, juravit per *admirabile*
Mysterium Trinitatis, per *Dominicam Incarnationis*
Sacramentum, per salutem *Principum*, se juste judica-
turum. Et *S. Gregorius magnus* Episcopis a Schismate
redeuntibus juramentum præscripsit, Per Deum omni-
potentem, per sancta Evangelia, & salutem, Geniumque
illustrum Dominorum nostrorum Rempublicam guber-
nantium. Lib. 10. Epist. 31.) Genii nomine aliud lon-

De secundo Decalogi præcepto: 561

ge intelligebant tunc temporis christiani, quam priamorum seculorum homines, cum pagana superstitione vigeat. Angelos scilicet Custodes intelligebant S. Gregorius, & Episcopi Clericum per Creaturas juramentum accerrime objurgandum; si perliteris in vicio, excommunicandum, decrevit Concilium Carthaginense 4. can. 61. Non quod jusjurandum per creaturas absolute illicitum censeret; sed ut Clericos a quotidianis, temerariisque juramentis revocaret. Donatistas Episcopos reprehendit Optatus Milevitanus, lib. 2. quod per ipsos schismatici illorum discipuli jurarent, ob scandalum, & ob fastum, & quod ethnici jusjurandum hujusmodi ita interpretari possent, quasi pro Diis Episcopi illi a suis haberentur. „ Per vos jurant (inquit) & personas vestras jam pro Deo habere noscuntur. Solet Deus ad probandam fidem, id juratione ab hominibus nominari. Sed cum per vos juratur, jam apud vestros de Deo, & Christo silentium est „ „

§. II. Quotuplex jusjurandum:

II. Jurisjurandi duo sunt genera; primum quidem, quod *Affertorium* appellatur; nimirum cum aliquid de re præsentis, aut præteritis religiose affirmamus, ut Apostolus ad Galatas cap. 1. *Ecce coram Deo, quia non mentior.* Alterum vero *Promissorium* dicitur (ad quod etiam combinationes referuntur) futurum tempus spectans, cum aliquid ita fore pro certo pollicemur, & confirmamus. Cujusmodi est illud Davidis, qui Bethsabee conjugi jurans per Dominum Deum suum, promisit Salomonem ejus filium regni heredem fore c. 3. *Regum 1.*)

§. III. *Juramentum debitis conditionibus munitum, licitum est; tantum abest, ut secundo præcepto Decalogi adversetur.*

III. Id multis argumentis probatur. Primo, lex Domini, quæ immaculata est, & sancta, juramentum approbat, Deut 6. *Dominum Deum tuum timebis,*

& illi soli servies ; ac per nomen illius jurabis. Quod non ita intelligendum est , quasi Deus jurare jussit , sed in alterius alicujus Dei nomine jurare prohibuit , ut explicat *S. August.* qu. 2. in *Deuteron.* Et a David scriptum est , *Psalm.* 62. *Laudabuntur omnes , qui jurant in eo.* Et *Isaia* 19. necnon *Jer.* 12. prædictum est , quod populus christianus inter reliqua pietatis officia rebus ita exigentibus , per nomen Dei juraturus esset.

Præterea , Apostolos nonnunquam jurejurando nros esse , constat ex sacris Literis , ad *Rom.* 1. 9. ad *Corinthios* 1. 23. ad *Philippenses* 1. 8.

Tertio , *Apocalypsis* 10. scriptum est : *Angelus levavit manum suam ad cælum , & juravit per Viventem in secula seculorum.*

Quarto , Deus ipse Angelorum Dominus in veteri Testamento multis in locis promissiones suas jurejurando confirmat , *Gen.* 22. 16. *Psalm.* 109. Ubi David Rex de Dñi jurejurando ait : *Juravit Dominus , & non pœnitebit eum : Tu es Sacerdos in æternum secundum ordinem Melchisedech.* Et Apostolus ad *Hebr.* 6. *Abraha* (inquit) *promittens Deus , quoniam neminem habuit , per quem juraret , majorem , juravit per semetipsum , dicens : Nisi benedicens benedicam te , & multiplicans multiplicabo te... Homines enim per majorem sui jurant , & omnis controversia eorum finis , ad confirmationem est juramentum. In quo abundantius volens Deus ostendere pollicitationis hereditibus immobilitatem consilii sui , interposuit jusjurandum ; ut per duas res immobiles , quibus impossibile est mentiri Deum , fortissimum solacium habeamus , qui confugimus ad tenendam propositam spem.*

Quinto , SS. Patres id confirmant , quorum testimonia congerere non est opus. Sufficiat illud *S. August.* Serm. 180. alias 28 *De verbis Apostoli* , cap. 4. » » Si peccatum esset juratio , nec in veteri lege diceretur : *Non perjurabis , reddes autem Domino jusjurandum tuum.* Non enim peccatum præciperetur nobis. Sed ait tibi Deus tuus , si juraveris , non damnabo ; si verum juraveris , non damnabo. Sed numquid

De secundo Decalogi præcepto. 563

si non juraveris, damnabo? Duo sunt (*inquit*) quæ non damno unquam, veram jurationem, & nullam jurationem; damno autem falsam jurationem. *Et cap. 5. Ut noveritis, verum jurare non esse peccatum, invenimus & Apostolum Paulum jurasse: Quotidie morior per vestram gloriam, fratres, quam habeo in Christo Jesu Domino nostro.* Per vestram gloriam, juratio est ^{non}.

Sexto, a Conciliis, & summis Pontificibus approbatur, & in quibusdam negotiis indictum jusjurandum est. Canone *Omne*, causa 22. quæst. 1. ex Concilio Toletano 8. & cap. *Nimis*, Ext. *De jurejurando*, ex Concilio Lateranensi sub *Innocentio III.* Et ex usu totius Ecclesiæ catholicæ id confirmatur. Unde in Concilio Constantiensi Sessione 8. inter *Joannis Wiclef* articulos, quorum alii notorie dicuntur hæretici, alii erronei, alii scandalosi, & blasphemii, alii piarum aurium offensivi, alii temerarii, & seditiosi, quadragesimus tertius hic damnatur: *Juramenta illicita sunt, quæ fiunt ad roborandum humanos contractus, & commercia civilia.*

Denique idem confirmat ratio ex origine, & fine juramenti petita. Jusjurandum cum originem habeat ex fide qua homines credunt Deum esse primam, & summam veritatem, quæ nec falli unquam possit, nec fallere, cujus oculis nuda sunt omnia, & aperta; qui renes, & corda scrutatur; qui rebus humanis universis admirabili providentia consulit, mundumque administrat. Hac (inquam) fide homines imbuti Deum veritatis tellem invocant, cui fidem non habere, impium, ac nefarium sit. Finis vero juramenti est probatio justitiæ, & innocentiae hominis, & finis controversiarum (ut Apostolus docet ad *Hebr. 6*) Jusjurandum ergo laudabile est sive ejus originem, sive finem spectemus, modo debitæ conditionibus muniatur, & veritatem, judicium & justitiam comites habeat, ut superius explicui.

IV. Huic sententiæ repugnare verba Salvatoris *Matthæi 5.* aliquis objiciet. Ait enim Christus: *Audistis, quia dictum est antiquis: Non perjurabis; reddes on-*

Respondetur objectioni ex Christi ver-

his petit
contra reli-
gionem ju-
tamenti.

tem Domino juramenta tua, Ego autem dico vobis; Non jurare omnino, neque per caelum, quia thronus Dei est; neque per terram, quia scabellum est pedum ejus; neque per Ierosolimam, quia civitas est magni Regis; neque per caput tuum juraveris, quia non potes unum capillum album facere, aut nigrum. Sit autem sermo vester; Est, est; Non, non; quod autem his abundantius est, a malo est.

Verum hanc objectionem facile diluemus. His enim verbis jusjurandum generatim, universque non dampnat Dominus, sed perversum Judaeorum judicium redarguit, qui sibi in animum induxerant, nihil in juramento cavendum esse praeter mendacium. Unde in rebus levissimis, & nullius momenti, & ipsi jurabant saepissime, & ab aliis jusjurandum exigebant. Pessimum hunc morem Salvator noster reprehendit, docetque omnino a jurejurando temperandum esse, nisi gravis necessitas nos jurare compellat. Cum enim jusjurandum propter humanam imbecillitatem sit institutum, a malo revera provenit, quia aut jurantis inconstantiam, & levitatem indicat; aut illius, cujus causa juramus, contumaciam, qui ut credat, aliter adduci non potest. Sed tamen jurandi necessitas excusationem habet. Et quidem cum inquit Salvator; *Sit sermo vester, est, est; Non, non;* satis declarat hac loquendi formula, se jurandi consuetudinem in colloquiis familiaribus, & ubi levibus de rebus agitur, prohibere, ne nimia ad jurandum propensio, pravaque consuetudo, ad perjurium facile pertrahat incautos. Christi verba sic exponit Concilii Tridentini Catechismus. Quam expositionem hausit ex 3. Basilio in illa verba Psalmi 14. *Qui jurat proximo suo, & non decipit,* & ex 4. August. pluribus in locis, sed praesertim lib. De Mendacio, cap. 15. ubi haec habet: „ Juravit ipse Apostolus in Epistolis suis. Et sic ostendit, quomodo accipiendum esset, quod dictum est: *Dico vobis non jurare omnino.* Ne scilicet jurando ad facilitatem jurandi veniatur, ex facilitate ad consuetudinem, atque

De secundo Decalogi præcepto. 565

que ita ex consuetudine in perjurium decidatur. Et ideo non invenitur jurasse nisi scribens, ubi consideratio cautior non habet linguam præcipitem. Et hoc utique a malo, sicut dictum est: *Quod autem amplius est, a malo est*; non tamen suo, sed eorum infirmitatis, quibus etiam sic fidem facere conabatur. Nam quod loquens jurasset, dum non scriberet, nescio utrum aliqua de illo Scriptura narraverit. Et tamen Dominus ait: *Omnino non jurare*; non enim concessit, ut id liceret scribentibus. Sed quia præcepti violati reum Paulum, præsertim in Epistolis conscriptis, atque editis ad spiritualem vitam, salutemque populorum nefas est dicere; intelligendum est illud, quod positum est, *omnino*, ad hoc positum, ut quantum in te est, non affectes, non ames, non quasi pro bono cum aliqua delectatione appetas jusjurandum „ „. *Et lib. 19. Contra Faustum, cap. 23.* „ „ Quia (*inquit*) pejerare grave peccatum est; non jurare autem, sicut verum jurare, nullum peccatum est; sed longius remotus est a falsum jurando, qui nec jurare consuevit, quam qui verum jurare proclivis est; maluit nos Dominus, & non jurantes non recedere a vero, quam verum jurantes propinquare perjurio. Itaque & Apostolus in sermonibus, quos habuisse narratur, nunquam juravit, ne jurandi consuetudine aliquando, vel nescius in perjurium laberetur. In scriptis autem, ubi est consideratio major atque propensior, pluribus locis jurasse invenitur, ne quisquam putaret etiam verum jurando peccari, sed potius intelligeret humanæ fragilitatis corda non jurando tutius a perjurio conservari „ „.

Et in Commentario Epistolæ ad Galatas: „ Non „ est contra præceptum juratio, quæ a malo est, „ non jurantis, sed incredulitatis ejus, cui jurare „ cogitur „.

Alium præterea Scribarum, & Pharizæorum errorem redarguit Dominus, qui juramenta per creaturas facta non obligare putabant, illorumque viola-

tionem perjurium non esse. Excipiebant tamen creaturas quasdam avaritiæ suæ servientes, nempe aurum templi, & dona Deo oblata, quæ in Sacerdotum usum, ac emolumentum cedebant. Hunc errorem eis improperat Matthæi 23. *Va vobis* (inquit) *duces cæci, qui dicitis: Quicumque juraverit per templum, nihil est; qui autem juraverit in auro templi, debet, & cæci! quid enim majus est, aurum, an templum, quod sanctificat aurum? Et quicumque juraverit in altari, nihil est; quicumque autem juraverit in dono, quod est super illud, debet, Cæci! Quid enim majus est, donum, an altare, quod sanctificat donum? Ostendit autem Dominus, tum hoc loco, tum Matthæi 5, juramenti per creaturas facti vinculo non minus homines stringi, quam si expresso Dei nomine jurassent, quia in creaturis summa Dei veritas elucescit, & ad Deum relationem habet quævis creatura, maxime autem creaturæ nobiliores. Qui jurat in altari (inquit) jurat & in eo, & in omnibus, quæ super illud sunt; & quicumque juraverit in templo, jurat in illo, & in eo, qui habitat in ipso; & qui jurat in cælo, jurat in throno Dei, & in eo, qui sedet super eum. Hanc explicationem confirmat S. August. lib. 1, De Sermone Domini in monte; cap. 17. Omne igitur juramentum non prohibet Dominus: „ Sed ita intelligitur præcepisse, ne juretur, ne quisquam sicut bonum appetat iusjurandum, & assiduitate jurandi ad perjurium per consuetudinem delabatur. Quapropter, qui intelligit, non in bonis, sed in necessariis jurationem habendam, refrænnet se, quantum potest, ut non ea utatur, nisi necessitate, cum videt pigros esse homines ad credendum, quod eis utile est credere, nisi juratione firmetur. Ad hoc itaque pertinet, quod sic dicitur: *Sit autem sermo vester, est, est; non, non.* Hoc bonum est, & appetendum. Quod autem amplius est, a malo est; Id est si jurare cogeris, scias de necessitate venire infirmitatis eorum, quibus aliquid suades; quæ infirmitas utique malum est, unde nos quotidie liberari de-*

De secundo Decalogi præcepto. 567

deprecamur, cum dicimus: *Libera nos a malo*. Itaque non dixit, quod autem amplius est, malum est; tu enim non malum facis, qui bene uteris juratione, quæ etsi non bona, tamen necessaria est, ut alteri persuadeas, quod utiliter suades; sed *a malo est illius*, cujus infirmitate jurare cogaris „ „.

Eandem explicationem confirmat *Innocentius III.* cap. *Etsi Christus*, Ext. *De jurejurando*. Idem est sensus verborum *S. Jacobi*, Epistolæ catholicæ cap. 5. scribentis: *Ante omnia autem, fratres mei, nolite jurare, neque per cælum, neque per terram, neque aliud quodcunque juramentum. Sit autem sermo vester, Est, est; Non, non, ut non sub judicio decidatis.*

S. Joann. Chrysostom. ut pravam jurandi consuetudinem apud Antiochenos regnantem radicitus eveleret, toto eloquentiæ sacræ fervore in juramenta declamans, de jurejurando sæpe loquitur, ut de re mala, & diabolica, non quod malum jusjurandum esse existimaret, veritate, justitia, & judicio munitum; nam, & illo præsentente Antiochenos super Evangelia jurare compulso, ubi causæ necessitas exigeret, certum est ex Homilia ipsius 15. ad populum Antiochenum. Sed juramenti frequentationem (& ut ita loquar) affectationem velut rei per se bonæ, expetendæ, laudabilis, malum esse docet; vel jurandi necessitatem ex peccato profectam, quia hominum infirmitas, & incredulitas, propter quam juramento interdum uti necesse est, ex peccato originem habet. Ita enim Homilia 9. in acta Apostolorum: „ „ Unde (*inquit*) ingressum est juramentum? Quando mala creverunt; quando omnia simul fursum, ac deorsum facta sunt, quando ad idololatriam declinarunt; tunc sane quando infideles apparuerunt. Deum vocabant testem, quasi fidejussorem dantes, dictis satisfacturum. Juramentum enim est fidejussio, ubi mores fidem non habent; unde primum taxatur is, qui jurat, si ei fides non habeatur absque fidejussore, & fidejussore maximo; & quia tam parum homines sibi mutuo credunt, non hominem

S. Chrysostomi contra juramenta sententiæ explicatur.

Juramenti frequentatio mala.

quærunt fidejussorem, sed Deum. Secundo, idem crimen est ejus, qui juramentum recipit, si pro contractibus Deum ad fidejussionem trahat, & dicat non se crediturum, nisi illum accipiat „ „. Id improbat, quod pro levibus rebus juramentum exigatur, & perjurii periculo proximus exponatur. „ „ Rapis ad juramentum? Quid expectas? Num, quod pejeret? Sed hoc extremæ insipientiæ. In tuum enim caput poena convertetur. Melius erat opes perire, quam illum perire. Quare cum tuo damno hoc facis, & cum contumelia Dei? Bestia est talis anima, & viri impii. Sed expecto, quod non pejeret. Igitur, & absque juramento crede. Sed sunt multi, ajunt, qui absque juramento audent fraudem facere, qui cum juramento non item faciunt. Decipis te ipsum. Homo furari qui didicerit, & hominem injuria afficere, vellet etiam juramentum calcare sæpius. Si autem reverentiam habet in jurando, multo magis in juste faciendo „ „ Juramenta temeraria, levibusque de causis, & nulla urgente necessitate indicta, vel emissa reprehendit, utpote quæ perjuriis occasionem præbeant. Homilia 19. „ „ Audisti Christi sententiam dicentem, quod non pejare tantum, verum & jurare quomodocunque diabolicum est, & tota maligni machinatio? Audisti, quod ubique juramenta sequuntur perjuria? hæc omnia congregans, inscribe corde tuo. Et Homilia 60. Est jurandi peccatum, non solum cum de rebus frivolis, sed etiam cum de majoribus celebratur. Nos autem, & cum vilia comparamus, & cum de uno nummo contendimus, & cum adversus servulum commovemur, Deum ubique testem invocamus. Et hominis quidem ingenui, & aliqua exigua dignitate muniti, in publico ad hujusmodi res non audemus testimonium postulare, ne & injuriarum contra nos vindicta procedat. Deum autem cœlorum Regem, Angelorum Dominum, & cum contrahis, & cum loqueris, & cum quibuslibet sermonibus delectaris, advocas testem „ „ ?

Idem

Juramenta
levibus de
causis nul-
la urgente
necessitate
facta meri-
to repre-
henduntur.

De secundo Decalogi præcepto. 569

Idem Homil. 15. „ Gemo , & lacrymis prosequor , & horresco , cum video quempiam prope mensam hanc venientem , & Evangeliiis jurantem attactis. De pecuniis dubitas . & animam occidis ? Quid tantum lucraris , quantum animam tuam , & proximum lædis ? Si enim credis , quod verax sit homo , ne juramenti necessitatem adducas. Si vero nosti , quod mentitur , ne pejerare cogas „ „ Jurandi necessitatem prætexi non patitur , cum jusjurandum exigitur ab iis , qui exigendi auctoritatem non habent , & levibus de causis ; sed superflua , & temeraria juramenta maxime insectatur *Homilia 16.* „ „ Nec mihi dicas , quid autem si quis jurandi necessitatem imponat ? quid autem , si non credat ? Maxime vero ubi lex violanda , necessitatis meminisse non oportet. Una est enim inevitabilis necessitas Deum non offendere. Verumtamen interim illud præsta , superflua recide juramenta , temere , & sine necessitate domi cum amicis , cum servis prolata. Si hæc sustuleris , in illis mei nihil amplius indigebis ; ipsum os jurandi frequentiam timere , & fugere meditatum , neque si quis millies coegerit , in illam amplius cadere consuetudinem admittet. *Es infra :* Sed sicut venenum quodpiam nunquam gustare quis eligeret , neque instante necessitate ; sic neque juramenta admittere „ „ Fictitiam , & simulatam necessitatem intelligit , qualem prætexit hominum vulgus in quotidiano commercio , pro rebus levissimis , nulla ratione , aut consilio , sed prava consuetudine jurantium.

Ex facto *S. Basilidis Martyris* nemo inferat juramentum per se malum esse , Christianisque prohibitum : „ Qui cum a contubernalibus suis sacramento adligeretur , nefas sibi esse affirmavit omnino „ jurare : quippe Christianum se esse , idque palam „ profiteri „ , ut refert *Eusebius* lib. 6. *Historia ecclesiastica* , cap. 5.

Est enim in promptu Responsio , *Basilidem* militem christianum nondum fuisse præceptis Evangelicis pla-

ne institutum ; & quia christiani solícite a juramento abstinebant , ne temere jurarent , ipse existimavit non licere christianis jusjurandum. Ad hæc , nulla jurandi necessitate premebatur , cum a contubernalibus duntaxat , non a principe , aut magistratu , indiceretur illi jusjurandum. Denique verisimile est rogatum fuisse , ut juraret per falsa Numina , quod christiano non licet. Exodi enim cap. 23. præcipit Dominus : *Omnia , quæ præcepi vobis , custodite , & per nomen Deorum externorum non jurabitis.*

ARTICULUS III.

Regula morales de juramentis , & perjuriis.

REGULA PRIMA.

Perjurium omne lethale peccatum est.

Perjurium
peccatum
est contra-
rium reli-
gioni.

Qui enim falsum jurat , insignem Deo injuriam facit , quippe qui aut illi incitæ notam inurit , dum ipsum alicujus rei veritatem latere arbitratur , aut certe improbitatis , & pravi affectus , qui mendacium testimonio confirmare velit. „ Et ideo perjurium manifeste est peccatum religioni contrarium , „ cuius est Deo reverentiam exhibere „ ; (*inquit S. Thomas* , 2. 2. qu. 98. art. 2.) Hinc *Lev.* 19. 12. qui in nomine Dei pejerat , polluere dicitur nomen Dei : *Non perjurabis in nomine meo , nec pollues nomen Dei tui : Ego Dominus.* Proinde perjurium severissime Deus punit , ut constat ex *Zacharia* cap. 5. ubi scriptum est : *Hæc est maledictio , quæ egreditur super faciem omnis terræ ; quia omnis fur judicabitur ; & omnis jurans ex hoc similiter judicabitur.* (Jurantis nomine pejerantem notat.) *Educam illud , dicit Dominus exercituum ; & veniet ad domum furis , & ad domum jurantis in nomine meo mendaciter ; & commorabitur in medio domus ejus , & consumet eam , & ligna ejus , & lapides ejus.* Hinc rursus *S. Thomas* art. 3. ejusdem quæst. „ Quidquid (*inquit*) pertinet ad contemptum Dei , est peccatum „ mortale ; perjurium autem , ex se importat contemptum Dei , unde perjurium est peccatum mortale „.

Hanc

De secundo Decalogi præcepto. 571

Hanc veritatem confirmat *S. August.* Serm. 180. alias 38. *De verbis Apostoli*, cap. 6. & 7. „ Cum filios suos, vel caput suum, vel salutem suam quisque in iuratione nominans, quidquid nominat, obligat Deo, quanto magis, quando pejerat per ipsum Deum? Timet enim falsum jurare per filium suum, & non timet falsum jurare per Deum suum? Fortassis hoc dicens in animo suo: Timeo per filium meum falsum jurare, ne moriatur; Deo autem, qui non moritur, et si falsum per eum juretur, quid mali contingit? Bene quidem dicis, nihil mali contingit Deo, quando falsum juras per Deum; sed contingit mali multum tibi, qui fallis proximum, cui testem adhibes Deum. Si aliquid teste filio tuo faceres, & amico, vel proximo tuo, vel cuilibet homini diceres, non feci, & tangeres filio tuo caput, quo teste fecisti, & diceres: Per hujus salutem, quia non feci; exclamaret forte filius sub paterna manu tremens, nec tamen paternam manum, sed divinam tremens: Noli pater, non tibi vilis sit salus mea; Deum super me invocasti, ego te vidi, fecisti, noli pejerare; te quidem habeo genitorem, sed plus, & tuum, & meum timeo Creatorem. Sed quia Deus, quando per eum jurat, non tibi dicit: Ego te vidi, noli jurare, fecisti; sed times, ne te iste occidat, tu te ante occidis. Quia ergo non dicit: Ego te vidi, putas quia non vidit? Et ubi est, quod dicit: *Tacui, tacui, nunquid semper tacebo?* Isa. 44. Et tamen plerumque dicit, ego te vidi; sed aliter, quando vindicat in perjurium. Sed non in omnes vindicat; ideo homines ædificantur ad exemplum. Ego scio, ille mihi falsum juravit, & vivit; ille tibi falsum juravit, & vivit? Tu falleris. Si tu oculos haberes, unde mortem hujus videres; si & tu in eo, quod est mori, & non mori, non fallereris, videres hujus mortem. Et modo intende Scripturam; & ibi invenies jacentem, quem putas viventem. Quia pedibus ambulat, quia manibus contrectat, quia oculis videt, & audit auribus, officiis cæteris membrorum satius utitur, viventem putas. Vivit, sed corpus ejus; mor-
tua

tua est autem anima ejus, mortuum est, quod melius ejus „ „

R E G U L A II.

Reus est perjurii non solum, qui jurat tanquam verum, quod falsum esse novit; sed & qui temere, & inconsiderate jurat, quod verum esse putat, & tamen falsum est; & qui jurat, quod falsum esse putat, & forte verum est.

Hanc Regulam tradit Concilii Tridentini Catechismus. „ „ Jurat falso (*inquit*) non is solum, qui, quod falsum scit, verum esse jurando affirmat, sed ille etiam, qui jurejurando id asserit, quod cum verum sit, tamen ipse falsum putat. Nam cum mendacium ea re mendacium sit, quod contra mentem, & animi sententiam profertur; perspicuum est, hunc plane mentiri, & perjurum esse. Simili quoque ratione pejerat, qui id jurat, quod verum existimat, & tamen revera falsum est; nisi quantum potuit, curam, & diligentiam adhibuerit, ut totam rem compertam, atque exploratam haberet „ „

Hanc doctrinam Catechismi auctores ex *S. August.* hauserunt Sermone mox laudato. „ „ Homines (*inquit*) falsum jurant, vel cum fallunt, vel cum falluntur; aut enim putat homo verum esse, quod falsum est, & temere jurat, aut scit, aut putat falsum esse, & tamen pro vero jurat, & nihilominus cum scelere jurat. Distant autem ista perjuria, quæ duo commemoravi. Fac illum jurare, qui verum putat esse, pro quo jurat; verum putat esse, & tamen falsum est. Non ex animo iste perjurat, fallitur, hoc pro vero habet, quod falsum est, non pro re falsa sciens jurationem interponit. Da alium, qui scit falsum esse, & dicit verum esse; & jurat tanquam verum sit, quod scit falsum esse. Videtis quam ista detestanda sit bestia, & de rebus humanis exterminanda? Quis etiam hoc fieri velit? Omnes homines talia detestantur. Fac alium, putat falsum esse, & jurat tanquam verum sit,

fit, & forte verum est. Verbi gratia, ut intelligatis, pluit in illo loco; interrogas hominem, & putat non pluuisse, & ad negotium ipsius competit, ut dicat, pluit; sed putat non pluuisse; dicitur ei, vere pluit? Vere, & jurat; & tamen pluit ibi, sed ille nescit, & putat non pluuisse, perjurus est. Interest, quemadmodum verbum procedat ex animo. Ream linguam non facit nisi mens rea. Quis est autem, qui non fallatur, etsi noluit fallere? Quis est homo, cui non subrepat fallacia? Et tamen juratio ab ore non discedit, frequentatur; plura sunt plerumque juramenta, quam verba. Si discutiat homo, quoties juret per totum diem, quoties se vulneret, quoties gladio linguas se feriat, & transfigat, quis in illo locus invenitur sanus? Quia ergo grave peccatum est pejerare, compendium tibi dedit Scriptura, *Noli jurare* „ „ Referatur ex parte hic S. *August.* locus *Canone Homines*, causa 22. qu. 2. „ Non tamen ita est perjurus ille, qui falsum jurat, quod putat esse verum, sicut ille qui verum jurat, quod putat esse falsum „ (*inquit S. Thomas*, 2. 2. qu. 108. art. 1. in Responsione ad tertiam objectionem.) Quæ Responsio consona est S. *August.* menti Sermone 308. alias 11, ex additis a Parisiensibus, qui est in Decollatione S. Joannis Baptista. „ „ Aliquando (*inquit*) & nolens homo perjurat, cum verum putat esse, quod jurat. Non est quidem tantum peccatum, quantum ejus, qui scit falsum esse, & tamen jurat „ „

REGULA III.

Perjuri sunt, qui promissum juramento confirmant cum proposito non implendi, quod promittunt, aut illud revera non implent, cum res promissa possibilis, & licita est, nec melioris boni est impedimentum.

Qui enim jurat id, quod est in sua potestate, & quod bonum, atque licitum est, nec boni melioris impedimentum, pro viribus efficere tenetur, ut verum sit, quod juravit; alioquin deest veritas juramen-

tamento; & quidem si propositum habeat non implendi promissum, quod jurejurando confirmat, Deum testem appellat falsitatis; si vero non impleat, cum potest, & debet, si jusjurandum negligit, quod nullum vinculum ad stringendam fidem arctius est, pariter reus est perjurii; quod enim ex animi tui sententiâ juraveris, sicut verbis conceipitur more nostro, id non facere, perjurum est. Hinc *S. Thomas*, 2. 2. q. 89. art. 7. ait: „ Quicumque jurat aliquid se facturum, obligatur ad id faciendum, ad hoc, quod veritas impleatur. Si tamen alii duo comites adsint, scilicet judicium, & justitia „ Lex enim Dei est: *Exod. 20. & Matth. 5. Non perjurabis; red-des autem Domino juramenta tua.*

Hanc Regulam confirmat *S. Raymundus*, lib. 1. Summæ tit. *De juramento, & perjurio*, pag. 92. col. 2. Quærit utrum necessitas in juramento promissorio excuset a perjurio; verbi gr. juravit debitor se soluturum stata die, impeditus non potest solvere. Respondet: „ Si tunc quando jurabat, credebatur se non posse solvere, vel credebatur, quod posset, sed fatue, quia non habebat causam credendi; tunc in utroque casu pejerabat; quia in primo casu deerat veritas in conscientia; in secundo judicium. Si vero ab initio credebatur se posse solvere, & probabiliter, non pejerabat quantum ad hoc; sed postea si fecit posse suum in utroque casu, & non potuit persolvere in termino, non est perjurus ex hac causa. Multo magis excusatur, si misit tempore debito, sed casu fuit amissa in via pecunia, *ut colligitur ex cap. Querela, Ext. De juramento, ex Canone Si nulla, Causa 23. qu. 8. & Canone Sicut, dist. 1. De consecratione.* Si tamen elapso termino posset, & non persolveret, esset perjurus, lapsus enim termini non sustulit obligationem juramenti, *ut colligitur ex cap. Cum dilecti, Ext. De Dolo, & contumacia* „

Eandem confirmat venerabilis *Gersonius* in expositione præceptorum Decalogi. „ Quantum ad juramentum de futuris (*inquit*) persona statim per-

De secundo Decalogi præcepto. 579

„ jurat tunc, cum habet voluntatem firmam non im-
 „ plendi, vel quia non implet de facto „

R E G U L A I V.

Reus est perjurii, qui promittit aliquid, quod non
 est in ejus potestate, nec probabiliter futurum est
 si promissum imprudens juramento confirmat.

Deest enim iurijurando consideratio, & iudicium,
 ut ait *S. Thomas* art. 7. supra laudato. „ Si
 est (*inquit*) talis res, quæ in ejus potestate non
 fuit, deest juramento, discretionis iudicium; nisi for-
 te, quod erat ei possibile, quando juravit; reddatur
 ei impossibile per aliquem eventum. Puta, eum ali-
 quis jurat se pecuniam soluturum, quæ ei postmo-
 dum vi, vel furto subtrahitur. Tunc enim videtur
 excusatus esse a faciendo, quod juravit, licet teneat-
 ur facere, quod in se est „

R E G U L A V.

Reus est perjurii, qui jurat aliquid per se malum, aut
 quod melioris boni impedimentum est; & si jura-
 mentum servet, cum res est per se mala, perjura-
 rium novo scelere emulat.

Hanc Regulam *S. August.* & Cætionum auctoritate
 fultam tradit *S. Thomas*, 2. 2. qu. 89. art. 7.
 „ Si vero (*inquit*) sit quidem possibile fieri; sed
 fieri non debeat, vel quia est per se malum, vel quia
 est boni impeditivum, tunc juramento deest justitia.
 Et ideo juramentum non est servandum in eo casu,
 quo est peccatum, vel boni impeditivum. Secundum
 enim *S. Augustinum*, utrumque horum vergit in de-
 teriorem exitum „ Ait nempe *S. August.* libi *De Bo-*
no Conjugali, cap. 4. „ Cum ad peccatum admitten-
 dum adhibetur fides, mirum si fides appellanda est;
 verumtamen qualiscunque sit, si contra ipsam sit, pe-
 jus fit; nisi cum propterea deferitur, ut ad veram fi-
 dem, ad legitimam redeatur, id est, ut peccatum
 emendetur, voluntatis pravitate correctum „ Verba

gr. cum datam fidem adultero rescindit adultera, ut ad fidem conjugalem redeat, quam marito violavit. Refertur Canone *Si ad peccatum*, causa 22. q. 4. & Canone *Mulier*. Ratio est, quia *Juramentum non ob hoc fuit institutum, ut esset vinculum iniquitatis*, ut dicitur Canone *Inter cetera*, ibidem; occasione cuiusdam, qui se matri, & fratribus necessaria non ministraturum juraverat. Et ibidem subditur: „ Sacramentum ad hoc non debere fieri, ut injusta juratio suorum bonorum sit injuste jurantibus expoliatio, & accipienti æterna damnatio. Perjurii namque percutitur poena, & velut homicida in extremo examine a iusto iudice degrandinabitur, per quem sacrosanctum Evangelium ad injultum, & illicitum, quasi testimonium iustæ, & humanæ petitionis adducitur „. Hinc Regula juris in sexto: *Non est obligatorium contra bonos mores præstitum juramentum*.

Eandem Regulam explicat *S. Thomas*, quæstione, & articulo mox indicatis, in responsione ad secundam objectionem. „ Juramentum (*inquit*) potest vergere in deteriores exitum dupliciter. Uno modo, quia ab ipso principio habet pejorem exitum; vel quia est secundum se malum, sicut cum aliquis jurat se perpetraturum adulterium. Sive quia est majoris boni impeditivum; puta, cum aliquis jurat se non intraturum religionem, vel quod non fiet Clericus, aut quod non accipiet prælationem in casu, in quo expedit eum accipere, vel si quid aliud est hujusmodi „. Istius namque generis juramenta a principio sunt illicita, cum aliquo tamen discrimine: „ Quia si quis juret se facturum aliquod peccatum; & peccavit jurando, & peccat juramentum servando. Si quis autem jurat se non facturum aliquod melius bonum, quod tamen facere non tenetur; peccat quidem jurando, in quantum ponit obicem Spiritui sancto, qui est boni propositi inspirator; non tamen peccat juramentum servando, sed multo melius facit, si non servet „.

„ Alio

„ Alio modo vergit in deteriorem exitum propter aliquid, quod de novo emerlerit, quod fuit impræmeditatum, sicut patet in juramento Herodis, qui juravit puellæ saltanti se daturum, quod petiisset. Hoc enim juramentum poterat esse a principio licitum, intellecta debita conditione; scilicet si peteret, quod dare liceret „. Unde *S. Basilius*, Epist. 2. ad *Amphilochium*, cap. 29. scribit „ Id quoque jurare Principes, quod subjectis male facturum sint, magna medicina opus habet. Medela autem eorum est duplex; una quidem, ut ipsi doceantur non facile jurare. Altera autem, ne in malis indiciis persistant. Quare, qui se alteri male facturum jurare anticipavit, quod ad jurandum nimium facilis fuerit, se poenitere ostendat; non autem pietatis prætextu suam improbitatem confirmet. Neque enim Herodi jurare profuit, qui, ne pejeraret, Prophetam occidit. Semel enim iusjurandum est prohibitum; multo autem magis consentaneum est, id esse condemnatum, quod propter malum juratum est „.

Et *S. Ambrosius* lib. 1. *De Officiis ministrorum*; cap. 50. ait: „ Est etiam contra officium nonnunquam solvere promissum, sacramentum custodire; ut Herodes, qui juravit, quoniam quidquid petiit esset, daret filiæ Herodiadis; & necem Joannis præstitit, ne promissum negaret. Et lib. 3. cap. 12. Putrum igitur, ac sincerum oportet esse affectum, ut unusquisque simplicem sermonem proferat, vas suum in sanctitate possideat, ne fratrem circumscriptione verborum inducat, nihil promittat inhonestum; ad si promiserit, tolerabilius est promissum non facere, quam facere, quod turpe sit. Sæpe plerique cōstringunt se ipsos iurisjurandi sacramento; & cum ipsi cognoverint promittendum non fuisse, sacramenti tamen contemplatione faciunt, quod spoponderunt; sicut de Herode supra scripsimus, qui Ultratrici præmium turpiter promisit, crudeliter solvit. Turpe, quod regnum pro saltatione promittitur; crudele, quod mors Prophetæ pro iurisjurandi re-

ligione donatur. Quanto tolerabilius tali fuisset perjurium sacramento? si tamen perjurium posset dici, quod ebrius inter vina juraverat, quod eviratus inter saltantium choros promiserat. Infertur disco Prophetæ caput, & hoc æstimatum est fidei esse, quod amentiz fuit „ „. Quod temerarium juramentum de re malè impleri non debeat, docet etiam *S. August.* Sermone 308. alias 11. ex additis a Parisiensibus, qui secundus est in Decollatione S. Joannis Baptistæ, cap. 2.

In hujusmodi juramenta, imo potius perjuria, quibus aliquid mali juratur, vehementer invehitur *Salvianus* lib. 4. De Gubernatione Dei. „ „ Multi (*inquit*) non otiosas tantummodo res, & aniles, sed etiam scelera quædam se jurant per Christi nomen esse facturos. Hic enim loquendi usus est talibus: Per Christum, quia tollo illud. Per Christum, quia cædo illum; per Christum, quia occido illum. Ad hoc res recidit, ut cum per Christi nomen juraverint, putent se scelera etiam religiose facturos. . . Quis unquam crederet usque in hanc contumeliam Dei progressuram esse humanæ cupiditatis audaciam, ut idipsum, in quo Christo injuriam faciunt, dicant se ob Christi nomen esse facturos? O inæstimabile facinus, & prodigiosum! Quid non ausæ sunt improbæ mentes? Armant se ad latrocinandum per Christi nomen, auctorem quodammodo sui sceleris

Et Concilium *Ilerdense* Canone 7. „ „ Qui sacramento (*inquit*) se obligaverit, ut litigans cum quolibet ad pacem nullo modo redeat, pro perjurio uno anno a Communione Corporis, & Sanguinis Domini segregetur, reatum suum eleemosynis, & fletibus, & quantis potuerit jejuniis absolvat. Ad charitatem vero, quæ operit multitudinem peccatorum, celeriter venire festinet „ „.

Concilium denique *Troslejanum*, cap. 11. „ „ Cum propter cavendum perjurium, necesse sit, si forte contigerit, servare jusjurandum; illud tamen volumus omnibus esse notum, quoddam juramentum nullo modo a Christianis observandum; videlicet, quo malum aliquod incaute, vel etiam scienter, jurando promittitur, velut si quispiam adulteræ perpetuam cum ea permanendi fidem polliceatur; aut, si quis, ne ad pacem redeat, vel ut aliquod flagitium committat, se sacramento constrinxerit. Tolerabilius est denique non implere sacramentum, quam in illo, quod male spondit, permanere, vel quod decrevit perficere flagitium „ „. Idque confirmat prolato Canone mox laudato Concilii *Ilerdensis*.

Id rursus confirmat *S. Thomas*, qu. 98. art. 2. in responsione ad primum: „ „ Ille, qui jurat se facturum aliquid illicitum, jurejurando incurrit perjurium, propter defectum justitiæ; sed si non impleat, quod juravit, in hoc perjurium non incurrit, quia hoc non erat tale quid, quod sub juramento cadere posset „ „.

Et in responsione ad secundum: „ „ Ille (*inquit*) qui jurat se non intraturum religionem, vel daturum eleemosynam, vel aliquid hujusmodi, jurando perjurium incurrit, propter defectum judicii. Et ideo quando facit id, quod melius est, non est perjurium, sed perjurio contrarium; contrarium enim ejus, quod facit, sub juramentum cadere non poterat „ „.

REGULA VI.

Perjuriū, vel in re levi, & joco prolatum, lethale
nihilominus peccatū est.

Ita docet *S. Thomas*, 2. 2. qu. mox indicata, art. 3.
in responsione ad secundam objectionem, cujus
hæc sunt verba: „ Ille, qui jocosè perjurat, non
evitat divinam irreverentiam, sed quantum ad ali-
quid magis auget; & ideo non excusatur a peccato
mortali „ „.

Propositio
damnata.

Hinc inter alios perversæ moralis errores hæc Pro-
positio 24. ab *Innocentio XI.* Pontifice maximo me-
rito damnata est anno 1679. „ Vocare Deum in te-
stem mendacii levis, non est tanta irreverentia,
„ propter quam velit, aut possit damnare hominem „.

REGULA VII.

Qui ex lapsu linguæ falsum jurat, si considerate, &
ex deliberatione juret, perspectamque habeat fal-
sitate, quam jurat, lethalis perjurii reus est. Si
autem non advertat, nec jurandi intentionem ha-
beat, venialis duntaxat peccati labem incurrit.

Hanc Regulam tradit ibidem *S. Thomas*: „ Ille
autem (*inquit*) qui ex lapsu linguæ falsum jurat;
si quidem advertat se jurare, & falsum esse, quod jurat,
non excusatur a peccato mortali, sicut nec a Dei con-
temptu; si autem hoc non advertat, non videtur ha-
bere intentionem jurandi; & ideo a crimine perjurii
excusatur. Est ergo gravius peccatum, si quis so-
lemniter jurat per Evangelium, quam si per Deum in
communi sermone juret, tum propter scandalum,
tum propter majorem deliberationem. Quibus æqua-
liter hinc inde pensatis, gravius est, si quis per Deum
jurans perjuret, quam si perjuret jurans per Evan-
gelium „ „.

Nec alius est *S. Raymundi* sensus, cum a peccato
mortali excusare videtur perjuriam, quæ fiunt in jura-
mentis quotidianis, ex lapsu linguæ, ex quadam le-
vitate.

vitae, & mala consuetudine, atque etiam in iuramentis jocosus. Intelligendus enim est de illis iuramentis, quibus deest consideratio, & plena deliberatio, intentioque iurandi. Non enim pravam consuetudinem excusare S. Raymundus existimasset: *Cum tanto graviora sint peccata, quanto diutius infelicem animam detinent alligata*, ut habetur in Collectione Decretalium ab ipso adornata, cap. *Cum tanto*, tit. *De Consuetudine*. Nec perjurium ex joco venia dignum sensisse, cum Deum tettem fallitatis quocunque modo appellare, gravis sit divinae maiestati, & veritati injuria, scriptumque sit: *Nolite errare; Deus non irridetur*. Hæc Galat. 6. porro sunt S. Raymundi verba. „ Circa iuramentum promissorium similiter sunt tres modi perjurii. Primus, cum jurat se facturum, vel dicturum aliquod illicitum, vel inhonestum. Secundus, cum jurat se facturum, vel dicturum aliquod licitum; & hoc cum solemnitate, sed absque necessitate, & indiscrete. Tertius in iuramentis quotidianis, quæ fiunt sine solemnitate, & in cursu verborum ex quadam levitate, & consuetudine mala, de re tamen licita; ut: Per Deum cras ibo ad Ecclesiam, vel comedam carnes, vel jejunabo, vel aliquid simile; vel etiam cum fiunt huiusmodi iuramenta jocola. In his tribus, statim cum jurat, pejerat 22. qu. 4. *Qui Sacramento*. Primum iuramentum est mortale, & nullo modo servandum 22. qu. 4. *In malis*. Secundum similiter mortale, sed minus, & omnino servandum, ex quo servari potest sine interitu salutis æternæ 22. qu. 4. *Si aliquid*. Tertium veniale, & si fieri potest, etiam istud servandum est „ „.

REGULA VIII.

Quæcunque iuramenta vergunt in pejorem exitum servanda non sunt, nec reus est perjurii, qui illa violaverit.

Ita docet S. Thom. 2. 2. qu. 89. art. 7. & nititur hæc Regula Canone *In malis*, causa 22. qu. 4. ex 3. *fido.*

Isidoro, in *Synonymis*, *In malis promissis* (inquit) *rescindit fidem*. Et Canone *Si aliquid*, ibidem. (ex venerabili Beda) „ „ Si aliquid forte incautius nos jurasse contigerit, quod observatum pejorem vergat in exitum, illud consilio salubriore mutandum noverimus „ „

Quamvis autem superius, in expositione Regulae §. 3. *Thoma* verbis explicuerimus, quibus modis juramentum in deteriorem exitum vergat, utile tamen erit id paulo uberius explicare ex *S. Antonino* P. 2. tit. 10. cap. 6. & ex *Joannis de Friburgo* Commentariis in *Summa S. Raymundi*. „ „ Juramentum (inquit) vergit in pejorem exitum sex modis. Primo, cum juratur, quod est mortale in se. Secundo, cum juratur, quod est veniale in se. Tertio, cum juratur indifferens aliquid, quod ex circumstantia efficitur veniale, vel mortale. Quarto, cum juramentum excludit opus ex charitate faciendum, ut quando jurat aliquis, quod nihil dabit isti ex charitate, vel, quod non colet Deum. Quinto, cum excludit opus de genere bonorum; ut cum quis jurat, quod nunquam erit Episcopus, Monachus, vel Canonici; vel, quod non celebrabit usque ad mensem; vel quod non jejunabit pro Deo, vel pro peccatis suis in pane, & aqua, si non praecipitur ei; vel quod non dicet Psalterium, vel septem Psalmos; vel quod non juvabit illum in licitis, & honestis usque ad certum tempus. Sexto, cum excludit opus indifferens, pia intentione pro Deo, aut proximo faciendum, ut si quis juret, quod non loquetur Martino, vel non intrabit domum ejus; vel non coquet ad furnum ejus vel mollet ad molendinum, vel quod talia non faciet ei; vel quod non vendet ei rem minori pretio, quam tali; vel non comedet ad eandem mensam cum eo, aut si juret aliquid hujusmodi indifferens; credo, quod propter hujusmodi juramentum non debeat declinare a talibus, si ea velit facere pia intentione, & propter Deum, & salutem animae suae, & propter tollendum scandalum proximi, contra quem sic juravit.

vit. In primis autem tribus modis, credo, quod posset quilibet sic jurans auctoritate propria venire contra; sed imponenda est ei poenitentia de temerario juramento. In reliquis tribus, quamvis hujusmodi juramenta non sint obligatoria, nec imponenda sit poenitentia pro transgressione eorum, tanquam pro mortali; non expedit tamen propria auctoritate contravenire, nisi propter urgentem necessitatem, tum propter reverentiam juramenti; tum propter scandalum simplicium, qui putant sic incurri perjurium. Unde petenda est Absolutio a Superiore, qui hujusmodi juramenta debet facile relaxare, vel potius ostendere sic jurantes non fuisse obligatos, & imponere poenitentiam de temerario juramento „ „.

Sic *Dracontium* monachum, qui juraverat se non mansurum in Ecclesia sua, si constitueretur Episcopus, sed latebras quæsiturum, juramento illo non teneri *S. Athanasius* docuit scripta ad illum Epistola.

Sic illos, qui juraverant sacram ordinationem se non suscepturos, illo juramento non teneri, Canon antiquus decreverat; sanctus vero *Basilius*, formam, verba, causam, & circumstantias jurisjurandi examinare voluit accurate, ut videretur, an conveniens esset remittere illius obligationem, seu vinculum solvere. Hæc sunt ejus verba, Epistolæ ad Amphilo- chium Canone 19. „ „ Qui jurant se ordinationem non admittere, ejurent se, non cogantur pejerare. Et si enim videatur esse aliquis Canon, qui eis concedit; experientia tamen cognovimus, eos, qui pejerarunt, non recta via ingredi. Consideranda autem sunt & forma, & verba jurisjurandi, & actio, & res, pro qua jurarunt, & quæ subtiliter in verbis facta sunt additamenta. Nam si nulla sit penitus excusatio, ii sunt omnino dimittendi „ „.

Sic *Theodosium* Imperatorem non teneri juramento, quo restorationem Synagogæ Judæorum ab Episcopo castri Callinici faciendam; & monachos, qui sanum Valentinianorum hæreticorum ab iis contumelia provocati incenderant, supplicio afficiendos

juraverat, *S. Ambrosius* declaravit Epist. 40. ad ipsum *Theodosium* data. „ „ Integra (*inquit*) adhuc tibi sunt omnia. In hoc me ego Deo nostro pro te obligo, nec verearis sacramentum. Nunquid Deo displicere poterit, quod pro ejus emendatur honorificentia? Nihil mutaveris certe in illa Epistola, siue missa, siue nondum missa est; dictari jube aliam, quæ plena fidei, plena pietatis sit. Tibi integrum est emendare, mihi non est integrum dissimulare „ „

Sic Toletana Synodus 8. juramentum olim editum de transfugis, ac desertoribus nusquam in gratiam recipiendis moderata est, quod misericordiæ obicem posuisse videretur. „ „ Verum (*inquit Canone 2.*) ne juramenta, quæ data sunt, videantur in nos ita penitus miserationum conclusisse præcordia, ut nullam de pietatis affectu animæ viscera concipiant indulgentiam paritura; sic stabilitis contractibus juramenti, sinum misericordiæ aperimus, atque ita cuncti Deo placita devotione censemus, ut nos, nec juramentis teneat cautio reos, nec inhumanitas faciat execrandos. . . Hujus sane promissionis incautæ crudam, cruentamque temperare sententiam illa, quam maxime compellimur causa, quod hæc duo mala licet sint omnino cautissime præcavenda; tamen si periculi necessitas ex his unum temerare compulerit, id debemus resolvere, quod minori nexu noscitur obligare. . . Restat ergo, ut eo nostra pergat sententia, quo misericordiæ patuerit via, quæ ita Domino probatur accepta, ut plus eam cupiat, quam sacrificia veneranda, dicente ipso: *Misericordiam volo, & non sacrificium.* Ac indulgentiæ concessa licentia, miserationis ipsius opus in gloriosi Principis potestate redigimus; ut quia Deus illi miserendi aditum patefecit, remedia pietatis ipse quoque non deneget; quæ ita principali discretionem moderata persistunt, ut & illis sit aliquatenus misericordia contributa; & nusquam gens, aut patria per eosdem, aut periculum quodcunque perferat, aut jacturam, hæc miserationis obtentu temperasse sufficit „ „

Matth. 9.

Sic

De secundo Decalogi præcepto. 189

Sic *Urbanus III.* cap. *Cum quidam*, Ext. *De Jurejurando*, *Pilano* Archiepiscopo respondet: „ Illi vero, qui jurant non loqui patri, vel matri, sorori, vel fratri, aut illis humanitatis subsidium non exhibere; absolventi sunt ab illius observantia juramenti, cum illicitum sit, & contrarium rationi: injuncta tamen eis, de hoc, quod male juraverant, poenitentia competenti „ „

Idem Pontifex jusjurandum monachi, qui iracundia succensus, juraverat se in monasterio, cui professionis voto erat adstrictus, cum altero monacho non mansurum, temerarium esse respondit, quia fidem professionis illius frangebat, & stabilitatis propositum evacuabat, cap. *Sicut ex literis*, eodem titulo.

R E G U L A IX.

Juramentum gravi metu extortum obligat; perjuriique lethalis reus est illius violator, nisi vinculo illius a romano Pontifice, aut Episcopo solutus fuerit.

N ititur hæc Regula summorum Pontificum responsis, scilicet *Alexandri III.* cap. *Debitores*, Ext. *De jurejurando*, ubi eos, qui se ad solvendas usuras simplici promissione obstrinxerunt, ad cogendum solvi non debere decernit. „ „ Si vero de ipsarum solutione juraverint, cogendi sunt Domino reddere juramentum. Et cum usuræ solutæ fuerint, creditores ad eas restituendas sunt ecclesiastica severitate, si necesse fuerit, compellendi „ „

Et cap. *Si vera*, ibidem: „ „ Si vero aliquis quemquam gravissimo metu, sub religione juramenti suum jus refutare coegerit, ipsumque sibi retinuerit; quia nos consulere voluisti, duximus tibi respondendum, quod non est tutum quemlibet contra juramentum suum venire, nisi tale sit, quod servatum vergat in interitum salutis æternæ; nec nos alicui dare materiam volumus veniendi contra juramentum proprium, ne auctores perjurii videamus „ „

Item

Item *Celestini III.* qui interrogatus de illis, qui iurandum *inviti pro vita, & rebus servandis*, emiserrunt, respondet, se nihil aliud arbitrari, quam quod Antecessores sui romani Pontifices arbitrati fuisse noscuntur: *Qui tales a juramenti nexibus absolvunt.* Vinculo itaque juramenti, per vim licet, ac metum extorti, obstricti erant, antequam pontificia auctoritate solverentur. Addit Pontifex: „ „ Cæterum, ut agatur consultius, & auferatur materia pejerandi, non eis ita expresse dicatur, ut juramenta non servant; sed si non ea attenderint, non ob hoc sunt tanquam pro mortali crimine puniendi „ „. Itaque perjuri sunt, qui a juramento per vim, ac metum extorto non absoluti illud non servant. Quamvis autem lethalis criminis labem incurrant hujusmodi juramenti violatione; in foro tamen exteriori non sunt puniendi, ut perjuri. Ita enim statuit Ecclesia, tum in detestationem facinoris illius, qui injuriam intulit, tum ex illius commiseratione, qui passus injuriam est.

Clementis III. cap. *Ad aures*, Ext. *De iis, quæ vi, metusve causa fiunt*, cujus hæc sunt verba, „ „ Tuæ discretionis præsentibus innotescat, quod renunciatio facta ad terrorem Laicorum (nisi forte juramento, vel fide interposita sit confirmata) non impedit, quominus is, qui renunciavit Ecclesiæ, ad cujus regimen prius erat electus, præficiatur eidem „ „. Ex hac exceptione: *Nisi forte juramento*, Glossa colligit: „ „ Ergo si juramentum intervenisset, vel fides interposita fuisset, quod ulterius non repeteret; non potest eam repeterere, juramento, vel fide obitante, quod potest servari sine interitu salutis æternæ „ „.

Sed & *Innocentius III.* de quodam Clerico interrogatus, qui cum Ecclesiam canonicè adeptus fuisset, & aliquandiu pacifice possedisset, *gravissimo tandem Regis metu, quod eam resignaret, jurare coactus*, eam in eorum, ad quos pertinebat, manibus resignavit; Respondit hunc in modum: „ „ Quia vero, quæ vi, metusve causa fiunt, carere debent robore firmitatis; mandamus; quatenus si eundem ad resignationem con-

De secundo Decalogi præcepto. 587

constiterit vobis per talem metum fuisse coactum, qui potuerit, & debuerit cadere in virum constantem; non obstante juramento prædicto, quo non ad repetendum, sed ad resignandum solummodo tenebatur, præstatam Ecclesiam ei restitui faciatis „ „ (Cap. *Ad audientiam*, Ext. de iis, quæ vi, metuque causa fiunt.)

Sed nihil luculentius ad hujus Regulæ confirmationem afferri potest iis, quæ *S. August.* de rebus Hipponæ circa *Pinianum* gestis ad *Alypium* scripsit Ep. 125. alias 224. Cum *Hipponem* ad invisendum *Augustinum* venisset *Pinianus*, ibique rei sacræ interesset, subito populi tumultu ad Sacerdotium postulatus fuit, nec evadere permissus, donec jurasset non se Hipponem discessurum; & si quando consensum præberet, ut in Clerum cooptaretur, nonnisi in ipsa Hipponensi Ecclesia Ordinationem susceptrum. Conquesti sunt *Albina*, filiique ipsius, Hipponenses pecuniæ cupiditate virum prædivitem vindicare sibi sategisse, nullamque vim esse juramenti, quod vi, metuque fuisset extortum. His querelis respondens *S. August.* docet, quæ religione sit exsolvendum juramentum, etiamsi vi, & metu extortum fuisset. „ „ Si (inquit) certa more intentaretur, ut aliquid illicitum, ac nefarium servus Dei se juraret esse facturum, mori malle, quam jurare debuerat, ne jurationem scelere impleret. Nunc vero cum tantummodo populi perseverantissimus clamor, ad nullum velas hominem cogeret, sed ad id, quod si fieret, licite fieret; cumque metueretur quidem, ne aliqui perdit, qui multitudini etiam bonorum plerumque miscentur, occasione seditionis, & quasi justæ indignationis inventa, in aliquam vim sceleratam rapinarum cupiditate prorumperent, sed tamen illud metuebatur esse incertum; quis censeat propter incerta non dico damna, & quolibet injurias corporales, sed propter ipsam mortem cavendam, certum perjurium debere committi? Nescio quis ille Regulus nihil in Scripturis sanctis de impietate falsæ jurationis audierat, nihil de *Zachariæ* falce didicerat, & *Zachariæ* nimirum *Carthaginensibus* non per Sacramenta Christi.

dum ver-
sionem 70.
interpre-
tum.

Ego video
fallem vo-
lantem,
&c. Omnis
fur ex hoc
usque ad
mortem
puniatur,
& omnis
perjurus
ex hoc cru-
ciabitur.

sti, sed per dæmonum inquinamenta juraverat; & tamen certissimos cruciatus, & horrendi exempli mortem, non ut juraret necessitate pertimuit, sed libera voluntate quia juraverat, ne pejeraret, excepit. Et Romana tunc illa censura noluit habere, non in numero Sanctorum, sed in numero Senatorum, nec in coelesti gloria, sed in terrestri Curia, non solum eos, qui metu mortis, crudeliumque poenarum apertissime pejerare, quam ad immanes hostes remeare maluerunt; sed etiam illum, qui reatu perjurii se putaverat absolutum, quia post jurationem ficta nescio qua necessitate redierat. Ita non attenderunt, qui eum Senatu depulerunt, quid ipse jurando cogitasset, sed quid ab illo; quibus juraverat, exspectaretur. Nec legerant, quod nos ulque-
*quaue cantamus, qui jurat proximo suo, & non de-
cipit.* Solemus hæc, quamvis in hominibus a Christi gratia, & nomine alienis, cum ingenti admiratione laudare; & adhuc in libris divinis inquirendum putamus; ut, cum aliquando licite pejeremus, ubi nobis, ne jurandi facilitate in perjurium prolabamur, etiam præceptum est, ne juremus „*n.* Legatur & Epistola ejusdem 126. alias 225. ad *Albinum*, data.

Eandem Regulam confirmat *S. Thom.* 2. 2. qu. 89. art. 7. in responsione ad tertiam objectionem: „*n.* In juramento (*inquit*) quod quis coactus facit, duplex est obligatio. Una quidem, qua obligatur homini, cui aliquid promittit; & talis obligatio tollitur per coactionem; quia ille, qui vim intulit, hoc meretur, ut ei promissum non servetur. Alia autem est obligatio, qua quis Deo obligatur, ut impleat, quod per nomen ejus promissit; & talis obligatio non tollitur in foro conscientiae, quia magis debet damnum temporale sustinere, quam juramentum violare. Potest tamen repetere in judicio, quod solvit, vel Prælato denunciare, non obitante, quod contrarium juravit; quia tale juramentum vergeret in deteriorem exitum, esset enim contra iustitiam publicam. Romani autem Pontifices ab hujusmodi juramento homi-

De secundo Decalogi præcepto. 589

homines absolverunt, non quasi decernentes hujusmodi juramenta non esse obligatoria, sed quasi hujusmodi obligationes ex justa causa relaxantes „ „ Idem docet *s. Raymundus*, in Summa tit. *De Juramento, & perjurio*.

R E G U L A X

Juramentum extortum dolo, vel errore, quæ causa est promissionis, vel contractus, irritum est; si vero dolus non sit causa promissionis, vel contractus, firmum est juramenti vinculum. •

Nullum enim est juramenti vinculum, ubi nullus est consensus; at ubi dolus causa est promissionis, vel contractus, nullus est consensus; cessante scilicet dolo se non obligasset, qui juravit. Sic mulier, quæ dolo fratrum circumventa renuntiavit hereditati paternæ, dotem longe excedenti, cessionemque confirmavit juramento, illius juramenti vinculo non ligatur, quia cessante dolo, nec cessisset, nec jurasset. Ita censet *s. Antoninus* P. 2. tit. 10. cap. 6. Idque confirmat *ex Innocensio III. cap. Cum contingat*, Ext. *De Jurejurando*, ubi respondet; mulieres non audiendas in judicio contra alienationem rei dotalis, cui sponte consenserant, & ne ulterius contravenirent proprio sacramento firmaverant. „ „ Nos (*inquit*) fraternitati tuæ taliter respondemus, quod etsi mulierum consensus in talibus non videatur obligatorius secundum legitimas sanctiones; ne tali tamen prætextu viam contingat perjuriis aperiri, mulieres ipsæ servare debent hujusmodi juramenta, sive vi, & dolo sponte præstita, cum in alterius præjudicium non redundent, nec observata vergant in dispendium salutis æternæ „ „ Ex quo recte colligitur a contrario, si hujusmodi juramenta vi, & dolo ita extorta fuerint, ut præstita non fuissent vi, & dolo cessantibus, mulieres illorum vinculo non ligari; sicut nec illorum, quæ in alterius damnum redundant, aut observata vergunt in dispen-

De juramenti dolo, vel errore extortis.

- Josue 9.

spendium salutis æternæ. Id confirmatur ex cap. Licet, eodem tit. in sexto. *In his tamen casibus tuius erit, si petatur absolutio, ut sentiunt multi Doctores (inquit S. Antoninus.)* Jurijurando scilicet etiam dolo extorto reverentiam religiosas mentes habere decet, ut probat exemplum Josue, & Principum Israel, qui Gabaonitarum, de terra longinqua se venire simulantium, dolo circumventi, pacem ipsis, & incolumitatem jurarunt. Compettoque paulo post dolo, qui causa fuerat concessæ pacis, & foederis juramento firmati, cum in civitates eorum venissent: *Non percusserunt eos, eo quod jurassent eis Principes multitudinis in nomine Domini Dei Israel.* Hanc ob causam vulgus contra Principes Israel inmutavit, & oblocutum est. *Qui responderunt eis: Juravimus illis in nomine Domini Dei Israel, & ideo non possumus eos contingere. Sed hoc faciemus eis: Reserventur quidem, ut vivant, ne contra nos ira Domini concitetur, si pejeraverimus; sed sic vivant, ut in usus universa multitudinis ligna cadant, aquasque compartent.*

REGULA XI.

Lethalis perjurii reus est, quicumque dolose jurat, jurisjurandi verba proferens absque animo jurandi, aut fidem suam obligandi. Qui restrictiones mentales, & æquivocationes jurando adhibent, lethale perjurium committunt.

Perjurium est mendacium juramento firmatum; illos vero mentiri compertum est, qui juramenti verba proferunt, & jurare, vel obligare se nolunt; aut qui restrictiones mentales, & æquivocationem jurando adhibent; siquidem verbis significant, quod in mente non habent, contra finem, propter quem institutæ sunt voces, ut videlicet sint signa conceptuum; vel aliud volunt, quam verba significant secundum se, & secundum communem loquendi morem, & personarum, ac negotiorum circumstantias; atque ita verbis ad societatem fovendam institutis ab.

De secundo Decalogi præcepto: 591

abutuntur. Quod Dei verbo prohiberi quis dubitet, dicente Propheta, Pl. 14. *Domine, quis habitabit in tabernaculo tuo, aut quis requiescet in monte sancto tuo? . . . Qui loquitur veritatem in corde suo, qui non egit dolum in lingua sua. . . Qui jurat proximo suo, & non decipit.* Et Psalm. 23. *Quis ascendet in montem Domini, aut quis stabit in loco sancto ejus? Innocens manibus, & mundo corde, qui non accepit in vano animam suam, nec juravit in dolo proximo suo.* In montem igitur Domini non ascendent, nec stabunt in loco sancto ejus, id est, ab æterna beatitudine repellentur, qui doloſis juramentis proximum suum decipiunt. Ille porro „ In dolo jurat, qui aliter facturus est, quam promittit, cum perjurium sit nequitet decipere credentem „ ut habetur Canone *In dolo, causa 22. quæst. 2.*

Præterea: *Qui sophisticè loquitur, odibilis est* (inquit Siracides *Ecclesiæ 37.*) Multo magis, qui sophisticam locutionem, & ad decipiendum compositam jurejurando confirmat: „ „ Justa, & digna præscriptio est in omni quæſtione, ad propositum interrogationis pertinere debere sensum responsionis. Cæterum aliud consulenti aliud respondere, dementis est „ „ ait Tertullianus lib. 4. *Contra Marcionem, cap. 38.*

Eandem Regulam confirmat S. August. Epist. 125, alias 224. ad *Alipium* data. „ „ Illud sane (inquit) rectissime dici non ambigo, non secundum verba jurantis, sed secundum expectationem illius, cui juratur, quam novit ille, qui jurat, fidem jurationis impleri. Nam verba difficillime comprehendunt, maxime breviter, sententiam, cujus a jurante fides exigitur. Unde perjuri sunt, qui servatis verbis, expectationem eorum, quibus juratum est, deceperunt; & perjuri non sunt, qui etiam verbis non servatis, illud, quod ab eis, cum jurarent, expectatum est, impleverunt. Proinde quia Hippontenses sanctum Piamianum non sicut damnatum, sed sicut charissimum inhabitatorem suæ civitatis habere voluerunt, etſi verbis ejus non satis comprehendi potuit, usque adeo tamen in promptu est, quid ab illo expectaverint.

ut, quod nunc per jurationem absens est, neminem moveat eorum, qui audire potuerunt, certa eum causa profecturum esse, cum voluntate redeundi. Ac per hoc perjurus nec erit, nec ab eis putabitur, nisi eorum expectationem deceperit. Non autem decipiet, nisi aut voluntatem mutaverit apud eos habitandi, aut aliquando discesserit sine dispositione redeundi. Quod ablit ab ejus moribus, & fide, quam Christo, & Ecclesiæ debitam servat. Nam ut omittam, quod mecum nolti, quam sit tremendum de perjurio divinum judicium; illud certe scio, nulli nos deinceps succensere debere, qui nobis jurantibus non crediderit, si talis viri perjurium non modo æquo animo ferendum, verum etiam defendendum putabimus. Quod & a nobis, & ab illo avertat illius misericordia, qui eruit a tentatione sperantes in se. Sicut ergo in Commonitorio rescripsisti, impleat promissum, quo ita se promissit ab Hippone non recellurum, quemadmodum ego, vel ipsi Hipponenses non recedimus, quibus tamen & abundi, & redeundi facultas est libera; nisi quod his, qui juratione non detinentur, etiam omnino & migrandi, & non redeundi sine perjurii reatu potestas est „ „.

Et Epistola 126. alias 225. „ Expectationem eorum, quibus juratur, quisquis deceperit, non potest „ esse non perjurus „.

Idem libro *Contra Mendacium*, cap. 18. artem diabolicam excusandi perjuriam adhibito restrictionum mentalium usu gravissimis verbis intectatur. „ „ Et sunt in eis docti (*inquit*) qui etiam regulas figant, finesque constituent, quando debeat, quando non debeat perjerari. O ubi estis fontes lacrymarum? Et quid faciemus? Quo ibimus? Ubi nos occultabimus ab ira veritatis, si non solum negligimus cavere mendacia, sed audemus insuper docere perjuriam „ „?

Idem confirmat *S. Prosper*, cujus præclaros versus *Hincmarus* Archiepiscopus Rhemenlis refert libro *De Divortio Lotbarii*; & *Tetlurga*.

De secundo Decalogi præcepto. 593

*At si jurandi te causa perurget, & ardeat,
 Id puris verbis, id gere mente pia,
 Nec verbi arte putes te fallere posse Tonantem,
 Cui nihil abstrusum est, cui tua corda patent.
 Qui non ut juras, sed ut is jurasse putavit
 Cui juras, audit, sicque es utrique reus.
 Nempe Deo, in vanum cujus vis sumere nomen,
 Seu socio, quem arra fallere fraude paras.*

Idem docet *St. Isidorus Hispalensis*, lib. 2. *Sententiarum*, cap. 31. „ „ Quacunque (*inquit*) arte verborum quisque juret, Deus tamen, qui conscientiae testis est, ita hoc accipit, sicut ille, cui juratur, intelligit. Dupliciter autem reus fit, qui & Dei nomen in vanum assumit, & proximum dolo capit „ „ Refertur Canone *Quacunque arte, causa* 22. qu. 5.

Id argumentum tractat *Hincmarus* in Opusculo *De vitiis cavendis, & virtutibus exercendis*, ad *Carolus Calvum* Regem christianissimum, cap. 5. „ „ Sunt nonnulli (*inquit*) qui arte per dolum jurantes, ut decipiant eum, erga quem jurant, non se putant reos esse perjurii, contradicente Dei Spiritu per Prophetam: *Quis ascendet in montem Domini, & stabit in loco sancto ejus? Qui non juravit in dolo proximo suo.* Per dolum itaque jurat, quisquis aliter facturus est, quam promittit, credens perjurium non esse decipille nequiter credentis errorem. Jurare enim dictum est, quasi jure orare, id est, jure loqui. Tunc enim quispiam jure obquitur, quando ea, quæ promittit, implentur. Multi enim sunt, qui dolose jurant, ut decipiant proximum; quod abominatur Pater luminum Dominus, dicente Petro: *Non es mentitus hominibus, sed Deo.* Qua in re hoc quoque oportet intendi, quod mendaces fabricatores mendacii dicuntur. Sicut enim ædificium lapidibus, ita mendacium sermonibus fabricatur. Ubi enim non dolosa locutio, sed sensus est veritatis, quasi munita moles non ex fabrica, sed ex natura confurgit. Unde scriptum est: *Qui loquitur veritatem in corde suo, & non egit dolum in lingua sua* „ „

Psal. 23.

Act. 5.

Ex paulo post observat, Prophetam conjunxisse virum dolosum cum homicida, Plalm. 5: *Virum sanguinum, & dolosum abominabitur Dominus.* „ Pertimescere igitur debent jurantes (*inquit*) imo perjurantes dolosi in nomine Christi, & Sanctorum ejus, quia abominabuntur a Domino, ut viri sanguinum, id est, qui humano cruore polluantur; quoniam sicut illi occidunt, ita & isti decipiunt viventes „ „

Concilium Troslejanum anno Christi nongentesimo nono, Canone II. mentalium restrictionum usum in juramenti damnat: „ „ Quid vero (*inquit*) de his dicendum est, qui, ut alios fallant, mentiuntur, vel quacunq; verborum arte se potius, quam alium decipiendo pejerant. Dominus namque, qui testis est conscientiae. ita hoc accipit, sicut ille, cui juratur, intelligit... Hi miseri heu! quantis rei tenentur criminibus, pravaricatores totius sacrae Legis veteris, & novae proditi, quia loquuntur mendacium, quia assumunt nomen Dei sui in vanum, quia proximum dolo capiunt, insuper & perjurant. Tales nisi condignam egerint poenitentiam, adhuc in vivis corporibus mortuas gettare videntur miseræ animas „ „

Suffragatur eidem Moralis christianæ dogmati S. Thom. 2. 2. qu. 89. art. 7. in responsione ad quartam objectionem: „ „ Quando (*inquit*) non est eadem jurantis intentio, & ejus, cui jurat, si hoc proveniat ex dolo jurantis, debet juramentum servari secundum sanum intellectum ejus, cui juramentum præstat. Si autem jurans dolum non adhibeat; obligatur secundum intentionem jurantis „ „ Unde S. Gregorius lib. 26. *Moralium*, cap. 7. ait: „ „ Humanæ aures verba nostra talia judicant, qualia foris sonant: divina vero judicia talia ea audiunt, qualia ex intimis proferuntur. Apud homines cor ex verbis, apud Deum vero verba pensantur ex corde „ „

Propositio-
nes dam-
natæ.

Quamobrem Innocentius XI. Pontifex maximus has Propositiones merito damnavit die 2. Martii 1679.

„ „ Qui mediante commendatione, vel munere, ad

De secundo Decalogi præcepto. 595

magistratum, vel officium publicum promotus est, poterit, cum restrictione mentali præstare juramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum „„

„„ Si quis, vel solus, vel coram aliis, sive interrogatus, sive propria sponte, sive recreationis causa, sive quocumque alio fine juret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus „„

„ Cum causa licitum est jurare sine animo jurandi, sive res sit levis, sive gravis „

Easdem propositiones confixit Clerus gallicanus in generalibus Comitibus anni 1700. Prima quidem hæc censura: „ Hæc propositio scandalosa est, pernicio-
„ sa, patrocinator humanæ ambitioni, perjuriam excu-
„ sat, publicæ potestati contra Dei mandatum ad-
„ versatur „

Alteram hunc in modum damnavit: „„ Hæc propositio temeraria est, scandalosa, perniciofa, illusoria, erronea, mendaciis, fraudibus, & perjuriis viam aperit, & sacris Scripturis adversatur „„

Tertiam judicavit, „ temerariam, scandalosam, „ perniciosam, bonæ fidei illudentem, & Decalogo „ contrariam „.

R E G U L A XII.

Hostes etiam publicos dolofo juramento, & mentali restrictione, vel æquivocatione fucato, fallere non licet. Qui id fecerit, vel tentaverit, lethalis perjurii reus est.

Hanc Regulam iisdem fundamentis innixam, quibus præcedens, confirmat *Ferrandus* Carthaginensis Ecclesiæ Diaconus in Parænetico ad *Reginum* comitem. „ „ In hoc (*inquit*) maxime agnosceris humanis divina præponere, quando nulli fallaciter

juras, nec subdolo sacramento decipis aliquem. Licet hostis sit antiquus, licet immania reipublicæ vulnera infixerit vilceribus, non videtur falsa juratione fallendus; etiamsi vita ejus impediat, mors proficiat paci, ne sic quidem. Dux optime, compellaris falsum jurare. Sic uni homini, sic populo, sic plurimis gentibus, cum quibus bella gerenda susceperis, aut sine juramento perseverans, assume certamen; aut nullatenus audeas violati sacramenti facinore perpetrato, rempublicam liberare, vel adjuvare. Quid enim prodest ei vincere, quem diabolus vicit, ut victoriæ spe falsum juraret?... Nemo autem putet, hostem, cui jurat, non debere proximum deputari; propter hoc enim juratur, ut proximus reputetur. Ex quo igitur vult amicus effici, legemque pacis amplectitur, jam proximus est; & jam, qui ei fideliter jurat, proximo suo jurat, & non decipit... Pessimum nefas falsa juratio, & si paulo altius consideres, inutilis semper, maxime exercitum gubernantibus. Mutabilia enim juvenum corda sacramenti vinculo frequenter ligantur, ut fide stabili bella suscipiant; & tunc firma sit securitas Ducibus, si religionis timor jurare falsum non sinat milites. Quam grave itaque, & quam perniciosum, ut videant, vel sentiant solvi facile sacramentum, Ducisque sui invitentur exemplo, leve æstimare perjurium? Quidquid proinde juramento intercedente confirmas, ratum semper observa, siue inimico gratiam, siue veniam reo, siue laborantibus tecum præmia pollicearis; & hoc adhibita invocatione nominis Dei, credibile facias operando, nullius utilitatis consideratione, nullius periculi formidine debes irritum facere. Fixus sit, & immutabilis sermo, cujus fidei est adhibitus Deus „ „ „

R E G U L A X I I I .

Nec pro vitæ propriæ, vel alterius conservatione, nec in-favorem fidei commissum perjurium a lethali peccati labe immune est.

Hæc

Hæc Regula Concilii Constantiensis, & Martini V. Pontificis maximi auctoritate firmata est. Illos enim omnes, qui in suspensionem errorum Joannis Wiclef, & Joannis Hus venerint inter alia interrogari jubet; „ Utrum credant, quod perjurium scienter commissum, ex quacunque causa, vel occasione, pro conservatione vitæ corporalis propriæ, vel alterius, etiam in favorem fidei, sit mortale peccatum „ „

Eandem Regulam confirmat venerabilis Gersonius in Tractatu De erroribus circa fidem, & contra præceptum: Non occides. „ „ Literalis intellectus (inquit) planus apud omnes, istius præcepti: Non perjurabis, est. Omne juramentum deliberate, & licite factum tenendum est, etiam usque ad præjudicium mortis temporalis; quoniam plus tenetur observare fidem suam, quæ est quædam integritas, & virginitas animæ, quam corpus proprium, vel alienum; & est ordo rectus charitatis „ „

Robertus Pullus S. R. E. Cardinalis P. 6. Sententiarum, cap. 53. Reum vitam suam perjurio redimere non posse docet. „ „ Nihil ergo (inquit) aliud reo consulendum; nisi ut abhorrens perjurium, poenam potius a iudice temporali temporalem suscipiat, quam ea paulisper dilata, ab æterno mereatur æternam, sciens, quod non judicabit Deus his in idipsum. Quippe, qui inspiciens anteactam vitam suam, corde conteritur, & humiliatur, is si poenam qualibet pro culpa sibi oblatam patienter suscipit, futuram eandem de culpa effugit „ „

R E G U L A XIV.

Quamvis per falsos Deos jurare sit impium, reus tamen est perjurii, qui tale juramentum non servat.

Nititur hæc Regula Scripturæ sacræ oraculo: Sapientia, cap. 14. Infandorum idolorum cultura (inquit) omnis mali causa est, & initium, & finis. Aut enim, dum lætantur, insaniunt; aut certe vaticinantur falsa; aut vivunt injuste, aut pejerant cito. Dum

enim confidunt in idolis, quæ sine anima sunt, male jurantes nocere se non sperant: Utraque ergo illis evenient dignæ, quoniam male senserunt de Deo attendentes idolis, & juraverunt injuste, in dolo contemnentes justiciam, Non enim juratorum virtus (id est, potentia falsorum Deorum, per quos juratur) sed peccantium pœna perambulat semper injustorum pravaricationem.

Hanc Regulam confirmat S. August. Serm. 180. alias 28. *De verbis Apostoli, cap. 12. " " Ecce (inquit) dico charitati vestræ, & qui per lapidem falsum jurat, perjurus est. Unde hoc dico? Quia multi & in hoc falluntur, & putant, quia nihil est, per quod jurant, non se crimine teneri perjurii. Prorsus perjurus es, quia per id, quod sanctum putas, falsum juras. Sed ego illud sanctum non puto. Sanctum putat, cui juras. Non enim quando juras, tibi juras, aut lapidi juras, sed proximo juras. Homini juras ante lapidem; sed nunquid non ante Deum? Non te audit lapis loquentem; sed punit te Deus fallentem " "*

Et Epist. 47. alias 154. ad *Publicolam* data: " " Te volo considerare (*inquit*) utrum si quispiam per Deos falsos juraverit se fidem servaturum, & eam non servaverit, non tibi videatur bis peccasse? Si enim tali juratione promissam custodiret fidem, ideo tantum peccasse judicaretur, quia per tales Deos juravit; illud autem nemo recte reprehenderet, quia fidem servavit. Nunc vero, quia & juravit, per quos non debuit, & contra pollicitam fidem fecit, quod non debuit, bis utique peccavit " "

Idem confirmat S. Rymundus, lib. 1. pag. 86. col. 2.

R E G U L A X V.

Suscipere potest Christianus juramentum illius, qui per falsos Deos juraturus est, eoque uti, imo & jusjurandum ab eo exigere, quem ita juraturum non dubitat.

Cum enim urget necessitas, seu causa justa, & legittima postulat, hoc ab aliquo exigere licet, quod

quod per se malum non est, & quod bene facere potest, si velit; at justæ, & necessariæ causæ occurrere, & urgere possunt, propter quas jusjurandum exigere liceat ab eo, qui per falsos Deos noscitur juraturus, si nempe publica pax, vel magni momenti contractus aliter firmari non possit; cum ergo jusjurandum per se malum non sit, & bene fieri possit, videlicet per Deum verum, licet ab eo juramentum exigere, qui noscitur per falsos Deos juraturus. Non enim invitatur ad crimen, quia non compellitur ad jurandum per falsos Deos, sed ad jurandum simpliciter; nec ei datur occasio peccandi, quia sic jurare paratus est; licet non subministrat occasionem peccandi usurario, qui solvit usuras, ut pignus suum recipiat, & qui latroni pecuniam suam coactus tradit.

Verum (inquires) exigere non licet juramentum ab eo, quem pejeraturum esse novimus; non licet itaque juramentum exigere ab eo, qui per falsos Deos est juraturus. Par enim utrobique ratio videtur.

Respondetur, longe disparem esse rationem. Cum enim juramentum exigitur ab eo, qui per falsos Deos est juraturus, haberi potest bonum fidei, seu fidelitatis, impleque finis, propter quem juramentum institutum est, scilicet confirmatio veritatis, ac proinde juramento illius vir christianus iustis de causis uti potest. At cum ab eo, quem novit pejeraturum, nihilominus jusjurandum exigit, non potest haberi finis juramenti, neque aliquod bonum inde expectari potest, propter quod alterius mala voluntate uti liceat. Ita respondet *S. Thomas*, 2. 2. qu. 98. art. 4. in responsione ad quartam objectionem.

Hanc Regulam confirmat *S. Augustinus*, Epistola ad *Publicolam*, superius laudata. » Qui (inquit) utitur fide illius, quem constat jurasse per Deos falsos, & utitur non ad malum, sed ad licitum, & bonum, non peccato ejus se sociat, quo per damna juravit, sed bono pacto ejus, quo fidem servavit. Neque hic eam fidem dico servari, qua fideles vocantur, qui baptizantur in Christo, illa enim

600 Theol. Dog. & Moral. Lib. IV.

longe alia est, longeque discreta a fide humanorum placitorum, atque pactorum. Verumtamen sine ulla dubitatione minus malum est per Deum falsum jurare veraciter, quam per Deum verum fallaciter. Quanto enim, per quod juratur, magis est sanctum, tanto magis est poenale perjurium „ „

R E G U L A X V I.

Reus non est perjurii, qui ob justam, & legitimam causam juramentum non implet.

Hanc Regulam explicat *S. Raymundus*, lib. I. tit. *De juramento, & perjurio*, his verbis: „ „ Non intelligitur pejerare, qui ex licita causa deserit juramentum. V. gr. promissimus, & firmavimus nobis invicem fidem, & pacem; fregisti mihi, non teneor postea servare tibi „ „ Id confirmat ex cap. *Pervenit* 2. Ext. *De Jurejurando*, quod *S. Gregorio* tribuitur: „ „ Nec tu ei, etiamsi promissum tuum juramento, vel fidei obligatione, interposita conditione firmasses, aliquatenus teneris, si constat eum conditioni minime paruisse „ „ Et ex cap. *Sicut*, 3. eod. tit. quod *Innocentii III.* responsum est: „ „ Juramentum autem (*inquit*) quod J. se asserit præstitisse, si de assensu factum est utriusque, eum non ligat, qui præstitit, dum ille, cui præstitum fuerat, servare negligit, quod promisit „ „ Nec obstat Canon *Noli*, causa 23. qu. 1. ubi ex *S. August.* Epistola ad *Bonifacium* comitem dicitur: „ Fides hosti „ servanda est, contra quem bellum geritur, quanto magis amico, pro quo pugnatur „ ? Intelligitur enim fidem hosti servandam, cum ipse *servat fidem*; ut interpretatur *S. Raymundus*. Subdit idem sanctus Poenitentiarius: „ „ Item deposuisti penes me gladium, juravi, quod restituerem, quando repeteres; factus postea furiosus repetis; non teneor, imo nec debeo reddere gladium, nisi restituta tibi sanitate, ne forte occidas te, vel alium, 22. qu. 2. *Ne quis*. Item generaliter tibi juravi, quod starem omnibus man-

De secundo Decalogi præcepto. 601

mandatis tuis propter injuriam, quam tibi feceram; tu præcipis mihi aliquid inhonestum, vel importabile, vel adeo durum, vel asperum, quod si mihi fuisset specificatum, nullo modo illud jurassem; talia enim semper tacite subintelliguntur in generalibus juramentis „ „; ut colligitur ex cap. *Veniens*, & cap. *Quintavallis*, Ext. *De Jurejurando*. Et ex cap. *Ad nostram*, 3. sub eod. tit. ubi *Innocentius III.* respondet Neapolitano Archiepiscopo, qui quasi per extortionem juraverat, se in omni causa judicarium ordinem observaturum, illum observare non teneri in notoriis, in quibus subtilitatem ordinis judicarii non servari ipsa ratio juris postulat. „ „ Quamquam (*inquit*) & secundum approbatum intellectum recte possit intelligi, quod jurasti, ut in omnibus causis ordinem judicarium observares, in illis videlicet, in quibus est ordo judicarius observandus. Sic ergo faciens & juramenti tenorem, & instituta Canonica non omittes „ „. Debent tamen, qui hujusmodi juramenti obstricti sunt, relaxationem juramenti petere ab Ecclesia *Ad cautelam*, & ne detur eis occasio pejerandi (inquit *S. Remyndus*.)

R E G U L A XVII.

Jusjurandum, quo quis jurat se servaturum statuta alicujus Capituli, Universitatis, Collegii, aut Societatis cujuslibet, intelligendum est duntaxat de statutis honestis, licitis, quæ contraria consuetudine minime sunt abrogata, & de iis, quæ condita sunt, non de illis, quæ in futurum condentur; nisi forma juramenti id exprimat, vel jurans id intendant,

Juramentum enim strictissimi juris, & interpretationis est, tum ob perjurii periculum, tum ob detrimentum quod inde sequi potest; ideoque non debet latius porrigi ejus obligatio, quam verba significant.

Hanc Regulam *S. Thom.* approbat, 2. 2. qu. 92. art. 2. in responsione ad quartam objectionem. „ „ Ju-

ramentum (*inquit*) est actio personalis. *Ideo* ille, qui de novo fit civis alicujus civitatis non obligatur quasi juramento, ad servanda illa, quæ civitas se servaturam juravit; tamen tenetur ex quadam fidelitate, ex qua obligatur, ut sicut socius bonorum civitatis, ita etiam fiat particeps onerum. Canonicus vero, qui jurat se servaturum statuta edita in aliquo Collegio, non tenetur ex juramento ad servandum futura, nisi intenderit se obligare ad omnia statuta præterita, & futura; tenetur tamen ea servare ex ipsa vi statutorum, quæ habent coactivam virtutem „„. Idem docet *J. Raymundus* lib. 1. tit. *De juramento, & perjurio*, pag. 93. col. 2. Idque confirmat ex cap. *Clericus*, Ext. *De jurejurando*, quod *Gregorii IX.* responsum est, his verbis conceptum: „„ Clericus, qui juravit se statuta in Ecclesia sua edita servaturum, promittens per idem juramentum, statutum, quod postmodum subsecutum est, fideliter observare; licet transgredi non debuerat, quod promisit, non tenetur ad illius observantiam ex debito præstiti juramenti „„. Eandem Regulam confirmat venerabilis *Gersonius* libro *De vita Spiritualis anime*, Lectione 4. & Lectione 6.

R E G U L A X V I I I.

Juramentum præstitum contra jus Superioris irritum est.

Id constat ex cap. *Venientes*, Ext. *De jurejurando*, quod *Innocentii III.* responsum est, declarantis, Coniules, qui jurarunt intra certum tempus sententias exequi, ab illarum executione superledere debere non obstante juramento, si appellatione sint suspensæ, præsertim ad Sedem apostolicam interjecta. „„ Mandamus (*inquit*) quatenus appellationibus ad nos interpositis deferatis; cum prædictum juramentum vos excusare non possit, in quo debet intelligi jus Superioris exceptum. Cum ergo postquam lator præsentium ad Sedem apostolicam a sententia judicis

De secundo Decalogi præcepto. 603

dicis appellavit , sententiam ipsam duxeritis executioni mandandam , in possessionem rerum , de quibus quæstio vertebatur , appellantis adversarium inducentes , volumus , & mandamus , ut possessionem ipsam restituatis eidem ; alioquin noveritis ; nos Episcopo Nucerino mandasse , ut vos ad id ecclesiastica Censura compellat „ „.

R E G U L A XIX.

Juramenta contra utilitatem Ecclesiæ præstita nullius sunt roboris.

Hæc Regula nititur ejusdem Pontificis responso , cap. *Sicut nostris* , Ext. *De jurejurando*. Vacante Ecclesia Tudertina , Canonici , antequam de Episcopi electione ageretur , pactiones qualdam in damnum jurium Episcopaliū fecerunt , & juramento firmarunt. Postmodum unus ex illis in Episcopum electus , & consecratus , a Pontifice quæsit , num hujusmodi juramenta servare tenerentur : Summus Pontifex , imposita Episcopo poenitentia congruente pro juratione incauta , hunc in modum respondit : „ „ Quia non juramenta , sed perjuria potius sunt dicenda , quæ contra utilitatem ecclesiasticam attentantur , mandamus , quatenus ab ipsis Canonicis inquiras super præmissis diligentius veritatem ; & si ea inveneris esse vera ; quod in damnum Episcopalis juris repereris taliter attentatum , in statum debitum , appellatione remota , reducas „ „.

R E G U L A XX.

Qui doctrinam alicujus experimenti , sive salubris , & singularis remedii accepit , ac interposito jurejurando promittit id se nemini communicaturum , juramentum istud servare non semper tenetur , sed in certis duntaxat rerum circumstantiis.

Hanc Regulam explicat *3. Thom. Quodlibeto 12. qu. 14. art. 2. „ „* Simpliciter loquendo (*inquit*) non tenetur , sed male facit jurando. Juramentum enim

enim non solum amittit vim, quando est illicitum, sed etiam quando jurando pejeratur; quia juramentum obligans debet habere iudicium, iustitiam, & veritatem. Sed etli juro quandoque aliquid, quod licet mihi non facere (puta; non ire ad Ecclesiam) non licet tamen jurare; quia licet mihi licitum sit pro aliquo tempore tacere, vel dimittere hujusmodi bonum, quod est ad Ecclesiam ire, non tamen licet mihi juramentum interponere, & animum obfirmare ad aliquod bonum non faciendum; quia hoc est facere contra Spiritum sanctum. Et ideo juramentum contra omne id, quod est de genere bonorum, est illicitum, & non servandum „ „ Cum itaque salubris remèdii communicatio non minimum bonum sit; jusjurandum, quo se aliquis adstringit, ut nusquam illud communicet: „ „ Est contra charitatem. Id tamen in casu servare tenetur; puta, si ille, vel alius sufficiens medicus prælens esset, & paratus esset curare, & uti illo experimento in salutem corporalem aliorum „ „

REGULA XXI.

Lethalis peccati reus est, qui pro seipso juramentum exigit, vel recipit ab eo, quem pejeraturum esse novit, aut merito suspicatur.

† ita docet S. August. Serm. 180. alias 28. De verbis

urgentur ad jurandum. Et quamvis haberent, talis tamen juramenti exactor, vel receptor causa est, ut ipso externo opere perjurii nomen Dei polluat.

Id confirmat S. *August.* Serm. 308. alias 11. ex auditis a Parisiensibus, qui est secundus in Decollatione S. Joannis Baptistæ cap. 4. „ „ Ille (*inquit*) qui hominem provocavit ad jurationem, & scit eum falsum esse juraturum, vincit homicidam. Quia homicida corpus occisurus est, ille animam; imo duas animas, & ejus, quem jurare provocavit, & suam. Scis verum esse, quod dicis, & falsum esse, quod ille dicit, & jurare compellis? Ecce jurat, ecce pejerat, ecce perit; tu quid invenisti? Imo & tu periisti, qui de illius morte te satiare voluisti „ „ *Narrat subinde civis cujusdam Hipponensis historiam, ob hoc peccatum divina correptione flagellati.* „ „ Fuit hic homo quidam simplex, innocens, bene fidelis a multis vestris, id est, Hipponensibus, imo ab omnibus cognitus, Tutuslymeni vocatus. Tutuslymeni quis vestrum non novit, qui cives estis? Ab illo audiui, quod dico. Nescio quis negavit ei, vel quod commendaverat, vel quid ei debebatur; & hominis fidei se commisit. Commotus provocavit eum ad jusjurandum. Juravit ille, iste perdidit; sed isto perdente, ille penitus periit. Dicebat ergo iste Tutuslymeni homo gravis, & fidelis, ipsa nocte exhibitum se fuisse ad judicem, & cum magno impetu, atque terrore se pervenisse ad præfidentem excelsum quemdam, & admirabilem virum, cui parebat officium similiter excellorum, jussu fuisse perturbatum retro revocari, & interrogatum fuisse his verbis: Quare provocasti hominem ad jurationem, quem sciebas falsum esse juraturum? Respondit ille, negavit mihi rem meam. Responsum est illi: Et nonne melius erat, ut rem tuam, quam exigebas, perderes, quam animam hominis istius falsa juratione perimeres? Prostratus jussus est cædi. Cæsus est tam graviter, ut in dorso evigilantis vestigia plagarum apparerent. Sed dictum est illi, postquam emendatus est;

est: Parcitur innocentiae tuae, de cætero cave, ne facias. Fecit quidem ille grave peccatum, & emendatus est; sed multo gravius peccatum faciet, qui post istum meum sermonem, & istam meam admonitionem, & exhortationem tale aliquid fecerit „ „ „

Eandem Regulam confirmat *S. Thomas*; 2. 2. qu. 98. art. 4. Idem docet *S. Raymundus* lib. 1. tit. *De juramento, & perjurio*, pag. 89. col. 1. idque probat ex Can. *Ille qui*, & Can. *Qui exigit*, causa 22. q. 5: qui ex *S. August.* Sermonibus mox laudatis deprompti sunt, neenon ex Canone *Si quis pejeraverit*, qui *Gelasio* Papæ tribuitur, ejus hæc sunt verba: „ „ Si quis pejeraverit, & alios sciens in perjurium duxerit, quadraginta dies pœniteat in pane, & aqua, & septem sequentes annos, & nunquam sit sine pœnitentia; & alii, si conscii fuerint, similiter pœniteant „ „

REGULA XXII.

Judici licet exigere jusjurandum secundum ordinem juris, ad petitionem alterius, ab eo, quem pejeraturum esse novit, vel merito suspicatur.

Ita docet *S. Thomas*, 2. 2. qu. 98. art. 4. „ „ Si aliquis (*inquit*) exigit juramentum tanquam persona publica, secundum quod exigit ordo juris ad petitionem alterius, non videtur esse in culpa, si ipse juramentum exigit, siue sciat eum falsum jurare, siue

si accusator in probatione deficiat, sed iste poenamtalionis luere debet, secundum Canonem, *Qui crimen*, causa 2. qu. 8.

Addit *S. Raymundus*, in causis criminalibus, ubi iudex testes animadvertit ad falsum testimonium ferendum contra reum, & ad pejerandum paratos, niti illum debere ex officio, etiamsi reus taceat, ad repellendum illos a testimonio ferendo, vel quia sunt ignoti, vel infames, vel gravis opinionis, vel opponendo eis similem causam, ut colligitur ex Canone *Quarendum*, causa 2. qu. 7. Si vero non prævideat, quid sint responsuri, iuramentum eorum recipere potest; & si in narratione facti eos cognoverit a vero deviare, omnem adhibere debet operam, ac diligentiam in examine, ut causam inveniat eos repellendi, ut fecit *Daniel* in causa *Susanna*; si autem nulla ratione repellere illos potest, judicare licet secundum allegata, & probata, contra privatam scientiam, ut *S. Thomas*, & plerisque Theologis, & juris canonici Doctoribus placet. Consultius tamen causam delegabit alteri, si fieri potest, sin autem, remittet ad Superiorem; ut *S. Raymundus* auctor est.

Quæcunque vero causa agatur, iuramentum ab utraque parte exigere iudici non licet, ut constat ex Concilio Valentino III. anno 455. Can. 11. cujus hæc sunt verba. „ Quia impia, & Deo inimica, & christianæ religioni nimis contraria, ex iniquissima, ac detestabili Constitutione quarundam secularium legum consuetudo invaluit, ut in forensi iudicio litigantes ex utraque parte contendentium æqualiter iuramentum dare cogantur, ubi sine dubio duobus contra se jurantibus unus perjurus efficitur; tanti sceleris immanitatem, & animarum perditionem dolentes. statuimus, ut quicumque uno iuramento legitime dato, quod secundum legem divinam omnis humanæ controversiæ finis esse debet, alterum e contrario iuramentum opponere præsumplerit. ab ipsis liminibus Ecclesiæ, quæ sua impietate profanavit, exclusus, omnium Christianorum consortio, atque

convivio reddatur extraneus ; nisi se continuo admonitus ad agendam poenitentiam tanti reatus humili satisfactione inclinaverit „ „

REGULA XXIII.

In juramento dispensari potest.

De juramenti dispensatione.

0

Cum enim in voto dispensari possit , cujus strictius est vinculum , pari ratione potest in juramento dispensari. Et certe necessitas dispensationis tam in lege , quam in voto inde repetitur , quod res , quæ universim considerata est honesta , & utilis , secundum aliquem particularem eventum potest esse inhonesta , & noxia , adeo ut nec legis , nec voti materia esse possit. Idem autem de juramento dicendum est , cujus materia , si sit aliquid inhonestum , repugnat justitiæ ; si aliquid noxium , repugnat iudicio ; quibus conditionibus iurandum instructum esse debet. Eadem itaque ratione dispensari potest in juramento. Sic differit *S. Thom. 2. 2. q. 89. art. 9.*

REGULA XXIV.

Cum res jurata manifeste repugnat justitiæ , dispensatione , seu absolutione a juramento non est opus ; nullum siquidem iurisjurandi vinculum est.

Ita docet *S. Thom.* loco mox indicato , in responsione ad tertiam objectionem : „ „ Quandoque (*inquit*) illud , quod cadit sub juramento promissorio , est manifeste repugnans justitiæ ; vel quia est peccatum ; sicut cum aliquis jurat se facturum homicidium ; vel quia est majoris boni impeditivum , sicut cum aliquis jurat se non intraturum religionem. Et tale iuramentum dispensatione non indiget ; sed in primo casu tenetur aliquis tale iuramentum non servare , in secundo autem casu licitum est , & servare , & non servare „ „

Hanc Regulam confirmat *Alexander III.* cap. 4. Ext. *De iurejurando* , Aragonum Regi rescribens , qui se a juramento postulabat absolvi , quo monetam iussu
Pa.

De secundo Decalogi præcepto. 609

Patris sui cusam se conservaturum juraverat, quamvis legitimo pondere destituta esset. „ Diligens (*inquit*) indagator potuisset facile intueri, quod non „ tam erat absolutio necessaria, quam interpretatio „ requirenda „; quia nempe juramentum illicitum observandum non esse certum est.

R E G U L A XXV.

Cum dubitatur, utrum id, quod juramento promissorio firmatum est, sit licitum, vel illicitum, utile, vel noxium, dispensatio petenda est ab Episcopo, aut a summo Pontifice.

Hanc Regulam statuit *S. Thomas*, ibidem. „ „ Quandoque (*inquit*) aliquid sub juramento promittitur, de quo dubium est, utrum sit licitum, vel illicitum, proficuum, vel nocivum, aut simpliciter, aut in aliquo casu; & in hoc potest quilibet Episcopus dispensare „ „

R E G U L A XXVI.

Cum id, quod juramento promissum est, honestum est, & utile, dispensatio, vel commutatio justa de causa peti potest, quam solus Pontifex romanus concedere potest in juramentis ex Ecclesiæ disciplina Sedi apostolicæ reservatis; Episcopi etiam in reliquis.

In primis, juramenta, sicut & vota in melius posse commutari Prælatorum auctoritate certum est. Posse etiam in iis dispensari iustis de causis, Ecclesiæ usus demonstrat. Iusta autem causa censetur, si res juramento promissa sit valde ardua, & difficilis; si quid melius occurrat faciendum; si res illa prius videbatur magnam utilitatem allatura, nunc vero nullam, vel exiguam; si jusjurandum vi, dolo, aut gravi metu incusso extortum est; si ex ignorantia, errore, præcipitis animi levitate; si stante vinculo juramenti varia sint pericula peccati, quæ removeri operæ pretium sit ad salutem ejus, qui jurejurando

obstrictus est. Illorum porro juramentorum solutio uni Pontifici romano reservata est, quorum materia, si Deo voveretur, vota essent Sedi apostolicæ reservata; videlicet de castitate servanda, de religionis ingressu, de peregrinatione Hierosolymitana, ad limina Apostolorum, vel ad S. Jacobi compostellani. Item in juramentis super statutis Ecclesiarum, & Academiarum, aut quæ bonorum Ecclesiasticorum dispensationem extraordinariam spectant, vel quæ a Regibus, Principibus viris, & Episcopis fiunt, vel de rebus maxime arduis sunt emissa, dispensationem a summo duntaxat Pontifice postulari mos est. In cæteris dispensare possunt Episcopi, aut id, quod juratum est, in melius commutare; in suis duntaxat Diocesibus; romanus Pontifex in toto orbe christiano, cum plenitudinem habeat potestatis, sive summam in tota Ecclesia ligandi, solvendi que potestatem, ut docet *S. Thom.* 2. 2. qu. 89. art. 9. in responsione ad tertiam objectionem. „ „ Quandoque (*inquit*) sub juramento promittitur aliquid; quod est manifeste licitum, & utile; & in tali juramento non videtur habere locum dispensatio, vel commutatio; nisi aliquid melius occurrat ad communem utilitatem faciendum; quod maxime videtur pertinere ad potestatem Papæ, qui habet curam universalis Ecclesiæ; vel etiam absoluta relaxatio, quod etiam ad Papam pertinet in omnibus generaliter, quæ ad dispensationem rerum ecclesiasticarum pertinent, super quas habet plenitudinem potestatis „ „

Hanc Regulam confirmat *S. Antoninus* P. 2. tit. 10. cap. 6. „ „ Si subest justa causa (*inquit*) Papa potest absolvere, ut in cap. *Si vero*, Ext. *De jurejurando*. Et est justa causa, si turpitudinem continet juramentum ex parte recipientis, puta, si juraverit solvere usuras. Est etiam justa causa, propter scandalum vitandum, ut notat Glossa Innocentii; vel etiam cum major utilitas imminet in commutatione, sicut etiam dicitur de voto. Et non solum Papa in his casibus, sed etiam Episcopus poterit absolvere, sicut & votum

com-

De secundo Decalogi præcepto. 611

commutare, ut dicit Innocentius in cap. *Debitores*, eodem titulo, Sed in hoc est differentia inter Papam & Dioecesanum, quia in factis magnarum personarum, vel multum dubiis, debet recurri ad Papam, & sic potest intelligi cap. *Venerabilem*, Sed in aliis poterit Episcopus respectu solius suæ Dioecesis, Papa autem respectu totius orbis potest vel commutare, vel absolvere. Alius citra Episcopum non potest, qui non habet episcopalem jurisdictionem.

REGULA XXVII.

Jusjurandum in suum favorem, & utilitatem precipue factum, privatus quisque remittere potest.

Sic respondet *S. Thom.* 2. 2. qu. 89. art. 9. ad secundum: „„ Homo (*inquit*) potest aliquid alteri promittere sub juramento dupliciter. Uno modo, quando promittit aliquid pertinens ad utilitatem ipsius: puta, si sub juramento promittat se servitutum ei, vel pecuniam daturum; & a tali promissione potest absolvere ille, cui promissio facta est; intelligitur enim jam ei solvisse promissum, quando facit de eo secundum ejus voluntatem. Alio modo promittit aliquis alteri, quod pertinet ad honorem Dei, vel utilitatem aliorum: puta, si aliquis sub juramento promittat alicui, se intraturum religionem, vel aliquod opus pietatis facturum. Et tunc ille, cui promittitur, non potest absolvere promittentem; quia promissio non est ei facta principaliter, sed Deo; nisi forte sit interposita conditio, ratione cuius possit, scilicet, si illi videtur, cui promittitur, vel aliquid aliud tale „„ Idem censet *S. Antoninus*, idque confirmat ex cap. *Ex administrationis*; Ext. *De jurejurando*, quod *Gregorii II.* responsum est: „ Mandamus (*inquit*) quatenus creditores ad juramenta super usuris sibi solvendis præstita relaxanda, ecclesiastica districtione cogatis „ Et ex cap. *Præterea*, Ext. *De Sponsalibus*, quod est *Innocentii III.* Exoniensi Episcopo rescribentis: „ Hi, qui

De juramenti remissione.

612 Theol. Dog. & Moral. Lib. IV.

de matrimonio contrahendo pure, & sine omni conditione fidem dederunt, commonendi sunt, & modis omnibus inducendi, ut præstitam fidem observent. Si autem se ad invicem admittere noluerint; ne forte deterius inde contingat, ut talem scilicet ducat, quam odio habet; videtur, quod ad instar eorum, qui societatem interpolatione fidei contrahunt, & postea eandem sibi remittunt, hoc possit in patientia tolerari „ „

R E G U L A XXVIII.

Superior quilibet subditorum suorum juramenta irrita facere potest, circa ea, quæ ipsius potestati subduntur.

Sic pater juramenta filiæ, vir uxoris, tutor impuberum, irrita facere potest, ut constat ex *Num. 30. cap; Vers. 4.* & de votis dictum est. Ita *S. Thom.* cæterique Theologi; non possunt tamen tutores minorum juramenta irrita declarare, si pubertatis annos exceßerint, ut sancitum est *L. Si minor*, Cod. tit. 8. cujus hæc sunt verba: „ „ Si minor annis viginti quinque emptori prædii cavisti, nullam de cætero te esse controversiam facturum, idque etiam rejurando corporaliter præstito servare confirmasti, neque perfidiæ, neque perjurii me auctorem tibi futurum sperare debuisti „ „ Idem nova Constitutione *Federici* cautum est, cujus hæc sunt verba: „ „ Sacramenta puberum sponte facta super contractibus rerum suarum non retractandis, inviolabiliter custodiantur „

R E G U L A XXIX.

Gravis peccati rei sunt, qui leviter, temere, absque necessitate, aut iusta utilitate, ex prava consuetudine jurant.

Leviter, ac temere jurandi consuetudo,

Quamvis enim verum jurent, certique omnino sint rem, ita se habere, nec proximum rejurando fallere, aut alicui nocere velint, adeoque jurent

De secundo Decalogi præcepto 613

rent in veritate, & iustitia, non tamen in iudicio; grave peccatum. cuius unius conditionis defectus jusjurandum illicitum, & quodam modo perjurium est, ut S. Hieronymus docet in cap. 4. *Jeremia*. Deest scilicet hujusmodi juramenti prudentia, cum absque necessitate, & utilitate frequententur. Deest pietas, & reverentia erga Deum, cum passim testis appelletur in rebus levissimi momenti; in perjurii denique periculum incurritur, cum jurandi consuetudo, linguæ lapsus, humani ingenii tenebræ, quod res plerumque dubias veras esse putat, efficiunt, ut facile pejeret, qui jurare consuevit.

Hanc Regulam Scripturæ sacræ verbis, Patrumque testimoniis fulcire operæ pretium est. *Jurationi non assuescat os tuum* (inquit Spiritus sanctus *Eccles.* cap. 23.) *Multum enim casus in illa. Nominatio vero Dei non sit assidua in ore tuo, & nominibus Sanctorum non admiscearis, quoniam non eris immunis ab eis. Sicut enim servus interrogatus assidue a livore non minuitur; sic omnis jurans, & nominans, in toto a peccato non purgabitur. Vir multum jurans implebitur iniquitate, & non discedet a domo illius plaga. Et si frustraverit, a delictum illius super ipsum erit; & si dissimulaverit, delinquit dupliciter; & si in vacuum c juraverit, non justificabitur: Replebitur enim retributione domus illius.* Et cap. 27 15. *Loquela multum jurans, horripilationem capiti statuet; & irreverentia ipsius obratio aurium.*

a Id est deciperit.
b Quasi per simulationem jurando falsum.
c Id est indebita cavilla, & neccitate.

Eandem Regulam pluribus in locis confirmat S. August. scilicet *Epistol.* 157. alias 89. cap. 5. „ „ *Jurationem (inquit) cave, quantum potes. Melius quippe, nec verum juratur, quam jurandi consuetudine, & in perjurium sæpe caditur, & semper perjurio propinquatur* „ „

Et lib. 1. *De Sermone Domini in monte*, cap. 17 „ „ Ita intelligitur præcepisse Dominum, ne juretur, ne quicquam licet bonum appetat jusjurandum, & assiduitate jurandi ad perjurium per consuetudinem delabatur. Quapropter, qui intelligit, non in bo-

614 Theol. Dog. & Moral. Lib. IV.

nis, sed in necessariis jurationem habendam, refrænet. se, quantum potest, ut non ea utatur, nisi necessitate, cum videt pigros esse homines ad credendum, quod eis utile est credere, nisi juratione firmetur „ „

Jacobi 5.

Prava jurandi consuetudo quemodo frenanda.

Item Serm. 180. alias 28. *De verbis Apostoli, cap. 5.* tractans hæc verba Apostoli Jacobi: *Ante omnia, nolite jurare*, hæc ab Apostolo dicta ait, ut Christianos ad frænandam jurandi consuetudinem excitaret. „ „ Quid est: *Ante omnia*? Ante omnia vigila, ante omnia intentus esto. Juravimus & nos passim, habuimus istam teterrimam consuetudinem, & mortiferam. Dico charitati vestræ, ex quo Deo servire coepimus, & quantum malum sit in perjurio vidimus, timuimus vehementer, & veternosissimam consuetudinem timore frænavimus. Frænata restringitur, restricta languescit, languelceris emoritur, & malæ consuetudini bona succedit. *Ait Christus, sit in ore vestro, est, est; Non, non; quod autem amplius est, a malo est.* Sed tamen aliud habeat humana pessima consuetudo. Et cum tibi creditur, juras, & cum nemo exigit, juras; & horrentibus hominibus juras; non taces jurando, vix es sanus non pejerando. . . Istam ergo consuetudinem quotidianam, crebram, sine causa, nullo extorquente, nullo de tuis verbis dubitante, jurandi avertite a vobis, amputate a linguis vestris, circumcidite ab ore vestro. . . Quid

De secundo Decalogi præcepto. 615

non fuerit, minus laborat, qui custodit, adjuvatur enim consuetudine superioris diei „ „.

Idem confirmat *S. Ambrosius*, lib. *De Exhortatione virginitatis*, cap. 11. „ „ Quid nos Scriptura admonet, consideremus. Non jurandum facile, quia plerumque multi casus accidunt, ut non possimus implere, quod juraverimus. Qui autem non jurat, utique non pejerat; qui autem jurat, aliquando necessus est, incidat in perjurium, quia omnis homo mendax. Noli ergo jurare, ne incipias pejere „ „.

Quantæ sit irreverentiæ, & impietatis Dei nomen passim usurpare, & absque justa necessitate, vel utilitate jurare, docet etiam *Theodoretus* Interrogatione 41. in *Exod.* sensum hujus præcepti; *Non assumes nomen Domini Dei tui in vanum*, explicans. „ „ Quidam (*inquit*) prohiberi dicunt, ne quis res vanas, hoc est, idola nomine Dei vocet; alii, ne quis jurando mentiat. Ego autem puto, divinam legem statuere, ne quis nomen Dei pronuntiet sine aliqua ratione aut docendi, aut orandi, aut necessariæ cujuscumque occasionis. Solent enim nonnulli, etiam ludentes, & ridentes, ut inciderit, reverendum Dei nomen lingua proferre. Hoc arbitror divina lege prohiberi; si enim consueverunt multi pretiosiores vestem diebus festis reservare; multo magis divinum nomen precibus, atque docendi officio æquum est consecrare „ „.

In pravam illam jurandi consuetudinem acriter invehitur *Salvianus*, lib. 4. *De Gubernatione Dei*. „ „ Quis est (*inquit*) omnino hominum secularium præter paucos, qui non ad hoc semper Christi nomen in ore habeat, ut pejeret? Unde etiam pervulgatum hoc fere & apud nobiles, & apud ignobiles Sacramentum est: Per Christum, quia hoc facio: Per Christum, quia hoc ago: Per Christum, quia nihil aliud dicturus sum: Per Christum, quia nihil aliud acturus sum. Et quid plura? In id^o penitus deducta res est, ut sicut de paganis barbaris prius diximus, Christi nomen non videatur jam Sacramentum esse, sed sermo. Nam in tantum apud plurimos nomen hoc parvi pen-

ditur, ut nunquam minus cogitent quippiam facere, quam cum se jurant per Christum esse facturos „ „

Pessimam illam consuetudinem jurandi in vulgaribus, & familiaribus colloquiis penitus evellere, summi Pontifices, & Concilia Decretis suis studuerunt; scilicet Concilium Turonense 3. anno 813. Can. 43. „ „ Omnes (*inquit*) homines admonemus, ne per singula verba, quasi ad confirmationem suæ assertionis, nomen Domini in vanum assumant; quod ipse Dominus interdicit faciendum, ubi ait: *Ne assumes nomen Dei tui in vanum.* In vanum etenim nomen Dei assumitur, quando aliquis ad singula verba, quibus vult, ut sibi ab alio credatur, Deum omnipotentem testem rei, de qua ait, invocatur, cumque sibi ita esse adiutorem, sicut ea vera sunt; quæ loquitur. Nam & ipse Dominus in Evangelio, hoc modo prohibens omne genus juramenti: *Nolite (inquit) omnino jurare, neque per calum, neque per terram, neque per caput tuum, &c.* „ „

Concilium Troslejanum anno 909. Can. 11. „ „ Cohibeantur (*inquit*) perjuria, non solum quæ alicujus fictionis fiunt commento, vel fallendi, alioque decipiendi studio; sed & ea, quæ ex ipsa prava consuetudine jam veluti inolita, pene per singula admittuntur verba ab eis, quibus æque falsa constat jurare, ac vera. Cum, si forte propter eos, qui pigri sunt ad credendum, neque moventur ad fidem verbi, qui & in hoc graviter delinquant, quod sibi loquentes jurare cogunt, necesse fuerit proferre jusjurandum; hos comites habere debeat jusjurandum, veritatem, judicium, & justitiam; dicente Domino per Prophetam Jeremiam: *Et jurabis, vivit Dominus, in veritate, & in judicio, & in justitia.* Si enim ista defuerint, nequaquam erit juramentum, sed perjurium. *Et infra:* Ille nomen Dei sui in vanum assumit, qui in qualibet frivola re, & in dolo jurans proximo suo, aliquando in causa non necessaria, vel in verbo otioso nomen sanctum ejus in tali vanitate assumere non pavescit. In novo autem Testamento ipse

De secundo Decalogi præcepto. 617

Ipse Dominus dicit : *Audistis, quia dictum est antiquis, non perjurabis. Ego autem dico vobis, non jurare omnino, &c.* Ergo evangelica veritas non recipit juramentum, cum omnis sermo fidelis pro jurejurando sit „ „.

Innocentius III. cap. Etsi Christus, Ext. De jurejurando, explicans, qua ratione licitum sit, vel prohibitum juramentum: „ „ Quædam (*inquit*) prohibentur, quia per se mala sunt, ut furtum, adulterium, & hujusmodi, quæ non sunt aliquatenus facienda. Quædam vero prohibentur ex causa, non quia per se mala sunt, sed quia, si fiant frequenter, & multum, ex his mala sequuntur; ut vinum per se malum non est, & tamen prohibet Apostolus dicens: *Nolite inebriari vino, in quo est luxuria*: quoniam ex frequenti, & immoderata vini potatione luxuria generatur. Sic & juramentum per se quidem malum non est, cum sit confirmatio veritatis; sed tamen prohibetur ex causa, quoniam ex frequenti incauta juratione perjurium sæpe contingit „ „.

Ad Eph. 5.

Concilium Bituricense anno 1584. tit. 29. Can. 2. *Scriptum erat antiquis: Non pejerabis, sed red-* Lev. 9.
des Domino sacramenta tua. Christus autem suos do- Exod. 20.
cuit non jurare omnino, ne temere homines nomen Deut. 5.
Dei assumant, & ex jurandi consuetudine via per- Matth. 5.
juriis aperiatur. Prohibet ergo hæc Synodus omne jusjurandum, nisi quod ad eliciendam veritatem in judicio requiritur. Si quis temere juraverit, & monitus in idem peccatum reciderit, excommunicetur „ „.

Eandem Regulam confirmat *S. Thom. 2. 2. qu. 89. art. 5.* ubi juramentum non esse per se appetendum, & frequentandum probat his verbis: „ „ Quod non quæritur nisi ad subveniendum infirmitati, vel defectui, non numeratur inter ea, quæ sunt per se appetenda, sed inter ea, quæ sunt necessaria; sicut patet de medicina, quæ quæritur ad subveniendum infirmitati. Juramentum autem quæritur ad subveniendum alicui defectui; quod scilicet unus homo a-

teri discrediti. Et ideo juramentum est habendum non inter ea, quæ sunt per se appetenda, sed inter ea, quæ sunt huic vitæ necessaria; quibus indebite utitur, quicumque eis utitur ultra terminos necessitatis „„

Concilii denique Tridentini Catechismus hanc Regulam tradit. „ „ Neque (*inquit*) iurandum temere, & inconsiderate, sed consulto, & cogitato adhiberi debet. Itaque iuraturus primo quidem consideret, utrum necessitate cogatur, necne, remque totam accurate expendat, an ejusmodi sit, ut iurejurando indigere videatur. Tempus præterea spectet, locum attendat, aliaque permulta, quæ rebus adjuncta sunt, circumspiciat; non odio, non amore, aut animi perturbatione aliqua impellatur, sed ipsius rei vi, ac necessitate. Etenim nili hæc consideratio, ac diligens animadversio antecesserit, sane iurandum præceptum, ac temerarium erit; cuiusmodi est illorum irreligiosa affirmatio, qui in re levissima, & inani, nulla ratione, aut consilio, sed præva quadam consuetudine jurant. Id vero passim quotidie a venditoribus, & emptoribus fieri videmus; nam illi, ut quamplurimo vendant, hi rursus, ut quam minimo emant, res venales, vel laudare, vel vituperare iurejurando non dubitant „ „

Quomodo
gerere se
debeat
Confessa-

Ex his colligitur, Sacerdotem, qui a Confessionibus est, absolutionem his, qui iurandi consuetudine implicantur, impendere non debere, donec pravam

De secundo Decalogi præcepto. 619

enim amat periculum, in illo peribit. Revocanda rursus in memoria præclara illa *S. Augusti*: Sententia Serm. 180. alias 28. *De verbis Apostoli* cap. 2. „ Quia grave peccatum est pejerare, compendium tibi dedit Scriptura: Noli jurare. Quid tibi dicturus sum, homo, Verum jura? Ecce verum jura, non peccas; si verum jûras, non peccas. Sed homo inter tentationes positus, carne involutus, calcans terram sub terra, dum corpus, quod corrumpitur, aggravat animam, & deprimit terrena inhabitatio sensum multa cogitantem, inter ista multa tua cogitata incerta, volatica, conjecturas humanas, quando non subrepat tibi, quod fallum est,posito in regione falsitatis? Vis ergo longe esse a perjurio? Jurare noli. Qui enim jurat, aliquando verum jurare potest, qui autem non jurat, mendacium jurare nunquam potest. Juret ergo Deus, qui jurat securus, quem nihil fallit, quem nihil latet, qui omnino fallere ignorat, quia nec falli potest. Cum enim jurat, se adhibet testem. Quomodo tu cum jûras, Deum adhibes testem; sic ipse cum jurat, se testem adhibet. Tu quando illum adhibes testem, forte supra mendacium tuum, accipis in vanum nomen Domini Dei tui. Ne ergo mendacium jures, noli jurare. Ipsa est angustia, perjurium, præcipitium. Qui jurat, juxta est; qui non jurat, longe est. Peccat & graviter, qui fallum jurat; non peccat, qui verum jurat; sed nec ille peccat, qui omnino non jurat. Sed qui non jurat, & non peccat, longe est a peccato; qui autem verum jurat, non peccat, sed prope est ad peccatum. Fac te ambulare in aliquo loco, ubi a parte dextera spatiosa sit terra, nec ulquam angustias patiaris, a sinistra præceps locus est. Ubi eligis ambulare? Super finem terræ in labio præcipitii, an inde longe? Puto, quia inde longe. Sic & qui jurat, in fine ambulat, & ambulat pedibus infirmis, quia humanis. Si offenderis, deorsum is; si lapsus fueris, deorsum is. Et quid te excipit? Perjurii poena. Ergo volebas verum jurare; audi consilium Dei: Noli jurare. . . Falsa juratio, exitiosa est; vera juratio, periculosa est; nul-

Præclara S. Augustini sententia contra jurandi consuetudinem.

Perjurio proximus est, qui frequenter jurat.

la juratio, secuta est „ „. Qua autem ratione gerere se debeat Sacerdos, qui a confessionibus est erga eos, qui in proxima peccandi occasione versantur, & periculum amant, vel ex consuetudine, & habitu peccant, in Tract. de poenitentia dictum est.

R E G U L A X X X.

Qui per fidem suam passim, crebro, & sine causa jurant, temerarii juramenti rei sunt.

Sive enim fides illa superior intelligatur, qua fideles dicimur, qua in Deum credimus, qua Christiani, & Catholici sumus; siue ea, quæ vulgo etiam fides dicitur, quæ societatis humanæ vinculum est, quam & Deus imperat, ne cuiquam fraudem faciamus, ut fidem quisque servet in negotio, ut fidem servet uxori in lecto; quam exigimus a servo, & in illo amamus, quam non videmus oculis carnis, sed oculis cordis; Deum testem appellari certum est, cujus veritas, quæ non est aliud quam ipse, in utraque fide, modo licet diverso, promicat. Unde sicut illos, qui *Per veritatem*, aut *per charitatem*, quippiam asserendo, vel negando, se jurare non putabant, temerarii juramenti reos esse declaravit *Carolus magnus* in Capitulari ab Episcopis approbato, si absque necessitate aut justa causa, has asserendi, vel promittendi formulas usurparent; reos vero perjuri, si falsum assererent, aut promitterent, ita signatus fuisse

De secundo Decalogi præcepto. 621

me nono , c. 62. „ „ Habemus in lege Domini præcipiente: *Non perjurabis in nomine meo, nec pol-* Lev. 19.
tues nomen Dei tui, neque assumes nomen Domini Dei tui in vanum. Ideo omnino admonendi sunt omnes diligenter, ut caveant perjurium, non solum in sancto Evangelio, vel in Altari, seu in Sanctorum Reliquiis, sed in communi loquela; quia sunt aliqui, qui per charitatem, & veritatem jurant, & cavent se a juramento nominis Dei, & nesciunt, quod idem est Deus, quod charitas, & veritas, dicente Joanne Apollolo, quia *Deus charitas est.* Item ipse Dominus in Evangelio: *Ego sum via, & veritas.* 2. Joann. 4.
 Ideo, Joann. 14. qui in veritate, & charitate jurat, in Deo jurat „ „.

Præterea, qui per fidem suam, & veritatem aliquid asserit passim, & absque necessitate, Christi mandatum transgreditur (Matth. 5.) *Sit autem* (inquit) *sermo vester, est, est: Non, non; quod autem bis abundantius est, a malo est.* Hinc S. Clemens Alexandrinus lib. 7. *Stromatum* perfectum Christianum describens, ait: „ „ Propter seipsum autem multo minus mentietur, aut pejerabit, siquidem nunquam sua sponte in seipsum injustus invenietur. Sed neque jurat, ut qui in affirmatione quidem: Ita, vel, est; in negatione autem, Non, usurpare constituerit. Jurare enim est jusjurandum, vel tanquam jusjurandum mente conceptum proferre affirmative. Sufficit ergo ei, vel affirmationi, vel negationi addere illud: Vere dico, ut fidem eis faciat, qui responsi ejus non perspiciunt stabilitatem. Oportet enim eum habere apud externos quidem vitam fide dignam, ne postuletur quidem ab eo jusjurandum; apud seipsum autem, & qui cum eo conversantur, animi æquitatem, quæ est justitia voluntaria. . . Qui ne jurat quidem, multum abest, ut sit pejeraturus; qui autem nihil transgreditur, ex iis, quæ pacta, & conventa sunt, is nunquam juraverit, cum transgressionis, & perfectæ observationis in factis alia sit ei confirmatio; sicut certe mentiri, & pejerare in dicendo, & jurando, est præter officium. Qui autem juste vivit, nihil ex
 iis,

lis, quæ decet, fieri transfiliens, ubi examinatur iudicium veritatis, is factis vere, & sancte jurat. Est ergo ei superfluum linguæ testimonium „

R E G U L A XXXI.

Blasphemia crimen est perjurio gravius.

Blasphemiz crimen quam grave.

Colligitur ex *S. August.* lib. *Contra Mendacium*, cap. 19. „ Ideo autem pejus est blasphemare, quam pejerare, quoniam pejerando falsæ rei adhibetur testis Deus, blasphemando autem de ipso falsa dicuntur Deo. Tanto est autem quisque inexcusabilior, siue perjurus, siue blasphemus, quanto magis ea, quæ pejerando, vel blasphemando asserunt, falsa noverunt esse, vel credunt „ De hoc crimine ait Sapiens, *Eccles.* 23. 15. postquam de assidua juratione locutus est: *Est & alia loquela contraria morti* (hoc est, maxime mortifera) *Non inveniatur in veritate Jacob.* Usque enim adeo atrox, & immane est, ut sacræ literæ hanc loquelam vocent *contrariam morti, & benedictionem Dei*, verbis scilicet contraria significantibus. 3. Reg. 11. *Benedixit Naboth Deum, & Regem*, id est, blasphemavit. Job. 1. *Si non in faciem benedixerit tibi*; id est, palam, & imprudenter blasphemaverit. Job 2. *Benedic Deo, & morere*; id est, blasphemis Deum appete, ut ab ipso percussus moriaris, & ita malorum finem accipias.

R E G U L A XXXII.

Blasphemiz reus est, quisquis cogitato, & deliberate verba in Deum, aut Sanctos contumeliosa profert, eorum significationem advertens; quamvis actua-lem blasphemandi intentionem non habeat.

Blasphemiz gravis.

Si enim blasphemiz reus est, qui ignorans blasphemat, secundum illud Apostoli 1. ad *Timoth.* cap. 1. *Prius blasphemus fui, & persecutor, & contumeliosus; sed misericordiam Dei consecutus sum, quia ignorans feci in incredulitate*; multo magis blasphemiz reus est, qui sciens verba convitii, & contumeliæ, in Deum, virginem Deiparam, aut Sanctos profert.

Hanc

De secundo Decalogi præcepto. 823

Hanc Regulam confirmat *S. Thomas*, 2. 2. qu. 13. art. 2. in responsione ad tertiam objectionem. „„ Blasphemia (*inquit*) potest absque deliberatione ex surreptione procedere dupliciter. Uno modo, quod aliquis non advertat hoc; quod dicit esse blasphemiam; quod potest contingere, cum aliquis subito ex aliqua passione in verba imaginata prorumpit, quorum significationem non considerat; & tunc est peccatum veniale; & non habet propriè rationem blasphemiae. Alio modo, quando advertit hoc esse blasphemiam; considerans significata verborum; & tunc non excusatur a peccato mortali, sicut nec ille, qui ex subito motu iræ aliquem occidit juxta se sedentem „„ Et ille ergo blasphemiae reus est, scelerisque atrocis, & immanis; qui ex subito motu iræ verba contumeliae, convitii, & improprie in Deum, & Sanctos profert; quamvis in ea ex consuetudine protumpat. Imo tanto gravius crimen est, quanto diutius infelicem animam detinet alligatam; nec refert, quod inconsiderate blasphemet; quia inconsideratio illa ex illius prava voluntate ortum habet; quam malam consuetudinem emendare negligit. Quinquennem puerum, in quo malitia diabolica prævenerat ætatem; & qui *Mox, ut ejus animo aliquid obstitisset, Majestatem Dei blasphemare consueverat*; consuetudo prava non excusavit a lethali peccato, nec immunem fecit ab æternæ damnatione: Imo puer ex consuetudine blasphemans in articulo mortis, dæmonibus sub horrida maurorum hominum forma ipsi conspicuis traditus est, ut refert *S. Greg.* lib. 4. *Dialogorum*, cap. 18.

Hujus peccati gravitatem *S. Antoninus* ostendit; *P. 2. tit. 7. cap. 5.* Maledicere Deum (*inquit*) est imprecare ei malum, ac si esset creatura; quod tamen ei non potest convenire; & sic continet blasphemiam. „„ Hoc autem semper est mortale, cum perpensis se maledicere; nec excusatur, quod ex subita ira hoc facit, vel ex more; sicut nec excusaretur ab homicidio, & consequenter a pœna mortis, si quis ex impetu iræ hoc ageret: *Psal. 26. Maledicentes autem ei*

(scilicet Deo) *disperibunt* , id est diversis modis peribunt , quia quoad animam , morte gehennæ in alia vita , & præsentis variis poenis corporeis. *Lev. 24. Qui maledixerit Deum suum , morte morietur* , scilicet corporali „ „ Hujus autem peccati gravitatem ex triplici capite demonstrat S. Archipræsul. Primo ex eo , quod viri pii crimen istud vel nominare horreant , contrarioque benedictionis nomine significant , *Job 1. & 3 Reg. 21*. Quod Judæi blasphemiam audientes , vestimenta sua in signum horroris lacerarent , ut ex cap. 26. *S. Matthæi* colligitur. Quod ex odio Dei procedere blasphemia videatur , quod certe peccatorum omnium gravissimum est. Secundo gravitatem hujus criminis ostendit ex severitate legum scelus illud vindicantium : Lex vetus poenam mortis in blasphemos decernit. Unde populo Dei iter agente per desertum ad terram promissionis , blasphemum quemdam hominem Dominus lapidari iussit (*Lev. 24.*) Lex canonica hujus criminis reis severam poenitentiam imponit. In omni etiam civitate bene constituta blasphemum multis pecuniariis , aliisve secundum leges , & statuta puniuntur. *Et Officiales in talibus locis , qui omittunt ex negligentia tales punire , graviter peccant*. Tercio gravitatem hujus criminis *S. Antoninus* ostendit , quia damnatorum occupatio est. „ „ Non aliud opus (*inquit*) in inferno exercent , nisi blasphemare Deum , & maledicere , ut de illis ait S. Joannes Apocalypsi 16. *Commandaverunt linguas suas præ dolore ; & blasphemaverunt Deum cæli præ doloribus , & vulneribus suis , & non egerunt poenitentiam ex operibus suis*. Qui ergo hoc vitio detinetur , ostendit se pertinere ad statum damnatorum , ex quo exercet artem eorum „ „

R E G U L A XXXIII.

Blasphemiz reus est , quisquis Dei nomen , aut attributum aliquod incommunicabile creature tribuit. Eiusdem criminis reus est qui sibi tribui patitur.

Illi enim divinæ derogant excellentiæ , & quod ipsi debitum est , detrahunt. Hujus peccati rei sunt
pro-

profani illi, & libidinosi amatores, qui mulierculas, quarum illecebris capti sunt, Deas appellare non erubescunt. Nec dicat aliquis ad crimén levandum, amatorio joco id, & similia proferri. In his enim, quæ Deum spectant nullus est joco locus. *Nolite errare* Gal. 6. (inquit Apostolus) *Deus non irridetur*. Blasphemiz reus esset, qui Principem virum omnipotentem aut immortalem appellaret. Blasphemiz reus fuit Herodes Agrippa, qui Týriis, & Sidoniis pacem postulantibus, eum eorum oratoribus responderet, populusque dicenti acclamaret, *Dei voces, & non hominis*, blasphemanti illam adulationem lætus excepit. Unde *confestim percussit eum Angelus Domini, eo quod non dedisset hñorém Deo; & consumptus a vermibus, expiravit*; ut habetur in actis Apostolorum, cap. 12.

REGULA XXXIV.

In foro conscientiz nemo blasphemiz reus absque gravissima poenitentia absolvendus est.

Gravioribus enim criminibus gravior poenitentia imponi debet; blasphemia autem gravissimum peccatum est, cum infidelitate quandoque conjunctum, semper ipsi affine, utpote confessioni fidei oppositum; homicidio gravius „ „ Quia enim in gravitate culpæ magis attenditur intentio voluntatis perversæ, quam effectus operis; ideo cum blasphemus intendat nocumentum inferre hñori divino, simpliciter loquendo gravius peccat, quam homicida „ „ (inquit S. Thom. 2. 2. qu. 13. art. 3.)

Blasphemorum poenitentia

Hanc Regulam confirmat Leo X. Pontifex maximus approbante Lateranensi Concilio Sess. 9. „ „ Id foro autem conscientiz (inquit) nemo blasphemiz reus absque gravissima poenitentia severi Confessoris, arbitrio injecta, possit absolvi „ „ Poenas præterea graves pro ratione sceleris idem Pontifex, Conciliumque in blasphemos decernunt, forum exterius spectantes. Hanc Leonis X. & Lateranensis Concilii Constitutionem S. Pius V. confirmavit. Secundum S. Pius V. hanc in blasphemos agenda decrevit Concilium in Constit.

que inci-
pit: Ut pri-
mum.

Mediolanense 1. sub *S. Carolo Burromao*, P. 1. tit. De Blasphemia: „ „ Blasphemiae (*inquit*) impudentia, & impietas eo prolapsa est, ut in ea coercenda vix satis diligentiae adhiberi posse videatur. Itaque sacris Canonibus, & Pontificum Decretis, maxime vero his, quæ Leo X. in Lateranensi Concilio decrevit, innixi, hæc mandamus: Ut quicumque Deo palam, seu publice maledixerit: contumeliosisque, aut obscœnis verbis Dominum nostrum Jesum Christum, vel gloriosam Virginem Mariam ejus matrem, expresse blasphemaverit; si Clericus sit, primum fructibus unius anni beneficiorum ecclesiasticorum, quæcunque habuerit, mulctetur. Si iterum in eo peccarit, eo beneficio, quod habet, privetur; & si plura obtineat, eo privetur, quo Ordinarius privandum censuerit. Si tertio blasphemaverit, dignitates, ac beneficia omnia, quæcunque habuerit, eo ipso amittat, ad eaque deinceps retinenda, aut obtinenda inhabilis sit. Si vero Laicus fuerit, primum, aut etiam secundo pecunia mulctetur, ex præscripta in eodem Concilio ratione. Tertio, gravem poenitentiam publice agat, eo modo, quo a sacris Canonibus præscriptum est. Qui vero Sanctos blasphemavit, aut in Deum, & gloriosam Virginem maledicta, non tamen palam, aut publice contulerit, mitius aliquanto judicis arbitrio puniatur. In foro autem conscientiae, ei, qui blasphemiae reus fuerit, gravem pro modo

pulum Parochi, hoc Confessarii, hoc Concionatores sæpissime docebunt „ „

Concilium Avenionense anno 1594. tit 58. *Leonis X. & Pii V.* Constitutiones adversus blasphemos promulgat, & observari jubet: „ „ In execrabili (inquit) blasphemiae scelere, quod ad hæresim, quæ summa blalphemia est, proxime accedit, radicitus convellendo: non minorem curam, studiumque ponere debet Episcopus, quippe quo iusta ira Dei contra nos accenditur, ac incitatur. Quare Episcopus contra huiusmodi detestabiles homines, qui tale crimen committunt, ex sacrorum Canonum jure, tum præsertim ex sanctione Leonis X. in Concilio Lateranensi edita, & S. Pii V. Constitutione, quo adeo netarium scelus non modo compescatur, sed plane tollatur, severissime animadvertat „ „

Concilium Narbonense anno 1609. cap. 8. statuit, „ „ Si quis ore impuro blasphemarit; si Clericus sit, excommunicetur, & arbitrio Ordinarii puniatur; sin vero Laicus, & monitus pro prima, secunda, & tertia vice, adhibitis duobus saltem testibus non destiterit; a Catholicorum cœtu expulsus, publice excommunicatus per Parochum declaretur „ „

Eandem Regulam confirmat Synodus Trecentia anno 1427. ita statuens: „ „ Sunt nonnulli tam laici, quam ecclesiastici viri qui Redemptorem suum turpiter inhonorantes, detestabilia in ejus blasphemiam faciunt juramenta, puta, per carnem suam, per sanguinem, per mortem, per plagas, per caput, per viscera, vel aliud concernens ejus humanitatem jurantes, & ipsum Redemptorem nostrum pro nobis omnibus in cruce mortem passum, iterum crucifigunt. Propter quod districte prohibemus, sub pœna quadraginta solidorum in usus pios convertendorum talia fieri de cætero juramenta, cum in non modicam ejusdem Domini nostri sonent blasphemiam. Si quis autem talia sit assuetus tacere juramenta, pro quarta vice volumus ad nos, aut pœnitentarios nostros remitti absolvendum. Si quis vero Deum negaverit, vel despi-

caverit; pro prima vice duos dies, pro secunda quatuor in pane, & aqua jejunare compelletur, pro tertia autem in scala (ut moris est) reponetur, ut ipse, qui Deum blasphemavit, a populo merito infametur.


Sed & olim christianissimi Imperatores lib. 6. Capitularium blasphemos in carcerem detrudi, & *Publica poenitentia multari*, edixerunt.

Publica
blasphemorum poenitentia.

Gregorius IX. cap. Statuimus, Ext. De Maledicis, blasphemum septem diebus Dominicis præ foribus templi stare decernit, dum *Missarum solennia* celebrantur; ultimo dierum illorum absque pallio, & calceamentis, ligatum corrigia circa collum Exomologesim facere; septem præcedentibus sextis Feriis in pane, & aqua jejunare, tres, aut duos pauperes, aut unum saltem relicere; ab Ecclesiæ aditu illis diebus abstinere. Quam poenitentiam subire, & peragere si renuat, *Ecclesiæ interdicitur ingressu, & in obitu ecclesiastica careat sepultura.*

Vetus poenitentiale Romanum eum, qui per capillum Dei, aut caput ejus juraverit; aut alia blasphemiae verba protulerit, si semel nesciens, id est, inconsiderate, & præcipiti linguæ motu id fecerit, septem dies poenitentiae in pane, & aqua; si secundo vel tertio increpatus id commiserit, dies quindecim in pane pariter, & aqua poenitere statuit.

REGULA XXXV.



De secundo Decalogi præcepto. 629

¶ plures dictum blasphemantem simul audiverint, singuli eum accusare teneantur, nisi forte omnes convenerint, ut unus pro cunctis tali fungatur officio „ „ Id confirmavit *S. Pius V.* Idem sanxerunt Concilium Mediolanense primum, Avenionense cap. 58. Tolosanum cap. 13. & ut prava jurandi, blasphemandique consuetudo facilius, aut tollatur, aut minuat, Sodalitates nominis Dei ex iis, qui divini cultus studiosissimi, religionisque amantissimi fuerint, hominibus constatas, institui decreverunt, hisque Regulas illas, & indulgentias tribui, quæ *Pii IV.* & *S. Pii V.* summorum Pontificum diplomatis continentur. Iis autem, qui blasphemos denunciaverint, decem annorum Indulgentiam *Leo X.* concessit.

R E G U L A XXXVI.

Gravis peccati rei sunt iudices, qui blasphemos secundum leges non plectunt.

Si enim rei sunt perfidiæ in Regem, cum crimen lætæ Majestatis dissimulant, rei sunt perfidiæ in Deum, cum ipsi irrogatas a blasphemis contumelias non vindicant. Quam ob rem *Leo X.* cum Lateranensi Concilio statuit. „ „ Ut seculares iudices, qui contra tales blasphemias convictos non animadverterint, eosque iustis pœnis minime affecerint, quantum in eis fuerit, quasi eidem sceleri obnoxii, eisdem quoque pœnis subjiciantur. Qui vero in illis inquirendis, puniendisque diligentes, & severi fuerint, pro qualibet vice decem annorum Indulgentiam consequantur. &c. „ „ Id a *S. Pio V.* Concilio Mediolanensi primo, Tolosano, Avenionensi, confirmatum. Clerus gallicanus in Conventu Melodunensi anno 1579. Iudices per Deum ipsam obtestatur, ut gravibus pœnis blasphemos, & temere jurantes plectant, ad flagitia illa e medio tollenda. „ „ Et quoniam (*inquit*) non multo meliores sunt hæreticis ipsi blasphemi, & publice, temere, & impudenter jurantes; utroque & Pastores, & Principes, ac Magistratus humiliter ob-

Blasphemorum punitio.

secramus, & per ipsissimum Deum obtestamur, ut utroque gladio, & spiritali, hoc est ecclesiastico, & materiali, civili scilicet, nitantur tam impia scelera, & flagitia e medio tollere. Quod si vir multum jurans censetur repletus iniquitate, & plaga nusquam discessura est de domo illius; quis non veretur tantam vitiorum cohortem ex eadem radice produsse, & plagas nusquam e medio nationis nostræ discessuras, nisi sublata prius temere, & impudenter, ne dicam impune jurandi, & blasphemandi licentia? Quod si in laicos tam grave piaculum gravi poena expiandum est; in Clericos, si qui hujus generis inventi fuerint, gravissima diluendum est, juxta veteres Canones, & christianissimorum Principum leges, & Constitutiones. Legendæ Constitutiones S. Ludovici, Philippi Valensii, Caroli VII. Ludovici XI. Henrici II. Caroli IX. in Comitibus Aurelianensibus art. 23. & Molinensibus, art. 86. Henrici III. in Comitibus Blesensibus art. 35. & 4. Decembris 1581. Ludovici XIII. & Ludovici magni contra blasphemos editæ, & Parisiensis supremæ Curiae Senatus-consulta, quibus hujus criminis reos, pro blasphemiarum atrocitate, multis pecuniariis, exilio, virgis, ferri candentis in utroque labio inustione, & linguæ perforatione, proscriptione bonorum, multa honoraria, seu publica veniæ deprecatione ante Ecclesiæ fores, nudis capite, & pedibus, accensa manibus face, supine e collo pendente, poena denique capitis sæpe damnarunt. Constitutiones illas Regum christianissimorum, & æquissima Senatus consulta legere est Tomo I. Commentariorum Cleri gallicani, cap. 21.

Sed & Justinianus Imperator Auth. Collatione 6. tit. 6. c. 1. blasphemos ultimo supplicio affici jubet, Quoniam (inquit) quidam blasphemata verba, & sacramenta de Deo jurant, Deum ad iracundiam provocantes; illis injungimus abstinere ab hujusmodi, & aliis blasphemis verbis, & non jurare per capillos, & caput, & his proxima verba. Si enim contra homines factæ blasphemiae impunitæ non relinquuntur, multo ma-

De tertio Decalogi præcepto. 631

gis qui ipsum Deum blasphemant, digni sunt supplicia sustinere... Propter talia delicta, & fames, & terræ motus, & pestilentia fiunt. Et propterea admonemus abstinere ab huiusmodi illicitis; ut non suas perdant animas... Præcipimus Præfecto civitatis permanentes in prædictis illicitis, & impiis actibus post hanc admonitionem nostram comprehendere, & ultimis subdere suppliciis „ „

Denique legibus Canones consentiunt, seu leges Canonibus, ut constat ex Canone *Si quis*, qui Pio Papæ tribuitur, causa 22. qu. 1. cujus hæc sunt verba: „ „ Si quis per capillum Dei, vel caput juraverit, vel alio modo blasphemia contra Deum usus fuerit, si in ecclesiastico Ordine est, deponatur; si laicus anathematizetur... Si quis autem talem hominem non manifestaverit, non est dubium, quin divina condemnatione coerceatur. Sed si Episcopus ista emendare neglexerit, acerrime corripiatur „ „

C A P U T V.

De tertio Decalogi præcepto.

Præclaro sibi cohærent ordine tria ista primæ tabulæ præcepta, quæ ad Dei cultum referuntur. Primum enim præceptum interiorem Dei cultum præcipue spectat, qui in fide, spe, & charitate positus est. Verum cum ex abundantia cordis os loquatur, & fieri non possit, quin lingua animi nostri interprete id significemus, quod mente sumus complexi, secundum præceptum convenienter sequitur, quo docemur, quomodo de Deo loqui debeamus. Jam vero tertium, cujus explicationem aggredimur, amborum illorum consummatio est, quo exterior Dei cultus præscribitur, ac determinatur his verbis: *Memento, ut diem Sabbati sanctifices. Sex diebus operaberis, & facies omnia opera tua, septimo autem die Sabbatum Domini Dei tui est; non facies omne opus in eo, tu, & filius tuus, & filia tua, & servus tuus,*

Exod. 20.

& ancilla tua, jumentum tuum, & advena, qui est intra portas tuas. Sex enim diebus fecit Dominus cælum, & terram, & mare, & omnia, quæ in eis sunt, & requievit die septimo, idcirco benedixit Dominus dici Sabbati, & sanctificavit eum.

ARTICULUS PRIMUS.

Quis sit hujus præcepti sensus.

Sabbatum, Hebraicum nomen, latine *cessatio* dicitur, sive *requies*. Idcirco dies septimus Sabbati nomen apud Hebræos obtinuit, quoniam absoluta, perfecta que mundi universitate, Deus ab omni opere, quod fecerat, requievit, Exod. 35. *Septimus dies erit vobis sanctus, Sabbatum, & requies Domini.* Postea vero non solum septimus dies, sed ob ejus dignitatem ipsa etiam hebdomada eo nomine appellata est. Unde Phariseus Lucæ 18. agebat: *Jejunio bis in Sabbato.*

II. Initio hujus præcepti populus ad illius recordationem excitatur hoc verbo, *Memento*; cujus rei tres rationes tradit Concilii Tridentini Catechismus. Prima hæc est, quia etsi naturæ lex aliquo tempore Deum religionis ritu colendum esse doceat, hoc tamen, quo potissimum die fieri debeat, non præscribit.

Secunda est, quia homines tota hebdomada opus ita facere convenit, ut diem Festum semper in mente habeant, quo operum suorum Deo quodam modo reddere debent rationem; sic enim ea duntaxat efficiunt opera, quæ Dei judicio non repudientur, & eo animo, ac modo, quo ipsi grata, & accepta fore confidunt.

Tertia est, quia defuturæ non erant occasiones, quibus apud homines carnales hujus præcepti sur-reperet oblivio; nec defunt etiamnum, per quas ab illius observantia, quatenus Christianos spectat, avocemur, partim aliorum, qui illud negligunt, exemplo, partim spectaculorum, ludorumque studio, quibus

bus humana curiositas, & libido illicitur, ac delectatur. Ideo Deus homines hujus præcepti memores esse jubet; *Memento, ut diem Sabbati sanctifices.*

III. Sanctificatio porro Sabbati cessatio est a corporis laboribus, & negotiis, quod significant hæc præcepti verba: *Non facies omne opus in eo.* Est præterea exercitatio in pietatis, & religionis officiis, quod significat hoc verbum, *Sanctifices.* Verus itaque, ac proprius hujus præcepti sensus eo spectat, ut homo statuto aliquo tempore a negotiis, corporisque laboribus feriat, Deum corpore, & animo recolat, ac veneretur. Requies igitur ab omni opere servili hoc præcepto jubetur, id est, ab eo corporali opere, ad quod servi, & jumenta adhibentur. Imò illicitum erat Judæis dis Sabbati coquere cibos, aut iter agere, *Exod. 16.* Et quia feria sexta parabantur, quæ vitæ usui necessaria erant in crastinum, dicebatur illa *Parascepe*, id est, præparatio. Illicitum etiam erat eis vendere, & emere (2. *Esdra* 13. 15.) Atque prohibitum non erat necessitatem corporis sui, vel aliorum sublevare, dampnum subitum avertere, in operibus Dei cultum spectantibus occupari. Unde, qui Sabbato comedebat, medebatur homini, pecora adequabat, ovem, aut jumentum e fovea educebat, Sabbati violator minime censendus erat; similiter nec Sacerdotes in Templo iis vacantes operibus, quæ Sacrificia spectabant, ut explicat Christus, *Matth. 12.* Nec etiam violati Sabbati rei fuerunt Machabæi ea die bello se defendentes (*Machab. 11. 41.*) Rationem affert Christus, *Marci 2. 27.* Quia Sabbatum propter hominem factum est, & non homo propter Sabbatum. Id est, non ob cæremonias temporales, cultumque externum religionis conditus est homo; sed illæ in bonum, & salutem hominis sunt institutæ. Quamobrem inter cætera præcepta potissimum est præceptum charitatis, ad quam velut ad finem cætera debent referri, & illius etiam intuitu prætermitti, si aliqua detur occasio, ubi cum illo simul observari non possint. Unde & ipsum Sacrificium missæ

ricordiæ postposuit Deus Osee 6. *Misericordiam volo (inquit) & non Sacrificium*. Id est, Sacrificium nolo, si misericordiæ, & charitatis opus impediat, quod excellentius omnino, mihiq;e gratius sacrificium est.

IV. Certus dies divino cultui dicatus est, quia rudī populo minus expediebat habere facultatem temporis arbitrato suo deligendi, ne forte Ægyptiorum sacra imitaretur, eorumque superstitionibus se contaminaret. Dies autem septimus ad Deum colendum institutus est ad Mysterii unius significationem. Unde Dominus Exodi 31. Signum vocat; *Videte (inquit) ut Sabbatum meum custodiat, quia signum est inter me, & vos in generationibus vestris, ut sciatis, quia ego Dominus, qui sanctifico vos.*

Et Ezech. 20. 12. *Insuper & Sabbata mea dedi eis, ut essent signum inter me, & eos; & scirent, quia ego Dominus sanctificans eos.* Signum autem fuit imprimis, quod homines Deo se dedicare debebant, cum dies etiam illi dicatus sit, qui Sanctus appellatur, quia tum præcipue sanctitatem, & religionem colere hominibus incumbit. Secundo, signum est, & quasi monumentum conditæ a Deo universitatis, Exod. 31. 17. *Pactum est sempiternum inter me, & filios Israel, signumque perpetuum. Sex enim diebus fecit Dominus calum, & terram, & in septimo ab opere cessavit.* Tertio signum fuit Israelitarum memoriæ commendatum, quo admoniti, se Dei beneficio singulari ex durissimo servitutis Ægyptiacæ jugo liberatos meminissent, & liberatori suo gratias agerent immortales. Deut. 5. 15. *Memento (inquit Dominus) quod & ipse servieris in Ægypto, & eduxeris te inde Dominus Deus tuus in manu forti, & brachio extenso. Idcirco præcepit tibi, ut observares diem Sabbati,*

ARTICULUS II.

Utrum præceptum de sanctificatione Sabbati Christianos etiam spectet.

Est in hoc præcepto quiddam, quod ad cæremoniam; est, quod ad mores pertineat. Quod se
pti.

ptimus dies quieti, & vacationi a servilibus operibus assignatus fuit, erat cæremonia; quod autem in contemplandis Dei beneficiis, in hymnis, precationibus, sacrificiis, aliisque pietatis operibus dies illæ consumebatur, morale fuit. Sublata cæremonia, remansit, quod ad mores pertinet. Id enim discriminis inter istud præceptum, & reliqua Decalogi præcepta intercedere, Concilii Tridentini Catechismus observat, quod illa naturalia sint, & perpetua, neque mutari ulla ratione possint; unde populum christianum non minus spectant, quam Israeliticum; quamvis illa Christiani observent, non quia lege mosaica tradita sunt, sed quia naturæ lege omnium animis inscripta ad illorum observantiam impellantur. Hoc autem de cultu Sabbati præceptum, si statutum tempus spectetur, non fixum, & constans est, sed mutabile; neque ad mores, sed ad cæremonias pertinet; neque naturale est, quoniam non a natura ad id edocti, aut instituti sumus, ut illo die potius quam alio externum cultum Deo tribuamus; sed ex eo tempore, quo populus Israel a servitute Pharaonis liberatus est, diem sabbati colere cœpit. Cultus autem ille temporarius erat, ut reliquæ legis cæremoniæ, quæ figuræ erant, & quasi adumbratæ imagines lucis, & veritatis, quæ est Christus Jesus; cuius adventu, & morte antiquandæ erant, & abrogandæ. Hinc S. Paulus ad Galatas scribens, mosaici ritus cultores, & judaicarum Feriarum observatores his verbis reprehendit: *Dies observatis, & menses, Gal. & tempora, & annos; timeo vos, ne forte sine causa laboraverim in vobis.* Aliquid tamen habet tertium istud præceptum, quod ad mores, naturæque jus attineat. Nam Dei cultus, ac religio, quæ hoc præcepto exprimitur, naturæ jure existit; cum istud naturæ lex, quæ apud homines universos una est, postulet, ac præscribat, ut aliqua temporis parte in his, quæ ad Dei cultum pertinent, versemur; & quemadmodum curando corpori, sic menti in Dei contemplationem reficiendæ aliquid etiam temporis

tribuamus. Unde apud nationes omnes statas quas-
dam ferias, easque publicas fuisse nemo nescit, quæ
sacris rebus, ac divinis obeundis erant consecratæ.

Ceremo-
nialis Sab-
bati cele-
bratio solos
Judæos spe-
ctabat.

Externi itaque, literalis, & cæremonialis Sabbati
observantia Judæos duntaxat spectabat; sed spirituale,
& cœleste Sabbatum ad Christianos etiam pertinet.

Spirituale
Sabbatum
iustorum.

„ Spirituale autem Sabbatum (inquit Concilii Tri-
„ dentini Catechismus) in sancta quadam, & mystica
„ quiete consistit; nimirum cum vetus homo Christo
„ consepultus ad vitam renovatur; atque in actioni-
„ bus, quæ christianæ pietati conveniunt, studiosè
„ se exercet. Debent enim, qui aliquando erant te-
„ nebræ, nunc autem lux in Domino, ut filii lucis
„ ambulare, in omni bonitate, & justitia, & veritate,
„ neque communicare operibus instructuosis tenebra-
„ rum. Spiritale itaque Sabbatum celebrat homo,
„ cum a pravis suis operibus quiescit. „ Unde S. Pau-
lus scribit ad *Hebræos* 4. cap. *Qui ingressus est in re-*
quiem ejus, etiam ipse requievit ab operibus suis, sicut
& a suis Deus. Quies illa peccatoris est quies Dei;
tum quia Dei quietem in se ipso post opera sex die-
rum quiescentis imitatur; tum quia Dei donum est,
qui gratiam deinceps non peccandi largitur. *Non pec-*
care enim sanctificationis est, id est, muneris Dei per
Spiritum sanctum (inquit S. August. lib. *De Spiritu,*
& litera, cap. 16.) Spirituale Sabbatum celebrant ju-
sti, cum Dei cultui, pietatisque operibus vacantes,

scunt, quia conversatio eorum in coelis est, ubi Deus nos a morte peccati per gratiam suam suscitatos *considerare fecit in Christo Jesu*, ut loquitur Apostolus ad Ephes. 2. Creaturas itaque nonnisi *transitoria*, & ad Deum ordinata, Deum solum *mansoria dilectione* prosecuti, ad coeleste Sabbatum festinant, quæ est illa vita, qua omnibus bonis cum Christo viventes fruemur, peccato, & cupiditatibus omnibus radicitus extirpatis, secundum illud Isaïæ 35. *Non erit ibi leo, & mala bestia non ascendet per eam. . . Sed via sancta vocabitur. . . Et redempti a Domino venient in Sion cum laude; & latitia sempiterna super caput eorum: Gaudium, & latitiam obtinebunt, & fugiet dolor, & gemitus.* De coelesti illo Sabbato Apostolus scribit ad Hebræos 4. *Timeamus ergo, ne forte relicta pollicitatione introeundi in requiem ejus, existimetur aliquis ex vobis deesse. . . Ingrediemur enim in requiem, qui credidimus; quemadmodum dixit: Sicut juravi in ira mea, si introibunt in requiem meam; & quidem operibus ab institutione mundi perfectis. Dixit enim in quodam loco de die septima sic; Et requievit Deus die septima ab omnibus operibus suis. Et in isto rursus: Si introibunt in requiem meam. Quoniam ergo superest introire quosdam in illam, & ii, quibus prioribus annuntiatum est, non introjerant propter incredulitatem; iterum terminat diem quemdam, hodie, in David discedo, post tantum temporis sicut supra dictum est; Hodie si vocem ejus audieritis, nolite obdurare corda vestra. Nam si eis Jesus requiem prastitisset, nunquam de alia loqueretur posthac die. Itaque relinquitur Sabbatismus populo Dei; qui enim ingressus est in requiem ejus; etiam ipse requievit ab operibus suis, sicut a suis Deus. Festinemus ergo ingredi in illam requiem.*

Nobis quidem nulla die, nulla hora, nullo temporis momento vacandum non esset divinorum beneficiorum contemplationi, ad quam ipse nos invitat, dicens: *Vacate, & videte, quoniam ego sum Deus: Ps. 45. 17.* Vacate a curis, & seculi negotiis, & in sancto otio, & quiete videte, quod ego sum, qui creavi vos: Ego sum,

sum, qui, ne cum vitio vestro periissetis, Filio meo pro vobis morti tradito, denuo per eum vos quasi creavi, ut sitis nova in Christo creatura; & sicut portastis quondam imaginem terreni, ita nunc portetis imaginem coelestis hominis, neque jam litus deinceps Adæ filii, sed Dei, fratres autem, & coheredes Christi. Hæc tanta beneficia recogitate; mihi quæ uni, cui omnia debetis, ex toto corde diligendo, colendo vacate. Quod igitur a nobis exigit ipse Dominus, qui nos etiam laborantes; & oneratos ad se venire jubet, quod in eo simus animabus nostris requiem inventuri, hoc nobis semper faciendum esset: Cæterum tale Sabbatum celebrare, sic totos Dei, & beneficiorum ejus contemplationi vacare, non est hujus seculi, non est hujus corporis; quod corrumpitur, quod aggravat animam, quod deprimit sensum ea, quæ sursum sunt, cogitare volentem. Sabbatismus hic, sive requies, non est hujus peregrinationis, sed coelestis erit illius patriæ, manentisque civitatis, quam futuram inquirimus; ubi vacabimus; & videbimus, amabimus, & laudabimus absque ullo fastidio, absque ulla defatigatione; cum, qui desideriorum nostrorum omnium finis est, Dominum Deum nostrum; qui erit omnia in omnibus, & inter eos numerabimur; de quibus dicitur Psalm. 83. *Beati, qui habitant in domo tua, Domine, in secula seculorum laudabunt te.* Perpetuum illud Sabbatum demonstratur potius nobis, ut

illa requie non desidiosa segnitia, sed quædam ineffabilis tranquillitas actionis otiosæ. Scio enim, ab hujus vitæ operibus in fine requiescitur, ut in alterius vitæ actione gaudeatur. Sed quia talis actio in Dei laude agitur, sine labore membrorum, sine angore curarum, non ad eam sic transitur per quietem, ut ipsi labor succedat, id est, non sic esse actio incipit, ut esse desinat quies; neque enim reditur ad labores, & curas, sed permanetur in actione, quod ad quietem pertinet, nec in opere laborare; nec in cogitatione fluctuare. Quia ergo per requiem ad primam vitam reditur, unde anima lapsa est in peccatum, propterea Sabbato requies significatur „ „. Hæc quidem ille de Sabbato cœlesti, & sempiterno.

De spiritali vero Sabbato paulo post sic loquitur: „ „ Sabbathum tamen commendatum est priori populo in otio corporaliter celebrandum, ut figura esset sanctificationis in requie Spiritus sancti. Nulquam enim legimus in Genesi sanctificationem per omnes priores dies, sed de solo Sabbato dictum est: *Et sanctificavit Deus diem septimum.* Amant enim requiem sive piæ animæ, sive iniquæ; sed qua perveniant ad illud, quod amant, plurimæ nesciunt; nec aliquid appetunt etiam ipsa corpora ponderibus suis, nisi quod animæ amoribus suis. Nam sicut corpus tamdiu nititur pondere, sive deorsum versus, sive sursum versus, donec ad locum, quo nititur, veniens conquiescat. Sic animæ ad ea, quæ amant, propterea nituntur, ut perveniendo requiescant. Et multa quidem per corpus delectant, sed non est in eis æterna requies, nec saltem diuturna, & propterea magis sordidant animam, & aggravant potius, ut sincerum ejus pondus, quo in superna fertur, impediant. Cum ergo anima se ipsa delectatur, nondum re incommutabili delectatur, & ideo adhuc superba est, quia se pro summo habet, cum superior sit Deus. Nec in tali peccato impunita relinquitur, quia *Deus superbis resistit, humilibus autem dat gratiam.* Cum autem Deo delectatur, ibi veram, certam, æternam invenit requiem.

tas actionis
otiosæ.

Animæ de-
lectatio, &
quies in
Deo.

Jacob. 4.

Psalm. 36. quem, quam in aliis quærebat, nec inveniebat. Proinde admonetur in Psalmo: *Delectare in Domino, & dabit tibi petitiones cordis tui* „ „.

Rom. 5. „ „ Quia ergo *Charitas Dei diffusa est in cordibus nostris per Spiritum sanctum, qui datus est nobis*, ideo sanctificatio in septimo die commemorata est, ubi requies commendatur. Quia vero nec bene operari possumus, nisi dono ejus adjuti, sicut dicit Aposto-

Philip. 2. lus: *Deus enim est, qui operatur in nobis & velle, & operari pro bona voluntate*; nec requiescere poterimus post omnia bona opera nostra, quæ in hac vita gerimus, nisi ejus dono ad æternitatem sanctificati,

Gen. 2. atque perfecti; propterea de ipso Deo dicitur, quia *Cum fecisset omnia opera valde bona, septimo die requievit ab omnibus operibus suis, quæ fecit*. Futuram enim requiem significabat, quam post bona opera daturus erat nobis hominibus. Sicut enim cum bene operamur, ipse dicitur operari in nobis, cujus munere bene operamur; ita cum requiescimus, ipse requiescere dicitur, quo donante requiescimus „ „.

„ „ Hinc est, quod in tribus primis præceptis Decalogi, quæ ad Deum pertinent, tertium ibi de observatione sabbati positum est, ut in primo præcepto Patrem intelligamus, ubi prohibetur coli in figmentis hominum aliqua Dei similitudo; non quia non habet imaginem Deus, sed quia nulla imago ejus coli debet, nisi illa, quæ hoc est, quod ipse,

De tertio Decalogi præcepto: 641

præcepto legis insinuat, quod scriptum est de observatione sabbati; non ut jam in ista vita nos quiescere exultemus, sed ut omnia, quæ bene operamur, non habeant intentionem, nisi in futuram requiem sempiternam „ „

„ „ Ad ipsum autem ignem amoris nutriendum, & standum quodammodo, quo tanquam pondere sursum, vel introrsum referantur ad requiem, ista omnia pertinent, quæ nobis figurate insinuantur... Ideoque inter omnia illa decem præcepta solum ibi, quod de sabbato positum est, figurate observandum præcipitur; quam figuram nos intelligendam, non etiam per otium corporale celebrandam suscepimus.

Cum enim Sabbato significetur spiritalis requies, de qua dictum est in Psalmo: *Vacate, & videte; quoniam ego sum Deus*; & quo vocantur homines ab ipso Domino dicente: *Venite ad me omnes, qui laboratis, & onerati estis, & ego vos reficiam; tollite jugum meum super vos, & discite a me, quia mitis sum, & humilis corde; & invenietis requiem animabus vestris*: Cætera tamen ibi præcepta proprie sicut præcepta sunt, sine ulla figurata significatione observamus. Nam & idola non colere manifeste didicimus; & non accipere in vanum nomen Domini Dei nostri, & honorare patrem, & matrem, & non mæchari; non occidere, non furari, non falsum testimonium dicere, non concupiscere uxorem proximi, non concupiscere ullam rem proximi, non figurate aliud præ-

tendunt; & mystice aliud significant; sed sic observantur, ut sonant. Observare tamen diem sabbati non ad literam jubemur, secundum otium ab opere corporali, sicut observant Judæi; & ipsa eorum observatio, quæ ita præcepta est, nisi aliam quamdam spiritali

requiem significet, ridenda judicatur. Unde non inconvenienter intelligimus, ad amorem excitandum, quo ad requiem tendimus, valere omnia, quæ figurate in Scripturis dicuntur; quandoquidem id solum in Decalogo figurate præcipitur, ubi requies commendatur, quæ ubique amatur, sed in solo sabbato.

Ad amorem excitandum quo ad requiem tendimus; quæ in solo Deo certa invenitur, valet præceptum typicum de observando sabbato.

Ad amorem excitandum quo ad requiem tendimus; quæ in solo Deo certa invenitur, valet præceptum typicum de observando sabbato.

Ad amorem excitandum quo ad requiem tendimus; quæ in solo Deo certa invenitur, valet præceptum typicum de observando sabbato.

Ad amorem excitandum quo ad requiem tendimus; quæ in solo Deo certa invenitur, valet præceptum typicum de observando sabbato.

Ad amorem excitandum quo ad requiem tendimus; quæ in solo Deo certa invenitur, valet præceptum typicum de observando sabbato.

Ad amorem excitandum quo ad requiem tendimus; quæ in solo Deo certa invenitur, valet præceptum typicum de observando sabbato.

Ad amorem excitandum quo ad requiem tendimus; quæ in solo Deo certa invenitur, valet præceptum typicum de observando sabbato.

Deo certa, & sancta invenitur „„. Idem tractat argumentum lib. 4. *De Genesi ad litteram*, cap. 11. & sequentibus.

Judæi carnaliter sabbatum observabant, signis duntaxat, non rebus significatis inhærentes; & sabbato non ad quietem animi in Deo comparandam, sed ad externam tantum, & corporalem quietem abusi. Unde illorum sabbata se odisse Dominus ait Isaïæ 1. *Neomeniam (inquit) & Sabbatum, & festivitates alias non feram, iniqui sunt cæcus vestri; Calendas vestras, & solemnitates vestras odivit anima mea; facta sunt mihi molesta, laboravi sustinens. Et cum extenderitis manus vestras, averte oculos meos a vobis; & cum multiplicaveritis orationem, non exaudiam: Manus enim vestre sanguine plene sunt. Lavamini, mundi estote, auferite malum cogitationum vestrarum ab oculis meis; quiescite agere perverse, discite benefacere.* In cessatione igitur a peccatis, & in bonis operibus, vera, & Deo grata Sabbati observatio posita erat, ut rursus docet Dominus Isaïæ 58. *Si averteris a Sabbato pedem tuum, facere voluntatem tuam in die sancto meo, & vocaveris Sabbatum delicatum, & sanctum Domini gloriosum, dum non facis vias tuas, & non invenitur voluntas tua, ut loquaris sermonem; tunc deleſtaberis super Domino, & sustollam te super altitudines terra, & cibabo te hereditate Jacob patris tui.* Hinc S. Joan. Chrysostomus Hom. 1. *De Lazaro*, ait: „„ Judæi putant sibi Sabbatum otii gratia fuisse datum. Verum non ista est causa, sed potius ut abducti a curis rerum temporalium, otium omne consumerent in spiritualibus. Quod enim Sabbatum non otii, sed spiritualis actionis materia sit, dilucidum est ex ipsis rebus. Nam Sacerdos ea die duplum facit operis; qui quotidie nonnisi unicam hostiam offerre solitus, Sabbato jubetur offerre geminam. Quod si prorsus esset otii dies, oportebat Sacerdotem omnium maxime otium agere. Quoniam igitur Judæi corporalium rerum curis liberati non vacabant spiritualibus, ut puta sobrietati, modestiæ, & audiendis divinis ser-

monibus, sed e contrario servientes ventris, indulgentes ebrietati, distenti cibis, delicias, audi, quomodo eos reprehendat Propheta, &c „*2*. Christiani vero non lignis, sed rebus significatis inhærentes; nec tempore observantes, sed quæ illis significantur temporibus, spiritale præsertim Sabbatum observant illis diebus, qui non jam divino jure, sed Ecclesiæ institutione, ac lege, divino cultui sunt consecrati. His scilicet diebus vi tertii præcepti se adstrictos esse norunt, ut a seculi curis, profanisque operibus liberi, toti divino cultui vacent, hoc est, orent ardentius, & copiosius, de reformandis suis, & suorum moribus serio cogitent; seque, suamque familiam ad Dei laudem, ad divinum verbum audiendum, ad piorum librorum lectionem, & ad alia pietatis, & charitatis opera incitent, ac provocent.

ARTICULUS III.

Cur Sabbati celebritas in Dominicam diem translata sit.

Cum ipso naturæ jure aliqua temporis pars esse debeat, quo res divinæ colantur, cultusque Deo debitus tribuatur, & eatenus præceptum de sanctificatione Sabbati ad mores pertineat, Apostoli ex septem hebdomadæ diebus, eum qui primus est, divino cultui consecrarunt, quem Dominicam diem dixere, cum dies solis ab Ethnicis diceretur. Diei Dominicæ meminit *S. Joannes* Apocalypsi 1. Apostolus 1. *Corinth.* 16. Collectas ad sublevandum pauperes christianos *Per unam Sabbati* fieri jubet, id est prima hebdomadæ die, qua scilicet sacri conventus Christianorum fiebant in ipsis Ecclesiæ exordiis: *Ad frangendum panem*, id est, ad Corpus Christi sumendum, ut testatur *S. Lucas Act.* 20. Legatur *S. Justinus* Apologia 2.

Mutatio autem facta est diei Sabbati in Dominicam diem; primo, quia eo die mundi creatio initium habuit. Secundo, quia eo die Christus resurrexit ad vitam immortalem, & judaico Sabbato abrogato,

Sabbati in
Dominicam
diem mu-
tatio.

Psal. 117.

Sabbatum evangelicum, quod Scriptura sacra jure appellat, nobis commendavit; ideoque is dies *Dominicus* dicitur, de quo Ecclesia canit: *Hæc dies quam fecit Dominus, exultimus, & lætemur in ea.* Tertio, quia ea die Spiritus sanctus Apostolis datus est. Quarto, ne quid Christiani cum Judæis commune habere viderentur. Has rationes ex parte profert *S. Justinus* loco mox indicato, omnesque pene colligit *S. Leo* Epist. 11. alias 81. ad *Dioscorum* Alexandrinum Episcopum, cap. 1. ubi hac die, quam *Diem Resurrectionis Dominica* vocat, sacras Ordinationes celebrandas docet: „ Quæ tantis divinarum dispositionum Mysteriis est consecrata, ut quidquid est a Domino insignius constitutum, in hujus diei dignitate sit gestum. In hac mundus sumpsit exordium. In hac per Resurrectionem Christi, & mors interitum, & vita accepit initium. In hac Apostoli a Domino prædicandi omnibus gentibus Evangelii tubam sumunt, & inferendum universo mundo Sacramentum regenerationis accipiunt. In hac, sicut *B. Joan. Evangelista* testatur, congregatis in unum discipulis, januis clausis, cum ad eos Dominus introisset, insufflavit, & dixit: *Accipite Spiritum sanctum; quorum remiseritis peccata, remittuntur eis; & quorum retinueritis, retenta erunt.* In hac denique promissus a Domino Apostolis Spiritus sanctus advenit; ut cœlesti quadam regula insinuatum, & traditum noverimus, in illa die celebranda nobis esse Mysteria sacerdotalium Benedictionum, in quo collata sunt omnia dona gratiarum „ „ Dominicam diem ob easdem rationes divino cultui ab Apostolis consecratam confirmat Concilium Parisiense 6. lib. 1. Canone quinquagesimo. Addit, eo die Manna Judæis pluiere cœpisse, ut a quibusdam Doctoribus traditur. Scilicet, non Sabbato Judæorum, sed Christianorum solemnitate, seu die, quem fecit Dominus, gratia Dei, panisque cœlestis ad homines descendit, ut observat *Origenes*, Hom. 7. in *Exodum*.

Joan. 20.

ARTICULUS IV.

De Fæſtorum dierum Obſervatione.

Sicut populus Judaicus præter Sabbatum alios etiam *De Feſtis*, ſeſtos, & ſacros dies habuit divina lege conſtitutos, quibus maximorum beneficiorum memoria renovabatur; ita chriſtianus populus alios præter Dominicam dies ſeſtos, & ſolemnes habet ab Apoſtolis in ipſo Eccleſiæ exordio, & conſeçutis deinde temporibus ab Apoſtolorum Succeſſoribus inſtitutos, ut pie, & ſancte beneficiorum Dei memoriam colamus. Inter eos autem celeberrimi habentur illi dies, qui ob religionis noſtræ Myſteria religioni conſecrati ſunt; ſcilicet Paſchatis, ſeu Reſurrectionis Domini, Aſcenſionis Dominicæ, Pentecoſtes, Trinitatis, Corporis Chriſti, Natalis Domini, Circumciſionis, Epiphaniæ. Deinde qui ſanctiſſimæ Virgini *Mariæ*, Dei matri; tum qui Apoſtolis, & Martyribus, cæteriſque Sanctis cum Chriſto regnantibus, ſeu potius Deo in illorum memoriam dicantur; in quibus Deo gratiæ aguntur ob dona illis collata; Dei bonitas, & potentia laudatur, cujus munere hunc mundum cum omnibus ſuis erroribus, amoribus, & terroribus vicerunt; de hoſte humani generis mirabiliter triumpharunt; & depoſitis mortalitatis exuviis feliciter in cœlis ad vitam immortalem ſunt renati. Unde dies, quo objerunt, *Natalis* illorum eccleſiaſtico loquendi more appellatur. Ipſis debiti honores illis diebus tribuuntur, dum in divinis officiis, & ad Altare Domini memoria eorum agitur, & laudatur Deus in Sanctis ſuis; ad eorum denique imitationem fidelis populus incitatur, quoniam *Solemnitates Martyrum, exhortationes ſunt Martyriorum* (inquit *S. Auguſt.*)

Fæſtorum dierum inſtitutio Apoſtolis, eorum Succeſſoribus a Chriſto conceſſa, ſed præſertim *S. Petri* in Eccleſiæ univerſæ regimine Succeſſoribus romanis Pontificibus & generalibus Conciliis, quorum auctoritate Feſti dies toti Eccleſiæ præſcribi poſſunt; cum a cæteris Episcopis in eorum duntaxat Dioceſibus,

Ad quos
pertineat
feſtorum
dierum in-
ſtitutio.

646 Theol. Dog. & Moral. Lib. IV.

Festi qui-
dam dies
ab Aposto-
lis instituti.

a Conciliis provincialibus, & nationalibus in Provin-
ciis, & Regnis, ex quibus congregata sunt, insti-
tuta valeant. Sic dies festos Passionis, Resurrectionis,
Ascensionis Domini, & Pentecostes, Apostolos insti-
tuisse non dubitamus, de quibus *S. August.* Epist. 54.
alias 118. ad *Januarium*, cap. 1. „ „ Illa autem (*in-*
quit) quæ non scripta, sed tradita custodimus, quæ
quidem toto terrarum orbe servantur, datur intelli-
gi, vel ab ipsis Apostolis, vel a plenariis Conciliis,
quorum est in Ecclesia saluberrima auctoritas, com-
mendata, atque statuta retineri, sicut quod Domini
Passio, & Resurrectio, & Ascensio in cælum, & Ad-
ventus de cælo Spiritus sancti, anniversaria solemni-
tate celebrantur, & si quid aliud tale occurrit, quod
servatur ab universa, quacunque se diffundit, Eccle-
sia „ „ Festum diem Natalis Domini *S. August.* Epi-
stola sequenti commemorat, & ad eundem anni diem
semper redire testatur. Constitutionum apostolica-
rum lib. 8. cap. 33. Festum Epiphaniæ, Festi dies
Apostolorum, S. Stephani Protomartyris, aliorum
etiam SS. Martyrum notantur.

Natales
Martyrum
dies primis
Ecclesiæ se-
culis cele-
bres.

Natales Martyrum dies primis Ecclesiæ seculis ce-
lebres extitisse, Ecclesiæ Smyrnenlis Epistola de Mar-
tyrio *S. Polycarpi*, apud *Eusebium* lib. 4. *Historia ec-*
clesiastica, cap. 15. testatur. „ „ Ossa illius (*inquiunt*)
gemmis pretiosissimis, & quovis auro puriora colli-
gentes, ubi decebat, condidimus. Quo etiam in loco
nobis, si fieri poterit, convenientibus, concedat Deus
Natalem ipsius Martyris diem cum hilaritate, & gaudio
celebrare; tum in memoriam eorum, qui gloriolo cer-
tamine perfuncti sunt, tum ad posteros hujusmodi
exemplo instruendos, & confirmandos „ „

Passiones, & dies Martyrum anniversaria com-
memoratione celebrari, *S. Cyprianus* testatur Epist. 34.
& dies, quibus excedunt, annotari jubet, Epist. 37.
„ „ Ut commemorationes eorum (*inquit*) inter me-
morias Martyrum celebrare possimus. Quamquam
Tertullus fidelissimus, & devotissimus frater noster
significet mihi dies, quibus in carcere beati fratres

nostri ad immortalitatem gloriosæ mortis exitu transeunt, & celebrentur hic a nobis Oblationes, & Sacrificia ob commemorationes eorum, quæ cito vobiscum, Domino protegente, celebrabimus „„ De Constantino Imperatore scribit *Eusebius* in ejus vita, L. 4. missam ab eo legem ad Præsides provinciarum: *Ut diem Dominicam etiam ipsi venerarentur, eisdemque Festos Martyrum dies jussu Principis observasse, & Ecclesiasticarum Festivitatum tempora honore debito fuisse prosecutos.* Martyrum Natalicia quadragesimali tempestate celebrari prohibuit Synodus Laodicensis, can. 51. eorumque memorias Sabbatis tantum, & Dominicis eo tempore celebrari permisit. S. Joan. Chrysostomi Homiliæ, S. Augustini, & S. Leonis Sermones, monumenta sunt certissima. ex quibus Festos dies Mysteriis Domini, & victoriis Martyrum commemorandis, & celebrandis consecratos fuisse constat.

Idem confirmat vetus Kalendarium Carthagenensis Ecclesiæ, quo non solum primaria hæc Africæ Sedes, sed tota quanta fuit Africana ipsa Ecclesia usa est ante annos fere mille ducentos editum a Domino *Mabilonio* Tomo 3. *Veterum Anacletorum.* In eo præter Natale Domini, & Festa Apostolorum *Petri, & Pauli, Andrea, Jacobi, Luca Evangelistæ, Nativitatem S. Joan. Baptista, Festum SS. Innocentium, S. Stephani, S. Laurentii, SS. Machabæorum, SS. Gervasii, & Protasii, & plurimorum Martyrum, qui africanam Ecclesiam illustrarunt, Festa etiam SS. Episcoporum Africanorum Grati, Genetlii, Aurelii, Capreoli, Restituti, Augustini, Quodvultdei, Deogratias, & Eugentii* adscribuntur.

Concil. Agathense anno sexto supra quingentesimum, can. 22. de Festorum religiosa celebratione ita sanxit: „„ Si quis extra parochias, in quibus legitimus est, ordinariusque conventus, Oratorium in agro habere voluerit, reliquis Festivitatibus, ut ibi Missas teneat, propter fatigationem familiæ, iusta ordinatione permittimus. Palcha vero, Natale Domini,

ni, Epiphaniam, Ascensionem Domini, Pentecosten, & Natalem S. Joan. Baptistæ, vel si qui maximi dies in Festivitatibus habeantur, nonnisi in civitatibus, aut Parochiis teneant. Clerici vero, si qui in Festivitatibus, quas supra diximus, in Oratoriis, nisi jubente Episcopo, Missas facere, aut tenere voluerint, a Communionem pellantur „ „

De religioso Festorum cultu non absimilia Decreta ediderunt Concil. Aurelianse 1. Can. 25. & 17. Turonense 2. anno 567. Can. 17. 18. & 22. Circumcisionis Festi, S. Martini, & Cathedræ S. Petri mentionem faciens. Cabilonense anno 650. Can. 19. *Chilbertus* Rex christianissimus in Constitutione *De abolendis reliquiis idololatriæ, & sacrorum dierum Festivitatibus caste celebrandis.*

Concilium Moguntinum anno 813. celebratum, can. 36. Festos dies per annum celebrandos statuit, scilicet, *Diem dominicam Paschæ*, cum tota hebdomada Paschali; *Diem Ascensionis Domini*; *Pentecosten*, cum tota pariter hebdomada; *Natale Apostolorum Petri & Pauli*, *Nativitatem S. Joan. Baptistæ*, *Assumptionem beatæ Mariæ*, *Dedicationem S. Michaelis*, *Natale S. Remigii*, *S. Martini*, *S. Andreae*. In natali Domini dies quatuor; *Octavas Domini*, id est, *Circumcisionem*, *Epiphaniam Domini*, *Purificationem S. Mariæ*, & illas festivitates *Martyrum*, vel *Confessorum*, quorum in unaquaque Parochia sancta corpora requiescunt; similiter etiam *Dedicationem templi*. His adde indiculos Festivitatum lib. 1. *Capitularium*, cap. 169. & lib. 6. c. 186. descriptos; *Harardi Turonensis Archiepiscopi Capitulare*, cap. 61. capitulare *Abytonis* Basileensis Episcopi cap. 8. Tom. 6. *Spicilegii* editum. Responsum *Nicolai 1.* ad Consulta Bulgarorum, cap. 11. *Photii* Nomocanonem tit. 7. cap. 1. Concilium Salogunstadiense anno vigesimo secundo supra millesimum, can. 1. *Gregorii noni* Decretum cap. *Conquestus*, Ext. *De Feriis*, ubi judicalem strepitum conquiescere jubet diebus Festis *Natalis Domini*, *S. Stephani*, *Joannis Evangelistæ*, *Innocensium*, *S. Sylvestri*,
Cir-

De tertio Decalogi præcepto. 649

Circumcisionis, Epiphania, septem diebus Dominica Resurrectionis, Resurrectionis cum septem sequentibus, Ascensionis, Pentecostes cum duobus, qui sequuntur, Nativitatis S. Joan. Baptista, Festivitatum omnium Virginis Mariæ, duodecim Apostolorum, & præcipue Petri, & Pauli, B. Laurentii, Dedicationis B. Michaelis, Solemnitatis omnium Sanctorum, ac diebus Dominicis, ceterisque Solemnitatibus, quas singuli Episcopi in suis Diocesis cum Clero, & populo duxerint solemniter venerandas. Hanc Gregorii noni Constitutionem confirmavit Urban. VIII. Constitutione, quæ incipit, Universalis, edita 1642. Concilium tandem Tridentinum sess. 25. cap. 12. statuit; Ut dies festi, quos in Diocesi sua servandos Episcopus præceperit, ab Exemptis omnibus, etiam Regularibus, serventur.

ARTICULUS V.

De jejniis Ecclesiasticis,

S. I. *Quid sit jejunium; Quis ejus finis: Qua utilitas;*

Jejunium ecclesiasticum est *Absinentia a certo cibo.* Definitio jejunii.
rum genere, pluribusque refectioibus, secundum modum ab Ecclesia institutum, & propter finem pietati congruentem. Quoniam vero Festis jejunia ex Ecclesiæ instituto præmittuntur, congrue hic de jejunio agemus.

Finis jejunii est carnis mortificatio, & concupiscentiæ compressio; mentis ad rerum divinarum contemplationem, & ad orationem purgatio, atque præparatio; satisfactio pro peccatis, & beneficiorum divinarum impetratio. Jejunium assumitur, vel indicitur ad carnem domandam, & ad frændam concupiscentiam, ut qui sunt Christi, *carnem suam cum Gal. 2. vitiis, & concupiscentiis crucifigant, corpusque suum in servitutem redigant; quo pertinet illud Apostoli 2. ad Corinth. 6. In omnibus exhibeamus nosmetipsos sicut 1. Cor. 13. Dei ministros, in vigiliis, in jejniis, in castitate.* Secundo, assumi potest, vel indici ad mentis purgationem, ut a terrenæ concupiscentiæ laqueis defæcata, ad

650 Theol. Dog. & Moral. Lib. IV.

rerum divinarum contemplationem magis idonea sit. Hoc animo *Moyſes, Elias, Daniel*, jejunarunt, ut ſacris Literis proditum eſt. Hoc animo jejunium aſſumunt, qui jejunant, ut liberius, purius, ac devotius orent. Quo ſenſu *Tobiæ 12.* dicitur: *Bona eſt oratio cum jejunio, & eleemoſyna*; vel ut dæmones pellant, victoriamque de illorum tentationibus donante Deo reportent. Unde Chriſtus *Matth. 17.* ait: *Hoc genus non ejicitur niſi per orationem, & jejunium*; vel ad Deum promerendum, & colendum, quemadmodum *Anna Prophetiſſa Non diſcedebat de Templo, jejuniiſ, & obſecrationibus ſerviens nocte, & die*, ut refertur *Luce cap. 2.* Eoque pertinet etiam, quod in *Actibus Apoſtolorum, cap. 13.* narratur: *Miniſtrantibus illis Domino, & jejunantibus, dixit illis Spiritus ſanctus: Segregate mihi Saulum, & Barnabam in opus, ad quod aſſumpſi eos. Tunc jejunantes, & orantes, imponentesque eis manus, dimiſerunt illos.* Aſſumi tandem poteſt jejunium ad Deum placandum, & ad ſatiſfaciendum pro peccatis in ejus Majeſtatem commiſſis atque ad ejus beneficia impetranda. *Joel 2.* *Convertimini ad me* (inquit Deus) *in toto corde veſtro, in jejunio, & in fletu, & planctu.* *Jonæ 3.* *Et crediderunt viri Niniviti in Deum, & predicaverunt jejunium, & veſtiti ſunt ſaccis a majore uſque ad minorem.* Ammonitis, Moabitis, ac Syris congregatis, ut pugnarent contra *Joaſaphat*, illumque, ac *Judaicum* populum opprimerent, *Rex iſorum*

bus in Sufan commorantibus indici iussit, ipsaque cum ancillis suis similiter jejunare decrevit. (*Esther 4*) .

Jejunium ob aliquem hujusmodi finem susceptum, Deo gratum esse nemo dubitaverit, qui ad Christi verba, Matth. 6. attenderit: *Tu autem (inquit) cum jejunas, unge caput tuum, & faciem tuam lava, ne videaris hominibus jejunans, sed Patri tuo, qui est in abscondito; & Pater tuus, qui videt in abscondito, reddet tibi.*

III Jam vero quæ sint jejuniorum utilitates, Patres exponunt in libris, & Sermionibus eo de argumento conscriptis. *Tertullianus* libro *De jejniis* ostendit, Moysen quadragenariæ jejunio præparatum ad Dei visionem. „ Merito (*inquit*) etiam in carne se „ ei Dominus ostendit collegæ jejuniorum suorum „ Eliam quadraginta diebus, & noctibus vacuo ventre, arido ore, pervenisse in montem Dei Horeb, ibique familiari Dei congressu exceptum: „ „ Quid tu, Elia, hic? Multo amicior ista vox, quam: *Adam ubi es?* Illa enim pasto homini minabatur, ista jejuno blandiebatur. Tanta est circumscripti victus prærogativa, ut Deum præstet homini contubernalem parem revera pari. Si enim Deus æternus non esuriet, hoc erit tempus, quo homo Deo adæquetur, cum sine pabulo vivit. *Jejunium* iratum Deum homini reconciliat „ „ Israelitæ in Maspha Deum deprecati, seque in jejniis humiliantes, Philisthæos vicerunt. „ „ Cæciderunt pastos impasti, armatos inermes. Hæc erunt vires jejunantium Deo. Cælum pro ejusmodi militat. Habes formam præsidii etiam spiritualibus bellis necessariam „ „ Ninive peccatrix illa civitas per jejunium de exitio prædicato liberata est. *Sodoma quoque, & Gomorrha evasissent, si jejunassent.* Achab ukionem Dei jejunio avertit. „ „ Jejunium reverentiæ in Deum opus est. per quod Anna uxor Helcanæ retro sterilis impetravit facile a Deo inanem cibo ventrem filio implere, & quidem Propheta „ „ Mysteriorum agnitionem jejunia a Deo mereri Danielis probat exemplum, & Anna Prophetissæ, quæ

& infantem Dominum agnovit, & multa de eo prædicavit expectantibus redemptionem Israelis. Ex quo constat: „ „ A nullis magis intelligi Christum, quam semel nuptis, & sæpe jejunis. *Ipse rex Dominus Baptisma suum*, & in suo omnium jejunia dedicavit, imo novum hominem in veteris fucillationem virtute fastidiendi cibi initiabat, ut eum diabolo rursus per escam tentare quærenti, fortiorem fame tota ostentaret. *Docuit etiam adversus diriora dæmonia jejuniis præliandum* „ „.

S. Ambrosius lib. De Elia, & Jejunio, jejunii excellentiam, & utilitatem magnifice prædicat. Hæc inter alias cap. 1. & 2. habet. „ „ Certamen nostrum jejunium est, jejunavit Salvator, & sic tentator ad eum accessit. Et primum gulæ direxit spiculum dicens: *Si filius Dei es, dic lapidi huic, ut panis fiat*. Ille cibum velut escam laquei prætendit; Dominus jejunium prætulit, ut laqueos tentatoris, ut vincula dissolveret. . . Magna virtus est jejunii. Tam speciosa ejus militia est, ut jejunare delectaret & Christum; tam valida, ut ad cælum homines erigeret. . . Elias jejunus filium viduæ ab inferis resuscitavit; jejunus pluvias ore deposuit; jejunus ignem de cælo eduxit; & quadraginta dierum jejunio divinam acquisivit præsentiam. Tunc denique plus meruit, quando plus jejunavit: divino ore statuit fluenta Jordanis, & redundantem fluminis alveum repente siccatum pulverulento transmisit vestigio. Merito illum dignum cælo divina judicavit sententia, ut cum ipso raperetur corpore; quoniam cœlestem vitam vivebat in corpore, ac supernæ usum conversationis exhibebat in terris. Quid est enim jejunium, nisi substantia, & imago cœlestis? Jejunium infectio animæ, cibus mentis, vita Angelorum, culpæ mors, excidium delictorum, remedium salutis, radix gratiæ, fundamentum est castitatis. Hoc ad Deum gradu citius pervenitur; hoc gradu Elias ascendit antequam curru. Hanc hereditatem sobrietatis, & abstinentiæ ad cælum abiens discipulo dereliquit. In hac virtute.

& spiritu Eliæ venit Joannes. Et quia vitæ humanæ possibilitatem continentia supergressus fuerat, non homo, sed Angelus æstimatus est „ „.

S. August. Sermone *De utilitate jejunii*, cap. 1.
Jejunium virtutem esse hominum docet, non Angelorum; hominum, inquam sursum cor habentium, & ad Angelorum societatem fuspitantium. Nam „ „ Caro in terram vergit, mens sursum tendit; rapitur amore, sed tardatur pondere. De hac re scriptura ita loquitur: *Corpus, quod corrumpitur, aggravat animam, & deprimit terrena inhabitatio sensum multa cogitantem.* Si ergo caro in terram vergens onus est animæ, & sarcina prægravans volentem; quantum quisque delectatur superiore vita sua, tantum deponit de terrena sarcina sua. Ecce quod agimus jejunantes „ „ Non videatur ergo levis res; aut superflua, ne quisquam forte hoc faciens *Ecclesiæ consuetudine* cogitet apud se, aut suggerentem intrinsecus audiat tentatorem: Quid tibi ipsi ingeris, poenam, tuus ipse tortor, & cruciator existis? Deo ergo places, quia te crucias? Ergo crudelis est, qui delectatur poenis tuis. Responde hujusmodi tentatori: „ „ Excrucio me plane, ut ille parcat; do de me poenas, ut ille subveniat, ut placeam oculis ejus, ut delectem suavitatem ejus. Nam & victima excrucietur, ut in Aram imponatur. Minus premet mentem meam caro mea. Si jumento forte insideres, qui te gestiando posset præcipitare, nonne, ut securus iter ageres, cibaria ferocienti subtraheres, & fame domares, quem freno non posses? Caro mea jumentum meum est, iter ago in Jerusalem, pleorumque me rapit, & de via comatur excludere; via autem mea Christus est, ita exultantem non cohibebo jejunio „ „?

S. Leo Sermone 4. De jejunio decimi mensis; jejunium ad tentationes vincendas utilissimum esse docet. „ „ Qui jam regenerati filii lucis effecti sunt, quamdiu tamen in hoc mundo, qui totus in maligno positus est, detinentur; quamdiu infirmitati car-

nis corruptibilia , & temporalia blandiuntur , non possunt istos dies sine tentatione transire. Non facile cuiquam provenit tam incruenta victoria , ut inter multos hostes , frequentesque conflictus , etiam si sit liber a morte , sit quoque immunis a vulnere. Curandis igitur læsionibus , in quas sæpe incidunt , qui cum invibili hoste configunt , trium maxime remediorum est adhibenda medicina. In orationis instantia , in castigatione jejunii , in eleemosynæ largitate ; quæ cum pariter exercentur , Deus propitiatur , culpa deletur , tentator eliditur. Et iis quidem prædiis semper fidelis anima debet accingi , sed tunc studiosius præparari , cum ii adsunt dies , qui proprie sunt ad hæc pietatis officia præstituti „ „

Matth. 4.

Et paulo post : „ „ Jejuniorum (inquit) utilitatem novi Testamenti gratia non removet ; & continentiam corpori , atque animæ semper profuturam pia observatione suscepit. Quoniam licet permanet apud intelligentiam christianam : Dominum tuum adorabis , & illi soli soli servies : Et , Diliges proximum tuum sicut te ipsum ; & cætera talium mandatorum ; ita quod in eisdem libris de jejuniorum sanctificatione , & curatione præceptum est , nulla interpretatione vacuatur. In omni enim tempore , omnibusque diebus vitæ hujus sæculi jejunia nos faciunt contra peccata fortiores , jejunia concupiscentias vincunt , tentationes repellunt , superbiam inclinant , iram mitigant ,

De tertio Decalogi præcepto. 655

August. Epistola 36. alias 86. ad *Casulanum* Presbyterum data.) Verum etsi nullum hujusmodi præceptum in novo Testamento scriptum extet, jejunium tamen quadragesimale ex Apostolorum traditione servavit semper, & a Fidelibus observari jussit Ecclesia; illud exemplo suo Christus consecravimus. Discipulos suos post mortem, Resurrectionemque suam jejunaturos prædixit, Matth. 9. *Nunquid possunt filii Sponsi lugere, quamdiu cum illis est Sponsus? Venient autem dies, cum auferetur ab eis Sponsus, & tunc jejunabunt.* Quin id religiose præstiterint, & Christianis commendaverint, minime dubitandum. Quadragesimalis jejunii disciplinam ab Apostolis institutam, & traditam *S. Hieronymus* Epistola 54. ad *Marcellam* docet. „ Nos (*inquit*) unam Quadragesimam secundum Traditionem Apostolorum, toto anno, tempore nobis congruo jejunamus: illi (*Montanista nempe hæresici*) tres in anno faciunt Quadragesimas, quasi tres passi sint Salvatores. Non quod & per totum annum, excepta Pentecoste jejunare non liceat, sed quod aliud sit necessitate, aliud voluntate munus offerre „ „ Certe „ „ Quod universa tenet Ecclesia, nec Conciliis institutum, sed semper retentum est, nonnisi auctoritate Apostolica traditum rectissime creditur (*inquit S. August.* lib. 4. *De Baptismo contra Donatistas*, cap. 24.) Et Epist. 54. alias 118. ad *Januarium* idem repetit. Quadragesimale porro jejunium universa tenet, semperque retinuit Ecclesia, nec in aliquo institutum Concilio est, nec illius initium potest ostendi; ab Apostolis igitur traditum merito asseritur.

II. Quadragesimalis jejunii meminerunt quarti, & quinti seculi Patres, velut observantiæ generalis, cujus lege Christiani omnes tenentur, nec sua primum ætate, sed retroactis seculis institutum fuisse, ac universim in Ecclesia observatum supponunt. Concil. Nicænum can. 5. Quadragesimæ, tanquam rei in omnibus christiani orbis provinciis cognitæ, atque observatæ meminit, cum in ejus initium unam ex iis Synodis indicit, quas quotannis duas in unaquaque

provincia celebrari jubet. Synodus Laodicensis Quadragesimam supponit non recentis esse institutionis, sed antiquæ traditionis, cum decernit can. 50. „ Quod non oportet in Quadragesima, in ultimæ septimanæ quinta Feria jejunium solvere, totamque Quadragesimam sine veneratione transire, magisque conveniat omnem Quadragesimam districto venerari jejunio „ „

Quadragesimalis jejunii pariter meminerunt *S. Athanasius* in Epistola ad Orthodoxos, & alibi; *Cyrillus Hierosolymitanus* Catechesi prima, *S. Basilii* Hom. 2. *De jejunio*, quæ in Quadragesima habita est, ubi *Per universum terrarum orbem jejunii editum denuntiari*, ait; *S. Greg. Nazianzenus* Oratione 40. *S. Epiphanius* in Expositione fidei catholicæ, *S. Greg. Nyssenus* Homilia in principium jejuniorum; *S. Joan. Chrysostomus* Hom. 16. ad populum Antiochenum; item Hom. 22. & Hom. 1. in Genesim; *S. Gregorius* lib. *De Elia*, & *jejunio*, cap. 10. *S. August.* Epist. 55. alias 119. ad *Januarium* scribens: „ Quadragesima habet jejuniorum auctoritatem, & in veteribus libris ex jejunio Moyfi, & Eliæ, & ex Evangelio, quia totidem diebus Dominus jejunavit, demonstrans Evangelium non dissentire a lege, & Prophetis „ „ Idem confirmant Sermones illius, *De Quadragesima*, Et lib. *De hæresibus* inter Arianorum Hæreticorum errores hunc recenset, quod pertinaciter assererent: „ Nec statuta

De tertio Decalogi præcepto. 657

III. Præter quadragesimale jejunium , solemnia Jejunia sunt ex Ecclesiæ præcepto *Quatuor Temporum jejunia*, quæ ab universa Ecclesia religiose observata sunt, quæ ab universa Ecclesia religiose observata fuisse seculo quinto, *S. Leonis Sermones De jejunio Pentecostes*, necnon *De Jejunio septimi, & decimi Mensis*, fidem faciunt. Sermone 8. De Jejunio decimi Mensis, Quatuor Temporum jejunia ex doctrina Spiritus sancti instituta esse, docet: „ Hujus observantiæ utilitas (*inquit*) in ecclesiasticis præcipue est constituta jejunis, quæ ex doctrina sancti Spiritus ita per totum anni circulum distributa sunt, ut lex abstinentiæ omnibus sit adscripta temporibus. Siquidem jejunium vernum in Quadragesima, æstivum in Pentecoste, autumnale in mense septimo, Hyemale in hoc, qui est decimus, celebramus „ Adde, quod quatuor anni temporibus ex Ecclesiæ consuetudine Ordines sacri conferuntur, ad quorum susceptionem oportet per jejunium præparari, & eos, qui ordinant, & eos, qui ordinantur, & totum populum, pro cujus utilitate ordinantur. Unde etiam legimus Lucæ 6. quod Dominus ante discipulorum electionem exivit in montem orare. Hæc jejunia etiam instituta sunt, ut nullum sit anni tempus a jejniis vacuum; tum etiam ne inferior esset Christianorum abstinentia, & justitia, quam Judæorum; ut denique Ecclesia partim Deo supplicet pro terræ frugibus, partim gratias agat pro fructibus perceptis, ut intelligi potest ex Sermonibus *S. Leonis* mox indicatis.

IV. Quædam etiam præceptorum Solemnitatum Vigiliarum jejunia, scilicet Natalis Domini. Pentecostes, Assumptionis B. Mariæ Virginis, Nativitatis S. Joann. Baptistæ, omnium Sanctorum, Apostolorum, & Martyrum quorundam, jejunio consecratæ sunt ex Ecclesiæ præcepto, ut constat ex cap. *Concilium*; & cap. *Ex parte*, Extra, *De Observatione jejuniorum*. In his autem Ecclesiæ quisque suæ disciplinam, & morem sequi tenetur. Indicta sunt autem illa Vigiliarum jejunia, ut a vitiis expiati, & carne mortificati,

cati, ad Festa religioſe, ac devote celebranda præparemur.

Religioſa
abſtinentia
ſextæ Feriæ
& Sabbati.

V. Sextis Feriis, & Sabbatis abſtinentia a carnibus univerſalis Eccleſiæ more, ac præcepto ſancita eſt, qui dies olim jejuniis etiam nonnullis in Eccleſiis dicati erant. Dies etiam rogationum, & Feſtum S. Marci in quibuſdam Eccleſiis abſtinentiam habent a carnibus ex præcepto obſervandam. „ „ Qua in re diſciplina nulla eſt melior gravi, prudentique Chriſtiano, quam ut eo modo agat, quo agere viderit Eccleſiam, ad quam forte devenerit „ „ (*inquit S. Auguſt. Epist. 54. alias 118. ad Januarium.*) Hinc S. Ambroſius eidem Auguſtino de jejuniis Sabbati interroganti reſpondit: „ „ Cum Romam venio, jejuno Sabbato; cum hic ſum, non jejuno. Sic etiam tu, ad quam forte Eccleſiam veneris, ejus morem ſerva, ſi cuiquam non vis eſſe ſcandalo, nec quemquam tibi „ „ Hoc cum matri Monica renuntiaviſſet, libenter amplexa eſt. Ipſe vero Auguſt. hanc ſententiam ſemper habuit, tanquam eam *caeleſti oraculo* accepiſſet; ut ipſe ibidem refert.

Eccleſiæ
auctoritas
in ſtatuendis
jejuniis
legibus.

VI. Eccleſiam auctoritatem habere ferendi leges de abſtinentia, & jejuniis, quibus parere Chriſtianus quilibet teneatur, nemo niſi hæreticus negaverit; ſiquidem auctoritas ferendarum legum pro Chriſtiani populi regimine, in ordine ad ſalutem æternam, Eccleſiæ a Chriſto ſponſo tradita eſt, Matth. 18. *Si Eccleſiam non audierit, ſit tibi ſicut Ethnicus, & Publicanus.* Et Lucæ 10. *Qui vos audit, me audit; & qui vos ſpernit, me ſpernit.* Et Act. 15. De S. Paulo dicitur; *Perambulabat Syriam, & Ciliciam, confirmando Eccleſias, præcipiens cuſtodire præcepta Apoſtolorum, & ſeniorum.* Sic Apoſtoli in Concilio Hieroſolymitano legem de abſtinentia a ſanguine, & ſuffocato tulerunt, affante Spiritu ſancto: *Viſum eſt Spiritui ſancto, & nobis, &c.* Conſtat etiam ex moribus Eccleſiæ primitivæ, Episcopos jejunia indicare ſolitos pro emergentibus rei Chriſtianæ periculis, & publicis cauſis, Tertulliano teſte lib. *De jejniis*, cap. 13. „ „ Bene

au.

autem (*inquit*) quod & Episcopi universæ plebi mandare jejunia assolent, non dico de industria stipium conferendarum, ut vestræ capturæ est, sed interdum, & ex aliqua solitudinis ecclesiasticæ causa „ „. Quod si Ecclesia pro emergentibus rei christianæ negotiis, ac necessitatibus potestatem habet abstinentiam, ac jejunia statis diebus indicendi; proculdubio habet etiam auctoritatem stata in perpetuum jejunia præcipiendi publica lege, si causæ perpetuæ sint, & certis vicibus recurrentes. Causæ autem jejuniorum, quæ in Ecclesia statis temporibus, & diebus observantur, perpetuæ sunt. Jejunia enim, & certorum dierum abstinentia, instituta sunt ad expiationem peccatorum, ad concupiscentiam carnis edomandam, ad Deum per poenitentiae opera promerendum; abstinentiæ Sextæ feriæ, & Sabbati in honorem Dominicæ Passionis, & Sepulturæ: Quadragesimale jejunium, ut totum Ecclesiæ corpus simul poenitentiam agat, maculasque totius anni decursu contractas eluat; ut omnes, ac singuli Christiani carnis mortificatione, & castigatione Christo quadantenus commoriantur; ut ad Paschalem solemnitatem, & ad Eucharistiam ea die percipiendam se præparent; ut totius anni quasi decimas Deo per jejunium consecremus; ut denique Christi Salvatoris nostri jejunium pro modulo nostro imitemur, ac honoremus.

§. III. Quadragesimalis jejunii causa explicatur.

Has Quadragesimalis jejunii causas Patres asserunt, Jejunii & exponunt. Unum, & alterum duntaxat S. S. *Augustini*, & *Leonis* locum hic exscribere satis erit, Jejunii quadragesimalis rationes.

S. *Augustinus* Sermone ducentesimo quinto, alias *De diversis* sexagesimo octavo, Quadragesimam institutam esse docet, ut eo tempore crucem castigandi corporis per jejunium assumamus. „ „ Congruit (*inquit*) nostræ devotioni, ut qui Domini crucifixi Passionem jam propinquantem celebraturi sumus, reprimendarum carnalium voluptatum crucem nobis ipsi etiam faciamus, sicut dicit Apostolus: *Qui an. Galat. 5.*

Psal. 112.

tem Jesu Christi sunt, carnem suam crucifixerunt cum passionibus, & concupiscentiis. In hac quidem cruce per totam istam vitam, quæ in mediis tentationibus ducitur, perpetuo debet pendere Christianus. Non enim est in hac vita tempus evellendi clavos, de quibus in Psalmo dicitur: *Confige clavis a timore tuo carnes meas.* Carnes sunt carnales concupiscentiæ, clavi sunt præcepta justitiæ; his illas timor Domini configit, qui nos illi acceptabilem hostiam crucifigit. Crux ergo ista, in qua Dei servus non solum non confunditur, sed etiam gloriatur, non quadraginta dierum est, sed totius hujus vitæ, quæ mystico numero quadraginta istorum significatur dierum... Unde Moyses, & Elias, & ipse Dominus quadraginta diebus jejunaverunt; ut insinuaretur nobis, & in Moyse, & in Elia, & in ipso Christo, hoc est, in lege, & Prophetis, & in ipso Evangelio, id nobiscum agi, ne conformemur, & hæreamus huic seculo, sed crucifigamus hominem veterem... Sic semper hic vive, Christiane, si terreno limo gressus non vis immergere, noli de ista cruce descendere. Si autem hoc faciendum est per hanc totam vitam, quanto magis per istos Quadagesimæ dies, quibus non solum agitur, verum etiam significatur hæc vita „ „

S. Leo Sermone 42. in Quadagesima quinto. „ Quia (*inquit*) paucorum est tam solida fortitudo, ut nulla inæqualitatum perturbatione quatiantur, & multos Fidelium non adversa tantum, sed etiam secunda corrumpant; sanandis vulneribus, quibus humana infirmitas sauciatur, diligens est adhibenda curatio. . . Quando autem opportunius ad remedia divina decurrimus, quam cum ipsa nobis Sacramenta redemptionis nostræ temporum lege referuntur? Quæ ut dignius celebremus, saluberrime nos quadraginta dierum jejunio præparemus. Non enim si tantum, qui per mortis Christi, Resurrectionisque Mysterium in novam vitam Baptismo sunt regenerandi, sed etiam omnes populi Renatorum utiliter sibi, & necessario præsidium hujus sanctificationis assumunt;

caput : illi , ut quæ nondum habent , accipiant ; isti ut accepta custodiant . Dicente namque Apostolo : *Qui 1. Cor. 10. fiat , videat , ne cadat ; nemo est tanta firmitate suffultus , ut de stabilitate sua debeat esse securus . Utamur igitur saluberrimi temporis venerabilibus institutis , & sollicitiore cura cordis nostri specula tergamus . Quantumlibet enim castè , & sobrie mortalis hæc vita ducatur , quodam tamen pulvere terrenæ conversationis aspergitur , & nitor mentium ad Dei imaginem conditarum non ita a fumo totius vanitatis alienus est , ut nulla possit sorde fuscari , & non semper indigeat expoliri . Quod si etiam cautissimis animis necessarium est , quanto illis amplius est expetendum , qui tota forte anni spatia , aut securius , aut negligentius transierunt „ „ ?*

Idem Serm. 46. De Quadragesima nono : „ „ Devotionem nostram (*inquit*) præsentēs vel maxime dies exigunt , quos illi sublimissimo divinæ misericordiæ Sacramento scimus esse contiguos . In quibus merito a sanctis Apostolis per doctrinam Spiritus sancti majora sunt ordinata jejunia , ut per commune consortium crucis Christi etiam nos aliquid in eo , quod propter nos gessit , ageremus , sicut Apostolus ait : *Si compatimur , & conglorificabimur .* Certa , atque se- Rom. 8. 17. cura est expectatio promissæ beatitudinis , ubi est participatio Dominicæ Passionis „ „

Serm. denique 47. sive decimo de Quadragesima : „ „ Considerantes quidquid per crucem Domini accepta est universitas mundi , cognoscimus ad celebrandum Paschæ diem , merito nos quadraginta dierum jejuniis præparari , ut digni possimus divinis interesse mysteriis . Non enim summos tantum Antistites , aut secundi ordinis Sacerdotes ; nec solos Sacramentorum ministros , sed omne corpus Ecclesiæ , universumque fidelium numerum , ab omnibus contaminationibus oportet esse purgatum , ut templum Dei , cui fundamentum est ipse Fundator , in omnibus lapidibus speciosum & in tota sui parte sit lucidum „ „

§. IV. *Abſtinentia a carnibus eccleſiaſtici jejunii pars eſt. In abſtinentia a laſſiciniis quiſque ſequi debet Ec- cleſia conſuetudinem, in qua vivit.*

Primam Propoſitionem, ſcilicet, abſtinentiam a carnibus eccleſiaſtici jejunii partem eſſe, & apud veteres Chriſtianos jejuniorum diebus publica lege præceptam fuiſſe, Patrum, & Conciliorum antiquorum testimoniis probata veritas eſt, ſcilicet *S. Baſilii* Hom. 1. De jejunio; *Theophili Alexandrini*, Epist. 3. Paſchali ad univerſos *Ægypti* Episcopos; *Cyrilli Jeruſolimitani*, Catecheſi 4. Illuminatorum; *S. Joan. Chryſoſtomi* Hom. 1. & 2. in Genefim, Hom. 6. ad populum Antiochenum, & Hom. 8. de poenitentia. *S. Hieronymi* in cap. 10. Danielis, ad illa verba, *Panem deſiderabilem non comedi*, & in Epitaphio Marcellæ; *S. Auguſt.* lib. 30. contra *Fauſtum Manichæum*, cap. 5. *S. Leonis* Serm. 4. de jejunio Quadrageſimæ, *S. Maximi* Hom. 3. de eodem jejunio, Concilii Toletani 8. can. 9. Trullani, Canone quinquageſimo ſexto, &c.

Lege 3.
Hier. L. 2.
contra Jo-
vinianum,
c. 2. & S.
Auguſt. lib.
30. contra
Fauſtum
cap. 14.

Abſtinentiam porro a carnibus certis diebus præcipit Eccleſia, non quod natura ſua malæ ſint, ſicut hæretici quidam veteres exiſtimarunt, Encratitæ, Marcionitæ, Manichæi: Nam *Omnis creatura Dei bona eſt, & nihil rejiciendum, quod cum gratiarum actione percipitur* (inquit Apoſtolus 1. ad Tim. 4.) Sed quia ad carnem domandam, & ad Deum colendum, hæc abſtinentia conducibilis eſt; unde idem Apoſtolus ad Romanos ſcribit: *Bonum eſt non comedere carnem, & non bibere vinum, in quo frater tuus ſcandalizatur.* Sed nec S. Apoſtolus abſtinentiam a carnibus damnat, cum ait 1. ad Corinth. 10. *Omne quod in macello venit, manducate, nihil interrogantes propter conſcientiam*: ſed de ciborum idolis immolatorum eſu agit, & fideles anxios eſſe vetat, ne forte cibi, qui in foro venales proſtant, vel menſis infidelium apponuntur, idolis immolati fuerint; cum eorum eſu, ubi ſcandalum abeſt, conſcientia non maculetur, ſi nulla idoli religione manducentur,
quia

quia idolum nihil est, nullusque cibus natura sua est immundus.

Nec etiam ad abstinentioniam christianam a certis ciborum generibus ab Ecclesia jejunii diebus, sextaque feria, & Sabbato præceptam spectant hæc verba ejusdem Apostoli ad Colossenses cap. 2. scribentis: *Nemo vos judicet in cibo, aut potu; sed ad legales cæremonias, quibus per Christi mortem antiquatis, non amplius obligantur Christiani; quod verba sequentia confirmant: Aut in parte diei Festi, aut Neomenia, aut Sabbatorum; quæ sunt umbra futurorum; corpus autem Christi, id est, legales illæ observantiæ rerum futurarum figuræ erant, ac Prophetiæ, quarum veritas in Christo adimpleta est. Cum itaque corpus, id est, Christum jam teneamus, stultum est, ut umbras amplectamur. Non judicantur ergo Christiani in cibo, & potu, quasi alii cibi mundi sint, alii immundi, ex vi legis mosaicæ, cujus cæremonialia præcepta abrogata sunt, sed ratione inobedientiæ judicantur, qui Ecclesiæ morem non gerunt, abstinentioniam certis diebus imperanti; sicut & ratione intemperantiæ in cibo, & potu judicantur, qui cibum, & potum immoderate sumunt. Sic Quod intrat in os, non coinquinat hominem, ex natura sua; sed coinquinat ex inobedientia, & intemperantia eorum, qui utuntur.*

Doctrinas denique, & mandata hominum nemo dixerit leges Ecclesiæ de abstinentionia, & jejuniis; hoc enim nomine Christus supersticiosas Phariseorum observantias & traditiones sugillavit, qualis erat: Non lotis manibus manducare, non vero traditiones, & mandata Ecclesiæ, & Apostolorum, ac Episcoporum, qui ipsis successerunt, quibus morem geri præcepit. Sicut ergo inter mandata, & doctrinas hominum lex ab Apostolis lata de abstinentionia a sanguine, & suffocato, pro tempore, censeri absque errore non potest, de qua legislatores ipsi dixerunt: Visum est Spiritui sancto, & nobis; ita nec leges Ecclesiæ de abstinentionia, & jejuniis, inter doctrinas

Vide 2.
Hieron.
Epist. 154.
ad Agatham
qu. 19. &
Theodor.
in Com-
ment. hujus
loci.

Matth. 15.

Ibidem, &
ad Coloss.
cap. 2.

Act. 15. 28.

nas, & mandata hominum numerari possunt, siquidem eadem auctoritate, eodemque Spiritu sancto dirigente has leges condit, & hæc præcepta fidelibus imponit, quibus Apostoli legem illam temporariam tulerunt. De abstinentia christiana, & jejniis plura dabit nostra Dissertatio 4. in Historiam ecclesiasticam seculi 2. qua librum *Joannis Dallai* Calviniani ministri *De jejniis, & Quadragesima* refellemus.

Abstinentia
a lactici-
niis.

Propositio altera, unumquemque scilicet in abstinentia a lacticiiniis Ecclesiæ usum sequi debere, colligitur ex *S. Thom.* 2. 2. qu. 147. art. ult. in responsione ad tertiam objectionem. „ „ Ova (*inquit*) & lacticia jejunantibus interdiciuntur, in quantum sunt ex animalibus exorta carnes habentibus; unde principaliter interdiciuntur carnes, quam ova, vel lacticia. Similiter etiam inter alia jejunia solemnius est quadragesimale jejunium; tum quia observatur ad imitationem Christi; tum quia per ipsum disponimur ad Redemptionis nostræ Mysteria devote celebranda. Et ideo in quolibet jejunio interdicitur esus carniū: in jejunio autem Quadragesimali interdiciuntur universaliter etiam ova, & lacticia; circa quorum abstinentiam in aliis jejniis diversæ consuetudines existunt apud diversos, quas quisque observare debet secundum morem eorum, inter quos conversatur. Unde *S. Hieronymus Epistola 28. de jejniis loquens ait*: Unaquæque provincia abundet in suo sensu, & præcepta Majorum leges apostolicas arbitretur „ „ Hinc etsi abstinere a carnibus tantum, sed a vino tempore jejunii, præsertim Quadragesimalis, olim Christianorum mos esset, Ecclesiæque primævæ disciplina; abstinentia tamen illa postmodum Ecclesiæ indulgentia remissa est. Similiter, licet abstinentia ab omnibus, quæ sementinam carnis originem trahunt, nempe ab ovis, lacte, butyro, caseo, generali lege quadragesimali jejunio sit annexa; in aliquibus tamen locis propter necessitatem, lactis, butyri, caseique usus concessus est. Qua in abstinentia varias jam fuisse Ecclesiarum consuetudines suis temporibus, *Theodulfus*

De tertio Decalogi præcepto, 669

fas Aurelianensis Episcopus, in suo Capitulari c. 40. & *Aneas* Episcopus Parisiensis libro contra Græcos, in responsione ad tertiam objectionem, testantur. Unusquisque ergo Ecclesiæ suæ consuetudinem tuta conscientia in his sequi potest.

Ex his colligitur, hanc Propositionem inter alias ^{Propositio damnata,} decem die 24. Septembris anni 1675. ab *Alexandro VII.* Pontifice maximo fuisse merito damnatam. „ Non „ est evidens, quod consuetudo non comedendi ova, „ & lactinia in Quadragesima obliget „.

ARTICULUS VI. REGULÆ MORALIS CHRISTIANÆ

*Circa religiosam Dominicæ diei, & Fæstorum obser-
vationem.*

REGULA PRIMA.

Lethalis peccati rei sunt, qui servilia opera, aliaque Canonibus, & Legibus prohibita, Dominicis, Fæstivæ diebus exercent, exceptis causis pietatis, ac justæ necessitatis; quarum iudicium penes Episcopos est.

Servilibus enim operibus cultus Dominicæ, Fæstorumque dierum violatur, ad quos tertium præceptum Decalogi, quatenus morale est, pertinet; *Sabbatum Domini Dei tui est. Non facies omne opus in* Exod. *eq, tu, & filius tuus, & filia tua, & servus tuus, & ancilla tua, jumentum tuum, & advena, qui est intra portas tuas.* Quibus verbis omne servilis operis genus prohiberi perspicuum est, non quod natura sua, aut turpe, aut malum sit; sed quoniam mentem nostram a divino cultu, qui finis præcepti est, abstrahit. Unde *S. Greg.* lib. 11. Epist. 3. scribit: „ Dominico die a labore terreno cessandum est, atque omnimodo orationibus insistendum, ut si quid negligentiae per sex dies agitur, per diem Resurrectionis Dominicæ precibus expietur „. Servilia autem opera sunt, quæ a servis, & infima plebe, seu mercenariis hominibus

Venationes
diebus Do-
minicis, &
Festis pro-
hibitz.

exercentur, qualia sunt artium omnium mechanicarum opera patrata, præsertimque ruralia, & in quibus jumenta labori applicantur. Prohibita sunt etiam sacris Canonibus, & Principum christianorum legibus mercatus, & nundinæ, judiciarii processus, & strepitus forenses. Capitalia præsertim, & ad poenam ordinata judicia, item juramenta publica, Acta pariter publica Notariorum (exceptis tamen conventionum connubialium, & ultimarum voluntatum instrumentis) *Ruralia*, & alia opera famula prohibet Capitulare Aquilgranense *Caroli magni*, neque non *Placita*, siue strepitus forenses, causarumque publicas actiones. Prohibet etiam *Venationes*, quibus Festos dies violari hinc collige, quamvis ob solam animi recreationem, non lucri causa fiant. Opus rurale die Dominico prohibet etiam Concilium Aurelianense 3. anno 538. celebratum, can. 28. *Quo facilius* (inquit) *ad Ecclesiam venientes, orationis gratia vacent.* Concilium Matisconense 2. anno 585. can. 1. Dominicis diebus prohibet opera, quæ in privatis diebus fiunt, id est, opera servilia, causarumque actiones. „ „ Custodite (inquit) Diem Dominicam, quæ nos denuo peperit, & a peccatis omnibus liberavit. Nullus vestrum litium fomitus vacet; nullus causarum actiones exerceat; nemo sibi talem necessitatem exhibeat, quæ jugum cervicibus jumentorum imponere cogat. . . Exhibeamus Dominum liberam servitutem, cujus nos novimus pietate de ergastulis liberatos erroris. Non quia hoc Dominus noster a nobis expetit, ut corporali abstinentia diem Dominicam celebremus; sed quærit obedientiam, per quam nos calcatis terrenis actibus ad cælum usque misericorditer provehat. Si quis itaque vestrum hanc salubrem exhortationem parvipenderit, sciat se pro qualitatis merito principaliter a Deo puniri, & deinceps Sacerdotali quoque iræ implacabiliter subiacere „ „.

Conc. Cabilonense anno 759. can. 18. *Ruralia opera, & quidquid ad ruris culturam pertinet*, Dominicis diebus fieri vetat secundum superiorum Conciliorum

horum Canones: „ Sicut in superioribus Canonibus est statutum; non aliquid novi condentes, sed vetera renovantes... Qui inventus fuerit faciens sub disciplina distractionis omnimoda corrigatur „ „

Conc. Arelatenſe 6. ann. 813. can. 16. Dominicis diebus, *Publica mercata*, *cauſarumque diſceptationes* exerceri prohibet; ac *penitus a naturali, & ſervili opere ceſſari* jubet: *Hiſ ſolummodo peractis, quæ ad Dei cultum & ſervitium pertinere noſcuntur.* Idem ſta-
tuit Concilium Remenſe 2. eodem anno, can. 35. & *Donationes in publico facere præterea* vetat, id eſt, *instrumenta donationum a Notariis confici.* Turo-
nenſe 3. eodem anno, can. 40. Chriſtianos die Do-
minica *a ſervili opere ſeriatos, in laude Dei, & gra-
tiarum actione uſque ad vesp̄am perſeverare* jubet.
Mercata etiam, & Placita uſquam fieri ea die inter-
dicit. Pariſienſe 6. anno 829. can. 50. *Mercatus, pla-
cita, & ruralia quæque opera, necnon quælibet carri-
gationes, ſeu rerum, & onerum evectiones fieri* pro-
hibet a cujuſcunque conditionis hominibus: „ Quo-
niam dum hæc agunt, & decus Chriſtianitatis of-
fuſcant, & nomen Chriſti blaſphemantibus locum am-
plius detrakendi attribunt. *Addunt hujus Concilii Pa-
tres; Multi noſtrorum viſu, multi etiam quorum-
dam relatu didicimus, quosdam in hac die ruralia
opera exercentes fulmine interemptos, quosdam ar-
tuum contractione mulctatos, quosdam etiam viſi-
bili igne corporibus, offibusque ſimul ſub momento
abſumptis, in cinerem ſubito reſolutis, poenaliter oc-
cubuiſſe. Et multa alia terribilia judicia extiterunt,
& hæcenus exiſtunt, quibus declaratur, quod Deus
in tanti diei dehonoratione offendatur.. Si ergo
Judæi Sabbathum carnaliter cuſtodientes, eo die nul-
la poteſtate terrena compellente, ab operibus rura-
libus ſe abſtinent; quanto magis Chriſti gratiæ re-
demptis convenit, ut eo die, quo auctor vitæ re-
ſurrexit, eiſque ſpem reſurgendi conceſſit, ab hiſ,
quæ præmiſſa ſunt, ſe abſtineant, & ſolummodo ſpi-
ritualibus gaudiis repleti, canticisque hymnigeris,*
&

Dominicis diebus ea tantum agenda, quæ ad Dei cultum, & ſervitium pertinent.

Divinam ſæpe ultio-
nem ſunt
experti, qui
Dominicæ
diei ſancti-
tatem vio-
larunt.

670 Theol. Dog. & Moral. Lib. IV.

sensionisve, aut occasionis, qua distrahantur homines a divinis officiis „ „

Quoniam vero lutores, pistores, calcearii, tonsores, alique ejusmodi opifices in Festorum dierum violatione frequenter peccare solent, statuit Synodus, ut iis *Episcopus certas Regulas prescribat, ne deinceps dierum festorum cultum violent.*

Mercatus
& nundinae
omnes a
diebus fe-
stis quibus-
cunque in
alios dies
rejici de-
bent.

Concil. Turonense anno 1583. & Aquisense 1585. eadem statuunt circa Festorum dierum cultum, quae Concilium Mediolanense 1. „ „ Publicas nundinas, & alios mercatus, quacunque in contrarium consuetudine non obstante, diebus Dominicis potissimum, & annalibus festis, indicare, & frequentare *prohibet.* Si qui vero locorum Domini jus nundinarum, & mercatum iis diebus se habere praetendant, illas in perendinum, aut alium diem non festum „ „ transferre jubet, sub poena excommunicationis, ab ipsis, eorumque procuratoribus, & iudicibus ipso facto incurrenda.

Concil. Rotomagense anno 1581. pariter decernit. „ „ Nundinas omnes, ac negotiationes a quibuscunque Festis in alios dies rejici; Dominos vero locorum, eorumque Procuratores, & Actores, seu iudices excommunicari, si Dei mandatis, & Ecclesiae de observatione Festorum parere noluerint, & ad suas nundinas alios dies deligere. *Rationem offert hujusce Decreti, quia diabolus his nundinis non solum avertit populum ab Ecclesiis frequentandis, & officio divino, ac sacris Concionibus audiendis, necnon ad negotia secularia diligentius, quam aliis diebus exercenda provocat contra Festorum institutionem; sed insuper ad augendum sacrilegium, fallacias, fraudes, perjuria, blasphemias, contumelias, proximorum offensiones, & injurias, atque impudica, & obscena ludicra in his admiscet, ut totum hominem perdat in Sabbato, ac sibi subiciat „ „* Idem quoad mercatus, & nundinas edixerunt christianissimi Reges, Aurelianensi Constitutione, articulo 23, & Bleisensi, artic. 28. Mutuam igitur operam dare debent Episcopi, & Magistratus,

ut

De tertio Decalogi præcepto. 671

ut nundinæ festis diebus non fiant, sed in alios dies transferantur; alioqui & ipsi rei sunt coram Deo, qui pravam consuetudinem, abusumque non corrigunt, cum possint; & quicumque nundinas illas frequentant, vendituri aliquid, vel empturi festis diebus, nisi necessitas urgeat. A mortali tamen videntur excusari posse, si Missæ auditionem non omittant, qui emunt, vel vendunt in nundinis, quæ festis diebus a Prælatis tolerantur, secundum *S. Antoninum*.

2. P. tit. 9.
Cap. 7. § 2.

Synodus Parisiensis anno 1557. œnopolis, cupediariis; & id genus aliis, qui vinum, panem, esculenta, & poculenta in publicum vendere solent, vetat, ne quo tempore divina officia in Ecclesiis peraguntur, tabernas aperiant, aliquid vendituri. Conc. Rothomagense anno 1581. Curatos diligenter animadvertere jubet, si parœciani Dominicis, aut festis diebus divinis officiis interfint, & de absentiarum causis inquirere, aut jubere per aliquem puerum absentes observari, & notari, ut post admonitionem debitam, quos noverint pertinaces, ad Episcopum deferant, & ab eo discant, quid agendum. Præcipit quoque, ut: „„ In Pronao pro excommunicatis denuntient, qui post admonitionem ausi fuerint Dominicis, & festis diebus, tempore servitii, parœcianos in domum suam ad potandum, ludendum, aut aliud non necessarium agendum recipere, mercatutam, aut vecturas non necessarias, aut aliud opus exercere „„ Conc. Burdigalense anno 1582. Magistratus omnes hortatur pro sui officii ratione, ut (quod in ipsis maxime situm est) sacros dies illos ac solemnes pie, sancteque „„ celebrari curent, tabernas aperiri, vecturas, & opera quævis rustica exerceri prohibeant. Quo tempore vero divinum officium expletur, aut Conciones habentur, otiosam, & vagam turbam e tabernis, & foro, & plateis abigant, pœnisque propositis, rebus sacris interesse compellant „„ Aurelianensis Constitutio christianissimi Regis Caroli IX. & Blefensis Henrici III. Tabernas, & ludis pilæ palmarie destinatas ædes aperiri vetant

Excommuni-
cati sunt
aliique
pœnis digni
œnopolæ
seu taber-
narii, qui
divini offi-
cii tempore
oppidanos
ad potan-
dum, vel
ludendum
in domos
suas reci-
piunt.

Magistratus
invigilare
tenentur,
ne sacro-
rum dierum
violetur ob-
servantia.

Dominicis, & festis diebus tempore divinorum officiorum, gravi multa arbitraria indicta pro prima vice, poena carceris pro altera, non solum tabernariis, & œnopolis, sed etiam urbium, oppidorum, & pagorum incolis, qui in popinis manducaverint, & biberint, quibus horis divina officia celebrantur.

R E G U L A I I.

Pietatis, & justæ necessitatis causa, servilia opera festis diebus exerceri possunt.

De Festis.

Hanc Regulam in præcedenti involutam, singulatim explicare necesse est. Explicuit autem Christus ipse (Matth. 12.) Discipulos Sabbato spicas velentes vindicans a Phariseorum criminatione. *Non legistis (inquit) quid fecerit David, quando esuriit, & qui cum eo erant, quomodo intravit in domum Dei, & panes propositionis comedit, quos non licebat ei edere, neque his, qui cum eo erant, nisi solis Sacerdotibus? Aut non legistis in lege, quia Sabbatis Sacerdotes in templo Sabbatum violant, & sine crimine sunt? Dico autem vobis, quia templo major est hic. Si autem sciretis, quid est, misericordiam volo, & non Sacrificium, nunquam condemnassetis innocentes. Dominus enim est Filius hominis etiam Sabbati. Occurrente vero homine, cui manus erat arida, & interrogantibus Phariseis: Si licet Sabbato curare? Dixit illis Jesus: Quis ex vobis homo, qui habeat ovem unam, & si ea*

De tertio Decalogi præcepto: 673

seat „ „ Conc. Narbonense anno 589. can. 4. die Dominico operas fieri vetat, *vel boves jungi: Excepto si in mutando necessitas incubuerit.* Capitulare Aquisgranense Caroli magni, vecturas, seu carraria opera (ut loquitur) fieri vetat Dominico die, iis exceptis, quæ fiunt ad mortuos sepeliendos, quod pietatis est; vel ad bellica opera, aut quæ alendis copiis, aut alias necessaria sunt, transvehenda. „ „ Sed tria carraria opera licet fieri in die Dominico, id est, hostilia carra, vel victualia, vel si forte necesse erit corpus cujuslibet duci ad sepulcrum „ „

Theodulfus Aurelianensis Episcopus in Capitulari ad suæ Diocesis Presbyteros, cap. 24. Dominicis diebus nihil aliud vult fieri operis: „ „ Præter orationes, & Missarum solemnia, & ea, quæ ad vescendum pertinent. Et si necessitas fuerit navigandi, sive itinerandi, licentia datur; ita duntaxat, ut hac occasione Missæ, & orationes non prætermittantur „ „. Itinera diebus Dominicis, & festis licita faciunt pietas, & necessitas, non quæstus, & utilitas temporalis, sive lucrum, aut voluptas, sive recreatio. Quod confirmat Concilium Coyacense in Hispania celebratum anno quinquagesimo supra-millesimum, can. 6. „ „ Christiani (*inquit*) Dominica servile opus non exerceant, nec sectentur itinera, nisi orationis causa, aut sepeliendi mortuos, aut visitandi infirmos, aut pro Regis secreto, pro Saracenorum impetu „ „.

Cap. *Omnes dies, Extra, De Feriis*, Conc. Compendiense, *Sacramenta*, sive juramenta die Dominico præstari vetat, *nisi pro pace, vel alia necessitate.*

Alexander III. cap. Licet, sub eodem titulo, piscationem alicum diebus Dominicis, & Festis, præterquam in majoribus anni solemnitatibus permittit, *ingruente necessitate*, ea lege *Ut post factam capturam Ecclesiis circumpositis, & Christi pauperibus congruam faciant portionem.*

Gregorius IX. cap. Conquestus, eodem titulo, litium cognitionem, & judicia diebus festis prohibet: *Nisi necessitas urgeat, vel pietas suadeat.*

Nicolaus V. anno 1447. a Transilvanis interrogatus:

„ An pauperibus villanis, ac oppidanis licitum sit vendere die Dominico, vel Festo alicujus Sancti, panes, pyra, poma. & alia legumina, vel sit licitum eis finita mensa post prandium de campo. tempore messis, cum timetur de pluvia, portare cum pecoribus, vel equis, vel curribus, linum, fœnum, & alia blada humano usui convenientia. *Respondet;* Cessante necessitate ab omni opere servili abstinendum est diebus Dominicis, & Festivis, sed necessitate cogente, non tamen affectata, seu procurata, licitum est præmissa exercere „ „. Unde iter cum animalibus, aut curru onusto bona fide susceptum, die festo persequi licet, vel ob publicam utilitatem, vel ob privatum damnum vitandum.

Concilium Bituricense anno 1584. Dominicis, & festis diebus instrumenta fieri vetat a Notariis: „ Nisi „ quæ ex necessitate Testamentorum, aut Matrimoniorum causa differri non possunt „.

Synodus Lingonensis anno 1404. declarat, posse Episcopum „ „ Dare licentiam in aliquibus mediocribus, vel modicis Festivitatibus, operandi in agrorum, vel vinearum cultura, & fructibus fœnationum, messum, & vinearum recolligendis, & pro reparationibus Ecclesiarum, locorum religiosorum, vel pro republica, prout ipse videbit, quod ex quahtate temporis, vel alia causa necessitatis, vel utilitatis exposcit. Cum autem

De tertio Decalogi præcepto. 675

Eandem Regulam confirmat *S. Thomas*, 2. 2. qu. 40. art. 4. „„ Observatio Fæstorum (*inquit*) non impedit ea, quæ ordinantur ad hominis salutem, etiam corporalem. Unde Dominus arguit Judæos, dicens *Joan. 7. Mihi indignamini, quia totum hominem saluum feci in sabbato?* Et inde est, quod medici licite possunt medicare homines in Fæsto. Multo autem magis est conservanda salus reipublicæ, per quam impediuntur occisiones plurimorum, & innumera mala, & temporalia, & spiritalia, quam salus corporalis unius hominis. Et ideo pro tuitione reipublicæ fidelium, licitum est iusta bella exercere diebus Fæstis; si tamen hoc necessitas exposcat. Hoc enim esset tentare Deum, si quis imminente tali necessitate vellet a bello abstinere; sed necessitate cessante, non est licitum bellare in diebus Fæstis „„.

Et quæst. 122. art. 4. in responsionem ad tertiam objectionem, docet, opera, quæ pertinent ad Dei cultum, fæstis diebus non prohiberi. „„ Quia hoc esset contrarium fini observationis Sabbati. Homo enim ad hoc ab aliis operibus abstinet *sacris diebus*, ut vacet operibus ad Dei servitium pertinentibus. Unde, dicitur *Joannis 7. Circumcisionem homo accipit in Sabbato, ut non solvatur lex Moysis*, Et *Matth. 12. Sabbatis Sacerdotes in Templo Sabbatum violant* (id est, corporaliter operantur) & *sine crimine sunt*. Et sic Sacerdotes Sabbato circumferentes Arcam, non transgrediebantur præceptum de Sabbati observatione. *Addit*, Nullius spiritalis actus exercitium esse contra observantiam Sabbati, ut si quis doceat verbo, vel scripto „„. Subdit postea, quemlibet tam servum, quam liberum teneri in necessariis providere, non tantum sibi, sed etiam proximo, præcipue quidem in his, quæ ad salutem corporis pertinent, secundum illud *Prov. 24. Erue eos, qui ducuntur ad mortem*. Secundario autem etiam in damno rerum vitando, secundum illud *Deut. 22. Non videbis bovem fratris tui, aut ovem errantem, & præteribis, sed reduces fratri tuo*. Et ideo „„ Opus corporale pertinens

ad conservandam salutem proprii corporis . non violat Sabbatum. Et propter hoc Machabæi non polluerunt Sabbatum , pugnantes ad sui defensionem die Sabbati. Similiter etiam nec Elias fugiens a facie Jezabel die Sabbati. Et propter hoc etiam Dominus excusat discipulos suos , qui colligebant spicas die Sabbati , propter necessitatem , quam patiebantur. Similiter etiam opus corporale , quod ordinatur ad imminens damnum rei exterioris vitandum , non violat Sabbatum. Unde dicit: *Quis erit ex vobis homo , qui habet unam ovem, & si ceciderit Sabbato in foveam , nonne tenebit, & levabit eam „ „ ?*

Math. 12.

S. Antoninus p. 2. tit. 9. cap. 7. Quod *De Negligentia Fectorum* incipitur §. 5. „ „ Pertinet (*inquit*) ad opus servile prohiberetur , scribere pro pretio , ut de quaterno in quaternum , vel instrumenta , cum tamen possit sine periculo differri. Conficere autem Testamenta infirmorum , vel contractus matrimonii , ubi est de more , videtur posse fieri. Videre autem ratiocinia , & facere computum prolixum , illicitum est. Item ad opus servile spectat , cum equis , asinis , vel bobus , deferre blada , vel vina , vel ligna , vel marcionia , nisi necessitas urgeat. Item abstinendum est ab itinere dietario , nisi necessitas cogat , vel aliud pium opus inducat , ut videlicet visitatio alicujus Ecclesiæ , vel consecutio Indulgentiæ , vel reformatio pacis , seu amotio scandali , & hujusmodi „ „

Quæ opera

Quædam subinde recenset opera , quæ necessitas



fornacis, ad calcem, aut lateres *coquendos*, aut *vitrea vasa conflanda*. Item Carnifices, *sive lanii*, & pincernæ præparantes victualia in Festis, ut sequenti die vendant, si non poterant prius præparari, vel præparata conservari, videntur excusari a mortali. Item vectores mercium, aut alimentorum, aut personarum ad loca remota, cum alias non possent sine gravi incommodo vitam transigere, creduntur excusari, si differri non possunt „ „.

„ „ Item, qui compelluntur a dominis justo metu ad laborandum in diebus festivis in agris suis, vel deferendum ligna, vel lapides, vel faciendum ædificia, vel foveas, & huiusmodi, quæ si non facerent notabiliter damnificarentur in persona, vel rebus, videntur posse excusari propter necessitatem. Melius tamen facerent non obedire, quando opus illud non est necessarium. Et quia modicus recessus a medio non tollit bonum virtutis; ideo quod aliquis in orto aliquid faciat parvum, ut obturando sepem, vel evellendo malas herbas, vel suendo aliqua puncta vestis dissutæ, vel calligæ, & huiusmodi, non judicatur violator Festi „ „.

„ „ Barbitonfores non in radendo, sed in minuendo sanguinem, & ferratores equorum, & huiusmodi, si in Festis exercent artem suam principaliter propter necessitatem eorum, quibus serviunt, non propter cupiditatem lucri, excusantur; & similiter, qui eos requirunt de arte sua, si alias non poterant sibi commode providere, excusantur „ „.

„ „ Item in molendinis ad aquam, vel ad ventum, quæ sine magna opera hominis exercentur, potest servari consuetudo patriæ non prohibita a Prælatia Secus de molendinis cum jumentis; & hoc nisi necessitas urgeret propter victualia necessaria, quia tunc liceret „ „.

„ „ Item, diebus festivis, non tamen Dominicis, vel solemnioribus, licitum videtur laborare pro pauperibus, cum his tamen conditionibus adjunctis; primo, ut non dimittantur Divina, id est auditio

Missæ. Secundo, quod fiat elemosynaliter, non propter lucrum. Tertio, quod illi, pro quibus laboratur, indigeant „ „.

„ „ Item a fortiori, videtur licitum cuilibet laborare pro sustentatione sui, & familie suæ, quando aliter sustentari non valet; ita tamen, quod non dimittantur Divina. Nec enim observatio festi est in tanta arctitudine, ut in veteri Testamento. Et erit bona cautela, ut hoc fiat cum dispensatione Episcopi „ „. Hæc *S. Antoninus*, quæ ipsis *S. Præsulis* verbis referre volui; quia hunc casuum arbitrum sequi tutum est, qui nec plus æquo exasperat, nec emollit nimis jugum Christi.

Quod *S. Antoninus* dixit de apertione venæ, & minutione sanguinis festis diebus ob necessitatem licita, *S. Casarii Arelatensis* testimonio confirmatur Homil. 37. & ex eodem colligitur, illicitum esse Dominicis, aut festis diebus sanguinis minutionem sibi procurare, aut potionem medicinale m sumere, nisi necessitas urgeat. De Rogationum enim religiosa observatione loquens, quæ tamen non ita stricta erat ac Festorum cæterorum, Dominicorumque dierum, ait: „ „ Nemo sibi ex indultia aliquas occupationes audeat providere; nemo se otiosis fabulis occupare, ne inde sibi vulnera faciat, unde sibi parare medicamenta potuerat. Nemo in istis tribus diebus aut sanguinem tollat, aut potionem accipiat, nisi forte hoc infirmitas nimium periculosa compellat „ „.

Quod vero tonsio capillorum, & rasura barbarum passim fieri non possit absque Dominicæ, aut festi diei violatione, *Joan. XXII.* Pontifex maximus declaravit, in literis ad *Philip. IV.* Regem christianissimum vulgo *Longum* appellatum datis anno 1317. & ab *Odorico Raynaldo* relatis ad eundem annum, num. 4. „ „ Illud sane (*inquit*) quod inolevisse in illis partibus dicitur, ut videlicet passim in quamdam divinam irreverentiam exerceanur judicia die Dominico, & radendis, ac tondendis barbibus, atque capitibus intendatur, te dissimulare non decet; cum dies

An tonsio-
res artem
suam Do-
minicis, fe-
stisque die-
bus exer-
cere pos-
sint,

dies illa divino cultui specialiter dedicata talibus profanari non debeat „„

Idem confirmat Synodus Andegavensis anno 1282. „„ Cum diebus festivis (*inquit*) ob reverentiam Dei, & Sanctorum introductis, præcipue diebus Dominicis, honori Majestatis altissimæ consecratis, a Christi Fidelibus sit ab omni opere servili abstinendum, ac cessandum, & divinis cultibus jugiter insistendum; omnibus, & singulis Rectoribus, & Capellanis in virtute obedientiæ præcipimus, & mandamus, quod ipsi parochianis suis inhiſcant sub obtestatione divini officii, & pœna excommunicationis, ne ipsi dictis diebus Dominicis barbas radant, vel alias barbitonsorium officium exerceant, etiam minuendo, nisi mortis, vel gravis infirmitatis periculo imminente, inhiſcentes subditis suis sub pœna prædicta, ne dictis diebus Dominicis se radi faciant, aut permittant, aut barbitonsoris officium recipiant, in suarum periculum animarum. Inhiſcentes molitoribus etiam quibuscunque sub pœnæ interminatione prædicta, & molendinorum Dominis, ne ipsi dictis diebus Dominicis molendina molire faciant, aut permittant, non obstante longi temporis abusu, qui non usus censendus, aut consuetudo, imo verius corruptela; cum tanto sint graviora peccata, quanto diutius infelicem animam detinent alligatam. Cum aliqua præscriptio contra præcepta Decalogi locum sibi vindicare non possit „„

Si tamen necessitas postulet, ut tonsores Dominicis, & festis diebus artem suam exerceant, in gratiam opificum, & rusticorum, qui profestis diebus ipsos non possunt adire ad barbæ tonsionem, id licitum erit Episcopo permittente, vel tolerante. De sartoribus par esto judicium, si funus urgeat, pullæque vestes parari non possint, nisi parte aliqua diei Festi laboretur. Consuetudo enim ab Episcopo approbata, vel tolerata, & necessitas, ipsos a labe peccati lethalis immunes præstare videntur, modo Missam audiant, secundum principia S. Antonini, cui venerabilis Ger.

igitur, vel per unam horam absque gravi necessitate, festis diebus laboret, vel alterum laborare cogat, is violati præcepti de Sabbati sanctificatione, lethaliſque peccati reus est; & si animo fixum teneat id deinceps efficere velle, non est absolvendus in poenitentia tribunali.

Ex his compertum est, quam merito ab *Innocent, XI.* Pontifice maximo damnata sit ista Propositio; „Præceptum servandi Festa non obligat sub mortali seposito scandalo, si absit contemptus „ Quam & Clerus gallicanus anno 1700. hac Censura confixit. „Hæc propositio scandalosa est, ad violandas leges tum civiles tum ecclesiasticas viam aperit, &c. „

R E G U L A III.

Convivia publica, & comestationes, choreæ, lud scenici, vel theatrales, & cujusvis generis spectacula Dominicis, Festivis diebus agi, duci, exhiberi, frequentari sine gravi peccato non possunt, quibus præsertim horis officia divina celebrantur.

Spectacula, & Choreæ diebus præsertim Dominicis, & festis prohibita. Quæcunque enim animum a rerum divinarum cura, studioque avocant, diebus festis sunt prohibita, ut docet Concilii Tridentini Catechismus; hæc autem omnia animum a rerum divinarum cura, studioque maxime avocant. Unde *S. August.* Concione 1. in Psalm. 32. ait: „„ Observa diem Sabbati, non carnaliter, non judaicis deliciis, qui otio abutuntur ad nequitiam. Melius enim utique tota die foderent, quam tota die saltarent. Et in Psalm. 91. Ecce & hodiernus dies Sabbati est. Hunc in præsentì tempore otio quodam corporaliter languido, & luxurioso celebrant Judæi. Vacant enim ad nugas, & cum Deus præceperit observari Sabbatum, illi in his, quæ Deus prohibet, exercent Sabbatum. Vacatio nostra a malis operibus, vacatio illorum a bonis operibus est. Melius est enim arare, quam saltare. Illi a bono opere vacant, ab opere nugatorio non vacant „ „ Et lib. De decem Chordis, cap. 3. „ Dicitur

tur tibi, ut spiritualiter observes Sabbatum, non quomodo Judæi observant Sabbatum carnali otio; vacare enim volunt ad nugas, atque luxurias suas. Melius enim faceret Judæus in agro suo aliquid utile, quam in theatro seditiosus existeret. Et melius feminae eorum die Sabbati lanam facerent, quam tota die in mænianis suis impudice saltarent „„.

Hinc Conc. Carthaginense IV. can. 88. statuit: „ Ut qui die solemnī prætermisso solemnī Ecclesiæ conventu ad spectacula vadit, excommunicetur „.

Concilium Toletanum III. can. 23. exterminari jubet irreligiosam consuetudinem: „„ Quam vulgus per Sanctorum Solemnitates agere consuevit. Populi (*inquit*) qui debent officia divīna attendere, saltationibus, & publicis invigilant canticis, non solum sibi nocentes, sed etiam Religiosorum officiis. Hoc enim ut ab omni Hispania depellatur, Sacerdotum, & judicum a Concilio sancto curæ committitur „„.

Conc. Cabilonense anno 650. can. 18. Choreas *A septus Basilicarum, vel Porticibus ipsarum, ac etiam ab ipsis actis vetari, & arceri* statuit intentata excommunicationis pœna.

Herardus Turonensis Archiepiscopus in Capitulari, cap. 114. prohibet, ne Christiani festis diebus *In plateis, aut domibus, cantica turpia, vel luxuriosa, saltationes, vel lusa faciant diabolica.* Hortatur, ut *Aliquam sapientem, & bonum hominem* plebs rudis, & imperita conveniat, & ibi bonis lectionibus, quæ ad animæ salutem pertinent, intendat.

Eandem Regulam confirmat Conc. Mediolanense 3. tit. 1. De Festorum dierum cultu. „„ Quoniam (*inquit*) ulu nimis compertum est, depravatis his temporibus, & moribus, ad choreas, tripudia, saltationes, & id genus alia nunquam fere conveniri sine multis, & iis quidem gravissimis Dei offensionibus, &que cum ob turpes cogitationes, obscœna dicta, inhonestas actiones, morum corruptelas, & perniciosas ad omnia opera carni illecebras illis perpetuo conjunctas, tum propter cædes, rixas, dissidia, stupra,

pra, adulteria, aliaque mala plurima inde consequentia, quam sæpissime his tot offensionum, & peccatorum feminariis locum dari, iis præsertim diebus, qui dies propitiationis sunt, & iis ipsis diebus Fideles plerumque nefariis istis satanæ blanditiis illectos, a divinis Officiis religiosis supplicationibus, lectionibusque sacris abduci, avertique rudes a percipiendis fidei rudimentis, aliosque ab aliis christianæ pietatis officiis, in quæ eo tempore religiose incumbendum est, abstrahi, & amoveri; hoc certe gravissimum est in conspectu Dei, & Ecclesiæ; quare festis iis diebus, saltem horis, quibus divina celebrantur officia, interdiciamus, ne saltationes, tripudia, choreæ ducantur, aut fiant. Ne item Comoediæ, ludi scenici, vel theatrales, hastiludia, & alia cujusvis generis spectacula agantur. Ne circumforanei circulatores, & id generis nebulones præstigias suas, inaniaque ea spectacula agant, neque quidquam omnino vendant, ne medicamenti quidem prætextu „„

Concil. Rothomagense 1581. tit. De divino cultu: „„ Comestiones, ebrietates, sumptus, lites, lusus improbos, & inhonestos, choreas plenas infamiis, cantilenas turpes, omnem luxum, & lasciviam, atque festorum profanationem „„ damnat, & reprobant. Conc. Remense, anni 1583. tit. De diebus festis: „„ Ludos theatrales, etiam prætextu consuetudinis exhiberi solitos, & nuerilia, cæteraque ludi-

Eadem prohibet Conventus Melodunensis Cleri gallicani tit. 6. De Festorum cultu : „ Ne scilicet mōriones , & saltatores Festa suburbiorum cum tympano prænuntient populis urbium , ut eos ad luxum , voluptates , & ad ebrietates a sua parocchia avocatos ad se trahant. Ne ludi equestres , certamina , saltationes , aut inania alia ludicra , & profana diebus festis exercentur. Qui secus fecerint , graviter puniantur , si semel admoniti , & ad Episcopos delati non respuerint „ „ Eadem prohibentur christianissimorum Regum Constitutionibus Aurelianensi , & Blesensi.

Convivia tamen privata , sobria , & pudica Dominicis , festivis diebus ; choreas item privatas puellarum , seu in paternis ædibus , seu apud consanguineos , vel amicos ; rusticarum etiam feminarum saltationes honestas , modo tempore divinorum officiorum non fiant , nec ab Episcopis sint prohibitæ , nec Ecclesiarum prospectu fiant , absitque periculum omne lascivæ , & scandali (alias enim honestæ non censentur) nemo lethalis peccati damnaverit.

R E G U L A I V.

Festorum numerum ab Episcopis minui præstat , ubi eorum violatio vix cohiberi potest.

Ita censuit Concilium Trevirense anno 1549. „ Opæ pretium nobis visum est (*inquit*) Festorum numerum contrahere , quo effrænes coerceantur , & aliquid detur necessitati pauperum „ „

Eandem Regulam tradit Concil. Cameracense anno 1565. tit. 6. cap. 11. „ „ Cum (*inquit*) diebus festis , ut plurimum vulgus ad laxiorem , & dissolutionem vitam plerumque se ipsum effundat . quam reliquis diebus ; quo majore reverentia , & pietate queant observari ab omnibus , videant Episcopi , sintne aliqui festi dies , quos præstet esse profestos , id est , ut vocant , operarios ; atque his diebus renuntient popularibus integrum esse operas consuetas exercere „ „

Eandem Regulam secutum est Concilium Senonense anno 1525. Festa plurima , vulgo *Operum manualium* ,

lium, seu *Brachiorum* dicta, expunxit, & abrogavit, cum intellexisset: „ „ Ex nimia Feltorum multiplicatione, populum ocio, & vaniloquio illis diebus deditum, ebrietatibus, comellationibus, ludis, & laicitivis, magis quam rei divinæ, orationibus & contemplationi vacare, & pauperes, & plebejos inde multum gravari „ „ Hoc Decretum promulgavit Synodus Carnotensis anno 1526. Plura alia variarum Diocesium statuta Synodalia referre inutile esset. Quod autem in suis Diocesium possint Episcopi circa Feltorum immutationem, id multo magis potest romanus Pontifex in toto orbe christiano. Quocirca *Urbanus VIII.* Constitutione data anno 1642. Feltorum numerum, qui nimirum excreverat, plurimorum Episcoporum per varias regiones constitutorum relationem imminuit: Ne autem dies Festos a locorum Ordinariis, nimia aliquorum facilitate, aut populorum importunitate deinceps multiplicari contingat, eosdem Ordinarios in Domino monet: „ „ Ut ad ecclesiasticam ubique servandam æqualitatem, de cætero perpetuis futuris temporibus ab indictione sub præcepto novorum Feltorum studeant abstinere „ „

Eandem Regulam confirmat venerabilis *Gerfonius* in Sermone habito in Concilio Remensi anno 1408. & *Nicolaus de Clemangis*, in Tractatu *De novisCelebritatibus non instituendis*:

REGULA V.

Præceptum de Sanctificatione Spirituali Sabbati magis violare censentur, qui Dominicis, aut Festis diebus lethale peccatum comittunt, quam qui quodvis opus corporale, alias bonum, & licitum faciunt.

Cum enim nulla sit infelicior, & magis execranda servitus illa, qua homo servit peccato, secundum Christi sententiam, Joan. 8. *Qui facit peccatum, servus est peccati*; sequitur omne opus peccati esse servile, ideoque prohiberi singulari quodam modo Festis diebus, utpote maxime repugnans observantiæ religio-

giosa Fæstorum. Ita docet *S. Thomas*, 2. 2. quæst. 122.

„ Quia (*inquit*) magis homo impeditur a rebus divinis per opus peccati, quam per opus licitum, quamvis sit corporale; ideo magis contra hoc præceptum agit, qui peccat in die festo, quam qui aliud corporale opus licitum facit. Unde *S. August.* dicit in libro *De decem Commandis* „ „ : Melius faceret Judæus „ in agro suo aliquid utile, quam si in theatro seditiosus existeret; & melius feminæ eorum die sabbati lanam facerent, quam toto die in mœnibus suis impudice saltarent „. Non autem, qui peccat venialiter in sabbato contra hoc præceptum facit, quia peccatum veniale non excludit sanctitatem „ „.

Idem confirmat Concilii Tridentini Catechismus „ „ Facile (*inquit*) percipi potest, omne servilis operis genus prohiberi, non quidem ea re, quod sua natura, aut turpe, aut malum sit; sed quoniam mentem nostram a divino cultu, qui finis præcepti est, abstrahit. Quo magis peccata a Fidelibus vitanda sunt, quæ non solum animum a divinarum rerum studio avocant, sed nos a Dei amore prorsus sejungunt „ „.

Atque ex *S. August.* hanc doctrinam hauserunt catechismi Auctores, Tractatu 3. in Joannem, dicente : Nullum opus servile magis quam peccatum.
„ „ Spiritualiter observat sabbatum Christianus, abstinens se ab opere servili. Quid est enim ab opere servili? A peccato. Et unde probamus? Dominum interroga: *Omnis, qui facit peccatum, servus est peccati* „ „, Joan. 8 34.
Et Enarratione 2. in Psalm. 32. „ „, Sed tu cogitans requiem in Deo tuo, & propter ipsam requiem omnia faciens, abstine ab opere servili. *Omnis enim, qui facit peccatum, servus est peccati.* Et utinam hominis „ „ & non peccati „ „. Et Serm. 33. alias De Diversis 18. „ „ Donum Dei (*inquit*) quod est Spiritus sanctus, promittit requiem sempiternam, quæ sabbato figuratur. Unde nos sabbatum spiritualiter observamus, si non faciamus opera servilia. Ab his enim etiam carnali intellectu Judæi sabbato prohibentur. Qui autem spiritualia vult intelligere opera servilia, audiat Dominum dicentem: *Omnis, qui facit peccatum, servus est*

peccati. Peccatum autem non solum illud est, quod in turpi, aut iniquo facto apparet hominibus; sed etiam si habeat speciem boni operis, & tamen propter mercedem temporalem fiat, non propter requiem sempiternam. Quodlibet enim quisque facit, si hoc animo facit, ut terrenum emolumentum consequatur, serviliter facit, & ideo sabbatum non observat. Gratis enim amandus est Deus; nec anima potest, nisi in eo, quod diligit, requiescere. Æterna autem requies ei non datur nisi in dilectione Dei, qui solus æternus est, & ista est perfecta sanctificatio, & spiritale Sabbatum Sabbatorum „ „ „

Idem docet *S. Isidorus Pelusiota*, lib. 1. Epist. 70. „ „ „ Nihil (*inquit*) servilium rerum, ac vos ab otio in Dei cultu collocando tanquam servos abstrahendum, die sabbati faciatis, nec quod vos peccatorum pondere deprimat. Est enim recreationis, ac remissionis dies, nec ipsius dignitatem vitiorum colligationibus dedecorari, contumeliaque affici convenit. Quod autem sequitur: *Quæcunque sunt, ex anima fieri oportere*, per hæc verba ea omnia, quæ animæ lucrum afferunt, expleri præcipit, hoc est, precationem, quietem, admonitionem, beneficentiam, pudicitiam, continentiam, veritatem, puritatem. Quæ quidem ad internum hominem transeuntia, externum scandalis, & adversis casibus liberant; superante videlicet eo, quod melius, ac præstantius est „ „ „ Ex *S. Isidori Pelusiotæ* mente duo requiruntur potissimum ad fectorum sanctificationem, scilicet abstinencia ab operibus servilibus, & præsertim a peccatis, & exercitatio in bonis operibus.

Et *S. Gregorius magnus* explicans illud Jerem. 17. *Ne inferatis onera per portas vestras die sabbati*, Epist. 3. lib. 11. ait: „ „ „ Qui lucem fidei agnoscit, si peccata concupiscentiæ ad mentem per oculos trahit, in die sabbati onera per portas introducit. Non ergo in die sabbati per portas introducimus onera, si in Redemptoris nostri gratia constituti, pondera peccati ad animam per sensus corporeos non trahamus „ „ „

Idem

De tertio Decalogi præcepto. 689

Idem confirmat Synodus Lingonensis: „, Homines (*inquit*) utriusque sexus in festis debent esse purum intenti divinis, puta orando, ecclesiastica officia, & divina, ac sermones verbi Dei audiendo, de Deo, & Sanctis loquendo. Et ut his rebus melius possint intendere, debent abstinere ab omni opere servili, & potissime a peccato; quia gravius peccat, qui peccat in festo, puta furatur, fornicatur, quam qui in aliis diebus hoc facit „, „.

Et Synodus Eboracensis anno 1576. „,; Cessare vero oportet Christianum in die festo maxime a vitiis, & peccatis; quoniam servire debet Deo, cui displicet omne peccatum „, „.

Eandem Regulam confirmat S. Antoninus 2. p. Tribus modis Festorum religio violatur.
tit. 9. c. 7. §. 2. „, „, Festum (*inquit*) violatur, & male celebratur ex triplici negligentia, seu defectu. Primo; quia non cavetur a defectibus criminalibus. Secundo, quia non inhæretur actibus spiritualibus. Tertio, quia non abstinetur ab operibus manualibus. Quantum ad primum, debet quis abstinere a peccatis, maxime diebus festivis, quia plus habent impedire mentem, si mortalia sunt, a vacando Deo, quam opera manualia. Unde dicitur Lev. 23. de sabbato, cui succedunt festa Ecclesiæ: *Omne opus servile non facietis in eo*. Sed opus servile est peccatum; dicit enim Christus, Joan. 8. *Omnis qui facit peccatum servus est peccati...* Peccatum ergo mortale commissum die festo, est multo gravius, quam alia die. Nam ultra propriam deformitatem, puta, furti, vel fornicationis, habet specialem deformitatem ex illa circumstantia temporis sacri, qua festum violatur. Unde talis, ut dicit Nicolaus de Lyra, super Exodi cap. 20. non solum agit contra unum præceptum, scilicet: *Non machaberis*, aut illud, *Non furtum facies*; sed etiam contra illud de sanctificatione Sabbati „ „.

R E G U L A VI.

Quilibet Christianus Dominicis , & festis diebus Missam integram attente , & devote audire tenetur , nisi ipsum moralis impossibilitas , seu gravis necessitas excuset ; alioqui lethalis peccati reus est.

De religio-
sa festorum
dierum ob-
servantia.

Istud enim Ecclesiæ præceptum est , cui parere nos jussit Christus. Ab ipsius Apostolorum temporibus lex ista Christianis posita videtur , cum ejus originem post Apostolorum seculum non inveniamus. Conventus Christianorum Dominicis diebus agi solitos , in quibus sacrosanctum Sacrificium offerretur , *S. Justinus* docet in Apologia ad Imperatores ; in natalitiis quoque Martyrum offerri Deo Sacrificium consuevisse , *S. Cyprianus* , aliique Patres testantur. *Ad Dominicum convenire* , loquendi modus erat primis Ecclesiæ seculis solemnis.

S. Leo Epistola 11. alias 81. ad *Dioscorum* Alexandrinum Episcopum , Missæ sacrificium pluries offerri jubet solemnibus diebus , secundum morem Ecclesiæ romanæ , ut totus populus christianus ipsi interesse possit. „ „ Ut autem (*inquit*) in omnibus observantia nostra concordet , illud quoque volumus custodiri , ut cum solemnior quæque Festivitas conventum populi numerosioris indixerit , & ea Fidelium multitudo convenerit , quam recipere Basilica simul una non possit , Sacrificii oblatio indubitanter iteretur & ne his tantum admissis ad hanc devotionem , qui primi advenerint , videantur hi , qui postmodum confluerint , non recepti ; cum plenum pietatis , atque rationis sit , ut quoties Basilicam , in qua agitur , præsentia novæ plebis impleverit , toties sacrificium subsequens offeratur. Necesse est autem , ut quædam pars populi sua devotione privetur , si unius tantum Missæ more servato , sacrificium offerre non possint , nisi qui prima diei parte convenerint. Studiose ergo dilectionem tuam , & familiariter admonemus , ut quod nostræ consuetudini ex forma paternæ Tra-

di-

ditionis infedit, tua quoque cura non negligat, ut per omnia nobis, & fide, & actibus congruamus „ „

S. Casarius Arelatensis Episcopus Hom. 12. qui Sermo est in *S. Augustini* Appendice 281. Populum graviter increpat, quod Dominicis, & festis diebus Missam integram non audiret. „ „ Rogo vos (*inquit*) & paterna pietate commoneo, ut quoties, aut in die Dominico, aut in aliis Majoribus Missæ fiunt, nullus ab Ecclesia discedat, donec divina Mysteria compleantur. Et quamvis multi sint, de quorum fide, & devotione gaudemus, sunt tamen plures minus de salute animæ suæ cogitantes, qui lectis divinis lectionibus statim de Ecclesia foris exeunt, cum tamen etiam dum ipsæ lectiones leguntur, aliqui ex illis ita otiosis, & secularibus fabulis occupantur, ut eas nec ipsi audiant, nec alios audire permittant. Isti tales minus a nobis culpantur, si ad Ecclesiam non veniant; quia ibi probantur amplius Deum lædere, ubi peccatorum poterant indulgentiam promereri. . . Si diligenter attenderitis: cognoscetis, quia non tunc fiunt Missæ, quando divinæ lectiones in Ecclesia recitantur, sed quando munera offeruntur, & Corpus, vel Sanguis Domini consecratur. Nam lectiones sive Propheticas, sive Apostolicas, sive Evangelicas, etiam in domibus vestris, aut ipsi legere, aut alios legentes audire potestis: Consecrationem vero Corporis, vel Sanguinis Domini non alibi nisi in domo Dei audire, vel videre potestis. Ideo, qui vult Missas ad integrum cum lucro animæ suæ celebrare, usquequo oratio Dominica dicatur, & Benedictio populo detur, humiliato corpore, & compuncto corde se debet in Ecclesia continere. Cum enim maxima pars populi, imo, quod pejus est, pene omnes, recitatis lectionibus exeunt de Ecclesia, cui dicturus est Sacerdos: *Surgam corda*? Aut quomodo sursum se habere corda respondere possunt, qui deorsum in plateis, & corpore simul, & corde discedunt? . . . Quibus non sufficit, quod per totam hebdomadam, aut pro necessitate, aut forte, quod verius est, pro cupi-

ditate jugiter occupantur; adhuc insuper post unius, aut duarum horarum spatium, quo videntur corpore magis, quam corde ad Ecclesiam convenire, mittentes dorsa Sacrificiis, vel Sacerdotibus Dei, ad amplexandum voluptatem seculi hujus sine mora aliqua revertuntur. Qui non agnoscentes, quid expectant, quid relinquunt, sequuntur tenebras, & deserunt lucem; amplectuntur umbram, & despiciunt veritatem; dimittunt dulcedinem Christi, & requirunt amaritudinem mundi, diligentes vanitatem, & quærentes mendacium. Vere ignorat, quantum boni in celebrandis Missis agitur, qui de Ecclesia festinus egreditur. Cum tamen istos tales si aut Rex, aut aliqua potens persona vocasset ad prandium, velim scire, si præsumerent discedere, nisi prius totum prandium completeretur; etiam si persona non teneret, gula teneret. Quare de convivio hominis, nisi perexpletum fuerit, non discedimus, nisi quia & ventrem forte plusquam expedit explere volumus, & hominem lædere formidamus? Quare de spiritali, & divino convivio cito discedimus? Quia nec de cibo animæ curamus, nec Deum timemus, nec hominem reveremur. Et quia Deo propitio, non sunt omnes in hac parte culpabiles, sed multi inveniuntur, qui cum grandi compunctione, usquequo benedictio super populum detur, de Ecclesia non discedunt, & humiliter orare non solum pro se, sed & pro aliis non desistant; illis, quibus tantam compunctionem Deus dedit, ut in Ecclesia perseverarent; retribuet mercedem, eos vero, qui negligentes sunt, justo judicio damnabit. Et ideo, Fratres, monete eos, qui nec Orationem dominicam dicere, nec benedictionem accipere volunt; & non desistatis castigare, dicentes, & definitissime comminantes: Quia nihil eis prodest, quod divinas lectiones audiunt, si antequam divina Mysteria compleantur, abscedunt. Illi tamen, qui in publicis necessitatibus occupantur, & eis, qui aliqua infirmitate prohibente expectare non possunt, imputare non possumus, nec debemus. Ipsi tamen videant in conscientia.

De tertio Decalogi præcepto. 693

scientia sua , utrum eos necessitas retrahat , an voluntas „ „

Ex hac *S. Casarii* Homilia colligitur , Christianum quemlibet teneri ad audiendam Missam integram Dominicis , & festis diebus. Secundo , graviter peccare , qui non audiunt , & ante Sacerdotis benedictionem discedunt , iustoque Dei iudicio damnandos. Tertio , Missam attento , devotoque animo , & *cum compunctione* audiendam. Quinto , solam necessitatem sive impotentiam hac in re a peccato mortali excusare , adeoque omitti non posse Missam die festo propter lucrum cessans , abique reatu peccati mortalis.

Hinc Concil. Burdigalense anno 1624. tit. *De Officiis divinis* , cap. 3. „ „ Grave (*inquitt*) quamplurimos homines , negotia secularia quamvis levissima tanti facere , ut eorumdem ratione Dominicis diebus , & Festis solemnibus ad audiendum Sacrum , nulla sollicitudine , nulloque divini numinis metu adduci possint. Moneant igitur Parochi omnes , & Concionatores sæpissime populum , iis diebus ad audiendum Sacrum sub peccati mortalis poena teneri , & obligari ; nullusque sit ; qui contra docere , prædicare , aut consulere audeat , aut secus ab Ordinariis puniatur „ „

Obligationem audiendi Missam integram Dominicis , & festis diebus confirmant pariter Concilia , scilicet Agathense anno 506. can. 47. „ „ Missas die Dominico a secularibus totas teneri , speciali ordinatione præcipimus , ita ut ante benedictionem Sacerdotis egredi populus non præsumat , qui si fecerint , ab Episcopo publice confundantur „ „

Missæ integra festis diebus audienda.

Aurelianense „ anno undecimo supra quingentesimum , can. 26. „ „ Cum ad celebrandas Missas (*inquitt*) in Dei nomine convenitur , populus non ante discedat , quam Missæ solemnitas compleatur ; & ubi Episcopus non fuerit , benedictionem accipiat Sacerdotis „ „

Concilium Burdigalense anno 1582. „ „ Illa est (*inquitt*) valde culpanda consuetudo , ab elevatione ve-

nera.

nerabilis Sacramenti, vel ante peracta mysteria recedendi. Quare omnes moneantur sedulo a Parochis, illos Ecclesiæ præcepto de audienda Missa non satisfacere, nisi forte, quod raro accidit, talis necessitas sit, quæ moram non ferat. Nulli ergo ante datam a Sacerdote benedictionem discedere liceat „ „ Idem statuit Concilium Turonense anno 1583.

Si quis ergo notabili parti Missæ, videlicet prædicationis, vel tertiæ parti non interfuit, præcepto non satisfacit, secundum *S. Antoninum* 2, p. titul. 9. cap. 10. Eum vero, qui non interfuerit consecrationi, reum esse violati præcepti de Missa audienda, certissimum est, si quidem (ut ait *S. Cæsarius Arelatensis*) *Tunc fiunt Missæ, quando munera offeruntur, & Corpus, vel Sanguis Domini consecratur.* Damnanda ergo recentioris cujusdam casuum arbitri opinio, qui scribere ausus est; satisfieri præcepto auditionis Missæ, etiamsi quis non interfuit consecrationi; quia potest (inquit) adhærere opinioni asserenti Sacrificii essentiam in communione consistere; atque adeo non est dicendus omisisse sacrificium; hæc (inquam) opinio explodenda, & damnanda est.

Qui diebus
festis a Missa
audienda
excusantur.

Excusantur autem ab hujus præcepti observantia infirmi, qui domo exire non possunt, & qui infirmis periculose decumbentibus ministrant, si neminem substituere possint, qui ipsorum interim curam gerat, & matres, quæ non possunt dimittere infantes sine periculo; & alii, qui impedimenta legitima habent, vel ardua negotia, quæ non possunt dimittere sine magno detrimento, scandalo, vel periculo (inquit *S. Antoninus*.) Idque confirmat ex cap. *Quod non est*, Extra, *De Regulis juris*, cujus hæc sunt verba: „ „ Quod non est licitum in lege, necessitas facit licitum. Nam & sabbatum custodiri præceptum est; Machabæi tamen sine culpa sua in sabbato pugnant; sic & hodie si quis jejunium fregerit ægrotus, reus voti non habetur „ „

Nec viduæ
nec puellæ
nubiles a

Quod Viduæ aliquibus diebus, vel hebdomadis a morte virorum maneant domi in signum tristitiæ,

De tertio Decalogi præcepto. 699

unde & Missam non audiunt, tolerandum videtur *Missæ auditione excusantur.*
S. Antonino si est consuetudo patriæ. Concil. Mediolanense 1. statuerat, ne ad summum mense amplius sint sine Missæ auditione, qua in re (inquit) nulla valeat excusatio cuiusvis consuetudinis, quam irritam decernimus. Eas item Episcopi etiam Censuris ecclesiasticis id facere cogant. Concilium vero Mediolanense 3. nullius consuetudinis prætextu permittendum consultius statuit, ut Dominico, vel festo die Missæ auditionem omittant, „ „ Festis (inquit) diebus sacrosancto Missæ Sacrificio Fideles omnes intersint. Neque vero excusentur puellæ nobiles, neque deinceps viduæ, ne permissu quidem primi nostri Concilii, ob recentem mariti mortem, neque ullo alio cuiusvis consuetudinis prætextu „ „.

Cum autem festis diebus servi, & ancillæ Deo vacare debeant non minus quam domini, providere debent domini, ut Missam audiant, cum de illis omnium Domino reddituri sint rationem. Unde rursus Concilium Mediolanense 1. Parochis præcipit, ut „ „ Mo-
 „ neant frequenter patres familias, ut filios, & famu-
 „ los, quos in bestiis pascendis occupant, saltem die-
 „ bus festis Missæ jubeant interesse „.

Qui diebus festis ex necessaria causa iter agunt, *Iter non excusat ab auditione Missæ festis diebus.*
 ante professionem Missam audire tenentur, si prævideant se in ea loca venturos, ubi Missam audire non possint ob penuriam Sacerdotum, vel ob horam intempestivam. Damnanda igitur opinio est cuiusdam casuum arbitri, qui prævisionem carentiæ Missæ non obstare asserit, quo minus quis proficiscatur venatum ad locum desertum, ubi ob penuriam Sacerdotis nequibit die festo Missam audire. Standum potius *S. Antonini* iudicio, tit. 9. 2. p. c. 10. scribentis: „ „ Quicumque ex negligentia vera omittit audire Missam diebus Dominicis, & Festivis, cum possit, peccat mortaliter. Facit enim contra præceptum Ecclesiæ, quod habetur; *De Consecratione*, dist. 1. ubi dicitur: *Missas secularibus totas audire die Dominico speciali ordine præcipimus; ita ut nullus ante Benedictionem Sacer-*

696 Theol. Dog. & Moral. Lib. IV.

dotis egredi presumat. . . Non excusantur ab hoc præcepto itinerantes, si commode audire possunt, alias secus; puta, aliquis est in societate aliquorum, qui nolunt expectare Missam, & sine societate illa non bene potest iter facere, vel quia ignorat viam, quæ difficilis est, & periculosa, vel quia non est tuta a latronibus, vel quia ab illis habet expensas itineris, & hujusmodi; excusatur hic sine dubio „„.

R E G U L A VII.

Nec successiva, nec simultanea duarum partium diversarum Missarum auditione impletur præceptum Ecclesiæ de audienda Missa Dominicis, aut festis diebus,

Propositio-
nes dam-
nata.

Ex duobus enim, vel pluribus partibus diversarum Missarum nequaquam conflatur unum Sacrificium, cui interesse jubet Ecclesia. Unde merito Facultas Theologica Lovaniensis anno 1657. inter alios articulos ab Episcopo Handavensi ad ejus examen delatos hunc ordine 17. damnavit: „ Satisfacit præcepto „ Ecclesiæ de audiendo Sacro, qui duas ejus partes, „ imo quatuor, simul a diversis celebrantibus audit „ *Et hac Censura confixit* : „ Falsa est, & præceptorum „ Ecclesiæ elusiva; nec majorem habet apparentiam de „ quatuor Sacri partibus, quam de viginti „ Eandem propositionem in Apologia Casuistarum damnaverunt plerique Galliarum Episcopi : „ „ Ut aperte fallam, Ecclesiæ de audienda Missa præcepto, communique Christianorum sensui repugnantem, & christiani cultus sanctitatem, & veritatem absurdis cavillationibus infringentem „„.

Eandem Clerus gallicanus anno 1700. hac Censura confixit: „ Hæc propositio absurda est, scandalosa, illusoria, omniumque Christianorum sensui repugnat „.

R E G U L A VIII.

Qui Missæ adest absque interna animi devotione, & attentione, totoque tempore, vel per magnam par-
tem

tem Sacri voluntarie distractus est, non satisfacit Ecclesiæ præcepto, quamvis cum externa devotione adsistat.

Ecclēsia enim auditionem Missæ præcipit, ut actum religionis; at sine attentione interiori non est actus religionis; itaque præceptum non adimpletur sine attentione, & devotione interiori. Ecclesia igitur actum etiā interiorem consequenter præcipit, cum necessarius est ad actus exterioris bonitatem, quamvis actum ipsum exteriorem directe duntaxat præcipiat. Præterea, Ecclesia præcipiendo auditionem Missæ Dominicis, festisque diebus, determinat præceptum naturale, sive divinum de sanctificatione Sabati. Lex ergo naturalis vim exerit suā posita Ecclesiæ determinatione. Lex porro naturæ obligat ad attentionem interiorem; quam ob rem non impletur Ecclesiæ lex ipsam determinans, si desit interior attentio. Simile quidpiam occurrit in præcepto de horis Canonici recitandis, quo naturale, seu divinum orandi præceptum determinatur; ideoque Ecclesia eam recitationem præcipiens, etiā modum virtutis ex lege naturæ, seu divina requisitum præscribit, & expressit, eam fieri iubens *Studiose pariter & devote*, cap. *Volentes*, Extra, *De Celebratione Missarum*.) Similiter quia jure divino præcepta est Confessio sacramentalis peccatorum & sumptio Eucharistiæ; Ecclesia determinans tempus implendi hæc præcepta, etiā modum virtutis præscripsit, & expressit, iubens Confessionem quotannis fieri proprio Sacerdoti *fideliter*, & Eucharistiam in Paschate suscipi *reverenter* (cap. *Omnes utriusque sexus*, Extra *De penitentiis, & remissionibus*.) Vult enim Ecclesia filios suos immunes esse a fulmine maledictionis istius Prophetiæ (Jerem. 48.) *Maledictus, qui facit opus Domini fraudulenter*. A fermento Phariseorum ipsos vult cavere, quibus Christus indignatus ait (Matth. 15.) *Hypocrita, bene prophetavit de vobis Isaias dicens: Populus hic labiis me honorat, cor autem eorum longe est a me*, Perspectam

habet sententiæ illius a *S. Bernard.* prolatae veritatem (in Apologia ad *Guilielmum* Abbatem.) *Quis magis impius , an proficiens impietatem , an mentiens sanctitatem ? Nonne is , qui etiam mendacium addens , geminat impietatem ? Nonne vero sanctitatem mentitur , adeoque impietatem geminat , qui Missæ Sacrificio adlūstet speciem devotionis exhibens exterius , sed interius voluntarie distractus , & secularibus negotiis , aut pravis etiam cogitationibus , & affectibus occupatus ?*

Hanc Regulam confirmat *S. Antoninus* , 2. p. tit. 9. cap. 10. „ „ „ Non debent (*inquit*) accedere ad Missam , ut videant , vel videantur ab amatoribus suis. Nam tales non implent præceptum illud Ecclesiæ , sicut nec illi , qui stant ad sociandum dominos , alias non audituri ; sed debent accedere ad orandum , & tunc a se remove debent cogitationes temporalium ad Deo vacandum „ „ „ Unde *S. Cyprianus* ait libro *De oratione Dominica* , & refertur Canone *Quando* , dist. 1. *De Consecratione* , ex quo citat *S. Antoninus* : „ „ Quando stamus ad orationem , fratres dilectissimi , vigilare , & incumbere ad preces toto corde debemus. Cogitatio omnis carnalis , & secularis abscedat , nec quidquam tunc animus , quam id solum cogitet , quod precatur. Ideo & Sacerdos ante orationem Præfatione præmissa , parat fratrum mentes dicendo : *Sursum corda* , ut dum respondet plebs : *Habemus ad Dominum* , admoneatur , nihil aliud se quam Dominum cogitare debere. Claudatur contra aduersarium pectus , & soli Deo pateat , nec ad se hostem Dei tempore orationis adire patiatur ; obrepit enim frequenter , & penetrat , & subtiliter fallens preces nostras a Deo avocat , ut aliud habeamus in cordo , & aliud in voce , quando intentione sincera Dominum debeat non vocis sonus , sed animus , & sensus orare. Quæ autem segnitia est alienari , & rapi ineptis cogitationibus , & profanis , cum Dominum deprecari , quasi sit aliud , quod magis debeas cogitare , quam quod cum Deo loqueris „ „ ? Quorsum auditio Missæ Dominicis , & festis diebus Christianis præcepta

cepta est, nisi ut se veros adoratores exhibeant? Eum autem, qui Deum adorat, *in spiritu, & veritate adorare oportet*. Quod certe non facit, qui absque interna devotione, & animi attentione Sacro adest, totoque Sacri tempore, vel per magnam Sacri partem secularibus cogitationibus, vel etiam pravis, aut confabulationibus volens distrahitur. Ut enim ait *S. Casarius Arelatensis* Serm. 82. qui in appendice *S. Augustini* ducentessimus octogessimus tertius est: „ „ Omnis homo, quod tempore orationis attentius cogitat, hoc sibi pro Deo constituit, & hoc quasi Deum habere, & quasi Dominum videbitur adorare. Quæ res nimium mihi aliquoties intolerabilem dolorem incutit, & tremorem, cum in ipsa orationis intentione mens ad diversas occupationes seculi rapitur, & cum videtur aliud agere, longe alibi cognoscitur cogitatione discedere; quasi sit aliquid, quod plus cogitare debeamus. Quando cum Deo loquimur, nil nobis aliud est cogitandum, nisi ut toto corde, & toto animo, & tota mente peccatorum indulgentiam, & Dei gratiam debeamus expetere. Verbi gratia, quicumque forte in oratione subripitur, ut forum cogitet; si forum cogitat, forum adorat. Subripitur illi, ut domum, quam fabricat, aut reparat, ante oculos proponat; quod ante oculos habuerit, hoc adorat. Forte vineas, aut hortum, aut aliud aliquid cogitat; quod ante oculos cordis proposuerit, hoc in illa oratione adorat. Taceo de malis, & forte etiam turpibus cogitationibus, vel immundis. Considerate, quæso, & videte quam sit dura ista captivitas, ut lingua quasi cum Deo loquatur, & tota animi intentio ad terram, & parietes, vel lapides dirigatur. Et si ista, quæ licite alio tempore, vel cogitare possumus, vel videre, nimis durum est, ut nobis in oratione subreant, putas illa, quæ etiam alio tempore illicite cogitantur, quantum mali erit, si ea in oratione positi cogitemus, id est, si cupiditatem, si odium, si iracundiam, aut luxuriam, vel adulteria, & cætera his similia,

inclinati ad orationem ante cordis nostri oculos proponamus?... Et ideo si fieri non potest, ut istas captivitates animæ ad integrum possitis evadere, vel quantum possumus, auxiliante Domino, laboremur, ut eas, vel tardius incurrere videamur; ne forte per negligentiam dum orantes aliud cogitamus, inde apud Deum inveniamus offensam, unde potueramus acquirere gratiam „ „

Et paulo ante: „ „ Orantes, quantum possumus, adjuvante Domino laboremur, ut nulla nobis extranea cogitatio subrepere possit, ne forte aliud habeamus in corde, & aliud proferamus ex ore; ne forte dum lingua Deum rogat, cogitatio in rebus variis occupata, ab oratione sensus discedat; & inde acquirat peccatum, unde potuit habere remedium. Si enim apud aliquam potentem personam velles aliquam causam necessariam allegare, & subito aversus ab illa, media interlocutione disrupta, aliquibus te velles occupare scurrilitatibus, qualem te putas injuriam illi personæ, cum qua loquebaris, inferre? Quomodo contra te illius iracundiam commoveres? Si ergo cum homine loquentes, tota intentione animi laboramus, ne aliud cogitantes illi, cum quo loquimur, injuriam facere videamur; cum Deo in oratione loquentes, & ante tantam majestatem peccatorum nostrorum misérias allegantes, non nos pudet, & non erubescimus, captivis sensibus huc, illucque discurrere, & infelicem mentem multis occupationibus a conspectu divinæ Majestatis abstrahere? Et ideo unusquisque antequam in oratione procumbat, omnes cogitationes superfluas ab animi sui intentione, Deo auxiliante, repellat; ut anima nostra sancti Spiritus fervore succensa, omne vitium compunctionis, vel orationis igne consumat, & vagas, ac volaticas cogitationes longe dispergat; ut solæ virtutes tantum, & sanctæ meditationes in cordibus nostris locum semper inveniant „ „

Jo. 22. ad
Philip. 5.
Regem

Attentionis interioris pariter, & extremæ necessitatem in Missa audienda, cæterisque divinis officiis,

Phi-

Philippo V. Regi christianissimo paternis literis inculcat *Joan. 22.* Pontifex maximus, quas apud *Odoricum Raynaldum* in Annalibus ecclesiasticis ad annum 1317. legere est. „„ Nosti (*inquit*) quod juxta verbum nobilis Citharoedi: Decet domum Domini sanctitudo: nosti, quod Ecclesia vocari domum orationis ipsa veritas censuit, & temporalia negotia, quæ alibi geri licite poterant, inibi fieri non permittens, illos avinde ejecit. Sed an tu Ecclesiam ipsam domum negotiationis, aut colloctionis interdum efficias, paulisper attende; habet enim multorum assertio, nobis indubitanter implacida, quod tu, dum divina, & specialiter Missarum solemnia in tui præsentia celebrantur, nunc isti, nunc illi colloqueris, & negotiis te frequenter impendens, quæ per Dei ministrum pro tua, populi que salute, ac expiatione peccatorum aguntur, ut condecet, non advertis. Porro, dilectissime Fili, talia beneplacito divino fore contraria, tuæque indecentia Majestati, nequaquam ambigimus. Unde hujusmodi perniciosum abusum tuis præsertim exulare temporibus affectamus, celsitudinem regiam exhortantes in Domino Jesu Christo, quatenus divinum officium reverenter audias, & devote, & quamdiu celebrationi illius intereris, devotioni te totum præbens, humiliato spiritui, & corde contrito sacratissimam Passionem, & alia immensa recogites tui beneficium Redemptoris... Interim autem dum in oratione colloqueris Domino Majestatis, cujusvis alterius colloquium citra necessitatis exigentiam non admittas, ne peregrina forsitan immiscendo colloquia, sibi, qui & quodammodo tibi oranti colloquitur, censearis injuriam facere, ipseque tibi intendere dedignetur, cui tu deprecans non intendis „ „.

Hanc denique Regulam confirmat Concil. Tridentini Catechismus, qui parochum diligenter docere jubet, quibus in operibus, atque actionibus christiani homines diebus festis exercere se debeant. „ „ Ille vero ejusmodi sunt (*inquit*) ut ad Dei Templum accedamus, eoque loco sincera, piaque animi attentio-

christianum
literæ de
Missæ, &
cæteris di-
vinis offi-
ciis devote
audiendis,
Psalm. 92.

ne sacrosanctæ Missæ Sacrificio interfimus „ „ „ Ad eam vero attentionem nos invitat Christi Pontificis æterni præsentia, & multorum millium Angelorum frequentia. „ „ „ Qui enim Fidelium habere dubium possit, in ipsa immolationis hora ad Sacerdotis vocem coelos aperiri? In illo Jesu Christi mysterio Angelorum choros adesse? Summa, & ima lociari, terrena cœlestibus jungi, unumque ex invisibilibus, atque visibilibus fieri „ „ „? (*inquit S. Greg. lib. 4. Dialogorum, cap. 58. Cujus verba referuntur can. Quid sit Sanguis, dist. 2. De Consecratione.*)

Ex his perspicuum est quam merito damnata sit hæc Propositio: „ „ „ Præcepto Ecclesiæ de audiendo Sacro satisfacit per reverentiam exteriorem tantum, animo licet voluntarie in aliena, imo & prava cogitatione defixo „ „ „ Sic autem de illa judicavit Clerus gallicanus anno 1700. „ Hæc propositio temeraria est, scandalosa, erronea, impietati favet, & præcepto Ecclesiæ illudit „ „

R E G U L A IX.

Graviter peccant, qui cum peccati lethalis affectu Missæ Sacrificio Dominicis, & Festis diebus interfunt.

Que dispositio ad Missam diebus Dominicis, & festis recte audiendam necessaria.

Magis enim rei sunt Christiani cum peccati lethalis affectu Missam audientes, quam Judæi vetera Sacrificia cum affectu peccati offerentes, & frequentantes, tum quia longe sacratius, & augustius est Sacrificium Christianorum veteribus illis Sacrificiis; illa enim erant figuræ duntaxat, & umbræ futuri; istud autem veritas, & corpus Christi; tum quia longe majoribus beneficiis Deo sunt devoti Christiani, quam Judæi. Judæos porro graviter peccasse constat, cum solemnitates antiquas celebrabant, & sacrificia offerebant, vel frequentabant cum peccati lethalis affectu; longe gravius igitur peccant Christiani, qui cum affectu lethalis peccati sacrosancto Missæ sacrificio diebus Dominicis, & festis interfunt. Ad ipsos-

ipſosque pariter dirigitur illa Dei comminatio, & præceptio (*Is.* 1.) quatenus morum informationem ſpectat: *Ne offeratis ultra ſacrificium fruſtra; incenſum abominatio eſt mihi. Neomeniam, & ſabbatam, & feſtivities alias non feram; iniqui ſunt cætus veſtri: Calendas veſtras, & feſtivities veſtras odivit anima mea; facta ſunt mihi moleſta; laboravi ſuſtinens. Et tàm extenderitis manus veſtras, avertam oculos meos à vobis; & cum multiplicaveritis orationem, non exaudiam; manus enim veſtræ ſanguine plene ſunt. Lava mini, mundi eſtote; auferre malum cogitationum veſtrarum ab oculis meis; quieſcite agere perverſe, diſcite beneſacere. Quid eſt autèm, auferre malum cogitationum ſuarum, niſi peccandi voluntatem, & affectum deponere? Hinc *S. Hieronymus* hunc locum explicans præclare ait: „, Omnis conventus, qui non offert hoſtias ſpirituales, nec audit illud, quod in quinquageſimo *Pſalmo* canitur: *Sacrificium Deo ſpiritus contritulus; cor contritum, & humiliatum Deus non deſpicies*; abominabilis eſt Deo. Et idcirco jungit, & dicit: *Calendas veſtras, & ſolemnitates veſtras*; ut non ſuas appellet feſtivities, ſed eorum, qui male his abutuntur. Utendum hoc teſtimonio, & contra eos, qui cum quotidianis operibus ſanguine manus plenas habeant, in oratione dies, nocteſque conjungunt „,.*

Præterea Chriſtiani, qui Eccleſia præcipiente Dominicis, & feſtis diebus in Eccleſiam ſe conferunt, Miſſam audituri, duplicem ad ſacroſanctum Miſſæ Sacrificium relationem habent, offerentium ſcilicet, atque victimarum; ſacrificium offerunt, non quidem, ut publici miniſtri, ſed ut publico miniſtro, nempe Sacerdoti quodammodo cooperantes, ſuamque intentionem ejus intentioni conjungentes, ut unum ſit Sacerdotis, populiſque adſtantis ſacrificium; unde Sacerdos poſt oblationem ad populum converſus ait: *Orate, fratres, ut meum pariter, ac veſtrum in conſpectu Domini fiat acceptum ſacrificium.* Et in Canone ſic precatur: *Memento, Domine, famulorum, Tom. V 111,*

Chriſtiani
qui ſacrifi-
cio Miſſæ
interſunt,
illud ſuo
modo de-
ferre de-
bent cum
Sacerdote.

familiarumque tuarum N. N. & omnium circumstantium, quorum tibi fides cognita est, & nota devotio, pro quibus tibi offerimus, vel quibus offerunt hoc sacrificium laudis. In sacrificium offeruntur, quia totum Ecclesiae corpus cum Christo, & a Christo Sacerdote pariter, & victima Deo offertur. Utraque porro Christianorum Missam audientium ad Sacrificium sacrosanctum relatio postulat, ut sin minus a peccato lethali omnino puri sint (ut esse debet Sacerdos Sacrum faciens) saltem ab affectu peccati sint liberi, & poenitentium affectum induant, veniam peccatorum animo supplici postulantes, & ad Deum ex toto corde converſi. Hypocrita enim est, qui sacrificium externum offert, & seipsum intus Deo non offert; liquidem *Sacrificium visibile invisibilis sacrificii Sacramentum, id est, sacrum signum est* (inquit S. August. lib. 10. *De Civitate Dei*, cap. 5.) Quamobrem Christianus quisque Missae sacrificio ex praecepto Ecclesiae praesens, illud pro parte sua debet offerre cum Sacerdote; idque ut sincere, ac rite praestet, debet Deo seipsum offerre. Hæc autem oblatio, qua seipsum offert, Deo grata esse non potest, imo fieri non potest, quin ingrata sit, ac divinae Majestatis iram provocet, nisi peccati mortalis affectum, & voluntatem deposuerit peccator, poenitentiam profiteatur, Deumque diligere incipiat. Peccati namque lethalis affectus sola charitate, saltem inchoata, ex-

tate cor nostrum, ejus Unigenitum cum Sacerdote placamus. .: Ei suavissimum adolemus incensum, cum in ejus conspectu pio, sanctoque amore flagramus; ei dona ejus in nobis, nosque ipsos vovemus, & reddimus; ei beneficiorum ejus solemnitatibus; festis, & diebus statutis dicamus, sacramusque memoriam, ne volumine temporum ingrata subrepat oblivio; ei sacrificamus hostiam humilitatis, & laudis in ara cordis igne fervidæ charitatis. Ad hunc videndum, sicut videri potest; eique coherendum, ab omni peccatorum, & cupiditatum malarum labe mundamur, & ejus nomine consecramur „ „ „

Id confirmat *S. Gregorius*, lib. 4. *Dialogorum*; cap. 59. Cum enim de sacrosancti Sacrificii Corporis, & Sanguinis Christi quotidiana oblatione; & virtute in præcedenti capite dixisset; *Quod pro absolutione nostra Passionem unigeniti Filii semper imitatur*; in eoque summis ima sociati; tertena coelestibus jungi; unumque ex visibilibus atque invisibilibus fieri subdit: „ „ Sed necesse est, ut cum hæc agimus, nosmetipsos Deo in cordis contritione mactemus; quia qui Passionis dominicæ mysteria celebramus, debemus imitari, quod agimus: Tunc ergo vere pro nobis hostia erit Deo; cum nos ipsos hostiam fecerimus „ „ „

Idem confirmat *B. Petrus Damiani*, Opusculo 111 quod inscribitur, *Dominus vobiscum*; cap. 8: „ „ In ipsa (inquit) celebratione Missarum, cum dicitur: *Memento; Domine; famulorum; famularumque tuarum*; paulo post subditur: *Pro quibus tibi offerimus, vel qui tibi offerunt hoc Sacrificium laudis*: In quibus verbis patenter ostenditur, quod a cunctis Fidelibus; non solum viris, sed & mulieribus; sacrificium illud laudis offertur, licet ab uno offerri specialiter Sacerdote videatur; quia quod ille Deo offerendo manibus tractat, hoc multitudo Fidelium intenta mentium devotione commendat: Quod illic quoque declaratur, ubi dicitur: *Hanc igitur oblationem servitutis nostræ; sed & cunctæ familiæ tuæ, quasumus Domine*

ut placatus accipias. Quibus verbis, luce clarius constat, quia sacrificium, quod a Sacerdote sacris Altaribus superponitur, a cuncta Dei familia generaliter offeratur „„. Debent itaque quotquot Missæ sacrificio Dominicis, & festis diebus ex Ecclesiæ præcepto adsunt Christiani, illud una cum Sacerdote offerre, seu intenta mentium devotione commendare; quomodo vero id agent, aut quomodo eorum oblatio, & oratio non fiet illis in peccatum, si in affectu, & voluntate peccati mortalis perseverent? Illud ut deponant sincera mentis ad Deum conversione, & contritione, confessio generalis omnium nomine ab iis, qui Sacerdoti celebranti ministrant, præmittitur: *Confiteor Deo, &c.* ut exomologesi peccatorum facta, sacrificii propitiatorii, quod pro ipsis offertur, participes esse possint. „„ Sacrificium enim istud propitiatorium est, per ipsumque fit, ut si cum vero corde, & recta fide, cum metu, & reverentia, contriti, ac poenitentes, ad Deum accedamus, misericordiam consequamur, & gratiam inveniamus in auxilio opportuno. Hujus quippe oblatione placatus Dominus gratiam, & donum poenitentiae concedens, crimina, & peccata etiam ingentia dimittit „„. Hujus itaque sacrificii fructu privantur, qui huic cum metu, & reverentia, contriti, & poenitentes non intersunt.

Conc. Trident. Sess. 22. cap. 2.

Christiani quotquot adsunt Missæ sacrificio Deo in sacrificium offeruntur.

Psal. 72.

Non solum offerre debent suo modo sacrificium cum Sacerdote, quotquot Missam audiunt Christiani Dominicis, festisque diebus, sed & ipsi offeruntur Deo in sacrificium, ut docet *S. August.* lib. 10. *De civitate Dei* jam indicato, cap. 6. „„ Cum (*inquit*) vera Sacrificia opera sint misericordiae sive in nos ipsos, sive in proximos, quæ referuntur ad Deum, opera vero misericordiae non ob aliud fiant, nisi ut a miseria liberemur, ac per hoc ut beati simus, quod non fit, nisi bono illo, de quo dictum est: *Mibi adhaerere Deo bonum est*; profecto efficitur, ut tota ipsa redempta civitas, hoc est, congregatio, societalque Sanctorum, universale sacrificium offeratur Deo per Sacerdotem magnum, qui etiam seipsum obtulit in

Paf.

Passione pro nobis, ut tanti capitis corpus essemus, secundum formam servi. Hanc enim obtulit, in hac oblatas est; quia secundum hanc mediator est, in hac Sacerdos, in hac sacrificium est. *Et paulo post subdit: Hoc est sacrificium Christianorum; Multi unum cor-* Rom. 12.
pus in Christo, quod etiam Sacramento Altaris Fide-
 libus noto frequentat Ecclesia, ubi ei demonstratur,
 quod in ea re, quam offert, ipsa offeratur „ „ „
 Cum itaque victimas puras, & impollutas sibi offerri
 velit Deus, & *Victimæ impiorum sint abominabiles Do-*
mino (ut dicitur *Prov. 15. 8.*) & multo magis ipsi-
 met impii; necesse est, Christianos Missæ sacrificio
 interesse excluso peccati affectu per affectum cordis
 poenitentis, & contriti, ut victimæ sint Deo gratæ,
 cui *Sacrificium est, spiritus contribulatus*, quique *Cor* Psalm. 50.
contritum, & humiliatum non despicit.

Optat denique Ecclesia, ut qui Missæ sacrificio in-
 tertunt, in eo sint statu, in quo „ „ „ Spirituali affectu
 communicare possint & optaret, ut & sacramentali
 etiam Eucharistiæ perceptione communicarent, quo
 ad eos sanctissimi hujus Sacrificii fructus uberior per-
 veniret „ „ (*inquit* sacra Synodus Tridentina sess. 22.
 cap 6.) Spiritualis porro Communio fieri non potest
 in affectu peccati; spiritualiter enim manducare Cor-
 pus Christi, ejusque Sanguinem bibere, est „ „ In
 Christo manere, & illum manentem in se habere. Ac
 per hoc, qui non manet in Christo, & in quo non
 manet Christus, proculdubio non manducat *spiritua-*
liter, ejus carnem, nec bibit ejus sanguinem „ „
 (*inquit* S. August. Tract. 26. in Joannem) Atque ad
 hujus rei significationem aqua vino miscetur in Calice.
 Aqua populus, vino Christi Sanguis significatur. Hoc
 itaque ritu significatur populum christianum fide per
 dilectionem operante Christo conjunctum esse debe-
 re. Sed proh dolor! quam longe a felici illa dispo-
 sitione remotus est, qui in affectu peccati perseverat,
 nec poenitentem, & contritum animum offert Deo,
 cum sacrosancto Missæ Sacrificio interest! „ „ Quan-
 do (*inquit* S. Cyprianus Epist. 63.) in Calice vino aqua

Christia-
 nos, qui
 missæ Sa-
 crificio in-
 tertunt, in
 eo statu ef-
 se optat Ec-
 clesia, in
 quo spiri-
 tualiter
 communi-
 care pos-
 sunt.

Affectus
igitur pec-
cati neces-
sario depo-
nendus est,
ut Missa,
sicut oportet,
id est, digne
fructuoseque
audiat.
Lucæ 18.
13.

miscetur, Christo populus adunatur, & credentium plebs ei, in quem credidit, copulatur, & conjungitur; quæ copulatio, & conjunctio aquæ, & vini siq miscetur in Calice Domini, ut commixtio illa non possit ab invicem separari. Unde Ecclesiam, id est, plebem in Ecclesia constitutam fideliter, & firmiter in eo, quod credidit, perseverantem, nulla res separare poterit a Christo, quominus hæreat semper, & maneat individua dilectio „ „. Qui ergo in statu peccati est Dominicis, & festis diebus, cum ad Templum accedit Missam auditurus, affectum peccati deponat, poenitentis affectum induat, contrito, & humiliato animo sacrosancto Sacrificio intersit, Publicanum imitetur, qui oculos ad cælum levare non ausus, percutiebat pectus suum, dicens: *Deus propitius esto mihi peccatori.* Hinc *S. Antoninus* R. 2. tit. 9. cap. 10. ait: „ In mortali existens non debet multo intuitu respicere Corpus Domini, sed indignum se reputare, vel in transitu videre „. Nam, ut ait *S. Joan. Chrysostomus* Homilia 3. in Epistolam ad Ephesios: „ „ Quomodo cum Dominus adest in mensa, non oportet adesse famulos, qui offenderunt, sed procul amandantur; ita hic quoque cum offertur Sacrificium. . . *Et*, quomodo nullum oportet adesse ex his, qui Mysteriis non sunt initiati; ita nec ex iis, qui sunt initiati, & sordidi „ „. Hinc Paterfamilias ei, qui sordidis vestibus nuptiale convivium ingressus fuerat, non ait: *Cur accubuisti?* Sed *Cur intraisti non habens vestem nuptialem?* ut idem Pater observat.

R E G U L A X.

Conveniens Dominicæ diei, Festorumque sanctificatio postulat, ut Fideles verbum Dei audiant, Vespertinis officiis intersint, in piorum librorum lectione, aliisque pietatis operibus sacros illos dies transigant.

Dominicæ
dierumque
dierum

Hanc Regulam tradit Concilii Tridentini Catechismus P. 3. in explicatione tertii præcepti, §. 25.
„ „ Ne-

„ Neque vero (*inquit*) parochus prætermittere de-^{sanctifica-}
bet, ut diligenter doceat, quibus in operibus, atque^{tio.}
actionibus christiani homines diebus festis exercere
se debeant. Illæ vero ejusmodi sunt, ut ad Templum
accedamus, eoque loco sincera, piaque animi atten-
tione sacrosancto Missæ Sacrificio intersumus. Divi-
næ Ecclesiæ Sacramenta, quæ ad salutem nostram in-
stituta sunt, ad animæ vulnerum curationem crebro
adhibeamus. . . Attente præterea, diligenterque sacra
Concio a Fidelibus audienda est; nihil enim minus fe-
rendum est, neque tam profecto indignum, quam
Christi verba contemnere, aut negligenter audire.
Exercitatio item Fidelium, studiumque in precibus,
divinilque laudibus frequens esse debet. Præcipuaque
eorundem cura, ut quæ ad christianæ vitæ institu-
tionem pertinent, ea diligenter addiscant, sedulo-
que se exercent in iis officiis, quæ pietatem con-
tinent, pauperibus, & egenis eleemosynam tribuen-
do, ægros homines visitando, mœrentes, quique do-
lore afflicti jacent, pie consolando. Nam (ut ait *S.*
Jacobus Epistolæ catholicæ cap. I.) *Religio munda,*
& immaculata apud Deum, & Patrem, hoc est, visitare
pupillos, & viduas in tribulatione eorum „ „

Eandem Regulam confirmat Concilium Mediola-
nense 3. tit. de Festorum dierum cultu: „ „ Ut vero
(*inquit*) ii dies omni pietate, & religiosius colantur,
hæc crebro populum Parochi, & Concionatores ad-
moneant, atque hortentur, ut illorum dierum tem-
pus, quod Deo, ejusque cultui debetur, in iis actio-
nibus totum consumant, in quibus sancte consumen-
dum est. Ut concionem mane, & sacram lectionem
a prandio, ubi explicari solet, audiant. Ut divinis,
Vesperarum præsertim, officiis præsentibus pie, religio-
seque adsint. Ut in christianæ doctrinæ rudimentis,
ac præceptis, vel percipiendis, vel recolendis versen-
tur. Ut in operibus etiam, officiisque se exercent,
ægros homines visitando, morientes pie consolando,
& alia ejusmodi præstando. Ut denique ab illis
actionibus, unde omnis peccandi materia, atque oc-

casio existit, feriati, in ea opera incumbant, ob quæ sunt illi sacri instituti dies „ „.

Sed & multis antea seculis, anno scilicet octingentesimo decimo tertio, Concilium Turonense, Canone 40. ait: „ Die Dominica oportet omnes Christianos in laude Dei, & gratiarum actione usque „ ad vesperam perseverare „.

Nicolaus I. in responsis ad consulta Bulgarorum, cap. 10. & 11. „ „ Dominico die a labore terreno cessandum, atque omni modo orationibus insistendum *esse docet*; ut quod negligenter per sex dies agitur, per diem Resurrectionis dominicæ precibus expiatur. *Diebus festis ab omni opere mundano propterea cessandum*; ut liberius ad Ecclesiam ire, Psalmis, & Hymnis, & Canticis spiritualibus insistere, orationi vacare, oblationes offerre, memoriis Sanctorum communicare, ad imitationem eorum assurgere, eloquiis divinis intendere, eleemosynas indigentibus ministrare valeat Christianus. Quæ omnia si quis negligens, orationi tantum vacare voluerit, & ad cæteras mundi vanitates licitos labores converterit, melius ei fuerat ipsa die laborare manibus suis, ut haberet, unde tribueret necessitatem patientibus „ „.

Idem confirmat Canon *Jejunia*, dist. 3. *De Consecratione*, quæ sententia est Apollonii Abbatis apud Palladium: „ „ Die (*inquit*) Dominica, nihil aliud agendum est, nisi Deo vacandum. Nulla operatio in illa sancta die agatur; nisi tantum hymnis, & psalmis, & canticis spiritualibus dies illa transigatur „ „.

Concilium Aquisense anno 1585. tit. *De Festorum dierum cultu*, statuit ut „ „ Doceantur populi crebro ab his, ad quos pertinet, ut festos dies, qui Dei cultui dicati sunt, in divinis officiis, concionibus audiendis, necnon in orationibus, maximisque, ac continuis Dei erga nos beneficiis recolendis, sancte, ac pie transigant, præsertim ut præter Missam, quæ sine gravissimi peccati culpa prætermitti non potest, præter vesperas item, quibus fidelem quemcunque, nisi impeditum, interesse maxime convenit, in doctrinæ chri-

De tertio Decalogi præcepto. VII

christianæ rudimentis omnes tam mares, quam feminae, tam viri, quam pueri, vel perdiscendis, si illa ignorent, vel aliis perdocendis versentur „ „.

Concilium Avenionense anno 1594. cap. 43. „ „ Doceant parochi (*inquit*) cæterique vel Dei præcones, diebus festis Dei cultui dedicatis, divinis officiis, Concionibusque audiendis, cæterisque id genus piis operibus vacandum esse, nec Missam a quocunque haud legitime impedita sine gravi flagitio prætermitti posse „ „.

Concilium Remense anno 1583. tit. de diebus Festis : „ „ Diebus (*inquit*) Dominicis, & Festis in suas „ parochias populus conveniat, & Missæ, Concioni „ ac Vesperis intersit „ „.

Concilium Burdigalense eodem anno, tit. de Festis : „ „ „ „ Omnibus provinciæ nostræ parochis indicimus, populum suum frequenter, & serio commonefaciant, ut diebus festis non solum a quibuslibet prohibitis operibus sese contineant, verum etiam sacris omnibus Ecclesiæ mysteriis, & divini verbi prædicationi, quantum fieri possit, ex animo, & religiose intersint, nec pietatis opera itidem prætermittant in pauperibus reficiendis, afflictis consolandis, aliisque piis rebus gerendis, in quibus christiana professio, & charitas maxime elucescit „ „.

Concilium Turonense eodem anno cap. 11. „ „ Parochi, quibus animarum cura est commissa, gregem suum ad divina officia diebus singulis (si fieri potest) audienda adhortentur, præsertim Dominicis, & aliis Festis. Quibus diebus cum Dei laudes recitare omnes debeant, verbum Dei audire, & de innumeris beneficiis, quæ ab immensa sua bonitate indefinenter recipimus, gratias agere, ac sese operibus charitatis assuefacere, sciant aliis non licere vacare negotiis „ „.

Concilium Bituricense anno 1584. tit. 8. Can. 4. „ „ Dominico die sit quies animi, & corporis, sancta, & ad Deum levata mens, & à terrenis abstracta; satis sint Christiano opera charitatis, orationes piæ, Psalmi, Hymni, & Cantica „ „.

Y y 5

Con-

Concilium Aquilejense anno 1596. Can. 14. „ „ Tempus diei festi in audiendis Concionibus, Missæ Sacro, & divinis officiis ponendum est, non in comessationibus; multo minus peracto prandio ad saltationes, & lusus declinandum, cum sit in Ecclesias ad Horas vespertinas audiendas divertendum, & nomen Dei concorditer, & devote, vel silentii meditatione, vel vocis exultatione laudandum. Quod curabunt Episcopi Curatorum diligentia populis inculcari „ „

Concilium Narbonense anno 1609. cap. 9. „ „ Docent parochi, cæterique Dei præcones, quo studio diebus festis Dei cultui dedicatis, divinis officiis, Concionibus audiendis, doctrinæ christianæ, aliisque id genus piis operibus vacandum sit, in quibus quisque integram Missam sub peccati mortalis pœna, nisi iusta præpeditus causa audire debet „ „

Quamvis ergo Concioni, & vespertinis officiis non adesse Dominicis, & festis diebus lethale peccatum non sit, sicut lethale peccatum est Missam integram sacris illis diebus non audire; non tamen nullum peccatum est deesse verbi Dei auditioni, cum sacra Concio habeatur, & vespertinis officiis, nisi iusta causa quis præpeditus sit; quia solidus dies Festus sanctificandus est, nec matutinis duntaxat, sed pomeridianis horis Deo vacandum. Et quandoque lethale peccatum est a Vesperarum officio abesse, si quis verbi gratia comessationi, ludo, & choreis cum scandalo vacet, quo tempore celebratur.

Hanc denique Regulam confirmat *S. Antoninus* 2. P. tit. 9 cap. 7. §. 4. „ „ Debet ergo (*inquit*) die festo insisti operibus spiritualibus orationis, meditationis, auditionis divinorum, lectionis, & eleemosynis, & hujusmodi. . . Et inter cætera debent homines vacare compunctioni, & confessioni peccatorum suorum, recogitantes. quæ egerunt aliis diebus, in quibus fuerunt occupati. Dicitur enim Lev. 16. *Sabbatum requietionis est, affligetis animas vestras*, scilicet per contritionem, secundum *Origenem*. Item auditioni Missæ, & divinorum officiorum, & prædicationum. Item ad-

mo-

monitioni, & correctioni proximorum, & præcipue familiæ suæ. Exemplum in Job 1. de quo scribitur: *Cumque in orbem transissent dies, mittebat Joh. & sanctificabat eos*, id est, in capite hebdomadæ, quod est Dominica. Dicitur autem sanctificare filios, quia scilicet illa die admovebat eos, & corripiebat de defectibus, si quos intra hebdomadam fecissent, ut exponit S. Thomas super Job; vel etiam quia offerebat orationes, & sacrificia pro eis. Item insisti debet magis eleemosynis. In cujus figuram legitur in Levitico, quod duo agni offerebantur die sabbati, aliis diebus unus tantum, scilicet in holocaustum. Tobias etiam præparato prandio in die festo misit filium ad vocandum pauperes ad comedendum cum eis, prius tamen sepelivit mortuum in platea jacentem, ut habetur Tob. 2. Sed quis est hic, qui ita celebret festa vacando divinis, & laudabimus eum, cum invenerimus? Nonne tota occupatio hominum in festis est circa corpus? Mulieres vacant, & non parum temporis expendunt in se ornando ad capiendas animas; famuli & famulæ ad præparandum cibos accuratius solito; mercatores ad faciendum suos computos, & ratiocinia, & scribendum libros, & literas; inferioris conditionis homines ad audiendum de Palatinis, vel spectacula vana; nulla cura filiorum, & familiæ, sed omnes liberi dimittuntur ad faciendum mala; & quod cum multo labore per hebdomadam lucrati sunt, in festis, in tabernis, & ludis, non in eleemosynis expendunt. Quid abusus perversa hominum, & jactura temporis irrecuperabilis, & negotium gratissimum dæmoni! Aptè de his dixit Jeremias Threnor. 1. *Viderunt eam hostes*, id est, dæmones inimici pessimi animæ, seu Ecclesiæ, & *deriserunt sabbata ejus*; id est, Festa, quia scilicet non Deo, sed sibi vacant, ventri, & dæmoni „ „

Quærit ibidem S. Antoninus, utrum qui non vacat divinis festis die, nisi audiendo Missam, peccet mortaliter: Respondet secundum S. Thomam, Prima Secundæ, quæstione nonagesima nona, articulo nono

in responsione ad secundam objectionem : „ Intentionem legislatoris circa aliquod præceptum esse de duobus. Primum est , ad quod inducere intendit per præcepta legis , & hoc est virtus. Aliud est , de quo intendit præceptum ferre , & hoc est , quod inducit , vel disponit ad virtutem , scilicet actus virtutis. Non enim idem est finis præcepti , & id de quo præceptum datur. Itaque quamvis intendat legislator finem præcepti , ut quid perfectius , non tamen intendit id ponere sub præcepto ; quia multitudo , cui datur lex , non est subito capax perfectionis , sed paulatim ; sed intendit ponere sub præcepto id , quod disponit ad illud , quod facilius est ad observandum „. *Ex sic abstinere ab operibus servilibus , & Missam audire , est in præcepto ; non vacare Deo pro majori parte diei tantum peccatum est.*

ARTICULUS VII.

Regula Moralis christiana circa Jejunia ecclesiastica.

REGULA I.

Violatio jejunii ecclesiastici lethale ex genere suo peccatum est.

Christiana
jejuniorum
observatio.

Christiani enim Ecclesie matris legibus , & præceptis obedire tenentur. Abstinencia autem , & jejunium ab Ecclesia indictum , cum sint materia gravis , eorum violatio , quamvis ex consuetudine , aut contemptu non fiat , veniale peccatum esse non potest in his , qui scientes volentes absque legitima causa , & justa necessitate , carnes , aliove cibos vetitos comedunt , aut jejunium solvunt. Unde Concilium Gangrense Canone 19. ita decernit : „ Si quis absque corporali necessitate , tradita jejunia , quæ communiter servantur ab Ecclesia , dissolvat ; anathema sit „.

Eandem Regulam confirmant SS Patres , S. Basilii , Oratione 2. De jejunio : „ „ Vide (*inquit*) ne ob brevem edendi voluntatem , simul & privaris Angeli recensione , & te ipsum apud eum , qui

De tertio Decalogi præcepto. 715

recenset exercitum, obnoxium facias desertoris crimini „ „

S. Gregorius Nazianzenus Epist. 74. ad Celestium. „ „ Inique agis, o Judex, qui non jejunas. Et quomodo leges humanas servabis, qui divinas contemnis? Purga tribunal tuum, ne duorum alterum tibi accidat, ut aut malus fias, aut existimeris „ „

S. Cyrillus Alexandrinus, Hom. 1. Paschali. „ „ Libenter eos rogem, utrum odiosius jejunium ne, an æterna supplicia, existiment? Cum ergo nobis utrumque necessitas proponat, cur id, quod præstantius est eligentes, non ipsi de nobis quam rectissime statuamus? Necessè est enim, aut per labores liberari a malis, aut si illos recuses, flammis inextinctis mulctari „ „

S. Hieronymus Epist. 54. „ „ Non unam Quadragesimam secundum Traditionem Apostolorum jejunamus... Non quod & per totum annum, excepta Pentecoste, jejunare non liceat; sed quod aliud sit necessitate, aliud voluntate munus offerre „ „

S. Maximus, seu alius auctor sermonum *De Quadragesima* *S. Ambrosio* adscriptorum, Serm. 5. „ „ Non leve peccatum est Fidelibus indictam Quadragesimam a Domino violare, & jejunia consecrata ventris voracitate dissolvere... Cum Saul abstinentiam diei suis omnibus indixisset, & Jonathas ejus filius præcepti nescius, inter medias hostium acies victor incedens, favum mellis intincta sceptri summitate gustasset; tanta indignatio repente commota est, ut & differretur victoria, & Divinitas læderetur. Denique, nec bello finis imponitur, nec Regi responsum propheticum datur... Quod, ut peccatum Saul ex ipsa Divinitatis offensione cognovit, statim Jonathæ dixit non esse parcendum, sed peccatum admissum effusione ejus sanguinis expiandum... Et si ignorans Jonathas indictum a patre jejunium, quod resolverit, morti addicitur; qui sciens indictum a Christo solvit jejunium, quid meretur „ „?

Et Serm. 7. „ „ Quamvis abstineat quis certis diebus,

bus, quamvis ciborum deleiora alimenta non sumat, non tamen illi pro accepto fertur Quadragesimæ jejunium, qui non diebus quadraginta jejunit. . . Nam sicut reliquo anno jejunare præmium est, ita in Quadragesima non jejunare peccatum est; illa enim voluntaria sunt jejunia, ista necessaria; illa de arbitrio veniunt, ista de lege; ad illa invitamur, ad ista compellimur „ „

Idem Serm. 12. „ „ Qui constitutum numerum undie manducando præterit, non ut unus diei violator accusatur, sed ut totius Quadragesimæ transgressor arguitur. . . Hæc autem non tam Sacerdotum præcepta, quam Dei sunt. Acque ideo, qui hæc spernit, non Sacerdotem spernit, sed Christum, qui in suo loquitur Sacerdote „ „

S. Augustinus Abundantiam Presbyterum deposuit, quia „ „ Die jejunii natalis Domini, quo ejusdem loci Ecclesia sicut cætera jejunabat, apud famulos mulierem: nullum secum Clericum habens, remanere, & prandere, & coenare auctus est „ „; ut ipse narrat Epist. 65. alias 236. ad *Antippan* Numidiae Primatem.

S. Casarius Arelatenfis Episcopus Sermone 45. qui in Augustinianorum appendice 143. est, alias de tempore 62. „ „ Rogo vos, ut in isto legitimo, ac sacratissimo Quadragesimæ tempore, exceptis Dominicis diebus, nullus prandere præsumat, nisi forte ille, quem jejunare infirmitas non permittit; quia aliis diebus jejunare, aut remedium, aut præmium est; in Quadragesima non jejunare, peccatum est. Alio tempore, qui jejunat, accipiet indulgentiam; in Quadragesima, qui potest, & non jejunat, sentiet poenam „ „

Conc. Carthag. 4. Can. 63. statuit: „ Clericum, qui „ tempore jejunii absque inevitabili necessitate jejunium rumpit, minorem habendum „; id est, e gradu suo deponendum.

Concilium Toletanum 8. anno 553. Can. 9. decrevit: „ „ Ut quisque absque inevitabili necessitate, atque fragilitatis evidentis languore, seu etiam ætatis

impossibilitate, diebus Quadragesimæ esum carniū præsumperit attentare, non solum reus sit Resurrectionis Dominicæ, verum etiam alienus ab ejusdem diei sanctissima Communione. Et hoc illi cumuletur ad poenam, ut ipsius anni tempore ab omni esu carniū abstineat gulam, quia sacris diebus abstinentiæ oblitus est disciplinam „ „

Carolus magnus in Capitulari pro partibus Saxoniz edito anno 789. cap. 4. statuit, ut „ „ Si quis sanctum Quadragesimale jejunium pro despectu christianitatis contempserit, & carnem comederit, morte moriatur. Sed tamen consideretur a Sacerdote, ne forte causa necessitatis hoc cuilibet proveniat, ut carnem comedat „ „

Ævo Diemari Episcopi Merseburgensis hæc erat consuetudo inter Polonos, qui more græcorum jejunium Quadragesimale a Sexagesima inchoabant, ut qui carnem sacro illo tempore manducasset, dentium evulsione plecteretur. Ita enim ipse scribit initio lib. 8. „ „ Quicumque post Septuagesimam carnem manducasse invenitur, abscissis dentibus graviter punitur. Lex namque divina in his regionibus noviter exorta, potestate tali melius, quam jejunio ab Episcopis instituto corroboratur „ „. Tam gravibus porro poenis, scilicet excommunicatione, dentium evulsione, morte, non punirentur nisi gravis peccati rei.

Theodulphus Aurelianensis Episcopus in Capitulari, cap. 37. Quadragesimali tempore præterquam diebus Dominicis, jejunium solvi non debere asserit : „ „ Quia ipsi dies decimæ sunt anni nostri, quos cum omni religione, & sanctitate transigere debemus. Alio tempore jejunare in voluntate, & arbitrio cujuslibet positum est ; in hoc vero non jejunare, præceptum Dei transcendere est. Alio tempore jejunare, præmium abstinenti acquirere est ; in hoc vero præter infirmos, ac parvulos quisquis non jejunaverit, poenam sibi acquireret „ „.

Concilium provinciale Mediolanense 5. tit. *Quæ ad dies Festos, & sacra Tempora pertinet*, eandem Regulam disertis verbis confirmat : „ „ Omnis qui-

cun-

cunque sit, qui jejunii lege adstrictus est; singulis Quadragesimæ diebus, Dominicis exceptis, jejunium servet; alioqui enim peccato mortali alligatum se nosse debet „ „.

S. Antoninus 2. P. tit. 6. cap. 2. „ „ Ex statuto Ecclesie universalis jejunia qui omitteret ex negligentia, vel gula, non infirmitate, vel oblivione, cum credit se bene posse jejunare, mortale est, & pro qualibet die omissa unum. Secus si sibi videtur se non posse jejunare absque læsione personæ, eum habeat causam aliquam dubitandi, non tamen sufficientem, sed posset jejunare „ „ *Et sic intellige dictum B. Thomæ*, 2. 2. qu. 147. art. 3. ubi nimirum ait in responsione ad secundam objectionem: „ „ Præcepta, quæ per modum communis statuti proponuntur, non eodem modo obligant omnes, sed secundum quod requiritur ad finem, quem legislator intendit. Cujus auctoritatem si aliquis transgrediendo statutum contemnat, vel hoc modo transgrediatur, ut impediat finem, quem intendit, peccat mortaliter talis transgressor. Si autem ex aliqua rationabili causa quis statutum non servet, præcipue in casu, in quo etiam si legislator adesset, non decerneret esse servandum; talis transgressio non constituit peccatum mortale. Et inde est, quod non omnes, qui non servant jejunia Ecclesie, peccant mortaliter „ „.

Propositio
damnata.

Merito itaque inter alias Propositiones erroneas ab *Alexandro VII.* Pontifice maximo damnatas die 24. Septembris 1665. hæc ordine vigesima tertia proscripta est. „ Frangens jejunium Ecclesie, ad quod „ tenetur, non peccat mortaliter, nisi ex contemptu, vel inobedientia hoc faciat, puta, quia non „ vult se subjicere præcepto „ „.

De eadem ita judicavit Clerus gallicanus anno 1700. „ Hæc propositio falsa est, temeraria, scandalosa, „ ecclesiasticorum mandatorum injuriam inducit, je- „ junii leges pravis artibus eludit „ „.

R E-

R E G U L A I I.

Lethalis peccati rei sunt caupones, & alii, qui alii cui ad jejunium obstricto cibos vetitos parant, offerunt, præbent, vel cœnam bene pransis.

Alterius enim peccato illos cooperari certum est; & quamvis forte non sint causa peccati quantum ad initium prævæ voluntatis, actus tamen, quo prava voluntas executioni mandatur, conscii sunt, & cooperatores. Quamvis igitur hospites carnem, aut ova petant, vel cœnam, quos pransisse notum est, & evidenti necessitate, aut Ecclesiæ dispensatione, abstinentiæ, vel jejunii lege non esse solutos, ipsis subministrari non debent, etiamsi hospitium istud in perpetuum sint deserturi; nisi forte grave nocendum merito timeatur; ut si milites sint nulla disciplina coerciti, qui incendium ædibus, mulieribus, ac puellis stuprum, necem, aut vulnera hospiti, vel famulis, direptionem bonorum, occisionem animalium probabiliter sunt illaturi, nisi carnes illis patentur. Si tamen viri honesti, de quibus dubium est, an jejunii lege teneantur, cœnam petant, arbitrari possunt caupones, vel alii, ipsos non tenei, vel legitime dispensatos esse, & ita cœnam eis exhibere, nisi vehemens ratio contrarium suadeat. Famulos quoque dominis suis jejunare nolentibus cœnam parantes subjectio excusat, si ministerium suum illis sine gravi damno recusare non possint; nec tenentur scrupulosius inquirere, an legitimam solvendi jejunii rationem habeant, imo judicare possunt, & plerumque debent in illorum favorem. Idem esto judicium de carnibus, aliisque cibis vetitis. Illos enim parare possunt dominis jubentibus, & præsumere illos ex necessitate, ex medicorum consilio, cum pastorum licentia his cibis uti, nisi evidens ratio contrarium suadeat. Si vero certum illis, ac perspectum sit, dominos absque necessitate absque dispensatione pastorum, quam petere nolunt, & in contemptum ecclesiasticæ legis, ac religionis catholicæ carnes co-

medere diebus jejunio consecratis , parare non debent , domoque potius egredi , quam illis hac in re obsequi tenentur.

Ex hac Regula sequitur , graviter peccare dominos , qui servis suis jejunii lege obstrictis tantos , tamque graves labores imponunt jejuniorum diebus , ut jejunare non possint , si opera in alium diem differre , vel in plures dies dividere fas sit absque gravi damno.

Hanc Regulam confirmat Concilium provinciale Mediolanense V. Prælide *S. Carolo Borromæo*. Tit. *De his , quæ ad dies festos , & sacra Tempora pertinent* , ubi vetat , ne qui licentiam habent vendendi carnes ad ægrotantium , imbecilliumque hominum usum , eas omnibus vendant , sed iis solum , qui scriptam ab Episcopo facultatem habuerint. „ „ Nec vero sine ea scripta facultate , ac sigillatim , nominatimque data , caupones , tabernarii , & alii , qui coenaculariam faciunt , vetitos in Quadragesima cibos vendant , venalesve exponant , etiam hospitibus , peregrinis , viatoribusve , quales sint. Nec vero eos mensæ apponant. Nec præterea illos alio loco coctos , condimentisve apparatus , non modo in caupona , taberna , hospitiove suo , aut loco curæ suæ subjecto comedere cuiquam permittant ; sed ne aliunde quidem apportari , nedum in mensa apponi patiantur. Quicumque vero contra sanctionis hujus capita quidquam fecerit , is poenis , multisve in locorum piorum usum erogandis , & censuris , aliisque Canonum jure , & pontificiis Constitutionibus , omnique alio modo contra Quadragesimæ violatores sancitis poenis , vel aliis , quas pro personæ ratione , & culpæ , contumaciæve gravitate Episcopus arbitrato suo erogandas censuerit , afficiatur „ „ „

REGULA III.

Ab ecclesiastici jejunii observatione Christianorum nemo dispensatur nisi ob inevitabilem necessitatem , ætatis impossibilitatem , aut gravem infirmitatem ,

at-

atque languorem. Illi autem cibis vetitis uti, aut jejunium solvere non debent, quorum valetudo id postulat, priusquam facultatem a pastoribus obtinuerint.

Hanc Regulam tradit Concilium Toletanum VIII. Can. 9. „ „ Quisquis (*inquit*) absque inevitabili necessitate, atque fragilitatis evidenti languore, seu etiam ætatis impossibilitate, esum carnum præsumpserit attentare, &c. Illi autem, quos aut ætas incurvat, aut languor extenuat, aut necessitas arctat, non ante prohibita violare præsumant, quam a Sacerdote permissum accipiant „ „

Ob necessitatem dispensari potest tempore obsidio-
his, aut famis, cum cibi Quadragesimales defunt, Inevitabilis
necessitas a
jejunio di-
spensat.
ut populus carnibus utatur; ut colligitur ex *cap. Concilium, Ext. De observatione jejuniorum.* Sed istius necessitatis iudex, & arbiter Episcopus esse debet, sine cujus licentia ciborum vetitorum esus non est præsumendus.

Ob necessitatem quoque dispensantur a jejunii lege pauperes ostiatim mendicantes, sive ad eas angustias redacti, ut stato refectionis tempore non habeant, nec habere possint, quod uni justæ refectioni satis sit, ut respondet *S. Thomas, 2. 2. q. 147. art. 4. ad quartum.* „ „ Pauperes (*inquit*) qui possunt sufficienter habere, quod eis sufficit ad unam comestionem, non excusantur propter paupertatem a jejuniis Ecclesiæ, a quibus tamen excusari videntur illi, qui frustatim eleemosynas mendicant, qui non possunt simul habere, quod eis ad victum sufficiat „ „

Necessitas pariter postulat, ut cum mulieribus gravidis, & nutricibus dispensetur, quibus copiosius alimentum ob foetum, aut prolem necessarium est, cui providere naturali jure tenentur; unde, jejunando peccarent, si inde periculum ipsis, vel proli immineret. Iphis itaque jejunium prohibere debet confessarius, si scrupulo, aut imprudenti zelo, atque inconsiderata pietate illas jejunare velle videret. Verum si prægnantes non sint, aut nutrices, dimittere non

debent Ecclesiæ jejunia , etiam prohibentibus viris ne jejunent , nisi probabiliter timeretur infirmitas , vel debilitas (inquit *S. Antoninus* 2. P. tit. 6. cap. 2.)

Neccessitas denique a jejunio excusat illos omnes , quibus aliquod opus faciendum incumbit , quod facere non possunt , si jejunent ; sive hoc illis incumbat ex necessitate victum quærendi , sive ad vitandum damnum suum , vel alienum ; sive ad tuendam salutem animæ , vel corporis , sive ad istud opus ob necessitatem publicam , sive ex officio , quod gerunt , obligentur ; sive divites sint , sive pauperes ; sive opus illud mere corporale sit , sive spirituale , quod tamen corporis laborem adjunctum habeat , & quo vires corporis exhauriantur. Quamobrem a jejunii lege soluti sunt artifices gravia , dura , & laboriosa opera facientes his diebus , quibus laborant , vel quibus ex præcedentis diei labore sunt plurimum fatigati ; ut fabri lignarii , ferrarii , fossores , lapidæ , bajuli , agricolæ , vinitores , aurigæ , & cursores , quo tempore iter faciunt ; milites cum sunt in castris , in urbis obsidione , in occasione pene quotidiana pugnandi ; non autem cum sunt in præsidiis , nec duris laboribus exercentur ; non textores , pistores , sartores , sutores , barbitonfores , pictores , aurifices , musici , procuratores ; judices , advocati , & alii hujusmodi opera facientes , quæ vires corporis non multum exhauriunt , nec ita corpus debilitant , ut ad ferendum jejunii laborem sit impotens. Dispensantur item a jejunio , qui ex officio , aut obedientia ministrant infirmis , diu , noctuque ipsis adhærentes , & vigiliis , gravique ministerio defatigati. Item Concionatores , ii præsertim , qui multas eadem die Conciones habent , & pagos peragunt verbum Dei nuntiaturi ; & alii , qui piis functionibus toto die , vel magna diei parte vacant , quibus vires multum exhauriuntur , si ex officio , pietate , vel propter singularem Ecclesiæ , sive proximorum utilitatem his operibus incumbant , quæ in alium diem differri commode non possint , & quæ in jejunio per se meliora sunt , nec possunt a tali

per-

persona exerceri, si jejunet, laboris magnitudine cum ejus viribus comparata.

Iter agentes, qui pedibus iter conficiunt necessarium, & quod moram non patitur; sive *Qui labore itineris adeo affliguntur, ut simul cum jejunio itinerari non possint* (ut loquitur *S. Thomas* in 4. Sententiarum dist. 15. art. 2. quæstiunc. 4. ad primum) a jejunii lege pariter soluti sunt ratione necessitatis; non autem si curru, equo, navigio vehantur, aut iter in alium diem a jejunio liberum commode differri possit.

Hæc omnia confirmat *S. Thomas* loco superius indicato, scilicet, 2. 2. qu. 147. art. 4. in responsione ad tertiam objectionem. „ „ Circa peregrinos, & operarios (*inquit*) distinguendum videtur; quia si peregrinatio, & operis labor commode differri possit, aut diminui absque detrimento corporalis salutis, & exterioris status, qui requiritur ad conservationem corporalis, vel spiritualis vitæ, non sunt propter hoc Ecclesiæ jejunia prætermittenda. Si autem immineat necessitas statim peregrinandi, & magnas dietas faciendi, vel etiam multum laborandi, vel propter conservationem vitæ corporalis, vel propter aliquid necessarium ad vitam spiritualem; & simul cum hoc non possint Ecclesiæ jejunia observari, non obligatur homo ad jejunandum; quia non videtur fuisse intentio Ecclesiæ statuentis jejunia, ut per hoc impediret alias pias, & magis necessarias causas. Videtur tamen in talibus recurrendum esse ad Superioris dispensationem, nisi forte, ubi est ita consuetum; quia ex hoc ipso, quod Prælati dissimulant, videntur annuere „ „ *Et in 4. Sententiarum*, dist. 25. qu. 3. art. 2. q. 4. ad tertium. „ „ De operariis distinguendum videtur; quia si jejunando possunt competenter victum pro persona sua habere, & pro familia, cujus cura eis incumbit (sive quia alias divites sunt; sive quia de eo, quod minori labore fit, qui simul secum jejunium compatiatur, lucrari sufficientia possunt) a jejunio non excusantur; si autem alias non possunt tantum laborare, quod

viſum ſufficientem acquirant niſi jejunium frangendo poſſunt ſecundum diſpenſationem Sacerdotis ſui jejunium ſolvere , & laborare. Ex quo patet, quod intentio majoris lucri non neceſſarii eos a peccato non excuſat , ſi jejunium frangant; nec iterum illi a peccato immunes ſunt, qui operarios conducere nolunt , niſi tali pacto, ut jejunium ſolvant, niſi forte ſit cauſa neceſſaria, quæ feſtinationem operis, pro quo laboratur, expoſcat „ „ Eadem docet S. Antoninus, P. 2. tit. 6. cap. 2.

Itaque inter alias Propositiones erroneas , & ad praxim nuſquam deducendas, iſtas etiam merito damnavit *Alexander VII.* Pontifex maximus die 18. Martii anno milleſimo ſexcenteſimo ſexageſimo ſexto.

Propoſitiones damnatae.

30. „ Omnes Officiales, qui in republica corporaliter laborant , ſunt excuſati ab obligatione jejunii, nec debent ſe certificare , an labor ſit compatibilis cum jejunio „

31. „ Excuſantur absolute a præcepto jejunii, omnes illi, qui iter agunt equitando, utcumque iter agant, etiamſi iter neceſſarium non ſit, & etiamſi iter unius diei conficiant „

Eaſdem propoſitiones Clerus gallicanus damnavit; ut *Faſas, temerarias, ſcandalofas, jejunii leges pravis artibus eludentes.*

Conjugatos continentiam ſervare decet juniorum temporibus.

Conjugatos a jejunii obligatione liberari, quando illud ſervando nequeunt invicem reddere debitum conjugale, falſa eſt, & erronea propoſitio, caſtaſque aures, & animos offendens, ut mirum ſit a quibuſdam caſuum arbitris aſſertam. Quis enim eccleſiaſtici jejunii lege tenebitur, ſi conjugati non tenentur? Præterea, tantum abeſt, ut jejunium violare poſſint conjugati abſque mortali peccato, ut conjugale debitum invicem reddant; ut potius conveniat eos abſtinere ab opere conjugali, ut purius, ſanctiusque jejunent; idque optet, ac vehementer ſuaſdeat Eccleſia. Unde Joelis 2. continentia jejunio comes adjungitur: *Sanctificate jejunium...* *Egreſſiatur ſponſus de cubili ſuo, & ſponſa de thalamo ſuo.* Et S.

Pau-

Paulus 1. *Corinth.* 7. Fidelibus conjugatis author est, ne fraudent invicem, nisi forte ad tempus, ex mutuo consensu: *Ut vacetis (inquit) orationi.* In græco Textu additur, & *jejunio.* Tempus jejunio consecratum, idem orationi singulari quodam modo dedicatum est. Impediri autem orationes officio conjugali, post Apostolos docet *S. Hieronymus* lib. 1. contra *Jovinianum.* Dixi, post Apostolos, quia *S. Petrus* idem cum *S. Paulo* docet. *Similiter (inquit) viri cohabitantes juxta scientiam, quasi infirmiori vasculo muliebri tribuentes honorem, sicut coheredes multiplicis gratiæ vitæ, ut non impediuntur orationes vestræ.* Hinc officium Christiani a conjugatis omni ex parte, perfecteque non impleri *S. Hieronymus* asserit, nisi certis temporibus orationi dicatis a conjugali opere se contineant. *Quamdiu (inquit) impleo officium mariti, non impleo Christiani,*

1. Pot. 1.

Cum *Noe* ingressus est in arcam, ipsum primo ingressum, & filios ejus, deinde illius uxorem, & uxores filiorum, *S. Ambrosius* observat libro *De Noe, & Arca*, cap. 21. Cum vero egressi sunt de Arca, ipsum primo egressum cum uxore, deinde filios illius cum suis uxoribus. Eoque significari abstinenciam generationis in ingressu, in egressu vero generationis usum. „ *Moeroris scilicet tempus illud, non lætitiæ erat.* Et „ inde justus consortio non delectabatur uxoris, vel „ filii justi petebant copulam conjugalem „. Cum itaque jejunii, & poenitentiae tempus luctus sit, & moeroris, quo peccata sua deslere, & ad ea expianda carnem macerare Christianus quisque debet, conveniens est, ut diebus jejunio dicatis Christiani conjuges ab opere conjugali se contineant.

Idem docet *S. Augustinus*, Sermone 205. alias *De Diversis* 68. in *Quadragesima* primo. „ „ Per alios dies (inquit) adulteria, fornicationes, omnesque illicitas corruptelas nolite contingere; per hos autem etiam a conjugibus abstinete. . . Tempus, quod reddendo conjugali debito occupabatur, supplicationibus impendatur. Corpus, quod carnalibus affectibus solvebatur, puris precibus prosternatur. Manus, quæ

726 Theol. Dog. & Moral. Lib. IV.

amplexibus implicabantur , orationibus extendantur „ „.

Et Sermone 206. alias *De Diversis* 70. in Quadragesima secundo. „ „ Inde per hos dies a rebus licitis desideria vestra frænatis , ne illicita committatis. Nullis diebus se ingurgitet vino , nec adulterio , qui diebus istis temperat a conjugio „ „.

1. Cor. 7.

Et Serm. 207. alias *De Diversis* 72. in Quadragesima 4. „ „ Quicumque etiam estis conjugibus alligati , nunc maxime apostolica monita nolite contemnere , ut invicem abstineatis ad tempus , ut vacetis orationibus. Quod enim , & aliis diebus utiliter fit , nimis inverecondum est , si modo non fiat. Arbitror onerosum non esse debere , anniversaria observatione solemnibus diebus hoc facere conjugatos , quod Viduæ ex quadam vitæ parte professæ sunt , quod tota vita sanctæ Virgines susceperunt „ „.

Serm. 204. alias *De Diversis* 73. in Quadragesima quinto. „ A conjugali quoque concubitu hi dies potestulant continentiam „ „.

Serm. 210. alias *De Diversis* 74. in Quadragesima sexto , cap. 6. „ „ Nunc tempus est , quo & conjugati ab uxoribus , & nuptæ a suis viris abstineant , ut orationibus vacent , quamquam , & per totum annum certis diebus hoc facere debeant , & quanto crebrius , tanto utique melius ; quia & qui concessa immoderate appetit , eum , qui concessit , of-

non esse magnum, ut tota paschali solemnitate possit conjugum castitas, quod potest tota Virginitas „ „ „

Idem docet S. *Casarius*, Serm. 44. in Appendice Augustinianorum 142, alias De tempore 62. „ „ Licet credam (*inquit*) quod Deo inspirante, semper supervenientibus Festivitatibus, castitatem ante plures dies, etiam cum propriis uxoribus custodiat charitas vestra; tamen, licet ex superfluo, etiam quod vos facere credo, charitatis contemplatione commoneo, ut per totam Quadragesimam, & usque ad finem Paschæ, castitatem Deo auxiliante servantes, in illa sacrosancta solemnitate Paschali, charitatis luce vestiti, elemosynis splendidi, orationibus, vigiliis, & jeuniis, velut quibusdam cœlestibus, & spiritualibus margaritis ornati, non solum cum amicis, sed etiam cum inimicis pacifici, libera, & secura conscientia ad Altare Domini accedentes, Corpus, & Sanguinem ejus non ad iudicium, sed ad remedium possitis accipere „ „

Idem docet S. *Eligius* Noviomensis Episcopus Hom. 16. „ „ Si quando (*inquit*) anniversariæ Festivitates, & Dominici dies occurrant, ante aliquot dies etiam a propriis uxoribus vestris vos abstinere convenit, ut possitis mundo corde, & casto corpore ad mensam Domini accedere, & Corpus, & Sanguinem ejus sine iudicio damnationis accipere. Diebus autem Quadragesimæ vos omnibus modis a conjugum commixtione vestrarum, sicut decet Christianos, abstinere oportet. Nam, ut quidam sapiens ait: Similis reatus est fidei christiano diebus Quadragesimæ etiam cum propria uxore concumbere, sicut & carnes in cibo sumere „ „

Theodulphus Aurelianensis Episcopus in Capitulari cap. 41. „ „ Abstinendum est (*inquit*) in his sacratissimis diebus a conjugibus, & caste, & pie vivendum, ut sanctificato corde, & corpore isti sancti dies transigantur, & sic perveniatur ad diem sanctum Paschæ. Quia penè nihil valet jejunium, quod conjugali opere

re polluitur, & quod orationes, vigilæ, & eleemo-
synæ non commendant „ „

Heraldus Turonensis Archiepiscopus in suo Capi-
tulari Diecæsanos suos hortatur: „ Ut diebus festis,
„ & jejuniorum a conjugibus se abstinuant. . . Et om-
„ nia prohibeantur illicita, parcaturque a licitis „

Nicolaus I. Pontifex maximus in responsis ad Con-
sulta Bulgarorum cap. 9. Continentiam Quadragesi-
mali tempore a conjugatis servari decere ex mutuo
consensu ostendit. „ „ Si enim (*inquit*) ex consensu
conjugatorum, etiam alio forte tempore, mundo
corpore vacatur orationi, quanto potius isto, quo
Deo etiam carnis nostræ decimas damus, quo ipsum in
abstinentia Dominum imitamur, quo non solum illi-
cita, verum etiam multa a nobis quoque licita releca-
mus, omni est voluptati renuntiandum; & ut liben-
ter orationi vacetur, castitati mentis, & corporis in-
cumbendum „ „

Vetus poenitentiale Romanum ab *Antonio Augusti-
no* editum, tit. 7. cap. 10. viginti dies poenitentiae in
pane, & aqua imponebat conjugatis, qui tota Quad-
ragesima continentiam non servassent. Et in Ecclesia
Orientali Paschali communione privabantur, aliisque
poenis emendabantur, ut constat ex responsis *Balsa-
monis* Antiocheni Patriarchæ ad Interrogationes ca-
nonicas *Marci* Patriarchæ Alexandrini, in Resp. ad
quæst. 9. pag. 386. *Juris orientalis.*

Celebrita-
tes nuptia-
rum, &
carnalis co-
pula tempo-
ribus poeni-
tentiae dica-
tis vetitæ.

Solemnes celebrationes Nuptiarum Quadragesimali
tempore prohibent sacri Canones, quia poenitentiae
temporibus continentiam servari decet. Nam *Sacro-
rum Canonum*, sive potius Pontificum, & Episcopo-
rum, qui illos condiderunt, *Intentio fuit, non tam
Ecclesiæ solemnitates, & Nuptiarum benedictiones, quam
carnales commixtiones prohibere*; inquit Concilium
Toletanum anno millesimo quadringentesimo septua-
gesimo tertio celebratum, Canone 46.

Hanc doctrinam celeberrimorum Theologorum,
& juris canonici consultissimorum Interpretum suf-
fragio confirmat *Prosper Fagnanus* in cap. *Capellanus*,
tit.

tit. *De Feriis*, in 2. Decretalium §. 11. „ Tametsi
(*nquit*) Sanchez existimaverit temporibus ab Ecclesia
it. tūtis nullatenus prohibitum esse matrimonium con-
summare, idemque ante ipsum senserit Navarrus, Pe-
tri & Soto, Cardinalis Bellarminus, & quidam alii ex
recentioribus a Sanchez citati; tamen illorum ratio-
nes sunt valde infirmæ, & ratio divi Thomæ superius
considerata, ne statutis temporibus animus con-
jugum circa carnalia, & voluptuosa occupetur, po-
tissimum viget in consummatione matrimonii. Nam,
ut legitur *Eccles. 3. Tempus amplexandi, & tempus lon-
ge fieri ab amplexibus.* Quare contra prædictos stat
communis Canonistarum sententia. Nam Glossa hic,
in verbo, *quocunque tempore*, ait: Et ita quolibet
tempore potest matrimonium contrahi, sed nuptia-
rum solemnitas tantum his diebus, ne carnaliter con-
jungantur, prohibetur „ Et recensitis Abbatis Siculi,
Joannis Andreæ, Ancharani, Joannis de Anania, &
Raymundi, Hostiensis, aliorumque testimoniis, col-
ligit hanc esse unanimes Canonistarum sententiam,
quam etiam ex Theologis propugnarunt *Petrus de Pa-
ludo* in 4. Sententiarum, dist. 32. quæst. 1. art. 4. num.
20. Cardinalis *Cajetanus* in Summa, verbo *Matrimonium*,
cap. ultimo; *S. Antoninus*, 3. P. tit. 1. cap. 18. *Sylvius*
verbo *Matrimonium*, 7. qu. dubio 9. & alii; eam-
que probavit sacra Congregatio Concilii. Nam pro-
posito dubio, an matrimonium coram paroco quo-
cunque tempore contrahi possit? „ Sacra Congre-
gatio censuit posse contrahi quocunque tempore ma-
trimonium, sed temporibus comprehensis in *cap. 10.*
Seff. 24. De Reformatione matrimonii, nuptiarum so-
lemnitate, translationes ad domum, & carnalem co-
pulam prohiberi „

Ex his omnibus evidens est, penitus alienam esse
a doctrina, & mente Ecclesiæ opinionem molliorum
quorundam Calvistarum, qui asserere non sunt veriti,
conjugatos a jejunii lege esse immunes, quando illud
servando nequeunt invicem reddere debitum.

Ætatis im-
possibilitas
a jejunii le-
ge dispen-
sat.

II. Ratio altera, ob quam aliquis a jejunii lege sit immunis secundum Concilium Toletanum 8. est *Ætatis impossibilitas*. Secundum istam Regulam pueri jejunii lege non tenentur usque ad finem tertii septenni, id est, usque ad annum vigesimum primum completum. Expediit tamen, ut jejunii plus, vel minus assuescere doceantur pro ratione ætatis, & aliarum circumstantiarum, præsertim vero cum iis fervere incipit carnalis concupiscentia, ad quam domandam certos jejuniorum dies ipsis prudens animarum medicus præscribet ex iis præsertim, qui Ecclesiæ lege jejunio consecrati sunt. Ita docet *S. Thomas*, 2. 2. qu. 147. art. 4. in responsione ad secundam objectionem: „ „ In pueris (*inquit*) maxime est evidens causa non jejunandi, tum propter debilitatem naturæ, ex qua provenit, quod indigent frequenti cibo, & non multo simul sumpto; tum etiam quia indigent multo nutrimento propter necessitatem augmenti, quod fit de residuo alimenti. Et ideo quandiu sunt in statu augmenti, quod est, ut in pluribus, usque ad finem tertii septennari, non tenentur ad ecclesiastica jejunia observanda. Conveniens tamen est, ut etiam in hoc tempore se ad jejunandum exerçant plus, vel minus, secundum modum suæ ætatis „ „ Hinc *S. Basilius* Oratione 2. *De jejunio*, ait: *Pueri velut plantæ virides jejunii aqua irrigantur*. Pueri tamen abstinentiæ a cibis vetitis jejuniorum diebus lege tenentur, ex quo rationis usum attigerunt; imo & antequam ratione utantur, Ecclesiæ disciplina, mosque populi Dei erga illos servari debet, ut neque carnes, neque ova, aliive cibi jejuniorum diebus vetiti ipsis subministrantur, nisi id exigat ipsorum infirmitas, vel languor, alioqui graviter peccant, qui hujusmodi cibos ipsis apponunt, quamvis nulla sit hac in re culpa innocentis ætatis.

Adolescentes religiosi ad jejuniorum ecclesiasticorum, & Regularium observantiam obligantur, non ecclesiastica lege, sed religiosa Professione. Unde si hujusmodi jejunia præcepta sint in Regula, vel statutis,

tutis, five Constitutionibus, eæque sub peccati mortalis reatu hæc injungant, lethalis peccati rei erunt, quoties hæc jejunia violaverint, quamvis nondum vigesimus primus ætatis annus expletus sit. Si vero ad poenam duntaxat, seu statutis ipsis, Constitutionibus, aut Regula monastica præscriptam, seu pro Superiorum arbitrio imponendam obligent, rei non erunt lethalis peccati, five regularia jejunia quacunque ætate, five ecclesiastica ante annum ætatis vigesimum primum completum violaverint, modo contemptus absit, & scandalum.

Senes quod attinet, nullum certum tempus definitum est, quo jejunii lege soluti sint, cum alii citius, alii tardius senescant. Senes vegetos jejuniorum ecclesiasticorum lege teneri minime dubium est, etsi 60. vel etiam 70. annum, & ultra sint ætate proveci. Verum decrepita, caduca, & languida senectus, quæ magna per se infirmitas est, hominem a jejunii lege dispensat. Unde Concilium Toletanum 8. eos a jejunii obligatione immunes esse docet: *Quos ætas incurvat*. Alioqui senibus consuetudo, & familiaritas jejunii levem facit laborem (inquit *S. Basilii* Oratione 2. *De jejuniis*.) Hinc auctor sermonis inter eos, qui *S. Ambrosio* hæcenus adscripti sunt, 23. De sancta Quadragesima 7. „ Pudet dicere (inquit) senes, & aniculæ Quadragesimam faciant; juvenes, & juvenulæ non faciunt „ Denique *S. Antonini* sententiam sequi tutum est, 2. P. tit. 6. cap. 2. Scribentis: „ Senes, si sunt multum debiles, eo modo possunt excusari, sicut dictum est de infirmis. Ratione autem senectutis tantum non excusantur, si sunt fortes ad sufferendum jejunium. Nec est determinata ætas ab aliquo usque, ad quos annos quis tenetur ad jejunium „ „ Cardinalis *Ximenes* Toletanus Archiepiscopus, ultra septuagesimum provecus ætatis annum, se jejuniorum ecclesiasticorum lege teneri existimabat, a qua eum absolvit *Leo X. Pontifex maximus*, non ob solam senectutem, sed ob varias corporis infirmitates, in quas sæpe incidebat.

ut constat ex Pontificio rescripto , quod refert *Odericus Rynaldus* ad annum 1517. numero 105:

Gravis infirmitas a jejunio dispensat.

III. Tertia denique dispensationis a jejunio ecclesiastico ratio est gravis infirmitas: *Vel languor extenuans*, ut loquitur Concilium Toletanum 8. Concilium Gangrense Canone 19. anathemate confixit eos, qui jejunia ecclesiastica violarent, *absque corporali necessitate*: Canon ex iis, qui Apostolici inscribuntur, 68. Clericum jejunii Quadragesimalis violatorem deponi, laicum segregari statuit a Fidelium communione: *Præterquam si propter imbecillitatem corporalem impediatur*: S. Gregorius magnus hortatus est *Marinianam* Episcopum Ravennatem Epistola 34. lib. 11. ut jejunium solveret ob eruptionem sanguinis, quam patiebatur: „ Quoniam (*inquit*) eruptionem sanguinis patientibus jejunia medici dicunt esse omnino contraria; his fraternitatem tuam hortamur assatibus, ut reducens ad animum ea, quæ est solita de ægritudine sustinere, jejunandi sibi laborem minime imponat: Si autem Deo miserante adeo melioratam se esse, ac virtutem suam sufficere posse cognoscit, semel, aut bis in hebdomada jejunare permittimus. Sed illud te præ omnibus studere convenit, ut exasperationem sentire nullo modo debeas, ne ægritudo, quæ modo levior est, & quasi suspensa creditur, per exacerbationem postmodum gravius sentiat „ „

Et Epist. 28. lib. 9. „ Nec hortor, nec admoneo, sed districte præcipio, ut jejunare minime præsumas, quia dicunt medici huic molestiæ valde esse contrarium; nisi forte si grandis solemnitas exigit, quinque in anno vicibus concedo „ „ Idem confirmat *Innocent. III.* cap. *Consilium*, Ext. *De observatione jejuniorum*, Bracarensi Archiepiscopo respondens. „ De illis (*inquit*) qui in Quadragesima, vel in aliis jejniis solemnibus infirmantur, & petunt sibi esum carniū indulgeri; respondemus: Quod cum non subiaceat legi necessitas, desiderium infirmorum, cum cogens necessitas exigit, supportare potes, & debes, ut majus in eis periculum evitetur. „ „

Con-

Concilium Mediolanense 5. sub *S. Carolo Borromæo*, P. 5. tit. *Quæ ad dies festos, & sacra tempora pertinent*: Carne, iisque omnibus, quæ a carne originem trahunt, abstinere jubet omnes, & singulos, quos *urgens necessitas, vel imbecilla ætas a Quadragesimali lege non eximit.*

Id confirmat *S. Thom.* in 4. Sentent. dist. 15. qu. 3. art. 2. quæstiunc. 4. „„ Intentio legislatoris (*inquit*) est conservare homines, & inducere ad bonum statum virtutis; qui quidem consistit in conservatione vitæ, & valetudine sufficienti ad opera, quæ quis facere debet. Nec tamen suo præcepto exigit ab homine totum, quod potest, cum non intendat ordinare statum hominis quantum ad unum diem, vel ad parvum tempus, sed ad totam vitam, a quo deficeret, si semel homo totum, quod posset, faceret. Et ideo, si *Ægitudine imminente*, si *labore viæ*, si *quocunque alio*, cum quo simul, & jejuniis prædictus status conservari non potest, non tenetur ex præcepto jejunare, sed secundum dispensationem Superioris „„

S. Antoninus P. 2. cap. 2. Infirmos, & debiles pariter a jejuniis excusat. *Sed pro qua infirmitate, vel quanta debilitate excusentur* (*inquit*) *arbitrio boni viri statuitur.* A jejunii lege dispensari possunt, qui graves stomachi dolores, aut capitis vertigines, cordisve deliquia jejunando patiuntur, aut noctes adeo insomnes ducunt, ut inde periculum immineat valetudini; non vero, qui toleranda, nec periculosa sentiunt interdum capitis, aut stomachi incommoda, quibus nocere non potest jejunium: *Quod animabus, corporibusque curandis salubriter institutum est* (ut Ecclesia suis in orationibus loquitur) Non solito brevior, aut difficilior somnus, cum jejunium ad macerandam carnem præceptum sit, parique sit poenitentiae somno minus indulgere. Qui autem magnam partem noctis dormire non potest, nisi coenet, indeque valetudinis suæ probabiliter timet, non propterea jejunii lege solutus est, sed tenetur plenam refectionem in vespertinum

rum differre, & meridie leve jentaculum sumere potest, id scilicet, quod Christiani probatæ conscientiæ vespere sumere consueverunt in cœnula. Non excusat etiam a jejunio sola jejunandi difficultas. Unde licet scholasticus jejunando non ita commode studeat, sed cum magna difficultate, si mulier ex debilitate jejunii servitia domus difficilius, & incommode operetur, si vir suum officium, artemque jejunando difficulter exercent; ex hoc solo capite a jejunando non legitime excusantur. Nec etiam uxor non valens se reddere gratam viro ob maciem, vel pallorem; aut puella nubilis, quæ ex continuato Quadragesimæ jejunio de decore faciei notabiliter amitteret, hoc nomine a jejunio dispensari possunt.

Propositio-
nes dam-
natae.

Multo minus aures christianæ fectre possunt, quod quidam casuum arbitri non erubuerunt asserere, eum, qui malo sine laboraret, aut ad aliquem occidendum, vel ad insequendum amicam, seu libidinem explendo, posse ad vires reparandas jejunium solvere, secuta defatigatione. Unde Lovaniensis Academia anno 1657. hos articulos ab Episcopo Gandavensi ad se delatos censorio stigmate merito inussit.

22. „ Qui dormire nequit nisi vespere sumpta cœna, non tenetur jejunare; imo neque in prandio collationem sumere, quamvis hoc modo isti incommode obviare possit; quia non tenetur pervertere ordinem refectorum „

23. „ Defessus est quocunque labore licito, vel illicito, verbi gratia, cum feminis commixtione, liberatur a lege jejunii „

R E G U L A I V.

Cum dubium est, utrum sufficiens sit, atque legitima causa solvendi jejunium, necessario postulanda est dispensatio ab Episcopo, aut ejus Vicario, vel a Parocho, si illi commode adiri non possint, aut a proprio cujusque parocho, cui hanc facultatem Episcopus concesserit. Alias, qui abstinentiam, aut jejunium ecclesiasticum violant, manente dubio;

an

an legitime excusentur, peccati lethalis rei sunt. Nec a peccato sunt prorsus immunes, qui causam habentes legitimam abstinentiæ solvendæ, licentiam non petunt ab Episcopo, aut Parochis, quos adire per se, vel per alios facile possunt.

Ita docet *S. Thomas*, 2. 2. qu. 147. art. 4. „„, Statuta communia (*inquit*) proponuntur secundum quod multitudini conveniunt. Et ideo legislator in eis statuendis attendit id, quod communiter, & in pluribus accidit. Si quid autem ex speciali causa in aliquo inveniatur, quod observantiæ statuti repugnet, non intendit tamen legislator ad statuti observantiam obligare; in quo tamen est discretio adhibenda. Nam si causa sit evidens, per seipsum licite potest homo statuti observantiam præterire, præsertim consuetudine interveniente, vel si non posset facile recursus ad Superiorem haberi. Si vero causa sit dubia, debet aliquis ad Superiorem recurrere, qui habet potestatem in talibus dispensandi. Et hoc est observandum in jejuniis ab Ecclesia institutis, ad quæ omnes communiter obligantur, nisi in eis fuerit aliquod speciale impedimentum „„.

Idem confirmat Concil. Mediol. 1. sub *S. Carolo Borromeo*, P. 2. tit. De jejuniis „„, Ab his omnibus (*inquit*) eos excipiemus, quos urgens necessitas, vel infirmilla ætas a jejunii lege eximit; eos etiam, qui evidenter morbi, vel alterius justæ causæ excusationem habent; sed horum judicium Episcopo tantum, vel iis, quos ei muneri ipse præfecerit, scripto faciendum relinquimus; idque, quod ad morbum attinet, de medici consilio „„.

Et Concil. Narbonense anno 1609. cap. 10 „„, Quadragesimale jejunium, Vigiliæ, & quatuor Tempora per abstinentiam, & ciborum delectum observentur. Dictis temporibus cibi venales vetiti non exponantur, sed pro necessitate ægrotantium clam, & in scandalum ministrantur, habentibus expressam ab Ordinario in scriptis licentiam, quam non nisi nota

cum gemitu, & suspirio, & animi dolore manducet, pro eo, quod aliis jejunantibus, ille abstinere non potest. Quid opus est unicuique infirmo aliquem sanum rogare ad prandium, ut sibi etiam augeat de alterius gula peccatum „ „ ?

Idem confirmat Concilium Toletanum anno 1590. celebratum P. 2. cap. 13. „ „ Qui carnem (*inquit*) prohibitis diebus ex licentia comedent, soli, ne ulli scandalo sint, locoque separato comedent „ „

R E G U L A VII.

Die natalis Domini in feriam sextam incidente, Christianis omnibus carnes comedere licet, iis exceptis, qui voto, aut regulari observantia prohibentur. Idem esto iudicium de Sabbatis post Natalem Domini ad Purificationem usque Deiparæ Virginis, secundum morem quarundam Ecclesiarum.

Prima pars Regulæ firmatur cap. *Explicari. Ext.* *Ex observatione jejuniorum*, quod *Honorii III.* Responsum est Pragenfi Episcopo datum. „ „ Respondemus (*inquit*) quod illi, qui nec voto, nec regulari observantia sunt adstricti, in sexta Feria, si festum Nativitatis Dominicæ die ipso venire contigerit, carnibus propter Festi excellentiam vesci possunt, secundum consuetudinem Ecclesiæ generalis. Nec tamen hi reprehendendi sunt, qui ob devotionem voluerint abstinere „ „. Duplex hominum genus Canon excipit, scilicet eos, qui ex voto ad perpetuam abstinentiam, vel ad jejunium singulis sextis Feriis sunt adstricti, quia, quæ sine conditione voventur, sine conditione solvuntur, ut ait Glossa. Nam ex quo in voto emissio nihil exceperunt, generaliter tenentur. Secundo excipit eos, qui observantia regulari ad abstinentiam perpetuam obligantur. Et si quidem Regula non obligat transgressores ad aliquam culpam, ut in Ordine fratrum Prædicatorum, in quo similes transgressiones non obligant ad culpam, neque mortalem, neque venialem, sed solum ad poenam præscriptam susti-

nen-

nendam, teste *S. Thoma*, 2. 2. quæst. 186. art. 9. ad primum, utique in Constitutionibus Ordinis cautum est: *Tunc certum est Religiosis licere absque peccato vesci carnibus in die Nativitatis Domini*. Canone, *Quisquis præceptis*, §. *Quod præcipitur*, Causa 14. qu. 1. & Canone *Denique*, §. *Hæc etsi legibus*, 4. distinctione. „ Neque hoc casu habet locum exceptio, de qua hic, „ quia loquitur tantummodo de his, qui ad abstinentiam obligantur ex voto, vel ex Regula „ (*inquit vir juris consultissimus Prosper Fagnanus*, in cap. *Explicari*.) Ratione tamen intemperantiæ, scandali, contemptus, vel præcepti Superiorum, esum carniū tali speciatim die prohibentium, peccare possunt viri illi religiosi, die Natalis Domini carnem edentes, lethaliter quidem ob violationem præcepti, vel ob contemptum, grave scandalum, aut notabilem intemperantiam; venialiter vero, si leve scandalum sit, aut levis intemperantia. At si Regula transgressores obligat ad culpam, ut contingit quoties utitur verbis præcepti vim habentibus; quemadmodum Fratres minores obligari ex voto professionis ad omnia, quæ in Regula ipsis præcipiuntur, seu verbis obligandi vim habentibus indicuntur, declaravit *Nicolaus III.* cap. *Exiit*, tit. *De verborum Significatione*, in Sexto; inter quæ Regulæ capita obligationem jejunandi singulis sextis Feriis recenset *Clemens V.* in Clementina *Exiit*; viri illi Religiosi carnibus vesci absque lethali peccato non possunt die Dominicæ Nativitatis in sextam Feriam incidente. Idem de Carthusianis, & Minimis *S. Francisci de Paula* alumnis dicendum, qui voto perpetuæ a carnibus abstinentiæ se obstrinxerunt.

Regulæ pars altera nititur Ecclesiarum quarundam consuetudine, quam tuto sequi possunt, qui in illis vivunt Ecclesiis, secundum illud *S. Augustini*, Epistola ad *Januarium*, 54. alias 118. „ Nec disciplina (*inquit*) ulla est in his melior gravi, prudentique „ Christiano, quam ut eo modo agat, quo agere videtur Ecclesiam, ad quam forte devenerit „. Sic *Augustino* ob *Monicæ* Matris dubitationem interroganti

respondit S. Ambrosius: „ Cum Romam ven-
juno Sabbato; cum hic sum, non jejunō. Sic
tu, ad quam forte Ecclesiam veneris, ejus n
serva, si cuiquam non vis esse scandalo, nec
quam tibi „ „ Quam sententiam ita se semper l
se, tanquam eam cœlesti oraculo accepisset, &
gustinus ibidem testatur.

Id confirmat *Innocentius III. cap. Consilium
De observatione jejuniorum*, Archiepiscopo Bra-
respondens, roganti quomodo gerere se debere
illos, qui Sabbato carnes propter debilitatem
debant, quo tempore abstinentia generali Eccle-
ge, ac more sabbatis nondum indicta erat, & ab
bus Ecclesiis recepta. „ „ Item de illis, qui p
debilitatem in sabbato carnes sumunt, quod in
bus tuis nullatenus fieri consuevit; cum hoc
moleste feratur, & oriatur inde illis occasio
hendi; respondemus, quod super hoc consuetu-
tux regionis facias observari, sic tamen, quod
bus, & infirmis propter hoc periculum non
gat „ „

In eadem specie S. *Antoninus* P. 2. tit. 4. cap. 1.
„ „ Item (*inquit*) in sabbatis comedere car-
locis, ubi est consuetum universaliter non co-
mortale est. *De consecratione, dist. 5. Quia dies.*
si consuetudo patriæ habet, quod comedant
in Francia, Catalonia, & aliis partibus, qui

verbis renovavit *Eustachius Bellajus* ejusdem Ecclesiæ Episcopus, qui Tridentino Concilio, duobus postremis, quibus celebratum est, annis interfuit.

Et Synodus Carnotensis anno 1526. „„ Declaramus item (*inquit*) ad tollendum quorundam scrupulum, bonarum mentium, quibus est timere culpam, ubi culpa non est, ex antiqua consuetudine observari in hac Diocesi, & provincia Senonensi consuetum esse, uti carnibus, quotiescunque dies Purificationis superbeatæ, & gloriosæ Virginis Mariæ incidit, & venit die sabbati, nisi aliter ex pia, & religiosa devotione quis voluerit abstinere „„.

De religiosiis viris, qui carnes comederint sabbatis illis in locis, ubi ex antiqua consuetudine a Fidelibus reliquis comeduntur, idem esto judicium, ac de iisdem carnes comedentibus Feria sexta, in quam Nativitatis Dominicæ festum inciderit. Imo in his majori favori locus esse videtur, cum ab hujusmodi consuetudine non sint excepti synodiciis statutis, aut Pontificum rescriptis. Obligantur itaque vel ex voto, vel ex regulari observantia. Si ex voto, aut præcepto Regulæ, lethaliter peccant edendo carnes sabbatis illis, etiam si in illis versentur, ubi fidelium vulgus carnes comedit; si vero Regula sub peccati mortalis reatu non obligat, lethaliter non peccant, nisi ob præceptum Superioris esum carnium illis diebus prohibentis, vel ob contemptum, aut grave scandalum, vel denique ob gravem intemperantiam,

REGULA VIII.

Cum in aliqua urbe, oppido, pago, sive loco carnes comedere non licet sabbatis illis inter Natale Domini, & beatæ Virginis Purificationem incurrentibus, aut aliis diebus, quibus diocesana lege, aut consuetudine abstinencia, aut jejunium servatur ex præcepto, civibus, aut oppidanis non licet ad loca vicina divertere eo fine, ut carnibus vescantur, vel a jejunio se eximant.

Cum enim in fraudem jejunii id facerent, gravis certe peccati rei essent. Unde similem intemperantiam verbis gravissimis damnavit Concilium Mediolanense I. Præsidente *S. Carolo Borromeo*, P. II. tit. de jejunio. „ „ Edicimus (*inquit*) ut in provincia nostra, proxima quarta Feria post Quadragesimam, omnes quadragesimalis observantiæ initium faciant; præter civitatem Mediolanensem, easque Diœcesis partes, ubi ex divi Ambrosii instituto divina officia celebrantur. Illorum vero damnamus ingluviem, qui primis quinque Quadragesimæ diebus, romanæ Ecclesiæ more institutis Mediolanum se conferunt, patriæ ritum in jejunio, & ciborum abstinentia fugientes „ „.

R E G U L A I X.

Qui licentiam comedendi carnes diebus jejunio consecratis ab Episcopo ob causam legitimam obtinuerunt, non sunt immunes a jejunii lege censendi, si jejunare valeant.

Firmissimis rationibus hæc Regula fulcitur. Prima ratio hæc est; jejunium duo distincta præcepta complectitur, alterum iteratas comestiones, alterum carnum esum prohibens, nec unum pendet ab altero, siquidem Quadragesimales Dominicæ a jejunii, non ab abstinentiæ lege liberæ sunt. Non sunt igitur immunes a jejunii lege, quicumque ob causam legitimam dispensationem a Prælati ecclesiasticis obtinuerunt, ut carnes diebus jejunio dicatis comedant. Distincta esse præcepta, vel hæc Concilii Tridentini verba Sessione 25. indicant: „ Iis præcipue sint obsequentes, „ quæ ad mortificandam carnem conducunt, ut ciborum delectus, & jejunia, &c „.

Secundo, dispensatio ab Ecclesiæ legibus justam causam requirit, & causæ cognitionem, alioqui Superior ecclesiasticus erit infidelis dispensator, imo crudelis dissipator. Si quis igitur ob legitimam causam a Prælati obtinuerit licentiam comedendi carnes,

nes, & tamen causa nulla subfit, cur a jejunii, five unicæ refectionis lege cum ipso dispensetur, tenetur nihilominus jejunare. Cum enim ad delenda, & cohibenda peccata, & refrænandam concupiscentiam jejunium sit institutum, cum Superiores ecclesiastici in jejunio dispensant, id, quod salutis corporis necessarium est, concedere censentur; si concedere vellent, quod non est necessarium, Ecclesiæ menti adversarentur, & carni adversus spiritum faverent.

Tertio, lex plura continens, in eo servanda est, in quo servari potest. Sic is, qui diebus festis opera servilia exercere cogitur, & potest audire Missam, tenetur audire. Qui votum penitus servare nequit, eam partem, quam potest servare debet. Exemptus Principis beneficio ab una lege non est ab aliis ejusdem Principis legibus liber. Qui totum æs alienum dissolvere nequit, tenetur solvere partem, quam potest. Excusatus ab una parte horarum recitanda, ab omnium recitatione non semper excusatur. Qui omnibus Quadragesimæ diebus jejunare non potest, iis diebus jejunare tenetur, quibus potest. Igitur pari ratione, qui non potest absque valetudinis dispendio abstinere a carnibus, & tamen jejunare potest, non est immunis a jejunii lege, quamvis Superiorum ecclesiasticorum venia sit a lege abstinentiæ legitime dispensatus.

Quarto, dispensatio stricti juris est, strictæque accipienda non extendenda. Nam *Quæ exorbitant a jure communi, non sunt trabenda ad consequentiam*, ut habetur cap. *Ea quæ*, tit. *De Regulis juris*, in sexto. Dispensationem igitur tanquam *Exorbitantem a jure, oportet velut odiosam restringi*, ut dicitur cap. *Is, qui*, tit. *De filiis Presbyterorum*, &c. in sexto. Dispensatio igitur ab abstinentiæ lege ob infirmitatem concessa illi, qui duplici refectione non eget, ipsum a jejunii lege non absolvit, nec ad duplicis refectionis licentiam extendenda est.

R E G U L A X I.

Qui secunda refectione violavit jejunium, toties peccare videtur, quoties postea comedit.

• **P**ræceptum namque jejunii etsi videatur affirmativum, quoad formam verborum (ut loquimur in scholis) in se tamen continet hanc negationem, plures refectiones non sumes; alia porro præcepta negativa violantur, non per primum duntaxat, vel secundum actum eis oppositum, sed per alios quotiescunque iteratos. Pari ergo ratione præceptum jejunii violare censendus est, non solum, qui secundam, sed etiam, qui tertiam, quartam, vel quintam refectionem sumit, & toties lethale peccatum committit, quoties refectionem iterat. Sane cum Ecclesia jejunii diebus unicam tantum refectionem permittat, prohibet omnes alias; singulis igitur refectionibus, præter primam, Ecclesiæ præceptum violatur. Sicut ex eo, quod Ecclesia permittit Sacerdotibus, ut semel duntaxat quolibet die Missam celebrent, recte colligitur eos, qui pluries celebrare audent, toties lethaliter peccare, quoties post unam Missam præsumperint alteram celebrare, sive secundam, sive tertiam, sive quartam. Et sicut ex eo, quod Episcopus pro una vice duntaxat permisit alicui ingressum in septa Monialium, recte colligitur eum lethaliter peccaturum, si sæpius ingrediatur, & toties quoties absque licentia intrabit. Frustra vero quis objiciat, semel violatum jejunium non posse amplius servari. Quamvis enim non possit servari perfecte ea die, qua violatum est, potest tamen servari quoad aliquid, scilicet non sumendo alias refectiones, quæ præcepto jejunii sunt pariter prohibita.

Contrariam quidem opinionem a nonnullis casuum arbitris asseri scio, sed hæc probabilior, & tutior est, judice venerabili *Gerfonio* Parisiensis Ecclesiæ, & *Academiæ* Cancellario, in *Regulis moralibus*. „„ Probabilis est (*inquit*) comedentem ter in die jejunii sine causa, non esse prævaricatore præcepti in tertiam

tis comestione , sicut in secunda ; quamquam op-
positum tenere sit securius „ „.

R E G U L A XII.

Cœnula, seu vespertina collatio (ut vulgo loquimur)
non solvit jejunium , modo cœnula non vertatur
in cœnam.

Hæc enim communis est populi christiani con-
suetudo ab Ecclesia tolerata. Collationis nomen
antiquis eo sensu ignotum. Hæc ex virorum religio-
sorum usu ortum habuit , quibus , propter laborem
manuum , illis jejuniorum diebus permittebatur , ut
ante lectionem , & collationem spiritualem , quæ
vespere ante Completorium fieri solebat , potum su-
merent , qui indigebant , ut constat ex Conventu Aquif-
granensi Abbatum Franciæ anno 817 cap. 12. ex Re-
gula Magistri , cap. 27. ex Regula Petri de Honesis , cap.
18. ex antiquis consuetudinibus Cluniacensis monasterii
ab Uldarico monacho conscriptis lib. 3. cap. 21. Po-
tui , quem diebus jejunii , extra refectiois horam ,
sumebant monachi , frustulum panis postea addiderunt ,
ne potus noceret , ut in Constitutionibus Patrum
Carthusiensium , aliorumque Ordinum videre est ; &
ne tempus vitæ regularis officiis destinatum ea in actio-
ne tererent , lectionem spiritualem , quæ in Claustro ,
vel Capitulo fieri solebat , his diebus in Refectorio
habuerunt. semperque vespertinum illum ad refectorium
aditum , jejunii diebus , his verbis significarunt : *Ite ad
collationem* , aut , *Accedere ad lectionem Collationum*. Sic
nomen collationis a lectione ad serotinam illam re-
fectiunculam translatum est , & a secularibus eo sen-
su usurpatum , cum usque eo progressa est relaxatio ,
ut meridie pranderent , & vespere nihilominus cœ-
nulam sumerent. Hujus cœnulæ licentia apud
Græcos prius invaluit , quam apud Latinos ,
circa medium scilicet undecimi seculi , ut ipsis
exprobrabat *Humbertus* Cardinalis Silvæ Candidæ Epi-
scopus. „ „ Quadragesimam (inquit) diligenter ob-
serv,

Cœnulæ ,
seu colla-
tionis li-
centia.

fervare contendimus, quam ut aliquis excepta gravi infirmitate in aliquo infringat, lufferre nequimus. Nec licet cuiquam apud nos, sicut apud vos, post unam refectionem; quidquam pomorum, aut herbarum, diebus jejuniorum percipere „„ Qua de consuetudine *Theodorus B ljamon* Patriarcha Antiochenus in responsis ad Interrogationes canonicas Marci Patriarchæ Alexandrini, cap. 54. ait: „„ Propriæ continentiæ jejunium est, quia & affecticida, non homicida vocatur. Si ergo; qui continenter vivunt, ad corporis sustentationem secundaria mensa indigeant, præjudicium non patientur. Omnino tamen nec ipsi continuatam tota die temperantiam per vespertinam intemperantiam deformabunt. Id enim si fecerint, coercebuntur „„

In serotina collatione, tempore jejunii, duabus, vel tribus vicibus bibere permittit *S. Bonaventura* iis, qui indiguerint. Sic enim scribit in Speculo disciplinæ ad Novitios, p. I. cap. 21. „ Ad collationem tempore jejunii faciendam, duabus tantum, vel tribus, si indiges, bibere vicibus, temperantiæ congruit, & honestati „ De regularibus, non de ecclesiasticis jejuniis loqui seraphicum Doctorem probabile est. Cibi cum potu sumpti non meminit. Electuaria tamen, sive bellaria quædam, ciborum digestionem juvantia potius, quam alentia, jejuniorum diebus post refectionis unicæ tempus sumi posse illæsa jejunii observantia, modo nec in magna quantitate, nec in fraudem jejunii sumantur, auctor est *S. Thomas*, 2. 2. qu. 147. art. 6. ad 3. „„ Electuaria (*inquit*) etiam si aliquo modo nutrant, non tamen principaliter assumuntur ad nutrimentum, sed ad digestionem ciborum. Unde non solvunt jejunium, sicut nec aliarum medicinarum assumptio, nisi forte aliquis in fraudem electuaria in magna quantitate assumat per modum cibi „„ Hac in re standum consuetudini, venerabilis *Gersemus* in Regulis moralibus censet: „ De comestionibus specierum (*inquit*) & „ Similibus, consuetudo teneatur, & delectationis „ nimia libido vitetur „ Cibi

Cibi aliquid sumi in coenula, usus obtinuit ab Ecclesia non improbat. Quantitas certa mensura definiri vix potest; sed consuetudini inter viros pios, & ecclesiasticæ jejunii disciplinæ observantissimos receptæ standum; & quantitas ita modica sumenda est, ut coenula non vertatur in coenam, imo nec æquivaleat ei, quod pro jentaculo solet accipi diebus jejunio non dicatis. *S. Carolus Borromeus* in disciplina Familæ suæ Archiepiscopalis, p. 1: tit. *De gubernatione spiritali*, in coenula *Panis unciam cum dimidia, & vini poculum tantum*, concedit iis, qui indiguerint. Id tamen scrupulosius urgere nolum, & Fidelibus singulis hanc legem imponere, ut panem, quæ in coenula sumpturi sunt, ponderent. Nam hac etiam in specie locum habere puto Regulam illam à *S. Thoma* traditam 2. 2. qu. 147. ad primum: „Quantitas cibi non potuit eadem omnibus taxari, propter diversas corporum complexiones, ex quibus contingit, quod unus majori, alter minori cibo indiget „.

Quod spectat qualitatem ciborum, consuetudo inter pios observata, pro regula sumi etiam potest, & cum modico panis fructus aliqui sumi, vel herbæ, alique cibi leviores; non pisciculi, etiam pauci, non legumina, non butyrum, non lac, non juscula ex amygdalorum cremore, aut leguminibus, & similia.

R E G U L A XIII.

Refectionis tempus, secundum hodiernam Ecclesiæ disciplinam, est meridies. Quam horam si quis multum anticipaverit, sine causa legitima, jejunii violator censendus est, lethalisque peccati reus.

Multorum seculorum spatio Quadragesimalia jejunia ad vesperam usque protraherantur. Missa celebrabatur hora nona, seu tertia pomeridiana; Missam vespertinum sequebatur officium, postea refectio sumebatur, cujus anticipare tempus, piaculum erat. Unde *Theodulphus* Aurelianensis Episcopus in Capitulari cap. 39. „Solent plures (*inquit*) qui se je-

Refectionis
hora legiti-
ma diebus
jejunii,

750 Theol. Dog. & Moral. Lib. IV.

junare putant, mox ut signum audiunt ad Nonam manducare; qui nullatenus jejunare censendi sunt, si ante manducaverint, quam vespertinum celebretur officium. Concurrentum est enim ad Missas, auditis Missarum solemnibus, siue vespertinis officiis, largitis eleemolynis, ad cibum accedendum est. Si vero aliquis necessitate contrictus tuerit, ut ad Missam convenire non valeat, æstimata vespertina hora, completa oratione sua, jejunium absolvere debet „ „. Refertur Canone *solent*, dist. 1: *De Consecratione*, velut ex Concilio Cabilonensi.

Medio circiter seculo 10, refectionis hora jejuniorum ecclesiasticorum diebus erat hora nona, seu tertia pomeridiana, saltem in Italia, remissa jam prioris disciplinæ severitate, ut constat ex *Katherio Veronensi* Episcopo Sermone 1. de Quadragesima, „ „ Vituperamus (*inquit*) & illorum ridiculolam nimium stultitiam, qui contra concessam nona hora diei omnibus sumendi quidlibet licentiam, usque ad noctem, quotidie jejunium eligunt protelare, ut nocte quasi cum licentia ventrem valeant ingurgitare „ „.

Concilium Rothomagense anno millesimo septuagesimo secundo statuit: „ Ut nullus in Quadragesima prandeat, antequam, hora nona peracta, vespertina incipiat. Non enim jejunit (*inquit*) qui ante „ manducat „. Tempore *S. Thomæ* jejunantes refectionem sumebant *Circa horam nonam*, seu tertiam pomeridianam, qua Passio Christi completa est, cum inclinato capite tradidit spiritum. Ex Ecclesiæ tandem indulgentia loco nonæ substituta est hora sexta, seu merdies, circa quam horam crucifixus est Christus. Priscam autem disciplinam in hoc remitti passa est Ecclesia, & oculis alpevit æquis, propter plurimorum infirmitatem, qui ad horam tertiam pomeridianam usque jejunare absque gravi incommodo non poterant. Hanc enim sufficientem, & legitimam censuit remittendæ austerioris disciplinæ causam, prout judicaverat *S. Thomas*, ob hanc, simileque rationes posse cum aliquibus dispensari, ut ante horam tertiam

come-

De tertio Decalogi præcepto. 751

comederent. Unde *Stephanus Poncherus* Parisiensis Episcopus in statutis synodalibus de jejuniorum ecclesiasticorum observantia loquens: „ Sic (*inquit*) semel in die refectioem corporis capiat, & si tenuis congruum habuerit, ut *S. Thomas*, & alii „ Doctores nos instruunt, circa meridiem capiat „ Et *S. Carolus Borromæus* in disciplina familiæ suæ Archiepiscopalis, p. 1. tit. *De gubernatione spiritali*, statuit: „ Ut per omne Quadragesimæ tempus, Dominicis diebus exceptis, semel tantum in die post „ meridiem, cibum capiant „ Cum autem indulgentia Ecclesiæ, ut post meridiem, sive hora ipsa duodecima meridiana, aut circa hanc horam, diebus jejunii refectio a Christianis jejunantibus sumi posset, vespertinum officium circa meridiem celebrare cœpit, ut illud veteris disciplinæ vestigium, & monumentum quasi in perpetuum manerent, ne ante comederent; *quam vespertinum celebretur Officium*; quod tempus si multum anticipaverint absque legitima causa: *Nullatenus jejunare censendi sunt*; ut habetur *Canone Solent*, dist. 1. *De Consecratione*:

Explodendum igitur est, quod asserere quidam non dubitarunt, non solvi jejunium, cum anticipatur sine causa hora comedendi die jejunii: Prandium sumi posse una hora circiter ante meridiem in hyeme, tempore jejunii: Religiosos mendicantes, & qui eorum privilegia participant, jejuniorum diebus possesse duabus horis hyeme, tribus æstate, ante meridiem mensæ accumbere, ex causa studii, negotii, &c. etiam sine peccato veniali. Hæc inquam, opiniones, omnino proscribendæ, & explodendæ sunt, ac pro certo habendum, quod *S. Thomas* docet in quartum *Sententiarum*, dist. 15, q. 3, art. 4. Quæstiuncula 3. „ Ille (*inquit*) jejunium solvit, qui Ecclesiæ determinationem non servat. Unde cum Ecclesiæ instituerit certum tempus comedendi jejunantibus, qui nimis notabiliter anticipat, jejunium solvit. Non enim Ecclesiæ arctare intendit ad subtilem temporis inspectionem, nec oportet Astrolabium accipere ad horam

ram comestionis cognoscendam. Unde sufficit, si circa illam horam, quam Ecclesia instituit, jejunans sumat cibum, etiam si aliquantulum propter aliquam necessitatem anticipet „ „. Paululum ergo anticipare horam prandii absque necessitate aliqua, seu causa legitima, verbi gratia: hora dimidia ante meridiem prandere, veniale peccatum est. Æstimato meridie mensæ accumbere, nullum peccatum est: „ Ad jejunium enim requiritur hora determinata non secundum subtilem examinationem, sed secundum grossam æstimationem „ (*ut loquitur S. Thomas 2. 2. q. 147. art. 7. in responsione ad secundam objectionem.*) Notabilis anticipatio, horæ scilicet integræ, lethale peccatum est.

Gravius porro cæteris peccant ecclesiastici, ac religiosi viri, qui refectionis tempus diebus jejunii anticipant, quia secularibus hominibus, ac laicis, quibus exemplo esse debent, pravam præbent exemplum anticipandi refectionis horam ab Ecclesia præscriptam, jejuniique solvendi, & remittendæ sensum disciplinæ quasi ex auctoritate illorum, qui religiosiores jejunii ecclesiastici observatores habentur; qui vero pietatem profitentur laici, absque scandalo non vident religiosos viros ad gratias post prandium agendas in Ecclesiam ante meridiem convenire, cum ipsi ad Missam audiendam concurrunt, postea refectionem sumpturi. Sane cum hora sumendi cibi in cœnobiis, Clericorumque Congregationibus vulgo sit hora undecima, prandium ad meridiem saltem differri debet ecclesiastici jejunii diebus. Nam *Quia jejunium Ecclesiæ debet esse pœnale, & satisfactorium, ideo aliquid additur* (inquit *S. Thomas loco sententiarum superius indicato.*) Religiosi denique viri, & Clerici Passioni Christi sese conformare magis tenentur, carnem suam per jejunium affligendo, secundum illud Apostoli ad Gal. 5. *Qui Christi sunt, carnem suam crucifixerunt cum vitiis, & concupiscentiis.* Quam foedum igitur est, ut indulgeant carni, ad tempus refectionis anticipandum, privilegia nescio quæ

De tertio Decalogi præcepto. 751

comederent. Unde *Stephanus Poncherus* Parisiensis Episcopus in statutis synodalibus de jejuniorum ecclesiasticorum observantia loquens: „ Sic (*inquit*) semel in die refectioem corporis capiat, & si tenuis congruum habueritis, ut *S. Thomas*, & alii Doctores nos instruunt, circa meridiem capiat. Et *S. Carolus Borromæus* in disciplina familiæ suæ Archiepiscopalis, p. 1. tit. *De gubernatione spiritali*, statuit: „ Ut per omne Quadragesimæ tempus, Dominicis diebus exceptis, semel tantum in die post meridiem, cibum capiat. Cum autem indulget Ecclesia, ut post meridiem, siue hora ipsa duodecima meridiana, aut circa hanc horam, diebus jejunii refectio a Christianis jejunantibus sumi posset, vespertinum officium circa meridiem celebrare cœpit, ut illud veteris disciplinæ vestigium, & monumentum quasi in perpetuum manerent, ne ante comederent; quam vespertinum celebretur Officium; quod tempus si multum anticipaverint absque legitima causa: Nullatenus jejunare censendi sunt; ut habetur Canone Solent, dist. 1. *De Consecratione*:

Explodendum igitur est, quod asserere quidam non dubitarunt, non solvi jejunium, cum anticipatur sine causa hora comedendi die jejunii: Prandium sumi posse una hora circiter ante meridiem in hyeme, tempore jejunii: Religiosos mendicantes, & qui eorum privilegia participant, jejuniorum diebus posse duabus horis hyeme, tribus æstate, ante meridiem mensæ accumbere, ex causa studii, negotii, &c. etiam sine peccato veniali. Hæc inquam, opiniones, omnino proscribendæ, & explodendæ sunt, ac pro certo habendum, quod *S. Thomas* docet in quartum *Sententiarum*, dist. 15, q. 3, art. 4. Quæstiuncula 3. „ Ille (*inquit*) jejunium solvit, qui Ecclesiæ determinationem non servat. Unde cum Ecclesia instituerit certum tempus comedendi jejunantibus, qui nimis notabiliter anticipat, jejunium solvit. Non enim Ecclesia arctare intendit ad subtilem temporis inspectionem, nec oportet Astrolabium accipere ad horam

est abstinentia actus ; ut docet S. Thomas , 2. 2. qu. 147. art. 1. & 2. Ad carnis autem concupiscentias reprimendas , ad macerandum corpus valet non solum abstinentia cibi , sed & potus. Unde canit Ecclesia : Carnis terat superbiam potus , cibique parcitas. Quamobrem indictum Ninivitis jejunium abstinentiam aquæ pariter , ac panis complectebatur , Jonæ 3. Homines , & jumenta non gustent quidquam , nec pascantur , & aquam non bibant. Et Esdras jejunans Panem non comedit , & aquam non bibit , ut habetur Esdra 1. cap. 10. Non modo famem , sed & sitim jejunii diebus tolerandam , ut fontem aquæ salientis in vitam æternam consequamur. S. Gregorius Nyssenus docet Oratione in principio jejunii. „ Amarum est jejunium „ (inquit) sed dulcis paradisi. Molesta est sitis , sed „ prope est fons , ex quo , qui biberit non sitiet in „ æternum „. Hinc S. Fructuosus Tarracoenensis Episcopus , & Martyr , cum ad supplicium duceretur , oblatum potum recusavit , quia jejunii dies erat , nec illuxerat hora nona , ut Prudentius Hymno 6. Peristephanon refert.

*Jejunamus , ait , recuso potum ,
Nundum nona diem resignat Hora ,
Nunquam conviolabo jus dicatum ,
Nec mors ipsa meum Sacrum resolveret.
Sic Christus sitiens Crucis sub hora ,
Oblatum sibi poculum recusans ,
Nec libare volens sitim peregit.*

Solitarii , qui jejunii leges strictissime observabant , id cavebant maxime , ne unquam ad saturitatem pervenirent , & præcipue in potu , rati non minus per aqua abundantiam phantasias fieri animi , quam per vinum calorem corporis crescere ; ut refert Rufinus lib. 2. De Vitis Patrum , cap. 31. Silvanus Abbas discipulum sitientem , & aquam bibere volentem prohibuit , jejunii diem esse monens , ut idem Rufinus commemorat lib. 3. cap. 46. „ Discipulus invenit „ aquam , & volebat bibere. Cui Abbas Silvanus : Zacharia , jejunium est hodie „ Jam refectionem sume
pse-

perant in monasterio, ad quod diverterant monachos invituri, quod Zacharias exposuit Silvano; sed respondit sanctus Abbas: „Illa esca charitatis erat, fili! Nos autem nostrum jejunium teneamus „

Auctor sermonis inter eos, qui *S. Ambrosio* hæcenus adscripti sunt, quadragesimi, *De jejniis*, & *elemosynis*, inscripti, refellit eorum excusationem, qui æstiva tempestate jejunare se non posse ajebant, quia sitim ferre non poterant, cujus non minus, quam famis tolerantia pertinere ad jejunium censebatur. „ Quibus (*inquit*) cum jejunium indicitur, de intemperie se temporis semper excusant; dicunt enim æstivis mensibus: Dies longa est, torrentior sol est, sitim ferre non possumus, poculis nos refrigerare debemus. Hyemis vero tempore: Grave frigus est, algorem tolerare nequimus, escis nos calefieri oportet. . . Dic mihi, o delicate Christiane, qui æstum solis jejunando ferre non potes, nunquid æstus, quem sustentaturus es, torrentior est gehenna „ „?

Ex his omnibus perspicuum est, falsum esse, antiquis ignotum, ab Ecclesiæ doctrina, & mente alienum, vulgare illud Proverbium: *Liquidum non frangit jejunium*.

R E G U L A X V.

Jejunii meritum perdunt, qui ciborum, ac liquorum delicias, & varia gulæ irritamenta jejunii diebus exquirunt; copiosiusque prandent, ac lautius, ut jejunii laborem minuant.

Hanc Regulam tradit *S. August.* Serm. 205. alias De Diversis 68. „ „ Nemo (*inquit*) sub abstinentiæ specie mutare affectet potius quam rescare delicias, ut pretiosos cibos quærat, quia carne non vescitur, & inusitados liquores, quia vinum non bibit; ne per occasionem quasi domandæ carnis, magis agat negotium voluptatis. Alimenta quidem mundis munda sunt omnia; sed in nullo est munda luxuria „ „

A ciborum & liquorum deliciis abstinendum diebus jejunii.

jejunio di-
capis.

plis cultibus insistendum, tanto est a cunctis mundi nocivis oblectamentis longius recedendum; præsertim cum neminem nisi reprobam venationes exercuisse sacra designet Historia. *Et cap. 47.* Consilitis, si liceat in Quadragesimali tempore joci vacare? Quod non etiam in Quadragesimali, verum etiam in nullo tempore licitum est Christianis. Sed quia vobis, qui in montem nondum ascendere, tanquam infirmi, potestis, ut inde sublimia mandata Dei percipiat, sed in campèstribus, quemadmodum filii quondam Israel, positi estis, ut saltem ibi plana, & minora quædam præcepta sumatis, necdum possumus suadere, ut omni tempore joci abstineatis. Et Quadragesimæ, ac jejunii tempore, quando peramplius, & instantius orationi, & abstinentiæ, & omni pœnitentiæ vacare debetis, non solum joci, verum etiam ab omni vaniloquio, & scurrilitate, quæ ad rem non pertinent, atque ab ipso otioso verbo temperare debetis. . . Nulla ergo vos voluptatum, & maxime in tempore jejuniorum, vanitas seducere valeat; non enim lamenta cum joci conveniunt; & fallax, ac deceptrix lætitia veraces lacrymas producere nescit „ „:

Eandem Regulam confirmat *Theodulphus* Aureliensis Episcopus in Capitulari, cap. 40. ubi de jejunii diebus loquens: *Abstinencia* (inquit) *in his diebus omnium deliciarum esse debet.*

Idem confirmat Concilium Mediolanense s. P. 1. tit. De his, quæ ad dies festos, & sacra Tempora pertinent. „ „ Omni tempore (*inquit*) a joci christiani hominem abstinere convenit, ac Quadragesimæ, ac jejunii tempore tanto diligentius, quanto frequentius, studiosiusque orationi, abstinentiæ, omniumque pœnitentiæ generi incumbendum est „ „:

„ „ A joci igitur, a verborum scurrilitate, a colloquio inani, otioso, longeque cautius a noxio, & criminoso se continere sacro pœnitentiæ tempore studeat, ut Pontificio apostolico illo Rescripto *Nicolaï I.* cavetur „ „:

„ „ A venationibus item, ut eodem rescripto continet-

tinetur, abſtineat item eo ipſo Quadreſimali tempore, quo neque carne velci, neque adeo carnalia conſectari licet „ „

„ „ Ciborum Quadreſimalium ſuavitates ne exquirat; nec multiplici epularum apparatu menſam extruat, ſed frugalem parſimoniam adhibeat „ „

„ „ Convivia autem in Quadreſima non condicat, nec vero apparet, ne Dominicis quidem diebus, ut idem Nicolaus Pontifex reſcribit „ „

R E G U L A X V I I.

Chriſtianum vere, Deoque gratum jejunium non eſt, quod abſtinentia ab omni peccato mortali, & exercitatio in omni virtutum genere non commendat.

Hanc Regulam Deus ipſe tradit Iſaiæ 58. *Ecce (in-Chriſtiani quit) in die jejunii veſtri invenitur voluntas ve- jejunium, ſtra, & omnes debitores veſtros repetitis, Ecce ad lites, abſtinentia, & contentiones jejunatis, & percutitis pugno impie. a vitia, Nolite jejunare ſicut uſque ad hanc diem, ut audiat in excelſo clamor veſter. Nunquid tale eſt jejunium, quod elegi, per diem affligere hominem animam ſuam? Nunquid contorquere quaſi circulum caput ſuum, & ſacrum, & cinerem ſternere? Nunquid iſtud vocabis jejunium, & diem acceptabilem Domino? Nonne hoc eſt magis jejunium quod elegi? Diſſolve colligationes impietatis, ſolve faſciculos deprimentes; dimitte eos, qui confracti ſunt, liberos, & omne onus dirumpe, Frange eſurienti panem tuum, &c.*

Eandem regulam confirmant SS. Patres, imprimis S. Baſilius Hom. I. de jejuniis: „ „ Cave (inquit) ne jejunii utilitatem ſola ciborum abſtinentia metiaris; verum enim jejunium eſt, ab omnibus eſſe vitiis alienum. Solve omne vinculum iniquitatis, condona injuriam proximo, ac debitum dimitte. Noli ad lites, & contentiones jejunare. Carnes non edis; at interim devoras fratrem tuum. Vino abſtines; at interim ab injuriis tibi non temperas. Væ his, qui

ebrii sunt non a vino ! ira mentis est temulentia , eam a prudentia non minus excutens , quam vinum „ „. *Et in cap. I. Isaia.* „ „ Non latis virium (*inquit*) perse habet abstinentia ab elcīs , sed oportet , & reliquam adesse constituendæ vitæ disciplinam , in sermonibus , in genere conversandi , in familiari congressu , ita ut spiritualem mentis exercitationem comitetur „ „

S. Joan. Chrysostomus , Hom. 8. in Gen. „ „ Jejunium dico abstinentiam a vitiis ; etenim abstinentia a cibis propter hoc recepta est , ut vigorem carnis refrænet. Jejunantem ante omnia oportet iram refrænare , mansuetudinem , & lenitatem addiscere , habere cor contritum , absurdas concupiscentias repellere , ante oculos continuo proponendo oculum æterni judicis , & tribunal illud incorruptum pecuniis superiorem esse , & illis dominari ; liberalem esse in danda eleemosyna ; nullum malum adversus proximum in cor admittere. . . Hoc verum jejunium est „ „

Auctor Sermonis inter eos , qui *S. Ambrosio* hæcenus adscripti sunt 41. in Augustinianorum Appendice 146. „ „ Quid prodest jejunare visceribus , & luxuriare ventribus ; abstinere cibis , & errare peccatis ; castigare corpus inedia , mentem exercere nequitia ; vinum forte non bibere , & ebrium cogitatione malignitatis incedere ? . . Inutile , & inane est tale jejunium , quod inedia membra debilitat , & animam a perditione non liberat. . . Scire igitur debemus , Fratres , acceptum esse Deo jejunium , non solum ut abstinentia corpora castigemus , sed etiam humilitate animas induamus. Simus ad servulos mites , blandi ad extraneos , ad egenos misericordes , pacifici ad omnes. Surgentes primo diluculo ad Ecclesiam festinemus , referamus Deo gratias , peccatis veniam postulemus , rogantes præteritis delictis indulgentiam , futuris cautelam. Tota die sit nobis assidua vel oratio , vel lectio. Qui literas nescit , sanctum Magistrum perquirat , ejus confabulatione pascatur. Nulli
actus

De tertio Decalogi præcepto: 761

actus seculi actus divinitatis impediunt ; non ludus tabulæ mentem avocet , non voluptas canum sensus abducatur , non negotii compendium animum aviditate pervertat. Quidquid enim aliud præter mandatum Dei feceris , quamvis abstineas , non jejunas. Hoc est enim jejunium salutare , ut sicut abstinetur corpus ab epulis , ita & anima refrænatur a vitiis „ „.

S. Leo Serm. 41. in Quadragesima 4. cap. 11. „ „ Ingressuri (*inquit*) dies mysticos , & jejuniorum remediis consecratos , præceptis Apostoli obedire curemus , emundantes nos ab omni inquinamento carnis , ac spiritus. . . Digna enim ab infidelibus reprehensione carpemur , & nostro vitio linguæ impiæ in injuriam se religionis armabunt , si jejunantium mores a puritate perfectæ continentiae discreparint. Non enim in sola abstinentia cibi stat nostri summa jejunii , aut fructuose corpori esca subtrahitur , nisi mens ab iniquitate revocetur , & ab obprobriationibus lingua cohibeatur. Sic ergo nobis edendi est moderanda libertas , ut etiam aliæ cupiditates eadem lege frænentur. Mansuetudinis , & patientiæ , pacis , & tranquillitatis hoc tempus est ; in quo exclusa omnium contaminatione vitiorum , perpetuitas nobis est obtinenda virtutum. Nunc piarum mentium fortitudo donare culpas , negligere contumelias , & oblivisci assuescat injurias. Nunc fidelis animus per arma justitiæ a dextris se exerceat , & sinistris ; ut per gloriam , & ignobilitatem , per infamiam , & bonam famam , securam conscientiam , constantemque probitatem nec laudes inflent , nec opprobria defatigent. Religiosorum modestia non sit mœsta , sed sancta ; nec inveniantur in eis ullarum murmurum querelarum , quibus nunquam defunt sanctorum solatia gaudiorum. Non timeatur inter opera misericordiae terrarum destitutio facultatum. Semper dives est christiana paupertas , quia plus est , quod habet , quam quod non habet „ „.

Non in sola
abstinentia
cibi stat nostri
summa
jejunii.

Et Serm. 43. in Quadragesima 6. cap. 2. „ „ Apostolica institutio quadraginta dierum jejunii impletur ,

tur, non ciborum tantummodo paritate, sed privatione maxime vitiorum. Nam cum ob hoc castigatio ista sumatur, ut carnalium desideriorum fomites subtrahantur, nullum magis sectandum est continentiae genus, quam ut semper simus ab injusta voluntate sobrii, & ab inhonesta actione jejuni „ „.

Omnia corporis membra jejunant.

S. Bernardus Serm. 1. de Quadragesima: „ „ Si gula sola peccavit, sola quoque jejunet, & sufficit: Si vero peccaverunt & cætera membra, cur non jejunent & ipsa? Jejunet ergo oculus, qui deprædatus est animam; jejunet auris, jejunet lingua, jejunet manus, jejunet etiam anima ipsa. Jejunet oculus a curiosis aspectibus, & ab omni petulantia, ut bene humiliatus coerceatur in poenitentia, qui male liber vagabatur in culpa. Jejunet auris nequiter pruriens a fabulis, & rumoribus; & quæcunque otiosa sunt, ac ad salutem minime pertinentia. Jejunet lingua a detractioe, & murmuratione, ab inutilibus vanis, atque scurrilibus verbis; interdum quoque ob gravitatem silentii, & ab ipsis, quæ videri poterant necessaria. Jejunet manus ab otiosis signis, & ab operibus omnibus quæcunque non sunt imperata. Sed & multo magis anima ipsa jejunet a vitiis, & propria voluntate sua. Etenim sine hoc jejuniis cætera a Domino reprobantur, sicut scriptum est: *Quia in diebus jejuniorum vestrorum inveniuntur voluntates vestrae „ „.*

II. 18.

Id confirmat Concilium Mediolanense 5. sub *S. Carolo Borromeo*, P. 1. tit. De his, quæ ad dies festos, & sacra Tempora pertinent. „ „ Quadragesimalibus (*inquit*) aliisve jejunii, poenitentiae, & publicæ supplicationis diebus, Fideles se vitæ disciplina severiori adstringant; sanctisque institutis, & moribus sacro illi tempori convenientibus, se suosque, qui patres familias sunt, quam rectissime in omnes partes conforment. Pretiosas vestes non induant; sed amictum, si non humilem, & demissum omnino, at cum poenitentiae, jejuniique tempore congruentem. Simultatem, odium, inimicitias, rixas deponant, pacem cum omni-

omnibus concilient. Carnis vim, impetum, non modo religiosa abstinencia, jejuniique lege, sed cilicio, & verberationis disciplina coerceant, & humi aliquando cubent, ut a piis etiam laicis factum esse, memoriæ proditum est. *Christianus homo* In orationis studio frequentior sit; dolenter peccata & sua, & aliena lugeat, pro quibus Dei misericordiam omni pietatis, poenitentiaque officio imploret. Eleemosynas, cum per facultates potest, uberiores pauperibus, egentibusque in sustentationem conferat, in aliaque pietatis officia, atque opera liberali charitate eroget. Oblationes offerat largiores. Frequentius divinis officiis omni attentione, & religiosa meditatione adstet. Missæ sacrificio quotidie intersit, alia omni negotiatione posthabita. Divinis colloquiis, sacrificiisque Concionibus præsens adsit. Moneatur, ut vitæ sanctitati ita incumbat, ut singulis Dominicis saltem diebus confessus, sacram Eucharistiam sumat, „.

Id denique confirmat *S. Antoninus*, P. II. tit. 6. cap. 1. Ut jejunium sit sanctum, & Deo gratum (inquit) primo *Debet tolli de mente omnis intentio vana*; Unde Dominus ait: *Cum jejunatis, nolite fieri sicut Matth. 6. hypocritæ tristes*, sed puro respectu, & intentione, propter Deum, & ad obediendum Ecclesiæ jejunate. Quicumque enim vel ob indigentiam, vel ob avaritiam, vel ad captandam hominum gloriam, vel ut consulat valetudini, quia cibo & crapula præcedentium dierum nimis gravatus est, vel ob gulam, ut ipsa die, vel sequenti copiosius ac lautius prandeat: quicumque (inquam) sic jejunat: „, „, Alias non jejunaturus, non servat præceptum Ecclesiæ. Secundo oportet habere affectum liberum a peccato commisso, & committendo. Nihil enim prodest jejunare, & alia religionis opera facere, nisi mens ab iniquitate coerceatur (inquit *Pius Papa*, *De panis. dist. 11.*) Nihil prodest, scilicet ad vitam æternam. Qui enim facit jejunium quodcumque in mortali, non valet sibi ad meritum, nec ad satisfactionem. Valet tamen ad satisfaciendum præcepto Ecclesiæ, ut non peccet mor-

anti-

taliter servando jejunium, quod incurreret, si non servaret. Et ideo quantumcunque peccator, dimittere non debet. Melius tamen, & utilius, si per confessionem, vel saltem contritionem, liberaret affectum suum a servitute peccati. Matth. 6. *Tu autem cum jejunas, unge caput tuum, & faciem tuam lava*, id est conscientiam, scilicet a peccatis. Et *Isaia 58.* dicit Dominus: *Hoc est jejunium, quod elegi, dissolve colligationem impietatis*, id est, malas societates, cum quibus ligatus es in officiis, vel contractibus, vel maleficiis: *Solve fasciculos deprimentes te*, id est, obligationes restitutionum; & *eos, qui confracti sunt, liberos dimitte*; qui solvere non possunt, non in carcere teneas; & *omne onus dirumpe*, scilicet peccati, per contritionem „ „

R E G U L A XVIII.

Eleemosyna christiani jejunii comes esse debet, ut pauperibus erogetur, quod in sumptus secundae refectionis impenderetur,

Sic jejunandum Spiritus sanctus docet *Isaia 58. 7.* *Frangere esuriensi panem tuum, & egenos, vagosque induc in domum tuam; cum videris nudam, operi eum, & carnem tuam ne despexeris.*

Id confirmant SS. Patres; imprimis *S. Augustinus*, Sermone 205. alias *De Diversis 58.* in Quadragesima primo: „ Quod vobis (*inquit*) demitis jejunando „ eleemolynis addite prerogando „

Sermone 206. alias *De Diversis 70.* in Quadragesima secundo: „ „ Orationibus nostris, quibus ad Deum facilius volando perveniant, eleemolynis, & jejniis pennas pietatis addamus. Hinc autem intelligat animus christianus, quantum remotus esse debet a fraude alienae rei, quando sentit simile esse fraudi, si superflua sua non tribuerit indigenti. Dominus dicit: *Date, & dabitur vobis; dimittite, & dimittetur vobis.* Haec duo genera eleemolynarum, tribuendi, & ignoscendi, clementer, & ferventer operemur, qui

nobis a Domino, ut bona tribuantur, & mala non retribuantur, oramus. *Dare (inquit) & dabitur vobis*; Quid verius, quid iustius, ut qui dare detrectat, se fraudet ipse, nec accipiat? Si imprudenter agricola quærit messē, ubi se novit non præmisisse semen; quanto impudentius quærit Deum divitias dantem, qui hominem pauperem noluit exaudire poscentem? In paupere enim se palci voluit, qui non elurit: Deum ergo nostrum egentem non spernamus in paupere, ut egentes satiēmur in divite. Habemus egentes, & egemus; demus ergo, ut accipiamus „ „

Serm. 207. alias *De Diversis* 71. in Quadragesima 3. hoc maxime tempore dandam eleemosynam docet, in memoriam magnæ eleemosynæ, quam Christus nos redimendo nobis impendit. „ „ Quæ major (*inquit*) misericordia esse super mīseros potuit, quam illa, quæ cœli Creatorem de cœlo deposuit, & terreno corpore terræ induit Conditorē; cum, qui in æternitate Patris manet æqualis, mortalitate cœquavit & nobis, formam servi mundi Domino imposuit, ut ipse Panis eluriret, satietas sitiret, virtus infirmaretur, sanitas vulneraretur, vita moreretur? Hoc autem ut nostra palceretur fames, rigaretur ariditas, consolaretur infirmitas, extingueretur iniquitas, ardesceret charitas? Quæ major misericordia, quam creari Creatorem, servire Dominatorem, vendi Redemptorem, humiliari Exaltatorem, occidi Sulcitatorem? Nobis de præbendis eleemosynis præcipitur, ut panem demus elurienti: ille seipsum, ut nobis daret elurientibus, prius pro nobis se tradidit sævientibus. Præcipitur nobis, ut peregrinum recipiamus: ille pro nobis in sua propria venit, & sui eum non receperunt. . . Exerceamus itaque eleemosynas nostras tanto impentius, tantoque frequentius, quanto propinquior sit dies, qua nobis prærogata eleemosyna celebratur; quia jejunium sine misericordia ei nihil est, qui jejunat „ „

Serm. 208. alias *De Diversis* 72. in Quadragesima Tempore
quarto. „ „ Eleemosynas his diebus augere, quodam Quadrage-
modo simo eleo-

mosynas
augere,
quodam-
modo debi-
tum est.

modo ex debito est. Ubi enim iustus quam miserrando impenditis, quod vobis abstinentendo demitis? Et quid iniquius, quam ut quod minus erogat abstinentia, servet permanens avaritia, aut consumat dilata luxuria? Intendit itaque, quibus debeatis, quod vobis denegatis; ut quod detrahit temperantia voluptati, addat misericordia charitati „ „ „

Serm. 209. alias De Diversis 73. in Quadragesima quinto. „ „ Ut nostræ orationes congruis adminiculis adjuventur, quoniam in his diebus ferventiores eas habere debemus, etiam eleemosynas ferventius erogemus. Iplis adjiciatur, quod nobis jejunando, & a cibis solitis abstinentendo detrahitur. Quamvis eas debeat largiores habere, qui propter aliquam necessitatem corporis sui, & consuetudinem alimentorum, non potest abstinere, ut hoc addat pauperi, quod sibi detrahit; ut quoniam minus potest orationes suas castigatione corporis adjuvare, abundantiorum in corde pauperis includat eleemosynam, quæ pro illo possit orare. De Scripturis sanctis hoc est saluberrimum, amplectendumque consilium: *Include (inquit) eleemosynam in corde pauperis, & hæc pro te exorabit: „*

Ecc. 49. 15.

Qui cibis
exquisiti-
onibus ves-
cuntur die-
bus jejunii,
non susci-
piunt absti-
nentiam,
sed mutant
luxuriam.

Qui sic se a carnibus temperant, ut alias elcas, & difficilioris præparationis, & pretii majoris inquirant, multum errant. Non enim hoc est suscipere abstinentiam, sed mutare luxuriam, Quomodo illis dicturi sumus, ut quod sibi detrahunt, dent pauperi; a quibus solitus ita cibus relinquitur, ut in alio comparando sumptus augeatur? Estote ergo his diebus & crebrius jejunantes, & vobis parcius impendentes, & egenis largius tribuentes „ „ „

Serm. 210. alias de Diversis 74. in Quadragesima sexto: „ „ Præcipue sane pauperum mementote, ut quod vobis parcius vivendo subtrahitis, in coelesti thesauro reponatis. Accipiat esuriens Christus, quod jejunans minus accipit Christianus. Castigatio volentis fiat sustentatio non habentis. Voluntaria copiosa inopia, fiat necessaria inopis copia „ „ „

J. Leo Serm. 10. de Quadragesima: „ „ In pauperes
(in.

(*inquit*) & diversis debilitatibus impeditos benignior nunc largitas exeratur, ut gratiæ Deo multorum voce referantur, & jejuniis nostris egentium refectio suffragetur. Nulla enim devotione fidelium magis Dominus delectatur, quam ista, quæ pauperibus ejus impenditur, & ubi curam misericordiæ invenit, ibi imaginem suæ pietatis agnoscit. Non timeatur in iis expensis defectio facultatum, quoniam ipsa benignitas magna substantia est, nec potest largitatis deesse materies, ubi Christus pascit, & pascitur. In omni hoc opere illa intervenit manus, quæ panem frangendo auget, & erogando multiplicat „ „.

Idem Serm. i i. „ In distributione quoque eleemosynarum, & pauperum cura, pinguescant christiana jejunia, & quod suus quisque deliciis subtrahit, debilibus impendat, & egenis. Detur opera, ut omnes Deo uno ore benedicant, & qui aliquam dat portionem substantiæ suæ, intelligat se ministrum esse misericordiæ divinæ; qui partem pauperis in manu posuit largientis; ut peccata, quæ Baptismi aquis, aut pœnitentiæ lacrymis abluuntur, etiam eleemosynis deleantur, dicente Scriptura: *Sicut aqua ex-* Eleemosy-
nis christia-
na jejunia
pingue-
scent.

singuit ignem, ita eleemosyna extinguit peccatum „ „. Eccl. 3.

Idem Serm. 9. De jejuniis decimi Mensis: „ „ *Absti-* Abstinencia
fidelium
fiat cibis
pauperum.
ment (inquit) omnes substantias suas, & qui plus accepere, plus tribuant. Fiat abstinencia Fidelium cibus pauperum; & quod sibi quisque subtrahit, proficiat indigenti, quia licet multum & animis, & corporibus conferant remedia parcitatis, parum tamen utilia sunt ipsa jejunia, nisi misericordiæ sanctificetur effectus. In eleemosynis enim virtus quædam est instituta Baptismatis; quia sicut aqua extinguit ignem, sic eleemosyna peccatum, & per eundem Christum dicitur: *Lavamini, mundi estote,* per quem dicitur: *Mate eleemosynam, & omnia munda sunt vobis,* ut ne In eleemo-
synis virtus
quædam
baptismatis
mo ambigat, nemo diffidat regenerationis sibi nitorem etiam post multa peccata restitui, qui eleemosynarum studuerit purificatione mundari „ „.

Idem Serm. 3. De jejuniis Pentecostes: „ „ *Sanctas* Sanctas
con-
Tom. VIII. C c c

continentiæ delicias apperentes, aliquantulum nobis de terrenorum ciborum abundantia subtrahamus; ita ut proficiat eleemosynis, quod non impenditur mensis. Tunc enim demum ad animæ curationem proficit medicina jejunii, cum abstinencia jejunantis esuriem reficit indigentis „ „.

Misericor-
dia jeju-
nium san-
ctificat.

S. Petrus *Chrysologus*, Serm. 8. „ „ Esurit jejunium (*inquit*) jejunium fitit, quod non pietatis cibo pascitur, quod potu misericordiæ non rigatur. Alget jejunium, jejunium deficit, quod non eleemosynæ vellus tegit, quod non miserationis operit vestimentum. Quod est terris ver, hoc misericordiam scimus esse jejunio. Sicut vernus flatus tota facit germina florere camporum; ita misericordia tota jejunii semina producit in florem, in coelestem messem totam jejunii facit fructificare virtutem. Quod oleum lucernæ est, hoc jejunio pietas. Sicut lucernæ lumen olei pinguedo succendit, & moderato passu facit illud ad totius noctis solatium perlucere; sic pietas facit splendere jejunium, & ad totam radiare continentiae claritatem. Quod diei sol est, hoc eleemosyna noscitur esse jejunio. Sicut jubar solis clariorem perficit diem, & totam nubium disperdit obscuritatem; sic eleemosyna jejunii sanctificat sanctitatem, totamque cupiditatis noctem lumine pietatis excludit. Ac ne multis immorer, quod est anima corpori, jejunio largitas hoc habetur. Sicut enim mortificatur corpus, a corpore anima cum recedit; ita mors est jejunii largitatis abscessus. Est quidem jejunium vitiorum mors, vita virtutum. Est jejunium pax corporis, membrorum decus, ornamentum vitæ. Est jejunium robor mentium, vigor animarum. Est jejunium castitatis murus, pudicitiae propugnaculum, civitas sanctitatis. Est jejunium schola meritorum, disciplina virtutum. Est jejunium ecclesiasticæ vitæ viaticum salutare. Est jejunium invictus christianæ militiæ principatus. Sed in his virtutibus jejunium tunc viget, tunc vincit, tunc triumphat, cum duce misericordia pugnat. Misericordia, & pietas jejunii sunt alæ,
per

per quas tollitur, & portatur ad cœlum, sine quibus jacet, & volutatur in terra. Jejunium sine misericordia simulacrum famis est, imago nulla est lætæ ætatis; sine pietate jejunium occasio est avaritiæ, non est propositum pareitatis. . . Qui non jejunat pauperi, Deo fingit. Qui jejunans prandium suum non erogat, sed deponit, cupiditati probatur jejunare, non Christo „ „

Qui non jejunat pauperi, Deo fingit.

Idem Serm. 42. „ Jejunium (*inquit*) sine pietate jejunat; fames est avaritiæ jejunium sine misericordia; cupiditatis pœna est sine pietate jejunium; ultio, non devotio est, non Deo jejunare, sed seculo. . . Non sic semper infundit terram, quomodo jejunium lacrymæ rigant pauperum: Homo; in lacrymas pauperum jacta semina jejunii tui; quia siccantur virtutes, ardescunt jejunantium messes, quæ pauperum fletibus non fuerint irrigatæ. Cœli pluvia infundit terram, lacrymæ pauperis cœlum rigant; ergo sitit cœlum; & expectat de ploratu pauperum vicem toris. . . Illic misericordia seminat, quia quæ suscepit manus pauperis, ibi metit „ „

Jejunium sine misericordia, fames avaritiæ.

S. Casarius Episcopus Arelatenſis, Serm. 44. in Augustinianorum Appendice 142. alias 62. De tempore: „ „ Bonum est (*inquit*) jejunare; sed melius est eleemosynam dare: Si possibilitas non fuerit jejuniandi, eleemosyna sufficit sibi sine jejunio; jejunium sine eleemosyna omnino non sufficit: Ergo si aliquis jejunare non potest, eleemosyna sine jejunio bonum est; si vero prævalet, jejunium cum eleemosyna duplex bonum est. Jejunium vero sine eleemosyna nullum bonum est; nisi forte ita sit aliquis pauper; ut non habeat omnino, quod tribuat. Illi ergo, qui non habuerit, unde tribuat, sufficit voluntas bona: Sed quis erit, qui se possit excusare, cum etiam pro calice aquæ frigidæ mercedem se Dominus redditurum esse promiserit? Et quare frigidæ dixit? Ne forte se posset aliquis pauper de lignorum penuria excusare, aut dicere: Se valculum, ubi aquam calefaceret, non habere. Denique & per Prophetam Dominus ita hortatur,

Jejunium sine eleemosyna non sufficit.

164. 18.

tatur, & admonet eleemosynam fieri, ut prope nullus pauper sit, qui se valeat excusare. Sic enim ait: *Hoc est jejunium, quod elegi: Frange esurienti panem tuum.* Non dixit, ut integrum datet; cum forte pauper ille alium non haberet; sed, *Frangere* (inquit) hoc est dicere, etiamsi tanta paupertas tibi est, ut non habeas nisi unum panem; ex ipso tamen frange, & pauperi tribue. *Et egenum* (inquit) *ac sine ulla induc in domum tuam.* Si aliquis ~~ita~~ pauper est, ut non habeat, unde tribuat pauperi cibum, vel in uno angulo domus suæ peregrino præparet lectulum. . . Ergo, Fratres charissimi, jejunia nostra eleemosynarum pinguedo commendet; quia tale est jejunium sine eleemosyna, qualis sine oleo lucerna. Nam sicut lucerna, quæ sine oleo accenditur, fumigare potest, lucem habere non potest: ita jejunium sine eleemosyna carnem quidem cruciat, sed charitatis lumine animam non illustrat. . . Sic jejunemus, ut prandia nostra pauperibus erogentur; ut quod pransuri eramus, non in nostris sacculis, sed in visceribus pauperum reponamus; quia manus pauperis gazophylacium est Christi, qui quod accipit, ne in terra pereat, in cœlo reponit; quia quamvis cibus, quem pauper accipit, consumatur; merces tamen boni operis in cœlo reconditur „ „.

Auctor Sermonis inter Augustinianos, alias *De tempore* 65. nunc in Appendice 144. „ „ Sic jejuna (inquit) ut in alio manducante prandisse te gaudeas. Hilarem enim datorem diligit Deus. Nam manducante paupere de bonis tuis, prandet Christus, qui se in paupere esurire testatur „ „.

Zach. 7.

S. Gregor. magnus Hom. 16. in Evangelia: „ „ Illud (inquit) jejunium Deus approbat, quod ad ejus oculos manus eleemosynarum levat, quod cum proximi dilectione agitur, quod ex pietate conditur. Hoc ergo, quod tibi subtrahis, alteri largire, ut unde tua caro affligitur, inde egentis proximi caro reparetur. Hinc etenim per Prophetam Dominus dicit: *Cum jejunaretis, & plangeretis, nunquid jejunium jejunastis mihi? Et cum comeditis, & bibitis, nunquid non vo-*
bis

bis comeditis, & vobismetipsis bibitis? Sibi enim comedit, & bibit, qui alimenta corporis, quæ sunt communia dona Conditoris, sine indigentibus percipit. Et sibi quisque jejumat, si ea, quæ tibi ad tempus subtrahit, non pauperibus tribuit, sed ventri postmodum offerenda custodit. Hinc per Joelem dicitur: *Sanctificate jejunium.* Jejunium quippe sanctificare, est adjunctis bonis aliis, dignam Deo abstinentiam carnis ostendere „ „

Theodulphus Aurelianensis Episcopus in Capitulari, cap. 38. „ „ Diebus (*inquit*) jejunii eleemosyna facienda est, & cibum, vel potum, quo quisque uti debuit, si non jejunaret, pauperibus erogat. Quia jejunare, & cibos prandii ad coenam reservare, non mercedis, sed ciborum est incrementum „ „

Ratherius Veronensis Episcopus, Sermone 1. De Quadragesima: „ „ Male (*inquit*) jejunant & illi, qui quod corpori suo subtrahunt, non pauperibus tribuunt, sed aut suo ventri, aut quod est iniquius, Mammonæ, id est, cupiditatis dæmoni, abstinendo reservant „ „

REGULA XIX.

Nullius est meriti jejunium, si Christianus jejunans injurias non dimittit.

Hæc Regula nititur verbo Dei per Isaiam Prophetam eos reprehendentis, qui contentionibus, ac litibus jejunium suum contaminabant. *Ecclesiasticus ad Isa. 58. lites, & contentiones jejunatis, & percutitis pugno im- pie. Nolite jejunare sicut usque ad hanc diem, ut audiat in excelso clamor vester. Nunquid tale est jejunium quod elegi?*

Præterea, si jejunium perfectum, meritorium, & Deo gratum non est absque eleemosyna corporali in iis, qui erogare possunt; multo minus Deo acceptum est absque eleemosyna spiritali, condonatione scilicet injurarum. *Date* (*inquit Christus*) *& dabitur vobis; dimittite, & dimittetur vobis; Hoc est,* *igno-*

ignoscite, & ignoscetur vobis. „„ Conservus conservo reconcilietur, ne juste servus a Domino puniatur. In hoc genere eleemosynæ nullus est pauper, Potest hoc facere, ut in æternum vivat, etiam qui ad tempus non habet, unde vivat. Gratis datur, dando cumulat, quæ non consumitur, nisi quando non erogatur. (*Verba sunt S. Augustini Serm. 306, alias De Diversis 70.*) Cujus ergo usque ad hos dies inimicitiae perdurarunt, confundantur, atque finiantur. Finiantur, ne finiant; non teneantur, ne teneant; perimantur per redemptorem, ne perimant retentorem. Jejunia vestra non sint talia, qualia Propheta condemnat, dicens: *Non hoc jejunium elegi, dicit Dominus.* Arguit enim jejunia litigiosorum; quærit piorum. Arguit opprimentes, quærit relaxantes. Arguit inimicantes, quærit liberantes „„

Matth. 18.

Jejunium
sine injuria-
rum condon-
atione ad
aiutem
non profi-
cit.


Et Sermone 211. alias De Diversis 74. „„ Sit etiam (*inquit*) in animo placabili, & humili misericors ignoscendi facilitas. Petat veniam, qui fecit injuriam; det veniam, qui accepit injuriam, ut non possideantur corda vestra a satana, cujus triumphus est dissensio Christianorum. Et hæc enim magni lucri eleemosyna est, debitum relaxare conservo, ut tibi relaxetur a Domino. . . Mementote servi illius, cui omne debitum Dominus ejus, quod donaverat, replicavit, quia conservo ipse sibi debenti decem denarios misericordiam non rependit, quam de talentorum decem millibus, quæ debebat, accepit, in hoc genere operis boni excusatio nulla est, ubi sola voluntas tota facultas est. Potest quisque dicere, ne stomachus doleat, jejunare non possum. Potest etiam dicere, volo dare pauperi, sed unde, non habeo; aut tantum habeo, ut timeam egere, si dederō. Quamquam & in his operibus excusationes plerumque sibi homines falsas faciunt, quia veras non inveniunt. Verumtamen quis est, qui dicat, ideo non ignovi veniam petenti, quia me valetudo impedivit. aut quia manus, qua porrigerem, non fuit? *Diuite, ut dimittatur tibi. Carnis hic opus nullum est,*

est, nullum vel carnis suæ membrum in adiutorium animæ assumitur, ut hoc impleatur, quod rogatur. Voluntate agitur, voluntate perficitur, fac securus, da securus, nihil in corpore dolebis, nihil in domo minus habebis. Jam vero, Fratres, videte, quid mali sit, ut pœnitenti fratri non ignoscat, cui præceptum est, ut inimicum adhuc diligat. Quæ cum ita sit, cum scriptum sit: *Sol non occidat super iracundiam vestram*: Ephes. 4. considerate, Charissimi, utrum Christianus dicendus sit, qui saltem his diebus inimicitias non vult finire, quas nunquam debuit exercere „ „.

Idem confirmat S. Leo, Sermone 2. De Quadagesima, & clementiam Principum reos quadagesimali tempore carceribus liberantium, privatis quibusque in remissione injuriarum imitandam proponit. „ „ In ista (*inquit*) exercendarum opportunitate virtutum sunt & aliarum insignia coronarum, quæ nullo horreorum dispendio, nulla diminutione pecuniæ capiuntur; si repellatur lascivia. . si odia transeant in dilectionem, si inimiciæ convertantur in pacem. si tranquillitas extinguat iram, si mansuetudo remittat injuriam, si denique dominorum, atque servorum tam ordinati sint mores, ut illorum potestas mitior, & istorum sit disciplina devotior. Quod & romani orbis piissimi Imperatores sancta antiquis observatione custodiunt, qui in honorem Passionis, & Resurrectionis Christi altitudinem suæ potestatis inclinant, & constitutionum suarum severitate mollita, multarum culparum reos præcipiunt relaxari; ut in diebus, quibus mundus salvatur miseratione divina, etiam ipsorum supernæ bonitatis imitatrix sit æmulanda clementia. Imitentur igitur christiani populi Principes suos, & ad domesticam indulgentiam Regis incitentur exemplis. Non enim privatas leges fas est austeriores esse, quam publicas. Remittantur culpæ, vincula solvantur, deleantur offensæ, pereant ultiones, ut sacra Festivitas per divinam, atque humanam miserationem, omnes lætantes, omnes habeat innocentes „ „.

774 Theol. Dog. & Moral. Lib. IV.

Quamobrem Concilium Mediolanense ꝛ. sub S. Carolo Borromæo, P. I. tit. *De his, quæ ad dies festos, & sacra Tempora pertinent*, Parochos monet, ut hebdomada Quadragesimæ initium proxime præcedente parochianos suos reconcilient, si quos inter se dissidentes sciverint, dissensionum semina extirpare studentes; Christianos vero omnes: *Ut simultatem, odium, inimicitias, rixas deponant, pacem cum omnibus concilient,*



IN.

INDEX

CAPITUM, ARTICULORUM, ET RERUM, QUÆ IN HOC TOMO OCTAVO TRACTANTUR, LIBER TERTIUS. TRACTATUS

De Virtutibus, De primo, secundo, & tertio Decalogi
Præceptis.

CAPUT I. De Virtutibus in genere.	1
ART. I. Quid sit Virtus.	ibid.
ART. II. Quotuplex sit Virtus.	2
CAPUT II. De Virtutibus Cardinalibus.	3
ART. I. Quo Virtutum istarum Natura explicatur.	ibid.
ART. II. De Prudentia, ejusque Partibus, & Officiis.	17
§. I. Partes subjectæ, five species Prudentiæ.	ibid.
§. II. Prudentiæ Officia.	18
§. III. Partes integrantes Prudentiæ.	20
§. IV. In quibus vera Prudentia.	25
§. V. Vitia Prudentiæ opposita.	26
ART. III. De Justitia, ejusque partibus, & Officiis.	29
§. I. Justitiæ, Jurisque partitio.	ibid.
§. II. Vitia Justitiæ opposita.	34
§. III. Justitiæ partes integrantes.	35
§. IV. Virtutes cognatæ Justitiæ.	36
ART. IV. De Fortitudine, ejusque Officiis, & Partibus.	52
§. I. Fortitudinis Partitio.	ibid.
§. II. Fortitudinis Officia.	52
§. III. Virtutes adjunctæ Fortitudini.	56
ART. V. De Temperantia, ejusque Partibus.	65
§. I. Temperantiæ Officia.	ibid.
§. II. Temperantiæ Partes velut integrantes.	66
§. III. Virtutes Temperantiæ subjectæ.	73
§. IV. Virtutes adjunctæ Temperantiæ.	74

LIBER IV. DE DECALOGO,

CAPUT. I. De Lege generatim spectata.	82
ARTICULUS I. De Natura Legis.	ibid.
ART. II. De Divisione Legis.	91
§. I. De Lege Æterna.	ibid.
§. II. De Lege Naturæ.	92
§. III. De Lege Dei scripto tradita.	94
§. IV.	94

C c c f

I N D E X.

§. IV. Novæ Legis à Veteri discrimen,	104.
§. V. De Lege humana.	110
ART. III. Regulæ Praxim spectantes circa Legum obligationem, & observantiam.	113
Regula I. Leges humanæ cum ecclesiasticæ, tum civiles, & politicæ conscientiam ligant, adeo ut violari non possint in re gravi absque mortali peccato. ibid.	113
Regula II. Violatio Legis humanæ, sive Ecclesiasticæ, sive Civilis, ex contemptu etiam in materia levi, mortale peccatum est.	115.
Regula III Violatio Legis humanæ cum gravi scandalo, etiam si res sit secundum se levis, mortale peccatum est.	116
Regula IV. Homo Legislator in Materia levi sub mortali peccato obligare non potest.	117
Regula V. Quoties lex humana præcipit aliquid, vel prohibet sub gravi pœna, recte colligitur levis momenti rem non esse, quæ præcipitur, vel prohibetur.	118
Regula VI. Lex obligat sub mortali peccato, quoties præcipiendi, aut prohibendi verba usurpat in materia gravi.	ibid.
Regulæ VII. ibid & VIII.	119
Regula IX. Legem pœnalem nusquam absque peccato violari, probabilius est.	120
Regulæ X. & XI.	121
Regula XII. Pœnam subire tenetur Reus, lata sententia.	ibid.
Regula XIII. In pœnam Lege latam incurritur ante sententiam judicis, si in mera privatione consistat.	122
Regula XIV. Leges humanæ cum ecclesiasticæ, tum civiles non obligant, ut plurimum cum vitæ, aut incommodi gravissimi periculo.	123
Regula XV. Leges humanæ cum ecclesiasticæ, tum civiles, interdum obligant cum vitæ periculo.	ibid.
Regula XVI. Lex humana cum vitæ periculo obligat, quoties ejus violatio vergit in contemptum fidei, religionis, aut ecclesiasticæ potestatis, aut etiam in contemptum, injuriamque regiæ Majestatis.	124
Regula XVII. Leges humanas divinæ legi contrarias observare non licet. ibid.	ibid.
Regula XVIII. Leges evidenter injustæ non obligant in foro conscientiæ, nisi propter vitandum scandalum, vel publicæ pacis perturbationem.	125
Regula XIX. Lex in præsumptione fundata conscientiam non ligat, quando præsumptio est falsa.	126
Regula XX. Legibus, quas de fide, Sacramentis, causisque mere spiritualibus, & ecclesiasticis princeps laicus conderet, Clerici nullatenus obligarentur: quemadmodum nec legibus, quas ferret Prælati ecclesiastici temporalem Principatum, ac ditionem non habens, de causis civilibus, & mere temporalibus, laici parere tenerentur.	128
Regula XXI. Legibus civilibus parere tenentur Clerici, salva Ecclesiarum, & Personarum ecclesiasticarum immunitate.	129
Regula XXII. Supremi Principes, & legislatores suis ipsius legibus quibusdam obligantur, quamvis a nemine coerceri possint ob earum neglectam observantiam.	130
Regula XXIII. Principes, & legislator quilibet est supra legem, in quantum mutare illam potest, si expediat, & in ea pro loco, & tempore dispensare.	131
Regula XXIV. Peregrini, & advenæ leges, & Consuetudines locorum, ad quæ veniunt, vel in quibus diverſantur, ex officio conscientiæ sequi debent. ibid.	131
Re-	

I N D E X.

- Regula XXV.** Lex humana five ecclesiastica, five civilis obligare non videtur, nisi solemniter promulgata fuerit in provinciis. 133
- Regula XXVI.** Quamvis leges humanæ, tam civiles, quam Ecclesiasticæ ab acceptione subditi obli-gandi vim non habeant: non obligant tamen cum moribus utentium receptæ non sunt, & firmatæ. 134
- Regula XXVII.** Leges civiles, quæ sacris Canonibus sunt adversæ, nullius sunt roboris, in iis causis, quæ Ecclesiarum ordinationes, ecclesiasticamque disciplinam spectant. 134
- Regula XXVIII.** 138
- Regula XXIX.** Lex humana mutari non debet, nisi propter evidentem necessitatem, aut maximam Ecclesiæ, vel reipublicæ, five societatis, cuius in bonum lata est, utilitatem. 139
- Regula XXX.** Nulla consuetudo vim legis obtinere potest contra legem divinam, & naturalem. 140
- Regula XXXI.** Consuetudo non abrogat legem positivam, five ecclesiasticam, five civilem, nisi sit legitima, & præscripta. 143
- Regula XXXII.** Ecclesiæ universæ consuetudo omnibus, & singulis Christianis pro lege habenda, & religiose servanda est. 144
- Regula XXXIII.** Ecclesiæ cuiusque particularis consuetudo ab iis servanda est, qui in ea morantur, vel ad eam veniunt. 146
- Regula XXXIV.** Consuetudines fidei, aut bonis moribus minime contrariæ, non facile mutandæ sunt, ubi radices egerunt. 147
- Regula XXXV.** Consuetudines ad vitæ melioris exhortationem conducentes probandæ, atque sectandæ sunt, nisi amplius detrimentum inde metuantur. ibid.
- Regula XXXVI.** Humanæ præsumptiones, seu consuetudines, absque causa legitima introductæ, vel quarum causa ignoratur, & quæ inutiles, aut superflue sunt, rescari debent, ubi facultas tribuitur. 148
- Regula XXXVII.** Constitutiones pontificiæ, ceteræque leges, futuris danæ formam negotiis, non ad præterita facta trahuntur, nisi nominatim in eis de præteritis caveatur. ibid.
- Regula XXXVIII.** Omnia summorum Pontificum rescripta vim Constitutionis non habent: omnibus tamen parendum est, nisi essent evidenter contra jus, aut ratio humiliter exponenda, cur executioni mandari non possint. 149
- Regula XXXIX.** Rescripto pontificio tuta conscientia uti non potest, qui per suggestionem falsi, aut suppressionem veri illud impetravit, five sciens, five ignorans, modo tamen ea ignorantia fuerit, qua non interveniente datum non fuisset. 151
- Regula XL.** Graviter peccat Superior, qui dispensationem concedit, seu licentiam, ut præceptum legis non servetur, absque iusta causa. 152
- Regula XLI.** Regulares observantias Superiorum fidei, non voluntati commissæ sunt, unde nec in iis possunt dispensare, nisi cum necessitas, vel charitas exegerit. 153
- Regula XLII.** Privilegium reale, & corporale perpetuum est, non personale. 154
- Regula XLIII.** Privilegium multis modis irritum, aut caducum est. 155
- Regulæ XLIV. 156. XLV. XLVI. 157. XLVII.** 158
- Regulæ XLVIII XLIX L ibid & LI.** 159
- Regula LII.** Privilegium a Sede apostolica concessum episcopali juri non derogat, nisi in ipsis privilegii literis exprimatur. ibid.
- Regula LIIF.** Privilegium a Sede Apostolica concessum quibuscumque singu-
lari-

I N D E X.

laqueis personis, ut excommunicari, vel interdicti non possint, ad Ordinariorum sententias non extenditur, nisi tale privilegium concessum sit Regibus, Reginis, vel ipsorum filiis, vel religiosis Ordinibus, aut locis.	ibid.
CAPUT. II. De Præceptis Decalogi generatim spectatis.	160
ART. I. Omnia legis naturæ præcepta Decalogo continentur.	ibid.
ART. II. Lege Decalogi Christiani tenentur.	161
ART. III. Legis Decalogi observantiam suadet auctoritas, & beneficia Dei, Christi quæ subeunt.	163
ART. IV. Observantiam Decalogi suadet facilitas adimplendi mandata Dei.	167
ART. V. Observantiam Decalogi suadent fructus, qui ex illa derivantur, & merces a Deo promissa.	171
ART. VI. In duobus præceptis charitatis cætera continentur.	171
ART. VII. Divina mandata ex dilectionis Dei fieri debent.	176
ART. VIII. De ordine præceptorum Decalogi.	178
CAPUT III. De primo Decalogi præcepto.	181
ART. I. Explicantur hæc verba: Non habebis Deos alienos coram me.	ibid.
I. Deus colitur Fide, Spe, Charitate.	ibid.
II. Religio circa cultum Deo debitum versatur.	182
III. Qui sint actus interni religionis.	183
IV. Qui actus externi religionis.	184
V. Quid sit adoratio, & quot cultus religiosi species.	ibid.
VI. Adoratio duplex, interior, & exterior.	186
VII. De Sacrificio.	187
VIII. De Voto.	191
IX. Explicatur pars altera præcepti: Non habebis Deos alienos coram me.	198
ART. II. Cultus Sanctorum primo Decalogi præcepto non repugnat.	199
ART. III. Sacrum Reliquiarum honor primo Decalogi præcepto non repugnat.	203
ART. IV. Sanctorum invocatio primo Decalogi præcepto non prohibetur.	205
ART. V. Primi præcepti tertia pars explicatur: Non facies tibi sculptile, &c.	212
ART. VI. Usus, & veneratio sacrarum Imaginum hoc præcepto non prohibentur.	214
ART. VII. Regulæ proxim spectantes circa Sanctorum invocationem, sacrarum Reliquiarum honorem, & imaginum venerationem.	217
Regulæ I. ibid. & II.	219
Regulæ III. 221. & IV.	222
Regula V. Christiana plebs monenda est a pastoribus, ut ad Deum in Sanctis suis laudandum, non ob miracula præcipue, Sanctorum memorias frequentet.	224
Regula VI. Nemini licet ullo in loco, vel Ecclesia (etiam quomodolibet exempta,) ullam insolitam ponere, aut ponendam curare imaginem, nisi ab Episcopo approbata fuerit.	225
Regula VII. Sacrosanctam Trinitatem aliquibus figuris adumbrare licet, cavendum tamen, ne pater æternus sic humana specie sculptatur, aut pingatur, ut rudi populo errandi detur occasio, existimandique Deum corpoream formam circumscriptum esse.	226
ART. VIII. Regulæ proxim spectantes circa fidem.	229

Regu-

I N D E X

- Regula I.** Ad fidem necessaria est pia motio voluntatis. ibid.
- Regula II.** Non solum imprudenter, sed infideliter assensus supernaturalis repudiatur: & huiusmodi repudium lethale peccatum est. 231
- Regula III.** Assensus fidei supernaturalis, & utilis ad salutem non stat cum noticia solum probabili revelationis, aut cum formidine, ne non sit locus Deus. 233
- Regula IV.** Non solum fides unius Dei, sed etiam explicita Remuneratoris, necessaria est necessitate medii ad justificationem, & salutem. 235
- Regula V.** Fides explicita Incarnationis Domini nostri Jesu Christi, sub lege gratiæ necessaria est ad salutem omnibus, & singulis hominibus, cum necessitate præcepti, tum medii. 237
- Regula VI.** Fides explicita, & distincta Trinitatis omnibus, & singulis hominibus omnino necessaria est ad Justificationem, & salutem. 239
- Regula VII.** Omnes, & singuli Christiani tenentur omnes, & singulos articulos Symboli Apostolorum, saltem quoad substantiam, explicite credere. 240
- Regula VII.** Ea Mysteria, & dogmata explicite credenda sunt, quæ solemniter in Ecclesia celebrantur, & proponuntur. ibid.
- Regula IX.** Actus Fidei, Spei, & Charitatis tenetur homo elicere ex vi præceptorum ad eas virtutes pertinentium, idque non semel tantum in vita, sed sæpius. 243
- Regula X.** Actum fidei tenetur elicere homo quoties ad Justificationem disponere se debet, sive per Baptismum, sive per Pœnitentiam consequendam: sive extra hæc Sacramenta, si periculum urgeat, nec ea suscipere possit: idemque dicendum de actibus spei, & amoris divini. 243
- Regula XI.** Actum Fidei elicere tenemur, quoties Corpus Christi in Eucharistiæ Sacramento sumimus. 244
- Regula XII.** Actum fidei homo tenetur elicere, quoties tentationes patitur contra fidem, aut dubiis aliquibus fides ejus infirma pulsatur. ibid.
- Regula XIII.** In reliquis etiam gravibus tentationibus actus fidei est elicendus, ut dæmonem superemus. 245
- Regula XIV.** Actum fidei elicere tenetur homo, cum in mortis periculo versatur. 246
- Regula XV.** Christianus quilibet a potestate publica interrogatus, fidem profiteri tenetur: nec sola negatio, sed & dissimulatio, & silentium eo in casu lethale peccatum est. 247
- Regula XVI.** 249
- Regula XVII.** Falsam religionem simulare, lethale peccatum est. ibid.
- Regula XVIII.** Christianis apud Infideles degentibus uti licet rebus, vestibus, & signis nationis propriis, non falsæ religionis. 251
- Regula XIX.** Infidelitas gravissimum est omnium peccatorum. 252
- Regula XX.** Infidelitas deliberata, cujuscumque sit generis, lethale peccatum est: sed primi motus infidelitatis venialia dumtaxat sunt. ibid.
- Regula XXI.** Lethalis peccati reus est, qui cum Infidelibus de fide disputat tamquam dubitans 253
- Regula XXII.** Simplicibus, & infirmis in fide familiaritas cum infidelibus, & communio etiam civilis absque necessitate, prohibenda est: eamque vitare tenentur, si periculum subversionis illorum fidei immineat, alioqui mortale peccatum committunt, quoties in hoc periculum se conjiciunt. 254
- Regula XXIII.** Nemo hereticus est, nisi Christi fide suscepta, sit in errore fidei eidem manifeste repugnante pertinax. 259
- Regula

tatum suarum vehemenciam considerantes, suamque a-
becillitatem, superare eam per Dei gratiam desperanti
omne scelus projiciunt.

Regula IV. Contra spei præceptum lethaliter peccant,
tudine celestis gloriæ, & conditionis humanæ vilitate
& pusilli sunt animi, ut ad æternam gloriam aspirare.

Regula V. Contra spei præceptum peccant, qui ad ora-
spemque abjiciunt, quod in longum differri videatur
sperant.

Regula VI. Contra spei præceptum lethaliter peccant,
mine magis, quam in Dei auxilio confidunt.

Regula VII. Desperatio omnium peccatorum periculosa

Regula VIII. Contra Spei christianæ præceptum lethaliter
fidunt se permanentes in peccato misericordiam consec-
quandoque in melius mutare proponant, id nihilominus
runt, ac si de dono penitentiae accipiendi certi essent.

ART. X. Regula de dilectione Dei.

Regula I. Præceptum amoris Dei speciale est, non gene-
ræ præceptorum adimpletionem satisfiat, adeoque non est
sed affectivus amor Dei præcipitur hominibus.

Regula II. Sine actu amoris Dei non perficitur mandatum
omnia diligere jubemur.

Regula III. In rigore præceptum est hominibus, ut De-
riori affectu diligant, adeo ut ad salutem pervenire
lum divini amoris actum exercuerit.

Regula IV. Divini amoris actum non semel tantum in
solum cum debet justificari, sed sæpius, imo quam fre-
quo homo exercere tenetur.

Regula V. Deum non amat, sed primum, maximumque
qui alia re frui vult præter Deum.

Regula VI. Error est, & illusio pessima dæmonis, persu-
amorem Dei purissimus, & vitæ Unitivæ proprius, cura
servantiam mandatorum Dei & Ecclesiæ &c. & quod
tum operibus cessare debeat. Qui Deum amat

INDEX

- Regula II. Præceptum de dilectione proximi non implet, nisi qui proximum ad Deum adducere conatur, ipsique æterna bona procurare nititur, & quæcumque auxilia ei præbere potest, ut facilius ad Deum perveniat. 306
- Regula III. Officium dilectionis erga proximum est, illius onera portare. 312
- Regula IV. Lethaliter peccat contra dilectionem proximi, qui de vita aliqujus tristatur, & de morte illius naturali gaudet, aut illam desiderat inefficaci licet affectu, quamvis non ex displicentia personæ, sed propter aliquod temporale emolumentum. 314
- Regula V. Ordo in charitate servandus est. 315
- Regula VI. Non pervertitur ordo charitatis, cum circa res proximi magis occupamur, quam circa Deum, resque Dei, modo dilectioni Dei hominis dilectio non præponatur. 316
- Regula VII. Unusquisque tenetur proximo suo spiritualement necessitatem extremam patienti subvenire, etiam cum certo mortis periculo, si spes affulgeat, quod juvari possit. 318
- Regula VIII. Episcopi, & Pastores tenentur cum vitæ periculo suis ovibus succurrere gravem necessitatem spiritualement patientibus. 319
- Regula IX. Contra præceptum de proximi dilectione lethaliter peccant, qui inimicos odio habent 320
- Regula X. Speciali dilectione erga inimicos affici, extra necessitatis articulum, minime necesse est, sed solum in animi præparatione. 326
- Regula XI. Ad exhibenda inimicis signa, & officia dilectionis, quæ proximis in communi exhibentur, necessario tenemur: alioqui charitatis præceptum violamus, & lethaliter peccamus. 327
- Regula XII. Beneficia, vel signa dilectionis, quæ amicis speciatim exhibemus, inimicis exhibere non tenemur, nisi secundum præparationem animi. ibid.
- Regula XIII. Specialia beneficia, vel signa dilectionis exhibenda sunt inimicis in articulo necessitatis 328
- Regula XIV. Salutationem, colloquium, speciales orationes inimicis exhibere tenemur, cum id necessarium est ad vincendum odium, in quod sumus propensi: vel ad scandalum avertendum, vel ad reconciliandum inimicum, ipsumque ad charitatem, & ad Deum reducendum. 329
- Regula XV. Lethalis peccati reus est, qui grave malum optat, vel imprecatur inimico, aut de illius adversitate gaudet. 331
- Regula XVI. Inimicos a communibus orationibus nostris, quas pro aliis fundimus, excludere, aut contra illos Deum orare, lethale peccatum est. ibid.
- Regula XVII. Inimico etiam in odio pertinaci tenemur injuriam dimittere in præparatione animi, idest, odium, malevolentiam, & vindictæ appetitum deponere: alioqui lethalis peccati rei sumus. 334
- Regula XVIII. Inimico veniam petenti non solum tenemur offensam remittere, sed etiam aliqua benevolentia, seu reconciliationis signa exhibere: & qui id omittit, lethalis peccati reus est. 335
- Regula XIX. Actionem juridicam inimico veniam petenti remittere, sive satisfactionem pro injuria, vel damno condonare, Christianus non tenetur, &c 338
- Regula XX. Paratus esse debet Christianus ad Misericordiam in omnes homines exercendam. 342

I N D E X.

- Regula XXI.** In magis conjunctos prius, & uberius exercenda est beneficentia, cæteris paribus. ibid.
- Regula XXII.** Lethaliter peccat contra præceptum charitatis, qui pauperibus extremam, vel gravem, imo & communem necessitatem patientibus, eleemosynam, prout potest, non erogat, his saltem ex superfluo; illis etiam ex necessario sui status. 344
- Regula XXIII.** Non modo Christi præceptum, sed spirituales fructus ex eleemosyna provenientes, ad illam erogandam christianum hominem incitare debent. 345
- Regula XXIV.** Pauperibus omnibus etiam improbis, eroganda est eleemosyna, ita tamen, ut eorum non foveatur improbitas. 351
- Regula XXV.** Validis mendicantibus, ignavis, otiosis, qui laborare nolum, cum possint, eleemosyna non est ita facile, & copiose eroganda. 353
- Regula XXVI.** Severiori examine pauperes non sunt discutiendi; nec curiosius inquirendum, an paupertatem simulent. Modus tamen servandus est, ne profundatur in indignos, & minus indigentes, quod dignioribus, & magis indigentibus debebatur. 354
- Regula XXVII.** Non obviis tantum pauperibus eroganda est eleemosyna; sed pauperes quærendi, & illis maxime subveniendum, qui præ verecundia petere non audent. 357
- Regula XXVIII.** Eleemosyna christiana liberalis, & copiosa esse debet; juxta facultatum uniuscujusque rationem. 359
- Regula XXIX.** Eleemosyna christiana prompta esse debet. 363
- Regula XXX.** Eleemosyna christiana cum hilaritate fieri debet. ibid.
- Regula XXXI.** Eleemosyna christiana humilis esse debet. 365
- Regula XXXII.** Eleemosyna christiana, iusta sit necesse est; ex bonis, scilicet, propriis, non ex alienis, & male partis. 368
- Regula XXXIII.** Quicumque sub alterius potestate constitutus est; de his, quorum dominium non habet, eleemosynam erogare non potest, nisi cum ejus licentia, cujus subest potestati. 370
- Regula XXXIV.** Monachus, cui dispensatio, vel administratio bonorum monasterii non est concedita, eleemosynas sine licentia Superioris, vel expressa, vel probabiliter præsumpta, facere non potest, nisi in articulo extremæ necessitatis. 371
- Regula XXXV.** Uxor ex bonis mariti, vel ex bonis communibus, quorum administratio ad ipsum pertinet, eleemosynas erogare absque ipsius consensu non potest, nisi forte modicas, quæ ab ejusdem conditionis mulieribus fieri consueverunt, aut in extremæ necessitatis articulo. 372
- Regula XXXVI.** Filii familias eleemosynam erogare non possunt absque consensu patris, nisi ex iis, quorum dispensatio ipsi a patre commissa est, aut ex peculio castrensi, aut quasi castrensi. 375
- Regula XXXVII.** Famuli, & ancillæ ex rebus dominorum suorum eleemosynam dare non possunt absque eorum consensu, nisi forte fragmenta quedam panis, aut quid simile. 376
- Regula XXXVIII.** Eleemosynam propria manu pauperibus erogare, majoris est meriti. ibid.
- Regula XXXIX.** Mortaliter peccat contra præceptum de dilectione proximi, qui proximum lethaliter peccantem non corripit, cum potest, & debet, ipseque probabilis asfulget emendationis. 377
- Regula XL.** Non solos Prælatos, sed omnes, & singulos Christianos obligat præceptum de correptione fraterna. 379

INDEX

Regula XLI. Præceptum de correptione fraternâ Prælatos gravius obstringit respectu subditorum.	381
Regula XLII. Correptionem fraternam Prælatus etiam suis subditis debent, servata debita reverentia, mansuetudine.	382
Regula XLIII. Ubi periculum fidei immineret, Prælatus a subditis etiam publice arguendi essent.	383
Regula XLIV. Pescator fraternæ correptionis officium impendens alteri, non peccat: præcedente tamen peccato suo emendationi proximi impedimentum avertit.	384
Regula XLV. Omissio correptionis fraternæ peccatum est, si quis illam omittit ex metu, vel cupiditate, cum ad illam tenetur ex officio, aut extrema necessitas proximi postulat tam salubre remedium.	386
Regula XLVI. Omissio correptionis fraternæ veniale peccatum est, cum timor, & cupiditas tardiorē faciunt hominem ad corripienda delicta fratris.	387
Regula XLVII. Nemo tenetur peccatores quærere, quos corripiat, aut in aliorum vitam inquirere. Superiores tamen diligentius scrutari tenentur vitam subditorum, & inquirere, si quid in ea correptione dignum est.	388
Regula XLVIII. Cum de nullius emendatione desperandum sit, quamdiu in mortali vita constitutus est, nemini quantumvis obdurato negandum est fraternæ correptionis officium.	389
Regula XLIX. Omittenda est fraternæ correptio, si probabile sit illi, qui corripitur, nihil profuturam; imò illius occasione in nova crimina revertitur.	390
Regula L. Omittenda non est correptio judicialis, seu quæ vim habet cogendi, & pertinet ad Prælatos, etsi probabile sit non profuturam ei, qui corripitur.	391
Regula LI. Quamvis probabile sit correptionem non statim profuturam, sed odiosam, & ingratam fore, si tamen aliquando utilem fore spes sit, nequaquam omittenda est.	392
Regula LII. Cum peccatum occultum, & soli peccanti, ac ei, in quem peccatur, noxium est, secreta admonitio denuntiationi præmitti necessario debet.	393
Regula LIII. Cum peccatum occultum est, vergens tamen in nocuum aliorum, sive corporale, sive spirituale, statim denuntiandum est absque monitione privata.	396
Regula LIV. Contra fraternæ correptionis ordinem non peccat, qui peccatum occultum fratris denuntiat Prælato, non quidem ut iudici, sed ut patri, ad officium charitatis majori quadam efficacia exequendum, prius quam testes adhibeat.	399
Regula LV. Prælato in Visitatione præcipienti, ut qui eorum oritur reos noverit, illos denuntiet, ubi nullus est accusator, nec publica præcessit infamia, quæ Inquisitioni det locum, subditi parere non tenentur contra fraternæ correptionis ordinem.	400
Regula LVI. Peccata publica publice sunt corripienda, nec eorum denuntiationi privata admonitio præmittenda est.	402
Regula LVII. Correptio fraternæ cum humilitate, charitate, & mansuetudine exercenda est.	ibid.
ART. XII. Regulæ Praxim spectantes circa Vota.	407
Regula I. Quæ secundum se, ac semper bona sunt, congrua sunt voti materia.	ibid.
Tom. VIII.	Re.

I N D E X

- Regula II.** Quæ secundum se peccata sunt, non possunt esse materia voti. *ibid.*
- Regula III.** Quæ secundum se bona sunt, & tamen malum eventum possunt habere, sunt quidem legitima voti materia: sed tamen hujusmodi vota non est observandum, quando malum eventum habet. *ibid.*
- Regula IV.** Vota de immoderatis vigiliis, jejuniis, aliisque corporis macerationibus secundum arbitrium Superioris servanda sunt, vel remittenda. 405
- Regula V.** Vota de rebus vanis, & inutilibus sunt magis deridenda, quam servanda. 409
- Regula VI.** Violatio voti lethale ex genere suo peccatum est. *ibid.*
- Regula VII.** Votum absolutum absque mora implendum est; conditionatum, aut ad certum tempus emissum, impleta conditione, ac statò tempore solvi debet. Unde mora in reddendo voto, cum illud impleri commoda: potest, grave peccatum est. 412
- Regula VIII.** Qui ad votum implendum factus est impotens, facere debet, quod potest: alioqui lethaliter peccat, quoties agit contra votum in eo, quod potest implere. 413
- Regula IX.** Juvenis voto, vel juramento ad statum religiosum amplectendum inducere licet, servatis debitis circumstantiis. 414
- Regula X.** Qui voto, vel juramento adulta ætate, sponteque emissio, ad statum religiosum amplectendum se obstrinxerunt, illum amplecti, seu monasterium ingredi, ac religiosum habitum suscipere tenentur. 417
- Regula XI.** Peccatoribus religiosæ vitæ professionem imperare, aut penitentiam imponere non licet: ad id tamen vitæ genus ipsos invitare, & adhortari, licitum, ac laudabile est. 418
- Regula XII.** Lethalis peccati reus est, qui aliquem juramento adstringit, ne vitam religiosam profiteatur, aut ab ingressu monasterii, & religiosæ vitæ professione, positis debitis circumstantiis facienda, prohibet, vel avertit. 419
- Regula XIII.** Qui vi, fraude, dolo, metu, qui virum constantem commovere possit, aliquem ab ingressu monasterii, aut religiosæ vitæ professione revocavit, impedimenta, quæ apposuit, remove debet, & monasterio damnatum, quod inde patitur, compensare ad arbitrium viri prudentis. 422
- Regula XIV.** Qui religiosam vitam professus est in monasterio, ubi regulæ strictior observantia non viget, ad id duntaxat vitæ genus se obligare volens, quod ibi agitur, nihilominus tenetur ea, quæ substantiam regulæ, seu tria vota præcipua spectant, ad amissim observare. Ad alias vero observantias non obligatur, quamdiu Superiorum dissimulatione relaxatio disciplinæ toleratur in iis, quæ regula, vel constitutiones non præcipiunt. 423
- Regula XV.** Moniales professæ in Monasteriis, in quibus Clausura non servabatur, nec olim fuerat observata, & ad eam suscipiendam, & religiosæ servandam tenentur, cum ab Episcopis, aliisque Superioribus legitimis imperatur, & imponitur: in lethalis alioquin peccati reatum incurrunt. 424
- Regula XVI.** Qui dubitat, an votum emisit, illud implere tenetur. 427
- Regula XVII.** Qui dubitat, an actus aliquis voto a se facto repugnet, ab illo tenetur abstinere, alioqui lethaliter peccat. 428
- Regula XVIII.** Religiosa professio ante decimum sextum ætatis annum expletum, & annum probationis continuum, pariterque completum facta, irrita est. *ibid.*
- Regula XIX.** Vota simplicia, ante pubertatis ætatem emissæ irrita sunt, nisi

I N D E X.

- rationis usus pubertatem præcøsserit , parentesque , vel tutores permiserint , aut certe de voto certiores facti non repugnaverint. 429
- Regula XX. Vota sine plena libertate , ac deliberatione facta , nullatenus obligant , sed penitus irrita sunt. 431
- Regula XXI. Vota ex metu a causa extrinseca , & libera illato , atque in virum constantem cadente facta , ipso jure irrita sunt , si metus ad extorquendum votum incussus fuerit. 433
- Regula XXII. Monachi , & moniales , quorum professio nulla est , regularem habitum dimittere non possunt tuta conscientia nisi servata forma in Concil. Trident. præscripta , & infra quinquennium a die professionis reclamaverint. 434
- Regula XXIII. Professio emissæ per dolum , aut circumventionem Abbatis , vel Abbatissæ , valida est , & professum ligat in utroque foro : sed tamen bona temporalia illius monasterium non acquirit , eaque sunt heredibus restituenda. 436
- Regula XXIV. V. Quicumque sunt alterius potestati subiecti , vota firma emittere non possunt sine illius consensu , in his , in quibus illi subjiuntur. 437
- Regula XXV. Vivendo non peccant , qui sunt alterius potestati subditi. 440
- Regula XXVI. Religiosa professione absolvitur homo a votis omnibus in seculo factis. 441
- Regula XXVII. Dispensatio in votis auctoritate Ecclesiæ concedi , aut eorum commutatio fieri potest. 442
- Regula XXVIII. Ad dispensationem , aut commutationem voti requiritur Prælati auctoritas. 443
- Regula XXIX. Summus Pontifex in Ecclesia universa dispensare potest in votis quibuscunque , quorum dispensatio Ecclesiæ commissæ est. 444
- Regula XXX. Majorum quorundam votorum dispensatio , vel commutatio summo Pontifici reservata est , tam jure , quam consuetudine. 445
- Regula XXXI. In minoribus , communibusque votis dispensare possunt Episcopi , & Prælati regulares ordinum , & monasteriorum exemptorum , cum suis duntaxat subditis. 446
- Regula XXXII. In votis dispensare absque causa legitima Prælati non possunt , vel ea commutare. 447
- Regula XXXIII. Votum de dispensatione voti non petenda imprudens est , nec semper obligat voventem. 448
- ART. XIII. De peccatis religioni oppositis. 449
- ART. XIV. Regulæ morales circa peccata religioni opposita. 450
- Regula I. Indebitus Dei cultus lethale ex genere suo peccatum est. 451
- Regula II. Incertæ Reliquiæ in atrio , aut sub parietibus Templorum , aut circa ipsa , sepeliendæ sunt , ne populus Christianus indebiti cultus superstitione polluat. 452
- Regula III. Reliquias unius Sancti pro alterius Reliquiis colendas ex industria proponere , ubi comperta falsitas , vel dubia res est , lethale peccatum est indebiti cultus. 453
- Regula IV. Nullius peccati rei sunt , qui Reliquias unius Sancti pro reliquiis alterius bona fide colunt. 454
- Regula V. Nullius peccati reus est , qui bona fide illum invocat , quem Sanctum esse certo credit , quamvis revera sanctus non sit. 455
- Regula VI. Ritus alios , & preces in Missarum celebratione adhibere , præter

INDEX

- res, quæ ab Ecclesia receptæ sunt, aut quarumdam Missarum, & candle-
rum certum numerum observare superflui cultus superstitio est.
- Regula VII. Idololatria peccatorum omnium gravissimum est.
- Regula VIII. Lethalis peccati gravissimi rei sunt, non solum, qui divina-
nem, magiam, aut sortilegia exercent, sed & qui ariolos, magos, so-
tilegos, sive maleficos consulunt, eorumque opere utuntur.
- Regula IX. Quantumlibet gravis rei temporalis iactura facta fuerit, quo-
tumvis grande periculum timeatur, quantacumque speretur utilis
ariolos, & divinatrices adire non licet, nec propterea minus peccatum
est.
- Regula X. Lethalis peccati rei sunt non solum, qui Astrologiam Judæi-
cam præstentur, verum etiam qui Astrologos, seu Genethliacos con-
sulant, vel aliorum Horoscopos confici curant, ut ab eis bonam, vel ma-
lam fortunam, & omnia sibi eventura perdiscant.
- Regula XI. Divinatio per auguria, omina, occurfus, &c. perniciose super-
stitio est, & lethale peccatum.
- Regula XII. Lethalis superstitionis rei sunt, qui adhibito certæ cupressi
arboris ramo, seu baculo certæ figuræ, certâ sub constellatione ex
bore abscisso, vel avulso, certisve characteribus notato, thesauros
absconditos scrutantur, & ubi sint absconditi, divinant. Lethalis peccati
superstitionis rei sunt, qui huiusmodi hominum arte, & opera ad inven-
dum, & detegendum thesauros occultos utuntur.
- Regula XIII. Divinatio per somnia, si ad ea extendatur, ad quæ non po-
test pertingere, vana, & superstitiosa est, taciturnumque pactum cum
morte involvit, adeoque est lethale peccatum.
- Regula XIV. Divinatio per sortes lethale ex genere suo peccatum est.
- Regula XV. Divisoriis scriptibus uti, modo sortium moderatio, ac directio
Deo expectetur, & debite conditiones concurrant, nullum est peccatum.
- Regula XVI. Ars notoria penitus illicita, & superstitiosa est, eaque uti
lethale est peccatum.
- Regula XVII. Observatio dierum, mensium, & annorum ad fortune
eventus, vel ad directionem humanorum negotiorum, & actionum, quæ
nullatenus pendent a siderum influxu, superstitio est, & lethale pec-
catum, nisi rustica simplicitas, & ignorantia invincibilis excuset.
- Regula XVIII. Observantia sanctorum, qua media inanitia ad sanandos mor-
bos

I N D E X

- Regula XXV.** Maleficium altero maleficio tollere, aut maleficos adire, ad eorum uti opera, ut hoc modo tollant, vel sic tollere volentibus consensum præbere, nusquam licet, sed lethale semper peccatum est. 527
- Regula XXVI.** Cum a malefico petitur, ut maleficium tollat, expresse protestari debet, qui petit, se nihil commune cum Diabolo habere velle, nollegue ejus opera sanitatem consequi, & omni pacto renuntiare. 534
- Regula XXVII.** Summa cautione se gerat Sacerdos in eorum Absolutione, qui superstitionis peccata confitentur. 539
- Regula XXVIII.** Sacrilegium lethale ex genere suo peccatum est, tanto gravius, quanto res sacra, in quam peccatur, majorem habet sanctitatem. 535
- Regula XXIX.** Scripture sacre, aut officiorum ecclesiasticorum verbis ad superstitiones, ad scurrilia, & vana colloquia, ad distractiones, & libellos famulos, ad adulationes abuti, lethale sacrilegium est. 536
- Regula XXX.** Omne peccatum a sacra persona, vel in personam sacram commissum, sacrilegium non est proprie dictum. 537
- Regula XXXI.** Deum tentat, quisquis humanis, & ordinariis mediis non destitutus, ea sine causa omittit, & negligit, seque periculo exponit. 538
- Regula XXXII.** Ad Dei tentationem pertinet medicina uti nolle, cum morbos patimur, ex quibus sine remediõrum naturalium subsidio evadere, aut convalescere non possumus. 539
- Regula XXXIII.** Ille Deum tentat: qui ad orationem se non præparat, & postulat a Deo remissionem peccatorum, non condonans aliis injurias sibi illatas. 545
- Regula XXXIV.** In religione Deus tentatur, cum signa, & prodigia flagrantur, non ad aliquam salutem, sed ad solam experientiam desiderata. ibid.
- Regula XXXV.** Qui Deum teitem invocatur, illum non tentat. 547
- CAPUT. IV. De secundo præcepto Decalogi.** 548
- ART. I.** Quis sit hujus præcepti sensus: Non assumes nomen Dei tui in vanum, &c. ibid.
- ART. II.** Quid sit juramentum: Quotuplex; & utrum secundo præcepto Decalogi sit prohibitum. 558
- §. I.** Quid sit jusjurandum. ibid.
- §. II.** Quotuplex jusjurandum. 561
- §. III.** Juramentum debitis conditionibus munitum, licitum est, tantum abest, ut secundo Decalogi præcepto adversetur. ibid.
- ART. III.** Regulæ morales de juramentis, & perjuriis. 570
- Regula I.** Perjurium omne lethale peccatum est. ibid.
- Regula II.** Reus est perjuri non solum, qui jurat tanquam verum, quod falsum esse novit: sed & qui temere, & inconsiderate jurat, quod verum esse putat, & tamen falsum est: & qui jurat, quod falsum esse putat, & forte verum est. 572
- Regula III.** Perjuri sunt, qui promissum juramento confirmant, cum proposito non implendi, quod promittunt, aut illud revera non implent, cum res promissa possibilis, & licita est, nec melioris boni est impedimentum. 573
- Regula IV.** Reus est perjuri, qui promittit aliquid, quod non est in ejus potestate, nec probabiliter futurum est, si promissum imprudens juramento confirmet. 574
- Regula V.** Reus est perjuri, qui jurat aliquid per se malum, aut quod melioris boni impedimentum est: & si juramentum servet, cum res est per se mala, perjuriũ novo scelere cumulatur. ibid.

I N D E X.

Regula VI. Perjurium, vel in re levi, & joco prolatum, lethum minus peccatum est.

Regula VII. Qui ex lapsu linguæ falsum jurat, si considerate, & beratione juret, perspectamque habeat falsitatem, quam jurat perjurii reus est: si autem non advertat, nec jurandi intentionem venialis duntaxat peccati labem incurrit.

Regula VIII. Quæcunque juramenta vergunt in pejorem exitum, non sunt, nec reus est perjurii, qui illa violaverit.

Regula IX. Juramentum gravi metu extortum obligat; perjurii reus est illius violator, nisi vinculo illius a romano Pontifici Episcopo solutus fuerit.

Regula X. Juramentum extortum dolo, vel errore, qui causa est fisionis, vel contractus, irritum est; si vero dolus non sit causa prænisi, vel contractus, firmum est juramenti vinculum.

Regula XI. Lethalis perjurii reus est, quicumque dolose jurat, juri verba proferens absque animo jurandi, aut fidem suam obligandi: restrictiones mentales, & æquivocationes jurando adhibent, lethali jurium committunt.

Regula XII. Hostes etiam publicos dolose, & mentali restrictione, æquivocatione fucata, fallere non licet. Qui id fecerit, vel tentaverit, lethalis perjurii reus est.

Regula XIII. Nec pro vitæ propriæ, vel alterius conservatione, favorem fidei commissum perjurium a lethali peccati labe immune est.

Regula XIV. Quamvis per falsos Deos jurare sit impium, reus tantum perjurii, qui tale juramentum non servat.

Regula XV. Suscipere potest Christianus juramentum illius, qui per Deos juraturus est, illoque uti, imo & jusjurandum ab eo ex quo quem ita juraturum non dubitat.

Regula XVI. Reus non est perjurii, qui ob justam, & legitimam causam juramentum non implet.

Regula XVII. Jusjurandum, quo quis jurat se servaturum statuta a Capituli, Universitatis, Collegii, aut Societatis cujuslibet, interdum est, duntaxat de statutis honestis, licitis, quæ contrariâ condicione minime sunt abrogata: & de iis, quæ condita sunt, non quæ turpem condicentur: nisi forma juramenti id exprimat, vel jurantem

INDEX

- Regula XXV.** 609
- Regula XXVI.** Cum id, quod jramento promissum est, honestum est, & utile, dispensatio, vel commutatio justa de causa peti potest, &c. *ibid.*
- Regula XXVII.** Jusjurandum in suum favorem, & utilitatem præcipue factum, privatus quisque remittere potest. 611
- Regula XXVIII.** Superior quilibet subditorum suorum juramenta irrita facere potest circa ea, quæ ipsius potestati subduntur. 612
- Regula XXIX.** Gravis peccati rei sunt, qui leviter, temere, absque necessitate, aut justa utilitate, ex prava consuetudine jurant. *ibid.*
- Regula XXX.** Qui per fidem suam passim, crebro & sine causa jurant, temerarii juramenti rei sunt. 620
- Regula XXXI.** Blasphemia crimen est perjurio gravius. 621
- Regula XXXII.** Blasphemix reus est, quisquis cogitato, & deliberate verba in Deum, aut Sanctos contumeliosa profert, eorum significationem advertens, quamvis actualem blasphemandi intentionem non habeat. *ibid.*
- Regula XXXIII.** Blasphemix reus est, quisquis Dei nomen, aut attributum aliquod incommunicabile creaturæ tribuit. Ejusdem criminis reus est, qui sibi tribui patitur. 624
- Regula XXXIV.** In foro conscientix nemo blasphemix reus absque gravissima poenitentia absolvendus est. 624
- Regula XXXV.** Quilibet christianus alterum blasphemantem audiens, ipsum pro virili corripere, & objurgare tenetur, & Judici ecclesiastico; vel seculari denuntiare: gravis alioquin peccati silendo reus est. 628
- Regula XXXVI.** Gravis peccati rei sunt iudices, qui blasphemos secundum leges non plectunt. 629
- CAPUT V. De tertio præcepto Decalogi.** 631
- ART. I.** Qui sit hujus præcepti sensus. 632
- ART. II.** Utrum præceptum de sanctificatione Sabbati Christianos etiam spectet. 634
- ART. III.** Cur Sabbati celebritas in Dominicam Diem translata sit. 643
- ART. IV.** De festorum dierum observatione. 645
- ART. V.** De jejniis Ecclesiasticis. 649
- §. I.** Quid sit jejunium: Quis ejus finis: Quæ utilitas. *ibid. & seq.*
- §. II.** Ecclesia auctoritatem habet instituendi, & præcipiendi abtinentiam, & jejunium certis diebus, & temporibus. 654
- §. III.** Quadragesimalis jejunii causæ explicantur. 659
- §. IV.** Abtinentia a carnibus ecclesiastici jejunii pars est. In abtinentia a lacticiis quisque sequi debet Ecclesiæ consuetudinem, in qua vivit. 662
- ART. VI.** Regulæ moralis Christianæ circa religiosam Dominicæ diei, & Festorum observationem. 665
- Regula I.** Lethalis peccati rei sunt, qui servilia opera, aliaque Canonibus, & legibus prohibita, Dominicis, Festisque diebus exercent, exceptis causis pietatis, ac justæ necessitatis, quorum judicium penes Episcopos esto. *ibid.*
- Regula II.** Pietatis, & justæ necessitatis causa, servilia opera festis diebus exerceri possunt. 672
- Regula III.** Convivia publica, & comestiones, choreæ, ludi, & cujusvis generis spectacula Dominicis, Festisque diebus agi, duci, exhiberi, frequentari sine gravi peccato non possunt, quibus præsertim horis officia divina celebrantur. 684

I N D E X

- Regula IV.** Festorum numerum ab Episcopis minui præstat, ubi eorum violatio vix cohiberi potest. 629
- Regula V.** Præceptum de sanctificatione spiritali Sabbati magis violare censentur, qui Dominicis, aut festis diebus lethale peccatum committunt, quam qui quodvis opus corporale, alias bonum, & licitum faciunt. 686
- Regula VI.** Quilibet Christianus Dominicis, & festis diebus Missam integram attente, & devote audire tenetur, nisi ipsam morales impossibilitas, seu gravis necessitas excuset; alioqui lethalis peccati reus est. 690
- Regula VII.** Nec successiva, nec simultanea duarum partium diversarum Missarum auditione impletur præceptum Ecclesiæ de audienda Missa Dominicis, aut festis. 696
- Regula VIII.** Qui Missæ adest absque interna animi devotione, & attentione, totoque tempore, vel per magnam partem Sacri voluntarie distractus est, non satisfacit Ecclesiæ præcepto, quamvis cum externa devotione adstet. ibid.
- Regula IX.** Graviter peccant, qui cum peccati lethalis affectu Missæ sacrificio Dominicis, & festis diebus interfunt. 702
- Regula X.** Conveniens Dominicæ diei, festorumque sanctificatio postulat, ut Fideles verbum Dei audiant, vespertinis officiis intersint, in piorum librorum lectione, aliisque pietatis operibus sacros illos dies transigant. 708
- ARTIC. VII.** Regulæ Moralis christianæ circa jejunia ecclesiastica. 714
- Regula I.** Violatio jejunii ecclesiastici lethale ex genere suo peccatum est. ibid.
- Regula II.** Lethalis peccati rei sunt caupones, & alii, qui alicui ad jejunium obstricto cibos viticos parant, offerunt, præbent, vel coenant exhibens, bene pransis. 719
- Regula III.** Ab ecclesiastici jejunii observatione Christianorum nemo dispensatur, nisi ob inevitabilem necessitatem, ætatis impossibilitatem, aut gravem infirmitatem, atque languorem. Illi autem cibis viticis uti, aut jejunium solvere non debent, quorum valetudo id postulat, prius quam facultatem a pastoribus obtinuerint. 720
- Regula IV.** Cum dubium est, utrum sufficiens sit, & legitima causa solvendi jejunium, necessario postulanda est dispensatio, &c. Alias qui abstinenciam, aut jejunium violant manente dubio, an legitime excusentur, peccati lethalis rei sunt. 734
- Regula V.** Gravis peccati rei sunt medici, qui consilio suo, aut testimonio præbent occasionem violandæ abstinenciæ, frangendive jejunii absque legitima causa. 736
- Regula VI.** Qui carnes diebus abstinenciæ consecratis cum licentiâ comedunt, jejuniumve solvunt, soli comedere debent, ne cui scandalo sint. 737
- Regula VII.** Die natalis Domini in Feriam sextam incidente, Christianis omnibus carnes comedere licet, iis exceptis, qui voto, aut regulari observantiâ prohibentur. Idem esto iudicium de sabbatis post Natale Domini ad Purificationem usque Deiparæ Virginis, secundum morem quarundam Ecclesiarum. 748
- Regula VIII.** Sabbatis illis, aut aliis diebus, quibus Diocesana lege, aut consuetudine abstinencia, aut jejunium servatur ex præcepto, civibus, aut oppidanis non licet ad loca vicina divertere eo fine, ut carnibus vescantur, vel a jejunio se eximant. 748
- Regula IX.** Qui licentiam comedendi carnes diebus jejunio consecratis ab Episcopo ob causam legitimam obtinuerunt, non sunt immunes a jejunii lege censendi, si jejunare valeant. 748

I N D E X.

- Regula X.** Unica refectio ita est essentialis jejunio, ut qui plures refectio-
nes sumunt diebus jejunio consecratis, & jejunare tenentur, violatores
jejunii, & lethalis peccati rei censendi sint. 744
- Regula XI.** Qui secunda refectio violavit jejunium, toties peccare vi-
detur, quoties postea comedit. 746
- Regula XII.** Cœnula, seu vespertina collatio non solvit jejunium, modo
cœnula non vertatur in cœnam. 747
- Regula XIII.** Refectionis tempus secundum hodiernam Ecclesiæ disci-
plinam est meridies. Quam horam si quis multum anticipaverit sine causa
legitima jejunii violator censendus est, lethalisque peccati reus. 749
- Regula XIV.** Quamvis aquæ potus jejunium non solvat, vinum tamen,
ficeram, cerysiam, vel alios liquores extra refectionis horam jejunii
diebus sumere non licet. Unde falsum est tritum illud proverbium: Li-
quidum non frangit jejunium. 753
- Regula XV.** Jejunii meritum perdunt, qui ciborum, ac liquidorum deli-
cias, & variæ gulæ irritamenta, jejunii diebus exquirunt, copiosiusque
præbent, & lautius, ut jejunii laborem minuant. 755
- Regula XVI.** Christianum jejunium abstinencia ab omni voluptate etiam
licita, a venationibus, ludis, jocis commendare debet. 757
- Regula XVII.** Christianum vere, Deoque gratum jejunium non est, quod
abstinencia ab omni peccato mortali, & exercitatio in omni virtutum
genere non commendat. 759
- Regula XVIII.** Eleemosyna christiani jejunii comes esse debet, ut pau-
peribus erogetur, quod in sumptus secundæ refectionis impenderetur. 764
- Regula XIX.** Nullius est meriti jejunium, si Christianus jejunans injurias
non dimittit. 771


Finis Tomi Octavi.



17717 BOOK SLIP,
THE CATHEDRAL LI
3 EAST 50TH ST., NEW







TEXT BINDING

